

माओ त्से तुंग

ना संकलित रचनांग

ग्रंथ 1



अनुवाद - जनी

दुनिया ता मजदूरलोer उंदी आयमूट!

दुनिया ता मजदूरलोer उंदी आयमूट!

माओ त्सेतुंग
ना
संकलित रचनांग
ग्रंथ-1

पहली गोंडी संस्करण 2020



पहिला हिंदी संस्करण - 1976 पेकिंग

इद ग्रंथ पीपुल्स पब्लिसिंग हाउस पेकिंग तल 1968 लोप्पा छपेमात्ता “माओ त्से तुंग ता संकलित रचनांग” ग्रंथ 1 ता चीनी संस्करण ता हिंदी अनुवाद आंदू विदेशी भाषा ता संस्करण अनुसार तिना लोप्पा इचुन बदलाव कित्ताद मंता।

हिंदी संस्करण तल पहली बेरा गोंडी अनुवाद – 2020

अनुवाद - जनी

जंगोम प्रेस



毛泽东

प्रकाशक ना पोल्लो

“माओ त्सेतुंग ना संकलित रचनांग” पोरोल ते छप्पेमात्ता इंजेटा संस्करण (Edition) लोप्पा कामरेड माओ त्सेतुंग ना चीनी क्रांति लोप्पा अलग-अलग कालम ते रास्ता महत्वपूर्ण लेख शामिल मंतांग। इगे उचुक सालकुने वेल्ले जागाने “माओ त्सेतुंग” ना बचुको चीनी संस्करण छपेमात्तांग। मति लेखक (रासानोर) इविनगडल बदे संस्करण तुन छपेमायना मुन्ने पढ़ेमायवा मत्तोर। छापे कित्ता लेख बेस कीत्तद हिल्ला मत्ता, प्रिंटिंग लोप्पा उचुन शब्दकु गलत मत्तांग, ओसो उचुक महत्वपूर्ण लेख किन विडस्ताद मत्ता। इंजेटा पुस्तक ता विषय किन समय हिसाबते, 1921 ते चीन कम्युनिस्ट पार्टी ता स्थापना आतस्केडल ताना इतिहास ता मुख्य कालम अनुसार सुधरे कित्ताद मंता। इद संस्करण लोप्पा इदिनकु मुन्ने बदे संस्करण लोप्पा हिल्ला महत्वपूर्ण लेख किन वेन्ने परताचोन शामिल कीत्तद मंता। लेखक इद संस्करण ता सब्बे लेख किन पढ़े मातोर, ओसो उचुक जागा ने शब्द कुना बदलाव कित्तोर। ओसो उंदी-रेंडु लेख कुना लोप्पा बदलाव ओसो संशोधन वेन्ने कीत्तद मंता।

इद प्रकाशन ता संबंध ते दोड़ रास्ता पोल्लोंग किन स्पष्ट कियाना जरूरी मंता।

- 1) वर्तमान संकलन (रचना) पूरा आत्ताद हिल्ले। बारांकु इत्तेके क्रांतिकारी दस्तावेज किन क्वोमिंगतांग प्रतिक्रियावादी लोर नष्ट कित्तोर लेवेके वेल्ले समय एवनल ताकता युद्ध लोप्पा मायतांग, अदिन के माटु कामरेड माओ त्सेतुंग ना सबे रचनांग किन संकलित किया परवोम, खासकर ओना रास्ता लेक्का हिल्ला चिडिंग किन ओसो टेलिग्राम किन शामिल किया परतद हिल्ले। इद ओरु रास्ता लेख कुना लोप्पा बेहरा हिस्सा मत्ता।

- 2) वेल्ले प्रचार आत्ता उचुक लेख कुन (उदा. “नाहकुना जांच-पडताल” लेखकटा) लेखक ना सुझाव अनुसार ते इद संकलन लोप्पा शामिल कीत्ताद हिल्ले, ओसो अदिन काजे “आर्थिक ओसो वित्तीय समस्यांग” पोरोल ता लेख ता पहला अध्याय (“मावा मुन्ने कित्ता कबस्कुना बुनियादी सार”) किने इगा शामिल कीतद मंता।
- 3) इंजेटा संकलन लोप्पा उचुक व्याख्यात्मक (विस्तारते वेहना) नोट किन जोड़े कीतद मंता। हेडिंग किन स्पष्ट कियाना उचुक नोट्स लेख ता पहली पन्ना ता दोड़ हित्तद मंता, ओसो पिस्ता राजनीतिक लेवेके दूसरा नोट्सकु हर लेख ता आखरी ते हित्तद मंता।
- 4) इंजेटा चीनी संस्करण उंदी पुस्तक ता रूप ते हिल्लेके नालुंग पुस्तक कुना उंदी सेट ता रूप ते मंता। सेट ता पहली पुस्तक लोप्पा पहली क्रांतिकारी गृहयुद्ध ता कालम ओसो दूसरी क्रांतिकारी गृहयुद्ध ता कालम शामिल मंता, दूसरा ओसो तीसरा पुस्तक लोप्पा जापानी-आक्रमण-विरोधी युद्ध ता कालम शामिल मंता, ओसो चौथा पुस्तक लोप्पा तीसरी क्रांतिकारी गृहयुद्ध ता कालम शामिल मंता।

चीन कम्युनिस्ट पार्टी केंद्रीय कमेटी ता
माओ त्सेतुंग ना संकलित-रचनांग प्रकाशन समिति
25 अगस्त 1951

अनुवादक ना बगिल तल

11-12 साल उमर ते मंदानास्केटल बेहरोर वड़कना पोल्लॉग केंजसोरे बेरसताना। बेरसोरे दायना संगे इव पोल्लॉग कुन पाटांग ओसो भाषण कुना लोप्पा वेने केंजा वात्ता। नन्ना सुडलास्केटल मंदाना नाटे ओसो नावा नालुंग बगिल ता वातावरण लोप्पा इद्रम ता बेहरा-बेहरा ओसो मावा रोज ता पिस्वल संगे जुड़ेमासी मत्ता पोल्लॉग केंजवा मत्तांकु, नावा लोप्पा इविन पुंदाना गिर्दा बेरससोर हत्ता। नावा काजे इव वेल्ले पूना पोल्लॉग मत्तांग।

सिर्फ केंजसिए बदे पोल्लो तुन पुंदाला कोशिश कियाना वेल्ले मुश्किल मंता। बारांकु इत्तेके हर बेरा, हर विषय, हर सवाल ता जवाब हियाला काजे वरोर सही मानेय संगे मदांन मुश्किल मंता। अदिनके नन्ना उचुन पढ़ेमायला अनि रासिला करियताना।

नावा इद यात्रा लोप्पा वेल्ले लोकुरा योगदान मंता। सबसे मुन्ने नावा यायाल मंता, अदु नाकिन कम से कम साईन कियानाचोन स्कूल करियाना इंजी सपना हूडता। मति अदिना सपना अदु हूडता लेक्का पूरा आया परवो आत्ता। बारांकु इत्तेके उंदी पेरके अरसी मत्ता इलाका ओसो नाटे स्कूल-कालेज पढ़ाई ता रिवाजे हिल्ले। इदिनकु बेहरा समस्या गरीबी ते पिस्वल पिस्नुदु मंता।

इद्रम ता परिस्थिति ते मंदानास्के नावा पिस्वल लोप्पा वरोर गुरुजी वात्तोर, नावा जीवा ता 'दादाल', नावा गुरुजी। ओरु नाकिन ओरा वेल्ले कीमती समय तिंची नावा काजे समय तेंडानोर, नाकिन प्राथमिक शिक्षा हियानोर, नाकिन जीवा कियानोर। नावा जीवा गर्रे मत्ता 'मीना' दीदी नाकिन हिंदी भाषा रास्ला ओसो पढ़ेमायला करिहत्ता। इदे आयवा 'गेड़ा ते ताकना स्कूल' ता वेल्ले योगदान मंता। इदे आयवा बच्चोने दादा-दीदीरा योगदान मंता। इव सब्बे पुस्तकिंग अनुवाद कीसोरे ओर सब्बे तोरकिन नन्ना सुरता काँदाना ओरा लोप्पा बच्चोने जन इंजे माकिन विडिसी हत्तोर। वेर सब्बेतोर इद यात्रा लोप्पा नावा संगे मंदानोर, ओसो वायना कालम ते वेने नावा संगे मंदानोर। ओरा बारे ते बच्चोने पुस्तकिंग रासमुड़ आयर।

माटांग ओसो पाटांग लोप्पा केंजता पोल्लोंग, पुस्तक पढ़ेमायनास्के पुस्तक लोप्पा दोरकतास्के नावा गिर्दा तुकू हंदी हिल्ले आत्ता। नावा लेक्का पूना पोल्लोंग करियाला आल्सानोर ओसो केंजता पोल्लोंग कुन पुंदाला कौशिश कियानोर वेल्लेतोर मंतोर। मति पोरो नन्ना वेहता लेक्का हर बेरा, हर विषय, हर सवाल ता जवाब हियाला सही मानेय 'जीवा ता दादाल' दोरकना मुश्किल मंता। अदिनके इद साहित्य ता परताचोन हिंदी तिंची गोंडी भाषा ते अनुवाद कियाना इंजी आल्सताना।

मावा गोंडी भाषा वड़कानोर आंध्रा, ओड़िशा, छत्तीसगढ़, महाराष्ट्र, मध्यप्रदेश, उतरप्रदेश लेक्कटा राज्यकुने अलग-अलग जागा ने पिस्सा मंतोर। अदिनके मावा गोंडी भाषा पोरो अलग-अलग राज्यकुना भाषांग ना वेल्ले प्रभाव मंता। नावा गोंडी पोरो हिंदी, मराठी ओसो छत्तीसगढ़ी ता प्रभाव ज्यादा मंता। अनुवाद कियानास्के नाकिन पूना शब्द बने कियाना वेल्ले कटला वात्ता, इत्तेके गोंडी लोप्पा पारिभाषिक शब्द कुन वेहाला शब्द हिल्ले, अदिनके वेल्ले शब्द हिंदी ता इस्तेमाल कित्ताना। वायना कालम ते जनता लोप्पा हंजी ओसो ज्यादा गोंडी ता शब्दकु करियसी इदिन उचुन सुधरे कीमुड़ आयर। मति भाषा ता प्राकृति अनुसार दूसरा भाषा तल शब्द पोयाए लागिता। अनुवाद कियानास्के नन्ना अंग्रेजी ओसो हिंदी रेंडु पुस्तकिंग ना मदद एतित्ताना।

नावा इद कब्बड़ लोप्पा संगे-संगे ताकसोर मत्ता नावा जीवन साथी ना वेन्ने योगदान मंता। वीरु नाकिन इद काम कियाला गिर्दा कींतोर। नावा लोप्पा जीवा मत्तादु सुरता किसींतोर, नावा कै पोयसी ताकिंतोर। वीरु इदिन पुस्तक लेक्का डिजाईन कियाना ओसो प्रूफ कियाला मदद हित्तोर।

इव सब्बे पुस्तकिंग जनता नडुमा ओयला काजे जंगोम प्रेस पोरोल ते उंदी प्रकाशन पोरोल हित्तोमा इद पोरोल मावा वीर पडियोर, गोंड जनता ना हीरो, गड़चिरोली भूमि ता मरी वीर बाबूराव शेड़माके ना सेना तल पोयत्तोमा सब्बे शहीदीर किन सुरता कीसोरे इव सब्बे पुस्तकिंग इंजे मीवाव आत्तांग।

इद यात्रा जारी मंदियर.... इव पुस्तकुना गोंडी अनुवाद, डिजाईन पोरो सब्बेतोरा सुझाव ओसो आलोचनाकुना वेल्ले जरूरत मंता। मीटू ओसो बदे पुस्तक ता अनुवाद कीतेके बेस आयर इंजी वेने सुझाव हीतेके बेस आयर।

जीवा ता जोहार
मीवा - जनी

विषय सूची

प्रकाशक ना पोल्लो	9
पहली क्रांतिकारी गृहयुद्ध ता कालम	21
चीन समाज ता वर्ग विश्लेषण	22
चीन समाज लोप्पा अलग-अलग वर्गकुना परिस्थिति बद्रम मंता?	23
नोट	32
हुनान किसान आंदोलन ता जांच-पड़ताल रिपोर्ट	36
किसान समस्या ता महत्व	36
संगठित आयाना	37
स्थानीय निरंकुश मानेय ओसो बुरे शरीफजादा लोरा नाश आयाना ओसो सब्बे सत्ता किसान संगठन कैदे वायाना	39
“सत्यनाश आता!” ओसो “पक्काए बेस आता!”	41
तथाकथित “वेल्लेय मुन्ने दायना ता” सवाल	42
तथाकथित “आवारागर्दो लोरा आंदोलन”	45
क्रांति ता हिरावल	46
चौदह बड़ी उपलब्धियां	51
1. किसान लोरकिन किसान संगठन लोप्पा संगठित कियाना	52
2. जर्मीदार लोरा पोरो राजनीतिक प्रहार	53
3. जर्मीदार लोरा पोरो आर्थिक प्रहार	59
4. स्थानीय निरंकुश मानेय ओसो बुरे शरीफजादा लोरा सामंती शासन ता तख्ता पलटे कियाना - तू ओसो थ्वान ¹⁵ किन नष्ट कियाना	61
5. जर्मीदार लोरा सेना ता शक्ति खत्म कियाना ओसो किसान लोरा सेना शक्ती ता निर्माण कियाना	62

6. काउन्टी मजिस्ट्रेट ओसो ताना गोतियाल लोरा राजनीतिक सत्ता ता तख्ता पलट.....	63
7. पीड़ी-पीड़ी ता मंदिरकु ओसो पाड़िंगा ता पेद्दालोरा सत्ता, कस्बाकुना-पेन ओसो स्थानीय पेनकुना धार्मिक सत्ता, कोयतोरा पितृसत्ता ता तख्ता पलटे कियाना	66
8. राजनीतिक प्रचार किन सर्वव्यापी बने कियाना.....	71
9. किसान लोर तास्ता प्रतिबंधकु	73
10. डकैती निर्मूलन.....	78
11. ज्यादा लेवीं वसूल कियाना बंद.....	79
12. सांस्कृतिक आंदोलन	80
13. सहकारी समिति आंदोलन	81
14. सड़क ओसो तालाब, बांध बने कियाना	82
नोट	84
द्वितीय.....	89
क्रांतिकारी.....	89
गृहयुद्ध ता कालम.....	89
चीन लोप्पा लाल राजनीतिक सत्ता बारांकु नित्ता परिंता?.....	90
1. घरेलू राजनीतिक परिस्थिति.....	90
2. चीन लोप्पा लाल राजनीतिक सत्ता ⁶ ता उदय आयना ओसो नित्ताना तुकू कारण	92
3. हुनान-किआंगशी सीमा क्षेत्र ता स्वतंत्र शासन-व्यवस्था ता स्थापना ओसो अगस्त ता विफलता	95
4. हुनान, हुपे ओसो किआंगशी लोप्पा हुनान-किआंगशी सीमांत क्षेत्र ता स्वतंत्र शासन-व्यवस्था ता भूमिका	98
5. आर्थिक समस्यांग.....	98
6. फौजी आधार-क्षेत्र ता समस्या	99
नोट	100
चिंगकांगशान मेट्टांग लोप्पा संघर्ष	104

हुनान-किआंगशी सीमान्त क्षेत्र लोप्पा स्वतंत्र शासन-व्यवस्था ता स्थापना ओसो अगस्त ता विफलता	104
स्वतंत्र शासन-व्यवस्था वाले इलाका लोप्पा मंदाना परिस्थिति	112
फौज ता समस्या	114
भूमि-समस्या	124
राजनीतिक सत्ता ता समस्या	129
पार्टी ता समस्या	132
क्रांति स्वरूप ता समस्या	138
स्वतंत्र शासन-व्यवस्था लोप्पा इलाका ता समस्या	141
नोट	146
पार्टी लोप्पा गलत विचार किन सुधरे कियानाबारे ते	150
विशुद्ध सैनिक दृष्टिकोण ता बारे ते	151
अतिजनवाद ता बारे ते	155
संगठनात्क अनुशासन किन तोड़े कियाना बारे ते	157
निरपेक्ष समानतावाद ता बारे ते	158
मनोगतवाद ता बारे ते	159
व्यक्तिवाद ता बारे ते	161
घुमन्तु विद्रोही लोरा विचारधारा ता बारे ते	163
अभियानवाद ता अवशेषकुना बारे ते	164
नोट	165
उंदी किस मिरंगूर पूरा जंगल किन पोत्ति किया परिंता	168
नोट	184
आर्थिक काम पोरो ध्यान हियाना	186
नोट	196
ग्रामीण इलाकांग लोप्पा वर्ग-विश्लेषण बद्रम कियाना? ⁸	197
1. जर्मीदार	197
2. धनी किसान	198
3. मध्यम किसान	199

4. गरीब किसान.....	199
5. मजदूर.....	200
नोट	200
मावा आर्थिक नीति.....	201
नोट	207
आम जनता ना पिस्वल किन सुर्ता ते तासना ओसो काम कियाना तरीका पोरो ध्यान हियाना	209
नोट	216
जापानी-साम्राज्यवाद-विरोधी कार्यनीति ता बारे ते.....	217
वर्तमान राजनीतिक परिस्थिति ता विशेषतांग.....	218
राष्ट्रीय संयुक्त मोर्चा	229
लोक गणराज्य ²⁹	235
अंतरराष्ट्रीय समर्थन	241
नोट	243
चीन क्रांतिकारी युद्ध ता रणनीति विषय संबंधी समस्यांग.....	255
अध्याय 1	255
1. युद्ध ता अध्यायन बद्रम कियाना.....	255
1) युद्ध ता नियम विकास आसोरे मंदिता.....	255
2) युद्ध ता उद्देश्य युद्ध किन पूरा खत्म कियाना मंता	260
3) रणनीति बातल इत्तेके अदु युद्ध ता सम्पूर्ण स्थिति ता नियमकुना अध्ययन कीता.....	261
4) महत्वपूर्ण समस्या इत्तेके करियाना लोप्पा निपुण मंदांना.....	266
अध्यय-2.....	273
चीनी कम्युनिस्ट पार्टी ओसो चीन ता क्रांतिकारी युद्ध.....	273
अध्याय 3.....	277
चीन ता क्रांतिकारी युद्ध ता विशेषतांग	277
1) विषय ता महत्व	277
3) चीन ता क्रांतिकारी युद्ध ता विशेषता बाता मंता?.....	279

3) इव विशेषतांगनगडल पुटना मावा रणनीति ओसो कार्यनीति.....	283
अध्याय 4.....	285
“घेराव कीसि विनाश कियाना” अभियान ओसो अविना खिलाफ जवाबी अभियान - चीनी गृहयुद्ध ता मुख्य रूप	285
अध्याय-5.....	292
रणनीतिक रक्षा.....	292
2. “घेराव कीसि विनाश कियाना” अभियानकुना मुकाबला कियाना तैयारी	298
3. रणनीतिक दृष्टिकोण हिसाब ते पेरके गुचना	301
4. रणनीतिक प्रत्याक्रमण	320
5. प्रत्याक्रमण शुरू कियाना समस्या	323
6. सेना ता ताकत कुना केंद्रीकरण ता समस्या.....	335
7. चलायमान युद्ध	344
8. तुरंत निर्णय ता लड़ाई	352
9. विनाश ता लड़ाई.....	357
नोट	359
च्यांग कार्ड-शेक ना स्टेटमेंट ता बारे ते स्टेटमेंट.....	367
नोट	372
जापानी-आक्रमण-विरोधी काल लोप्पा चीनी कम्युनिस्ट पार्टी ता काम	378
चीन ता बाहरी ओसो आन्तरिक अंतरविरोध कुना विकास ता वर्तमान मंजिल	378
जनवाद ओसो आजादी काजे संघर्ष	383
नेतृत्व कियाला काजे मावा जिम्मेदारी	392
नोट	396
लाखों संख्या ते जनता किन जापान-विरोधी राष्ट्रीय संयुक्त मोर्चा काजे जीड़ाटू.....	407
शांति ता सवाल	407

जनवाद ता सवाल	411
क्रांति ता वायना कालम ता सवाल	413
कार्यकर्ता लोरा सवाल	415
पार्टी लोप्पा जनवाद ता सवाल	416
सम्मेलन ता एकता ओसो पूरा पार्टी ता एकता	417
लाखों-लाख जनता किन जापान-विरोधी.....	417
राष्ट्रीय संयुक्त मोर्चा लोप्पा जीड़ना कोशिश कियाना	417
नोट	418
व्यवहार ता बारे ते.....	421
ज्ञान ओसो व्यवहार,.....	421
पुंदाना ओसो कियाना ता आपसी संबंध बारे	421
नोट	441
अंतरविरोध ता बारे ते	442
1. रेंडू विश्व दृष्टिकोण	443
2.अंतरविरोध ता सार्वभौमिकता	449
अंतरविरोध ता विशिष्टता.....	454
4.प्रधान अंतरविरोध ओसो अंतरविरोध ता प्रधाना पहलू.....	470
5.अंतरविरोध ता पहलू ना एकरूपता ओसो अविना संघर्ष.....	479
6.अंतरविरोध लोप्पा दुश्मन ता जागा	488
7.निष्कर्ष	491
नोट	492

पहली
क्रांतिकारी गृहयुद्ध
ता कालम

चीन समाज ता वर्ग विश्लेषण

मार्च 1926

इद लेख किन कामरेड माओ त्सेतुंग पार्टी लोप्पा मत्ता रेंडु भटके कियाना रुझान कुना विरोध कियाला काजे राससी मत्तोर। पहला रुझान ता प्रतिनिधित्व छन-तू-श्यू कींदुर, सिर्फ क्वोमिंगतांग किन सहायता कियाना पोरो ध्यान हींदुर ओसो किसानालोर किन मरंगिंदुर। इदेन किने दक्षिणपंथी अवसरवाद इंतोर। दूसरा रुझान ता प्रतिनिधित्व चांग-क्वो-थाओ कींदुर, वेर सिर्फ मजदूर आंदोलन पोरोने ध्यान हियानोर ओसो ओरु वेन्ने किसान लोरकिन मरंगिंदुर। इदेन किन वामपंथी अवसरवाद इंतोर। मति रेंडों अवसरवादी ग्रुप क्रांतिकारी पक्ष ता ताकत हालो इंजी पुंजी मंतोर, मति ओरु पूना ताकत ओसो विशाल संश्रयकारी (allies) जन-समुदाय किन बेगाडल दोरकी किमुडांता इंजी पुनवा मत्तोर। कामरेड माओ किसान लोरकिन चीन ता सर्वहारा वर्ग ता सबसे ज्यादा संख्या मंदाना ओसो सबसे ज्यादा ईमानदार मंदाना संश्रयकारी आंदुर इंजी वेहतोर, ओसो इद्रम ओरु चीन क्रांति लोप्पा सबसे मुख्य संश्रयकारी बोरु इंदाना समस्या किन हल कित्तोर। इदिना संगेने राष्ट्रीय पूंजीपति वर्ग उंदी दुलमुल वर्ग मंदिता इंजी वेहतोर, ओसो वायाना कालम ता क्रांतिकारी उभार लोप्पा अद रेंड ग्रुप बनेमायर ओसो इदिना दक्षिण पक्ष साम्राज्यवाद संगे गोती कींता इंजी वेहतोर। 1927 ता घटनांग ओना समझादारी किन सही साबित कित्ता।

मावा दुश्मन बोरु ओसो मावा दोस्त बोर आंदूर? इद सवाल क्रांति लोप्पा प्राथमिक महत्व ता सवाल आंदू। चीन लोप्पा हत्ता सब्बे क्रांतिकारी संघर्ष किन पक्काए कम सफलता दोरकतांग। तेना बुनियादी कारण बाता इत्तेके अवु तन्ना वास्तविक (असली) दुश्मन पोरो हमला कियाला काजे तन्ना वास्तविक (असली) दोस्तलोर संगे एकता आया परवोंग आतांग। क्रांतिकारी पार्टी आम जनता ना नेतृत्व कींता, ओसो बद क्रांति ते क्रांतिकारी पार्टी आम जनता किन गलत हर्दि ओंता अद क्रांति बस्के सफल आया परवो। इद पोल्लो ता गरेंटी एतला काजे माटू मावा क्रांति

लोप्या आम जनता किन गलत हर्दि ओयवा लेवा, असली ता सफलता दोरकी कियाना, माकिन मावा असली दुश्मन (वास्तविक) पोरो हमला कियाला काजे मावा असली दोस्त लोरा संगे एकता आयना बगिल वेल्ले ध्यान हियाना पाहिजे। वास्तविक दोस्त ओसो वास्तविक दुश्मन कुना नडमा मंदाना अंतर (तेड़ा) किन पुंदाला काजे माटु चीन समाज ता अलग-अलग वर्ग ता आर्थिक परिस्थिति ओसो क्रांति बगिल ओरा तम्मा-तम्माक रुझान कुना आम विश्लेषण कियाना।

चीन समाज लोप्या अलग-अलग वर्ग कुना परिस्थिति बद्रम मंता?

जमींदार वर्ग ओसो दलाल-पूंजीपति वर्ग - आर्थिक रूप ते पेरके अरता ओसो अर्ध-औपनिवेशिक चीन लोप्या जमींदार वर्ग ओसो दलाल-पूंजीपति वर्ग अंतरराष्ट्रीय पूंजीपति वर्ग ता तोकर लेक्का मंदिता। अदु तन्ना अस्तित्व ओसो विकास काजे साम्राज्यवाद पोरो निर्भर आसी मंदिता। इव वर्गकु चीन ता सबसे पेरके अरता ओसो प्रतिक्रियावादी उत्पादन-संबंध कुना प्रतिनिधित्व कींतांग। ओसो ताना उत्पादक शक्तिंग (Productive forces) ना विकास किन रोमी कींतांग। इविना अस्तित्व चीनी क्रांति ता उदेश्य तल इनपडे अलग मंता। विशेष रूप ते बेहरा जमींदारी वर्ग ओसो बेहरा दलाल-पूंजीपति वर्ग, इव रेंडासी हमेशा साम्राज्यवादी पक्ष एतिंतांग। ओसो हमेशा प्रतिक्रांतिकारी ग्रूप लोप्या संगठित आंतांग। इविना राजनीतिक प्रतिनिधि राजसत्तावादी' (Etatistes) ओसो क्वोमिंगतांग ता दक्षिण पक्ष आंदू।

मध्यम-पूंजीपति वर्ग- इद वर्ग शहर ओसो ग्रामीण इलाकांग लोप्या चीन ता पूंजीवादी उत्पादन-संबंध कुना प्रतिनिधित्व कींता। मध्यम-पूंजीपति वर्ग इत्तेके मुख्य रूप ते राष्ट्रीय पूंजीपति वर्गे आंदू। चीनी क्रांति संबंध ते अद असंगत (Inconsistent) रुझान लागू कींता। अदु विदेशी पूंजी ता देब्बा ओसो युद्ध-सरदार लोरा उत्पीडन संगे उत्पीडित आंता, अस्के तानकि क्रांति ता जरूरत आता लेक्का लागिंता। अस्के अद

साम्राज्यवाद ओसो युद्ध-सरदार लोरा खिलाफ क्रांतिकारी आंदोलन ता पक्ष एतितता। मति देश लोप्पा सर्वहारा वर्ग क्रांति लोप्पा जुझारू (डटे मासी) रूप ते शामिल आंता ओसो देश तल बाहर अंतरराष्ट्रीय सर्वहारा वर्ग इद क्रांति किन सक्रिय रूप ते सहायता कित्तास्के, अद वर्ग किन उंदी वर्ग लेक्का मुन्ने हंजी पूंजीपति वर्ग ता स्तर एवनल एव्वना तन्ना विचार विफल आयाना खतरा लेक्का लांगिता, अस्के अदु क्रांति पोरो डाउट कियाना शुरू कींता। राजनीतिक दृष्टि ते अद उंदी वर्ग, इत्तेके राष्ट्रीय पूंजीपति वर्ग ता शासन ते राजसत्ता निल्पी कियाना पक्ष ता समर्थन कींता। ताए ची-थाओ¹ तोर वरोर स्वयंभू “सच्चा विद्यार्थी” पेकिंग तल छपेमायना “छन पाओ”² ते इद्रम राससी मत्तोर: “मना दावड़ कै दा मुक्का साम्राज्यवाद किन वाटला काजे तेहाटु ओसो तिनड़ कै दा मुक्का कम्युनिस्ट पार्टी किन खत्म कियाला तेहाटु इंजी।” इद पोल्लो इद वर्ग ता दुलमुलपन ओसो समस्या किन तोहिंता। इद वर्ग किन क्वोमिंगतांग ता जन-जीविका (People’s Livelihood) सिद्धांत ता व्याख्या वर्ग-संघर्ष ता सिद्धांत अनुसार कियाना ता विरोध कींता। ओसो अद रूस संगे क्वोमिंगतांग ता दोस्ती कियाना ओसो क्वोमिंगतांग लोप्पा कम्युनिस्ट³ ओसो वामपंथी लोरकिन शामिल कियाना ता विरोध कींता। मति राष्ट्रीय पूंजीपति वर्ग ता शासन ते राजसत्ता निल्पी कियाना ताना लक्ष्य बिल्कुल अव्यवहारिक मंदिंता। बारांकु इत्तेके दुनियाता वर्तमान परिस्थिति अद्रम मंता इत्तेके क्रांति ओसो प्रतिक्रांति, इव रेंडासी बेहरा ताकत कुना नड़मा संघर्ष तेदसी मंदिंता अनि इव रेंडासी रेंडु बेहरा झंडांग तेंहितांग। उंदी क्रांति ता लाल झंडा मंता अदिन किन तीसरी इंटरनेशनल पोरो तेहता ओसो दुनिया ता सब्बे रकम ता उत्पीड़ित वर्ग किन गोलबंद किया मंता, दूसरा प्रतिक्रांति ता पांडरी झंडा आंदू, अदिन किन लीग ऑफ नेशन्स पोरो तेहता अदु दुनिया ता सब्बे प्रतिक्रांतिकारी लोर किन गोलबंद किया मंता। अदिन काजे इद्रम कित्तेके मध्यम वर्ग तोड़फोड़ आयार अनि उंदी हिस्सा डावड़ कै बगिल हंजी क्रांतिकारी लोरा लोप्पा शामिल आयार ओसो दूसरा हिस्सा तिन्नड़ कै बगिल हंजी प्रतिक्रांतिकारी लोरा लोप्पा हंजी शामिल

आयारा। ओरु बस्केने “स्वतंत्र” मन्नोर आंतोर। अदिन काजे चीन ता मध्यम-पूँजीपति वर्ग ता उंदी “स्वतंत्र” ताकि कियाना क्रांति लोप्पा मुख्य भूमिका निभे कियाना ताना विचार, अंगडामे आंदू।

निम्न-पूँजीपति वर्ग- इद वर्ग लोपा भूमिधर-किसान⁴ (भूमि मंदाना किसान) मालिक-दस्तकार ओसो सुडला बुद्धिजीवि लोर - विद्यार्थी, प्राइमरी ओसो माध्यमिक स्कूल कुना गुरुजीलोर, सुडला सरकारी कर्मचारी, दफ्तर कुना चपरासीर, सुडला वकील लोर- ओसो सुडला व्यापारी लोर वांतोर। इद वर्ग तन्ना संख्या तन्ना वर्ग-चरित्र ता कारण ते वेल्ले ध्यान हियाना लेक्का मंता। भूमि मंदाना-किसान ओसो मालिक-दस्तकार रेंडासी वर्ग सुडला स्तर ता उत्पादन किया मंतांग। मति इद निम्न-पूँजीपति वर्ग ता अलग-अलग ग्रूप ता उंदी लेक्काडा निम्न-पूँजीवादी आर्थिक स्थिति आंदू, वेंडे ओर किन मुंडू अलग-अलग समूह ते तूसमुडांता। मुन्नेता ग्रूप ते बोनिगा उचुन-उचुन सम्पत्ति मंदिता ओरु वांतोर, इत्तेके शारीरिक लेवेके मानसिक रूप ते मेहनत कीसि तिंडाना-उंडानाए आयवा लेवा सालाना बचत कियानोर। इद्रमतोर अमीर बनेमायाला काजे तैयार मंदिंतोर, ओसो मार्शल चाओ⁵ किन मोड़किंतोर। मति ओर किन वेल्ले सम्पत्ति जमा कियाना भ्रम हिल्लेकाई मध्यम-पूँजीपति वर्ग ता स्तर एवनल एवला काजे बराबर लालच तोहिंतोर। सुडला सेठ लोरकिन हूडसी ओरा टोड्डि ते उचुल पेसिंता। इद्रमतोरा जीवा कमजोर मंदिता, सरकारी आफिसर लोरकिन वेरियंतोर ओसो क्रांति तुकू वेन्ने उचुन-उचुन वेरियंतोर। बारांकु इत्तेके आर्थिक स्थिति मध्यम-पूँजीपति वर्ग ता पक्काए गर्रे मंदिता, अदिन के तन्ना प्रचार पोरो वेल्ले विश्वास कींतोर ओसो क्रांति ता बारे ते दुलमुल हर्नी पोयंतोर। इद ग्रुप निम्न-पूँजीपति वर्ग लोप्पा कम संख्या ते मंतोर ओसो ताना दक्षिण पक्ष मंदिंतोर। दूसरा ग्रुप लोप्पा मुख्य रूप ते आर्थिक रूप ते आत्मनिर्भर मंदिंतोर। इद ग्रुप मुन्नेता ग्रुप तोरिनकु पक्काए अलग मंता, ओरु धनी बनेमायाला आल्सिंतोर, मति मार्शलचाओ ओरकिन बस्केने धनी बनेमायाला हिवोर आंतोर। इदे आयवा उचुक सालकु ने साम्राज्यवादी, युद्ध-सरदार, सामंती जमीन्दार वर्ग ओसो बेहरा

दलाल-पूँजीपति वर्ग ता उत्पीड़न ओसो शोषण तिंचि परेशान आसी, इंजेटा दुनिया मुन्नेटा लेक्का हिल्ले रा इंजी, ओरू नेंडु वेन्ने मुन्नेटाचोने मेहनत कीतेके, तन्ना पिस्साला काजे जरूरी कमाई वेने किय़ा परवोर आयनूर इंजी आलिसंतोर। काम ता घंटा बेरसी कीसि, नरकुम जल्दी तेदना ओसो वेल्ले (वेल्ले समय) काम कीसि तना काम पोरो डब्ल ध्यान हिस्सीए ओरू पिस्सा परितोर। ओरू उचुन-उचुन झगडा किय़ाना शुरु कींतोर ओसो विदेशी लोरकिन “विदेशी दुश्मन”, युद्ध-सरदार लोरिन “लूटी सेनापति” ओसो स्थानीय निरंकुश मानेय ओसो बुरे शरीफजादा⁶ लोरकिन “अत्याचार किय़ाना अमीर” इंतोर। साम्राज्यवादी ओसो युद्ध-सरदार लोरा विरुद्ध आंदोलन कीतेके, ओरू केवल ओना सफलता पोरो डावुट कींतोर (बारांकु इत्तेके विदेशी ओसो युद्ध-सरदार लोर पक्काए शक्तिशाली दिसिंतोर), ओरू तुरंत शामिल आयोर आंतोर, ओसो बस्केने क्रांति ता विरोध वेन्ने किवोर आंतोर। इद समूह वेल्ले बेहरा मंता ओसो निम्न-पूँजीपति वर्ग ता आधा हिस्सा इदिना लोपा वांता। तीसरा समूह (ग्रुप) ते बोना पिस्वल खराब आसोर दांता ओरू वांतोर। इदिन लोप्पा वेल्लेतोर शामिल मंदिंतोर, बेस्ता परिवार तल मंदिंतोर, ओरा पिस्वल तीरम-तीरम सिर्फ पिस्वल पिसाना लेक्काने आंता ओसो ओरा पिस्वल दिया-दिया ते खराब आसोर दांता। हर साल ता आखरी ते हिसाब-किताब कीतेके ओरकिन बेहरा देब्बा दलगिंता, “वेंडे घाटा आता रा.... इंतोर”। बारांकु इत्तेके ओरू बेस्ता दियांग हूडतोर, इंजे हर साल ओरा हालात खराब आसोर दायमंता, कर्जा ता बोजा बेरसा मंता। पिस्वल दिया-दिया खराब आसोर दायमंता, अदिनके ओरकिन “वायना कालम ता बारे ते आल्सतेके ने सांग वेस्सा मंता” मानसिक रूप ते ओरू वेल्ले परेशान मंदिंतोर। बारांकु इत्तेके ओरा मुन्नेटा कालम ओसो इंजेटा कालम ते वेल्ले अंतर मंता। क्रांतिकारी आंदोलन ते इद्रम तोर वेल्ले महत्वपूर्ण मंदिंतोर। इद जन-समूह ता संख्या वेल्ले मंता। ओसो वीरू निम्न-पूँजीपति वर्ग ता वाम पक्ष मंदिंतोर। साधारण समय ते निम्न-पूँजीपति वर्ग ता पोरो वेहता मूंडो ग्रुप क्रांति बगिल अलग-अलग रुख एतिंतांग। मति युद्धकाल ते इत्तेके क्रांति

सफल आयानास्के निम्न-पूँजीपति वर्ग ता वाम पक्षे आयवा इद वर्ग ता मध्यम वर्ग वेन्ने शामिल आया परिंता, ओरा दक्षिण पक्ष वेन्ने शामिल आया परिंता, ओसो सर्वहारा, निम्न-पूँजीपति वर्ग ता वाम पक्ष ता महान क्रांतिकारी उभार लोप्पा शामिल आसी, क्रांति ता मदद किया परिंतांग। 30 मई 1925 ता आंदोलन^{7 ओसो} हर जागा ता किसान आंदोलन कुना अनुभव तल हुड़तेके इद निष्कर्ष सही मंता।

अर्ध-सर्वहारा वर्ग- बद वर्ग किन सर्वहारा वर्ग इंतोर, अदिना लोप्पा पांच रकम मंतांगः

अर्ध भूमि मंदाना-किसान लोरा (अर्ध भूमिधर किसान) वेल्ले संख्या⁸, 2) गरीब किसान, 3) सुडला दस्तकार, 4) दुकान-कर्मचारी⁹ ओसो 5) वेल्लीयसोरे सामान वम्मानोर (फेरीवाले)। अर्ध भूमि मंदाना-किसान लोरा संख्या वेल्ले मंता। वीरु ओसो गरीब किसान लोर कल्लिस नाहकुना आम जनता ना वेल्ले बेहरा हिस्सा बनेमांता। किसान समस्या मुख्य रूप ते ओरादे आंदू अर्ध भूमि मंदाना-किसान, गरीब किसान ओसो सुडला दस्तकार लोर भूमि मंदाना-किसान ओसो मालिक-दस्तकार लोरा संगे कल्लिस सुडला स्तर ता उत्पादन किंतोर। अर्ध भूमि मंदाना-किसान लोरा बहुसंख्या ओसो गरीब किसान लोर इरवुरासी अर्ध-सर्वहारा वर्ग ते वांतोर। अनि तन्ना आर्थिक स्थिति ता हिसाब ते ओरकिन उच्च, मध्यम ओसो निम्न वर्ग ते तूसमुडांता। अर्ध भूमि मंदाना-किसान लोरा पिस्वल भूमि मंदाना-किसान लोरा पिस्वल तुकू वेल्ले मुशिकल मंदिंता, बारंकु इतेके हर साल ओरकिन तन्ना जरूरत ता लगभग आधा अनाज ता जरूरी सामान अस्साला लागिंता। ओरकिन दुसरोगडल जमीन लगान ते पोयसी, तन्ना मेहनत ता आधा हिस्सा वमसी, लेवेके सुडला-सुडला व्यापार कीसि अद कमी किन पूरा किया लागिंता। वसंत कालम ता आखरी ओसो एही कालम ता शुरू ते पोरकांग कोड़साना मुन्ने ओसो पाड़ना अनाज मारतास्के, ओरू वेल्ले ब्याज ते कर्जा एतिंतोर ओसो ज्यादा दाम हीसी अनाज अस्सिंतोर। भूमि मंदाना-किसान लोरा तुलना ते, ओरकिन दुसरोरा सहायता ता जरूरत लागो आंता, ओरा पिस्वल जरूर मुशिकल ते मंदिंता।

मति गरीब किसान लोरकिनकले बेस मंदिता। बारांकु इत्तेके गरीब किसान लोरिगा तन्ना जमीन हिल्ले ओसो साल मेंड ता पुहाना-वीतना कित्ता पेरके ओरा कैदे फसल ता आधा हिस्सा लेवेके तानकिनकु वेन्ने कम फसल वांता। अर्ध भूमि मंदाना-किसान लोरकिन लगान ते एतता जमीन तिंचि फसल ता आधा हिस्सा लेवेके कम हिस्सा दोरकिंता, इद्रम आतेकाई तन्ना जमीन ता पूरा फसल इत्तेके ओरकिने दोरकिंता। अदिन काजे अर्ध भूमि मंदाना-किसान लोरा लोप्पा क्रांतिकारी भावना भूमि मंदाना-किसानलोरकिनकु वेल्ले मंदिता। मति गरीब किसान लोराचोन मन्नो आंता। गरीब किसान नाहकुना मुजारा किसान (tenant peasants) मंदितोर, ओरा शोषण जर्मीदार लोर किंतोर। तन्ना आर्थिक स्थिति हिसाब ते ओरकिन रेंडु समूह ते तूसमुड़ांता। गरीब किसान लोरा उंदी समूह लोप्पा तुलना कितेके उंदी समूह नगा खेती कियाना विसरांग (औजार) वेल्ले मंदितांग ओसो उचुन पूंजी वेन्ने मंदिता। इद्रम ता किसान लोरकिन तन्ना सालमेंड ता मेहनत ता आधा हिस्सा दोरकिंता। हाल्वेके उचुन-उचुन ओसो पंटा तेंडितोर। वीरु कीकेंग पोया परितोर, कोर्क-पट्टिंग पोसे किया परितोर ओसो तन्ना मेहनत ता उंदी हिस्सा वमा परितोर। इद्रमे ओरु पिसितोर ओसो बद्रम तेल्ला साल काटे कियाला आलिसंतोर। अदिनके ओरा पिस्वल अर्ध भूमि मंदाना-किसान लोरकिनकले कठिन मंदिता। मति गरीब किसान लोरा दूसरा समूह तुकू बेस मंदिता। वीरा लोप्पा क्रांतिकारी बुद्धि अर्ध भूमि मंदाना -किसान लोरकिनकले ज्यादा मंदिता। गरीब किसान लोरा दूसरा समूह तुकू कम मंदिता। गरीब किसान लोरा दूसरा समूह तोरिगा खेती कियाला जरूरत मंदना औजार मन्नो ओसो पूंजी वेन्ने मन्नो आंता। ओरिगा ज्यादा खेती मन्नो आंता, जमीन तिंचि वेन्ने कम फसल दोरकिंता ओसो लगान निहता पेरके ओरिगा वेल्ले कम आमदनी पिसिता। अदिनके ओरकिन तन्ना श्रमशक्ति ता उंदी हिस्सा वम्मला लागिंता। दुस्कड़ वातास्के ओसो मौसम खराब आतास्के ओरु सग्गा-सम्बंधी लोरा काल अरितोर, नालुंग-हेय्युंग दिव्यांग काटे कियाला काजे उधार तेंडितोर अद्रमासी बोजा कांजना कोंदा लेक्का ओरा पोरो कर्जा

बेसोरे दांता। किसान लोरा लोप्पा सबसे ज्यादा पेशानी वीर किने मंदिता ओसो वीरा पोरो क्रांतिकारी प्रचार ता असर वेने वेल्ले जल्दी अरिंता। सुडला दस्तकार लोरा गिनती अर्ध-सर्वहारा वर्ग ते बारांकु वांता इत्तेके ओरिगा उत्पादन कियाला काजे मामूली साधन मंदिता ओसो ओरू तन्ना कबड़ खुद कींतोर। वेंडे ओरकिन तन्ना श्रमशक्तिता उंदी हिस्सा हमेशा वम्मा लागिंता अद्रमासी ओरा आर्थिक स्थिति गरीब किसान लोरा संगे कलियंता। परिवार ता ज्यादा बोझा आता कारण ते रहन-सहन ता खर्चा ओसो आमदनी ते फर्क आता कारण ते गरीबी ता बोजा ओसो बेरोजगारी ता वेरिय मंदाना कारण ते ओरा स्थिति गरीब किसान लोरा संगे कलियंता। दुकान ते काम कियानोर कर्मचारी लोरकिन वेल्ले कम तनखाह ते परिवार ता खर्चा ताकि कियाला लागिंता। चीज ता मोला हर साल बेसोरे दांता, मति ओरा वेतन बचोको सालकुने उंदी बेरा बेसिंता। अद्रमे बस्के-बस्के मनाकिन ओरा संगे वड़कना मौका दोरकतेके ओरू तन्ना गाडा मेंड दुःख-सुख ता कहानी केंजी कींतोर। ओरा स्थिति गरीब किसान लोर ओसो सुडला दस्तकार लोरा पिस्वल तुकू वेल्ले अलग मन्नो आंता। ओरा पोरो वेन्ने क्रांतिकारी प्रचार ता असर जल्दी आंता। फेरी वालेर मंहगा सामान तेहची फेरी कितेकाई, सड़क ओदा स्टाल वाटतेकाई, उचुन पूंजी मंदानोर मंदितोर, ओरकिन पक्काए कम मुनाफा दोरकिंता। ओरू तिंदाना-उंडाना खर्चा ओसो केराना खर्चा किया परनाचोन वेन्ने कमाई किया परवोर आंतोर। ओरा स्थिति गरीब किसान लोरकिनकले ज्यादा फर्क मन्नो। ओसो ओरकिन किसान लोरा लेक्का वर्तमान हालात किन सुधरे कियाला काजे क्रांति ता जरूरत मंदिता।

सर्वहारा वर्ग- आधुनिक औद्योगिक सर्वहारा वर्ग ता संख्या लगभग बीस लाख मंता। चीन आर्थिक रूप ते पेरके अरसी मंता। अदिनके ताना आधुनिक औद्योगिक सर्वहारा वर्ग ता संख्या वेन्ने ज्यादा हिल्लो। इद बीस लाख औद्योगिक मजदूर मुख्य रूप ते हेय्युंग उद्योग- रेलवे, खदान, समुद्री परिवहन, सूती-कपड़ा ओसो जहाज-निर्माण उद्योग- लोप्पा काम किंतोर। ओसो ओरा उंदी बेहरा संख्या इत्तेके विदेशी पूंजीपति लोर

मालिक मंदाना कारोबार लोप्पा गुलामी कींतोर। औद्योगिक सर्वहारा वर्ग ता संख्या कम मंता, ओसो अद चीन ता पूना उत्पादन शक्तिंगना प्रतिनिधि कींता। इद वर्ग आधुनिक चीन ता सबसे प्रगतिशील वर्ग आंदू, इद क्रांतिकारी आंदोलन ता नेतृत्वकारी शक्ति बने मांता। हत्ता नालुंग सालकुना हड़ताल लोप्पा, नाविक-हड़ताल¹⁰, रेलवे-हड़ताल¹¹, खाएल्वान ओसो च्याओच्चो ता कोयला खदानकुना हड़ताल¹² लोप्पा, शाम्येन हड़ताल¹³ ओसो 30 मई ता आंदोलन पेरेके शांघाई ओसो हांगकांग ता आम हड़ताल¹⁴ लोप्पा अदु बद ताकतकिन तोहतायो अदिन पोरो ध्यान हीतेके, मनाकिन तुरंत चीन क्रांति लोप्पा औद्योगिक सर्वहारा वर्ग ता स्थिति ता महत्व समझेमांता। पहला कारण औद्योगिक मजदूर लोर केंद्रीकरण आसी मत्ता कारण ते इद्रमता स्थिति ते मंतोर। जनता ना बदे दूसरा हिस्सा अचोन केंद्रित हिल्ले। दूसरा कारण ओरा आर्थिक हालात बेस मन्नो आंता। ओरिगा ओरा कै-काल ता ताकतकिन विडसी उत्पादन ता दूसरा बदे साधन मन्नो आंता, ओरु बस्केने धनी बने मायना इंजी आल्सोर ओसो ओरकिन साम्राज्यवादी, युद्ध-सरदार, पूंजीपति लोरा अत्याचार किन भोगेमायला लागिंता। अदिनके ओरु बेसता योद्धा मंदिंतोर। शहर ता कूली लोरा ताकत वेन्ने ध्यान हियाना लेक्का मंता। इदिना लोपा ज्यादातर बोजा कांजना-मजदूर ओसो रिक्शा पिडंगनोर मंदिंतोर। वीरा ग्रुप लोप्पा गटर साफ कियानोर, सडक साफ कियानोर वांतोर। तन्ना कैकुना सिवाय दूसरा बाताए हिल्ला कारण ते ओरा आर्थिक स्थिति वेन्ने औद्योगिक मजदुर लोरा लेक्काने मंता। मति ओरू केंद्रित मन्नोर ओसो उत्पादन लोप्पा वेन्ने कम महत्वपूर्ण भूमिका निभे कींतोर। चीन लोप्पा इंजे एवनल आधुनिक पूंजीवादी खेती पक्काए कम मंता। बदिन माटु देहाती सर्वहारा वर्ग इंतोमा। अदु साल, महिना लेवेके दिया ता हिसाब ते काम कियाना खेती मजदुर वर्ग आंदू। ओरिगा जमीन मन्नो, औजार मन्नो ओसो पूंजी वेन मन्नो आंता। ओरू पिस्वल पिसाला काजे केवल तन्ना श्रमशक्ति किने वमा परिंतोर। दूसरा मजदुर लोरा हिसाब ते ओरू सबसे ज्यादा घण्टांग काम कींतोर। सबसे कम तनख्वाह

दोरकिनींतोर, सबसे खराब परिस्थिति ते पिसिंतोर ओसो ओरकिन काम दोरकना वेन्ने मुश्किल आंता। इद्रम तोर नाहकुना लोप्पा सबसे ज्यादा परेशान मंदिंतोर ओसो किसान आंदोलन ते ओरा जागा गरीब किसान लोरा लेक्काने महत्वपूर्ण मंदिंता।

वीरकिन विड़सी उंदी वेल्ले बेहरा हिस्सा खानाबदोश (वेल्लसोर मंदानोर) सर्वहारा लोरा मंता। इत्तेके बोर किसान लोरिगा जमीन हिल्ले ओरकिन ओसो काम हिल्ला मंदाना दस्तकार लोरिकिन काम दोरको आंता। ओर सबसे खराब पिस्वल पिसिंतोर। वीरु हर जागा गुप्त संस्था बने कीसि मंदिंतोर- इत्तेके फूच्येन ओसो क्वांगतुंग लोप्पा “त्रयी-समाज¹⁶”; हूनान, हुपे, क्वेइचओ ओसो सछवान लोप्पा “दादालोरा समाज”; आनह्वेइ, हनान ओसो शानतुंग लोप्पा “बेहरा-तलवार समाज”; चली ओसो मूंडासी उत्तर-पूर्व इलाकांग लोप्पा “बुद्धिसंगत-जीवन समाज”; शांघाई लोप्पा ओसो दूसरा जागा ने “नीला दल”;¹⁵ इवु शुरुआत ते राजनीतिक ओसो आर्थिक संघर्ष लोप्पा आपसी सहायता कियाला काजे बने कित्ता संगठन आंदुंग। वीरा संगे बद्रमता व्यवहार कियाना, इंदानदु चीन ता मुन्ने उंदी मुश्किल समस्या मत्ता। वीरु वेल्ले हिम्मत ते लड़े माया परिंतोर, ओसो धोखा वेन्ने हिया परिंतोर। सही नेतृत्व मत्तेके उंदी क्रांतिकारी ताकत वेने बने माया परिंतोर।

पोरों वेहता पोल्लिंग किन उंदी माटा ते वेहना इत्तेके बोरु साम्राज्यवाद संगे कल्सि मंदानोर- युद्ध-सरदार, नौकरशाह, दलाल-पूजीपति वर्ग, बड़े जमींदार लोरा वर्ग ओसो ओरा पोरो निर्भर मंदाना बुद्धिजीवि लोरा प्रतिक्रियावादी ग्रूप- मावा दुश्मन आंदूर। औद्योगिक सर्वहारा वर्ग मावा क्रांति ता नेतृत्वकारी ताकत आंदूर। अर्ध-सर्वहारा वर्ग ओसो निम्न-पूजीपति वर्ग ता सब्बे ग्रूप मना सबसे गेरें ता दोस्त आंदूर। दुलमुल मंदाना मध्यम-पूजीपति वर्ग ता दक्षिण पक्ष मावा दुश्मन बने माया परिंतोर ओसो वाम पक्ष मावा दोस्त बनेमाया परिंतोर। मति ओरकिनकु हमेशा होशियार मंदाना जरूरी मंता ओसो मावा लोप्पा ओरकिन गड़बड़ पुट्टी कियाला हियनायो।

नोट

- 1) इग्गा मुट्टा मेंड लज्जा हिल्वा फासीवादी राजनैतिक लोरा उदाहरण हिताद मंता ओरू “चीनी राजसत्तावादी नौजवान संघ” ता स्थापना कीसि मत्तोर, ताना पोरोल पेरके “चीनी नौजवान पार्टी” ताससी मत्तोर। वीरू कम्युनिस्ट पार्टी ओसो सोवियत संघ ता विरोध किन तन्ना प्रतिक्रांतिकारी पेशा बने कीसि मत्तोर। ओसो ओरू सत्ता ते मंदना प्रतिक्रांतिकारी ग्रूप ओसो साम्राज्यवादी लोरगडल मदद काजे पैसा एतंदुर।
- 2) ताए ची-थाओ लय्योर मंदानास्केने क्वोमिंगतांग लोप्पा शामिल आसी मत्तोर ओसो च्यांग-काई-शेक संगे कलिसीसट्टा-बाजार लोप्पा मुनाफाखोरी कींदूर। 1925 ते सुन यात-सेन ना डोलता पेरके ओरू कम्युनिस्ट विरोधी आंदोलन शुरू कीसि 1927 लोप्पा आता च्यांग काई-शेक ना प्रतिक्रांतिकारी राजविप्लवता काजे विचारधारात्मक आधार तैयार कित्तोर। वेल्ले समय एवनल ओरू प्रतिक्रांतिकारी कामकाज लोप्पा चांग काई-शेक ना वफादार नैदा लेक्का काम कित्तोर। तना शासन खत्म आयाना हूड्डी ओरू फरवरी 1949 लोप्पा आत्महत्या कित्तोर।
- 3) संविधान अध्ययन संघ ता मुखपत्र। उंदी समय ते उत्तरी युद्ध-सरदार लोरा शासन ता समर्थन कियाना ग्रुपनगडल इद संघ उंदी राजनीतिक ग्रूप मत्ता।
- 4) 1923 ते चीन कम्युनिस्ट पार्टी ता मदद ते सुन यात-सेन क्वोमिंगतांग ता पुनर्गठन कियाना, क्वोमिंगतांग ओसो कम्युनिस्ट पार्टी ता नड्मा सहयोग कियाना ओसो तन्ना पार्टी लोप्पा कम्युनिस्ट पार्टी ता सदस्य लोर वेन्ने शामिल आयाला हियाना फैसला कित्तोर। इदे आयवा जनवरी 1924 लोप्पा ओरू क्वांगचओ लोप्पा क्वोमिंगतांग ता पहली राज्य सभा कांग्रेस ता आयोजन कित्तोर। रूस संगे गोती, कम्युनिस्ट पार्टी संगे मदद ओसो किसान-मजदूर लोरा सहायता इंजी तीन महान नीतिंग बने कित्तोर। माओ त्सेतुंग, ली ता-चाओ, लिन पो-छवी, छवी छ्यू-पाए ओसो उचुन कामरेडस् इद कांग्रेस लोप्पा शामिल आतोर। ओरू क्वोमिंगतांग किन क्रांतिकारी हरीं ते तत्ताला काजे महत्वपूर्ण भूमिका निभे कित्तोर। ओरा लोप्पा उचुन मुल क्वोमिंगतांग ता केंद्रीय कार्यकारिणी कमेटी ता रेगुलर लेवके वैकल्पिक सदस्य वेन्ने बनेमातोर।
- 5) इग्गा कामरेड माओ त्सेतुंग ना अनुसार भूमि मंदाना-किसान इत्तेके मध्यम किसान लोर आंदुर।
- 6) कमांडर चाओ ना पूरा पोरोल चाओ-कुंग-मिंग मत्ता। इत्तेके चीनी पीटोंग-वेसूड लोप्पा धन ता भगवान ता पोरोल आंदू।

- 7) स्थानीय निरंकुश मानेय ओसो बुरे शरीफजादे जर्मीदार वर्ग ता राजनीतिक प्रतिनिधि मत्तोर ओसो ओरू इद वर्ग ता पक्काए खूंखार सदस्य मत्तोर। स्थानीय निरंकुश मानेय ओसो बुरे शरीफजादा लोरा तम्मोर-लेक्का मंदाना धनी किसान लोरा नड्मा वेन्ने दोरकितोर।-अनु.
- 8) 30 मई आंदोलन, 30 मई 1925 ते शांघाई लोप्पा ब्रिटिश पुलिस तोर कित्ता चीन जनताना संहार ता विरूद्ध कित्ता देशव्यापी साम्राज्यवाद-विरोधी आंदोलन मत्ता। मई 1925 लोप्पा छिंग-ताओ ओसो शांघाई ता सूती-कपडा कारखाना लोप्पा वेल्ले हडताल आतांगा इव कारखाना ना मालिक लोर जापानी मत्तोर। जापानी साम्राज्यवादी ओसो ओरा पोसे कित्ता नैकु- उत्तरी युद्ध-सरदार - ओर किन दबे कियाना शुरू कित्तोर। 15 मई ते शांघाई ता उंदी जापानी सूती-कपडा मील ता पूंजीपति कू चंग-हुंग पोरोल ता वरोर मजदूर किन तुपाई टूटा संगे हौत्तोर ओसो दस तुकू ज्यादा मजदूर लोरकिन घायल कित्तोर। 28 मई ते छिंगताओ लोप्पा प्रतिक्रियावादी सरकार आठ मजदूर लोरकिन होक्ता। 30 मई ते शांघाई ता दो हजार तुकू ज्यादा विद्यार्थी विदेशी लोरा पट्टा ते हीता नाहकु ने मजदूर लोरा समर्थन कियाला काजे प्रचार कित्तोर ओसो पट्टा पोरो हीता नाहकुन वापास पोयना आह्वान कित्तोर। ब्रिटिश किन पट्टा पोरो हीता नाहकुना पुलिस-केंद्र ता मुन्ने दस हजार तुकू ज्यादा जनता जमा आतोर। ओरू “साम्राज्यवाद किन खत्म कियाकाल!” ओसो “चीन ता जनता उंदी आयमुट!” इंदाना नारांग हितोर। ब्रिटिश साम्राज्यवादी पुलिस जनता पोरो फैरिंग कित्ता ओसो बचोनो विद्यार्थी लोरकिन हौत्तोर ओसो घायल वेन्ने कित्तोर। इदे घटना किन 30 मई ता हत्याकांड इंतोमा इद घटना ता कारण ते पूरा देश ता जनता भड्केमाता। हर जागा आता प्रदर्शन ओसो मजदूर, विद्यार्थी ओसो दुकानदार लोरा हडतालकु ताकतांगा। अवु आखिरी ते उंदी बेहरा साम्राज्यवादी विरोधी आंदोलन ता रूप एतितांगा।
- 9) अर्ध भूमि मंदाना-किसान लोरा वेल्ले संख्या ते इत्तेके कामरेड माओ ना हिसाब ते इगाटा किसान मुख्य रूप ते तन्ना जमीन पोरो काम कियनोर ओसो दुसरोरगडल पोयता जमीन पोरो काम कियाना किसान लोर आंदुर।
- 10) पाइना चीन लोप्पा दुकान-कर्मचारी अलग-अलग तबकांगनोर मत्तोर। कामरेड माओ इग्मा ओरा बहुसंख्यक तबका ता उदाहरण हीतोर। दुकान-कर्मचारी लोरा उंदी सुडला तबका वेन्ने मंत्ता, अदु सर्वहारा लेक्काने तन्ना पिस्वल पिंसिता।
- 11) 1922 ता शुरू ते हांगकांग ता ओडा चले कियानोर ओसो यांगसी डोड्डा ता जहाज कुना मल्लालोर हडताल कित्तोर। हांगकांग ता ओडा ताकी कियानोरा हिम्मत संगे आठ हप्तांग एवनल लडेमातोर। तीव्र ओसो नेतुर लडाई आता पेरके हांगकांग ता ब्रिटिश साम्राज्यवादी अधिकारी लोर मजबूर आसी मजदूरी बेसी कियाना, ओडा चालाक लोरा यूनियन पोरो तल प्रतिबंध हटे कियाना, गिरफ्तार मजदूर लोरकिन

विडसना ओसो शहीद लोरा परिवार तोरकु हर्जाना हियाला काजे मांग कितोरा ओसो ओरकिन मानेमाया लागता। उच्चुक दिव्यांग पेरके यांगसी डोड्डा ता जहाजकुना मल्ला लोर वेन्ने हडताल शुरू कितोर, तानकिन रेंडु हमांग एवनल ताकसी आखरी ते सफल कितोरा।

- 12) 1921 लोप्पा पुटता चीन कम्युनिस्ट पार्टी तुरंत रेल मजदूर लोरा लोप्पा संगठन काम कियाना शुरू कित्ता। 1922-23 लोप्पा पार्टी ता नेतृत्व ते सबे मेन रेल-लाईनकुना पोरो हडताल आता। इविना लोप्पा सबसे बेस मत्तादु हडताल 4 फरवरी 1923 ते शुरू आसी मत्ता पेकिंग-हानखओ रेलवे ता आम हडताल मत्ता इदु मजदूर महासंघ बने कियाना आजादी काजे कित्तद मत्ता। 7 फरवरी ते ब्रिटिश साम्राज्यवादी समर्थक लोर उत्तरी युद्ध-सरदार ऊ फेइ-फू ओसो श्याआ याओनान क्रूर रूप ते हडताल कियनोरा पोरो हमला कितोरा। इदिनकिन 7 फरवरी ता तीव्र हत्याकांड इंतोरा।
- 13) खाएल्वान कोयला-खदान ता पोरोल खाएफिंग ओसो ल्वानचओ कोयला खदान किन शामिल कीत्तद मत्ता। हपे इलाका ता इव कोयला खदानकु उंदी व्यापक ओसो आपस ते जुडेमाता कोयला खदान कुना इलाका आंदू। अद समय ते अगा 50 हजार तुकू ज्यादा मजदूर लोर काम कींदुर। 1900 ता ई हो थ्वान आंदोलन ताकनास्के ब्रिटिश साम्राज्यवाद चीन तिंची खाएफंग कोयला खदान किन कब्जा कीसि मतोरा। पेरके चीनीलोर ल्वानचओ कोयला खदान कम्पनी बने कितोरा। उचुन दिया पेरके खाएल्वान कोयला खदान किन प्रशासन संगे काल्पतोरा। इद हिसाब ते ब्रिटिश साम्राज्यवाद लोर इव रेंडासी ना पोरो तन्ना अधिकार जमे कितोरा। खाएल्वान कोयला खदान ता हडताल इलाका तुकू पश्चिम इलाका ते शामिल कियमुडाता। च्याओचवो कोयला खदान ता हडताल 1 जुलाई तल 9 अगस्त 1925 एवनल ताकता।
- 14) शाम्येन क्वांगचओ शहर ता उंदी हिस्सा आंदू, अदिन किन ब्रिटिश साम्राज्यवादी अधिकारी लोर पट्टा ते पोयतोरा। जुलाई 1924 ते अगाटा ब्रिटिश साम्राज्यवादी अधिकारी लोर पूना पुलिस तोरा अद इलाका लोप्पा दायाना-वायना सबे चीनी जनता किन पास (आईडी) तोहाला लागियर, ताना लोप्पा ओरा फोटो मंदियर इंजी आदेश हीतोरा। मति विदेशी लोरकिन अगा दायना-वायना पूरा आजादी मंदिता। इद नियम ता खिलाफ शाम्येन ना मजदूर लोर 15 जुलाई तिंची हडताल शुरू कितोरा। आखरी ते ब्रिटिश साम्राज्यवाद किन मजबूर आसी इद आदेश किन रद्द किया लागता।
- 15) 30 मई 1925 ता शांघाई ता घटना पेरके 1 जून ते शांघाई लोप्पा ओसो 19 जून ते हांगकांग लोप्पा आम हडताल शुरू आता। दो लाख तुकू ज्यादा मजदूर लोर शांघाई ता ओसो ढाई लाख मजदूर लोर हांगकांग ता हडताल ते शामिल आतोरा पूरा देश

ता जनता ना समर्थन दोरकी कीसि हांगकांग ता इद हड़ताल लगातार 16 महिनांग एवनल ताकता। दुनिया ता मजदूर आंदोलन ता इतिहास लोप्पा इद सबसे बेहरा हड़ताल आंदू।

- 16) “त्रयी-समाज”, “दादालोरा समाज”, “बेहरा-तलवार समाज” “बुद्धिसंगत जीवन समाज” ओसो “नीला दल” जनता लोप्पाडा पाड़ना रकम ता गुप्त संगठनकु मत्तांगा। ओरा सदस्य मुख्य रूप ते दिवालिया किसान, बेकार मत्ता दस्तकार ओसो आवारा सर्वहारा लोर मंतोरा। सामंती चीन लोप्पा वीरू बदे धर्म लेवेके अंधविश्वास ता सामान्य सूत्र ते संगठित आसी दादापंथी ढांचा ता बचोनो संगठन बचोनो पोरोल ते बने कितोरा। इविना लोप्पा उचुक संगठनकु नगा हथियार वेन्ने मत्ता ओरू इव संगठनकुना संगे सामाजिक जिंदगी लोप्पा वरोनकु-वरोना मदद कियाला आल्संदुरा। बस्के-बस्के ओरू इव संगठनकुना संगे तन्ना उत्पीड़ित लोकुरा संगे-नौकरशाही ओसो जर्मीदार लोरा संगे-संघर्ष वेन्ने कियनोरा। स्पष्ट रूप ते इद्रम ता निरंकुश शासक लोर कब्जा ओसो इस्तेमाल वेन्ने किया परितोरा। अदिनके तन्ना अंधविश्वास-वृत्ति ता कारण ते ओरगडल उचुक संगठन प्रतिक्रियावादी शक्ति वेने बनेमाता। 1927 लोप्पा तन्ना प्रतिक्रांतिकारी राजविप्लव लोप्पा चांग काई-शेक मेहनतकश जनता लोप्पा फूट वाटला ओसो क्रांति ता नाश कियाला काजे ओरा इस्तेमालकितोरा। शक्तिशाली आधुनिक सर्वहारा वर्ग पुटता पेरके किसान लोर मजदूर वर्ग ता नेतृत्व ते कदम-कदम बिल्कुल पूना किस्म ता संगठन बने कितोरा, इव आदिम ओसो पेरके अरता संगठनकुना अस्तित्व ता बदे कारण हिल्वा लेक्का आता।

हुनान किसान आंदोलन ता जांच-पड़ताल रिपोर्ट

मार्च 1927

इद लेख किसान लोरा क्रांतिकारी संघर्ष कुना बारे ते अद समय ते पार्टी लोप्पा ओसो बाहर आयाना तीव्र आलोचनांग ना उत्तर ता रूप ते रास्तद मंता। इव आलोचनांग ना जवाब हियाला काजे कामरेड माओ त्सेतुंग हुनान हंजी 32 दियांग एवनल जांच-पड़ताल कितोर ओसो इद रिपोर्ट किन रास्तोर। पार्टी लोप्पा दक्षिणपंथी अवसरवाद ता नेतृत्व छन तू-श्यू किसोरे मत्तोर, कामरेड माओ त्सेतुंग ना विचार किन मानेमाथोरे, ओसो तन्ना गलत धारणा पोरो अडेमासी मत्तोर। ओरा मुख्य गलती क्वोमिंगतांग ता प्रतिक्रियावादी रुझान किन वेरियसी मंजी शुरू आसी मत्ता लेवेके शुरू आसोरे मत्ता किसान लोरा महान क्रांतिकारी संघर्ष ता समर्थन कियाना हिम्मत कीवोर। क्वोमिंगतांग किन खुश कियाला काजे ओरु किसान, क्रांति ता सबसे मुख्य संश्रयकारी(Allies) लोरा साथ हितेके बेस इंजी आल्सतोर ओसो इद्रम मजदूर वर्ग ओसो कम्युनिस्ट पार्टी किन अलगाव परिस्थिति ते वाटता। मुख्य रूप ते कम्युनिस्ट पार्टी ता इद कमजोरी ता फायदा एतसी क्वोमिंगतांग 1927 ता एदिकालम ते क्रांति संगे गदारी कियाना, तन्ना “पार्टी-शुद्धि आंदोलन” कियाना ओसो जनता ना खिलाफ युद्ध कियाना हिम्मत कित्ता।

किसान समस्या ता महत्व

हत्ता उचुक दिव्यांग ने हुनान¹ हत्तास्के नन्ना श्यांगथान, श्यांगश्यांग, हंगशान लीलिंग ओसो छांगशा, इव हेय्युंग काउंटिंग ना हलात ता प्रत्यक्ष जांच-पड़ताल कित्ताना 4 जनवरी तिचि 5 फरवरी एवनल 32 दियांग लोप्पा नन्ना नाहकु ओसो काउन्टी-केंद्र लोप्पा फैक्ट-फाईडिंग मीटिंग केयतान, ताना लोप्पा अनुभवी किसान ओसा किसान आंदोलन लोप्पा संगठित आता दोस्त लोर शामिल आतोर ओसो नन्ना ओरा रिपोर्ट किन

ध्यान ते केंजतान ओसो वेल्लेंगे सामग्री जमा कित्तान। किसान आंदोलन बद्रम आता ओसा बारांकु आता इंदानाद वेन्ने नाकिन समझेमाता, अबु हानखओ ओसो छांगशा लोप्पा शरीफजादालोर वेहतना तुकू बिल्कुल उल्टा मत्ता। वेल्ले अलग पोल्लोंग नन्ना हुड़तान ओसो केंजतान अविना बारे ते नन्ना मुन्ने बाताए पुनवा मत्तान। नावा हिसाब ते इद्रम ता परिस्थिति ओसो वेल्ले जागा ने मंदार बहे। किसान आंदोलन ता खिलाफ सब्बे तर्क किन तुरंत सुधरे कियाना पाहिजे। किसान आंदोलन ता बारे ते क्रांतिकारी अधिकारी लोरा तेहता सब्बे गलत कदम किन तुरंत बदले कियाना। केवल इद्रमें वायना कालम ता क्रांति काजे जरूरी काम कियमुड़ांता। बारांकु इत्तेके किसान आंदोलन ता इंजेटा उभार उंदी पक्काए बेहरा घटना आंदू उचुन दिव्याने चीन ता मध्यवर्ती, दक्षिणी ओसो उत्तरी इलाका लोप्पा दसियों करोड़ किसान लोर उर्वा वड़ियु लेक्का तेदनोर। इद उंदी बस्के हिल्ला लेक्का तेज ओसो प्रचंड शक्ति मंदयार तीनकिन बदे ताकत दबा किया परवो आयर। किसान लोर तानकिन दोहची मत्ता सब्बे बंधन किन देहची मुक्ति हरदे पेसानुर। ओरू सबे साम्राज्यवादी, युद्ध-सरदार, भ्रष्टचारी अफसर, स्थानीय निरंकुश मानेय ओसो बुरे शरीफजादा लोर किन भगवान टोला ते लोहचियानुर। ओरू सब्बे क्रांतिकारी पार्टिंग किन, सब्बे क्रांतिकारी दोस्त लोरकिन जांच कियानूर, ओरा फैसला ता अनुसार ओरा संगे गोती कियानोर, लेवके पूंडसियानोर। इदिना बारे ते मूंडु विकल्प मंतांग। ओरा मुन्ने-मुन्ने दायना ओसो ओरा नेतृत्व कियाना? लेवेके ओरा पेरके-पेरके दायाना ओसो कै तेहची ओरा आलोचना किसोर मंदाना? लेवेके ओरा मुन्ने नितसी ओरा विरोध कियाना? चीन ता हर मानेय इव मूंडु हारिंग लोप्पाडल बदे उंदी किन चुने कियाला आज्ञाद मंतोर, मति परिस्थिति मीकिन चुनाव तुरंत कियाना इंजी मजबूर कियार।

संगठित आयाना

हुनान प्रान्त ता मध्यवर्ती ओसो दक्षिणी भाग ता काउन्टी लोपा उचुन बेस फैलेमाता किसान आंदोलन ता विकास किन मुख्य रूप ते रेंडु कालम

लोप्पा तुसमूडांता। मुन्नेटा कालम संगठन आयना कालम आंदू, इदु हत्ता जनवरी तिंचि सितम्बर एवनल ताकता। इद कालम लोप्पा जनवरी तिंचि जून एवनल ताकता मंजिल अंडर-ग्राउंड कार्रवाई ता मंजिल मत्ता, जुलाई तिंचि सितम्बर एवनल ताकता मंजिल, बदिना लोप्पा क्रांतिकारी सेना चाओहंग-थी² किन पूंडतोरु, अद खुल्ला कार्रवाई ता मंजिल मत्ता। इद कालम लोप्पा किसान संगठन ता सदस्य लोरा संख्या तीन-चार लाख तुकू ज्यादा हिल्ले मति बद जन-समुदाय ता अदु सीधा नेतृत्व किया परिंदु ताना संख्या दस लाख तुकू ज्यादा मत्ता। नाहकु लोप्पा संघर्ष कमे मत्ता, अदिनके अलग-अलग तबकांग लोप्पा इद सभा ता वेल्ले कम आलोचना आंदू। ताना सदस्य मार्गदर्शक, स्काउट ओसा बोजा कांजाना काम कींदुर, आदिन के उत्तरी अभियान सेना ता उचुन अफसर किसान संगठन काजे उंदी-रेंडु बेसता शब्द इस्तेमाल कींदुर। दूसरा कालम क्रांतिकारी कार्रवाई ता आंदू, अदु हत्ता अकुबर तिंचि इद जनवरी एवनल ताकता। किसान संगठन ता सदस्य लोरा संख्या एकदम बेसीं 20 लाख एवता ओसो बद जन-समुदाय ता अद सीधा नेतृत्व किया परिंता, ताना संख्या एक करोड़ एवता। किसान संगठन लोप्पा शामिल आयनास्के किसान लोर हमेशा हर परिवार काजे केवल उंदे पोरोल रासिंदुर, अदिनके बीस लाख सदस्यलोर इत्तेके किसान संगठन ता अनुयाई लोरा संख्या लगभग एक करोड़ आता। अद समय ते हुनान ता कुल किसानलोर लोप्पा लगभग आधा संगठित आतोर। श्यांगथान, श्यांगश्यांग, हंगशान, लेइयांग, छनश्येन ओसो आनह्वा लेक्काड़ा काउन्टिंग लोप्पा लगभग सब्बे किसान लोर संगठनात्मक रूप ते किसान संगठन लोप्पा गोलबंद आतोर लेवेके ओरा नेतृत्व लोप्पा ताकतोर। तन्ना व्यापक संगठन ता शक्ति ता आधार तेने किसान लोर सीधा मैदान ते रेयतोर ओसा नालुंग महिनांग लोप्पा ओरू ग्रामीण इलाका लोप्पा उंदी महान क्रांति उंदी अभूतपूर्व क्रांति कितोर।

स्थानीय निरंकुश मानेय ओसो बुरे शरीफजादा लोरा नाश आयाना ओसो सब्बे सत्ता किसान संगठन कैदे वायाना

किसानलोर तन्ना हमला ता मुख्य निशाना लोकल निरंकुश मानेय ओसो बुरे शरीफजादा लोरा पोरो ओसो जर्मीदार लोरा पोरो तासिंतोर। मति संगेने ओरू पितृसत्तात्मक विचारधारा ओसो व्यवस्था, शहर ता भ्रष्टाचारी अफसर, ग्रामीण इलाका गलत रिति-रिवाज कुना पोरो वेन्ने निशाना वाटा मंतोर। ताकत ओसो वेग (स्पीड) लोप्पा इद हमला उर्रा वडिय लेक्का मंदिता। बोर ताना मुन्ने तल्ला वरहितोर ओरे पिसिंतोर ओसो बोर ताना विरोध कींतोर ओरू नीर (नीर दिब्बा) बने मंतोर। हजारों साल तिंचि सामंती जर्मीदार लोरकिन दोरकना विशेष अधिकारकुन गुंडा-गुंडा किया मंतोर। जर्मीदार लोरा मान-मर्यादा इज्जत किन जमने-जमने खत्म किया मंतोर। जर्मीदार लोरा सत्ता गुंडा पोयतास्के किसान संगठने सत्ता लागू कियाना लेक्का मंता ओसो “पूरा सत्ता किसान संगठन ता कैदे मंदाना” नारा उंदी निज्जमता पोल्लो बने माता। आइइरवुरा सुडला-सुडला झगडा आत्तेकाई किसान संगठन मुन्ने फैसला कियमुडया मंता। किसान संगठनता कार्यकर्ता लोर हिल्लेके बदे फैसला आयो आंदू। नाटे ना सब्बे समस्यांग कुना लोप्पा किसान संगठनता आदेश ताकिंता ओसो “किसान संगठन बद वेहिंता अदे आंता।” किसान संगठन तल बाहर तोर संगठन हमेशा बेस इंजि वेहिंतोर। ओसो संगठन ता खिलाफ बाता इंदा परवोर। स्थानीय निरंकुश मानेय, बुरे शरीफजादा ओसो जर्मीदार लोरा वडकना अधिकार किन ऊंदतोर अद्रमासी जर्मीदार लोरा लोप्पा किसान संगठन किन बाता इंदाना हिम्मत हिल्ले आता। किसान संगठन ता ताकत ओसो दबाव तिंचि पिसला काजे पहली नंबर ता स्थानीय निरंकुश मानेय ओसो बुरे शरीफजादा लोरा शांघाई वित्तोर। दूसरा नंबर ता हानखओ, तीसरा छांगशा ओसो चौथा नंबर तोर काउनटी-केंद्र तुकू वित्तोर। पांच नंबर तोर ओसो ओरकिनकु दोइता स्थानीय निरंकुश मानेय ओसो बुरे शरीफजादा लोर ग्रामीण इलाका लोप्पाने मत्तोर, ओरू किसान संगठन ता मुन्ने आत्मसमर्पण कित्तोर।

सुडला-सुडला बुरा शरीफजादा लोरा लोप्पा बोराई इंतोर: “इद दस खान चंदा मंता, बद्रम आई नाकिन किसान संगठन लोप्पा शामिल कीमुटा।”

किसान जवाब हियानोर: “छी:, नीवा पैसाना जरूरत बोनकिन मंता रा?”

वेल्ले मध्यम ओसो सुडला जमींदार, धनी किसान, मध्यम किसान वेन्ने (बोर मुन्ने किसान संगठन ता विरोध ते मतोर ओरू) इंजे ताना लोप्पा शामिल आयना विफल कोशिश किया मंतोर। बचोको जागा हत्तास्के नाकिन बच्चोनो इद्रमतोर दोरकतोर नाकिन प्रार्थना कितोर।

“प्रांतीय राजधानी कमेटी-मेम्बर साहेब, निम्मा कृपा कीसि नावा सिफारिशकीमु”

छिंग वंश ता राज्य लोप्पा स्थानीय अधिकारी लोर जनगणना रजिस्टर बने किंदूर अदिन लोप्पा उंदी साधारण खाता मंदु, ओसो उंदी “दूसरा” खाता मंदु। पहला खाता लोप्पा ईमानदार लोकुरा पोरोल रासिंदुर, दूसरा खाता लोप्पा चोर, डाकु लोरा पोरोल रासिंदुर। उचुक जागाने इंजे किसान लोर ओरकिन धमके कियाला काजे वेन्ने इदे तरीका किन लागू कींतोर। बाता इंतोर इत्तेके “वीना पोरोल दूसरा खाता लोप्पा रासाटु” इंजी।

इद्रमे दूसरा खाता ते पोरोल रासना तुकू वेरियंतोर, अदिनके ओरू बद्रम आई किसान संगठन लोप्पा शामिल आयनिकी कोशिश कींतोर। ओरकिन किसान संगठन ता रजिस्टर लोपा ओरा पोरोल वायाना जोम ओरा जीवा ते जीवा मन्नो आंता। मति ओरा अपील किन साधारण रूप ते मानेमायोर आंतोर, अद्रम आसी ओरू पोड़द मेंड परेशान आसी मंदिंतोर। किसान संगठन ता हरी बंद आतेके ओरा हालत लोन-दुवार हिल्वोर लेक्का आंता। लेवेके नाटे नोर वड़कना हिसाब ते ओरू “कोड़का हिल्वा कोंदा” लेक्का आंतोर। नालुंग महिनांग मुन्ने बदिन किन “किसानलोरा गिरोह इंजी” कोंडा तोहिंदुर, अद इंजे सम्मान कियाना लेक्का बने माता। बोर मुन्ने शरीफजादा लोरा मुन्ने काल मोड़किंदुर, ओरू

इंजे किसान लोरा सत्ता मुन्ने काल मोड़किंतोरो। हर मानेय हत्ता अक्तुबर ते पेरके दुनिया बदलेमाता इंजी मानेमांतोरो।

“सत्यानाश आता!” ओसो “पक्काए बेस आता!”

नाहकुना लोप्पा किसान लोरा विद्रोह ता कारण ते शरीफजादा लोरा सपना पूरा आयो। नाहकुना समाचार शहर ते एवतास्के अगाटा शरीफजादा लोरो वेन्ने कंदेरे मातोरो। छांगशा एवता पेरके नाकिन तुरंत सब्बे रकमता लोकरु किन कलियाना मौका दोरकता ओसो नावगा वेल्लेय रक-रकम ता गाडा मेंड पोल्लोंग जमा आतांग। मध्यम सामाजिक समूह तोरगडल क्वोमिंगतांग ता दक्षिणपंथी लोरगा एवनल वरोर वेन्ने “सत्यानाश आता!” इन्वा लेवा मंदानोर हिल्लेरो। पूरा शहर लोप्पा तूफान लेक्का ताकना “सत्यानाश” वाद ता असर ते अरना वेल्ले क्रांतिकारी दादा लोरो वेने मत्तोरो। नाहकुना हालत किन आल्सी-आल्सी दोगनोर ओसो बद्रम तेल्ला “सत्यानाश” ता शब्द किन इनकार किया परवोर आयनोर। वेल्ले प्रगतिशील लोकरु वेन्ने इंद्रमे इंदनोर: “असल इत्तेके सत्यानाशे आता, मति क्रांति ता कालम लोप्पा इव जरूरी मंता।” संक्षिप्त लोप्पा “सत्यानाश” शब्द ता पूरा इनकार कियानोर बोरे हिल्लेरो। मति पोरो वेहता लेक्काने असल इत्तेके व्यापक किसान जन-समूदाय तन्ना ऐतिहासिक अभियान किन पूरा कियाला काजे तेदता, नाहकुना जनवादी ताकत नाहकुना सामंती ताकतकुना तख्ता पलट कियाला काजे तेदतोरो। स्थानीय निरंकुश मानेय, बुरे शरीफजादा ओसो जर्मीदार लोरा पितृसात्तात्मक-सामंती वर्ग हजार साल कुनल तानाशाही सत्ता ता आधार बने मासी मंता ओसो युद्ध-सरदार ओसो भ्रष्टचारी आफिसर लोरा सहारा ते मंता। राष्ट्रीय क्रांती ता सेवा लोप्पा खपे माता तन्ना चालीस सालकुना लोप्पा सुनयेट-सेन बाता कियाना इंजी आल्सतोरो, अद किया परवोर, अदिन किन किसान उचुके महिनांग लोप्पा पूरा कित्तोरो। इंद्रमता काम मुन्ने बस्केने आयवा मत्ता। हत्ता चालीस साल कुना लोप्पा वेन्ने आयो मति हजार सालकुने वेन्ने कीतद हिल्लेरो। असल इत्तेके इद पक्काए बेस आता। इद

“सत्यानाश” बिल्कुल आयो। दूसरा बदे आत्तेकाई “सत्यानाश” इत्तेके बिल्कुल आयो। इंगो, इद “सत्यानाश” वाद ता सिद्धांत जमींदार लोरा हित ते किसान लोरा विद्रोह पोरो हमला कियाना सिद्धांत आंदू। इंगो, इद जमींदार वर्ग ता पाड़ना सामंती व्यवस्था किन जारी तासना ओसो पूना जनवादी व्यवस्था निल्लिय कियाना तुकू रोमी कियाना सिद्धांत आंदू। इंगो, इद उंदी क्रांति-विरोधी सिद्धांत आंदू। बोराई क्रांतिकारी दोस्त किन रागो (तोता) लेक्का पोंगड़िंग कियानायो। नीवा क्रांतिकारी दृष्टिकोण पक्का आतास्के ओसो इदे आयवा, निम्मा अद परिस्थिति ता आंकलन कियाला काजे नाहकुने वेल्लियतिन इत्तेके निकिन निज्जमे बस्केने अचोन खुशी आयविन अचोन खुशी आयरा। अगा लाखो-लाख गुलाम-किसान लोरा व्यापक दस्तांग तन्ना माने-तिंदानोरा दुश्मन लोरा तख्ता पलट (सत्ता बदले कियाना) किसोरे मंतांग। ओरा कारवाई बिल्कुल सही मंता, ओरा काम पक्काए बेस मंता। “पक्काए बेस आता”, इद किसान लोरा ओसो दुसरा सब्बे क्रांतिकारी लोरा सिद्धांत आंदू। हर क्रांतिकारी दोस्त किन इद जानकारी मंदाना कि राष्ट्रीय क्रांति ता इद जरूरत आंदू कि नाहुकना लोप्पा उंदी महान परिवर्तन वायना इंजी। 1911 ता क्रांति³ इद बदलाव तच्चि कियाना लोप्पा विफल आता, अदिनके अद असफल आता। इंजे आयना बदलाव क्रांति किन पूरा कियाला काजे उंदी महत्वपूर्ण पोल्लो आंदू। हर क्रांतिकारी दोस्त किन इद बदलाव ता समर्थन कियाना पाहिजे, लेवेके ओना दृष्टिकोण प्रतिक्रांतिकारी आयरा।

अंगड़म ता “वेल्लेय मुन्ने दायना” सवाल

लोकुरा ओसो उंदी हिस्सा वेन्ने मंता, अद बाता इंता इत्तेके “इंगो, किसान संगठन बने कियाना जरूरी मंता, मति तन्ना इंजेटा कारवाई लोप्पा अद वेल्ले मुन्ने हत्ता।” इद विचार मध्यम वर्ग तोरा आंदू। मति निज्जम बाता मंता? नाहुकना किसान लोर बद्रम कित्तेकाई कंट्रोल आया परवोर इंदनदु निज्जमे। किसान संगठन किन सर्वोच्च अधिकार मंता अदिनके अद जमींदार लोरा बदे पोल्लो केंजो अद हमेशा ओरकिन बेइज्जत किसोरे

मंता। इद काम जर्मीदार लोरिकन देब्बा हीसी किसान संगठन दोड़ दबा कीसि तासना लेक्का मंता। किसान लोर धमके कींतोर: “माटू मीवा पोरोल दूसरा खाता लोप्पा रासाकोम!” ओरू स्थानीय निरंकुश मानेय ओसो बुरे शरीफजादा लोरा पोरो जुर्माना वाटितोर ओसो ओरगडल चंदा वसूल कींतोर, ओरा पालकी किन गुंडा कींतोर। गोहडिंग-गोहडिंग लोकुर किसान संगठन ता विरोध कियाना स्थानीय निरंकुश मानेय ओसो बुरे शरीफजादा लोरा लोहकुने नेंगितोर। ओरा पडिंग किन हौकिंतोर, ओरा अनाज किन तितोर ओसो तूसितोर। स्थानीय निरंकुश मानेय ओसो बुरे शरीफजादा लोरा परिवार ता दीदीस्कु ओसो लैय्यस्कुना हाथी पलकुना संगे बनेमाता पलंग पोरो वेने ओरू उंदी-रेंडु हुंजींतोर। विरोध कितेके ओरकिन गिरफ्तार कींतोर, गिरफ्तार कित्ता पेरके ओरा तल्ला पोरो कागज ता टोपी वाटसी नाहकुना लोप्पा जुलूस तेंडितोर: “बुरे शरीफजादालोरू, माटू बोरू आंदोम इंजे पुंदाकिर!” मनमानी कीसि पूरा उल्टा-पुल्टा कीसि नाहकुना लोप्पा उंदी हिसाब ता आतंक फैले कींतोर। उचुन मुल इदिन किन “पक्काए बेसता इंतोर”, लेवेके “अन्याय दूर कियाला काजे सीमा पार कितोर”, “असल इत्तेके ओरू पक्काए लब्बड़ ता काम कितोर”। इद्रमतोरा विचार पोरो-पोरो सही विचार दिसिंता, मति असल ते मन्नो आंता। मुन्ने, पोरो वेहता पोल्लोंग स्थानीय निरंकुश मानेय ओसो बुरे शरीफजादा, जर्मीदार लोरा अत्याचार ता परिणाम आंदू। लोकुर तन्ना सत्ता पोरो निर्भर आसी पीड़ी-पीड़ी तिंची किसान लोरा पोरो अत्याचार कितोर। अदिन के किसान लोर विद्रोह कितोर। सबसे गंभीर ओसो सबसे बेहरा विद्रोह हमेशा स्थानीय निरंकुश मानेय, बुरे शरीफजादा ओसो जर्मीदार लोरा जुल्म अत्याचार सबसे ज्यादा मंदिता अदे जागा ते आंता। किसान लोरा कौंडांग पक्काए दूर्बिन लेक्का मंदितांग। बोर सही बोर गलत, बोर सबसे ज्यादा दुष्ट ओसो बोर कम, बोनकिन गंभीर सजा हियाना, ओसो बोना संगे उचुन बेसता व्यवहार कियाना इंदाना किसान लोरिगा पूरा हिसाब मंदिता। दूसरा, क्रांति बदे तिंदला केयना, लेख रासना, फोटो पिडंगाना, कढ़ाई कियाना लेक्काडा चीज आयो। क्रांति बदे नाजूक, शांत ओसो विनम्र, शिष्ट,

सुशील, संयत ओसो उदार चीज आयो। क्रांति उंदी विद्रोह आंदू, उंदी हिंसात्मक कार्रवाई आंदू, ताना संगे उंदी वर्ग दूसरा वर्ग ता तख्ता पलट कींता। ग्रामीण क्रांति उंदी इद्रम ता क्रांति आंदू, ताना संगे किसान वर्ग, सामंती जमींदार वर्ग ता सत्ता किन पलटे कींता। ओसो किसान तन्ना पूरा ताकत लागे किवेके, हजारों साल तिंचि कब्जा कीसि उद्दता जमींदार लोरा सत्ता किन पलटे किया परवोर आंतोर। ग्रामीण इलाका लोप्पा उंदी जबरदस्त क्रांतिकारी उभार ता जरूरत मंता। बारांकु इत्तेके सिर्फ क्रांति संगेने लाखों जनता किन तेहची महान शक्ति ता निर्माण कियमुडांता। ग्रामीण इलाका लोप्पा उंदी क्रांतिकारी उभार किसान लोरा ताकत किन जागृत कींता। अदिनके पोरो वेहता सब्बे घटनांग आंतांग अविनकिन लोकुर “वेल्ले मुन्ने दायना” इंतोर। इद्रम ता काम किसान आंदोलन ता दूसरा कालम (क्रांतिकारी कार्रवाई ता कालम) लोप्पा वेल्ले जरूरी मत्ता। इद कालम ते सिर्फ किसान लोरा सत्ता निल्पी कियाना जरूरी मत्ता। किसान संगठन ता खिलाफ अंगडम ता आलोचना कियाना अनुमति हियाना जरूरत हिल्वा मत्ता। शरीफजादा लोरा पूरा सत्ता किन पलटे कियाना, ओर किन खत्म कियाना जरूरत मत्ता। ओरकिन लाता वाटसी तोड़ियो तिहाना ओसो ओरकिन काल दोड़ विहकसी तासिस मंदाना जरूरत मत्ता। इद कालम लोप्पा इव सबे काम कुना क्रांतिकारी महत्व मंता। अविनकिन “पक्काए मुन्ने दायना” इंदा मंतोर। ओसो उंदी पोल्लो बाता इत्तेके हर ग्रामीण इलाका लोप्पा उचुन समय काजे आतंक- राज्य निल्पि कियाना जरूरी मंता। लेवेके नाहकुना लोप्पा प्रतिक्रांतिकारी लोरा कार्रवाई बस्केने दबा कियमुडायो, शरीफजादा लोरा सत्ता किन पलटे कियमुडायो। अन्याय किन खत्म कियाला काजे सीमा पार कियाना जरूरी मंदिता। सीमा पार क्वा लेवा अन्याय किन खत्म कियमुडायो।⁴ पोरोटल हूडतेके बोना विचार किसान “पक्काए मुन्ने हत्तोर” इंजी मंता, ओरा विचार किसान आंदोलन ता कारण ते “सत्यनाश आता” इंदानोरा विचार तुकू अलग मंता। मति सारांश लोप्पा रेंडासी विचारकु उंदे आंदू ओसा रेंडासी जमींदार लोरा सिद्धांत ता समर्थन कींतांग। विशेष अधिकार मंदना वर्ग कुना पक्ष

ता समर्थन कीतांगा। इद सिद्धांत किसान आंदोलन लोप्पा रुकावट पैदा कीता। आखिर ते क्रांति किन तहस-नहस कीता, अदिनके मनम तीना गड्ढक मंजि विरोध कियाना।

“लम्पट लोरा आंदोलन”

क्वोमिंगतांग ता दक्षिण पक्ष बाता इंता इत्तेके: “किसान आंदोलन लम्पट ओसो कोड़ही किसान लोरा आंदोलन आंदू।” छांगशा लोप्पा इद माटा वेल्ले फैले माता। नन्ना नाहकुने मत्तानस्के शरीफजादा लोरा वड़कना केंजतान, “किसान संगठन बनेकियाना बेसे, मति इंजे ताकीकियानोर कोड़ही लोर मंतोर। इद काम किन दूसरोरा कैदे सौंपे कीतेके बेस आयारा।” इद विचार ओसो दक्षिण पक्ष इत्तेके उंदे आंदू। इव रेंडु पक्ष वेन्ने माने मांता कि किसान आंदोलन ताकी किमूडांता (किसान आंदोलन शुरू आता, अदिनके बोरे किसान आंदोलन किन ताकी कियानायो इंदाना हिम्मत कीवोर), मति रेंडु पक्ष वेन्ने आंदोलन ता नेतृत्व कियानोर कोड़ही मंतोर इंजी समझेमांतोर, खासकर दोड़ता किसान संगठन ना नेता लोर होंग आंतोर, ओरु ओरकिन “लम्पट” इंतोर। संक्षेप ते शरीफजादा लोर मुन्ने बोरकिन हुडला समझेमांदुर, बोनकिन ओरु लाता वाटसी पोदिय गुमिया ते वाटसी मत्तोर, बोनकिन समाज लोप्पा जागा हिल्ले आसी मत्ता ओसो वड़कना अधिकार वेन्ने हिल्ला मत्ता, इंजे ओरु तल्ला तेहची ताका मंतोर। इंजे ओरु तल्ला तेहची ताकना शुरू कित्तोर, ओसो ओरु तन्ना कैदे सत्ता किन वेन्ने पोयतोर। इंजे ओरु श्यांग^१ ता किसान संगठन (सबसे दोड़ ता किसान संगठन) ता संचालन कींतोर, इव किसान संगठनकु ओरा कैदे इंजे उंदी दबेमायवा ओसो भयंकर शक्ति बने माता। तन्ना कडंजता, गड्ढक कै तेहची ओरु शरीफजादा लोरकिन पोयतोर। बुरे शरीफजादा लोरकिन डोरी (रस्सी) ते दोहतोर। ओरा तल्ला पोरो कागज ता बेहरा-बेहरा टोपी वाटतोर। ओसो नार लोप्पा जुलूस तेंडतोर। (श्यांगथान ओसो यशंगश्यांग लोप्पा इदिने “नाटे लोप्पा जुलूस तेंडना” इंतोर।) हर दिया शरीफजादा लोरा बेहरा निंदा आंता। ओरु आदेश हिंतोर ओसो सब्बे काम किन

संचालन कींतोरा। मुन्ने सबसे दोड़ मत्तोर, इंजे ओरू सबसे पोरो मंतोर, अदिनके लोकर इदिनकिन “पलटे मायना” इंजी इंतोर।

क्रांति ता हिरावल

बदे चीज लेवेके बदे रकम ता मानेयकुना बारे ते रेंडू विरोधी रुझान मत्तेके, रेंडू विरोधी विचार वेन्ने बने मांता। “सत्यनाश आता” ओसो “पक्काए बेस आता”, “लम्पट”, “क्रांति ता हिरावल”, इव विरोधी मत ता सही उदाहारणकु मंतांग।

माटु पोरो वेहत्ता हिसाब ते किसान लोर सालों तिंचि अधुरा मत्ता क्रांतिकारी काम किन पूरा कित्तोर, इद्रम ओरू राष्ट्रीय क्रांति काजे महत्वपूर्ण काम कित्तोर। मति इद्रता महान क्रांतिकारी काम ओसो महत्वपूर्ण क्रांतिकारी काम पूरा कियाना लोप्पा सब्बे किसान लोर शामिल आतोरा? आयोरा। किसान लोरा मूंडू श्रेणिंग मंतांग-धनी किसान, मध्यम किसान ओसो गरीब किसान। मूंडासी श्रेणिंग ना परिस्थितिंग अलग-अलग मंतांग अदिनके क्रांति ता बारे ते ओरा दृष्टिकोण वेन्ने अलग-अलग मंता। मुन्नेता कालम लोप्पा धनी किसान लोरा इन्ट्रेस्ट ज्यादा मंता, अव बाता इत्तेके च्यांगशी लोप्पा उत्तरी अभियान सेना हारे माता, च्यांग काई-शेक ना काल जख्मी आता⁶ ओसो ओरू हवाई जहाज ते वापिस क्वांगतुंग⁷ हत्तोर, ओसो ऊ फेई-फू⁸ य्वेचओ पोरो ओसो उंदी बेरा कब्जा कित्तोर। अदिनके ओरू किसान संगठन जरूर ज्यादा दिया ताको आयार ओसो मूंडू जन सिद्धांत⁹ बस्केने काम वाया परवो इंजी आल्सतोर, बारांकु इत्तेके इद्रमता पोल्लोंग मुन्ने बस्केने केंजतद हिल्वा मत्ता। श्यांग ता किसान संगठन ता कर्मचारी (आम रूप ते “लम्पट” लेक्काडोर) लोर धनी किसान लोरा लोता सदस्य बने कियाना रजिस्टर पोयसी दांतोर ओसो इंतोर: “बद्रमआई किसान संगठन लोप्पा शामिल आयमुट”, इद्रम इत्ता पेरके धनी किसान लोर बाता जवाब हिंदुर? इत्तेके ओरा जवाब जीवा कीसि वड़कना धनी किसान लोरा लेक्का मंदानदु। “किसान संगठन? नन्ना इगा मंजी खेती किसोरे बीस साल आया मंता, किसान संगठन लेक्काडा

बाताए हूइवा मत्तान, मति मन्ना काम तो ताकसोरे मत्ता। मीटू इव सब्बे विइस्तेके बेस आयार!” ओसो पक्काए खराब धनी किसान लोरा जवाब इद्रम मंदु “किसान संगठन! वेल्ले लबइता पोल्लो! संगठन, तन्नाए वेड़ेर कोयाला काजे? लोकुर किन खतरा ते वाटमाटू!” किसान संगठन किन बनेमासी बचोको महिनांग आतांग ओसो अद शरीफजादा लोरा मुकाबला कियाना वेन्ने हिम्मत कित्ता। सभा ता आसपास ता शरीफजादा लोरा अफीम ता गुड़गुड़ि हिवोर आसी मत्तोर, ओर किन पोयतोर ओसो नाहकुना लोप्पा ओरा जुलूस तेंडतोर। इदे आयावा, काउन्टी-केंद्र लोप्पा प्रमुख शरीफजादा लोरिक खत्म कीतद मंता- इतेके श्यांगथान लोप्पा येन रंग-छयू ओसो निंगश्यांग लोप्पा यांग च-त्से लेक्का। अक्तुबर क्रांति दिवस समय ते, ब्रिटिश-विरोधी आम सभा लोप्पा ओसो उत्तरी अभियान सफलता ता महान समारोह लोप्पा सुडला-बेहरा झंडा तेहची, कावड़ी, फावड़ा तेहची हजारों किसान हर श्यांग लोप्पा बेहरा-बेहरा लाईन बना कीसि ऊसा लेक्का जुलूस तेंडितोर। इव सब्बे आता पेरके धनी किसान आल्सइ ओसो डारुट ते अरतोर। उत्तरी अभियान जीइता पेरके आता महान समारोह लोप्पा ओरू च्योच्यांग किन कब्जा कित्तोर इंजी पुत्तोर, च्यांग कार्ई-शेक ना काल घायल आयवा मत्ता ओसो ऊ फेइ-फू किन आखिर ते हारे कीतद मंता। इदे आयवा “लाल ओसो हरा कागज ता आदेशपत्र” (पोस्टरकुना) पोरो रास्तद मत्ता, “तीन जन-सिद्धांत जिंदाबाद”, “किसान संगठन जिंदाबाद”, ओसो “किसान जिंदाबाद”। धनी किसान चिंता ओसो आशंका ते “किसान जिंदाबाद” इंतोर। इद्रमतोर ‘जिंदाबाद’ इंदाना लेक्का मंतोरा?” अदिनके इंजे किसान संगठन दबाव वाटना शुरू कित्ता। किसान संगठन तोर धनी किसान किन “माटु मीवा पोरोल दूसरा खाता ते रासकोम” लेवेके “ वायना महिना ते भरती आयना फीस दस खान आयार!” इंतोर। इव परिस्थितिंग लोप्पा धनी किसान लोर मजबूर आसी किसान संगठन लोप्पा शामिल आया मंतोर।¹⁰ बोन-बोनकिन भर्ती आयाला काजे पांच च्याओ लेवके उंदी खान हिया लागता। (भर्ती ता फीस सौ छयेन मंता)।¹¹ उचुन मुल तन्ना पक्ष ते रेंडु पोल्लोग वइकना इंजी

दुसरोरा सेवा कीसोरे वेलियंतोर, अस्केने ओर किन भर्ती कियमूडांता। इंजे एवनल सभा लोप्पा शामिल आयवा कडूरतावादी वेन्ने वेल्ले संख्या ते मंतोर। धनी किसान संगठन ता सदस्य बनेमांतोर अस्के ओरू आम रूप ते तन्ना परिवार ता साठ-सत्तर साल ता डोकरा ना पोरोल हींतोर। बारांकु इत्तेके “जरूरी फौजी भर्ती” तल ओरकिन हमेशा वेर्री वेसिंता। संगठन लोप्पा शामिल आता पेरके ओरू बस्केने तन्ना खुशी ते काम कीवोर। ओरू हमेशा निष्क्रिय बने मांतोर।

मध्यम किसान लोरा रुझान बद्रम मंता? ओरा रुझान दुलमुल मंता। ओरू आल्संतोर कि क्रांति तल ओरकिन ज्यादा फायदा दोरको। ओरा कुंडा ते नूका मंता ओसो ओरकिन नडुम नरका सावकार नगा दायना वेर्री ओसो जरूरत मन्ने आंता। ओरू वेन्ने बदे पोल्लो किन मुन्ने मत्ता या हिल्ले इंदानद जांच कींतोर। ओरू वरोरे उदसी कोंडा पीहसी आल्संतोर। “किसान संगठन निज्जमे तम्मा पोरो निर्भर आया परिंता या?” तीन सिद्धांत सफल आया परिंता या? ओरू इदिना नतीजा तेंडिंतोर: “अद्रम आया परवा लेक्का मंता!” मुन्ने ता कालम लोप्पा किसान संगठन तोर रजिस्टर पोयसी मध्यम किसान लोरा लोते हंजी: “किसान संगठन ता सदस्य बनेमायमुट इंजी वेहिंदुर”। मध्यम किसान जवाब हींदुर “इचोन जल्दी हिल्ले!” दूसरा कालम लोप्पा, किसान संगठन पक्काए शक्तिशाली बने माता, ताना पेरकेने मध्यम किसान ताना लोप्पा शामिल आयना शुरू कित्तोर। किसान संगठन लोप्पा ओरू धनी किसान लोरा तुलना ते बेस व्यवहार कींतोर, मति इंजे एवनल वेल्ले सक्रिय आतद हिल्ले। ओसो इंजे एवनल वायाना कालम ते बातल आयार हूडाकाल इंजी आल्सा मंतोर। किसान संगठन किन मध्यम किसान लोर किन संगठन लोप्पा शामिल कियाना कोशिश ओसो ओरा नडुमा हंजी समझे कियाना काम ज्यादा कियाना जरूरत मंता।

नाहकुना मुख्य ताकत, हमेशा सबसे कठिन लडाई लडे माता गरीब किसान आंदू। गुप्त कार्रवाई ता काल ओसो खुला कार्रवाई ता कालम इव रेंडासी कालम कुना लोप्पा गरीब किसान लोर लगातार वेल्ले जोश संगे लडेमातोर। ओरू वेल्ले जीवा कीसि कम्युनिस्ट पार्टी ता नेतृत्व किन

मानेमातोर। ओरू स्थानीय निरंकुश मानेय ओसो शरीफजादा लोरा जानी दुश्मन आंदूर ओसो उचुन पेरके-मुन्ने आयवा लेवा ओरा पोरो हमला कींतोर। ओरू धनी किसान किन “माटू बस्केनो किसान संगठन लोप्पा शामिल आतोम, मीटु इंजे वेन्ने पेरके-मुन्ने आल्सा मतिर?” इंजी इंतोर। धनी किसान पास्कसोरे जवाब हींतोर, “मिकिन मंडाला काजे उंदी बेसता लोन हिल्ले ओसो पुहताला काजे बित्तामेंड जमीन हिल्ले, मीकिन किसान संगठन लोप्पा शामिल आयला बाताल रोमी कींता?” असल इत्तेके गरीब किसान लोरगा बाताले पोहला काजे बातले मन्नो अदिनके ओरकिन वेरीं वेने मन्नो। निज्जमे “ओरा लोप्पाडल वेल्ले तोरगा बेसता लोन हिल्ले, पुहताला काजे बित्तामेंड जमीन हिल्ले” ओरकिन निज्जमे संगठन लोप्पा शामिल आयला बातले रोमी कियापरवो। छांगशा काउन्टी ता सर्वे रिपोर्ट ता अनुसार गरीब किसान लोरा नाहकुना आबादी 70 प्रतिशत मंता, मध्यम किसान 20 प्रतिशत ओसो जमींदार, धनी किसान 10 प्रतिशत मंता। 70 प्रतिशत गरीब किसान लोरकिन दो श्रेणिंग ने तूसमुडांता। एकदम कंगाल ओसो कम कंगाल, पूराए कंगाल इत्तेके, बोनिगा जमीन हिल्ले, पैसा हिल्ले, पिस्वल ता बदे साधन वेने हिल्ले ओरकिन तन्ना लोन-दुवार विड्डी किरायाता सिपाही, लेवके दूसरो रा मजूरी, लेवके भीख ताल्का लागिंता। इद्रम ता “एकदम कंगाल”¹² लोरा श्रेणी लोप्पा लगभग 20 प्रतिशत आबादी मंता। ओसो बोनिगा उचुन जमीन ओसो पैसा मंता, मति बचोन खर्चा आंता अचोन आमदनी हिल्ले ओरू सालमेंड वेल्ले मेहनत कींतोर ओसो तिप्पल ते साल काटे कींतोर। इद्रमतोर दस्तकारी मजदूर, मुजारा किसान (धनी मुजारा-किसान लोरकिन विड्डी) ओसो अर्ध भूमिधर-किसान लोर मंतोर। वीर “कम कंगाल”¹³ ता श्रेणी ते वांतोर वीरा आबादी 50 प्रतिशत मंता। गरीब किसान लोरा व्यापक समुदाय, नाहकुना आबादी ता संख्या 70 प्रतिशत मंता इदु किसान संगठन ता मुरकुल आंदू, सामंती ताकत ता तख्ता पलटे कियाना हिरावल आंदू ओसो सालों तिंची अधुरा मत्ता महान क्रांतिकारी काम किन पूरा कित्ता वीर लोरा समुदाय आंदू। गरीब किसान वर्ग (शरीफजादा

“लम्पट” इंतोर) हिल्वेके ग्रामीण इलाका लोप्पा क्रांति ता वर्तमान परिस्थिति पैदा आयना, स्थानीय निरंकुश मानेय ओसो शरीफजादा लोरा तख्ता पलटे कियाना ओसो जनवादी क्रांति पूरा किया परमूडायो आसी मनवड़। सबसे ज्यादा क्रांतिकारी आता कारण ते गरीब किसान लोर किसान संगठन ता नेतृत्व किया मंतोर। मुन्नेता ओसो दूसरा कालम लोप्पा सबसे दोड़ स्तर ता किसान संगठन कुना लगभग सब्बे प्रधान ओसो कमेटी-सदस्य लोरा पद पोरो गरीब किसान लोर उदसी मंतोर। (हांगशान काउन्टी ता श्यांग संगठन कुना पदाधिकारी लोरा लोप्पा एकदम गरीब किसान 50 प्रतिशत, कम गरीब किसान 40 प्रतिशत ओसो गरीब बुद्धिजीवि लोर 10 प्रतिशत मंतोर)। गरीब किसान लोरा नेतृत्व पक्काए जरूरी मंता। गरीब किसान लेवेके क्रांति आया परवो। ओरा भूमिका किन इनकार कियाना इत्तेके क्रांति तुकू इनकार कियाना आंता। ओरा पोरो हमला कियाना क्रांति पोरो हमला कियाना आंता। ओरा क्रांति ता आम दिशा बस्केने गलत मनो आता। ओरू स्थानीय निरंकुश मानेय ओसो बुरे शरीफजादा लोरा इज्जत ता भाजीपाला कितोर। ओरू सुडला-बेहरा स्थानीय निरंकुश मानेय ओसो बुरे शरीफजादा लोरकिन लाता हीसी मुड्डी कितोर ओसो काल दोड़ दबे कीसि तास्तोर। क्रांतिकारी कार्रवाई कालम लोप्पा ओरा वेल्ले काम किन इत्तेके “वेल्ले मुन्ने हतोर” इत्ताद मंता, अव क्रांति तुकू पक्काए जरूरी मत्ता। हुनान लोप्पाटा उचुक काउंटी ना लोप्पा सरकार ओसो क्वोमिंगतांग ता काउंटी हेडक्वार्टर ओसो काउंटी किसान संगठन लोप्पा बचोको गलतिंग कीत्तद मंता। उचुन मुल जर्मीदार लोरा वेहत्तास्के दोड़ स्तर ता किसान संगठन ना बचोनो पदाधिकारी लोरिन गिरफ्तार कियाला काजे सैनिक लोरिकिन वेन्ने लोहतोर। हांगशान ओसो श्यांगश्यांग काउंटींग लोप्पा श्यांग ता किसान संगठन ना वेल्ले प्रधान ओसो कमेटी-सदस्य लोरकिन जेल लोप्पा वाटतोर। इद उंदी बेहरा ओसो गंभीर गलती मत्ता, इदिना कारण ते प्रतिक्रियावादी लोरा अराजकता किन प्रोत्साहन दोरकिता। इद गलती आंदू आयो, इंदाना जांच कियाला काजे किसान संगठन ना प्रधान ओसो कमेटी-सदस्य लोर गिरफ्तार आतास्के

स्थानीय जमींदार लोर बचोन खुश आंतोर ओसो प्रतिक्रियावादी भावना बेगा एवनल बेर्सिता इंदाना हूडाना। “लम्पट लोरा आंदोलन” ओसो “कोड़ही किसान लोरा आंदोलन” लेक्काडा क्रांति-विरोधी निन्दा कियानोरा मनम विरोध कियाना। ओसो खासकर गरीब किसान वर्ग पोरो हमला कियाना लोप्पा स्थानीय निरंकुश मानेय ओसो बुरे शरीफजादा लोरा मदद कियाना गलती कियानायो। असल इत्तेके गरीब किसान लोरा उचुन नेतालोरा लोप्पा मुन्ने उचुन गलतिंग मत्तांग, मति ओरा लोप्पा ज्यादतर इंजे तन्ना-तन्ना सुधार कित्तोर। ओरू खुद जुआ (सट्टा) करसना पोरो पाबंदी वाटतोर ओसो डकैती खत्म किया मंतोर। किसान संगठन बेगा मजबूत मंता अगा जुआ ओसो डकैती पूरा बंद आता। इत्तेक अगाटा मानेय हर्दे बदे सामान दोरकतेकाई तानकिन पेहकसी कीसाते निहोर आंतोर ओसो नर्का तन्ना लोता किवाड़ वेने किहोर आंतोर। हांगशान ता जांच-पड़ताल ता अनुसार गरीब किसान लोरा नेतालोरा लोप्पाडल 85 प्रतिशत इंजे बिल्कुल सुधरेमातोर ओसो योग्य ओसो मेहनती बनेमातोर। सिर्फ 15 प्रतिशत लोप्पा उचुन गलत आदतकु इंजे वेन्ने मंतांग। वीरकिन माटु “उचुन लबड़तोर (unhealthy minority)” इंदा परिंतोम ओसो स्थानीय निरंकुश मानेय ओसो बुरे शरीफजादा लोरो लेंग लोप्पा लेंग कलिई कीसि भेदभाव किवा लेवा मनम गरीब किसान लोरकिन “लम्पट” इंदाना बेस मन्नो आंता। “उचुन लबड़तोर” इद समस्या “अनुशासन किन मजबूत कियाना” किसान संगठन ता नारा अनुसार, जन-समुदाय लोप्पा प्रचार कीसि, “उचुन लबड़तोर” किन शिक्षित कीसि संगठन ता अनुशासन किन मजबूत कीसिए हल कियमूंडांता। मति बद्रमआई सैनिक लोरकिन मनमानी रूप ते लोहची इद्रम गिरफ्तार कियानायो। इद्रम कितेके गरीब किसान वर्ग ता दबाव कम आंता ओसो स्थानीय निरंकुश मानेय, बुरे शरीफजादा लोरा आराजकता किन सहयोग आंता। इद उंदी पोल्लो पोरो मनाकिन खास ध्यान हियाना जरूरत मंता।

चौदह बेहरा सफलतांग

किसान संगठन ता आलोचना कियनोर ज्यादातर लोकुर किसान संगठन वेल्ले काम खराब कित्ता इंतोर। नन्ना मुन्ने ने वेहतान कि स्थानीय निरंकुश मानेय ओसो बुरे शरीफजादा लोरा पोरो किसान लोरा हमलांग पूरा क्रांतिकारी कार्रवाई आंदू ओसो ओरा बातल आतेकाई आलोचना कियानायो। किसान लोर वेल्ले काम कित्तोर ओसो लोकुरा आलोचना ता जवाब हियाला काजे माटु उंदी-उंदी कीसि ओरा हर कार्रवाई किन बारिकी ते जांच कियाना, अस्केने ओरू बाता कित्तोर इंदाना पुनमुड़ंता। हत्ता उचुन महिनांग ना ओरा कर्यवाहींग ना वर्गीकरण कित्तान ओसो ताना नतीजा इद्रम मंता, कुल मिलेकीसि, किसान लोर किसान संगठन ता नेतृत्व लोप्पा दोड़ रस्ता लेक्का चौदह बेहरा सफलतांग मंतांग।

1. किसान लोरकिन किसान संगठन लोप्पा संगठित कियाना

इद किसान लोर दोरकी कित्ता पहला बेहरा सफलता आंदू श्यांगथान, श्यांगशांग ओसो हंगशान लेक्काटा काउन्टीना लोप्पा लगभग सबे किसान संगठित मंतोर ओसो किसान लोर तेदतद हिल्ला लेक्का बदे कौंटा पिस्सो आसी मंदार बहे, इद पहली श्रेणी ता जागा आंदू इयांग ओसो ह्वारंग लेक्काटा काउन्टीने वेल्ले किसान संगठित आतोर, ओसो ओरा सिर्फ सुडला हिस्साए इंजे संगठित हिल्ला मंता। इद दूसरा श्रेणी ता इलाकांग आंदूंग। छंगपू ओसो लिंगलिंग लेक्काटा काउन्टी लोप्पा किसान ना उंदी सुडला भाग संगठित आता ओसो किसान लोरा बेहरा हिस्सा असंगठित मंता। इद तीसरा श्रेणी ता इलाकांग आंदूंग। ख्वान चू-मिंग ना कब्जा मंदाना पश्चिम हुनान लोपा किसान संगठन ता प्रचार हिल्ले ओसो ताना वेल्ले काउन्टी ना लोप्पा किसान इंजे पूरा असंगठित मंतोर। इद चौथा श्रेणी ता इलाकांग आंदूंग। खास रूप ते छांगशा केंद्र मंदाना काउन्टिंग सबसे मुन्ने हत्ता। दूसरा नम्बर ते दक्षिण हुनान ता काउन्टिंग वांता, ओसो पश्चिमी हुनान लोप्पा संगठन ता काम इंजे शुरू आया मंता। हत्ता नवम्बर लोप्पा प्रांतीय किसान संगठन ता गणना ता अनुसार सब्बे प्रांत ता 75

काउंटिंग लोप्पाटल 37 लोप्पा संगठन निल्पी कित्तोर, वेरा सदस्य लोरा संख्या 13,67,727 मंता। तीना लोपडल लगभग 10 लाख हत्ता अक्तूबर-नवम्बर लोप्पा संगठित कित्तद मत्ता। मति किसान संगठन ता पूरा पुकार आत्ता। हत्ता सितम्बर एवनल पूरा सदस्य लोरा संख्या सिर्फ मूंड-नालुंग लाख मत्ता। ताना पेरके दिसम्बर ओसो जनवरी महिना एवनल किसान आंदोलन ता तीव्र विकास ताकसोरे मत्ता। जनवरी महिनाता आखरी एवनल सदस्य लोरा संख्या कम से कम बीस लाख एवता। किसान संगठन लोप्पा शामिल आयनास्के उंदी परिवार लोप्पाडल वरोना पोरोल रासमुडुंता ओसो औसतन उंदी परिवार लोप्पा 5 जन मंदितोर, इद्रम किसान संगठन किन मानेमायनोरा संख्या लगभग एक करोड़ आयारा। इद बस्के हिल्ला ओसो तीव्र विकास ता कारण ते स्थानीय निरंकुश मानेय, बुरे शरीफजादा ओसो भ्रष्टाचारी अफसर अलग-अलग आतोर अदिन के समाज ता मानेय इदिन हूडसी हैरान आतोर, कि किसान आंदोलन तेदतास्के दुनिया पूरा बदलेमाता: अदिनके नाहकुना लोप्पा उंदी महान क्रांति आता। इद पहला सफलता आंदू, तीना नेतृत्व किसान संगठन कित्ता।

2. जर्मीदार लोरा पोरो राजनीतिक हमला

संगठित आता पेरके किसान लोर सबसे मुन्ने जर्मीदार, निरंकुश मानेय ओसो बुरे शरीफजादा लोरा राजनीतिक दबाव किन खत्म कींतोरा। इत्तेके ओरू ग्रामीण समाज लोप्पा जर्मीदार लोरा सत्ता किन पलटे कींतोरा ओसो किसान लोरा सत्ता निल्पी कींतोरा। इदु वेल्ले गंभीर ओसो महत्वपूर्ण संघर्ष आंदू। दूसरा कालम लोप्पा, क्रांतिकारी कार्रवाई कालम लोप्पा इदु केंद्रीय संघर्ष आंदू। इद संघर्ष लोप्पा सफलता हासिल किवेके, बदे वेने आर्थिक संघर्ष लोप्पा, लगान ओसो सूद कम कियाला काजे संघर्ष लोप्पा, जमीन ओसो उत्पादन साधन किन हासिल कियाना संघर्ष लोप्पा ओसो इद्रम ता बचोनों संघर्षकुना लोप्पा सफलता हासिल कियमूडायो आंता। हुनान लोप्पा वेल्ले जागांग ने, इत्तेके श्यांगश्यांग, हंगशान ओसो श्यांगथान

लेक्काडा काउन्टिंग लोप्पा इंजे बदे समस्या हिल्ले, बारांकु इत्तेके जर्मीदार लोरा सत्ता पूरा बदलेमाता इंदाना पोल्लो पोरो बदे डाउट हिल्ले। ओसो सिर्फ किसान लोरा सत्ता मंता। मति लीलिंग लेक्काटा काउन्टिंग लोप्पा इंजे वेन्ने उचुक जागांग मंतांग (लीलिंग ता पश्चिम ओसो दक्षिण इलाका लेक्काटा) अगा जर्मीदार लोरा सत्ता किसान लोरा सत्ता तुकू कम शक्तिशाली मंता, मति असल इत्तेके अगा राजनीतिक संघर्ष तीव्र रूप ते ताकतद हिल्ले, अदिनके लोप्पा-2 किसान लोरा सत्ता ता विरोध किया मंतोर। इद्रमता जागाना किन माटु अगा किसान लोर तन्ना राजनीतिक सफलता हासिल कितोर इंजी पक्का वेहा परवोम। बस्के एवनल जर्मीदार लोरा सत्ता पूरा बदली आयो अस्के एवनल किसान लोरकिन ओसो ज्यादा राजनीतिक संघर्ष कियाना जरूरी मंता। कुल मिले कीसि किसान लोर दोड़ रास्ता लेक्का जर्मीदार लोरा पोरो हमला कींतोर।

हिसाब-किताब ता जांच, ज्यादातर स्थानीय निरंकुश मानेय ओसो शरीफजादा लोर तन्ना देखरेक ते मत्ता हूंडा (सामूहिक) धन-सम्पत्ति किन तितोर ओसो ताना हिसाब-किताब हिल्ले, वीर इदिना अपराधी आंदूर। इंजे किसान लोर हिसाब-किताब ता जांच किन उंदी हथियार बने कीसि वेल्ले स्थानीय निरंकुश मानेय ओसो बुरे शरीफजादा लोरा तख्ता पलट कितोर। वेल्ले जगा लोप्पा स्थानीय निरंकुश मानेय बुरे शरीफजादा लोरा जांच कियाला काजे कमेटींग बने कितोर। कमेटी कार्यकर्ता लोरकिन हूडतेकेने सांग मंतोर। किसान आंदोलन मत्ता काउंटिंग लोप्पा वेल्ले संख्या ते इद्रम ता जांच-आंदोलन ताकि कीतद मंता। इव जांच आंदोलन कुना लूटे कित्ता रकम किन वापिस दोरकी कियाना लोपा अचोन महत्व हिल्ले बचोन स्थानीय बुरे शरीफजादा लोरा अपराध किन भांडाफोड़ कियाना ओसो ओरा राजनीतिक ओसो सामाजिक सत्ता तल दोड़ अरहना लोप्पा मंता।

जुर्माना। दोड़ रास्ता अपराध काजे बदे स्थानीय निरंकुश मानेय या बुरे शरीफजादा किन बचोन जुर्माना लागियर इंदानदु किसान लोर निर्णय कींतोर - जांच कीत्तास्के दोरकना घोटाला, किसान लोरकिन परेशान

कित्तव कार्यवाही, किसान संगठन ता जड़ कातना वर्तमान कार्यवाही, जुआ करसना पोरो वाटता पाबंदी तोड़े कियाना ओसो अफीम ता चीलम हियाना तुकू इनकार कियाना। जुर्माना ता रकम हजारो य्वान आया परिंता। इद स्वाभाविक मंता कि बोना पोरो किसान लोरा जुर्माना वाटितोर, ओरा मुक्कम कारियल आंता।

चंदा:- गरीब लोरा मदद काजे, सहकारी समितिग, किसान लोरकि कर्ज हियाना संस्थांग ना संगठन काजे लेवेके दूसरा काम काजे अमीर जर्मीदार लोरगडल चंदा वसूल कींतोर। अद्रमे चंदा वेन्ने उंदी हिसाब ता दण्ड आंदू, मति अद जुर्माना ता मुकाबला ते कम सख्त मंता। बचोनो जर्मीदार लोर तिप्पल तिंची पिस्साला काजे स्वेच्छा ते किसान संगठन किन चंदा हींतोर।

साधारण विरोध। बोराई किसान संगठन किन पोल्लो लेवेके काम संगे नुक्सान कींतोर, ओना अपराध साधारण मंता, इतेके वेल्ले लोकुर जमा आंतोर ओसो साधारण विरोध कियाला काजे ओना लोते होड़ियंतोर। अद्रम कीतेके ओनकिन “इंजे इद्रम कीवोन” इंदाना क्रिया पत्र रासा लागिंता। तान लोप्पा भविष्य ते पोल्लो लेवेके काम संगे किसान संगठन किन बदनाम कियाना कोसिस किवोन इंजी साफ-साफ रासीस मंदिता।

बेहरा प्रदर्शन। किसान संगठन संगे दुश्मनी तासानोर स्थानीय निरंकुश मानेय लेवेके बुरे शरीफजादा लोरा खिलाफ प्रदर्शन कियाना काजे बेहरा संख्या ते भीड़ जमा कियाना आंता। ओर ओना लोते हंजी गाटो तिंतोर, ओना पद्दिंग हौकिंतोर, अनाज खर्च कींतोर, तूसिंतोर। इद्रमे बचोको घटनांग आतांग। इंजे उचुन दिया मुन्ने श्यांगथाम काउंटी ता माच्याहो लोप्पा पन्द्रह हजार ता भीड़ छः बुरे शरीफजादा लोरकिन सजा हियाला काजे ओरा लोते होड़ियतोर। ओरु अगा नालुंग दिव्या मत्तोर, 130 तुकू ज्यादा पद्दिंग होक्सी तित्तोर। इद्रम ता प्रदर्शन आता पेरके किसान जुर्माना वाटितोर।

कागज ता लम्बा टोपी वाटसी नाहकुने जुलुस। इद्रम ता जुलुस बचोको जागांग लोप्पा वेल्ले बेरा कित्ताद मंता। स्थानीय निरंकुश मानेय ओसो बुरे शरीफजादा लोरा तल्ला पोरो कागज ता लम्बा टोपी तास मुड़ांता। ताना पोरो “ओरु स्थानीय निरंकुश मानेय” लेवेके “ओरु बुरा शरीफजादा” इंजी रासिस मंदु। ओरकिन डोरी ते दोहची ताकी कींदुर ओरा पेरके-मुन्ने बेहरा-बेहरा भीड़ ताकिंदु। बस्के-बस्के लोकरा ध्यान आकर्षित कियाला काजे ढोल नेकी कींदुर, झंडा फहरे कींदुर। बदे दूसरा सजा ता मुकाबाला ते इद सजा स्थानीय निरंकुश मानेय ओसो बुरे शरीफजादा लोरकिन थरथर सांगी कींता। बोना तल्ला पोरो उंदी बेरा कागज ता लाटी टोपी वाटिंदुर, ओना टोड्डी हमेशा तुकू कारियल आंदू ओसो ओरू बस्केने तल्ला तेहना हिम्मत कीवोर। अदिन काजे अमीर लोर कागज ता लाटी टोपी वाटाना ता बदला जुर्माना हियाना बेस इंदुर। मति किसान लोर जिद् कीतेके ओरकिन वाटाला लागिंता। उंदी श्यांग ता किसान संगठन वेल्ले होशियार मत्ता। अद वरोर बुरे शरीफजादा किन गिरफ्तार कित्ता ओसो ओना तल्ला पोरो कागज ता टोपी तासाना इंजी ऐलान कित्ता। वेरींय ता मारे ओना मोक्कम पांडरी आता। अस्के किसान संगठन इद काम किन इचुद दिया रोमी कियाना फैसला कित्ता। कारण बाता इत्तेके अदे दिया ओनकिन टोपी करपी कीतेके, ओर पक्का बेसरम आयनुर, पेरके ओनकि वेरीं वेसो आयार इंजी मत्ता। ओनकि लोन लोहची दूसरा दिया टोपी करपी कीतेके वेल्ले बेस आयार। बुरे शरीफजादाल तन्ना किन टोपी बेस्के करपी कियानुर इंजी पुनवा मत्तोर, अदिनके हर दिया परेशान आसी लोने मंदुर, उचुन आवाज आतेकाई परेशान आंदूर।

काउंटी ता जेल लोप्पा कैद। कागज ता लम्बा टोपी वाटाना तुकू ज्यादा सख्ता स्थानीय निरंकुश मानेय लेवेके बुरे शरीफजादा लोरकिन गिरफ्तार कींतोर ओसो काउंटी ता जेल लोप्पा कैद कींतोर, काउंटी ता मजिस्ट्रेट किन सजा हियाना इंजी वेहिंदुर। मुन्ने कैद आयानोर किनकु, इंजेटा कैदी लोर अलग मंदानोर मुन्ने किसान लोरकिन शरीफजादा लोर

जेल ते लोहिंदुर, मति इंजे शरीफजादा लोरिन किसान लोर जेलते लोहितोर।

पूंडना। किसान लोर निरंकुश मानेय ओसो बुरे शरीफजादा लोरिक पूंडना इंजी आल्सोर मति बोर तन्ना अपराध ओसो अत्याचार काजे प्रसिद्ध मंतोर: ओर ओरा गिरफ्तारी कीसि खत्म कियाना इंजी आल्संतोर। ओरु गिरफ्तार लेवेके खत्म कियाना वेरीं ते वित्तितोर। बद काउंटी ता किसान आंदोलन बेस विकसित आता, अगा लगभग सब्बे मेन स्थानीय निरंकुश मानेय ओसो बुरे शरीफजादा लोर वित्तितोर। इद पूंडना लेक्काने आंता। वीरा लोप्पा पहली नम्बर तोर शांघाई वित्तितोर। दूसरा नम्बर तोर हानखाओ, तीसरा नम्बर तोर छांगशा ओसो चौथा नम्बर तोर काउंटी-केंद्र ते वित्तितोर। इद्रम वित्तनोर स्थानीय निरंकुश मानेयन ओसो बुरे शरीफजादा लोरा लोप्पा शांघाई वित्तनोर सबसे ज्यादा सुरक्षित मंतोर। उचुन हानखाओ वित्तनोर आखरी ते दोरक्तोर ओरकिन पोयसी वापस तत्तोर। छांगशा वित्तनोर किन वेन्ने हमेशा वेरीं मंदिता कि काउंटी तिंची वाता विद्यार्थि लोर बस्केने पोयंतोर बहे इंजी। नन्ना छांगशा लोप्पा मत्तास्के नन्ना खुद ओरा लोपडल इरवुर किन पोयनद हूडताना काउंटी-केंद्र ने वित्तनोर चौथा नम्बर तोरे आंदूर। किसान लोरगा सूचना एवसि कियाना वेल्ले साधन मंता, अदिन के ओरा समाचार आराम ते दोरकिंता। हुनान ता प्रांतीय सरकार परेशानी ता स्थिती ते मत्ता, ओसो तन्ना वित्तीय अधिकारी लोर धनी लोकरु किन बाहर पूंडतोर इंजी किसान लोरा पोरो आरोप वाटतोर, अदिनके पैसा जमा कियाना मुश्किल आया मंता। इद्रम आतास्के बद्रम स्थानीय निरंकुश मानेय ओसो बुरे शरीफजादा लोरकिन नाहकुना लोप्पा टिकेमायला हिवोर इंजी अंदाजा आंता।

फैरिंग कीसि हौकना। किसान लोर दूसरा तबका ता जनता ना संगे कलियसी केवल वेल्ले बेहरा सथानीय निरंकुश मानेय ओसो बुरे शरीफजादा लोरकिने इद सजा हींतोर। इत्तेके किसान ओसो दूसरा तबका ता जनता ना जोर वाटतास्के सरकार निंगश्यांग ता यांग च-त्से, य्वेयांग ता चओ च्या-कान ओसो ह्वारंग ता फू ताओ-नान ओसो सुन पो-चू किन

फैरिंग कीसि हौक्ता। श्यांगथान ता येन रिंग-छयू ता समस्या लोप्पा किसान ओसो दूसरा तबका ता जनता मजिस्ट्रेट किन मजबूर कित्तोर कि ओरू ओरकिन जेल तिंची बाहर तेंडना ओसो पेरके किसान लोर तन्ना जिम्मेदारी ते ओरकिन फैरिंग कीसि हौकतोर। निंगश्यांग ता ल्यू चाओ किन खुद किसान लोर हौकतोर। “स्थानीय निरंकुश मानेय ओसो बुरे शरीफजादा लोरा खास अदालत” ता फैसला आता पेरके लीलिंग ता फंग च-फान ओसो इयांग ता चओ थ्येन-चेवे ओसो छाओ युन किन हौकना सजा हितोर। वीर बेहरा स्थानीय निरंकुश मानेय ओसो बुरे शरीफजादा लोरा लोप्पा वरोन खात्म कीतेके सब्बे काउंटिंग लोप्पा खलबली मचेमांता ओसो सामंतवाद ना बाकित्ता गलितंग किन दूर कियाना लोप्पा कारगर साबित आंता। हर काउंटी लोप्पा इद्रम बीस लेवेके कम सेकम बेहरा-बेहरा स्थानीय निरंकुश मानेय, बुरे शरीफजादा लोर दोरकित्तोर: ओसो हर काउंटी लोप्पा कम से कम ओरकिन तो हौकना सजा हियाना पाहिजे। बोरा अपराध ओसो काला कारनामा पक्काए खतरनाक मंता। इदे प्रतिक्रियावादीर किन दबे कियाना तरीका आंदू। स्थानीय निरंकुश मानेय ओसो बुरे शरीफजादा लोरा आदेश ताकिंदू, अस्के खुद हिक्के-हाक्के हूडवा लेवा किसान लोरकिन होक्तोर। छांगशा काउंटी ता शिनखांग कस्बा ता रक्षा-दल ता प्रधान हो माए-छवेन दस साल एवनल दल ता प्रधान मत्तोर। ओना कैदे डोलता गरीब किसान लोरा संख्या लगभग 1 हजार एवता। ओसो इदिन किन ओरू “डाकुलोरा खात्मा” इंदुर। नावा जन्म आता काउंटी श्यांगथान ता इनथ्येन कस्बा ता रक्षा-दल ते प्रधान थान च्युन-येन ओसो ला शू-लिन 1913 तिंचि इंजे एवनल चौदह साल लोप्पा पचास तुकू ज्यादा लोकर किन हौक्तोर, ओसो नालवुर किन जिंदा मिसत्तोर। पचास तुकू ज्यादा हौक्तोर। लोप्पा इरवुर बिल्कुल निर्दोष भिखारी लोर मत्तोर। थांग च्युन-येन बाता इंतोर इत्तेके: “शुरूआत कियाला काजे ताटु इरवुर भिखारी लोरकिन हौकाकाल”। बेचारा इरवुरासी भिखारी लोरकिन जीवा हिया लागता। स्थानीय निरंकुश मानेय ओसो बुरे शरीफजादा लोर मुन्ने वेल्ले क्रूरता ते कित्तोर। नाहकुना लोप्पा ओरू इद

हिसाब ते पांडरी आंतक फैले कीसि मत्तोर। इंजे किसान तेदतोर, उचुन मुल किल फैरिंग कीसि हौत्तोर। प्रतिक्रियावाद किन दबे कियाला काजे उचुन आतंक पैदा कित्तास्के, इंजे ओरकिन इद सब्बे कियाना जरूरत हिल्ले इंजी बद्रम इंदा परितोर?

3. जर्मीदार लोरा पोरो आर्थिक हमला

इलाका तिंची बाहर अनाज लोहाना पोरो, अनाज ता कीमत जबरदस्ती बेसीं कियाना पोरो, अनाज ता जमाखोरी ओसो सट्टेबाजी पोरो प्रतिबंधा हत्ता उचुक लेंजकुना लोप्पा हुनान ता किसान लोरा आर्थिक संघर्ष लोप्पाड़ा इद उंदी बेहरा घटना आंदू। हत्ता अक्तुबर तिंची गरीब किसान लोर जर्मीदार, धनी किसान लोरा अनाज किन बाहर दायाला हीवोर। ओसो अनाज ता कीमत जबरदस्ती बेसीं कियाना ओसो अनाज ता जमाखोरी ओसो सट्टेबाजी पोरो रोक लागे कित्तोर। अदिनके गरीब किसान लोर तन्ना उद्देश्य लोप्पा पूरा सफलता हासिल कित्तोर। अनाज बाहर लोहाना पोरो प्रतिबंध एकदम सख्त मत्ता, अनाज ता भाव पक्काए कम आसी मत्ता ओसो अनाज ता जमाखोरी ओसो सट्टेबाजी वेन्ने खत्म आता।

लगान ओसो जमानत बेसीं कियाना पोरो पाबंदी, लगान ओसो जमानत कम कियाला काजे आंदोलन। हत्ता साल जुलाई ओसा अगस्त लोप्पा किसान संगठन कम शक्तीशाली मत्तास्के, जर्मीदार लोर तन्ना पाड़ना तरीका ते बचोन शोषण कितेके कम ईंजी उंदी पेरके उंदी तन्ना मुजारा (लगान हिंसी भूम पुहतनोर अनु.) किसान लोरकिन सुचित कित्तोर कि लगान ओसो जमानत बेसीं कियमुड़ायर इंजी। मति अक्तुबर एवनल किसान संगठन ता शक्ति पक्काए बेसता ओसो वेरु किसान लोर लगान ओसो जमानत बेसीं कियाना उंदी मत ते विरोध कियाना शुरू कित्तोर, जर्मीदार लोर वेरीं ता मारे वडकना हिंमत किया परवोर। हत्ता साल नवम्बर लेंज पेरके किसान लोर जर्मीदार लोरिनकु ज्यादा शक्तीशाली आतोर। अदिनके ओर उंदी कदम मुन्ने हंजी लगान ओसो जमानत कम कियाला काजे आंदोलन कित्तोर। हत्ता साल आकी

ऊसाना कालम लोप्पा लगान हियानास्के किसान संगठन वेल्ले मजबूत हिल्वा मत्ता, लेवेके लगान अस्केने कम आसी मनवड। किसान लोर तीना काजे जोरदार प्रचार किया मंतोर कि इद साल ता आकी ऊसाना कालम लोप्पा लगान कम आयाना इंजी, ओसो जमींदार लोर इंतोर कम बद्रम कियाना। जमानत कम कियाना काम हंगशान ओसो दुसरा काउंटीना लोप्पा शुरू आता।

पट्टा रद्द कियाना पोरो पाबंदी। हत्ता साल जुलाई-अगस्त लोप्पा इद्रम ता वेल्ले घटनांग आतांग, जमींदार लोर पट्टा रद्द कीसि मत्तोर ओसो जमीन किन दोबारा पोयत्तोर। मति अक्तुबर महिना पेरके पट्टा रद्द कियाना बोनादे हिम्मत आयो। इंजे इत्तेके पट्टा रद्द कियाना ओसो दोबारा जमीन पोयना हिम्मत वेन्ने कीवोर। उंदी समस्या, इंजे एवनल हल आतद हिल्ले, अद जमींदार तन्ना जमीन खुद पुहतेके पट्टा रद्द आया परिंता या आयो इंदानदु। बचोनो जगाने किसान लोर तीना अनुमति वेन्ने हिवोर। ओसो उचुक जागाने, जमींदार लोर खुद जमीन किन पूहतेके पट्टा रद्द कियमुडांता। मति मुजारा किसान लोरा बेरोजगार आयाना समस्या मुन्ने वांता। इद समस्या ता समान्य समाधान इंजे आताद हिल्ले।

सूद लोप्पा कमी। आनह्वा लोप्पा आम रूप ते सूद कम कित्तद मंता। दूसरा काउंटीना लोप्पा वेन्ने इद्रम ता घटनांग आतांग। मति किसान संगठन बेगा मजबूत मंता, अव नाहकुना लोप्पा सूद पोरो पैसा उधार हियाना प्रथा लगभग खत्म आता। बारांक इत्तेके “सम्पत्ति ता कम्यूनीकरण” ता वेरीं ते जमींदार लोर उधार हियाना बंद कित्तोर। इंजे ताकना सूद कम कियाना चर्चा पाड़ना कर्ज ता बारेते आंदू। केवल पाड़ना कर्ज पोरोने सूद कम कित्तद मंता मति मूल कर्ज किन वापस एतानायो इंजी महाजन लोर किन हुक्म वेन्ने कित्तोर। गरीब किसान इंतोर इत्तेके “तीना दोष नाकिन हिमाटु। इद साल ता फसल बेस वायो, वायाना साल ते नन्ना भुगतान कियकाना।”

4. स्थानीय निरंकुश मानेय ओसो बुरे शरीफजादा लोरा सामंती शासन ता तख्ता पलटे कियाना-तू ओसो थ्वान¹⁵ किन नष्ट कियाना

राजनीतिक सत्ता ता तू ओसो थ्वान (इत्तेके जिला ओसो श्यांग) ता स्तर ता पाइना संस्थांग, खासकर तू ता स्तर ता संस्थांग अविना नंबर काउनटी स्तर ता संस्थांग ना पेरेके वांता, सब्बे स्थानीय निरंकुश मानेय ओसो बुरे शरीफजादा लोरा कैदे मंदानदु। तू लोप्पा लगभग दस से पचास हजार एवनल आबादी मंदु। ताना खुद ता सेना मंदु। थ्वान ता रक्षा दल लेक्काटा मालगुजारी वसूल कियाना स्वतंत्र वित्तीय अधिकार मंदु ताना लोप्पा फी मू ता विशेष लेवी¹⁶ वने शामिल मंता। ताना न्याय सम्बन्धी सत्ता अलग मत्ता, ताना लोप्पा अद मनमर्जी ते गिरफ्तार किया परिंता, जेल लोहा परिंता, केस ताकिकिया परिंता ओसो सजा हिया परिंता। बुरे शरीफजादा लोर इद्रम ता संस्था किन ताकी कींदुर, नाहकुना बादशाह मंदुर। गणराज्य ता राष्ट्रपत्ती, प्रांतीय फौजी गवर्नर¹⁷ या काउंटी ता मजिस्ट्रेट ना बारे ते किसान लोर कम ध्यान हींदुर, बारांकु इत्तेके ओरा असली “सरदार” तो नाहकुना बादशाह मंदुर। वीर मोसोरकिन पोरो तेहची वड़किंदुर अस्के किसान लोर समझेमांदुर कि ओरकिन होशियार मंदाना पाहिजे। नाहकुना लोप्पा इंजेटा विद्रोह ता कारण जमींदार वर्ग ता शक्ति ओसो दबाव साधारण रूप ते खत्म आता। ओसो ग्रामीण शासन ता इद्रम ता संस्थांग खत्म आतांग। (इवीना पोरो स्थानीय निरंकुश मानेय ओसो बुरे शरीफजादा लोर ताकी कींदुर)। तू ओसो थ्वान ता सबे सरदार इंजे जनता तुकू बचेमायाला आल्संतोर ओसो ओर सामना कियाना हिम्मत कीवोर आंतोर। ओर सब्बे स्थानीय समस्यांग किन किसान संगठन ते लोहंतोर ओसो जनता किन “इद मावा काम आयो” इंजी वेहंतोर।

तू ओसो थ्वान ता सरदार लोरा पोल्लो ताकिंता अस्के किसान लोर भड़के मासी इंतोर “अद गिरोह! वीरा ओडा इंजे मुडंदता” इंजी।

बेगाटल क्रांति ता तूफान हत्ता, अगा ग्रामीण शासन किन पाड़ना संस्थांग ना हालत किन निज्जमे इद्रमे वेहमुड़ांता, “वीरा ओडा मुड़ंदत्ता रा”

5. जर्मीदार लोरा सेना खत्म कियाना

ओसो किसान लोरा सेना ता निर्माण कियाना

हुनान ता पश्चिम ओसो दक्षिण भाग ता तुलना ते ताना नड़मा ता भाग लोप्पा जर्मीदार वर्ग ता सेना कम मत्ता। हर काउन्टी लोप्पा औसतन 600 राईफलकुना हिसाब ते सब्बे इलाकाना 75 काउन्टिंग लोप्पा कुल मिले कीसि 45,000 राइफलकु मंतांग, मति इदिनकु ज्यादा वेन्ने मंदर बहो दक्षिण ओसो नड़मा ता हिस्सांग लोप्पाडा किसान आंदोलन वेल्लेय बेसतद मंता। किसान लोर तेजी ते तेदता कारण ते जर्मीदार लोरा मनमर्जी ताकना बंद आता ओसो ओरा वेल्लाए सेना किसान संगठन मुन्ने सरेंडर कित्ता। इंजे ओरु किसानलोरा फयादा बगिल नित्तोरा। इद्रमता सबूत निंगश्यांग, फिंगयांग, ल्यूयांग, छांगशा, लीलिंग, श्यांगथान, श्यांगश्यांग, आनह्वा, हंगशान, हंगयांग लेक्कटा काउंटिंग ने दोरकिंतांग। जर्मीदार लोरा उचुन सेना पाओछिंग लेक्काटा काउंटिंग ने तटस्थ मंता, मति अद वेन्ने सरेंडर कियाना लेक्का मंता। ताना उंदी सुडला हिस्सा इचांग, लिनऊ ओसो च्याहो लेक्काटा काउंटिंग ना किसान संगठन ता विरोध किया मंता। मति इंजे किसान लोर ताना पोरो हमला किया मंतोरा। उचुन दिव्यांगने पूरा खत्म कीयनूरा। इद हिसाब ते प्रतिक्रियावादी जर्मीदार लोरागडल दोरकी कित्ता सब्बे सेना “लोन-लोन ता स्थाई मिलिशिया”¹⁸ ता रूप ते संगठित आया मंता, ग्रामीण स्वायत्त-शासन ता पूना संस्थांग किसान लोरा राजनीतिक सत्ता ता ग्रामीण स्वायत्त-शासन संस्थांग ना अनुसार कियमुड़ायर। इद पाड़ना सेना किन हासिल कियाना तरीका आंदू, अदिनेके किसान लोरा सेना ता निर्माण आया मंता। उंदी ओसो पूना तरीका मंता ताना कारण ते किसान लोरा सेना ता निर्माण आया मंता, इद किसान संगठन ता “गोर्का दल” आंदू। गोर्का उंदी लम्बा लाटी मुन्ने पाडुम लेक्का

वाटसी मंदाना हथियार आंदू, इद्रम ता गोर्कांग श्यांगश्यांग काउंटी लोप्पाने उंदी लाख मंता। श्यांगथान, हंगशान, लीलिंग ओसो छांगशा लेक्काटा हर काउंटिंग लोप्पा 70,000-80,000 लेवेके 50,000-60,000 लेवेके 30,000-40,000 गोर्का मंतांग। सब्बे काउंटिंग लोप्पा, इत्तेके बेगा किसान आंदोलन शुरू आता अगा गोर्का दल ता विकास आया मंता। गोर्कांग पोयसी किसान लोर “लोन-लोन ता अनियमित मिलिशिया” ता रूप ते संगठित आंतोर। पोरो वेहता पाङना सेना तिंची इद विशाल गोर्का सेना बेहरा मंता। इद उंदी पूना निर्माण आता सेना आंदू, तानकिन हूड्डी स्थानीय निरंकुश मानेय ओसो बुरे शरीफजादा लोर सांगिंदुर। हुनान ता क्रांतिकारी अधिकारी लोरा कर्तव्य 75 काउंटिंग ना रेंडु करोड तुकू वेल्ले किसान लोरा लोप्पा व्यापक रूप ते सेना किन निल्पी कियाना ओसो हर किसान किन, इत्तेके नौजवान आई प्रौढ आई, उंदीगोर्का संगेने मंदाना, गोर्का तासाना पोरो बदे पाबंदी मंदाना आयो, बारांकु इत्तेके गोर्का तासाना खतरनाक काम आयो। बोर गोर्का दल तुकू वेरियंतोर, ओर डरपोक आंदू। तानकिन सिर्फ स्थानीय निरंकुश मानेय ओसो बुरे शरीफजादा लोरे वेरियंतोर, क्रांतिकारी लोर वेरियानायो।

6. काउन्टी मजिस्ट्रेट ओसो ताना गोतियाल लोरा

राजनीतिक सत्ता किन मुट्टिकित्तोर

बस्के एवनल किसान लोर तेदुनरु अस्के एवनल काउंटी ता सरकार बेस मन्नो आयर, इद पोल्लो मुन्ने क्वांगतुंग ता हाएपेंग लोप्पा निज्जम आता। ओसो इंजे खासकर हुनान लोप्पा तीना वेल्ले सबुत दोरकतांग। बद काउंटी लोप्पा स्थानीय निरंकुश मानेय ओसो बुरे शरीफजादा लोरा सत्ता ताक सोरे मंता, ताना लोप्पा मजिस्ट्रेट बोर मत्तेकाई, ओरू भ्रष्टाचारी आफिसरे मंदिंतोर। बद काउंटी ते किसान लोर तेदतोर अगा बेसता सरकार मंदिता, ताना मजिस्ट्रेट किन हर पोल्लो मुन्ने किसान संगठन किन पूछेमायाला लागिंता। बद काउंटी लोप्पा किसान लोरा शक्ति ज्यादा मंता अगाटा किसान लोरा पोल्लो तुरंत नतीजा तोहिंता। किसान संगठन स्थानीय

निरंकुश मानेय किन गिरफ्तार कियाना मांग कीतेके, मजिस्ट्रेट इद काम किन नेंड-नाइ कियाना इंदाना हिम्मत कीवोर आंदूर। नाहकुना लोप्पा किसान लोरा सत्ता ता मोद्दोल मोड़ियसोर मत्ता, अस्के मजिस्ट्रेट ओसो स्थानीय निरंकुश मानेय, बुरे शरीफजादा लोर कलियसी किसान लोरा खिलाफ प्लानिंग बने कींतोर। किसानलोरा सत्ता बेर्सता ओसो जमींदार लोरा सत्ता ता बराबर आस मत्तास्के मजिस्ट्रेट लोर किसान ओसो जमींदार लोरानजर ते बेस बनेमायाना कोशिश कींतोर। ओरू किसान संगठन ता उचुन सुझाव किन केंजितोर ओसो इचुन किन केंजोर आंदूर। किसान संगठन ता पोल्लोंग “तुरंत नतीजा तोहिंता” इंदाना पोरो वेहता पोल्लोंग किसान लोर जमींदार लोरा सत्ता किन पूरा खत्म कीसि तन्ना सत्ता निल्पी कित्तास्केने सही आंतांगा। इंजे श्यांगस्यांग, श्यांगथान, लीलिंग ओसो हंगशान लेक्काटा काउंटिंग लोप्पा राजनीतिक स्थिति दोड़ रास्ता लेक्का मंता:

1) हर चीज ता फैसला उंदी संयुक्त परिषद कींता। ताना लोप्पा मजिस्ट्रेट ओसा क्रांतिकारी जन संगठनकुना प्रतिनिधि लोर मंदितोर। मजिस्ट्रेट परिषद ता मीटिंग केयंतोर अनि इद मीटिंग ताना ऑफिस लोप्पा ताकिंता। उचुन काउंटिंग लोप्पा इदिन किन “जन संगठन ओसो स्थानीय सरकार ता समिष्टी परिषद” इंतोर ओसो उचुक ना लोप्पा “काउंटी ता समस्यांग ना परिषद” इंतोर। मजिस्ट्रेट किन विड़सी ताना लोप्पा काउंटिंग ना किसान संगठन, मजदूर संगठन, व्यापारी संगठन, महिला संगठन, स्कूल मास्टर, कर्मचारी संगठन, विद्यार्थी संगठनकुना प्रतिनिधि ओसो काउंटी ता क्वोमिंगतांग हेडक्वार्टर¹⁹ ता प्रतिनिधि लोर वांतोर। इद्रम परिषद ता मीटिंग लोप्पा मजिस्ट्रेट ना पोरो जन संगठनकुना राय ता प्रभाव अरिंता। ओसो ओरू अनिवार्य रूप ते अदिना हिसाब तेने अमल कींतोर। अदिनके हुनान लोप्पा काउंटी सरकार ता संगठन काजे जनवादी कमेटी ता व्यवस्था किन लागू कियाना लोप्पा बदे समस्या वायो। बाहर ता ओसो लोपडा विचारकुनगडल वर्तमान काउंटी सरकार इंजे वेल्ले

जनवादी बने माता। ओसो इद परिस्थिति इंजे हत्ता रेंडु-मूंड महिनांग लोप्पा पैदा आता। सब्बे नाहकुना लोप्पा किसान लोर तेदतोर ओसो स्थानीय निरंकुश मानेय ओसो बुरे शरीफजादा लोरा सत्ता किन खत्म कित्तोर। मजिस्ट्रेट लोर किन वेने ओरा पाड़ना सहायता कियानोर खत्म आतोर, ओसो इंजे पूना सहायता कियानोर हिल्वेके ओना जागा पिस्सो आयार इंजी समझेमाता। अदिनके ओरू जन संगठनकुना नजर ते बेस बनेमायना कोशिश कियाना शुरू कित्तोर। बारंकु इत्तेके पोरो वेहता परिस्थिति शुरू आता।

2) मजिस्ट्रेट ना सहयता कियानोर किन मुकदमा दोरकना बंद आता। हुनान लोप्पा न्याय-व्यवस्था इंजे वेन्ने काउंटी मजिस्ट्रेट ना कैदे दूसरा कामकुना संगे-संगे न्याय ता काम वेन्ने मंदिता। ओसो मुकदमा ताकनास्के मदद हियाला काजे वरोर सहायक मंदिता। पैसा कमाई कियाला काजे मजिस्ट्रेट ओसो ओना दोड़ मत्ता कर्मचारी लोर इव कामकुना पोरो पूरा निर्भर मंदिता। मालगुजारी, टैक्स ओसो लेवीं वसूली कियाना, फौज काजे मानेय ओसो राशन जमा कियाना, सही-गलत विचार किन विड़सी दीवान ओसो फौजदारी ता मुकदमा ना लोप्पा पैसा जमा कियाना, खास रूप ते आखरी काम ता ओरकिन ज्यादा भरोसा मत्ता, अद ओरा आमदनी ता हर रोज पक्का तरीका मत्ता। हत्ता उचुक लेंजकुना लोप्पा स्थानीय निरंकुश मानेय ओसो बुरे शरिफजादा लोरा तख्ता पलट कित्ता पेरके सब्बे सुड़ला-सुड़ला वकील लोर गायब आतोर। इदे आयवा किसान लोरा सुड़ला-बेहरा सब्बे समस्यांग अलग-अलग स्तरकुना किसान संगठनकु लोप्पा हल कियाना शुरू आता। अदनके काउंटी सरकार लोप्पा मजिस्ट्रेट ना सहायक लोरागा बदे काम हिल्ले। श्यांगश्यांग लोप्पा मजिस्ट्रेट ना सहायक नाकिन “किसान संगठन हिल्ला मत्तास्के दीवान ओसो फौजदारी ता औसतन साठ मुकदना काउंटी सरकार लोप्पा रोज दर्ज आंदू। किसान संगठन बनेमातास्केडल, तानगा औसतन चार-पांच मुकदमा रोज वांता।”

अदिनके मजिस्ट्रेट ओसो ओना कर्मचारी लोरा कीसांग खाली आतांगा।

3) हथियारबंद रक्षक, पुलिसवाले, मजिस्ट्रेट ना सहायक लोर सब्बेतोर होशियार मंदितोर ओसो नाहकुना लोप्पा हंजी मनमर्जी रकम वसूल कियाना हिम्मत कीवोर आंतोर। नाहकुना लोकर शहरवालेर किन वेरियंदुर, मति इंजे शहर वालेर नाहकुनोरकिन वेरियंतोर। खास रूप ते काउंटी सरकार ता नैकु- पुलिस, हथियारबंद रक्षक ओसो मजिस्ट्रेट ना सहायकलोर - नाहकुने दायाना इतेके सांगितोर ओसो हत्तेकाई मनमर्जी ता रकम वसूल कियाना हिम्मत कीवोर आंतोर। किसान लोरा गोर्का हूड्डी ओर सब्बे तोर सांगितोर।

7. पीड़ी-पीड़ी ना मंदिरकु ओसो गोत्र ना सियान लोरा सत्ता, नाटेना-पेन ओसो शहर कुना पेनकुना धार्मिक सत्ता, कोयतोर पितृसत्ता ता तख्ता पलटे कियाना

चीन ता कोयतुर पोरो मुख्य रूप ते मूंडु रकम ता सत्ता ता बोजा मंदिता: 1. राज्य-व्यवस्था (राजनीतिक सत्ता) अद राष्ट्रीय, प्रांतीय ओसो काउंटी सरकार तिंची श्यांग सरकार एवनल मंता: 2. पाडिंग (गोत्र-क्लान) ना व्यवस्था (पाड़ी ता सत्ता) इद दादी-पीड़ी ना मुख्य मंदिर ओसो ओरा ब्रांच नगडल पोयसी लोन एवनल मंता। ओसो 3. पेनकुना व्यवस्था (धार्मिक सत्ता) ओसो भूत-प्रेत व्यवस्था तीना लोप्पा यमराज तल नगर-पेनकु ओसो स्थानीय पेनक एवनल ता पाताल लोक व्यवस्था ओसो स्वर्गाधिपति तिंचि पोयसी अलग-अलग देवी-देवता ना व्यवस्था शामिल मंता। महिला लोरा बारे ते हूड्डी के अव पोरो वेहता मूंडु रकम ता व्यवस्थांग ना दबाव किन सहन किसोरे संगे-संगे पुरुष दबाव(कोयतोना कानून) किन वेन्ने सहन किसोरे मंतांगा। इव नालुंग रकमतांग सत्तांग-राजनीतिक सत्ता, पाड़ी ता सत्ता, धार्मिक सत्ता ओसो पितृसत्ता- सब्बे सामंती-पितृसत्तात्मक विचारधारांग ओसो व्यवस्थांग ना प्रतिनिधिनित्व कींतांग ओसो इविना लोप्पा चीन ता जनता, खासकर किसान जनता फसे

माता। पोरो वेहतद मंता कि बद्रम नाहकुना लोप्पा किसान लोर जर्मीदार लोरा राजनीतिक सत्ता ता तख्ता पलटे कित्तोर। जर्मीदार लोरा राजनीतिक सत्ता असल ते सब्बे सत्तांगना मोद्दुल आंदू बारांकु इत्तेके जर्मीदार लोरा राजनीतिक सत्ता ता तख्ता पलटे कित्ता, अदिनके पाड़ी ता सत्ता, धार्मिक सत्ता ओसो पितृसत्ता इव सब्बे सांगा मंतांग। बेगाटा किसान संगठन मजबूत मंता अगा परिवार ता बेहरा डोकरालोर ओसो मंदिर-कोष ना प्रबंधक परिवार ता लोकर किन परेशान कियाना हिम्मत किया परवोर। परिवार ता बेहरा-मुयतोर ओसो मंदिर-कोष ता प्रबंधक लोप्पाडल पक्काए खराब किस्म तोरा इत्तेके स्थानीय निरंकुश मानेय ओसो बुरे शरीफजादा लोरा तख्ता पलटे कीतद मंता। इंजे ओरकिन “जिंदा मिसाना, मुडुंदी कियाना, कोड़ा ते पिटाई कियाना” लेक्काटा क्रूर शारीरिक यातना ओसो हौकना सजा कियाना हिम्मत आयो। पुरखा ता मंदिर लोप्पा महिला लोर ओसो गरीब लोरकिन पंडुम लोप्पा शामिल आयला हियानायो इंदाना पाड़ना रिति-रिवाज ताकसोर मत्ता, तानकिन वेन्ने मुडुकित्तोर। उंदी बेरा हंगशांग काउंटी ता पाएक्वो ता महिला लोर उंदी बेरा तेदसी मंजी तन्ना पुरखा ता मंदिर पोरो हमला कितांग, अगा नियमनुसार उदसी तिंदना-उंडाना कीतांग। अगा मत्ता बेहरा डोकरा लोरो बक्काह ने हूडसोरे मत्तोर। ओसो उंदी जागा ते गरीब किसान लोरकिन मंदिर ते नेंगाला हीवोर आंदूर, हंजी अरतोर, पोटा मॅड तित्तोर-उत्तोर, अगा मत्ता निरंकुश, शरीफजादा लोर ओसो लम्बे चोंगा (उंदी रकम ता ड्रेस आंदू) करसी नित्ता अमीर लोकर वेरियसी मंजी वित्तोर। किसान आंदोलन ता विकास ता संगेने हर जागा ते धार्मिक सत्ता हिले माता। वेल्ले जागा ने किसान संगठनकु मंदिर किने तन्ना दफ्तर बने कितांग। हर जागा ने किसान लोर पाठशाला (स्कूल) ताकि कियाना ओसो किसान संगठन ता खर्च तेंडला काजे मंदिरकुना सम्पत्ती किन जब्त कियाला आल्सितोर। इद हिसाब ता धन किन अद “अंधविश्वास तिंची हासिल आता लगान” इंतोर। लीलिंग काउंटी लोप्पा अंधविश्वासपूर्ण रिति-रिवाज किन रोके कियाना ओसो मूर्तिंग किन तोड़फोड़ कियाना आम आता। लीलिंग ता उत्तर बगिल ता जिलांग लोप्पा

किसान लोर महामारी ता पेनकुन माने कियाला काजे धूप-बत्ती पोत्ती कीसि जुलुस तेंडना बंद कित्तोर। लूखओ ता फूपोलिंग पर्वत पोरो ताओपंथी मंदिर लोप्पा वेल्ले मूर्तिंग मत्तांग। मति क्वोमिंगतांग ता जिला हेडक्वार्टर काजे जागा ता जरूरत आतास्के मंदीर ता सुडला-बेहरा सब्बे मूर्तिंग किन उंदी कोंटा ते ओसी तास्तोर, तीना बारे किसान लोरा लोप्पा बारे विरोध कीवोर। ताना पेरके बदे परिवार लोप्पा दुखः-सुख वात्तेके पेनकुना काजे बलि हियाणा, धार्मिक रिती-रिवाज किन पूरा कियाना ओसो पवित्र धूप-बत्ती लेक्काडा रितीरिवाज वेल्ले कम आतांग। मति किसान संगठन ता प्रधान सुन श्याओ-शान इदिना बारे ते पहलकदमी कित्तोर, अदिनके स्थानीय ताओपंथी पुजारी लोर ओनकिन विरोध कींतोर। उत्तर ता तीसरा जिला ता लुंगफुंग मठ लोपड़ा किसान लोर ओसो प्राइमरी स्कूलकुना मास्टर लोर मर्रा ता मूर्तिंग किन पाहतोर ओसो अदिन पोत्ति कीसि हब्विंग अत्तोर। दक्षिण जिला लोपा छात्र ओसो किसान लोर मिलेमासी तुंगफू मंदिर ता तीस तुकू ज्यादा मूर्तिंग किन पोत्ति कित्तोर। केवल “श्रीमंत पाओ” पोरोल ता रेंडु सुडला मूर्तिंग किन वरोर डोकराल किसान “इद्रम ता पाप किमट रा!” इंजोरे बचे कित्तोर। बगाटा किसान सत्ता ता राज तार्कीता अगा केवल मुयत्तोर ओसो महिला लोरे पेनकुना पोरो विश्वास कींतोर: बाकी ल्योर ओसो मध्यम पीड़ी ता किसान लोर अविना पोरो विश्वास कीसोर हिल्लेर। बारंकु इत्तेके किसान संगठन लय्योर ओसो मध्यम उमर ता किसान लोरा कैदे मंतांग। अदिनके धार्मिक सत्ता किन बदले कियाला ओसो अंधविश्वास किन खत्म कियाना आंदोलन हर जागा ताका मंता। बेगा पितृसत्ता ता सवाल मंता, अगा गरीब किसान लोरा लोप्पा हमेशा अपेक्षाकृत रूप ते कम मंता। बारांकु इत्तेके आर्थिक कारणकुना कारण ते धनी वर्गकुना महिला लोरकिनकु गरीब किसान महिला लोरकिन वेल्ले मेहनत-मजदूरी कियाला लागिंगता। ओसो अदिनके अविन किन पारिवारिक समस्यांग लोप्पा वड़कना ओसो फैसला कियाना अधिकार ज्यादा मंता। हत्ता उचुक सालकुना लोप्पा नाहकुना आर्थिक व्यवस्था ओसो ज्यादा कंगाल आता ओसो महिला लोर ग्रामीण महिला

संघ संगठित कियाना शुरू आतांग। ओरकिन इंजे तल्ला तेहाना मौका दोरकतद मंता अनि पितृसत्ता दिन-ब-दिन कमजोर आया मंता। संक्षेप ते इद किसान लोरा सत्ता वायना संगे-संगेने सब्बे सामंती-पितृसत्तात्मक विचारधारांग ओसो दूसरा व्यवस्थांग कमजोर आया मंता। इद्रम आत्केक आई वर्तमान कालम ता किसान मुख्य रूप से जमींदार लोरा राजनीतिक सत्ता किन बदले किया मंतोरा। अगा जमींदार लोरा राजनीतिक सत्ता ता पूरा निर्मूलन कीत्तद मंता, अगा किसान दूसरा तीन रकम ता इत्तेके गोत्र हिसाब ते, पेनकुना हिसाब ते, कोयतोरा दबाव हिसाब ते, तन्ना हमला शुरू किया मंतोरा। मति इद हिसाब ता हमला इंजेने शुरू आतांग ओसो किसान लोरा आर्थिक संघर्ष ता पूरा सफलता हासिल आतास्केने इवु मूंडु रकम ता हमलांग हारेमाया परिंतांग। अदिन काजे इंजे मावा कर्तव्य बाता इत्तेके मनम किसान लोर पूरा ताकत संगे जमींदार लोरा सत्ता किन निर्मूलन कियाना राजनीतिक संघर्ष कियाना लेक्का ओरा नेतृत्व कियाना। आर्थिक संघर्ष वेन्ने तुरंत ताकि कियाना आस्केने गरीब किसान लोरा भूमि-समस्या ओसो दूसरा आर्थिक समस्यांग बुनियादी रूप ते हल कियमुड़ायरा। राजनीतिक ओसो आर्थिक संघर्षकु जीइतेके गोत्र-व्यवस्था, अंधविश्वास ओसो महिला-पुरुष ता असमान संबंध तन्ना-तन्नाए खत्म आयारा। अगा माटु गलत ओसो मनमानी तरीका ते इद्रम ता विषय किन खत्म कियाना लोप्पा वेल्ले जोर हीतेके, स्थानीय निरंकुश मानेय ओसो बुरे शरीफजादा लोर किन “किसान संगठन किन पीड़ी-पीड़ी ता रिवाजकुना इज्जत किवो” ओसो “किसान संगठन भगवान ता अपमान कींता ओसो धर्म ता नाश कींता”, “किसान संगठन मुत्तेस्कुना (पत्नी) कम्यूनीकरण आयाना इंजी वेहिंता”। इद्रम ता क्रांति विरोधी प्रचार ते ओरकिन किसान आंदोलन लोप्पा तोड़फोड़ कियाना कार्रवाई कियाना मौका दोरकिंता। इदिना सबूत उचुन दिया मुन्ने हुनान ता श्यांगश्यांग लोप्पा ओसो हुपे ता यांगशिन लोप्पा दोरकता, अगा जमींदार लोर मूर्ति ध्वस्त कियाना ता बारे ते किसान लोरा विरोध ता फायदा एत्ततोरा। मूर्ति ता स्थापना किसान लोरे कित्तोर ओसो समय वातास्के ओर खुद अगाडल तेहानुर, ओसो समय वायना मुन्ने मूर्तिंग

किन तेहाना जरूरत हिल्ले। इद्रमता समस्यांग लोप्पा कम्युनिस्ट पार्टी ता प्रचार-नीति बाता मंदाना इत्तेके: “कैव्वी एवनल विलु पिङ्गटु, मति काड़ी विङ्सनायो। वायना कार्रवाई कोजे इशाराये हालिंता।”²⁰ मूर्तिंग किसान लोरे तेहाना पाहिजे। अद्रमे शहीद कुंवारी ओसो पतिव्रता (कोयतोना हर पोल्लो केंजना महिला) ओसो सती-साध्वी, विधवा लोरा स्मारक किन वेन्ने किसानलोरे मुट्टि कियाना। ओरा जागा ते दुसरोर मुट्टि कितेके गलत आयारा।

नाहकुना लोप्पा मंदानस्के नन्ना वेन्ने अंधविश्वास किन खत्म कियाला काजे किसान लोरा लोप्पा प्रचार किताना। नावा प्रचार दोड़ रास्ता लेक्का मत्ता:

“बोर आठ रेखाक्षरकुना पोरो विश्वास कींतोर, ओर नावा भाग्य खुलेमायर इंजी आलिसंतोरा। बोर भूशकुन विद्या लोप्पा विश्वास कींतोर, ओरु ओना पोरो हात्तोरा गुमिया ता आशीर्वाद मंदियर इंजी आलिसंतोरा।” इद साल ते उचुक लेंजकुना लोप्पा स्थानीय निरंकुश मानेय, बुरे शरीफजादा लोर ओसो भ्रष्टाचारी अफसर लोरा कड्डुल उल्टे माता। उचुके महिनांग लोप्पा इंजे एवनल मंदाना सब्बे भाग्य मत्तांग ओसो अविना पोरो तन्ना-तन्ना हात्तोरा गुमियांग ना आशीर्वाद मत्ता, इंदाना निज्जमा? मति हत्ता उचुक महिनांग लोप्पाने ओर सब्बेतोरा भाग्य पलटे माता ओसो ओरा पोरो हात्तोरा गुमियांग ना आशीर्वाद हियाना बंद कितोरा? स्थानीय निरंकुश मानेय ओसो बुरे शरीफजादा लोर मीवा किसान संगठन ता मजाक उडे कींतोर। बाता इंतोर इत्तेके “बद्रम ता पोल्लो आंदू। इंजे जमाना कमेटी-मेम्बर लोरा आंदू। हूडाटू, वरोर वनसाईड हत्तेके वेन्ने ओरा संगे मुठभेड आयवा लेवा मनोर आंतोरा।” निज्जमे, शहर ओसो नाहकु, मजदूर संगठन ओसो किसान संगठन, क्वोमिगंतांग ओसो कम्युनिस्ट पार्टी, लगभग सब्बे जागांग ओरा कमेटींग ना सदस्यलोर मंतोर - निज्जमे इंजे जमाना कमेटी-मेम्बर लोरा कैदे मंता। मति इव आठ रेखाक्षर अचानके बेस बनेमाताया, ओरा पुरखा ता गुनियांग अचानक आशीर्वाद कियाना शुरू कित्ताया, पेनकुना पूजा मीटू जरूर कीमुटा। मति किसान संगठन हिल्ला लेवा वरोरे

श्रीमंत क्वान, आशीर्वाद हियाना मत्तेके, मीटु स्थानीय निरंकुश मानेय ओसो बुरे शरीफजादा लोरकिन खत्म किया पर्सी मन्नेरा? निज्जमे, असल इत्तेके पेनकिने आशीर्वाद ता जरूरत मंता। सैकडों सालकुनल मीटु ओरा पूजा किया मंतीर, ओसो ओरू मीवा पक्ष ते वरोर वेन्ने स्थानीय निरंकुश मानेय ओसो बुरे शरीफजादा लोरकिन हौक्ताया। इंजे मीटू मीवा लगान कम कियाना इंजी आल्सा मंतिर। नन्ना पूछेमांतान कि: इद काम मीटु बद्रम कियाकीर?” पेनकुना पोरो भरोसा कीसि या किसान संगठन पोरो भरोसा कीसि?”

नावा इव पोल्लोंग केंजची किसान लोर वेल्ले जोर-जोर ते कवना शुरू कित्तोर।

8. राजनीतिक प्रचार ता विस्तार

कानून ओसो राजनीति ता 10 हजार स्कूल शुरू कीतेके वेन्ने, नाहकुना कोंटा-कोंटा ता दीदी-दादा लोर, लय्या-लय्योर, सेडो-मुयत्तोर सब्बेतोरा लोप्पा राजनीतिक शिक्षा ता काम बच्चोन कम समय ते किसान संगठन कित्तायो, अचोन कम समय ते इव 10 हजार स्कूलकु कीसि मनवांग गा? नावा हिसाब ते परवोग। “साम्राज्यवाद ता नाश आयना!” “युद्ध-सरदार लोरकुन खत्म कियकाल!” “भ्रष्टाचार अफसर मुर्दाबाद!” ओसो “स्थानीय निरंकुश मानेय ओसो बुरे शरीफजादा मुर्दाबाद!”— इंदाना राजनीतिक नारांग हर जागा तल केंजा वांतांग। इव गिनती हिल्ला नाहकुना लोप्पा लेय्या-लेय्योर, सेडो-मुयत्तोर, पिल्ला-पेकोर ओसो दीदी लोरा दिमाग ते उदतांग। ओसो हर मानेय ना तोड्डी ते मंतांग। अद बद्रम इत्तेके करसना पिल्ला-पेकोर किने हूडटु, ओरा लोप्पा बोराई कोंडा मांजी कीसि झगडा कियाना शुरू कींतोर इत्तेके, दूसरा बगिल तल तुरंत जोर-जोर ते “साम्राज्यवाद खत्म कियाकाल!” इंदाना नारा केंजा वांता।

श्यांगथान लोप्पा वेन्ने इरवुर पेकोर कोंदा मेहनास्के लडाई ता खेल करसिंतोर, अस्के वरोर थांगशंग-च बने मांतोर ओसो वरोर खाए-शिन²¹ बनेमांतोर। उचुन समय पेरके वरोर हारे मांतोर ओसो वरोर ओना पेरके

अरिंतोर। पेरके अरिंतोर ओरू थांग शंग-च मंदितोर ओसो वित्तनोरखाए-
 शिन मंदितोर। लगभग शहर ता हर पिल्ला-पेकोर “साम्राज्यवादी
 ताकतकुना नाश आयना!” इंदाना पाटा पारिंतोर, मति इंजे नाहकुना लोप्पा
 वेन्ने वेल्ले पिल्ला-पेकोर इद पाटा पारा परिंतोर।

नाहकुना लोप्पा उचुन किसान लोर डा. सुन यात-सेन ना
 वसीयतनामा (डोलना मुन्ने रास्ता तन्ना इच्छा-अनु.) किन पढ़ेमाया
 परिंतोर। ओरा लोपडल “आजादी”, “समानता”, “तीन जन-सिद्धांत”
 ओसो “असमान समझौतांग” लेक्काडा विचार किन पोयंतोर ओसो
 अविनकिन समझेमाताचोन तन्ना रोज ता पिस्वल ते लागू कियाना
 कोशिश कींतोर। किसान लोरकिन हरदे शरीफजादा लोर कलियतेके हरीं
 हीवोर आंतोर, अस्के किसानलोर होंग आसोर इंतोर, “ओ स्थानीय
 निरंकुश मानेय, ओ बुरे शरीफजादा, निम्मा मूंड जन-सिद्धांत किन
 पुनविना?” छांगशा ता आसापास ता किसान लोर मुन्ने कुसरिंग-काया
 वम्मला शहर ते दायनास्के पुलिस तोर परेशान कींदुर। मति इंजे किसान
 लोरा कैदे उंदी हथियार मंता: अदु मूंड जन-सिद्धांत। भाजी-पाला वम्मना
 किसान लोरकिन पुलिस तोर झगड़ा कींतोर लेवेके ओरकिन पिटाई
 कींतोर, अस्के किसानलोर तीन जन-सिद्धांतकुन वेहची ओरकिन रोमी
 कींतोर। उंदी बेरा श्यांगथान ता किसान संगठन ओसो श्यांग किसान
 संगठन ता नडमा झगड़ा आता। श्यांग किसान संगठन ता प्रधान ऐलान
 कितोर कि: “जिला किसान संगठन ता असमान समझौतांग ना विरोध
 कीमुट!” इंजी।

सब्बे नाहकुना लोप्पा राजनीतिक प्रचार किन फैले कियाना
 कम्युनिस्ट पार्टी ओसो किसान संगठन ता उपलब्धी आंदू। सीधा-सादा
 नारांग, कार्टून ओसो भाषणकु जल्दी ओसो व्यापक रूप ते प्रभावित
 कींतांग। किसान लोरा पोरो ओरा प्रभाव अरता लेवेके ओरा लोप्पाडा हर
 मानेय उचुन दिव्यांग राजनीतिक स्कूल लोप्पा पढ़ेमासी वातोर। नाहकुना
 लोप्पा काम कियानोर, भारी मात्रा ते राजनीतिक प्रचार ता मूंड जन-
 समारोह लोप्पा-ब्रिटिश-विरोधी प्रदर्शन, अक्तूबर क्रांति ता जयंती ता

समारोह ओसो उत्तरी अभियान ता सफलतांग ना महान समारोह आतांगा। इद्रमता मौका ते बेगा किसान संगठन मंतांग, अगा विस्तार ते राजनीतिक प्रचार कित्तद मंता ओसो सब्बे नाहकुन जागृत कित्तद मंता। तीना प्रभाव वेल्ले अरता। इंजे मनकिन हर मौका ता फायदा तेहची लगातार सीधा इव सब्बे नारांग ना विषय किन समृद्ध बने कियाना ओसा अविना अर्थ स्पष्ट कियाना जरूरत मंता।

9. किसान लोर तास्ता प्रतिबंधकु

किसान संगठनकु कम्युनिस्ट पार्टी नेतृत्व ते नाहकुना लोप्पा तन्ना सत्ता ओसो कब्जा कीता अस्के किसान लोर विचार वायवा चीजकुना पोरो प्रतिबंध लेवेके नियंत्रण कियाना शुरू कींतोर। मूंड चीज कुना पोरो सबसे सख्त प्रतिबंध मंता: ताश-डोमिनो ता खेल, जुआ ओसो अफीम उंडाना पोरो।

ताश-डोमिनो ता खेल। किसान संगठन मजबूत मंदाना जागा ते माच्यांग, डोमिनो ओसो ताश लेक्काटा खेलकुना पोरो पूरा प्रतिबंध वाटतद मंता।

श्यांगश्यांग ना चौदहवा जिला लोप्पा किसान संगठन दो बेहरा डूटिंग माच्यांग ता सेट किन पोत्ती कित्ता।

नाहकुना लोप्पा हत्तेके इद खेल बगाने दिस्सो। बोर पाबंदी किन तोडे किंतोर ओरकिन तुरंत सजा वाटितोर।

जुआ। मुन्ने बोर “जुआरी” मत्तोर, ओरे इंजे जुआ किन बंद किया मंतोर। बेगाटा किसान संगठन शक्तिशाली मंता, अगा ताश-डोमिनो संगे इद वेन्ने गायब आता।

अफीम। इदिना पोरो वेल्ले सख्त पाबंदी मंता। किसान संगठन अफीम ता चीलम किन जब्त कित्तेके वेने, बोरे विरोध कियाना हिम्मत किया परवोर। लीलिंग लोप्पा वरोर शरीफजादाल चीलम हियाला इनकार कीतेके, ओनकिन गिरफ्तार कीसि नाहकुना लोप्पा ओना जुलुस तेंडतोर।

उत्तरी अभियान सेना ता ऊ-फेई-फू ओसो सुन छवान-फांग²² ना सेना किन सरेंडर आयना लेक्का कित्तोर। इद्रमे किसान लोर “अफीम उंडानोर किन ‘सरेंडर’ कियाना आंदोलन” ताकी कित्तोर। क्रांतिकारी सेना ता अफसर लोरा परिवार लोप्पा अफीम ता आदत मंदाना वेल्ले मुयत्तोर मत्तोर ओरा काजे “सरेंडर” आयना इत्तेके डोलना लेक्काने मत्ता। इविनगडल “जिंदाबाद” इंदानोर (इत्तेके बुरे शरीफजादा लोर किसान लोरकिन केयंतोर) “सरेंडर” कित्तोर। “जिंदाबाद” वालेर अफीम ता खेती ओसो उंडाना पोरो वेन्ने पाबंदी वाटतोर। ओसो तस्करी (trafficking) कियाना किन वेन्ने रोमी कित्तोर। पाओछिंग, श्यांगश्यांग, यओश्येन ओसो लीलिंग लेक्काटा काउंटिंग नगडल च्यागंशी लोहाना बचोनो अफीम किन हर्दने पोयसी पोत्ती कित्तोर। इदिना असर सरकारी आर्थिक व्यवस्था पोरो अरता। आखिर ते उत्तरी अभियान सेना ता खर्चा बारे ते आल्सोरे प्रांतीय किसान संगठन दोड़ता किसान संगठन किन आदेश हीता कि “अफीम लोहना पोरो अस्थाई रूप ते प्रतिबंध हटे कियाना इंजी।” मति इद्रम कीतेके किसान लोर परेशान ओसो नाराज आतोर।

इव मूंड विषय किन विड़सी ओसो वेल्ले विषयकुना पोरो किसान लोर पाबंदी वाटतोर, नियंत्रण कित्तोर। अविना लोप्पा उचुक दोड़ रास्ता लेक्का मंतांग।

पुंगर ता ढोल-इद उंदी अश्लील किस्म ता प्रदर्शन आंदू, इदिन वेल्ले जागांग लोप्पा रोके कित्तोर।

पालकी। वेल्ले काउंटिंग लोप्पा खासकर श्यांगश्यांग लोप्पा पालकी तोड़े कियाना घटनांग आतांग। किसान लोर पालकी पोरो तरंगानोर किन वेल्ले होंग आंतोर। ओसो हमेशा पालकींग किन उरंगी कियाला आल्संतोर। मति किसान संगठन ओरकिन इद्रम किया हीवो। किसान संगठन ता कार्यकर्ता लोर किसान लोरकिन बाता इंतोर इत्तेके, “पालकींग उरंगी कीतेके अमीर लोरा पैसा बचे मायार ओसो पालकी कांजानोरा रोजी दायार। इद्रम कीतेके मना मानेयनादे नुक्सान आयो या?” किसान लोर इदिना पोरो विचार कित्तोर ओसो इद पोल्लो

किन समझेमाता पेरके ओरू उंदी पूना डाव पंडतोर। अमीर लोरकिन दंड हियाला काजे ओरू पालकी कांजानोरा मजदूरी वेल्ले बेसीं कित्तोर।

दाङ्गो ओसो शक्कर बने कियाना - दाङ्गो ओसो शक्कर बने कियाना काजे इस्तेमाल आयाना अनाज पोरो पाबंदी वाटतोर। अदिनके दाङ्गो ओसो शक्कर बने कियानोर लगातार शिकायत दर्ज किया मंतोर। हंगशान काउंटी ता फूथ्येनफू लोप्पा दाङ्गो बने कियाना पोरो पाबंदी हिल्ले मति दाङ्गो ता कीमत पक्काए कम तास्तद मंता। दाङ्गो बने कियानोरा फायदा कम आंता, अदिनके दाङ्गो बने कियाना बंद आता।

पद्दिंग-हर परिवार बचोन पद्दिंग तासा परितोर अचोन अविना संख्या तय कित्तोर बारांकु इत्तेके पद्दिंग अनाज किन तिंतांग।

कोर्कु ओसो बदक - श्यांगश्यांग लोप्पा कोर्कु ओसो बदक पोसे कियाना रोमी कित्तोर, मति महिला लोरकिन इद मंजूर हिल्ले। हंगशान काउंटी ता यांगथान लोप्पा हर परिवार मूंड कोर्कु - बदक तासा परितोर ओसो फूथ्येनफू लोप्पा पांच कोर्कु - बदक तासा परितोर। वेल्ले जागा बदक पोसे कियाना बिल्कुल प्रतिबंध मंता। बदक अनाज किने आयवा वंजीना पोदलांग किन वेन्ने बरबाद कींतांग। अदिनके कोर्कुनकले वेन्ने खराब मंतांग।

हूंडा तिंदना - वेल्ले हूंडा तिंदना पोरो पाबंदी मंता। श्यांगथान काउंटी ता शाओशान लोप्पा सग्गा-सम्बंधी लोरकिन कोर्कु, कीकेंग ओसो पद्दिंग ना हव्विंग तीहाना इंजी फैसला कीतद मंता। कर्कू, समुद्र ते दोरकना बाजी ओसो दाल ता सेमिया तिहाना प्रतिबंध मंता। हंगशान काउंटी लोप्पा बदे वेन्ने आठ रकम ता तिंदाना-उंदाना तीहा परितोर, इदिनकु कम ज्यादा आयो। लीलिंग ता पूर्वी तीसरा जिला लोप्पा सिर्फ पांच रकम ता चीज तीहाना मंजूर मंता। ओसो उत्तर बगिला ता दूसरा जिला लोप्पा तीन रकम ता हव्वी ओसो तीन रकम ता कुसरिंग तीहमूडांता। पश्चिम ता तीसरा जिला लोप्पा पूना साल ता दावत पोरो पाबंदी वाटतद मंता। श्यांगश्यांग काउंटी लोप्पा “अंडा (मेंज)-हव्विंग निहता कुलचा (रोटी) ता हूंडा तिंदना” पोरो पाबंदी वाटतोर। श्यांगश्यांग ता दूसरा जिला

लोप्पा उंदी परिवार ता मर्मी ना मर्मी ता हूंडा तिंदाना हीतास्के किसान लोर पाबंदी तोड़े कितोर इंजी आल्सतोर। अदिनके ओरू ओरा लोते होड़यसी बने किता गाटो किन तहस-नहस कितोर। श्यांगश्यांग काउंटी ता च्यामो कस्बा लोप्पाडा लोकर फालतू खर्च आयना हूंडा तिंदाना किन बंद कितोर, ओसो पीड़ी-पीड़ी तिंची बलि हियानस्के केवल ओरू पंडिंग तिंजि काम ताकी कींतोर।

कोंदांग- इद किसान लोरा रिवाज आंदू इद लगभग धार्मिक सिद्धांत बनेमाता कि “बोर इद जनम ते कोंदांग हौकितोर, ओर दूसरा जनम ते खुद कोंदांग बनेमायनूर!” इंजी। अदिनके कोंदांग हौकना आयो। सत्ता कब्जा कियाना मुन्ने धार्मिक निषेध कियाना आयवा लेवा कोंदांग- हौकना किन रोमी कियाला काजे किसान लोरिगा बदे उपाय हिल्ले। किसान संगठन ता उदय आता पेरके ओरू कोंदांग किन तम्मा अधिकार-क्षेत्र लोप्पा जमा कितोर। नगर लोप्पा अविस्किन हौकना मना कितोर। श्यांगथान काउंटी-केंद्र लोप्पा कसाई लोरा छह दुकान मत्तांग अविना लोप्पा पांच बंद आतांग बाकी उंदी बीमार लेवेके घायल आयाना कोंदांग ना हव्विंग वमिंता। पूरा हंगशान काउंटी लोप्पा कोंदांग होकना पोरो पाबंदी आता। वरोर किसान ना कोंदा कोदोर हिंसी तन्ना काल उरंगी कित्ता, तानकिन हौकना मुन्ने किसान संगठन किन पूछेमायाला लागता। चूचओ ता व्यापारी संघ बिना पूछेमायवा कोंदा हौकतास्के किसान संगठन विरोध कियाला काजे नगर ते वाता ओसा व्यपारी संघ संगे मीटिंग कित्ता। व्यापारी संघ किन जुर्माना हियानाए आयवा पटाखा पोक्की कीसि माफी तल्कतोर।

बदमाशी ओसो आबारागर्दी - लीलिंग काउंटी लोप्पा उंदी प्रस्ताव पास कीसि इद्रमता विषयकुना पोरो रोक लगे कितोर। नगाडा नेकी कीसि पूना साल ता बधाई हियाना, स्थानीय पेनकुना बारे ते कीर्तन कियाना ओसो कमल संबंधी पाटांग पाराना। दूसरा अलग-अलग काउंटिंग लोप्पा वेन्ने इविना पोरो पाबंदी वाटतोर ओसो तन्ना-तन्नाए बंद आतांग। बारांक इत्तेके इव सब्बे किन लागू कियाना बोनाए विचार मन्ने

आंदू उचुन “बदमाश भिखारी” या “आवारागर्दी” लोर वेल्ले जोर-जबरदस्ती कींदुर। मति इंजे किसान संगठन ता मुन्ने तल्ला वरिहनोरा श्यांगथान काउंटी ता शाओशान लोप्पा मुस्सुर ता पेनकुना मंदिर लोप्पा करसनोर आवारागर्दी कियानोर। किसान संगठन पुटता पेरके ओरू अगा तिंची कुस्के पेस्तोर। अदे काउंटी लोप्पा श्यांग ता किसान संगठन मुव्वुर बदमाश लोरकिन पोयता ओसो ओरकिन तोडयो कांजी कित्ता। पूना साल ते लोन-लोन हंजी कलियाना ओसो इनाम हियाना फिजुल खर्च कियाना रिवाज किन रोके कियाला काजे उंदी प्रस्ताव पास कीतद मंता।

पोरो वेहता पोल्लोंगे आयवा अलग-अलग जागांग लोप्पा वल्ले सुडला-बेहरा पाबंदिंग वाटतद मंता। इत्तेके लीलिंग लोप्पा महामारी ता पेन किन माने कियाला काजे धूप-बत्ती पोत्ती कीसि जुलुस तेंडना पोरो, इनाम काजे मिठाई, पंडिंग अस्साना पोरो, भूत-प्रेत कुना पंडुम ते धार्मिक रिति-रिवाज किन पूरा कियाला काजे कागज ता ड्रेस पोत्ति कियाना पोरो ओसो पूना साल ते हर्दे मंगल-कामना पत्रिका चिपके कियाना पोरो पाबंदी वाटनदु ताकता। श्यांगश्यांग काउंटी ता कूश्चैई लोप्पा हुक्का उंडाना पोरो वेन्ने पाबंदी वाटतोर। दूसरा जिलांग लोपा पटाखा पोक्की कियाना ओसो तीन बेरल ता बंदूक चले कियाना प्रतिबंध वाटतोर। बोरु पटाखा पोक्की कींतोर ओरा पोरो 1 ख्वान तल 2 च्याओ जुर्माना वाटिंदुर ओसो बोर बंदूक चले कींतोर ओरा पोरो 2 ख्वान तल 4 च्याओ एवनल जुर्माना वाटनोर। सातवा ओसो बीसवा जिला लोप्पा डोलता मानैना सम्बंध ते धार्मिक रिति-रिवाजकुना पोरो पाबंदी वाटतदु मंता। अठारहवा जिला लोप्पा अंतिम संस्कार (तोडिय हियाना) कियानस्के दान – दक्षिणा हियाना पोरो वेन्ने पाबंदी वाटतोर। इद्रम ता वेल्ले विषयकु मंतांग, अविन रासा परतद हिल्ले। मुख्य रूप ते माटु किसान लोरा पाबंदी इंदा परिंतोम।

इव पाबंदी रेंडु हिसाब ते वेल्ले महत्वपूर्ण मंतांग। मुन्ने ताश-डोमिनो, जुआ ओसो अफीम उंडाना लेक्काडा गलत सामाजिक रिवाज कुना पोरो विद्रोह प्रकट किंतांग। इव रिवाजकु जमींदार वर्ग ता कडियता-पुडियता राजनीतिक वातावरण संगे पुटसी मंतांग। उंदी बेरा जमींदार लोरा सत्ता

किन पलटे कीतेके, संगे-संगे वीरकिन वेन्ने खत्म कीयमूड़ांता। दूसरा, शहर ता व्यापारी लोरा किसान लोरिन शोषण कियाना खिलाफ आत्मरक्षा ता रूप आंदू- अद बद्रम इत्तेके बेहरा-बेहरा दावतकुना पोरो ओसो इनामकुना काजे स्पेशल तिंदाना-उंडाना चीजकुन पोरो पाबंदी। औद्योगिक चीजकुना कीमत पक्काए ज्यादा मंता। ओसो खेती कीसि पुट्टी कियाना चीजकुना कीमत वेल्ले कम मंता। अदिन काजे व्यापारी लोरा इद शोषण ता कारण ते किसान लोर कंगाल आंतोर। अनि आत्मरक्षा काजे ओरकिन उचुन-उचुन बचे कियाना हर्दे ताका लागिंता। इलाका तिंची बाहर लोहाना अनाज पोरो किसान लोरा पाबंदी बारांकु मत्ता इत्तेके गरीब किसान लोरगा पोट्टा निहाला काजे अन्न दोरको आंदू, ओरकिन हाटुम तिंचि अस्साला लागिंदु ओसो ओर किन ताना महंगाई किन रोमी कियाला लागिंदु। इव सब्बे किसान लोरा कंगाल आयना परिस्थिति, शहर ओसो देहातकुना नडमा ता अंतरविरोध ता कारण ते आता। औद्योगिक माल या शहर ओसो देहात कुना नडमा ता व्यापार किन ठुकरे कीसि किसान लोर तम्मा पाड़ना संस्कृति ता सिद्धांत²³ ता पालन किया मंतोर इंजी आयो। सामूहिक रूप ते सामान अस्साला काजे आर्थिक रूप ते तन्ना रक्षा किया ला काजे किसान लोरिकन सहकारी समितिंग लोप्पा संगठित आयाना पाहिजे। इदे आयवा सरकार किन किसान संगठन ता मदद कियाना पाहिजे, अस्केने अद कर्ज हियाला काजे सहकारी-समितिंग बने किया परिंता। ताना पेरके किसान लोर जरूर भाव कम कियाला काजे इलाका तिंची बाहर लोहाना अनाज पोरो पाबंदी वाटना ओसो आर्थिक रूप ते आत्मरक्षा काजे देहातकुना लापो ओद्योगिक चीज वायना पोरो पाबंदी वाटना जरूरी आयो आयारा।

10. डकैती निर्मूलन

य्वी, थांग, वन ओसो ऊ तिंची छिंग परिवार ता बादशाह ओसो गणराज्य ता राष्ट्रपति एवनल सब्बे शासक लोर नावा हिसाब ते डकैती निर्मूलन कियाना लोप्पा किसान संगठन अचोन ताकत तोहताद हिल्ले। बगाडा किसान संगठन मजबूत मंता, अगा बदे रकम ता डकैती हिल्ले। वेल्ले

जागाने कुसरी-काया चोरी कियाना सुडला-सुडला चोर लोर वेने गायब आतोर ओसो उचुन जागा ने सुडला-सुडला चोर लोर मंतोरा मति नन्ना बव काउंटिंग लोप्पा हंजी मत्तान, अगा डकैती ता पोरोले हिल्ला मत्ता, बव जागा ते डाकू लोर निंदसी मंदुर अगा वेन्ने हिल्ला मत्ता। बारांकु इत्तेके अगा किसान संगठन ता सदस्य लोर पूरा मेड्रांग-जंगल लोप्पा फैलेमासी मत्तोरा बोराई वरोर सतर्क कितोर इत्तेके सैकड़ों लोकर लाठिंग-बर्चांग पोयसी पेसानोर, इद्रम आतास्के डाकु लोरकिन मक्कला वेन्ने जागा दोर्को आयानदु। दूसरा किसान आंदोलन ता उदय आता पेरके अनाज ता भाव कम आता। हत्ता वसंत कालम ते उंदी तान²⁴ ता भाव छः य्वान मत्ता, मति इंगम कालम ते उंदी तान ता दो य्वान आता। इंजे लोकरा काजे अनाज ता समस्या मुन्ने तुकू कम आता। तीसरा, गुप्त संस्था²⁵ ता सदस्य किसान संगठन लोप्पा शामिल आतोर। ओरू इगा खुल्ला ओसो कानूनी रूप ते तन्ना वीरता तोहा परितोर, शिकायत किया परितोर। इंजे ओरू “मेड्रा”, “महल”, “मंदिर”, “डोड्डा”²⁶ लेक्कटा गुप्त संस्थांग ना जरूरत हिल्ले। स्थानीय निरंकुश मानेय ओसो बुरे शरीफजादा लोरा पर्दिंग-कोर्कू-मेकांग किन हौकसी ओरगडल जुर्माना वसूल कीसि तिप्पल कियाना ता विरोध कियाला मौका दोरकिता। चौथा, बचोनो फौज बचोनो सिपाही भर्ती किया मंतोरा। वेल्ले “नियंत्रण हिल्ला मानेय” ओरा लोप्पा शामिल आतोर। इद हिसाब ते किसान आंदोलन ता उदय आयना संगेने डकैती ता रोग वेन्ने खत्म आता। इद समस्या लोप्पा शरीफजादा ओसो अमीर लोर वेन्ने किसान संगठन किन बेस इंजी वेहितोर “किसान संगठन? इत्तेके ताना लोप्पा उचुन-उचुन बेसता पोल्लोंग वेन्ने मंतांगा”

ताश-डोमिनो, जुआ ओसो अफीम उंडाना किन रोमी कीसि डकैती खत्म कीसि किसान संगठन बेस इंजी लोकरा लोप्पा पक्काए प्रचार आता।

11. ज्यादा लेवी वसूल कियाना बंद

पूरा देश इंजे अवनल एकीकृत हिल्ले ओसो साम्राज्यवादी ओसो युद्ध-सरदार लोरा सत्ता इंजे अवनल हत्तद हिल्ले, अदिनके इंजे वेन्ने किसान

लोरा पोरोटा सरकारी टैक्स ओसो लेवी ता बोजा खत्म कियाना सम्भव हिल्ले, ओसो आसान पोल्लो ते वेहाना इत्तेके क्रांतिकारी सेना ता सैनिक खर्च ता बोजा खत्म आतद हिल्ले। इद्रम आतेकाई नाहकुना शासन लोप्पा स्थानीय निरंकुश मानेय ओसो बुरे शरीफजादा लोरा कानून तार्किदू, अस्के ओरू उंदी मू ता विशेष लेवी लेक्कडा लेवी किसान लोरगडल वसूल कींदुर, इंजे किसान आंदोलन ता पूटता पेरके ओसो स्थानीय निरंकुश मानेय ओसो बुरे शरीफजादा लोरा खत्म आतास्केडल इद्रमता लेवी वसूल कियाना बंद कित्ताद मंता। लेवेके कमसेकम लेवी कम कित्तद मंता। इदिन वेन्ने किसान संगठन ता सफलतांग लोप्पा गिनती कियाना।

12. सांस्कृतिक आंदोलन

चीन लोप्पा संस्कृति हमेशा जर्मीदार लोरा पूंजी मत्ता, अगा किसान लोर एवत्तद हिल्ले। मति जर्मीदार लोरा संस्कृति ता निर्माण किसान लोर कित्तोर, बारांकु इत्तेके अद संस्कृति ता स्रोत किसान लोरा एपुर-नेत्तुरे आंदू। चीन लोप्पा 90 प्रतिशत जनता अनपढ़ मंतोर, ओसो ओरा लोप्पा ज्यादातर लोकुर किसान मंतोर। नाहकुना लोप्पा जर्मीदार लोरा सत्ता खत्म आता पेरके किसान लोर सांस्कृतिक आंदोलन शुरू कित्तोर। हुडाट, बोर किसान इंजे एवनल स्कूल किन कट्टर रूप ते विरोध कियनोर, इंजे ओर जोश संगे नर्काडा स्कूल ता संगठन किया मंतोर! किसान लोर “विदेशी तरीका ते स्कूल” किन बस्केने विचार कीवोर। नन्ना विद्यार्थी मंदानास्के नाटे वापिस वात्तस्के हूडसी मत्तान कि किसान लोर “विदेश स्कूलकुना” विरोध कींतोर। अद समय ते नन्ना खुद किन “विदेशी रकम ता विद्यार्थी ओसो अध्यापक (मास्टर)” लोरा लोपडल वरोर समझेमांदन, ओसो ओरा समर्थन कींदन। नन्ना हमेशा अद्रमे आल्सिंदन किसान लोर गलत मंतोर। 1925 लोप्पा नन्ना कम्युनिस्ट बनेमाता पेरके ओसो मार्क्सवादी दृष्टिकोण अपने कीसि मत्तान, अद समय ते छः महिना मत्ता पेरके नाकिन समझेमाता कि किसान लोर सही मत्तोर ओसो नन्नाए गलत मत्तान इंजी। नाहकुना प्राइमरी स्कूल लोप्पा मंदाना पढ़ाई ते काम वायना सामग्री लोप्पा

शहरकुना चर्चा ताकिंदु। नाहकुना जरूरत ता अनुसार बदे हिल्वा मत्ता। इदे आयवा प्राइमरी स्कूल ता मास्टर किसान लोरा संगे गलत व्यवहार कियानोरा। किसान लोरा मदद कियाना विडसी ओरा पोरो होंग आयानोरा। बारांक इत्तेके किसान लोरा अगा आधुनिक स्कूल (विदेशी स्कूलव) ता जागा ते पाड़ना रकम ता स्कूल (चीनी स्कूल) खुलेमायना इंजी आल्सींदुरा। प्राइमरी स्कूल ता मास्टर लोरा मुकाबला ते पाड़ना मास्टर लोरकिन ज्यादा विचार कींदुरा। इंजे किसान लोर नर्का-पढाई ताकी किया मंतोरा। इदिन किन ओरू किसान पाठशाला इंतोरा। इद्रमता बचोनो पाठशाला खुले मातांग ओसो दूसरा खुल्लेमाया मतांग। लगभग हर श्यांग लोप्पा उंदी स्कूल मता। इद हिसाब ता पाठशालांग खोले कियाला काजे किसान लोर वेल्ले खुश मंतोरा। ओरू इद्रमता पाठशाला किने समझेमांतोरा। नर्का-पढाई ता पैसा “अंधविश्वास संगे दोरकी कित्ता लगान” तिंची तेंडानोरा। लेवेके पाड़ना मंदिरकुना धन ओसो दूसरा बेकार मंदाना सार्वजनिक धन या सम्पत्ति तिंचि तेंडानोरा। काउंटिंग ना शिक्षा-बोर्ड सार्वजनिक धन ता इस्तेमाल प्राइमरी स्कूल बने कियाना पोरो आयाना इंजी आल्सानोर इत्तेके “विदेशी रकम ता स्कूल” बने कियाना पोरो। तानकिन किसान लोर विरोध कियानोरा। मति किसान लोर अद सम्पत्ति ता इस्तेमाल किसान पाठशाला पोरो आयाना इंजी आल्सानोर। इद्रम आतास्के रेंडो ग्रुप किन हिस्सा दोरकता उचुक जागाने पूरा धन किसान लोरकिने दोरकता। किसान आंदोलन बेरसता कारण ते किसान लोरा सांस्कृतिक स्तर बेरसता। उचुन दिव्या लोप्पाने पूरा इलाका ता नाहकुना लोप्पा दसियों हजार पाठशालांग खुल्लेमायनुंग। बुद्धिजीवीं ओसो “शिक्षा विशेषज्ञ” बद “सार्वजनिक शिक्षा” काजे अंगडामे कोलार कींतोर, अविना मुकाबला ते पाठाशालांग ना सिलसिला बिल्कुल अलग मतांग।

13. सहकारी समिति आंदोलन

किसान लोरकिन मुख्य रूप ते मूंड रकम ता सहकारी समितिंग ना जरूरत मता, अव उपभोक्ता, अस्सना-वम्मना ओसो कर्ज हियाना समितिंगा

किसान लोर माल अस्सिंतोर अस्के व्यापारी लोर लूटे कींतोर। ओरू तम्मा खेती ता फसल वम्मिंतोर अस्के वेन्ने व्यापारी लोर ओरकिन नाडे कींतोर। किसान लोर कर्ज लेवेके उधार पोयंतोर अस्के सूदखोर महाजन लोर ओरा नेत्तुर उंटोर। किसान लोर इव समस्यांग किन तुरंत हल कियाना मांग किया मंतोर। हत्ता साल ता इरंगम कालम ते यांगत्सी ता घाटी लोप्पा लड़ई ता समय ते व्यापार बंद आसी मत्ता ओसो हुनान लोप्पा होव्वोर (नमक) का रेट बेसी कीसि मत्तोर। अस्के होव्वोर अस्साला काजे वेल्ले किसान लोर सहकारी समितिंग बने कीसि मत्तोर। अस्के जमींदार लोर पुंजी-पुंजी उधार हियाना बंद कितोर, अस्के किसान लोर हर जागा ते कर्ज हियाना संस्थांग बने कियाना कोशिश कितोर बारांक इत्तेके ओरू उधार पोयाना इंजी आल्सानोर। संगठन ता उचित ओसो विस्तृत अनुशासन (नियमावली) ता कमी उंदी बेहरा समस्या मंता। हर जागा ते किसान लोरा संगठित सहकारी समितिंग सहकारी ता सिद्धांतकुना अनुसार ताको आता। अदिन काजे किसान लोरा लोप्पा काम कियानोर हमेशा “संगठन ता अनु शासन” ता बारे ते पूछेमांतोर। सही मर्गदर्शन मत्तेके सहकारी समिति आंदोलन किसान संगठन ता प्रचार ता संगेने हर जागा ते फैले मायर।

14. सड़क ओसो तालाब, बांध बने कियाना

इद वेन्ने किसान संगठन ता सफलता आंदू। किसान संगठन तुकू मुन्ने नाहकुना सड़क पक्काए खराब मत्तांग। सड़क पैसा लेवा सुधरे कियमुड़ायो आंता। बारांक इत्तेके धनी लोकुर पैसा हीवोर आंतोर, अदिन काजे सड़क रोज-रोज खराब आसोरे दांता। बस्के-बस्के सड़क सुधरे कियाना सुडला-बेहरा काम कीत्तेके तानकिन दया-धरम ता काम इंजी कियानोर। उचुन पैसा “परलोक ते पोरोल कमै कियनोरगडल” जमा कियानोर अनि टुटी-फूटी, पतला सड़क बने कियानोर। किसान संगठन ता उदय आतास्के अद जरूरत ता अनुसार सड़क ता चौड़ाई तीन, पांच, सात छी या एक चांग²⁷ आता। किसान संगठन सड़क हेरे मंदाना जमींदार लोरकिन सड़का ता उंदी हिस्सा बने कियाना इंजी आदेश हीता। उंदी बेरा आदेश वाता इत्तेके

तानकिन जरूर मानेमाया लागिंता। उचुके दियाने वेल्ले बेस-बेसता सडक बनेमातांगा। इद दया-धरम ता काम आयो, ताना दबाव ता काम आंदू। मति इद्रमता उचुन-उचुन दबाव वाटना गलत हिल्ले। इदे पोल्लो तालाब ओसो बांध बने कियाना काजे सही मंता। निर्दयी जमींदार लोर मुजारा किसान लोरगडल कौड़ी-कौड़ी ऊंदाना कोशिश कींदुर, मति तालाब ओसो बांध ता मरम्मत कियाला काजे ओरकिन चार पैसा वेन्ने हियाना इत्तेकाई ओरकिन वेल्ले तिप्पल आयनदु। तालाब वत्तेकाई, किसान लोर कर हातेकाई ओरिगडल लगान वासूल कियवा लेवा विडसोर आयानोर। इंजे किसान संगठन मंता अदिन काजे तालाबकुना मरम्मत कियाना इंजी जमींदार लोरकिन सीधा आदेश हिया परिंता। जमींदार लोर केंजवेके किसान संगठन सदस्य लोर ओरकिन मिंगता-मिंगता पोल्लोने “इंगो, मरम्मत कीवके अनाज तो हिया परिंतीरे। हर मजदूर काजे रोज उंदी तओ²⁸ अनाज हिया लागियरा।” जमींदार लोरकिन इद सौदा समझें मांदु, अदिन काजे ओरू खुद मरम्मत कियाला पेसानोर। अद्रमासी वेल्ले तालाब, बांधकु इंजे मजबूत आतांगा।

पोरो वेहता 14 काम गिनती कीतद मंता, अविना नेतृत्व किसान संगठन ते किसान लोर पूरा कितोर। इव कामकुना लोप्पाडा बुनियादी भावना ओसो इविना क्रांतिकारी महत्व मंता, अविन किन हूडसी नन्ना पाठक लोरकिन विचार कियाला वेहिंतान ओसो तालका मंतान कि इविना लोप्पा बद काम गलत मंता? नाकिन इत्तेके स्थानीय निरंकुश मानेय ओसो बुरे शरीफजादा लोरे इव काम किन गलत इंदानोर इंजी समझेमाया मंता। मति नानछांग²⁹ तिंचि दोरकता समाचार ता अनुसार च्यांग काई-शेक, चांग चिंग-च्यंग³⁰ लेक्कातोर राय ते हुनान लोप्पाडा किसान लोरा कार्रवाई उचुन बेस हिल्ले। च्यांग ओसो चांग ना इद राय तिंची हुनान लोप्पा दक्षिणपंथी नेता ल्यूयूवे-च³¹ लेक्काटोर सहमत आतोर। ओरू बाता इंतोर इत्तेके “ओर सब्बेतोर लाल रंग ते रंगे मातोर।” मति इद इचुन लाल रंग किन विडसी क्रांति ता बाताल आयार? बाराई हर रोज केयसी-केयसी

“आम जनता किन तेदाट्ट”, जनता तेदतास्के ओरा जीवा दायान्ता, इद्रमता मानै ना काम ओसो श्रीमंत ये ना ड्रैगन-प्रेम³² लोप्पा बाता फर्क मंता?

नोट

1. हुनान इलाका चीन किसान आंदोलन ता केंद्र मत्ता।
2. उत्तरी युद्ध सरदार लोरा एजेंट चाओ हंग-थी अद समय ते हुनान ता शासक मत्तोरा 1926 लोप्पा उत्तरी अभियान सेना, ताना तख्ता पलटे कित्ता।
3. 1911 ता क्रांति छिंग वंश ता तानाशाही सरकार ता तख्ता पलटे कियाला काजे कीता क्रांति आंदू। 10 अक्तुबर 1911 ते, “पूना सेना” ता उंदी हिस्सा पूंजीपति वर्ग ओसो निम्न-पूंजीपति वर्ग ता क्रांतिकारी संगठन तिंची प्रेरणा एतसी ऊछांग लोप्पा विद्रोह कित्ता। तान पेरेके दूसरा इलाका लोप्पा वेन्ने उंदी बेरा उंदी विद्रोह तेदता। बारांक इत्तेके छिंग वंश ना शासन जल्दी खत्म आता। 1 जनवरी 1912 ते नानकिंग लोप्पा चीन गणराज्य ता अस्थाई सरकार ता स्थापना आता ओसो सुनएट-सेन अस्थाई राष्ट्रपति चुने मातोरा। इद क्रांति किसान, मजदूर ओसो शहरी निम्न-पूंजीपति वर्ग संगे कल्सि पूंजीपति वर्ग ता दोस्ती संगे सफल आसी मत्ता। मति इद क्रांति ता नेता ओसो दल लोप्पा सुलह-समझौता ताकसोर मत्ता, अदिन काजे किसान लोरा असली अधिकारकुना रक्षा कियाना विड्डी सांप्राज्यवाद, सामंतवादी शक्तिंग ना दबावकुना मुन्ने तल्ला वरिहतोरा। तीना कारण ते राजसत्ता उत्तरी युद्ध-सरदार ख्वान श-खाए ना कैदे हत्ता ओसो इद क्रांति असफल आता।
4. “अन्याय खत्म कियाला काजे सही सीमा तुकू बाहर दायना” - इद पाइना कहावत आंदू। चीन ता इद पाइना कहावत किन हमेशा लोकरा गतिविधिंंग पोरो प्रतिबंध वाटना लक्ष्य ते इस्तेमाल कीयमुडांदु। ताकना व्यवस्था ता सीमा ते मंजी सुधरे कियाना अनुमति हींदुर, मति पाइना व्यवस्था किन पूरा खत्म कियाना उदेश्य ते कियाना कार्यवाहिंंग पोरो प्रतिबंध वार्टिंदुर। इद सीमा लोप्पा मंदाना कार्यवाहिंंग किन “सही” समझेमांदुर, ओसो पाइना व्यवस्था किन पूरा खत्म कियाना उदेश्य ते कियाना कार्यवाहिंंग किन “सही सीमा तुकू बाहर दायाना” इंदतोरा। सुधारवादी ओसो क्रांतिकारी लोरा लोप्पा मंदाना सिद्धांत अवसरवादी लोरा काजे उंदी सुविधाजनक सिद्धांत आंदू। कामरेड माओ त्सेतुंग सुधारवादी सिद्धांत ता इद हिसाब ते खंडन कित्तोरा। “अन्याय किन खत्म कियाला काजे सही सीमा तुकू बाहर दायना जरूरी आंता ओसो सही सीमा तुकू बाहर हनवा लेवा अन्याय किन खत्म कियमुडाओ” इत्तेके पाइना सामंती व्यवस्था किन खत्म कियाला काजे संशोधनवादी-सुधारवादी तरीका ना जागा ते जन-क्रांति ता तरीका किन लागू कियाना।

5. श्यांग अद समय ते चीन ता बुनियादी प्रशासनिक इकाई मत्ता, ताना लोप्पा बचोको नाहकु शामिल मत्तांग।-अनु.
6. 1926 ता इंगम कालम ओसो 1927 ता वसंत कालम लोप्पा उत्तरी अभियान सेना यांगत्सी ता घाटी लोप्पा अभियान ताकी कीसोरे मत्ता अस्के एनल च्यांग काई-शेक किन प्रतिक्रांतिकारी मंतोर इंजी एक्सपोज आत्तद हिल्वा मत्ता। जर्मीदार ओसो धनी किसान लोर ओरकिन विचार कीवोर आंदूरा। ओरु उत्तरी अभियान सेना हारे माता ओसो च्यांग काई-शेक ना काल जख्मी आता इंजी अंगडम ता प्रचार कितोर। 12 अप्रैल 1927 ते च्यांग काई-शेक शांघाई ओसो उचुक जागा ने प्रतिक्रांतिकारी राजविप्लव कितोर ओसो मजदूर लोरकिन हौकना, किसान लोरा पोरो दमन कियाना ओसो कम्युनिस्ट पार्टी पोरो हमला कियाना शुरू कितोर अस्केने ओरु पूराए प्रतिक्रांतिकारी इंजी एक्सपोज आतोर। ताना पेके जर्मीदार ओसो धनी किसान लोर तम्मा विचार बदे कितोर ओसो ओना समर्थन कियाना शुरू कितोर।
7. पहली क्रांतिकारी गृहयुद्ध समय ते क्वांगतुंग पहला क्रांतिकारी आधार क्षेत्र मत्ता।
8. उत्तरी युद्ध-सरदार लोरा लोप्पा उ फेइ-फू सबसे प्रसिद्ध युद्ध-सरदार मत्तोर। ओरु चली प्रांत ता ग्रूप लोप्पा मत्तोर। ओना संगे छाओ खुन वेन्ने मत्तोर, ओरु 1923 ते संसद ता सदस्य लोरकिन रिश्तत हीसी राष्ट्रपति बने मासी मत्तोर। ऊ फेइ-फू ना समर्थन ते छाओ खुन चली ग्रूट ता मुख्या बने मासी मत्तोर, आम रूप ते इद हिसाब ते इरवुरास किन “छाओ-ऊ” इंदानोर। 1920 ते आनह्वेइ ग्रूप ता युद्ध-सरदार त्वान छी-जुइ किन हारे कीसि ऊ फेइ-फू, आंगल-अमरीकी साम्राज्यवाद ता एजेंट ता रूप ते उत्तरी युद्ध-सरदार लोरा सरकार पोरो तन्ना कब्जा जमे कितोर। 7 फरवरी 1923 ते पेकिंग-हानखओ रेलवे ता हड़ताली मजदूर किन हौकना आदेश हीसी मत्तोर। 1924 लोप्पा चांग च्वो-लिन ना संगे युद्ध कीसोरे, ओरु हारे मातोर ओसो पेकिंग शासन तिंची बाहर आतोर। इद युद्ध चली ओसो फंगथ्येन ग्रूप नडमा ताकता। मति 1926 लोप्पा जापानी ओसो अंग्रेज साम्राज्यवादी लोर भडके कीतांकु ओरु चांग च्वो-लिन ना संगे कलियतोर अनि ओसो उंदी बेरा सत्ता ते वातोर। 1926 ते उत्तरी अभियान सेना ता क्वांगतुंग तिंचि उत्तर बगिल दायानस्के ओरु पहला दुश्मन मत्तोर ओना तख्ता पलट कित्तद मत्ता।
9. चीन ता पूंजीवादी-जनवादी क्रांति कालम ते राष्ट्रवाद, जनवाद ओसो जन-जीविका इव मूंड समस्या ना बारे ते सुन-येट-सेन ना पेश कित्ता सिद्धांत ओसो प्रोग्राम किन मूंडु जन-सिद्धांत इंतोर। 1924 लोप्पा “क्वोमिंगतांग ता पहली राष्ट्रीय कांग्रेस ता घोषणापत्र” लोप्पा सुन येट-सेन ना मूंडु जन-सिद्धांत कुना ओसो उंदी बेरा शुरू तिंची वेहतद मत्ता। तान लोप्पा ओरु राष्ट्रवाद ता बारे ते वेहचोरे तानकिन साम्राज्यवाद ता विरुद्ध वेहतोर ओसो मजदूर-किसान लोरा आंदोलन ता सक्रिय रूप ते समर्थन कित्तोर। इद हिसाब ते पाइना “मूंडु जन-सिद्धांतकुना” जागा ते पूना “मूंडु जन-

सिद्धांत” मुन्ने वातांग अविन किन मूंडु महान नीतिंग इंतोर, इत्तेके रूस तिंचि संश्रय, कम्युनिस्ट पार्टी तिंचि सहयोग ओसो किसान-मजदूर लोरा सहायता। इव पूना “मूंडू जन-सिद्धांत” पहली क्रांतिकारी गृहयुद्ध ता समय ते चीनी कम्युनिस्ट पार्टी ओसो क्वोमिंगतांग ता आपस ते सहयोग ता राजनीतिक आधार बने मातांग। हूडाटु: “नवजनवाद ता बारे ते”, अध्याय 10, (“माओ त्सेतुंग ना चुने कित्ता रचनांग”, पुस्तक 2)।

10. धनी किसान लोरकिन किसान संगठन ते शामिल आयना अनुमति हियाना आयवा मत्ता। मति 1927 एवनल व्यापक किसान समुदाय किन इद पोल्लो समझेमायवा मत्ता।
11. “थ्वान”, “च्याओ”, “फन” ओसो “वन” चीनी मुद्र-प्रणाली ता इकाईंग आंदुंगा। अद जमाना ते चांदी ता मुद्रा-प्रणाली किन लागु कीतद मत्ता, ताना संगेने “थ्वान”, “च्याओ”, “फन” ना इस्तेमाल कियानोर। उंदी “थ्वान” दस “च्याओ” ता बराबर आंदू ओसो उंदी “च्याओ” दस “फन” ता बराबर आंदू उंदी “थ्वान” ता चांदी ता सिक्का लोप्पा नियम अनुसार 24 ग्राम असली चांदी मंदानदु। “वन” (छयेन) तांबा ता सिक्का ता रूप ते ताकनदु। उंदी “फन” लोप्पा बचोनो “वन” मंदानवु। अनु.
12. इगा “पूराए कंगाल” इत्तेके खेत-मजदूर (देहाती सर्वहारा वर्ग) ओसो देहाती खानाबदोश सर्वहारा वर्ग आंता।
13. इगा “कंगाल” इत्तेके देहात ता अर्ध-सर्वहारा वर्ग आंदू।
14. थ्वान चू-मिंग क्वेइचओ इलाका ता युद्ध-सरदार मत्तोर, ओरू हुनान ता पश्चिमी हिस्सा पोरु कब्जा तास्तोर।
15. हुनान लोप्पा “तू” “जिले” ता बराबरा आयनदु ओसो “थ्वान” “श्यांग” ता बराबर आयनवु। “तू” ओसो “थ्वान” लेक्काता पाइना प्रशासन जर्मीदार लोर कैदे किसान लोरा पोरु शासन कियाना साधनकु मत्तांग।
16. इद नियमित भूमि-कर किन विइसी स्थानीय निरंकुश मानेय ओसो बुरे शरीफजादा लोरा सत्ता संगे किसान लोरा पोरु क्रूर रूप ते वाटता अतिरिक्त कर आंदू।
17. उत्तरी युद्ध-सरदार लोरा शासन लोप्पा इलाका ता फौजी प्रधान किन “फौजी गवर्नर” इंदानोर। मति असल ते ओरू इलाका ता तानाशाही मंदानोर ओसो प्रशासनिक सत्ता ओसो सेना पोरु ओना कब्जा मंदानदु। ओरू साम्राज्यवाद संगे कलियसी मंदानोर ओसो तन्ना क्षेत्र लोप्पा उंदी पृथक सामंती-फौजी शासन-व्यवस्था कायम कीसि तासनोर।
18. “लोन-लोन ता स्थाई मिलिशिया” देहात लोप्पा मंदाना अलग-अलग सशस्त्र शक्तिंग लोप्पाडल इद उंदी मत्ता। इगा “लोन-लोन” शब्द बारांक इस्तेमाल आंता इत्तेके हर परिवार किन ताना लोप्पा मानेय लोहाला लागिंता। 1927 लोप्पा क्रांति ता पराजय

- आता पेके वेल्ले जागाने जर्मीदार लोर “लोन-लोन ता मिलिशिया” पोरो नियंत्रण कीसि तानकिन सशस्त्र प्रतिक्रांतिकारी बने कित्तोर।
19. अद समय ते ऊहान लोप्पा मंदाना क्वोमिंगतांग ता केंद्रीय कार्यकारिणी कमेटी ता नेतृत्व ते वेल्ले काउंटी हेडक्वार्टर सुन येट-सेन ना मूंडु महान नीतिंग - रूस संगे संश्रय, कम्युनिस्ट पार्टी सहयोग ओसो किसान-मजदूर लोरा सहायता - किन लागू कियानोर। अवु कम्युनिस्ट, क्वोमिंगतांग ता वामपंथी ओसो दूसरा क्रांतिकारी लोरा क्रांतिकारी संश्रय मंदाना संगठकु मत्तांग।
 20. धनुर्विद्या (विलकाडी शिक्षा) ता उपमा “मेनशियस” तिंची एतद मंता। ताना लोप्पा वरोर धनुर्विद्या ता विशेषज्ञ अध्यापक बद हिसाब ते विल्लु किन केव्वी एवनल पिडंगितोर मति काडी किन विडसोर आंतोर। इत्तेके कम्युनिस्ट लोरकिन किसान लोरा राजनीतिक चेतना ता ज्यादा से ज्यादा विकीसित कियाला काजे मार्गदर्शन कियाना लेक्का मंदाना, मति अंधविश्वास ओसो दूसरा रीति-रिवाज किन खत्म कियाना काम लोप्पा ओरकिन किसान लोराए पहलकदमी ते विडसना ओसो ओरकिन इदिना बारे ते आदेश जारी कियाना लेवेके किसान लोरा जागा ते खुद इविन किन खत्म कियाना कोशिश कियानाओ।
 - 21 थान शंग-च पोरोल ता वरोर जनरल मत्तोर, ओरू उत्तरी अभियान युद्ध लोप्पा क्रांति ता मदद कीसि मत्तोर। वरोर जनरल खाए-शिन वेन्ने मत्तोर ओरू उत्तरी युद्ध-सरदार लोरा मदद कीसि क्रांति ता विरोध कित्तोर।
 - 22 सुन छवान-फांग वरोर युद्ध-सरदार मत्तोर, ओना शासन पांच प्रांतकुना लोप्पा - च्यांगसू, चच्यांग, फूच्येन, किआंगशी ओसो आनह्वेई - लोप्पा फैले मासी मत्ता। ओरू शांघाई ता मजदूर लोरा विद्रोह ना पोरो नेतुर दमन कियाना काजे जिम्मेदार मत्तोर। 1926 ता इरंगम कालम ते ओना मुख्य सेना किन उत्तरी अभियान सेना किआंगशी प्रांत ता नानछांग ओसो च्योच्यांग लोप्पा तहस-नहस कित्ता।
 - 23 पूर्वी संस्कृति ता सिद्धांत उंदी प्रतिक्रियावादी सिद्धांत मत्ता, अद आधुनिक वैज्ञानिक सभ्यता किन माने मायो आंदू ओसो पूर्व ता कृषि-उत्पादन ता पेके अरता तरीका ओसो सामंती संस्कृति किन पिसी कियाना पक्ष एतानोर।
 - 24 “तान” चीनी कौलसना-पद्धति ता उंदी इकाई आंदू पाइना पद्धति ता हिसाब ते उंदी “तान” लगभग 60 किलो ता बराबर मत्ता। मति सब्बे जागाने उंदे लेक्काटा पद्धति ताको आंदू बेगा-बेगा उंदी “तान” 60 किलो तुकू ज्यादा वेन्ने मंदानदु। पूना पद्धति हिसाब ते उंदी “तान” 50 किलो बराबर मंत्ता-अनु.
 - 25 हूडूटू “चीनी समाज लोप्पा वर्ग विश्लेषण”, नोट 16।
 - 26 “मेट्टा”, “भवन”, “मंदिर” ओसो “डोड्डा” आदिम गुप्त संस्थांग ना संगे तन्ना संप्रदायकुना काजे तास्ता पोरोलकु आंदंगा।

- 27 “छी” ओसो “चांग” चीनी माप-पद्धति ता इकाई आंदू उंदी “चांग” लोप्पा दस “छी” ओसो उंदी “छी” लोप्पा दस “छुन” मंदितांग। मूडू “छी” ता उंदी मीटर आंता।-अनु.
- 28 “तओ” चीनी माप-प्रणाली ता उंदी इकाई आंदू उंदी “तओ” दस लीटर ता बराबर मंता। -अनु.
- 29 नवम्बर 1926 लोप्पा उत्तरी अभियान सेना नानछांग पोरो अधिकार जमे कित्तास्के च्यांग काई-शेक मौका हूडूसी अगा तन्ना हेडक्वार्टर कायम कित्तोर। ओरू तन्ना आसपास क्वोमिंगतांग ता दक्षिमपंथी ओसो उत्तरी युद्ध-सरदार लोरा लज्जा हिल्वा राजनेता लोरकिन जमा कित्तोर ओसो साम्राज्यवाद संगे सांठगांठ कीसि क्रांतिकारी केंद्र ऊहान ता विरुद्ध प्रतिक्रांतिकारी साजिश पंडतोर। आखिर ते 12 अप्रैल 1927 ते ओरू शांघाई लोप्पा प्रतिक्रांतिकारी राजविप्लव कित्तोर। ताना लोप्पा ओरू अगा वेल्ले बेहरा नर-संहार कित्तोर।
- 30 चांग चिंग-च्यांग, क्वोमिंगतांग ता दक्षिण पक्ष ता वरोर मुखियाल, च्यांग काई-शेक ना सलाहकार मत्तोर।
- 31 ल्यू खे-च “वामपंथी सोसायटी” ता मुखियाल मत्तोर। इद सोसायटी हुनान ता उंदी महत्वपूर्ण कम्युनिस्ट-विरोधी संस्था मत्ता।
- 32 हान वंश ता कालम ते ल्यू श्यांग (77-6 ई.पू.) तन्ना किताब “शिनश्ची” लोप्पा बाता रास्तोर इत्तेके श्रीमंत ये किन ड्रैगन पक्काए विचार वांदु ओसो ओरू तन्ना सब्बे महल ओसो कुर्सिंग पोरो वेने अविना चित्र ओसो मूर्तिंग संगे सज्जे कीसि मत्तोर। उंदी बेरा असली ड्रैगन ओना ड्रैगन तुनबेस जीवा कियाना पीटो केंजतोर औसो ओना महल ते वात्ता, अदिन हूडूसी श्रीमंत ये सांगतोर। इदिन हूडूतेके श्रीमंत ये किन असल ते ड्रैगन कि विचार किवोर। इगा कामरेड माओ तानकिन उंदी उदाहरण लेक्का इस्तेमाल कित्तोर, चांग काई-शेक ओसो ओना लेक्काटोर क्रांति ता बारे ते पोल्लॉंग पुट्टी किसोर मंतोर मति असल ते ओरू क्रांति तुकू वेरियांतोर ओसो ताना विरोध कीतोर।

द्वितीय
क्रांतिकारी
गृहयुद्ध ता कालम

चीन लोप्पा लाल राजनीतिक सत्ता बारांकु नित्ता परिंता?

5 अक्तुबर 1928

इद लेख कामरेड माओ त्सेतुंग ना हुनान-किआंगशी सीमा क्षेत्र ता दूसरी पार्टी-कांग्रेस काजे तैयार कित्ता प्रस्ताव ता उंदी हिस्सा आंदू। तीना हेडिंग मुन्ने "राजनीतिक समस्याए और सीमान्त क्षेत्रीय पार्टी-संगठन के कार्य" इजी मत्ता।

1. घरेलू राजनीतिक परिस्थिति

क्वोमिंगतांग ता पूना युद्ध-सरदार कुना वर्तमान शासन इंजे वेन्ने शहर लोप्पा दलाल-पूंजीपति वर्ग ता ओसो देहाती इलाका ना स्थानीय निरंकुश तत्व ओसो बुरे शरीफजादा लोरा वर्ग शासन मंता। इद शासन विदेशी मुद्दांग कुना पोरो साम्राज्यवाद ता मुन्ने तल्ला वरिहंता ओसो घरेलू मुद्दांग कुना पोरो पाड़ना युद्ध-सरदार लोरा जागा ते पूना युद्ध-सरदार (warlord) लोरकिन निलिप कींता। अदिन काजे मजदूर वर्ग ओसो किसान वर्ग किन मुन्ने तुकू ज्यादा आर्थिक शोषण ओसो राजनीतिक उत्पीड़न ता शिकार आया लागिंता। क्वांगतुंग प्रांत लोप्पा पूंजीवादी-जनवादी क्रांति शुरू आसी मत्ता, अद इंजे वेन्ने ताकसोरे मंता कि दलाल-पूंजीपति ओसो स्थानीय निरंकुश तत्व, बुरे शरीफजादा लोरा वर्ग ताना नेतृत्व कित्ता ओसो तानकिन प्रतिक्रांति ता हर्दे ओता, पूरा देश ता मजदूर, किसान, आम जनता ना दूसरा तबका ओसो पूंजीपति वर्ग' इंजे वेन्ने प्रतिक्रांतिकारी शासन लोप्पा मंतोर ओसो ओरकिन उचुन वेन्ने राजनीतिक लेवेके आर्थिक मुक्ति दोरकतद हिल्ले।

पेकिंग थ्येनचिन पोरो कब्जा कियाना मुन्ने क्वोमिंगतांग ता पूना युद्ध- सरदार लोरा चार ग्रुप²- च्यांग ग्रूप, क्वांगशी ग्रूप, फंग ग्रूप ओसो येन ग्रूप- चांग च्वो-लिन³ ना खिलाफ अस्थाई गठजोड बने कीसि मतांगा। पेकिंग ओसो थ्येनचिन पोरो कब्जा आतास्के इव अस्थाई गठजोड ता तुरंत तोडफोड आता ओसो इव चार ग्रुपकुना नडमा संघर्ष स्थिति बनेमाता ओसो इंजे च्यांग ग्रुप ओसो क्वांगशी ग्रुप लोप्पा युद्ध ता तैयारी ताका मंता। चीन लोप्पा युद्ध-सरदार लोरा अलग-अलग ग्रुप कुना अंतरविरोध ओसो संघर्षकुनगडल अलग-अलग साम्राज्यवादी ताकतकुना अंतरविरोध ओसो संघर्षकु दिस्सा मंतांगा। अदिन काजे बस्के एवनल चीन बचोनो साम्राज्यवादी ताकतकुने वीरसी मत्ता अस्के एवनल युद्ध-सरदार लोरा वेल्ले ग्रुपकुना लोप्पा बद्रम आत्तेकाई समझौता आया परवो आयार, ओसो बद समझौता कियानुर अद अस्थाई आयारा नेटा अस्थाई समझौता लोप्पा नाडी काजे ओसो वेन्ने बेहरा युद्ध ता तैयारी मकसी मंदीता।

चीन काजे पूंजीवादी-जनवादी क्रांति ता फौरी जरूरत मंता, ओसो इद क्रांति सर्वहारा वर्ग ता नेतृत्व तेने पूरा कियमूडांता। बारांक इत्तेके 1926-27 ता क्रांति लोप्पा क्वांगतुंग तिंची शुरू आसी यांगत्सी डोड्डा बगिल फैले मासी मत्ता, ताना नेतृत्व सर्वहारा वर्ग तन्ना दृढता संगे कीवा लेक्का आता, अदिन काजे नेतृत्व किन दलाल-पूंजीपति वर्ग ओसो स्थानीय निरंकुश तत्व ओसो बुरे शरीफजादा लोरा वर्ग तन्ना कैदे पोयता अनि अद क्रांति किन प्रतिक्रांति लोप्पा बदले कित्ता। इद हिसाब ते पूंजीवादी-जनवादी क्रांति अस्थाई रूप ते हारे माता। इद असफलता तिंचि चीन ता सर्वहारा वर्ग ओसो किसान लोरकिन जबरदस्त धक्का दलगता ओसो चीनी पूंजीपति वर्ग किन वेन्ने धक्का दलगता (दलाल-पूंजीपति वर्ग ओसो स्थानीय निरंकुश तत्व, बुरे शरीफजादा लोरा वर्ग किन आयो)। इद्रम आत्तेकाई हत्ता उचुकु लेंजकुना लोप्पा कम्युनिस्ट पार्टी ता नेतृत्व लोप्पा उत्तर ओसो दक्षिण कुना शहरकुना लोप्पा मजदूर वर्ग ता संगठित हडलकु ओसो किसान लोरा संगठित विद्रोहकु बेरस्तांगा। युद्ध-सरदार लोरा फौजकुना सिपाही लोरा लोप्प इरंगम ओसो करवु ता कारण ते वेल्ले

पेशानी बेरस्ता। इक्के वांग चिंग-वेइ ओसो छन कुंग-पो ग्रुप ता पोल्लो ने वासी पूंजीपति वर्ग समुद्र ओदा ता इलाका लोप्पा ओसो यांगत्सी डोड्डा हेरे ता वेल्ले सुधारवादी आंदोलन किन⁴ बेसी कियामंतोरा इद उंदी पूना परिस्थिति ता विकास आंदू।

कम्युनिस्ट इंटरनेशनल ओसो मना पार्टी ता केंद्रीय कमेटी ता निर्देशन ता अनुसार चीन लोप्पा जनवादी क्रांति ता अन्तर्वस्तु इत्तेके - चीन लोप्पा साम्राज्यवाद ता ओसो ताना किराया ता सैनिक लेक्का काम कियाना युद्ध-सरदार लोरा शासन ता तख्ता पलटे कियाना अस्केने राष्ट्रीय क्रांति किन पूरा कियमूडायर ओसो भूमि क्रांति किन लागू कियमूडायर। मई 1928 लोप्पा चीनान हत्याकांड⁵ आता पेरके इद्रम ता क्रांति ता व्यावहारिक आंदोलन दिय्या-दिय्या तुकू बेसा मंता।

2. चीन लोप्पा लाल राजनीतिक सत्ता⁶ ता पुटना ओसो नित्ताना तुकू कारण

बदे देश लोप्पा पांडरी राजनीतिक सत्ता ता पूरा घेराव नडमा लाल राजनीतिक सत्ता लोप्पा उंदी लेवेके बचोनो सुडला-सुडला इलाकांग वेल्ले दिय्यांग एवनल नित्तसी मंदाना घटनाकू दुनिया ता बदे देश ते बस्केने आत्ताद हिल्ले। इद असाधारण घटना ता विशेष कारण आंदू। सिर्फ उचुक खास परिस्थिति लोप्पा ने इद्रम ता सत्ता नित्ता परिता ओसो ताना विकास आया परिता।

मुन्ने बदे साम्राज्यवादी देश लोप्पा लेवेके प्रत्यक्ष साम्राज्यवादी शासन लोप्पाटा बदे उपनिवेश⁷ लोप्पा इद्रम ता घटना आया परवो। केवल इद चीन देश लेक्काटा आर्थिक रूप ते पेरके अरता, अर्ध-औपनिवेशिक ओसो अप्रत्यक्ष साम्राज्यवादी शासन लोप्पा मंदाना देश लोप्पाने इद्रमता घटना आया परिता। बारांक इत्तेके इद असाधारण घटना दूसरा असाधारण घटना ता संबंध मत्तेके ने अद्रम ता घटना आंता। अद दूसरा असाधारण घटना पांडरी शासन-व्यवस्था लोप्पा ताकना युद्ध आंदू। अर्ध-औपनिवेशिक चीन ता उंदी विशेषता बाता इत्तेके गणराज्य ता शुरूआती

साल तिंचे पूना ओसो पाडना युद्ध-सरदार लोरा अलग-अलग ग्रुप कुना समर्थन विदेशी साम्राज्यवाद ओसो घरेलू दलाल-पूंजीपति वर्ग ओसो स्थानीय निरंकुश तत्व, बुरे शरीफजादा लोरा वर्ग तोर कींतोर, वरोनकु वरोना खिलाफ युद्ध लगातार ताका मंता। इद्रमता घटना दुनिया ता बदे साम्राज्यवादी देश लोप्पा दिस्सो, ओसो बदे प्रत्यक्ष साम्राज्यवाजी शासन लोप्पा मंदाना बदे उपनिवेश लोप्पा वेने दिस्सो। इद्रम ता घटना केवल चीन लेक्कटा देश लोप्पाने दिसिंता, बारांक इत्तेके अद अप्रत्यक्ष साम्राज्यवादी शासन ता अधीन मंता। इदिना रेंडु कारण मंतांग। उंदी स्थानीय कृषि-अर्थव्यवस्था (केंद्रित पूंजीवादी अर्थव्यवस्था आयवा लेवा), ओसो दूसरा विभाजित कियाना ओसो शोषण कियाना काजे प्रभाव-क्षेत्र बने कियाना साम्राज्यवादी नीति। पांडरी शासन-व्यवस्था लोप्पा वेल्ले दिव्या ताकना फूट ओसो लडाई पांडरी राजनीतिक सत्ता ता घेराव लोप्पा कम्युनिस्ट पार्टी ता नेतृत्व लोप्पा उंदी लेवेके वेल्ले लाल इलाका पैदा किया परना ओसो निल्लि कियाना लेक्काटा परिस्थितिंग पुट्टी किसिंता। हुनान-किआंगशी सीमा क्षेत्र, ताना लोप्पा स्वतंत्र शासन-व्यवस्था स्थापित कित्ताद मंता, अद्रमे वेल्ले सुडला इलाकांग लोप्पा उंदी मंता। मुशिकल या पक्काए मुशिकल समय वातास्के उचुन कामरेड्स किन हमेशा डावुट आंता कि इद्रम ता लाल राजनीतिक सत्ता नित्ता परिंता या परवो, ओसो ओरू जीवा सुडला वेन्ने कींतोर। इदिना कारण बाता इत्तेके इद्रमता लाल राजनीतिक सत्ता ता पुट्टना ओसो नित्सी मंदाना ता सही कारण किन ओरू इंजे पुत्ताद हिल्ले। चीन ता पांडरी शासन-व्यवस्था लोप्पा फूट ओसो लडाई ता सिलासिला लगातार ताकसोरे मंदिता, केवल इदे ध्यान लोप्पा तास्तेके मनाकिन लाल राजनीतिक सत्ता ता पुट्टाना ओसो नित्ताना ओसो दिव्या-दिव्या ते बेर्साना डावुट मन्नो आयार।

दूसरा, चीन ता बव इलाकांग लोप्पा सबसे मुन्ने राजनीतिक सत्ता पुट्टता ओसो वेल्ले दिव्या नित्सी मंदा परिंता, अविना पोरो जनवादी क्रांति ता प्रभाव अरताद हिल्ले इंदाना बदे एरिया हिल्ले, अविना लोप्पा सद्दान, क्वेइचओ, युन्नान ओसो उत्तर प्रांत, हुनान, क्वांगतुंग, हुपे ओसो

किआंगशी प्रांत लेक्काटा इलाकांग वेने मंतांग। अगा 1926 ओसो 1927 ता पूंजीवादी-जनवादी क्रांति ता समय ते मजदूर, किसान ओसो, सैनिक लोरा जन समुदाय वेल्ले संख्या ते तेदसी मत्ता। इव इलाका ना बचोनो हिस्सा लोप्पा मजदूर संघ ओसो किसान संगठन ता संगठन व्यापक रूप ते निल्लि कित्तद मत्ता ओसो मजदूर वर्ग ओसो किसान वर्ग जमींदार वर्ग ओसो स्थानीय निरंकुश तत्व, बुरे शरीफजादा लोरा वर्ग ओसो पूंजीपति वर्ग ता खिलाफ इद्रमता पक्काए ज्यादा राजनीतिक संघर्ष कित्तद मंता। अदिन काजे क्वांगचओ शहर लोप्पा जनता ना शासन तीन दिव्या नित्सी मत्ता ओसो हाएफांग ओसो लूफंग लोप्पा पूर्वी ओसो दक्षिणी हुनान लोप्पा, हुनान-किआंगशी सीमा क्षेत्र लोप्पा ओसो हुपे प्रांत ता ह्वांगआन लोप्पा किसान लोरा शासन-व्यवस्थांग⁸ नित्ततांग। अगा मंदाना लाल सेना वेन्ने राष्ट्रीय क्रांतिकारी सेना तिंचे अलग आता आसो जनवादी राजनीतिक ट्रेनिंग एतता, आम मजदूर, किसान लोरगडल प्रभावित आता सेना आंदू, अद येन शीन-शान ओसो चांग च्वो-लिन लेक्काटा फौज तिंचि वाया परवो बारांक इत्तेके अद जनवादी राजनीतिक ट्रेनिंग एतताद हिल्ले ओसो मजदूर, किसान लोरगडल प्रभावित वेन्ने आयो।

तीसरा, राष्ट्रव्यापी क्रांतिकारी परिस्थिति बराबर विकसित आसोरे मंताया-हिल्ले इंदाना पोल्लो पोरो सुडला इलाका लोप्पा जनता ना राजनीतिक सत्ता वेल्ले दिव्या टिके मायारे-मायो इंदाना पोल्लो आधार आसी मंता। अद विकसित आसोरे मंता इत्तेके जरूर सुडला इलाका वेल्ले दिया टिके मायार ओसो जरूर राष्ट्रव्यापी राजनीतिक सत्ता हासिल कियाना काजे बचोनो रूप ता ताकतकु बने मायनुंग। राष्ट्रव्यापी क्रांतिकारी परिस्थिति बराबर ताकसोरे हिल्लेके, विल्ले दिव्या एवनल रोमसी मंदानास्के सुडला लाल इलाका काजे ज्यादा दिया रोमसी मंदाना सम्भावना हिल्ले आंता। इंजे घरेलू दलाल-पूंजीपति वर्ग ओसो स्थानीय निरंकुश तत्व, बुरे शरीफजादा लोरा वर्गकुना ओसो अंतरराष्ट्रीय पूंजीपति वर्ग लोप्पा लगातार वायाना फूट ओसो युद्ध ता संगे-संगे चीन ता क्रांतिकारी परिस्थिति वेन विकसित आया मंता। अदिन काजे जरूर सुडला

लाल इलाका वेल्ले दिव्या एवनल नितसी मंतांग, ओसो दिव्या-दिव्या ते बेरसोरे दांतांग, राष्ट्रव्यापी राजनीतिक सत्ता हासिल कियाना लक्ष्य बगिल मुन्ने दांतांग।

चौथा, हालना लेक्का शक्तिशाली नियमित लाल सेना मंदाना लाल राजनीतिक सत्ता ता रक्षा काजे उंदी जरूरी शर्त आंदू। मावगा केवल स्थानीय लाल रक्षक दल^९ मता ओसो नियमित लाल सेना हिल्ले इंदानास्के माटु केवल लोन-लोन ता मिलिशिया संगेने लडेमाया परितोम, नियमित पांडरी सेना संगे लडेमाया परवोम आंतोम। आदिन काजे बस्के एवनल मावगा पर्याप्त शक्तिशाली नियमित सेना बनेमायो अस्के एवनल व्यापक मजदूर ओसो किसान सक्रिय आत्तेक वेन्ने, उंदी स्वतंत्र शासन-व्यवस्था निलिप किया परवोम, उंदी दीर्घकालीन ओसो लगातार बेरसना स्वतंत्र शासन-व्यवस्था इत्तेके बिल्कुल नित्ता परवो आयरा। “सशस्त्र शक्ति संगे मजदूर-किसान ना स्वतंत्र शासन-व्यवस्था ता स्थापना कियाना” विचार उंदी महत्वपूर्ण विचार आंदू। तानकिन कम्युनिस्ट पार्टी किन ओसो स्वतंत्र शासन व्यवस्था लोप्पा मंदाना इलाका ना आम मजदूर-किसान जनता ना जीवा ते जीवा आया लागिंता।

पांचवा, लाल राजनीतिक सत्ता ता ज्यादा दिव्या नितसी मंदाना ओसो विकसित आयाना काजे पोरो वेहता शर्ते आयवा उंदी दूसरा महत्वपूर्ण शर्त बाता इत्तेके, कम्युनिस्ट पार्टी ता संगठन शक्तिशाली मंदाना ओसो ताना नीति गलत मंदानायो।

3. हुनान-किआंगशी सीमा क्षेत्र ता स्वतंत्र शासन-व्यवस्था ता स्थापना ओसो अगस्त ता विफलता

युद्ध-सरदार लोरा नडमा फूट ओसो लडाई ता कारण ते पांडरी शासन-व्यवस्था ता शक्ति कम आंता। अद्रमे लाल राजनीतिक सत्ता किन सुडला इलाका लोप्पा निर्माण कियाना मौका दोरकिंता। मति युद्ध-सरदार लोरा नडमा रोज युद्ध ताकसोरे मन्नो आंता। बस्केनाई उंदी लेवेके ज्यादा इलाका लोप्पा अस्थाई रूप ते पांडरी राजनीतिक सत्ता स्थिर आंता, अस्के अगाटा

शासक वर्ग जरूर उंदी आसी लाल राजनीतिक सत्ता ता नाश कियाना कोशिश कींतोर। बद इलाका लोप्पा लाल राजनीतिक सत्ता निल्पना ओसो ताना नितसी मंडाला काजे जरूरी शर्त सही हिसाब ते पूरा आया परवो, अगा दुश्मन लाल राजनीतिक सत्ता किन खत्म कियाना खतरा मंता इंजी वेरीं मंदिंता। अदिन काजे वेल्ले लाल शासन-व्यवस्थांग ना निर्माण अप्रैल तुकू मुन्ने अनुकूल स्थिति हूडसी क्वांगचओ, हाएफंग ओसो लूफंग हुनान-किआंगशी सीमा क्षेत्र, दक्षिणी हुनान, लीलिंग ओसो ह्वांगआन लेक्काटा इलाका ने पुटसी मत्तांग, पांडरी राजनीतिक सत्ता अविन किन उंदी-उंदी कीसि खत्म कित्ता। अप्रैल तिंची, हुनान-किआंगशी सीमा क्षेत्र ता स्वतंत्र शासन-व्यवस्था ता स्थापना इद्रमता परिस्थिति लोप्पा कित्ताद मत्ता मति चीन ता दक्षिणी भाग लोप्पा शासक शक्तिंग अस्थाई रूप ते स्थिर आतांग ओसो मना “दमन” कियाला काजे हुनान ओसो किआंगशी रेंडासी इलाका तिंची हमेशा आठ लेवेके नौ तुकू ज्यादा, बस्के-बस्के अठारह एवनल रेजीमेंट लोहना शुरू कितोर। इद्रम कीतेके आई चार महीना एवनल लडेमायानोर, अद्रम आसी स्वतंत्र शासन-व्यवस्था ता इलाका दिय्या-दिय्या तुकू बेरसोरे मंदानदु, भूमि-क्रांति दिय्या-दिय्या तुकू ओसो ज्यादा ताकनदु, जनता ना राजनीतिक सत्ता ता संगठन दिय्या-दिय्या तुकू फैले मासोरे मत्ता ओसो लाल रक्षा दलकुना दिय्या-दिय्या ते विस्तार आसोरे हत्ता। हुनान-किआंगशी सीमा क्षेत्र ता कम्युनिस्ट पार्टी संगठन (स्थानीय ओसो फौज ता पार्टी-संगठन) ता नीतिंग सही मत्तांग अदिनके इद सम्भव आता। अद समय ते पार्टी ता विशेष कमेटी ओसो सेना-कमेटी¹⁰ ता नीतिंग इद हिसाब ते मत्तांग: दुश्मन संगे वृद्धता संगे लडेमायाना, लोश्याओ मेट्टा¹¹ ता नडमा हिस्सा लोप्पा राजनीतिक सत्ता निल्पि कियाना ओसो पलायनवाद ता विरोध कियाना, स्वतंत्र शासन-व्यवस्था ता इलाका लोप्पा भूमि-क्रांति किन ओसो ज्यादा गंभीरता ते ताकि कियाना, फौजी पार्टी-संगठन ता सहायता ते स्थानीय पार्टी-संगठन ता विकास कियाना ओसो नियमित सेना ता सहायता ते स्थानीय सशस्त्र-सैना ता विकास कियाना, लाल सेना किन केंद्रीत कियाना अस्केने दुश्मन ता सामना

आत्तेके ताना संगे सही समय ते लड़े माया परना, ओसो फौज ता विकेंद्रीकरण ता विरोध कियाना अस्केने दुश्मन तुकू बचे मायमुड़ांता, स्वतंत्र शासन-व्यवस्था दौड़ इलाका विस्तार कियाला काजे सिलसिलेवार लहर कुना लेक्का मुन्ने दायना नीतिंग लागू कियाना ओसो दुस्साहसपूर्ण विस्तार कियाना नीति ना विरोध कियाना। इव कार्यनीतिंग सही मत्ता कारण ते ओसो भूमि-संघर्ष ता अनुकूल मत्ता कारण ते हुनान ओसो किआंगशी तिंची हमला आयाना फौज ता नड़मा अपर्याप्त तालमेल मत्ता कारण ते अप्रैल तिंची जुलाई एवनल चार महिनांग लोप्पा माटु वेल्ले सफलतांग हासिल किताद मंता। मति दुश्मन बचोनो गुना ज्यादा शक्तिशाली मत्तेकाई मना स्वतंत्र शासन-व्यवस्था किन खत्म कियाना लोप्पा विफल आता, ओसो लगातार आयाना प्रसार किन वेन्ने रोमी किया परताद हिल्ले। हुनान ओसो किआंगशी प्रांत पोरो इद स्वतंत्र शासन-व्यवस्था ता प्रभाव वेन्ने बेरस्ता। अगस्त ता विफल आयना ता कारण उचुन कामरेड्स ना इद काल शासक वर्ग काजे अस्थाई रूप ते स्थिर आता काल आंदू इंजी समझेमायोर आतोर, ओरू उल्टा शासक वर्ग ता राजनीतिक फूट काल ते लागू आयाना रणनीति किन लागू कित्तोर, ओसो दुस्साहस संगे मुन्ने दायना काजे मना सेना किन विकेंद्रीकरण कित्तोर, अदिन काजे सीमा क्षेत्र ओसो दक्षिण हुनान लोप्पा असफलता ता सामना किया लगता। हुनान प्रांतीय कमेटी ता प्रतिनिधि कामरेड तू श्यू-चिंग अद समय ता वास्तविक परिस्थिति किन समझेमासी पार्टी ता विशेष कमेटी, सेना-कमेटी ओसो युंगशिन काउंटी कमेटी ता संयुक्त सम्मेलन ता प्रस्ताव ता उल्लंघन कित्तोर, ओर केवल हुनान प्रांतीय कमेटी ता आदेश ता यांत्रिक तरीका ते पालन कित्तोर ओसो लाल सेना ता 29 वीं रेजीमेंट ता उद्देश्य संघर्ष तिंची बचेमायाना ओसो लोन वापिस दायाना विचार किन वेहतोर। ओना इद गलती वेल्ले गंभीर मत्ता। इद हार ता कारण ते बद परिस्थिति पैदा आता अदिनगडल सिर्प अस्केने पिस्मुड़ाता, बस्के सितम्बर पेरके विशेष कमेटी ओसो सेना-कमेटी गलती सुधरे कियाना कोशिश कित्ता।

4. हुनान, हुपे ओसो किआंगशी लोप्पा हुनान-किआंगशी सीमांत क्षेत्र ता स्वतंत्र शासन-व्यवस्था ता भूमिका

हुनान-किआंगशी सीमांत क्षेत्र लोप्पा मजदूर-किसान लोरा सशस्त्र स्वतंत्र शासन-व्यवस्था ता, बदिना केंद्र निंगकांग मंतायो, अदिना महत्व सीमांत क्षेत्र ता उचुक काउंटिंग एवनले सीमित आसी मन्नो। हुनान, हुपे ओसो किआंगशी प्रांत लोप्पा, मजदूर ओसो किसान लोरा विद्रोह संगे राजनीतिक सत्ता पिङ्गनास्के स्वतंत्र शासन-व्यवस्था ता वेल्ले महत्व मंदार। इव मूंड प्रांत लोप्पा तेदता विद्रोह ता बारे ते सीमांत क्षेत्र ता पार्टी-संगठन ता दौड़ रास्ता वेल्ले महत्वपूर्ण काम आंदुः हुनान ओसो किआंगशी ता मुख्य डोड्डांग ना दौड़ता घाटिंग एवनल ओसो हुपे एवनल वेन, सीमांत क्षेत्र ता भूमि-क्रांति ता ओसो जनता ना राजनीतिक सत्ता ता असर फैले कियाना, संघर्ष कियानस्के लाल सेना ता संख्या ओसो गुण लोप्पा लगातार बेसी कियाना अस्केने इव मूंड इलाकाने वायना आम विद्रोह लोप्पा अद तना सही भूमिका निभे किया परिता। काउंटिंग लोप्पा स्थानीय सशस्त्र सेन्य-शक्ति-लाल रक्षक दल ओसो मजदूर-किसान लोरा विद्रोही दस्ता- ता विस्तार कियाना ओसो अविना विकास कियाना। इंजे लोन-लोन ता मिलिशिया ओसो पांडरी सेना ता सुडला-बेहरा दल संगे लड़ेमाया परना लेक्का विकसित कियाना, ओसो भविष्य लोप्पा सीमांत क्षेत्र ता राजनीतिक सत्ता ता रक्षा किया परना, स्थानीय काम काजे लाल सेना ता कार्यकर्ता लोरा मदद पोरो निर्भर आयना, अस्केने वायना समय ते सीमांत क्षेत्र ता कार्यकर्ता लोर सब्बे काम किन सम्भाले कियाला परना ओसो अद इलाका लाल सेना काजे ओसो स्वतंत्र शासन-व्यवस्था काजे विस्तृत प्रदेश काजे वेन्ने तन्ना कार्यकर्ता हिया परना इंजी।

5. आर्थिक समस्यांग

पांडरी शक्ति ता घेराव लोप्पा साधारण जरूरत ता चीज ओसो नकदी ता कमी फौज ओसो जनता काजे उंदी बेहरा समस्या बने माता। स्वतंत्र शासन-व्यवस्था लोप्पा हंदकुना इलाका लोप्पा हत्ता साल दुश्मन ता

गाडिक नाकाबंदी ता कारण होवुर, कपडा ओसो दवाई लेक्काटा रोज जरूरी मंदना चीज वेल्ले कम दोरकता, ओसो पक्काए महंगा मत्तांगा अद्रम आसी मजदूर-किसान जनता किन ओसो निम्न-पूँजीपति वर्ग¹² ता जन-समुदाय किन ओसो लाल सेना ता सैनिक लोर किन वेन्ने तन्ना रहन-सहन लोप्पा कटला ओसो बस्के-बस्के मंदा पर्वा तिप्पल आता। लाल सेना किन दुश्मन संगे लडेमायला ओसो ताना तिंदना-उंडाना खर्च कियाना ता सामान वेन्ने जमा किया लागिंता। अनाज किन विड्डी प्रति मानेय इत्तेके बोर 5 फन रोज गाटो-भत्ता हियमुडांता ओरकिन हियाला वेन्ने लाल सेना ता बजट लोप्पा कमी आता। सैनिक लोरकिन दोरकना तिंदना-उंडाना चीज लोप्पा ज्यादा ताकत मन्नो। ओरा लोप्पाडल वेल्ले तोर बिमार आतोर, ओसो अस्पताल लोप्पा घायल लोरा परिस्थिति खराब आता। राष्ट्रव्यापी राजनीतिक सत्ता हासिल कियाना मुन्ने इद्रमता कटलांग वायाना जरूरी मंदिता मति इद पक्काए जरूरी मंता कि अविन किन उचुन हल कियाना, अपना जिंदगी किन उचुन बेस कियाना, ओसो लाल सेना काजे अपेक्षाकृत सप्लाई ता गारंटी कियाना। बस्के एवनल सीमांत क्षेत्र ता पार्टी-संगठन आर्थिक कटलांग किन हल कियाना काजे सही उपाय दोरको आंता, अस्के एवनल दुश्मन ता शासन अपेक्षाकृत वेल्ले समय एवनल स्थिर मंदाना पोरो स्वतंत्र शासन-व्यवस्था ता मुन्ने वेल्ले बेहरा समस्यांग वासोरे मंदांनुंगा। इव आर्थिक समस्यांग किन हल कियाना लोप्पा हर पार्टी-सदस्य ध्यान हियाना।

6. फौजी आधार-क्षेत्र कुना समस्यांग

सीमांत क्षेत्र ता पार्टी-संगठन ता मुन्ने ओसो उंदी काम मंता, “एय्युंग चुआ” ना मेड्डा इलाका, ओसो च्योलुंग इव रेंडु फौजी आधार इलाका कु न मजबूत कियाना। युंगशिन, लिंगश्येनंग, निंगकांग ओसो स्वेइछवान सीमा क्षेत्र कलियाना जागा ते मंदाना “हेय्युंग-चुआ” ता मेड्डा इलाका ओसो युंगशिन निंगकांग, छालिंग ओसो ल्येनह्वा कांडिंग ना हंदी कलियाना जागा ते मंदाना च्योलुंग मेड्डा इलाका- इव रेंडासी टैरेन हिसाब

ते वेल्ले फायदा ता जाग आंदू, खासकर “एय्युंग चुआ” ता क्षेत्र, अगा जनता मावा समर्थन कींता ओसो अगाटा टैरेन वेल्ले नेंगापर्वा मंता ओसो रणनीतिक रुप ते वेल्ले बेस मंता, केवल वर्तमान कालम लोप्पा सीमांत क्षेत्र ता महत्वपूर्ण फौजी आधार-क्षेत्राए आयो, हुनान, हुपे ओसो किआंगशी ता वायाना कालम ते आयाना विद्रोह काजे वेन्ने महत्वपूर्ण फौजी आधार-क्षेत्र आंदू इव आधार-इलाकांग किन मजबूत बने कियाना तरीका इद्रम मंता: मुन्ने, मंदाना मोर्चाबंदी ता निर्माण कियाना, दूसरा, ज्यादा रसद जमा कियाना, ओसो तीसरा लाल सेना काजे अपेक्षाकृत बेसता होस्पिटल बने कियाना। सीमांत इलाका ता पार्टी-संगठन किन इव मूंडासी काम किन जरूर सही तरीका ते पूरा कियाना कोशिश कियाना पाहिजे।

नोट

1. इगा “पूंजीपति वर्ग” संगे कामरेड माओ त्सेतुंग ता अर्थ राष्ट्रीय पूंजीपति वर्ग संगे मत्ता। कामरेड माओ त्सेतुंग तन्ना रचनांग, “जापानी-साम्राज्यवाद-विरोधी कार्यनीति ता बारे ते” (दिसम्बर-1935) ओसो “चीनी क्रांति ओसो चीनी कम्युनिस्ट पार्टी” (दिसम्बर 1939) लोप्पा इद वर्ग ओसो बेहरा दलाल-पूंजीपति वर्ग नइमा ता अंतर ता बारे ते विस्तार ते वेहतोरा।
2. च्यांग ग्रुप इत्तेक च्यांग काई-शेक ग्रुप। क्वांगशी ग्रुप इत्तेके क्वांगशी ता युद्ध-सरदार ली चुंग-रन ओसो पाए हुंग-शी ता ग्रुप। फंग ग्रुप इत्तेके फंग य्वी-श्यांग ता ग्रुप मत्ता। येन ग्रुप ता इत्तेक शानशी ता युद्ध-सरदार येन शी-शान ग्रुप मत्ता। इव चार ग्रुप संयुक्त रूप ते चांग च्वो-लिन ना खिलाफ लड़ाई कित्ता ओसो जून 1928 लोप्पा पेकिंग, थ्वेनचिन पोरो कब्जा कित्ता।
3. चांग च्वो-लिन युद्ध-सरदार लोरा फंगथ्वेन ग्रुप ता मुखियाल मत्तोरा। 1924 लोप्पा दूसरा चली-फंगथ्वेन युद्ध लोप्पा ऊ फेइ-फू किन हारे कीत पेरके उत्तरी प्रांत ता सबसे शक्तिशाली युद्ध-सरदार बने मातोरा। 1926 लोप्पा ऊ फेइ-फू संगे गठजोड़ कीसि पेकिंग पोरो कब्जा कित्तोरा जून 1928 लोप्पा चांग च्वो-लिन पेकिंग लोप्पा उत्तर-पूर्वी चीन बगिल पेरके गुचतोरा, अस्के हर्दे जपानी साम्राज्यवाद (हमेशा वीरा कठपुतली बने मासी मत्तोरा) कैदे डोलतोरा।
4. इद सुधारवादी आंदोलन ता 3 मई 1928 ते जापानी आक्रमणकारी लोर चीनान पोरो कब्जा कियाना ओसो च्यांग काई-शेक ना खुल्लेआम ओसो बेसर्म आसी

जापान संगे समझौता कित्ता पेरके शुरू आता। राष्ट्रीय पूंजीपति वर्ग ता 1927 ता प्रतिक्रांतिकारी राजविप्लव लोप्पा हिस्सा एतता, उंदी हिस्सा तन्ना स्वार्थ काजे तीरम-तीरम च्यांग काई-शेक ना विरुद्ध ग्रुप बने किया शुरू कित्ता। वांग चिंग-वेइ, छन कुंग-पो ओसो दूसरोरा कैरियरवादी प्रतिक्रियावादी ग्रुप तिंचे मत्तोर, ओर इद आंदोलन लोप्पा सक्रिय मत्तोर, क्वोमिंगतांग लोप्पा इदु “पुनर्गठन ग्रुप” बनेमासी मत्ता।

5. 1928 लोप्पा, आंग्ल-अमरीकी साम्राज्यवाद पोरो निर्भर आसी च्यांग काई-शेक चांग च्वो-लिन पोरो हमला कियाला काजे उत्तर बगिल मार्च कित्तोर। आंग्ल-अमरीकी प्रभाव किन उत्तर बगिल फैलेमायाना तुन रोके किया काजे जापानी साम्राज्यवाद शानतुंग प्रांत ता राजधानी चीनान पोरो कब्जा कित्ता ओसो इद्रमे थ्येनचिन-फूखओ रेलवे लाइन किन ध्वस्त कित्तोर। 3 मई ते जापानी आक्रमणकारी सेना चीनान लोप्पा वेल्ले संख्या ते चीनी लोरकिन हौकता। इदिने “चीनान हत्याकांड” इंतोर।
6. चीन ता लाल राजनीतिक सत्ता ता संगठनात्मक रूप सोवियत राजनीतिक सत्ता ते कलियंता। सोवियत, इत्तेके प्रतिनिधि-परिषद, उंदी हिसाब ता राजनीतिक व्यवस्था आंदू ताना निर्माण रूसी मजदूर वर्ग 1905 ता क्रांति ते कित्ता। मार्क्सवादी सिद्धांत पोरो आधार आसी लेनिन ओसो स्तालिन ना निष्कर्ष पूंजीवाद तिंचि समाजवाद लोप्पा संक्रमण कालाम ते सोवियत लोकतंत्र सामाजिक ओसो राजनीतिक संगठन ता सबसे बेसता रूप आंदू। 1917 ता रूसी समाजवादी अक्तुबर क्रांति लेनिन ओसो स्तालिन ना बोलशेविक पार्टी ना नेतृत्व ते दुनिया ता इतिहास लोप्पा पहली बेरा सर्वहारा तानाशाही दोड़ समाजवादी सोवियत लोकतंत्र निलिप कित्तोर। 1927 लोप्पा चीन क्रांति ता असफलता पेरके कामरेड माओ त्सेतुंग ना नेतृत्व ते चीनी कम्युनिस्ट लोरा नेतृत्व ते आयाना क्रांतिकारी जन-विद्रोह लोप्पा जनता ना राजनीतिक सत्ता ता रूप ते प्रतिनिधि-परिषद किन स्वीकार कीतद मत्ता। मति चीनी क्रांति ता मंजिल ते इद्रम ता राजनीतिक सत्ता साम्राज्यवाद-विरोध, सामंतवाद-विरोध, नव-जनवादी क्रांति ता जनता ना जनवादी अधिनायकत्व ता स्वरूप एतसी मत्ता। तान नेतृत्व सर्वहारा कैदे मत्ता, ओसो ताना स्वरूप सोवियत संघ ता सर्वहारा ता ताना शाही मंदाना राजनीतिक सत्ता तुकू अलग मत्ता।
7. दूसरी विश्व युद्ध समय ते बचोनो उपनिवेश मुन्ने ब्रिटिश, अमेरिका, फ्रांस ओसो नीदरलैंड ता साम्राज्यवादी शासन लोप्पा मत्तांग, अवु जापानी साम्राज्यवाद ता कब्जा ते वातांग। अव देशकुना कम्युनिस्ट पार्टी ना नेतृत्व लोप्पा अगाटा मजदूर, किसान, शहरी निम्न-पूंजीपति वर्ग ता जन-समुदाय ओसो राष्ट्रीय पूंजीपति वर्ग ता तत्व ब्रिटिश, अमेरिका, फ्रांस ओसो डच साम्राज्यवाद, ओसो जापानी साम्राज्यवादी नडमा ता अंतरविरोध ता फायदा एतसी फासीवादी आक्रमण ता

खिलाफ उंदी व्यापक संयुक्त मोर्चा बने कीतांग, जापान-विरोधी आधार-क्षेत्र निल्लि कीतांग ओसो गंभीर रूप ते जापानी-आक्रमण-विरोधी छापामार युद्ध ताकी कीतांग। अद्रमे दूसरी विश्व युद्ध ता मुन्नेटा राजनीतिक स्थिति बदलेमायना शुरू आता। दूसरी विश्वयुद्ध ता आखिर ते जापानी साम्राज्यवाद किन इव देशकुनगडल बाहर कित्तास्के अमेरिका, ब्रिटिश, फ्रांस ओसो डच साम्राज्यवाद अगा दोबारा तन्ना उपनिवेशवादी शासन निल्लि कियाना कोशिश कित्ता। मति जापानी-आक्रमण-विरोधी युद्ध लोप्पा उपनिवेश ता जनता वेल्ले सेना ता निर्माण कीसि मत्ता, अद दोबारा पाड़ना परिस्थिति ता सामाना कियाला तैयार हिल्ले। इदे आयवा सोवियत संघ ता ताकत वेन्ने वेल्ले बेर्सता, युद्धकाल ते अमेरिका किन विडिसी उचुक साम्राज्यवादी ताकतकु ना तख्ता पलट कित्तोर, ओसो बाकी सब्बे किन कमजोर कित्तोर ओसो चीनी क्रांति ता सफलता ता कारण ते साम्राज्यवादी मोर्चा चीन लोप्पा देगता। आदिन काजे विश्व साम्राज्यवाद ता पूरा व्यवस्था सांगना शुरू आता। चीन जनता कित्ता लेक्का, पूर्व दिशा ता सब्बे लेवेके कम से कम उचुक उपनिवेशकुना जनता वेल्ले समय काजे सुडला-बेहरा क्रांतिकारी आधार-क्षेत्र ओसो क्रांतिकारी राजनीतिक सत्ता किन निल्लि किया पर्रिता ओसो ग्रामीण इलाका तिंची शहर किन घेराव कियाना क्रांतिकारी युद्ध ताकी किया पर्रिता। ओसो कदम-कदम शहर पोरो अधिकार कीसि तन्न-तन्न देश लोप्पा राष्ट्रव्यापी सफलता हासिल किया पर्रिता। प्रत्यक्ष साम्राज्यवादी शासन ता अधीन उपनिवेशकुना लोप्पा स्वतंत्र शासन-व्यवस्था निल्लि कियाना ता बारे ते कामरेड माओ त्सेतुंग ना राय 1928 लोप्पा बद मत्ता, अद पूना विश्व-परिस्थिति ता कारण ते बदले माता।

8. इगा शुरूआती जवाबी कार्रवाई ना बारे ते वेहताद मंता, अव 1927 लोप्पा चांग काई-शेक ओसो वांग चिंग-वेइ ना उंदी पेरके उंदी क्रांति संगे गदारी कित्ता पेरके, कम्युनिस्ट पार्टी ता नेतृत्व लोप्पा जनता बचोको जागा ने प्रतिक्रांतिकारी ताकतकुना खिलाफ कीसि मत्तोर। 11 दिसम्बर 1927 ते क्वांगचओ लोप्पा मजदूर ओसो क्रांतिकारी सैनिक लोर कलियसी विद्रोह कित्तोर ओसो जनता ना राजनीतिक सत्ता निल्लि कित्तोर। ओरु साम्राज्यवाद ता सीधा समर्थन कियाना प्रतिक्रांतिकारी ताकतकुना खिलाफ गंभीरता ते युद्ध कित्तोर। मति रेंडासी ना ताकत पक्काए असमान मत्ता कारण ते इद जन-विद्रोह विफल आता। 1923-25 लोप्पा कम्युनिस्ट पार्टी ता सदस्य कामरेड फंग फाए ना नेतृत्व ते क्वांगतुंग प्रांत ता पूर्वी समुद्र ओदा हाएफंग ओसो लूफंग फाए ता किसान लोर शक्तिशाली क्रांतिकारी आंदोलन शुरू कित्तोर। क्वांगचवो मंदाना राष्ट्रीय क्रांतिकारी सेना छन च्युंग-मिंग ना प्रतिक्रांतिकारी ग्रुप ता खिलाफ पूर्व बगिल तन्ना दो सफल अभियान ताकी कित्तास्के अगा मंदाना किसान आंदोलन तिंची तामकिन वेल्ले मदद दोरकता। 12 अप्रैल 1927 ता च्यांग काई-शेक ना क्रांति किन विश्वासघात कित्ता पेरके किसान

लोर अप्रैल, सितम्बर ओसो अक्तुबर लोप्पा 3 विद्रोह कितोर ओसो हाएफांग, लूफंग इलाका लोप्पा उंदी क्रांतिकारी राजनीतिक सत्ता निल्पि कीसि मत्तोर अद अप्रैल 1928 एवनल नितसी मत्ता। सितम्बर 1917 लोप्पा पूर्वी हुनान प्रांत ता विद्रोह किसान लोर ल्यूयांग, फिंगच्यांग, लीलिंग ओसो चूचओ इलाका पोरो अधिकार जमे कितोर। लगभग अदे समय ते उत्तर-पूर्वी हुपे प्रांत ता श्याओ-कान, माछंग ओसो ह्वांगआन इलाका लोप्पा दसियों हजारो किसान लोर सशस्त्र विद्रोह कितोर ओसो ओर ह्वांगआन काउंटी-केंद्र पोरो तीस दिव्या तुकू ज्यादा दिव्या एवनल कब्जा कीसि मत्तोर। जनवरी 1928 ता दक्षिणी हुनान प्रांत ता ईचांग, छनचओ, लेइयांग, युंगशिंग ओसो चिशिंग काउंटिंग ना विद्रोह कियाना किसान लोर वेन्ने तीन महिनांग एवनल क्रांतिकारी हुकूमत ताकी कितोर।

9. क्रांतिकारी आधार-इलाका लोप्पा जन-समुदाय ना सशस्त्र सैनिक दलकुना सदस्य लोर नियमित रूप ते उत्पादन-कार्य वेन्ने कियानोर।
10. इगा “विशेष कमेटी” इत्तेके “चीनी कम्युनिस्ट पार्टी ता हुनान-किआंगशी सीमा क्षेत्र ता विशेष-क्षेत्रीय कमेटी” आंदू। अद समय ते पार्टी ता प्रांतीय कमेटी ओसो काउंटी कमेटी ता नडमा ता पार्टी-संगठन मत्ता। ओसो इगा “सेना-कमेटी” इत्तेके “हुनान-किआंगशी सीमा क्षेत्रा ते मंदाना मजदूर-किसान लोरा लाल सेना ता चौथी रेजीडेंट ता पार्टी-कमेटी” आंदू-अनु.
11. लोश्याओ मेड्वांग हुनान-किआंगशी सीमांत क्षेत्र ते फैलेमासी मंदाना उंदी बेहरा मेड्वां मंतांग। चिंगकांगशान मेड्वा ताना नडमा मंता।
12. तीना लोप्पा “निम्न-पूजीपति वर्ग” इत्तेके कामरेड माओ त्सेतुंग ना हिसाब ते किसान लोरकिन विडसी दस्तकार, सुडला व्यापारी, अलग-अलग रकम ता आजाद पेशा तोर ओसो निम्न-पूजीपति वर्ग ता बुद्धिजीवी लोरा आंतोर। ओसो इद्रम तोर मुख्य रूप ते शहर-नाहकुना लोप्पाने दोरकंतोर, अद्रम आतेकाई ओरा वेल्ले बेहरा संख्या ग्रामीण इलाका लोप्पा वने मंता। “चीनी समाज लोप्पा वर्गकुना विश्लेषण” किन हूडाटू।
13. “एय्युंग चुआ” इत्तेके चिंगकांगशान मेड्वा ता पांच नाहकिन इंतोर, अविना पोरोल “बेहरा चुआ”, “सुडला चुआ”, “पोरो चुआ”, “नडमा ता चुआ”, “दोड़ ता चुआ” मंता ओसो पश्चिमी किआंगशी ता युंगशिन, निंगकांग ओसो स्वेइछवान, पूर्वी हुनान ता लिंगश्येन काउंटी नडमा मंता।

चिंगकांगशान मेट्टांग लोप्पा संघर्ष

25 नवम्बर1928

इद चीनी कम्युनिस्ट पार्टी ता केंद्रीय कमेटी किन माओ त्से तुंग हिताद रिपोर्टी

हुनान-किआंगशी सीमान्त क्षेत्र लोप्पा स्वतंत्र शासन- व्यवस्था ता स्थापना ओसो अगस्त ता विफलता

बदे देश लोप्पा पांडरी राजनीतिक सत्ता ता घेराव लोप्पा लाल राजनीतिक सत्ता ता दोड़ उंदी लेवेके बचोनो सुडला इलाकांग पुटना घटनांग नेता दुनिया ते केवल चीन लोप्पाने सम्भव आता। विश्लेषण कितास्के चीन ता दलाल-पूंजीपति वर्ग ओसो स्थानीय निरंकुश तत्व, बुरे शरीफजादा लोरा वर्ग लोप्पा लगातार लड़ाई ताकसोरे मत्ता कारण तेने इद सम्भव आता इंदानदु मन समझेमातोमा। बस्के एवनल लोप्पाटा संघर्ष ताकसोरे मंता अस्के एवनल मजदूर-किसान लोरा स्वतंत्र शासन-व्यवस्था ता नितसी मंदाना ओसो विकास आयाना संभव मंदिता। इदे आयवा, इद सशस्त्र स्वतंत्र शासन-व्यवस्था ता अस्तित्व ओसो विकास काजे दोड़ रास्ता शर्तकुना वेन्ने जरूरी मंता। 1. मजबूत जन-आधार, 2. मजबूत पार्टी संगठन, 3. शक्ति शाली लाल सेना, 4. सैनिक घटनांग काजे सही टेरेन, 5. तिंदाना-उंडाना काजे जरूरत मत्ताचोन आर्थिक शक्ति।

उंदी स्वतंत्र शासन-व्यवस्था किन, घेराव कियाना शासक वर्ग ता बारे ते अलग-अलग रकम ता रणनीतिंग लागू कियाना पाहिजे, शासक वर्ग ता राजनीतिक सत्ता उचुन दिया काजे स्थिर आतास्के उंदी रकम ता

ओसो ताना लोप्पा संघर्ष ताकनस्के दूसरा रकम ता रणनीतिक किन लागू कियाना। शासक वर्ग लोप्पा संघर्ष ताकनास्के हुनान ओसो हुपे लोप्पा ली चुंग-रन ओसो थांग शंग-च नड़मा युद्ध ताकनास्के¹ ओसो क्वांगतुंग लोप्पा चांग फा-ख्वेइ ओसो ली ची-शन ता नड़मा युद्ध ताकनस्के² माटु अपेक्षाकृत साहसपूर्वक रणनीति लागू किया परितोम, ओसो सेना संगे अपेक्षाकृत बेहरा इलाका लोप्पा स्वतंत्र शासन-व्यवस्था ना विकास किया परितोम। मति अद्रम आतेकाई मनम केंद्रीय क्षेत्र लोप्पा मजबूत नींव वाटना पोरो ध्यान हियाना, अस्केने पांडरी आतंक ता हमला आतास्के मनाकिन मदद मंदिता ओसो बदे वेरीं मन्नो आंता। शासक वर्ग ता राजनीतिक सत्ता अपेक्षाकृत स्थिर मंदाना, इत्तेके इद साल ता अप्रैल महीना पेरेके दक्षिणी प्रांत लोप्पा मत्ता लेक्का, अस्के माटू कदम-कदम मुन्ने दायाना रणनीति लागू कियाना। इद्रमता परिस्थिति ते फौजी समस्यांग लोप्पा, मना फौज किन बाटा कीसि अंगड़म दुस्साहस कीसि मुन्ने दायाना ओसो स्थानीय काम (जमीन तूसाना, राजनीतिक सत्ता ता स्थापना कियाना, पार्टी ता प्रचार कियाना, स्थानीय सेना किन संगठित कियाना) लोप्पा, मन्ना जन-शक्ति किन बिखरे कियाना ओसो केंद्रीय क्षेत्र लोप्पा मजबूत नींव वाटना पोरो ध्यान हिवा लेवा मत्तेके सबसे बेहरा गलती आयारा। बचोको सुडला लाल इलाकांग लोप्पा असफल आता कारण अनुकूल वस्तुगत परिस्थिति हिल्ले लेवेके कार्यनीतिक सम्बंध ते मनोगत गलतिंग मंदाना आंदू। कार्यनीतिक लोप्पा गलतिंग रेंडासी कालम लोप्पा स्पष्ट भेद कीवा कारण ते आतांग-पहला काल शासक वर्ग ता राजनीतिक सत्ता उचुन दिव्या काजे स्थिर आता ओसो दूसरा काल लोप्पा शासक वर्ग ता आपसी संघर्ष ताकता। अद काल लोप्पा वेन्ने शासक वर्ग ता राजनीतिक सत्ता उचुन दिव्या काजे स्थिर आसी मत्ता, मति उचुन कामरेड्स फौज किन बाटा कीसि अंगड़म दुस्साहस संगे मुन्ने दायना तुक समर्थन कित्तोर। ओसो ओरू प्रस्ताव वेन्ने तास्तोर कि विस्तृत इलाका ना रक्षा ता बोजा उंदी लाल रक्षा दल पोरोने विड़सना, ओसो दुश्मन तोरगा लोन-लोन मिलिशिया मंता ओसो केंद्रीत रूप ते हमला कियाला काजे

अद नियमित सेना वेन्ने तत्ता परिंता इंदना पोल्लो नजरंदाज कित्तोरा स्थानीय काम लोप्पा ओरु केंद्रीय क्षेत्र लोप्पा मजबूत नींव वाटना पोरो बिल्कुल ध्यान हीवोर, ओरा लक्ष्य केवल तन्ना काम ता असीमित प्रसार कियाना लोप्पा ध्यान हियाना मत्ता, इव सब्बे कियाना ताकत ओरा लोप्पा मत्तेकाई हिल्वेकाई. माटु हारेमायनायो इंजी, बोर फौज ता कार्यवाहिंग लोप्पा कदम-ब-कदम विस्तार ता नीतिंग लागू कियाना समर्थन कींदुर, स्थानीय काम लोप्पा केंद्रीय क्षेत्र लोप्पा मजबूत नींव वाटना काजे शक्तिंग केंद्रित कियाना वेहिंदुर ओरु ताना पोरो “रूढ़ीवादी” ता लेबिल वाटिंदुरा ओरा इव गलत सिद्धांत इद इयेंड (इद साल) हुनान किआंगशी सीमांत क्षेत्र लोप्पा अगस्त ता विफलता ओसो ताना संगेने दक्षिणी हुनान लोप्पा लाल सेना ता चौथी फौज कोर ता हार तुकू बुनियादी कारण बनेमाता।

हुनान-किआंगशी सीमान्त क्षेत्र लोप्पा मावा काम हत्ता अक्तुबर लोप्पा शुरू आता। शुरू लोप्पा सब्बे काउंटींग लोप्पा मावा पार्टी-संगठन बिल्कुल देगसि मत्ता। स्थानीय सेना केवल रेंडु दल मत्तांग, अव य्वान वन-छाए ओसो वांग च्वो ता नेतृत्व लोप्पा चिंग-कांगशान मेड्वांग लोप्पा आसपास मत्तांग ओसो अविना सब्बेतोरिगा साठ खराबता बंदूक मत्तांग। युंगशिन, ल्येनह्वा, छालिंग ओसो लिंगश्येन काउंटींग ना किसान आत्मरक्षा दल कुनू स्थानीय निरंकुश तत्व, बुरे शरीफजादा लोरा वर्ग लोर पूरा निःशस्त्र कीत्तोरा ओसो जन-समुदाय ता क्रांतिकारी जोश किन ठंडा कित्ताद मत्ता। इद साल फरवारी एवनल निंगकांग, युंगशिन, छालिंग ओसो स्वेइछवान लोप्पा पार्टी ता काउंटी कमेटींग निल्पी कित्ताद मत्ता, लिंगश्येन लोप्पा विशेष-जिला कमेटी संगे सम्बंध बने कीसि मत्ता। लिंगश्येन किन विडसी स्थानीय सेना ना उचुन दल इंजे सब्बे काउंटींग लोप्पा मत्तांग। निंगकांग, छालिंग, स्वेइछवान ओसो युंगशिन लोप्पा, खास रूप ते मुन्ने ता रेंडू काउंटींग लोप्पा स्थानीय निरंकुश तत्व, बुरे शरीफजादा लोरा तख्ता पलट कियाला काजे ओसो जनता किन जागृत कियाला काजे बचोनो बेरा छापामार विद्रोह कित्ताद मत्ता ओसो सब्बे विद्रोह लोप्पा वेल्ले सफलतांग दोरकता। उंदी समय ते भूमि-क्रांति किन गंभीर रूप ते ताकि कित्ताद हिल्वा

मत्ता। राजनीतिक सत्ता ता संगठन किन मजदूर, किसान ओसो सैनिक लोरा सरकार इंदानोरा सेना लोप्पा सिपाही-कमेटींग³ स्थापित कित्तोरा। फौज ता दलकु अलग-अलग कारवाही कींतांग अस्के ओरा निर्देशन कियाला काजे कारवाई-कमेटींग संगठित कींदोमा अस्के पार्टी ता उच्च निर्देशक संस्था मोर्चा-कमेटी (सचिव, माओ त्सेतुंग) मत्ता, अद शरद-फसल विद्रोह आतास्के हुनान प्रान्तीय कमेटी संगे नियुक्त कित्ताद मत्ता। मार्च महीना शुरू ते दक्षिण हुनान ता विशेष कमेटी ता मांग पोरो मोर्चा-कमेटी भंग कित्ताद मत्ता ओसो तानकिन डीविजन-कमेटी (सचिव, हो थिंग-इंग) का रूप ते संगठित कित्तोरा। इद हिसाब ते अद उंदी संस्था बनेमाता ओरू केवल सेना लोप्पा पार्टी-संगठन ता इंचार्ज मत्तोरा, मति स्थानीय पार्टी-संगठन पोरो बदे अधिकार ताकि किया परवोरा। अस्केने माओ त्सेतुंग ना फौज किन दक्षिणी हुनान ता विशेष कमेटी ता मांग पोरो अगा लोहताद मत्ता, अदिन काजे सीमांत क्षेत्र महिना तुकू ज्यादा एवनल दुश्मन कैदे मत्ता। मार्च ता आखिर ते दक्षिणी हुनान लोप्पा पराजय आता। अप्रैल ते चू-तेह ना फौज, माओ त्सेतुंग ना फौज ओसो दक्षिणी हुनान ता किसान-सेना पेरके गुचसी निंगकांग एवता, अद सीमान्त क्षेत्र लोप्पा दोबारा स्वतंत्र शासन-व्यवस्था निल्पी कियाना शुरू कित्ता।

अप्रैल तिंचि, हुनान-किआंगशी सीमान्त क्षेत्र ता स्वतंत्र शासन-व्यवस्था ता स्थापना चीन ता दक्षिणी हिस्सा लोप्पा शासक शक्तिना अस्थाई रूप ते स्थिर आसी मत्ता ओसो हुनान ओसो किआंगशी प्रांत मावा “दमन कियाना” काजे प्रतिक्रियावादी सेना ता कम से कम आठ या नौ रेजीमेंट लोहतोरा ओसो बस्के-बस्के अठारह रेजीमेंट वेन्ने लोहतोरा इद्रम चार रेजीमेंट तुकू वेन्ने सेना संगे माटु दुश्मन ता खिलाफ चार महीना एवनल लड़ाई ताकी कीसि स्वतंत्र-व्यवस्था ता इलाका बेरसता, भूमि-क्रांति गंभीर रूप ते ताकसोरे मत्ता, जनता ना राजनीतिक सत्ता फैलेमासोरे मत्ता ओसो लाल सेना ओसो लाल रक्षक दल ता विस्तार आसोरे मत्ता। सीमांत क्षेत्र ता पार्टी-संगठनन (स्थानीय ओसो फौज ता पार्टी-संगठन) ता नीतिंग सही मत्ता कारण ते इद सम्भव आता। सीमान्त क्षेत्र ता विशेष

कमेटी (सचिव माओ त्सेतुंग) ओसो सेना-कमेटी (सचिव, छन ई) ना नीतिंग दोड़ रास्त लेक्का मत्तांगः दुश्मन संगे दृढ़ता ते संघर्ष कियाना, लोश्याओ मेट्टांग ना नड़मा ता हिस्सा लोप्पा राजनीतिक सत्ता निल्लि कियाना ओसो पलायनवाद ता विरोध कियाना, स्वतंत्र शासन-व्यवस्था ता इलाका लोप्पा भूमि-क्रांति किन गंभीरता ते ताकि कियाना, फौज ता पार्टी-संगठन ता सहयाता ते स्थानीय पार्टी-संगठन ता विकास कियाना ओसो नियमित सेना ता सहयाता ते स्थानीय सेना ना विकास कियाना, हुनान काजे बेगाटा शासक शक्तिंग अपेक्षाकृत कमजोर मंता, अगा आक्रमणात्मक रुझान लागू कियाना, युंगशिन ता विकास कियाना लोप्पा जोर हियाना, जनता ना स्वतंत्र शासन-व्यवस्था ता कायम कियाना ओसो दीर्घकालीन संघर्ष ता तैयारी कियाना, दुश्मन ता सामना आतास्के सही समय ते ओरा संगे लड़ेमायाला परना लेक्का लाल सेना किन केंद्रित कियाना, ओसो दुश्मन तुकू बचेमायाला काजे फौज ता विकेंद्रिकरण ता विरोध कियाना, स्वतंत्र शासन-व्यवस्था ता अनुसार इलाका ता विस्तार कियाला काजे सिलसिलेवार बचोनो लहरकुना लेक्का मुन्ने दायाना नीतिंग लागू कियाना ओसो दुस्साहसपूर्ण विस्तार कियाना नीतिंग ना विरोध कियाना। इव कार्यनीतिंग सही मत्ता कारण ते ओसो संगेने सीमांत क्षेत्र ता भूमि-संघर्ष ता अनुकूल मत्ता ओसो हुनान, किआंगशी तिंची हमला कियाना फौज नड़मा अपर्याप्त तालमेल आता कारण ते अप्रैल तिंची जुलाई एवनल चार महिना लोप्पा वेल्ले सैनिक सफलता हासिल कियाना ओसो जनता ना स्वतंत्र शासन-व्यवस्थ किन खत्म कियाना लोप्पा असफल आता ओसो ताना लगातार प्रचार कियाना किन वेन्ने रोमी क्रिया परमूडांता। हुनान ओसो किआंगशी प्रांत पोरो इद स्वतंत्र शासन-व्यवस्थ ता प्रभाव वेन्ने दिव्या-दिव्या तुकू बेरसोरे हत्ता। अगस्त ता विफलता ता कारण उचुन कामरेड्स इद काल शासक वर्ग काजे अस्थाई स्थिरता ता काल आंदू इंजी समझेमायोर आतोर, उल्टा ओरे उंदी शासक वर्ग ता फूट काल ते लागू आयना नीति किन लागू कितोर, ओसो ओरू तन्ना सेना किन बाटा कीसि दक्षिणी हुनान बगिल दुस्साहसपूर्ण अभियान

ताकी कित्तोर, ताना कारण ते सीमान्त क्षेत्र ओसो दक्षिणी हुनान, लोप्पा असफलता ता सामना किया लागता। हुनान प्रांतीय कमेटी ता प्रतिनिधि तू श्यू-चिंग ओसो प्रांतीय कमेटी संगे नियुक्त सीमान्त क्षेत्र ता विशेष कमेटी ता सचिव यांग खाए-मिंग, जबरदस्त मतभेद तासना माओ त्सेतुंग ओसो वान शी-श्येन लेक्काटा कामरेड्स वेल्ले जेक युंगशिन लोप्पा मत्तास्के, इदिना फायदा एततोर। ओर अस्केटा वास्तविक परिस्थिति किन समझेमायवा लेवा सेना-कमेटी, विशेष कमेटी ओसो युंगशिन काउंटी कमेटी ता संयुक्त सम्मेलन ता प्रस्तावकुना अवहेलना कित्तोर। अविना लोप्पा हुनान प्रांतीय कमेटी ता दक्षिणी हुनान दायाना आदेश ता यांत्रिक रूप ते पालन कित्तोर, ओसो लाल सेना ता 29वीं रेजीमेंट (अद ईचांग ता किसान लोरा संगे बनेमासी मत्ता) ता सैनिक लोरा संघर्ष तिंचि बचेमायला ओसो वापिस लोन दायला काजे समर्थन कित्तोर। अदिन काजे सीमांत क्षेत्र ओसो दक्षिणी हुनान हारेमाता।

इदिनकु मुन्ने जुलाई महिना ते हुनान तिंची दुश्मन ता आठवीं फौज कोर ऊ शांग ना नेतृत्व ते निंगकांग पोरो हमला कीसि मत्ता। ताना पेरके अद सेना युंगशिन लोप्पा नेंगता, अद मावा संगे लडेमायाना अंगडम कोशिश कित्ता (मावा सैनिक लोर दूसरी बगिल तिंची वासी ओरा पोरो हमला कियाना कोशिश कित्तोर मति विफल आतोर), मति मावा समर्थन कियाना जनता ना वेरीं ते अद ल्येनह्वा तिंची छालिंग वापस हत्ता। इदे नडमा लाल सेना ता मुख्य दल लिंगश्येन ओसो छालिंग पोरो हमाला कियाला काजे नंगकांग तिंची मुन्ने हंजोरे मत्ता। अद लिंगश्येन लोप्पा तन्ना योजना बदले कीसि दक्षिणी हुनान बगिल मेलता। अद बगिल किआंगशी ता दुश्मन, वांग च्युन ओसो चिन हान-तिंग ना नेतृत्व ते तीसरी फौजी कोर ता पांच रेजीमेंट किन ओसो हू वन-तओ ना नेतृत्व ते छठी फौज कोर ता छै रेजीमेंट कलियसी युंगशिन पोरो दोबारा हमला कियाना शुरू कित्तोर। इंजे युंगशिन लोप्पा केवल उंदे रेजीमेंटा मत्ता ताना व्यापक जनता ना संरक्षण लोप्पा नालुंग बगिल तिंची वायना छापामार हमला ना रूप ते ग्यारह रेजीमेंट किन युंगशिन काउंटी-केंद्र ओसो आसपास ता तीस लीं

ता घेराव लोप्पा पच्चीस दिया एवनल लेसी कीसि तास्तोर। आखिर ते दुश्मन ना भीषण प्रहार ता कारण युंगशिन वेन्ने मावा कैदल हत्ता। ओसो उचुन दिय्या पेरके लेनह्वा ओसो निंगकांग वेने मावा कैदल हत्ता, अस्केने च्यांगशी ता दुश्मन फौज नडमा आपसी मुठभेड़ आयना शुरू आता। हू वन-ताओ ना छठी फौजी कोर कंदरेमासी पेरके गुचता। ओसो अद तुरंत वांग च्युंग ना तीसरी फौज कोर किन चांगशी लोप्पा उलझे कीसि तास्तोर। किआंगशी ता सेना बाकी पांच रेजीमेंट वेन्ने वेरियसी युंगशिन काउंटी-केंद्र लोप्पाने वित्तोर। मावा मुख्य दल दक्षिणी हुनान हनवेके, दुश्मनतोर किन विकेंद्रिकरण कियाना, स्वतंत्र शासन-व्यवस्था ता इलाका किन विस्तृत कीसि चीआन, आनफू फिंगश्यांग एवनल फैले कियाना ओसो तानकिन फिंगच्यांग ओसो ल्यूयांग संगे जोड़े कियामुड़ आसी मनवड़। मति मावा मुख्य दस्ता हंजी मत्ता मावगा उंदी रेजीमेंट मत्ता, अद पूरा दोगसी मत्ता, अदिन काजे खान-वन-छाए ओसो वांग च्वाओ ना रेंडु ग्रुप संगे सहयोग कीसि चिंगकांगशान मेड्डा ता रक्षा कियाला काजे रेजीमेंट ता उंदी हिस्सा इगा रोमाना ओसो बाकी सैनिक लोर नावा नेतृत्व ते क्वेइतुंग बगिल हंजी मुख्य दल संगे कलियाना ओसो तानकिन पोयसी वापिस वायाना इंजी फैसला कित्ताद मत्ता। अद समय ते मुख्य दल दक्षिणी हुनान तिंची क्वेइतुंग बगिल हत्ता ओसो 23 अगस्त ते तानकिन माटु कलियतोमा

जुलाई ते लाल सेना ता मुख्य दल लिंगश्येन एवसी मत्ता अस्के 29 वीं रेजीमेंट ता अफिसर ओसो सिपाही लोर आदेश ता पालन कियाला मना कित्तोर। इदिना कारण ओरा राजनीतिक दुलमुल ओसो दक्षिणी हुनान लोप्पा तन्ना-तन्ना लोन वापिस वायाना इच्छा मत्ता। 28 वीं रेजीमेंट दक्षिणी हुनान दायना खिलाफ मत्ता ओसो दक्षिणी किआंगशी दायला आल्सोरे मत्ता ओसो बद्रमआतेकाई युंगशिन वापिस वायना आल्सोरे हिल्वा मत्ता। तू श्यू-चिंग 29 वीं रेजीमेंट ता गलत विचार ता प्रोत्साहन हीता ओसो सेना-कमेटी तानकिन रोमी कियाना लोप्पा असफल आता। बारांकु इतेके मुख्य दल 17 जुलाई ते लिंगश्येन तिंची छनचओ बगिल मोर्चा तेंडता। 24 जुलाई ते छनचओ लोप्पा अद फान श-शंग ना नेतृत्व ते

कार्रवाई कियाना दुश्मन-सेना संगे लड़ाई कित्ता। शुरु ते अद जीड़ता मति पेरके अद हारे माता, ओसो मैदान तिंची पेरके गुचता। 29 वीं रेजीमेंट तन्ना मर्जी ते काम कित्ता ओसो जल्दी लोन दायला काजे ईचांग बगिल हत्ता। अद्रमासी ताना उंदी हिस्सा किन लछांग लोप्पा हू फंग-चांग ना नेतृत्व मंदाना डाकु लोरा कैदे नष्ट आता ओसो दूसरा हिस्सा छनचओ-ईचांग क्षेत्र लोप्पा तितर-बितर आता। इदिना बातल आता इंदाना समाचार आखरी एवनल दोरको। अद समय बोर दोबारा जमा आतोर, ओर उंदी सौ तुकू ज्यादा हिल्वा मत्तोर। मुख्य शक्ति इतेके 28 रेजीमेंट किन ज्यादा नुकसान आयो। अदु 18 अगस्त ते क्वेइतुंग पोरो कब्जा कित्ता। 23 अगस्त ते इद रेजीमेंट चिंगकांगशान मेट्टा तिंचि वाता सेना संगे कलियता ओसो इद संयुक्त सेना किन छंगई ओस शांगयू तिंची चिंगकांगशान मेट्टा ते वापिस दायना इंजी फैसला कित्तोर। माटु छुंगई एवतोम, अस्के बटालियन कमांडर य्वान छंग-छवेन ना नेतृत्व ते उंदी पैदल कम्पनी ओसो उंदी तोपखाना कम्पनी किन पोयसी बगावत कित्तोर। इव रेंडासी कम्पनिंग किन वापस केयतोर, मति इद कार्रवाई लोप्पा रेजीमेंट कमांडर वांग अड़-च्चो शहीद आतोर। अस्के माटु वापस वासोरे मत्तोम, मति इंजे एववा मत्तोम। इदिना फायदा तेहची हुनान ओसो च्यागंशी ता दुश्मन सेना लोप्पा तिंची रेंडु ग्रुप 30 अगस्त ते चिंगकांगशान मेंट्टा पोरो हमला कित्ता। उंदी बटालियन तुकू कम माव रक्षात्मक शक्ति अनुकूल जागा ते दुश्मन ता जोरदार मुकाबला कित्ता ओसो तानकिन पूंडता, इद्रम तन्ना इद आधार-क्षेत्र ता रक्षा कित्ता।

अगस्त ता विफलता ता कारण इद हिसाब ते मंतांगः 1. उंदी सेना ता आफिसर ओसो सिपाही, ढुलमुलपन ता शिकार मंदाना ओसो लोन वापिस दायला काजे पेशान मंदाना, तन्ना युद्ध-क्षमता खत्म कित्तोर, ओसो उंदी दूसरा सेना ता आफिसर, सिपाही लोरा लोप्पा, दक्षिणी हुनान दायना लोप्पा पेरके-मुन्ने आयना ओसो सक्रियता ता कमी मत्ता। 2. गर्मी समय ते लम्बा ताकना कारण ते मावा सैनिकलोर दोगसी मत्तोर। 3. लिंगश्येन तिंची दुस्साहसिक ढंग ते बचोनो सौ ली मुन्ने हत्ता कारण सीमांत क्षेत्र तिंची मावा सैनिक लोरा सम्पर्क देगता ओसो अलग-तलग आतोर।

4. दक्षिणी हुनान लोप्पा आम जनता इंजे जागृत आताद हिल्वा मत्ता, अदिन काजे इद मार्च केवल फौजी दुस्साहस साबित आता। 5. दुश्मन ता स्थिति किन मनम पुन्वा मत्तोमा ओसो 6. तैयारी कम मत्ता, अफसर, सिपाही फौजी कार्रवाई ता महत्व किन समझेमायोर आतोर।

स्वतंत्र शासन-व्यवस्था मंदाना इलाका लोप्पा वर्तमान परिस्थिति

इयेटा अप्रैल तिंची लाल इलाकांग दिव्या-दिव्या तुकू बेरसोरे हत्ता। 23 जून ते लुंगय्वानखओ (युंगशिन ओसो निंगकांग ता हंद वेंडी) युद्ध जर्गता, इदिना लोप्पा किआंगशी तल वात्ता दुश्मन सेना किन चौथी बेरा हारे कित्तोमा अद युद्ध पेरेके हंद पोरो मंदना इलाका तना विकास ता ऊंचाई ते एवता, अदिना लोप्पा निंगकांग, युंगशिन ओसो ल्येनह्वा तीन काउंटिंग, चीआन ओसो आनफू ता सुडला हिस्सा, स्वेइछवान ता उत्तरी भाग ओसो लिंगश्यन ता दक्षिण-पूर्वी हिस्सा शामिल मत्ता। लाल इलाका लोप्पा ज्यादातर जमीन ता बंटवारा आसी मत्ता ओसो बाकी ता बंटवारा आसोरे मत्ता। हर जगा जिला ओसो श्यांग ना राजनीतिक सत्ता निलिप कीतद मत्ता। निंगकांग, युंगशिन, ल्येनह्वा ओसो स्वेइछवान लोप्पा काउंटी सरकार निलिप कित्ताद मत्ता, ओसो उंदी सीमान्त क्षेत्रीय सरकार वेन्ने बनेमासी मत्ता। सब्बे देहातकुना लोप्पा मजदूर-किसान लोरा विद्रोह दल संगठित कित्ताद मत्ता, जिला ओसो काउंटी ना स्तर ते लाल रक्षक दलकुना गठन आसीमत्ता। जुलाई लोप्पा किआंगशी ता दुश्मन तोर हमला कित्तोर ओसो अगस्त लोप्पा हुनान ओसो किआंगशी इलाका ता दुश्मन कलियसी चिंगकांगशान मेट्टांग पोरो हमला कित्ता। सीमांत क्षेत्र ता सब्बे काउंटी-केंद्र ओसो मैदानी इलाका पोरो दुश्मन ता कब्जा आता। दुश्मन ता पोसे कित्ता नैकु - शान्ति-रक्षक दल ओसो लोन-लोन ता मिलिशिया - मनमानी कियाना शुरू कित्तोर अद्रमासी सब्बे काउंटी-केंद्र ओसो देहातकुना पोरो पांडरी आतंक फैले माता। ज्यादतर पार्टी-संगठन ओसो राजनीतिक सत्ता ता संगठन छिन्न-भिन्न आता। धनी किसान ओसो मौका हूडसी पार्टी

लोप्पा नेंगनोर वरोन पेरके वरोर गद्दार बने मातोर। चिंगकांगशान मेड्वांग लोप्पा 30 अगस्त ता लड़ाई ता पेरके हुनान तिंची वाता दुश्मन लिंगश्येन बगिल हत्ता, मति किआंगशी तिंची वाता दुश्मन सब्बे काउंटी-केंद्र ओसो ज्यादत्तर नाहकुना पोरो कब्जा ताससी मत्तोर। दोबारा मेड्वा इलाका पोरो दुश्मन तोर बस्केने कब्जा किया परवोर आतोर। इव इलाका लोप्पा निंगकांग ता पश्चिमी ओसो उत्तरी जिला: युंगशिन ता उत्तरी, पश्चिमी ओसो दक्षणी भाग लोप्पा थ्येनलुंग, श्याओशीच्यांग ओसो वानन्येनशान जिला: ल्येनह्वा ता शांगशी जिला: स्वेइछवान ता चिंगकांगशान जिलांग ओसो लिंगश्येन ता छिंगशकांग ओसो ताय्वान जिला। जुलाई ओसो अगस्त लोप्पा विभिन्न काउंटींग ना लाल रक्षक दल संगे कलियसी लाल सेना ता उंदी रेजीमेंट ता सुडला-बेहरा बीस तुकू ज्यादा लड़ाईंग ताकता अविना लोप्पा केवल तीस राइफलकुना नुक्सान आता। आखिर ते अद मेड्वाने वापिस हत्ता।

मना लोकुर छुंगई ओसो शांगयू बगिल तिंची चिंगकांगशान मेड्वा ने वापिस वासोरे मत्तोर, अस्के दक्षिणई किआंगशी ता दुश्मन ल्यू श-ई ना नेतृत्व ते स्वतंत्र सातवीं डिवीजन स्वेइछवान एवनल मावा पेरके अरता। 13 सितम्बर ते माटु ल्यू श-ई किन हरा कीतोम, सैकडों राइफलकु हासिल कीतोम ओसो स्वेइछवान पोरो कब्जा कीतोम। 26 सितम्बर ते मानोर चिंगकांगशान मेड्वा ने वापिस वातोर। पहली अक्तुबर ते माटू निंगकांग लोप्पा श्युंग श-ह्वेइ ना अधीन मंदाना चओ हुन-य्वान ना ब्रिगेड संगे लड़ेमातोम। माट जीड़तोम ओसो माटे पूरा निंगकांग काउंटी किन दोबारा कब्जा कीतोम। अदे नड़मा हुनान ता दुश्मन-सेना तिंची येन चुंग-रू ना अधीन क्वेइतुंग लोप्पा तैनात मत्ता। 126 सैनिक मावा संगे कलियतोर। ओरकिन रक्षक बटालियन लोप्पा संगठित कोतोम ओसो पी चान-युन किन कमांडर बने कीतोम। 9 नवम्बर ते निंगकांग काउंटी-केंद्र ओसो लुंगय्वानखओ लोप्पा माटू दोबारा चओ ना ब्रिगेड ता उंदी रेजीमेंट किन हारे कीतोम। दूसरा दिया माटु युंगशिन एवनल हत्तोम ओसो तान पोर कब्जा कीतोम। मति उचुन समय ते माटु निंगकांग बगिल पेरके गुचतोम।

फिलहाल मावा इलाका दक्षिण लोप्पा स्वेइछवान ता चिंगकांगशन मेड्वांग ना दक्षिण तिंची उत्तर लोप्पा ल्येनह्वा ता सीमान्त अवनल फैलेमासी मत्ता उंदी संकीर्ण ओसो देगवालेवा भूमि-खंड बनेमासी मत्ता। ताना लोप्पा पूरा निंगकांग काउंटी ओसो स्वेइछवान, लिंगश्येन ओसो युंगशिन ता हिस्सा शामिल मंता। मति ल्येनह्वा ता शांगशी जिला ओसो युंगशिन ता थ्येनलुंग जिला वानन्येनशान जिला इद देगवा लेवा भूमि-खंड तुकू बोयवा लेवा मत्ता। दुश्मन फौज ता हमलांग ओसो आर्थिक नाकेबंदी संगे मावा आधार-क्षेत्र किन नष्ट कियाना कोशिश किया मंतोर ओसो माटु अद हमला किन विफल कियाना तैयारी किया मंतोमा।

फौज ता समस्या

सीमांत क्षेत्र ता संघर्ष पूराए फौजी संघर्ष मत्ता, अदिन काजे पार्टी ओसो आम जनता किन तन्ना लोप्पा युद्धकालम ता तैयारी किया लागिंदु। दुश्मन संगे बद्रम लड़ेमायना इंदानादु मावा रोजता पिस्वल लोप्पा केंद्रीय समस्या बने मासी मत्ता। स्वतंत्र शासन-व्यवस्था उंदी सशस्त्र शासन-व्यवस्था लेक्काने मंदाना। बगा सशस्त्र दल हिल्ले लेवेके सशस्त्र सेना कम मंता लेवेके दुश्मन संगे लड़ेमायना कार्यनीति गलत मंता, अगा दुश्मन तुरंत कब्जा कियानुर। इद हिसाब ता संघर्ष लगातार तेज आसोरे मत्ता, अदिन काजे मावा समस्यांग वेन्ने वेल्ले जटिल ओसो गंभीर आसी मत्तांग।

सीमांत क्षेत्र लोप्पा लाल सेना ता सैनिक दोड़ रास्ता लेक्काटा स्रोतकुनगडल वातोर। 1) छाऊचओ ओसो शानथओ लोप्पाडा सेना मुन्ने थिंग ओसो हो लुंग ना अधीन मत्ताः⁵ 2) ऊछांग ता भूतपूर्व राष्ट्रीय सरकार ता रक्षक रेजीमेंटः⁶ 3) फिंगच्यांग ओसो ल्युयांग ता किसानः⁷ 4) दक्षिणी हुनान ता किसान⁸ ओसो श्वेइखूओशान ता मजदूर⁹ 5. श्वी ख-श्यांग, यांग शंग-च, पाए छुंग-शी, चू फेइ-त, ऊ शांग ओसो श्युंग श-ह्वेइ ता फौज ता बंदी कित्ता सिपाही, ओसो 6) सीमांत क्षेत्र ता काउंटिंग ना किसान लोरा मति साल मेटुंक ज्यादा लड़ेमाता पेरके, मुन्ने ये थिंग ओसो हो लुंग ना नेतृत्व ते ताकना सैनिक लोर मत्तोर, रक्षक रेजीमेंट ओसो फिंग च्यांग,

ल्यूयांग ता किसान तन्ना मूल संख्या ता केवल उंदी तिहाई पिस्तोरा दक्षिणी हुनान ता किसान लोरा वेन्ने वेल्ले नुक्सान आता। इद्रमे इंजे एवनल मुन्ने ता नालूंग श्रेणिंग लाल सेना ता चौथी फौज कोर ता मोरकुल बनेमाता, वेंडे हत्ता रेंडु श्रेणिंग ना संख्या ओरकिनकु वेल्ले ज्यादा मत्ता। इदे आयवा मुन्ने ता रेंडू श्रेणिंग लोप्पा बंदी बने कित्ता सिपाही लोरा संख्या अपेक्षाकृत ज्यादा मंता। इद्र श्रेणि तिंची मानेय पोयवेके जन-शक्ति ता स्वरूप गंभीर आयनदु। इद्रम आतेकाई भर्ती आयनोरा संख्या बंदूक ना संख्या संगे कलियो आयनदु। राइफल ता नुक्सान वेल्ले कम आता, सिपाही लोर घायल आंतोर शहीद आंतोर, बीमार आंतोर लेवेके वित्तितोर ओसो इद्रमें ओरा हमेशा नुक्सान आता। हुनान ता प्रांतीय कमेटी आनख्वान¹⁰ तिंची मजदूर लोरकिन मावगा लोहना वादा कित्तोर ओसो माटु आशा कींतोम कि ओरू तुरंत वायनूर इंजी।

लाल सेना ता वर्ग-सरचना ता सवाल ताना उंदी हिस्सा मजदूर ओसो किसान लोरकिन काल्पसी बनेमाता। ओसो दूसरा खानाबदोश सर्वहारा संगे बनेमाता। जरूर खानाबदोश सर्वहारा ता बेहरा संख्या किन तासाना बेस मन्नो आयारा। मति इद्रम तोर बेसता लडाकू मंदितोर, ओसो लडाईं रोज तार्किता, घटनांग ना संख्या बेरसिंता, अदिन काजे इंजे वेन्ने घटनांग ना जागा एतला काजे खानाबदोश सर्वहारा तोर किन हासिल कियाना मुश्किल काम मंता। इद्रमता स्थिति लोप्पा उंदे उपाय मंता अद राजनीतिक प्रशिक्षण ता काम तेज कियाना।

लाल सेना ता ज्यादातर सैनिक किराया ता सेना तिंची वातोर, मति उंदी बेरा लाल सेना लोप्पा शामिल आतेके तन्ना स्वरूप किन बदले कींतोरा। सबसे मुन्ने लाल सेना किराया ते लडेमायाना सेना ता व्यवस्था किन खत्म कित्ता, ओसो सैनिक लोरकिन दूसरोना काजे आयो खुद ता काजे लडेमायाना इंजी समझे किंता। लाल सेना नेंड एवनल नियमित तनख्वा हियाना व्यवस्था निल्पी कीवोए। अद सिर्फ अनाज हींता ओसो तींदाना-हुंडाना सामान, होवोर-मिर्या, ओसो कुसर्गिग काजे भत्ता ओसो उचुन तन्ना काजे खर्च हींता। सीमांत क्षेत्र ता लाल सेना ता सब्बे आफिसर

ओसो सिपाही लोरकिन जमीन हीताद मंता। मति बाहर ता इलाका तिंची वातोरकिन जमीन हियाणा मुशिकल आंता।

रानीतिक शिक्षा हासिल कित्ता पेरके लाल सेना सब्बे सिपाही लोरा लोप्पा वर्ग-चेतना पुट्टी कियमुडाता ओसो ओर जमीन बंटवारा कियाना, राजनीतिक सत्ता निल्लिप कियाना, मजदूर-किसान लोरकिन हथियारबंद कियाना बारे ते बुनियादी जानकारी हासिल कित्ताद मंता। ओसो सब्बे इद पुत्तोर कि ओर तन्ना काजे, मजदूर-किसान वर्ग काजे लडेमाया मंतोरा। अदिन काजे बदे शिकायत कीवा लेवा लोकर कठिन संघर्ष लोप्पा बचोन मुशिकल वातेकाई अविना सामना किया परितोरा। हर कम्पनी, बटालियन ओसो रेजीमेंट लोप्पा सिपाही-कमेटी मंदिता अद सिपाही लोरा हित ता प्रतिनिधित्व कीता ओसो राजनीतिक कार्य ओसो जन-कार्य कीता।

अनुभव पार्टी-प्रतिनिधि लोरा व्यवस्था¹² खत्म कियानायो इंजी साबित कीसिता। पार्टी-शाखा कम्पनी ता आधार ते संगठित कियमुडांता, अदिन काजे कम्पनी ता स्तर ते पार्टी-प्रतिनिधि खास रूप ते महत्वपूर्ण मंदिता। तानकिन राजनीतिक ट्रेनिंग ता काम लोप्पा सिपाही-कमेटी ता देखरेख कियाना आंता, जन-आंदोलन ता काम ता निर्देशन कियाना आंता ओसो संगेने पार्टी-शाखा ता सचिव ता काम वेन्ने कियाना मंदिता। अनुभव वेहिंता कि बचोनो बेसता कम्पनी ता पार्टी-प्रतिनिधि मंदानोर, अचोने बेसता कम्पनी मंदिता। ओसो कम्पनी कमांडर ना काजे इद्रमता राजनीतिक भूमिका निभा कियाना मुशिकल आंता। दोडता कार्यकर्ता लोरा लोप्पा घायल लोरा संख्या बेरसंता, अदिन काजे बंदी बने कित्ता दुश्मन ना सिपाही हमेशा मावा सेना लोप्पा शामिल आयाना उचुन दिया पेरके प्लाटून या कम्पनी कमांडर बने कियमुडांता, ओसो ओरा लोपडल उचुन मुल इंजे फरवरी या मार्च लोप्पाने पोयसी मत्तोर, इंजे बटालियन कमांडर बने मातोरा। पोरोटा हिसाब ते हूडतेके मावा सेना लाल सेना इंतोर, इत्तेके बिना पार्टी-प्रतिनिधि लोरा वेन्ने काम ताका परितोरा। मति इदु बिलकुल गलत मंता। दक्षिण हुनान लोप्पा 28 वीं रेजीमेंट उंदी बेरा इद व्यवस्था किन खत्म कीता। मति पेरके इदिन दोबारा लागू किया लगता। पार्टी-

प्रतिनिधि लोरा “निर्देशन” पोरोल हितेके लोकरु गलती ते ओरकिन क्वोमिंगतांग ता निर्देशन इंजी आल्सनोर, ओरकिन बंदी बने कित्ता सिपाही लोर घृणा कियनोर। इदे आयवा पोरोल बदले कितेके व्यवस्था ता स्वरूप ते बदे फर्क मन्नो आयनदु। अदिन काजे माटु इद फैसला कीतोम कि बदे बदलाव कियानायो। पार्टी-प्रतिनिधि वेल्ले संख्या ते घायल आतोर। इद कमी किन पूरा कियाला काजे माटु ट्रेनिंग-क्लास शुरू कीतोम ओसो पार्टी केंद्रीय कमेटी ओसो हुनान, किआंगशी ता प्रांतीय कमेटिंग माकिन कम से कम इद्रमता तीस कामरेड्स लोहयर ओर पार्टी-प्रतिनिधि बने कियाना लेक्का मंदानुर इंजी आशा किया मंतोम।

आम रूप ते वरोर सिपाही छः महीना या साल मेंड ट्रेनिंग हीता पेरके लड़ेमायाना लेक्का बनेमांतोर, मति मावा सिपाही लोर किन बदे ट्रेनिंग हिल्ला मेंड भर्ती आसी नाड़ लड़ेमायला लागिंता। ओर फौजी कौशल लोप्पा वेल्ले कमजोर मंतोर ओसो केवल हिम्मत संगे लड़ेमांतोर। आराम ओसो ट्रेनिंग काजे वेल्ले समय दोरकना मुशिकल मंता, अदिन काजे उंदी उपाय मंता कि परताचोन लड़ाई तिंची बचेमायाला कोशिश कियाना, इद्रम कीतेके ट्रेनिंग काजे समय दोरकिंता। दोड़ता आफिसर लोरकिन तैयार कियाला काजे मावागा उंदी प्रशिक्षण-दल मंता, अदिन लोप्पा 150 मानेय ट्रेनिंग एता मंतोर, ओसो माटु इदिन स्थाई रूप हियाला आल्सा मंतोम। माटु आशा किया मंतोम कि पार्टी ता केंद्रीय कमेटी ओसो रेंडासी प्रांतीय कमेटिंग मावा कम्पनी ओसो प्लाटुन कमांडर ओसो ओरा पोरो स्तर कमेटी ओसो ज्यादा अफिसर लोरकिन लोहिंता।

हुनान ता प्रांतीय कमेटी हमेशा सिपाही लोरा रहन-सहन पोरो ध्यान हियाना ओसो कम से कम आम मजदूर-किसान लोरा रहन-सहन तिंची उचुन पोरो मंदाना। फिलहाल परिस्थिति इदिना उल्टा आता। बारांक इत्तेके अनाज किन विड़सी हर मानेय किन रोज तिंदाना-उंदाना सामान काजे पांच फन दोरकिंतांग ओसो इद वेन्ने हियाना मुशिकल आंता। केवल इवे चीजकुना पोरो महिना ता खर्च चांदी ता दस हजार डालर तुकू ज्यादा आंता। अद स्थानीय निरंकुश तत्व लेक्काटा वर्ग तिंची जुर्माना वसूले

कीसि पूरा कियमूड़ांता।¹² पूरा सेना ता पांच हजार मानेयना इंगमता कपड़ांग काजे रूई दोरकी कीतोम, मति कपड़ा ता इंजे वेन्ने कमी मंता। इंगम आता मति मावा वेल्ले मानेय सिर्फ रेंड-रेंड पतला कपड़ा करसी मंतोरा। बेस बाता इत्तेके माटू शुरू तले तिप्पल तुकू सहन कियाना आदत मंता। इदे आयवा सब्बेतोर उंदी लेक्काटा मुशिकल ता सामना किया मंतोरा। फौजी कोर ता कमांडर तिंचि पोयसी गाटो अटाना मानेय एवनल हर मानेय अनाज किन विड़सी पांच फन ता रोज ता भत्ता पोरो पिस्वल पिसा मंतोरा। खर्च कियाला काजे दो च्याओ हींतोर, अस्के हर मानेय किन दो च्याओ, चार च्याओ हीतेके, हर मानेय किन चार च्यओ।¹³ इद्रम सिपाही बदिना खिलाफ शिकायत कीवोर आयानोर।

हर लड़ाई ता पेरके उचुन सैनिक घायल आयानोर। आफिसर ओसो सिपाही लोरा उंदी बेहरा संख्या बेस-बेस तिंदाना दोरकवेके, इंगम पोयतेके ओसो दूसरा कारण ते बीमार आता। मावा अस्पताल मेट्टा पोरो मंता, अगा चीन चिकित्सा-प्रणाली ओसो पश्चिमी चिकित्सा-प्रणाली तिंची इलाज ताकिंता, मति डाक्टर ओसो दवाई ता कमी मंता। इद समय ते अगा आठ सौ तुकू ज्यादा मरीज मंतोरा। हुनान ता प्रांतीय कमेटी मावा काजे दवाई ता प्रबंध कियाना जिम्मेदारी एतसी मत्ता। मति इंजे एवनल माकिन बदे दवाई दोर्को। माटु इंजे वेन्ने आशा किया मंतोम कि पार्टी ता केंद्रीय कमेटी ओसो प्रांतीय कमेटींग माकिन पश्चिमी चिकित्सा-पद्धति ता डाक्टर ओसो उचुन आयोडीन लोहियर।

लाल सेना वेल्ले खराब भौतिक परिस्थिति ओसो वेल्ले लड़ाईंग आत्तेकाई मावा संघर्ष बारांकु जारी मत्ता इत्तेके मना पार्टी निभे कित्ता भूमिका संगे-संगे ताना लोप्पा जनवादी सिद्धांत पोरो अमल कियमुडाता। अफिसर लोर सिपाही लोरा संगे मारपीट किवोर, अफिसर ओसो सिपाही लोरा संगे उंदी लेक्का व्यवहार कियाना मंदिता, सिपाही किन सभा लोप्पा तन्ना विचार तासाना पूरा आजादी मंता। अंगड़म ता दायना वायनास्के सेल्युट कियाना लेक्काटा प्रथा किन खत्म कित्ताद मंता, हिसाब-किताब ता हर मानेय जांच किया परितोर। सिपाही खुद तिंदाना ता प्रबंध कींतोर,

इदिना काजे रोज पांच फन हिंतोम, अविना लोप्पा हर मानेयना काजे रोज 60-70 वन एवनल पैसा जेब खर्च काजे बचे कियमुडांता, अदिन किन “गाटो ता बचत” इंतोम इव सब्बे तिंची सिपाही लोर वेल्ले खुश मंतोरा। मावा ओसो क्वोमिंगतांग ता फौज लोप्पा जमीन-आसमान ता फर्क मंता इंजी, खास रूप ते पूना-पूना बंदी बने कित्ता सिपाही लोर इद्रम आल्सनोरा। ओरु भौतिक परिस्थितिंग लोप्पा लाल सेना पांडरी सेना ता मुकाबला किया परिंता इंजी आल्सनोर, मति मानसिक रूप ते ओरु आजाद मंतोरा। मुन्ने ओरे सिपाही लोर पांडरी-सेना लोप्पा साहसी हिल्ला मत्तोर, ओसो इंजे लाल सेना लोप्पा वासी वेल्ले बहादुर बनेमातोर, इदे जनवाद ता असर आंदू। लाल सेना उंदी भट्टी लेक्का मंता, ताना लोप्पा सब्बे बंदी सैनिक लोर तपेमासी बदले मांतोरा। चीन लोप्पा सेना किन वेन्ने जनता किन जरूरत मत्ता अचोने जनवाद ता जरूरत मंदिता। सामंती सेना ता मड्डांग तेहकाला काजे मावा सेना लोप्पा अमल आयाना जनवाद उंदी महत्वपूर्ण हथियार आंदू।¹⁴

पार्टी-संगठन इंजे नालुंग स्तर लोप्पा तूसतद मंता: कम्पनी-शाखा, बटालियन-कमेटी, रेजीमेंट-कमेटी ओसो फौजी कोर कमेटी। हर कम्पनी लोप्पा उंदी पार्टी-शाखा मंदिता, हर स्क्वाड लोप्पा उंदी पार्टी-ग्रुप मंता। “पार्टी-शाखा कम्पनी पोरो आधार आसी गठित कियमुडांता” इद उंदी महत्वपूर्ण कारण आंदू कि लाल सेना, बिना छिन्न-भिन्न आयवा वेल्ले मुश्किल संघर्ष बारांकु जारी तासा परता। रेंडू साल मुन्ने क्वोमिंगतांग सेना लोप्पा मावा पार्टी-संगठनकु मत्तांग, अव सिपाही लोरकिन प्रभावित किया परवो आता ओसो इव थिंग ना फौज¹⁵ लोप्पा वेन्ने हर रेजीमेंट लोप्पा उंदी पार्टी-शाखा मंदानदु। अदिन काजे परीक्षा ता समय ते इद्रमता बदे फौज सफल आयो आयनदु। इंजे लाल सेना लोप्पा पार्टी-सदस्य ओसो गैर-पार्टी तोरा अनुपात लगभग एक ओसो तीन ता मत्ता, इत्तेके औसतन हर चार मानेय लोप्पा वरोर पार्टी-सदस्य मत्तोर। इंजे माटु फैसला कित्ताद मंता कि लडेमायना सिपाही लोरा लोप्पा वेल्ले पार्टी-सदस्य बनेमायनूर, ताना कारण ते पार्टी-सदस्य ओसो गैर-पार्टी तोरा अनुपात 50-50 प्रतिशत

आयारा।¹⁶ इंजे कम्पनी-शाखांग लोप्पा बेसता सचिव लोरा कमी मंता। पार्टी ता केंद्रीय कमेटी किन इद कमी ता भरपाई कियाला काजे सक्रीय कार्यकर्ता लोरा लोप्पाडल, इंजे मंदाना जागा ते बोर मंदा परवोर अद्रमतोर वेल्ले तोर किन मावगा लोहाना इंजी मावा मांग मंता। दक्षिणी हुनान तिंची वाता प्रायः सब्बे कार्यकर्ता सेना लोप्पा पार्टी ता काम किया मंतोरा। मति अगस्त लोप्पा दक्षिण हुनान ते दायनास्के वीरा लोप्पाडल उचुन कार्यकर्तालोर तितर-बितर आतोर, अदिन काजे इंजे माटु वरोर वेन्ने कार्यकर्ता हिया परवोम।

स्थानीय सशस्त्र सेना लोप्पा लाल रक्षक दल ओसो मजदूर-किसान लोरा विद्रोही दलकू आंदुंगा। विद्रोह कियाना दल गोर्कांग ओसो पिट्टेंग हौकना तुपाईकु पोयसी मत्तोर, इव श्यांग पोरो आधार आसी गठित आतांग ओसो हर श्यांग लोप्पा उंदी दल मंता, अविना सदस्य लोरा संख्या श्यांग ता जन संख्या ता अनुपात ता अनुसार मंदिता। ताना काम प्रतिक्रांतिकारी लोरा दमन कियाना, श्यांग ता राजनीतिक सत्ता ता रक्षा कियाना ओसो दुश्मन वातेके युद्ध ओसो लाल सेना ओसो लाल रक्षक दलकुना सहायता कियाना आंदू। विद्रोही दल सबसे मुन्ने युंगशिग लोप्पा गुप्त रूप ते संगठित कित्ताद मत्ता। पूरा काउंटी पोरो मावा कब्जा आता पेरके ओर खुलेआम वेलियाना शुरू कित्तोर। सीमा क्षेत्र ता दूसरा काउंटींग लोप्पा इंजे इद संगठन ता प्रचार आता ओसो ताना पोरोल अदे मंता। लाल रक्षक दलकुना हथियार मुख्य रूप ते पांच टूटांग कुना राइफल वेन्ने मंता। निंगकांग लोप्पा 140, युंगकांग लोप्पा 220, ल्येनह्वा लोप्पा 43, छालिंग लोप्पा 50, लिंगश्येन लोप्पा 90, स्वेइछवान लोप्पा 130, ओसो वानआन लोप्पा 10, कुल मिले कीसि 683 राइफल मंतांग। इव राइफलकुना लोप्पा ज्यादातर लाल सेना तिंची वातद मंता मति उचुक किन लाल रक्षक दलकुनगडल दुश्मन तोर ऊंदतोर। स्थानीय निरंकुश तत्व ओसो बुरे शरीफजादा लोरा शांति-रक्षक दलकु ओसो लोन-लोन ता मिलिशिया संगे हमेशा युद्ध ताकिसोरे अलग-अलग काउंटींग लोप्पा वेल्ले लाल रक्षक दल दिव्या-दिव्या तुकू तन्ना युद्ध-क्षमता किन बेसी किया मंता। 21 मई

ता घटना¹⁷ तुकू मुन्ने सब्बे काउंटिंग लोप्पा किसान आत्मरक्षक दलकु मत्तांग। ओरगा कुल मिलेकीसि 970 राइफल मत्तांग- यओश्येन लोप्पा 300, छालिंग लोप्पा 300, लिंगश्येन लोप्पा 60, स्वेइछवान लोप्पा 50, युंगसिन लोप्पा 80, ल्येनह्वा लोप्पा 60, निंगकांग लोप्पा (ख्वान वन-छाए तोरगा) 60 ओसो चिंगकांगशान मेड्रिंग लोप्पा (वांग च्चो तोरगा) 60 मत्तांग। ताना पेरके- ख्वान ओसो वांग तोरकिन हथियार किन विडसी बदे नुक्सान आयो- स्वेइछवान लोप्पा छः ओसो ल्येनह्वा लोप्पा उंदी बंदूक पिस्ता। किसान आत्मरक्षा दलकुना संगे तन्ना बंदूक किन तम्मा अधिकार लोप्पा तासना लोप्पा इद्रम विफल आयना कारण अवसरवादी कार्यदिशांग आंदू। काउंटिंग ना लाल रक्षक दलकु लोप्पा इंजे वेन्ने राइफल ना वेल्ले कमी मंता ओसो ओरा राइफल स्थानीय निरंकुश तत्व, बुरे शरीफजादा लोरकिनकु वेन्ने कमी मंता। लाल सेना किन लाल रक्षक दलकुना मदद कियाला काजे हथियारकू हिसोरे मंदाना मत्ता। लाल सेना किन जनता किन हथियारबंद कियाना लोप्पा वेल्ले मदद कियाना, इद्रम कीतेके ताना युद्ध-क्षमता कम आयो आयना इंजी वेने हूडाना। माटु लाल सेना ता हर बटालियन लोप्पा चार कम्पनिंग मंदाना, ओसो हर कम्पनी ता 75 बंदूक मंदाना इंजी नियम पंडतोंम, बंदूक ना रक्षक कम्पनी, मशीनगन कम्पनी, ट्रेंच-मोर्टर कम्पनी, रेजीमेंट हेडक्वार्टर ओसो 3 बटालियन-हेडक्वार्टरकुना बंदूक ना संगे जोड़े कितेके हर रेजीमेंट लोप्पा 1,075 राइफल आंतांग। लड़ाई लोप्पा जब्त कित्ता बंदूक किन आया परताचोन स्थानीय सेना किन हियाना। लाल रक्षक दलकुना कमांडर काउंटिंग नगडल लाल सेना बनेकित्ता प्रशिक्षण-दस्ता लोप्पा ट्रेनिंग एतसी मत्तोर ओसो अगाडा कोर्स पूरा कीसि मत्तोर मंदाना। लाल सेना किन स्थानीय सेना ता नायक बनेमायाला काजे लगातार बाहर तोर किन लोहना पोल्लोंग कम कियाना। चू फेइ-त वेन्ने तन्ना शांति-रक्षक दलकु ओसो लोन-लोन ता मिलिशिया किन हथियारबंद क्रिया मंतोर, ओसो सीमांत क्षेत्र ता काउंटिंग लोप्पा स्थानीय निरंकुश तत्व, बुरे शरीफजादा लोरा सेना

ता संख्या ओसो युद्ध-क्षमता ता दृष्टि ते वेल्ले मंता। अदिन काजे मावा स्थानीय लाल सेना किन बर्सी कियाना लोप्पा उचुन वेन्ने लेट कियानायो।

लाल सेना काजे केंद्रित मंदाना सिद्धांत मंता; लाल रक्षक दलकु काजे बिखरेमासी मनुट (विकेंद्रित आसी मनुट) इंदाना सिद्धांत- मंता। मति इंजे प्रतिक्रियावादी राजनीतिक सत्ता उचुन समय काजे स्थिर मंता, लाल सेना पोरो हमला कियाला काजे दुश्मन वेल्ले संख्या ते सेना किन जम्मा किया परंता, ओसो लाल सेना काजे विकेंद्रित आयाना फायदा हिल्ले। मावा अनुभव सेना ता विकेंद्रित आतेके लगभग हमेशा हारेमातद मंता, मति मनाकिन कम, बराबर लेवेके उचुन ज्यादा शक्ति मंदाना दुश्मन संगे लडेमायाला काजे सेना किन केंद्रित कीतेके हमेशा जीडताद मंता। पार्टी ता केंद्रीय कमेटी इद इलाका लोप्पा छापामार युद्ध किन बेरसी कियाना आदेश हीता, अद बचोनो हजार ली लम्बा-चौड़ा मंता ओसो मावा काजे वेल्ले बेहरा मंता। अद मावा शक्ति किन वेल्ले आंकलन कित्ता अदिन काजे इद्रम कित्ता बहे। लाल रक्षक दलकुना काजे विकेंद्रित आयाना फायदा मंता ओसो इंजे काउंटिंग ना सब्बे लाल रक्षक दलक तम्मा फौजी कार्यवाहिंग लोप्पा इद्रमें कियाना शुरू कीतांग।

बंदी सैनिक लोरकिन विडसना ओसो ओर घायल आतेके ओरा इलाज कियाना, इद दुश्मन-सेना किन प्रचार संगे प्रभावित कियाना सबसे बेसता तरीका आंदू। दुश्मन- सेना ता सिपाही लेवेके प्लाटून, कम्पनी ओसो बटालियन ता कमांडर किन पोयतेके, माटू ओरा लोप्पा तुरंत प्रचार कीतोमा। ताना लोप्पा मंदानोर ओसो दायानोरा रेंडू ग्रुप ता रूप ते तूसमूडांता ओसो दायनोर किन यात्रा भत्ता हीसी विडसमूडांता। इद्रम दुश्मन ता झूठा आरोप ता “कम्युनिस्ट डाकू बोन हूडतेके ओने हौकिंतोर”, इंदानादु तुरंत खत्म आंता। यांग छ-शंग ता नौवीं डिवीजन ता पत्रिका “दस दिया ता समीक्षा” मावा इद तरीका ता बारे ते आश्चर्य आसी केयता: “बचोन विष लेक्का मंतारा..!” लाल सेना ता सैनिक बंदी सैनिक लोरकिन जीवा कीसि हूडांतोर ओसो जीवा कीसि विडसंतोर। “पूना तम्मुरा बिदाई-सभा” ता हर मौका ते बंदी सैनिक लोर जीवा कीसि धन्यवाद वेहसोरे

भाषण हींतोर। घायल दुश्मन ता इलाज कियाना वेन्ने उंदी वेल्ले बेसता तरीका आंदू। मावा मुन्ने इद समय लोप्पा दुश्मन-पक्ष ता ली वन-पिन लेक्काटा चतुर मानेय वेन्ने बंदी लोरा खात्मा कीवोर ओसो घायल लोरा इलाज कींतोर। इद्रम कीतेके आई दूसरा मुठभेड़ लोप्पाने मनोर तम्मा हथियार पोयसी मावा संगे वासी कलियंतोर। ओसो इंजे एवनल इद्रमता घटनांग रेंडू बेरा आतांगा। इदे आयवा मनम परताचोन रास्सोरे प्रचार वेन्ने कींतोम, नारांग रासना लेक्कटवा। माट बेगाई हतेके, दीवार पोरो नारांग रासिंतोमा मति मावगा चित्र बने कियानोरा कमी मंता। माटू आशा किया मंतोम कि पार्टी ता केंद्रीय कमेटी ओसो रेंड प्रांतीय कमेटींग मावगा इद्रम ता उचुन मुल लोहियर इंजी।

फौजी आधार-क्षेत्र इत्तेके, पहला आधार-क्षेत्र चिंगकांगशान मेड्वांग आधार-क्षेत्र मंता, निंगकांग, लिंगश्येन, स्वेइछवान ओसो युंगशिन काउंटिंग ना सीमा पोरो मंता। मेड्वाना उत्तरी ढलान निंगकांग काउंटी ता माओफिंग लोप्पा मंता। ओसो दक्षिणी ढलान स्वेइछवान काउंटी ता ह्वांगआओ ते मंता। रेंडिना लोप्पा 90 ली ता दूरी मंता। पूर्वी ढलान युंगशिन काउंटी ता नाशान लोप्पा मंता ओसो पश्चिमी ढलान लिंगश्येन काउंटी ता श्वेइखओ ते। इव रेंडिना लोप्पा 80 ली ता दूरी मंता। ताना परिधि नाशान तिंची लुंग-य्वानखओ (रेंडासी युंगशिन लोप्पा मंतांग), शिनछंग, माओफिंग, तालुंग (इव सब्बे निंगकांग लोप्पा मंतांग), शतू श्वेइखओ, श्याछुन (इव सब्बे लिंगश्येन लोप्पा मंता), इंगफानश्री, ताएच्याफू, ताफन, तुइचिछयेन, ह्वांगआओ, ऊतओच्यांग ओसो छआओ (इव स्वेइछवान लोप्पा मंता) तिंचि वापस नाशान एवनल 550 ली लम्बाई मंता। मेड्वांग लोप्पा “बेहरा चुआ”, “पोरो चुआ”, “नइमा ता चुआ”, “दोइता चुआ”, छिफिंग, श्याच्वांग शिंगचओ, छाओफिंग, पाएनीहू ओसो लोफू लेक्काटा जागा ने वंजीना खेती ओसो नाहकू मंतांग। इगा मुन्ने डाकू ओसो भगोड़ा लोरा अड्डा मत्ता, मति इंजे अगा मावा आधार-क्षेत्र बनेमातद मंता। मति अगाटा जन संख्या 2000 तुकू कम मंता ओसो वंजी ना पैदावार 10,000 तान तुकू कम मंता। अदिन काजे फौज ता ज्यादा रसद निंगकांग, युंगशिन

ओसो स्वेइछवान इव तीन काउंटिंग निंची लोहमूडांता। मेट्टांग ने सामरिक महत्व ता सब्बे कालहरीं पोरो किलेबंदी तास्तोम, अस्पताल, बिस्तर, कपडांग ना वर्कशाप, युद्ध-सामग्री ता विभाग ओसो रेजीमेंट ता पृष्ठभागीय कार्यलय सब्बे इग्गाने मंतांग। इंजे निंगकांग तिंचि मेट्टाने रसद लोहमूडाया मंता। रसद वेल्ले मत्तेके दुश्मन बस्केने लोप्पा वाया परवोर आयनूरा। दूसरा आधार-क्षेत्र च्योलूंग मेट्टा आधार-क्षेत्र मंता, अद निंगकांग, युंगशिन, ल्येनह्वा ओसो छालिंग काउंटिंग ना सीमा पोरो मंता। इद चिंगकांगशान मेट्टांग तुकू कम महत्वपूर्ण मंता। इव काउंटिंग ना स्थानीय सशस्त्र सेना काजे इद आखरी आधार-क्षेत्र आंदू। ताना वेन्ने किलेबंदी कित्ताद मंता। पांडरी राजनीतिक सत्ता ता घेराव ते मंता लाल स्वतंत्र शासन-व्यवस्था काजे मेट्टांग ना सामरिक महत्व तिंची फायदा तेहाना जरूरी मंता।

भूमि-समस्या

हंद क्षेत्र लोप्पा भूमि स्थिति: खास रूप ते 60 प्रतिशत तुकू ज्यादा जमीन जमींदार लोरगा मत्ता ओसो 40 प्रतिशत तुकू कम जमीन किसान लोरगा मत्ता। किआंगशी खंड ता स्वेइछवान लोप्पा जमीन ता अधिकार सबसे ज्यादा केंद्रित मत्ता लगभग 80 प्रतिशत जमीन जमींदार लोरगा मत्ता। ताना पेरके युंगशिन ता नम्बर वांता। अगा लगभग 70 प्रतिशत जमीन जमींदार लोरगा मत्ता। वानआन, निंगकांग ओसो ल्येनह्वा लोप्पा भूमिधर-किसान ज्यादा मत्तोर। मति जमींदार लोरगा वेन्ने ज्यादा जमीन मत्ता। कुल जमीन ता 60 प्रतिशत हिस्सा ओरगा मत्ता, किसान लोरगा उचुन जमीन ता सिर्फ 40 प्रतिशत हिस्सा मत्ता। हुनान खंड ता छालिंग ओसो लिंगश्येन काउंटिंग लोप्पा लगभग 70 प्रतिशत जमीन जमींदार लोरगा मत्ता।

मध्यवर्ती वर्ग ता समस्या: जमीन ता इद स्थिति मंता, पूरा जमीन किन जब्त कियाना ओसो तानकिन दोबारा तूसना¹⁸ सवाल पोरो जनता ना बहुमत ता समर्थन हासिल किया परमूडांता। मति देहातकुना मानेय आम रूप ते तीन वर्ग ते तूसी मंदितोर: बेहरा ओसो मध्यम जमींदार लोरा

वर्ग, सुडला जमींदार ओसो धनी किसान लोरा मध्यवर्ती वर्ग ओसो मध्यम, गरीब किसान लोरा वर्ग मंता। धनी किसान लोरा हित हमेशा जमींदार लोरा हित सुडला जमींदार लोरा हित लोप्पाने मिलेमासी मंदिता। धनी किसान लोरा जमीन पूरा जमीन ता सुडला हिस्सा मंता, मति सुडला जमींदार लोरा जमीन किन शामिल कीतेके ओरा पूरा जमीन वेल्ले मंदिता। अदिनके बहे पूरा देश लोप्पा वेल्ले रकम ता स्थितिग मंदानुंगा। बद जमीन-नीति हंदी क्षेत्र लोप्पा लागू कित्ताद मत्ता, अद पूरा जमीन जव्त कियाना ओसो ताना बंटवारा कियाना मत्ता। इद्रम लाल इलाका लोप्पा स्थानीय निरंकुश तत्व, बुरे शरीफजादा लोरा वर्ग ओसो मध्यवर्ती वर्ग पोरो हमला कियमूंडांता। नीति इतेके इद्रमें मंता, मति मनम तानकिन अमल कियानस्के मध्यवर्ती वर्ग तिंचि वेल्ले मुशिकलकुना सामना किया लागिंगता। क्रांति ता शुरू ते मध्यवर्ती वर्ग पोरो-पोरो गरीब किसान लोरा मुन्ने तल्ला वरिहितोर, मति असल ते ओरू जमीन तूसाना लोप्पा वेल्ले लेट कियाला काजे तन्ना मुन्ने ता सामाजिक स्थिति ओसो बिरादरी ता सत्ता तल फायदा तेहची गरीब किसान लोरकिन धमके किंतोर। लेट किया परवास्के ओर तम्मा जमीन ता असली क्षेत्रफल किन मक्की कीसि तासना लेवेके बेसता जमीन तम्मा ताससी खराब जमीन दूसरोरा काजे तासना किंतोर। इद्रम कियानस्के अद समय ते उत्पीड़न ता शिकार आयना गरीब किसान ओसो बोनकिन क्रांति सफल आया परवो इंदानोर हमेशा मध्यवर्ग ता प्रस्ताव किन मानेमायनोर ओसो सक्रिय कार्रवाई कियाना हिम्मत किवोर आंतोर। मध्यम वर्ग ता खिलाफ नाहकुना लोप्पा सक्रिय कार्रवाई सिर्फ क्रांतिकारी उभार वातास्केने कियमूंडांता-इत्तेके उंदी लेवेके वेल्ले काउंटिंग लोप्पा राजनीतिक सत्ता कैदे पोयतास्के, प्रतिक्रियावादी फौज किन बचोनो बेरा हारे कियुमूंडांता ओसो लाल सेना ता ताकत बार-बार तोहमूंडाता। उदाहरण काजे युंगशिन काउंटी ता दक्षिणी हिस्सा किन हूडतेके, अगा मध्यम वर्ग सबसे बेहरा मत्ता। ओसो जमीन ता बंटवारा कियाना लोप्पा लेट कियाना ओसो तन्ना जमीन ता असली क्षेत्रफल मक्की कियाना लेक्काट वेल्ले गंभीर घटनांग वेन्ने आताद मंता। लाल सेना 23 जून ते

लुंगवानख्वो लोप्पा बेहरा जीत हासिल कित्ता ओसो जिला सरकार जमीन ता बंटवारा कियाना लोप्पा लेट कियानोर वेल्लेदोर किन सजा हीता, अस्केने माटू सही तरीका ते जमीन तूसना काम किन मुन्ने ओया परतोमा मति हर काउंटी लोप्पा सामंती व्यवस्था ता हलचल मत्ता ओसो ज्यादातर उंदी नाटे लेवेके बचोको नाहकूने उंदी बिरादरी तोरे मंदानोरा। इद्रम नाहकुना लोप्पा वर्ग-चेतना तत्ताना लोप्पा ओसो बिरादरी ता रिति-रिवाज किना पोरो काबू कियाला काजे वेल्ले समय लागिथर।

पांडरी आतंक ता समय ते मध्यवर्ती वर्ग ता रंग बदलेमायनाः क्रांतिकारी उभार तास्के मध्यवर्ती वर्ग किन हमला ता सहन किया लागिंता, अदिन काजे पांडरी आतंक शुरू आतास्के अद तुरंत दूसरा बगिल दांता। युंगशिन ओसो निंगकांग लोप्पा सुडला जमींदार ओसो धनी किसान लोरे प्रतिक्रियावादी फौज किन अगाटा क्रांतिकारी किसान लोरा वेल्ले लोहकिन बोड़सना इंजी भड़के कीसि मत्तोरा। ओरु प्रतिक्रियावादी लोरा निर्देशन ते लोहकिन किस वाटतोर ओसो लोकरु किन गिरफ्तार कित्तोरा। लाल सेना निंगकांग, शिनछंग, कूछंग ओसो लुंगशि ता इलाका लोप्पा वापस वातास्के बचोनो हजार किसान लोर इद प्रतिक्रियावाद ता शिकार ओसी मत्तोर कि कम्युनिस्ट लोर ओरकिन हौकानूर इंजी, अनि प्रतिक्रियावादी लोरा संगे युंगशिन वित्ततोर। मावा इद प्रचारता पेरकेने “दूसरा बगिल हत्ता किसान लोरकिन हौकमूडायो” ओसो “ दूसरा बगिल हत्ता किसान लोर खुशी ते वापस वासी तम्मा पंटा कोया परितोर”, उचुन किसान लोर तीरम-तीरम वापस वातोर।

पूरा देश लोप्पा क्रांति ता परिस्थिति कमजोर आसोर मंदानास्के स्वतंत्र शासन-व्यवस्था मंदना इलाकांग लोप्पा सबसे मुश्किल समस्या मना मध्यावर्ती वर्ग पोरो माव मजबूत कब्जा हिल्वा मंदानादुन मंदिता। मध्यवर्ती वर्ग क्रांति संगे मुख्य रूप ते विश्वासघात बारांक कित्तोर इत्तेके, क्रांति ताना पोरो जरूरत तुकू ज्यादा हमला कित्ता। मति पूरा देश लोप्पा क्रांतिकारी उभार मंदिता, अस्के गरीब-किसान वर्ग ता हिम्मत बेरसींता, बारांक इत्तेके तानकिन सहारा ता जरूरत मंदिता। उंदी बगिल मध्यवर्ती

वर्ग किन मनमानी कियाना हिम्मत मन्नो आंता, बारांक इत्तेके ताना काजे उंदी वेरीं पुटि कियाना चीज पैदा आंता। ली-चुंग ओसो थांग शंग-च ना नडमा युद्ध हुनान बगिल फैलेमातास्के छालिंग ता सुडला जमींदार लोर किसान लोरा संगे समझौता कियाना कोशिश कितोर। पूना साल ता तोहफा ता रूप ते किसान लोरकिन पद्दी हव्विंग हीतोर (अस्के लाल सेना छालिंग तिंचि स्वेइछवान हंजी मत्ता)। मति अद युद्ध मारता पेरके वेंडे इद्रमता बदे घटना आयो। नेंड पूरा देश लोप्पा प्रतिक्रांतिकारी ता ज्वार तेज आया मंता, इद्रम आयानस्के पांडरी इलाका लोप्पा मध्यवर्ती वर्ग ता, बद वर्ग पोरो हमला आंता: ओर सब्बे तोर स्थानीय निरंकुश तत्व, बुरे शरीफजादा लोरा वर्ग संगे किलयंतोर ओसो गरीब-किसान वर्ग अलग उंदीए पिसिंता। निज्जमे इद उंदी गंभीर सवाल आंदू।¹⁹

रोजता पिस्वल ता दबाव मध्यवर्ती वर्ग ता रंग बदलेमायना उंदी कारण:- उंदीनकु-उंदीता सामना कियाना लाल ओसो पांडरी इलाका रेंडु दुश्मन-देशकुना लेक्का बने मांतांग। दुश्मन संगे कियाना सख्त नाकेबंदी ता कारण ओसो निम्नपूंजीपति वर्ग ता बारे ते मावा अनुचित व्यवहार ता कारण रेंडासी इलाका ना नडमा व्यापार बंद आता। ओवोर, कपड़ा ओसो दवाई लेक्काटा रोजता जरूरी सामान कम मंता ओसो मंहगा मंतांग। मर्ग, चाय ओसो नेय्य लेक्काटा खेती तिंची वायाना चीज बाहर लोहमूडायो, अदिन काजे किसान लोरा आमदनी ता हरीं बंद आंता ओसो इदिना असर आम लोकुरा पोरो अरिंता। गरीब-किसान वर्ग इव सब्बे पेशानींग किन सहेमांता, मति मध्यम वर्ग पोरो इद्रमता समस्या वांता अस्के अद स्थानीय निरंकुश तत्व, बुरे शरीफजादा लोरा वर्ग मुन्ने हंजी तल्ला वरिहंता। चीन लोप्पा स्थानीय निरंकुश तत्व, बुरे शरीफजादा, युद्ध-सरदार लोरा फूट ओसो लड़ाई ताकवेके, देशव्यापी क्रांतिकारी स्थिति विकसित आयवेके सुडला इलाका ता लाल स्वतंत्र शासन-व्यवस्था पोरो बेहरा आर्थिक दबाव अरिंता ओसो ताना वेल्ले समय एवनल टिकेमायना पोर्टो डावुट आंता। बारांक इत्तेके इद्रमता आर्थिक दबाव मध्यम वर्ग काजेने असहनीय मन्नो, अद मजदूर, गरीब किसान ओसो लाल सेना ता सैनिक लोरकिन

वेन्ने असहनीय आया परिंता। उंदी बेरा युंगशिन ओसो निंगकांग काउंटिंग लोप्पा दूसरा सामान तो जेक, गाटो-कुसिर अटला काजे ओवोर वेन्ने हिल्ला मत्ता, ओसो कपड़ा, दवाई वायना पूरा बंद आंता। इंजे अगा ओवोर दोरकिंता मति ताना कीमत ज्यादा मंता। कपड़ा ओसो दवाई इंजे वेन्ने वेल्ले कमी मंता। निंगकांग, पश्चिमी युंगशिन ओसो उत्तरी स्वेइछवान लोप्पा (इंजे पूरा मावा स्वतंत्र शासन-व्यवस्था लोप्पा मंता) वर्की, चाय ओसो निय वेल्ले पुट्टा मंता मति अद इंजे बाहर लोहमूड़ासोरे हिल्ले।²⁰

जमीन बंटवारा ता नियम:- श्यांग किन जमीन ता बंटवारा ता इकाई मानेमायनोर। वेल्ले मेट्टांग मंदाना इलाकांग लोप्पा ओसो खेती ता जमीन कम मंदाना इलाकांग लोप्पा, इत्तेक युंगशिन ता श्याओच्यांग जिला, 3-4 श्यांग किन उंदी इकाई मानेमायनोर। मति इद्रमता इलाकांग वेल्ले कम मंतांग। देहात लोपो महिला-पुरुष, मुयतोर-जवान सब्बेतोर किन बराबर हिस्सा दोरकिंता। पार्टी ता केंद्रीय कमटी ता अनुसार इंजे जमीन ता बंटवारा लोप्पा उंदी बदलाव कितद मंता, ताना लोप्पा श्रमशक्ति किन मापदंड बने कीतद मंता, ओसो श्रमशक्ति मंदानोर किन श्रमशक्ति हिल्लोरकिनकले दोगुना जमीन हियमूड़ांता।²¹

भूमिधर-किसान लोरकिन छूट हियाना समस्या:- इदिन पोरो वेन्ने विस्तार ते चर्चा कित्ताद हिल्ले। भूमिधर-किसान लोरा लोप्पा धनी किसान खुद निवेदन कित्तोर कि उत्पादन शक्ति किन मापदंड मानेमायना, इत्तेके बोनिगा ज्यादा श्रमशक्ति ओसो पूंजी (खेती कियाना साधन लेक्कटव) मंता, ओरकिन ज्यादा जमीन हीतेके बेस मंदींता। धनी किसान आल्लिसंतोर कि ओरकिन बराबर-बराबर जमीन तूसतेकाई ओसो श्रमशक्ति ता अनुसार जमीन तूसतेकाई बदे फायदा आयो आयर। ओर ज्यादा श्रमशक्ति वाटला काजे तैयार मंतोर, इद्रम कीतेके ओरा पूंजी ताकत संगे कलियसी वेल्ले फसल हियाला काजे मदद आंता। ओरकिन दूसरा आम लोकुरा बराबरे जमीन हीतेके, ओरा विशेष कोशिशकु ओसो अतिरिक्त पूंजी ता अवहेलना कियमूड़ायर (तानकिन बेकार विडसमूड़ायर), इद्रम कीतेके ओरु नाराज आयनूरा। जमीन तूसना काम इगा इंजे वेन्ने केंद्रीय

कमेटी ता अनुसारे ताका मंता। मति अद समस्या पोरो चर्चा कियाना जरूरत मंता, ओसो माटू बदे निर्णय कीतेके दूसरा रिपोर्ट पेश कीयकोम।

भूमि-कर:- निंगकांग लोप्पा इद कर फसल ता 20 प्रतिशत ता हिसाब ते जम्मा आंता, अद केंद्रीय कमेटी ता निश्चित दर तुकू पांच प्रतिशत ज्यादा मंता। नेंडू जमा कियाना ताका मंता, अदिन काजे इंजे दर बदले कियाना बेस आयो आयार, मति तानकिन वायना साल ते कम कियमूडायर। इदे आयवा मावा स्वतंत्र शासन-व्यवस्था लोप्पा स्वेइछवान, लिंगश्येन ओसो युंगशिन ता हिस्सा सब्बे मेट्टा इलाका आंदू, ओसो अगाटा किसान वेल्ले गरीब मंतोर, इत्तेके कर वाटना वेन्ने सही मन्नो आयर। सरकार ओसो लाल रक्षक दल ता खर्च काजे माटू पांडरी इलाका लोप्पा स्थानीय निरंकुश तत्व तिंची जुर्माना वसूल कियाना पोरो निर्भर मंदितोम। लाल सेना ता तिंदाना-उंदाना सामान, नूका इंजे निंगकांग लोप्पा भूमि-कर वसूल कीसि दोरका मंता ओसो पैसा वेन्ने स्थानीय निरंकुश तत्व लोरगडल जुर्माना वसूल कीसि दोरकिता। अक्तूबर लोप्पा स्वेइछवान ते छापामार कार्रवाई आतास्के माटू दस हजार तुकू ज्यादा ख्यान जमा कीतोम, अद उचुन दिव्या ताकियर। अद खर्च आता पेरके हूडूकोम कि बाता किया परितोम।

राजनीतिक सत्ता ता समस्या

काउंटी जिला ओसो श्यांग ता स्तर ते जनता ना राजनीतिक सत्ता हर जागा निल्पी कित्ताद मंता, मति इद असल तुकू पोरोल काजे ने मंता। वेल्ले जागांग ने मजदूर, किसान, सैनिक लोरकिन बदे प्रतिनिधि-परिषद हिल्ले। श्यांग जिला ओसो काउंटिंग ना राजनीतिक सत्ता ता कार्यकारिणी कमेटी वेन्ने बद्रमाई कीसि आम सभा लोप्पा चुने कियमूडंता। मति जरूरत आतास्के जल्दबाजी कीसि कित्ता सभा लोप्पा बदे सवाल पोरो चर्चा कियमूडायो ओसो जनता किन राजनीतिक ट्रेनिंग वेने हियमूडायो। इद्रमे आयवा ज्यादातर बुद्धिजीवीं ओसो पद लालच कियाना लोकूर इव सभाग लोप्पा तम्मा काम काजे फायदा एतना सम्भावना मंदिता। उचुक जागा ने

प्रतिनिधि-परिषद तो निल्पी कित्ताद मंता, मति तानकिन कार्यकारिणी कमेटी ता चुनाव कियाला काजे उंदी अस्थाई संस्था समझेमायमूडया मंता। उंदी बेरा चुनाव आतेके पूरा सत्ता कार्यकारिणी कमेटी ता कैदे वांता ओसो प्रतिनिधि-परिषद ता चर्चा बस्केने केंजा वायो आंता। मजदूर, किसान, सैनिक लोरा बदे क्षमता मंदाना प्रतिनिधि-परिषद हिल्ले इंजी आयो, मति ओरा संख्या वेल्ले कम मंता। अदिन काजे पूरा राजनीतिक व्यवस्था-प्रतिनिधि-परिषद-बारे ते प्रचार ओसो शिक्षा ता कमी मंता। मनमानी हुक्म ताकी कियाना सामंती काल ता गलत रिवाज जन-साधारण ता विचार ते, ओसो पार्टी ता आम सदस्य लोरा विचार ते वेन्ने वेल्ले लोप्पा नेंगता। अद तुरंत मिटेमायो। बदे समस्या वातस्के लोकुर हल्का हर्ी परकितोर, ओसो मुश्किल जनवादी पद्धति किन विचार कीवोर आंतोरा जन-संगठन लोप्पा जनवादी केंद्रीयता व्यापक रूप ते ओसो कारगर रूप ते क्रांतिकारी संघर्ष लोप्पा ताना बेस मंता इंजी साबित कित्तेकेने अमल कियमूडंता, ओसो जन-समूदाय जनवादी केंद्रीयता संगे तन्ना ताकतकुना सबसे बेस गोलबंद कियमूडंता ओसो ताना संघर्ष ता भरपूर सहायता कियमूडंता इंजी जनता समझेमातास्केने अमल कियमूडंता। मुन्नेटा गलतिंग किन सुधरे कियाना लोप्पा सब्बे स्तर ता प्रतिनिधि-परिषद काजे उंदी विस्तृत संगठनात्मक नियम (केद्रीय कमेटी ता हीता रूपरेखा पोरो आधारसी) बने किया मंतोम। लाल सेना लोप्पा सब्बे स्तर ता सिपाही लोरा प्रतिनिधि-सम्मेलन इंजे स्थाई रूप ते निल्पी किया मंतोम, अविना लोप्पा केवल सिपाही-कमेटींग तासना ओसो सिपाही लोरा प्रतिनिधि-सम्मेलन तासवा पाड़ना गलती किन सुधरे कियाना।

आम रूप ते जनता इंजे बदिन “मजदूर, किसान, सैनिक लोरा सरकार” समझेमांता अद कार्यकारिणी कमेटीये आंदू, बारांक इत्तेके प्रतिनिधि-परिषद ता सत्ता तिंचि इंजे वेन्ने अपरिचित मंदाना कारण ते आम जनता कार्यकारिणी कमेटी किने असल सत्ता समझेमाया मंता। तन्ना पेरेके बदे प्रतिनिधि-परिषद हिल्ला कारण ते कार्यकारिणी कमेटी हमेशा तन्ना काम लोप्पा जनता ना राय पोरो ध्यान हीवो आंता। जमीन किन जब्त

कियाना ओसो दोबारा तूसाना समस्या लोप्पा पेरके-मुन्ने आंता ओसो समझौता कींता, फंड किन नष्ट-भ्रष्ट कींता लेवेके ताना गबन कींता, ओसो पांडरी शक्तिंग किन वेरियंता या दृढ़तापूर्वक संघर्ष कीवो आंता। इद्रम ता पोल्लोंग वेल्ले दिसिंतांग। इदे आयवा कार्यकारिणी कमेटी ता पूरा अधिवेशन वेल्ले कम आंता ओसो पूरा काम ताना स्थाई समिति कींता। जिला ओसो श्यांग स्तर ता सरकार लोप्पा स्थाई समिति वेन्ने कम उदिंता ओसो ताना अध्यक्ष, सचिव, कोषाध्यक्ष ओसो लाल रक्षक दल ता नेता (विद्रोही दल ता नेता) रोज दफतर (ऑफिस) ते वांतोर, अलग-अलग काम कींतोर। इद्रम सरकारी काम लोप्पा वेन रोज जनवादी केंद्रीयता पोरो अमल आयो आंता।

शुरूआत ते सुडला जमींदार ओसो धनी किसान राजनीतिक सत्ता ता कार्यकारिणी कमेटींग लोप्पा खासकर श्यांग ता स्तर ता कार्यकारिणी कमेटींग लोप्पा पद दोरकिकियाला काजे धक्का-मुक्की कियनोर। लाल फीता वाटनोर ओसो जोश तोहाचोरे ओर धोखाधड़ी कीसि कार्यकारिणी कमेटी लोप्पा नेंगनोर, सब्बे काम तम्मा कैदे एतानोर ओसो गरीब-किसान सदस्य लोरकिन केवल सहायक पात्र बने कियानोर। ओरकिन संघर्ष कियानास्के एक्सपोज आतास्केने तेंडा परिंतोम ओसो गरीब-किसान वर्ग तेदियर। इद्रम ता परिस्थिति हर जागा मन्नो आंता, आत्तेकाई वेल्ले जागाने मंदिंता।

आम जनता लोप्पा पार्टी ता प्रतिष्ठा ओसो प्रभुत्व वेल्ले मंता, मति इदिना लोप्पा सरकार वेल्ले पेरके मंता। बारांक इत्तेके सुविधा काजे पार्टी वेल्ले काम सीधा कींता ओसो राजनीतिक सत्ता ता संगठन किन नजरंदाज कींता। इद्रम ता वेल्ले उदाहरणकु मंतांग। उचुक जागाने राजनीतिक सत्ता ता संगठन लोप्पा पार्टी ता बदे वेन्ने नेतृत्वकारी ग्रुप हिल्ले, दूसरा जागा ते इद्रम ता ग्रुप तो मंता मति ओरा पूरा उपयोग आयो आंता। वायना कालम ते पार्टी किन अद सरकारा ता नेतृत्व कियाना तन्ना कर्तव्य किन पूरा कियाना जरूत मंता। पार्टी किन तन्ना नीतिंग ओसो तन्ना तरीका किन लागू कियाना काम- अविना बारे ते प्रचार कियाना काम किन अपवाद ता

रूप ते विड़सी- सरकारी संगठनकुना संगेने इद किया पाहिजे। सीधा सरकार किन आदेश हियाना क्वोमिंगतांग ता गलत नीति तिंचि बचेमायाना कोशिश कियाना।

पार्टी ता समस्या

अवसरवाद ता खिलाफ संघर्ष: इद 21 मई ता घटना ता आसपास सीमांत क्षेत्र ता काउंटिंग ना पार्टी-संगठन अवसरवादी का कब्जा ते मत्ता। प्रतिक्रांति शुरू आतास्के दृढतापूर्वक संघर्ष वेल्ले कम कित्ताद मत्ता। हत्ता साल अक्तूबर लोप्पा लाल सेना (मजदूर-किसान लोरा क्रांतिकारी सेना ता पहली फौज कोर ता पहली डिवीजन ता पहली रेजीमेंट) सीमांत क्षेत्र ता काउंटिंग लोप्पा वातास्के, मक्सी-मक्सी पिसी मत्ता उचुने पार्टी-सदस्य लोर मत्तोरा। हत्ता नवम्बर तिंची अप्रैल एवनल पार्टी ता पुनर्निर्माण कियानस्के ओसो ताना पेरके पार्टी ता प्रचार ता समय आंदू। मति हत्ता बाहर महीनांग लोप्पा पार्टी लोप्पा बगा-बगा अवसरवाद दिस्ता। उचुन पार्टी-सदस्य लोर लडेमायना संकल्प हिल्वा कारण ते दुश्मन वातास्के मेट्टाने वित्तानोरा। ओरु इदिन “एंबुस उद्दसी मंदना” इंदानोरा। उचुन दूसरा पार्टी-सदस्यलोर वेल्ले सक्रिय मंदानोरा, अन्धधुन्ध विद्रोह कियाना हरीं पोयनोरा। इद सब्बे निम्न-पूजीवादी विचार ता अभिव्यक्ति मत्ता। वेल्ले दिथ्या एवनल संघर्ष ता प्रभाव ते प्रभावित आसी ओसो पार्टी लोप्पा शिक्षा हासिल कित्ता पेरके इद्रम ता पोल्लोंग इंजे कम आया मंतांगा। हत्ता साल इद्रमे निम्न-पूजीवादी विचार लाल सेना लोप्पा वेन्ने मत्ता। दुश्मन वातास्के जीवा संगे करसोरे लडेमायनोरा लेवेके वित्ताना प्रस्ताव कियानोरा। फौजी कारवाई पोरो चर्चा कियानास्के इव रेंडासी पोल्लोंग वरोरे कियानोरा। पार्टी लोप्पा वेल्ले समय ताकना संघर्ष ओसो वस्तुगत तथ्य नगडल सबक एतना- इत्तेके जीवा संगे करसोरे लडेमायनस्के नुक्सान आता ओसो वित्ततास्के हारेमाता तगडल करियना - कित्ता पेरकेने इव गलतिंग तीरम-तीरम सुधरेमातांगा।

स्थानीयतावाद:- हंद क्षेत्र ता अर्थव्यवस्था खेतिहर मंता। उचुनक जागा ने खेतीबाड़ी इंजे उस्समल ता युग ते मंता मेड्डा इलाकांग लोप्पा वंजी उस्साना काजे मर्ता ता उस्समल ता इस्तेमाल कींतोर, मति मैदान ते वेल्ले बंडांग ना ढेकी ना इस्तेमाल आंता। सामाजिक संगठन ता इकाई हर जागा बिरादरी मंता, ताना लोप्पा सब्बेतोर उंदे पाड़ी ता पोरोल मंदिता। नाटेना पार्टी-संगठन लोप्पा हमेशा इद्रमें आंता, इत्तेके पार्टी-शाखांग लोप्पा, उंदी जागा ते मंदानोर आता कारण ते, उंदे पाड़ी-पोरोल ता मानेय मंदितोर, अदिन काजे पार्टी-शाखा ता मीटिंग असल ते बिरादरी (पाड़ी) ता मीटिंग आयनदु। इद्रम ता परिस्थिति लोप्पा उंदी“लडाकू बोलशेविक पार्टी” ता निर्माण कियाना वेल्ले मुश्किल मंता। कम्युनिस्ट पार्टी देश या इलाका ता नडमा भेद-भाव कीवो इंदाना पोल्लो किन इद्रम ता सदस्य इद सही तरीका ते समझेमायोर। ओसो न अद काउंटिंग ना पारस्परिक सम्बंधकुना लोप्पा ओसो उंदे काउंटी ता अलग-अलग जिला ओसो श्यांगकुना पारस्परिक सम्बंध लोप्पा स्थानीयतावाद वेल्ले गंभीर मंता। स्थानीयतावाद किन दूर कियाना लोप्पा तर्क कुना वेल्ले कम असर आयर। इद काम लोप्पा पांडरी शक्ति ता उत्पीड़न, अदे स्थानीयतावाद हिल्ले, वेल्ले महत्वपूर्ण भूमिका निभा किया पर्रिता। उदाहरण काजे रेंडु इलाका ना प्रतिक्रांतिकारी “संयुक्त दमन” जनता किन संघर्ष लोप्पा समान हित ता सूत्र ते दोहचिंता, केवल अस्केने ताना स्थानीयतावाद तीरम-तीरम जेक आंता। इद्रम ता वेल्ले सबक दोरकता कारण ते स्थानीयतावाद कम आसोरे दांता।

मूल निवासी ओसो वासी उदानोरा समस्या: सीमांत क्षेत्र ता काउंटिंग लोप्पा उंदी ओसो विचित्र माटा मंता, इत्तेके मूल निवासी ओसो वासी उदानोरा नडमा ता दूरी। मूल निवासी ओसो वासी उदानोरा नडमा, इत्तेके ओरा दादी-बाबोर बचोनो सौ साल मुन्ने उत्तर बगुल तिंची वातोरा नडमा वेल्ले अंतर मंता। वरोरनकु-वरोरना नडमा बस्के-बस्के वेल्ले कटु संघर्ष ताकिंता। वासी उदानोरा संख्या दसियों लाख मंता, अद फूच्येन ओसो क्वांगतुंग ता सीमा तिंचि हुनान ओस किआंगशी ता सीमा तुकू तोकसी दक्षिणी हुपे एवनल ता इलाका लोप्पा मंता। मेड्डा इलाका लोप्पा

मंदाना, वासी उदतोर, मैदान ते मंदाना मूला निवासी लोर उत्पीड़न कित्तोर। ओसो ओरकिन बस्केनाई बदे राजनीतिक अधिकार दोरकतद हिल्ले। ओरू हत्ता रेंडु साल ता राष्ट्रीय क्रांति ता स्वागत कित्तोर ओसो इंजे समय वाता इंजी आल्सतोर इंजे ओर वेन्ने तल्ला तेहची ताका परितोर। मति दुर्भाग्यवश क्रांति विफल आता ओसो मुन्ने लेक्काने मूल निवासी लोरा उत्पीड़न ता शिकार आयाना शुरू आता। माव इलाका लोप्पा मूल निवासी ओसो वासी उदतोर समस्या निंगकांग, स्वेइछवान, लिंगश्येन ओसो छालिंग लोप्पा मंता, निंगकांग लोप्पा सबसे गंभीर मंता। निंगकांग ता मूल निवासी लोरा क्रांतिकारी लोर वासी उदतोर संगे कलियसी कम्युनिस्ट पार्टी ता नेतृत्व ते हत्ता 2 साल लोप्पा मूल निवासी लोरा स्थानीय निरंकुश तत्व, बुरे शरीफजादा लोरा राजनीतिक सत्ता किन पलटे कित्ता ओसो पूरा काउंटी पोरो अधिकार कब्जा कित्तोर। हत्ता साल जून महिना ते किआंगशी ता चू फेइ-त सरकार प्रतिक्रांतिकारी बने माता। सितम्बर लोप्पा स्थानीय निरंकुश तत्व, बुरे शरीफजादा लोप्पा मावा “दमन कियाला” काजे चू ना सेना किन निंगकांग ते पोयसी वातोर ओसो ओर मूल निवासी ओसो वासी उदतोर नडमा दोबारा संघर्ष पुटी कित्तोर। सैद्धांतिक रूप ते मूल निवासी ओसो वासी उदानोरा नडमा ता शोषित मजदूर लोरा लोप्पा मंदानायो। ओस कम्युनिस्ट पार्टी लोप्पा इत्तेके बिल्कुल मंदानाये। मति असल ते वेल्ले सालकु ना परम्परा ता कारण अद इंजे वेन्ने अद्रमें मंता। उदाहरण काजे सीमा क्षेत्र लोप्पा अगस्त ता विफलता पेरके मूल निवासी लोरा स्थानीय निरंकुश तत्व, बुरे शरीफजादा लोरा प्रतिक्रियावादी फौज किन निंगकांग वापस तत्तोर ओसो प्रचार कित्तोर कि वासी उदानोर मूल निवासी लोरकिन खत्म कीयनोर इंजी। इद्रम कित्तास्के वेल्ले मूल निवासी किसान दूसरा हिसाब ते हत्तोर, ओसो पांडरी फीता (रीबन) वाटसी लोन पोर किस्स वाटना ओसो मेट्टा किन परकाना पांडरी सेना ता नेतृत्व कित्तोर। अक्तूबर ओसो सितम्बर ते लाल सेना पांडरी सेना किन पूंडतास्के मूल निवासी किसान वेन्ने प्रतिक्रियावादी लोरा संगे वित्तोर ओसो वासी उदाना किसान लोर मूल निवासी किसान लोरो

सम्पत्ती पोरो कब्जा कित्तोर। इद परिस्थिति पार्टी लोप्पा वातास्के, हमेशा निरर्थक संघर्ष पुटिता। मावा नीति: उंदी बगिल माटू “दूसरा बगिल हत्ता किसान लोरकिन होकमूडायो” ओसो “दूसरा बगिल हत्ता किसान लोरा वापिस वातेक वेलने ओरकिन जमीन हियमूडायर” इंजी प्रचार कीतोम, इद्रम कित्तास्के ओर तम्मा पोरोटल स्थानीय निरंकुश तत्व, बुरे शरीफजादा लोरा असर किन दूर किया परिंतोर ओसो बिना परेशानी ते लोन वापिस वाया परिंतोर, दूसरा माटू काउंटी सरकार संगे आदेश जारी कीतोम कि वासी उदाना किसान लोर बद सम्पत्ती किन कब्जा कीतोर, अदिन किन मालिक लोराकिन वापिस कियाना ओसो मूल निवासी किसान लोरा रक्षा कियाना इंजी पोस्टर वाटना। मनकिन पार्टी लोप्पा शिक्षा ता काम ओसो जोर ते कियाना अस्के पार्टी-सदस्य लोरा रेंडो हिस्सा ना एकता ता गारंटी आया परिंता।

पद लालच मंदानोरा रंग बदली कियाना: क्रांतिकारी उभार आतास्के (जून ते) पार्टी-सदस्य लोरा खुला भर्ती तल फायदा तेहची वेल्ले पदलालची लोर पार्टी लोप्पा वातोर, अद्रमासी सीमान्त क्षेत्र लोप्पा पार्टी-सदस्य लोरा संख्या एकदम बेरसी दस हजार तुकू ज्यादा आता। पार्टी-शाखा ओसो जिला कमेटीगना नेतालोर ज्यादतर पूना सदस्य लोर मत्तोर, अदिन काजे पार्टी लोप्पा बेसता शिक्षा दोरकना मुश्किल मत्ता। पांडरी आतंक शुरू आतस्के, पदलोलुप लोर दूसरा पक्ष ते हत्तोर। मनोरकिन गिरफ्तार कियाना लोप्पा ओर प्रतिक्रियावादी लोरा मुन्ने-मुन्ने मत्तोर ओस पांडरी इलाकाना वेल्ले पार्टी-संगठन बिलकुन ठप आता। सितम्बर पेरके पार्टी लोप्पा वेल्ले सख्ती संगे सफाई कित्ताद मंता ओसो पार्टी-सदस्यता हियाना ता बारे ते शर्त तास्तोर। युंगशिन ओस निंगकांग काउंटींग ना सब्बे पार्टी-संगठन किन तोड़े कित्तोर ओसो वेंडे रेजिस्ट्रेशन कियाना काम शुरू आता। बारांक इत्तेके पार्टी-सदस्य लोरा संख्या वेल्ले कम मत्ता, मति सितम्बर महिना पेरके गुप्त संगठन बने कित्तोर, प्रतिक्रियावादी वातेके वेन्ने काम बंद आयनायो इंजी। ओसो माटू पूरा कोशिश कीसोरे मंदाकोम कि पांडरी इलाका ना लोप्पा दायना ओसो दुश्मन ता ग्रुप लोप्पा हंजी काम

कियाना। मति आसपास ता शहरकूने पार्टी-संगठन काजे इंजे बदे नींव वाटतद हिल्ले। इदिना कारण मुन्ने शहर लोप्पा दुश्मन ज्यादा शाक्तिशाली मत्ता, ओसो दूसरा शहर पोरो कब्जा कियानास्के मावा सेना पूंजीपति वर्ग ता हित कि वेल्ले नुक्सान आता, अदिन काजे पार्टी-सदस्य लोरा काजे अगा रोमाना मुश्किला आता। इंजे माटु गलतिंग सुधरे किया मंतोम ओसो शहर लोप्पा मना संगठन बने कियाना कोशिश किया मंतोम, मति इंजे अवनल बदे उल्लेखनीय सफलता दोरकताद हिल्ले।

पार्टी ता नेतृत्वकारी संगठन: शाखा कार्यकारिणी ता पोरोल शाखा कमेटी तासतद मत्ता। शाखा पोरो जिला कमेटी मंता ओसो जिला कमेटी पोरो काउंटी कमेटी मंता। विशेष रूप परिस्थिति लोप्पा जिला कमेटी ओसो काउंटी कमेटी ता नड़मा विशेष-जिला कमेटी वेन्ने बने कित्ताद मंता- युंगशिन काउंटी ता उत्तरी भाग ता विशेष-जिला कमेटी ओसो दक्षिण-पूर्वी भाग ता विशेष-जिला कमेटी। सीमान्त क्षेत्र लोप्पा निंगकांग, युंगशिन, ल्येनह्वा, स्वेइछवान ओसो लिंगश्येन लोप्पा कुल मिले कीसि पांच काउंटी कमेटींग मंता। छालिंग लोप्पा मुन्ने उंदी काउंटी कमेटी मत्ता। मति अगाटा काम सही तरीका ते आया परवो, अदिन काजे हत्ता इरगंम ओसो इद साल ता वसंत लोप्पा संगठन बने कित्ताद मत्ता, ओरा लोप्पाडल ज्यादातर किन पांडरी शक्तिंग खत्म कीतांग। ओसो हत्ता 6 महिना लोप्पा माटू निंगकांग ओसो युंगशिन हेरे ता मेट्टा इलाका लोप्पाने कामा किया परतोम। अदिन काजे काउंटी कमेटी किन विशेष-जिला कमेटी ता अनुसार दोबारा संगठित कित्ता मत्ता। मानोरकिन युओश्येन ओसो आनरन काउंटी लोप्पा लोहतद मत्ता। अगा छालिंग वेडंसीए एवा परितोम। ओर अगटल विफल आसी वातोरा। जनवरी लोप्पा वानआन काउंटी कमेटी मावा संगे स्वेइछवान लोप्पा संयुक्त मीटिंग आता। तान पेरके 6 महिना तुकू ज्यादा समय काजे पांडरी शक्तिंग मनगडल अलग कीतांग। सितम्बर लोप्पा लाल सेना छापामार युद्ध शुरू कियाला काजे वानआन एवतास्के, ताना संगे ओसो उंदी बेरा सम्पर्क आता। अस्सा क्रांतिकारी किसानाना मानोरा संगे चिंगकांगशान मेट्टा ने वातोरा। अनि

ओरकिन वानआन ता लाल रक्षक दल ता रूप ते संगठित कितद मत्ता। आनफू लोप्पा बदे पार्टी-संगठन हिल्वा मत्ता। युंगशिन ता सीमा तुकू तोकसी चीआन काउंटी ता पार्टी-कमेटी केवल रेंडू बेरा सम्पर्क आता, ओस आश्चर्य आया मंता कि मावा बदे सहायता कीवो। क्वेइतुंग काउंटी ता शाथ्येन इलाका लोप्पा मार्च ओसो अगस्त लोप्पा रेंडू बेरा जमीन बंटवारा आता। अगा पार्टी-संगठन बने कित्ताद मंता ओसो दक्षिणी हुनान ता विशेष कमेटी ता देखरेख ते काम किया मंतोम। इद विशेष कमेटी ता केंद्र लुंगशी का शअंगतुंग आंदू काउंटी कमेटी ना पोरो हुनान-च्यागंशी सीमा क्षेत्र ता विशेष कमेटी आंदू 20 मई ते निंगकांग ता माओफिंग लोप्पा सीमानंत क्षेत्र ता पहली पार्टी-कांग्रेस आता ओसो 23 सदस्य लोरा पहली विशेष कमेटी चुने कित्ता, ताना सचिव माओ त्सेतुंग किन बने कित्तोरा जुलाई लोप्पा हुनान प्रांतीय कमेटी यांग खाए-मिंग किन लोहता ओर कार्यवाहक सचिव बनेमातोर। सितम्बर लोप्पा यांग बीमार आतास्के थान चन-लिन ओना जागा ते वातोर। अगस्त लोप्पा लाल सेना ता मुख्य दलम दक्षिणी हुनान हंजी मत्ता ओसो पांडरी शक्तिंग सीमान्त क्षेत्र पोरो पूरा दबाव वाटसोरे मत्ता, अस्के माटू युंगशिन लोप्पा उंदी संकट-कालीन मीटिंग कीतोम। अक्तूबर ते लाल सेना निंगकांग वापिस वातोर अस्के माटू माओफिंग लोप्पा सीमान्त क्षेत्र ता दूसरा पार्टी-कांग्रेस केयताद मत्ता। इद कांग्रेस 14 अक्तूबर ते शुरू आता ओसो तीन दिव्या एवनल ताकता। ताना लोप्पा “राजनीतिक समस्यांग ओसो सीमांत क्षेत्रीय पार्टी-संगठन ता काम” लेक्काटा प्रस्ताव पास कीतद मत्ता ओसो दोड़ रास्ता उन्नीस सदस्य लोरा दूसरी विशेष कमेटी चुने कित्ताद मत्ता: थान चन-लिन, चू तेह, छन ई, लुंग छाओ-छिंग, चू छांग-च्ये, ल्यू थ्येनछ्येन, य्वान फान-चू थान स-छुंग, ली छवे-फेइ, सुंग ई-य्वे, य्वान वन-छाए, वांग च्वो-नुंग, छन चंग-रन माओ त्सेतुंग, वान शी-श्येन, वांग च्वो, यांग खाए-मिंग ओसो हो थिंग-इंग। वीरा लोप्पाडल पांच मुल ता उंदी स्थाई समिति बने कित्ताद मत्ता ताना सचिव थान चन-लिन (वरोर मजदूर) मत्तोर ओसो उप-सचिव छन चंग-रन (बुद्धिजीवी) मत्तोर। 14 नवम्बर ते लाल सेना ता चौथी फौजी कोर

ता छठी पार्टी-कांग्रेस आता ताना लोप्पा 23 सदस्य लोरा उंदी सेना-कमेटी चुने कित्ताद मत्ता। ओरा लोप्पाडल पांच सदस्य लोरा उंदी स्थाई समिति बनेमाता ताना सचिव चू तेह बने मातोर। सीमांत क्षेत्र ता विशेष कमेटी ओसो सेना-कमेटी, मोर्चा-कमेटी ता मातहत मंता। 6 नवम्बर ते मोर्चा-कमेटी किन पुनर्गठित आता। ताना लोप्पा पार्टी ता केंद्रीय कमेटी संगे पांच सदस्य मत्तोर: माओ त्सेतुंग, चू तेह, स्थानीय पार्टी-संगठन ता सचिव (थान चन-लिन), वरोर मजदूर (सुंग छयाओ-शंग), ओसो वरोर किसान (माओ ख-वन)। माओ त्सेतुंग किन कमेटी ता सचिव बनेमातोर। मोर्चा-कमेटी फिलहाल उंदी सचिवालय, उंदी प्रचार विभाग, उंदी संगठन विभाग, उंदी मजदूर आंदोलन कमीशन ओसो उंदी फौजी कमीशन निल्पी कित्ताद मंता। मोर्चा-कमेटी स्थानीय पार्टी-संगठन ता वने इंचारज मंता। विशेष कमेटी किन तासना इंजे वेन्ने जरूरी मंता, बारांक इत्तेके बस्के-बस्के मोर्चा-कमेटी किन सेना संगे दाया लागिंता। मावा हिसाब ते सर्वहारा वर्ग ता विचारधारात्मक नेतृत्व ता सवाल वेल्ले महत्वपूर्ण मत्ता। सीमान्त क्षेत्र ता काउंटिंग ना पार्टी-संगठन लोप्पा सब्बे सदस्य किसान मंतोर, ओर सर्वहारा वर्ग ता विचारधारात्मक नेतृत्व लेवा भटकेमायनूर। काउंटी-केंद्र ओसो दूसरा बेहरा कस्बा लोप्पाटा मजदूर आंदोलन पोरु पूरा ध्यान हियानाए आयवा मनकिन राजनीतिक सत्ता ता संगठन लोप्पा मजदूर प्रतिनिधि लोरा संख्या बने कियाना। सब्बे स्तर ते पार्टी ता नेतृत्वकारी संगठन लोप्पा वेन्ने मजदूर ओसो गरीब किसान लोरा संख्या बेरसी कियाना।

क्रांति स्वरूप ता समस्या

चीन ता बारे ते कम्युनिस्ट इन्टरनेशनल ता प्रस्ताव ता समर्थन किया मंतोमा। इंजे चीन पूंजीवादी-जनवादी क्रांति ता मंजिल ते मंता। चीन ता पूरा जनवादी क्रांति ता कार्यक्रम लोप्पा बाहरी काम मंता साम्राज्यवाद किन उलटना, ताना पूरा राष्ट्रीय मुक्ति हासिल किया परना इंजी, ओसो अंदरूनी काम मंता शहर लोप्पा दलाल-पूंजीपति वर्ग ता शक्ति ओसो प्रभाव किन

खत्म कियाना, भूमि-क्रांति किन पूरा कियाना, ताना लोप्पा ग्रामीण इलाका लोप्पा सामंती सम्बंध किन खत्म कियाना, ओसो युद्ध-सरदार लोरा सरकार किन पलटे कियाना। इद्रम ता जनवादी क्रांति पेरके समाजवाद ता संक्रमण कियाला काजे सही बुनियादी बने किया परमूडांता। सालमेंड जागा-जागा ते लड़ेमाता पेरके माटू इदिन किन सही तरीका ते समझेमातोम कि पूरा देशमेंड क्रांतिकारी ज्वार दोड़ दाया मंता।उंदी बगिल सुडला इलाका लोप्पा लाल राजनीतिक सत्ता निल्पी कीतोम, मति दूसरा बगिल पूरा देश ता जनता किन इंजे वेन्ने आम जनवादी अधिकार, मजदूर ओसो किसान लोर किन ओसो पूंजीवादी-जनावादी लोरकिन वेन्ने भाषण हियाना ओसो सभा कियाना आजादी हिल्ले ओसो कम्युनिस्ट पार्टी लोप्पा शामिल आयना सबसे बेहरा अपराध आंदू। बेगा लाल सेना दांता, अगाटा आम जनता तानकिन परेशान ओसो विरक्त दिसिंता, ओसो मावा प्रचार कित्ता पेरकेने तीरम-तीरम जागृत आंता। दुश्मन ता सेना बदे सेना मत्तेकाई ताना संगे मना किन मुश्किन लड़ाई लड़ेमाया लागिंता। दुश्मन-सेना लोप्पा मुश्किल तेने बदे बलवा या विद्रोह आंता। इदे दुश्मन ता छठी फौजी कोर पोरो वेन्ने लागू आंता, अद 21 मई ता घटना पेरके तानकु ज्यादा “विद्रोही” भर्ती कित्ता मत्ता। माकिन अकेलापन ता एहसास आंता। हर टाइम, जीवा लोप्पा पिस्वल ता अकेलापन खत्म कियाना इच्छा आंता। क्रांति किन उंदी प्रचंड देशव्यापी ज्वार लोप्पा बदले कियाना काजे इद जरूरी मंता कि जनवाद काजे राजनीतिक ओसो आर्थिक संघर्ष कियाना ताना लोप्पा शहरी निम्न-पूंजीपति वर्ग वने शामिल मंदांना।

इद साल फरवरी तुकू मुन्ने माटू निम्न-पूंजीपति वर्ग ता बारे ते मन्ना नीति अपेक्षाकृत सही तरीका ते लागू आता। मार्च लोप्पा दक्षिणी हुनान किन विशेष कमेटी ता प्रतिनिधि निंगकांग वातोर ओसो दक्षिण पक्ष बगिल दायना ओसो वेल्ले ज्यादा आगजनी ओसो मारकाट कियाना आयो, वेहतार ओसो आलोचना कित्तोर कि इंजे तथाकथित नीति किन लागू कियाना लोप्पा विफल आतोम कि “निम्न-पूंजीपति वर्ग लोरकिन सर्वहारा बने कियाना ओसो ओरकिन क्रांति लोप्पा तुरसना” इदिना पोरो मोर्चा-

कमेटी ता नेतृत्व बदले कित्तोर, ओसो मावा नीति बदले कित्तोर। अग्रैल लोप्पा मवा पूरा सेना सिमांत क्षेत्र लोप्पा वातास्के ज्यादा आगजनी-मारकाट आयो, मति वेल्ले सख्ती संगे शहर लोप्पा मध्यम व्यपारी लोरा सम्पत्ती जब्त कित्ताद मत्ता ओसो ग्रामीण लोप्पा सुडला जर्मीदार ओस धनी किसान लोरगडल पैसा वसूल कीतद मत्ता। दक्षिणी हुनान ता विशेष कमेटी “सब्बे कारखाना किन मजदूर लोरा कैदे हियाना” ता नारा पेश कीतद मत्ता, ताना वेन्ने व्यापक रूप ते प्रचार कित्ताद मत्ता। निम्न-पूँजीपति वर्ग पोरो हमला कियाना उग्रवामपंथी नीतिंग ज्यादातर लोकर किन स्थानीय निरंकुश तत्व, बुरे शरीफजादा लोरा बगिल तूरस्ता। अदिन काजे ओरो पांडरी फीता वाटतोर ओसो मावा विरोध कित्तोर। उचुन दिव्या मुन्ने इद नीति तीरम-तीरम बदलेमाता, अदिन काजे परिस्थिति वेन्ने तीरम-तीरम सुधरेमाया मंता। खासकर स्वेइछवान लोप्पा बेसता सफलता दोरकता: काउंटी-केंद्र ओसो दूसरा कस्बा लोप्पा व्यापारी लोर मावगडल कन्नी काटे कीवोर ओसो ओरा लोप्पा बचोनो लोकर लाल सेना ता तारीफ वेन्ने कींतोर। छाओलिन ता मेला लोप्पा (इद मेला 3 दिया ते उंदी बेरा दुपार ते आंता) बीस हजार मानेय जमा आंतोर, मति इद्रम बस्केने आयो। इद पोल्लो ता सबूत मंता कि मावा नीति इंजे सही मंता। स्थानीय निरंकुश तत्व, बुरे शरीफजादा लोर जनता किन वेल्ले टैक्स ओसो लेवीं ता बोजा वार्डितोर। स्वेइछवान ता शांति-स्थापक दल²² ह्वांगआओ तिंची पोयसी छाओलिन एवनल ता सत्तर ली लम्बा सड़क पोरो 5 चुंगियां वाटसी मत्तोर, खेती ता बदे वेन्ने उपज मुक्त हिल्वा मत्ता। माटु शांति-स्थापक दल किन खत्म कित्तोर ओसो इद सब्बे चुंगिया खत्म कित्तोर। इद्रम मनकिन सब्बे किसान ओसो मध्यम, सुडला व्यापारी लोरा समर्थन हासिल आता।

पार्टी ता केंद्रीय कमेटी आल्सा मंता कि माटु उंदी अद्रम ता राजनीतिक कार्यक्रम घोषित कियाना ताना लोप्पा निम्न-पूँजीपति वर्ग ते राय ता वेन्ने ध्यान हीसी मंदाना। ओसो माटु मना बगिल तिंची प्रस्ताव तासितोम कि सब्बे जागा ना मार्गदर्शन कियाना काजे पार्टी ता केंद्रीय

कमेटी पूरा जनवादी क्रांति ता उंदी कार्यक्रम तैयार कियाना ताना लोप्पा मजदूर लोरा राय, भूमि-क्रांति ओसो राष्ट्रीय मुक्ति ता ध्यान हीसी मंदाना।

चीन लोप्पा कृषि-अर्थव्यवस्था ता प्रधानता मंता, अगा क्रांति ता उंदी खास विशेषता मंता विद्रोह ता विकास कियाला काजे सेना ता इस्तेमाल कियाना। पार्टी ता केंद्रीय कमेटी किन माटू सूझाव हींतोम कि अद फौजी समस्या लोप्पा वेल्ले जोर वाटना।

स्वतंत्र शासन-व्यवस्था लोप्पा इलाका ता समस्या

उत्तरी क्वांगतुंग तिंची हुनान ओसो किआंगशी इलाका ना सीमा तगडल दक्षिणी हुपे एवनल फैले माता इलाका, अद पूरा लोश्याओ मेट्टाना प्रदेश लोप्पा मंता। माटू पूरा मेट्टांग वेलियतोम, ओसो ताना अलग-अलग हिस्सा किन हूडतास्के मनकिन समझेमाता कि ताना नडमाता हिस्सा, इदिना केंद्र निंगकांग मंता अगा मावा सशस्त्र स्वतंत्र शासन-व्यवस्था काजे सबसे अनुकूल परिस्थिति मंता। उत्तरी हिस्सा ता धरातल मुन्ने दायला ओसो मन्ना रक्षा कियाला काजे अचोन अनुकूल हिल्ले बचोन नडमा ता हिस्सा मंता। उत्तरी हिस्सा दुश्मन ता बेहरा राजनीतिक केंद्र ता पक्काए गरे मंता। छांगशा या ऊहान पोरो जल्दी अधिकार कियाना योजना बने कियाना, अस्के एवनल ल्यूयांग, लीलिंग, फिंगश्यांग ओसो थुंगकू ता इलाका लोप्पा बेहरा सेना तासना खतरनाक आयर। उत्तरी भाग तिंचि दक्षिणी भाग ता जागा वेल्ले बेस मंता, मति नडमा ता हिस्सा लोप्पा मंदानाचोन, अगा जन-आधार अचोन बेस हिल्ले। राजनीतिक दृष्टिकोण ते दक्षिणी हिस्सा ओसो हुनान किआंगशी पोरो मध्य भाग ता अचोन प्रभावित किया परवो, अगाटा हर कार्वाई ता प्रभाव रेंडासी इलाका ता दोडता हिल्का-डोड्डांग पोरो अरिंता। मध्य हिस्सा ता अनुकूलता - 1) जन-आधार बने कियाला काजे साल तुकू ज्यादा समय पोयता, 2) पार्टी-संगठनकुना काजे पक्काए बेसता आधार, 3) स्थानीय सशस्त्र सेना-दल, अदिना निर्माण माटू इगा सालमेंड तुकू ज्यादा समय लोप्पा कीतद मत्ता। ओसो बद संघर्ष ता अनुभव मंता- इद उंदी असाधारण सफलता आंदू, लाल सेना ता चौथी

फौजी कोर संगे कलियसी इद स्थानीय सशस्त्र सैना-शक्तिंग बदे वेन्ने दुश्मन-सेना काजे जीडना लेक्का हिल्ले, 4) उंदी बेसता फौजी आधार-क्षेत्र- चिंगकांगशान मेड्रा, ओसो सब्बे काउंटिंग लोप्पा स्थानीय सशस्त्र सेना-दलकुना आधार-क्षेत्र, 5) इव रेंडासी इलाका पोरो ओसो अविना मुख्य डोड्डांग ना दोड़ता घाटिंग पोरो प्रभाव अरिंता। दक्षिणी हुनान या दक्षिणी किआंगशी केवल उंदे इलाका पोरो मत्तेकाई पोरोटा डोड्डांग-घाटिंग ओसो इलाका ता पेरके मंदाना इलाका पोरो प्रभाव अरिंता। इदिना हिसाब ते इद हिस्सा ता राजनीतिक महत्व वेल्ले मंता। मध्य भाग ता कमी बाता इत्तेके इद इलाका किन वेल्ले दिव्या एवनल स्वतंत्र शासन-व्यवस्था ता कब्जा ते मत्ता कारण ते “घेराव कियाना ओसो खत्म कियाना” दुश्मन ता सेना ता सामना किया लागिंता अदिन काजे आर्थिक समस्या, खासकर नकदी पैसा ता समस्या, अगा वेल्ले गंभीर रूप ते मंता।

मावा कार्रवाई ता योजनांग ना सम्बंध ता बारे ते, हुनान ता प्रांतीय कमेटी जून ओसो जुलाई लोप्पा उचुक हप्तंग लोप्पा मूंड बेरा तन्ना राय बदले कित्ता। मुन्ने य्वान त-शंग ओसो लोश्याओ मेड्राना नडमा मावा राजनीतिक सत्ता निल्पी कियाना योजना किन मानेमाताद मत्ता। ताना पेरके तू श्यू-चिंग ओसो यांग खाए-मिंग आए ओसो इद प्रस्ताव तास्तद मत्ता कि लाल सेना पेरके-मुन्ने आयवा लेवा दक्षिणी हुनान बगिल दायना ओसो लाल रक्षक दल संगे कलियसी सीमांत क्षेत्र ता रक्षा कियाला काजे सिर्फ 200 तुपई मंदाना सैनिक लोर किन पेरके विडसना। इत्तेके ओरू इद नीति किन “एकदम सही” इंतोरा मुश्किल ते दस दिया लोप्पा ने तीन बेरा य्वान-त-शंग वेंडे वातोर। मावा काजे ओर चिडिंग तत्तोर। अविना लोप्पा वेल्ले झगडांग संगे सुझाव वेन्ने हीताद मत्ता कि लाल सेना पूर्वी हुनान दायाना इंजी, अदिन काजे वेन्ने इद “एकदम सही” नीति मंता इंजी वेहतद मत्ता, ओसो इदिन पोरो “पेरके-मुन्ने आयवा लेवा” अमल कियाना इंजी वेन्ने वेहतद मत्ता। माकिन इद्रम ता कठिन आदेश दोरकना शुरू आतास्के, माटू निज्जमे परेशान आतोम। अविनकिन मानेयनायो इत्तेके आदेश ता उल्लंघन कियाना ओसो मानेमायना इत्तेके हारेमायनदु पक्का मंदिंता।

दूसरा चिट्ठी वातास्के, इत्तेके सेना-कमेटी, विशेष कमेटी ओसो युंगशिंग काउंटी कमेटी उंदी संयुक्त सम्मेलन किता ताना लोप्पा दक्षिणी हुनान दायना खतरनाक समझेमामाताद मत्ता ओसो फैसला कीतद मत्ता कि प्रांतीय कमेटी ता प्रस्ताव पोरों अमल कियानायो इंजी। मति उचुन दिव्या पेरके तू श्यू-चिंग ओसो यांग खाए-मिंग ओसो उंदी बेरा प्रांतीय कमेटी ता प्रस्ताव पोरो जोर हीतोर अनि 29वीं रेजीमेंट ता सैनिक लोरा लोन वापिस दायना विचार ता फायदा तेहची छनचओ पोरो हमला कियाला काजे लाल सेना किन पिङ्गसी ओतोर। इद्रम सीमान्त क्षेत्र ओसो लाल सेना किन हार ता सामना किया लागता। लाल सेना तन्ना लगभग आधा सैनिक लोरकिन पोहता, दुश्मन सीमांत क्षेत्र लोप्पा वेल्ले लोहकिन बोडस्तोर ओसो वेल्ले लोकुर किन हौक्तोर, उंदी ना उंदी काउंटी पोरो दुश्मन ता कब्जा आता, अविना लोप्पाडल उचुन काउंटिंग इंजे वेन्ने दुश्मन कैदेने मंतांग। पूर्वी हुनान बगिल दायना ता बारे ते, बस्के एवनल हुनान-हुपे ओसो किआंगशी इलाका ना स्थानीय निरंकुश तत्व, बुरे शरीफजादा लोरा राजनीतिक सत्ता लोप्पा फूट अरवो अस्के एवनल लाल सेना ता मुख्य शक्तिंग ना अद बगिल दायना बेस आयो आयर। जुलाई ते दक्षिणी हुनान बगिल हनवेके, सीमांत क्षेत्र अगस्त ता विफलता तुकू बचेमासी मन्नेम, ओसो माटू किआंगशी इलाका ता चांगशू लोप्पा क्वोमिंगतांग ता छठी फौजी कोर ओसो वांगच्युन ता क्वोमिंगतांग सेना ता नडमा आता युद्ध ता फायदा तेहची युंगशिन लोप्पा दुश्मन-सेना किन वेन्ने खत्म कीसि मनेम ओसो चीआन, आनफू ते मुन्ने हंजी मनेम, मावा हिरावल दस्ता फिंगश्यांग एवसी मनवड़ ओसो लोश्याओ मेड्डा ना उत्तरी भाग लोप्पा लाल सेना ता पांचवीं फौजी कोर तिंचि सम्पर्क बने कीसि मनवड़। इद्रम आत्तेकाई मावा काजे माटु मन्ना हेडक्वार्टर निंगकांग लोप्पा ने निल्पी कियाना ओसो पूर्वी हुनान लोप्पा सिर्फ छापामार युनिट किने लोहची मत्तेके ने बेस आसी मनवड़। बारांकु इत्तेके स्थानीय निरंकुश तत्व, बुरे शरीफजादा लोरा लोप्पाटा आपसी युद्ध शुरू आयवा मत्ता ओसो दुश्मन ता शाक्तिशाली सेना इंजे वेन्ने हुनान ता सीमा पोरो फिंगश्यांग, छालिंग ओसो याओश्येन

लोप्पा मत्ता, अदिन काजे माटू मन्ना मुख्य शक्तिंग किन उत्तर बगिल लोहतेके दुश्मन किन मावा पोरो हमला कियाना मौका दोरकसी मनवड़ा। पार्टी ता केंद्रीय कमेटी माकिन पूर्व या दक्षिण बगिल दायना ता बारे ते आल्सना इंजी वेहता, मति अमल कियाना लोप्पा पूर्व ओसो दक्षिण बगिल दायना लोप्पा खतरा मत्ता। पूर्वी हुनान बगिल दायना अभियान असफल आसी मत्ता। इद कैता अनुभव हमेशा सुरता तासना लेक्का मंता।

इंजे माटू उंदी इद्रम ता परिस्थिति लोप्पा मंतोम, मति स्थानीय निरंकुश तत्व, बुरे शरीफजादा लोरा वर्ग ता शासन लोप्पा फूट अरताद हिल्ले ओसो “दमन कियाना” काजे सीमांत क्षेत्र ता नालुंग बगिल ता दुश्मन सेना तैनात कित्ताद मत्ता तान लोप्पा इंजे वेन्ने दस तुकू ज्यादा रेजीमेंट मंता। मति नकद पैसा हासिल कियाना ता बारे ते बदे हरीं (फिलहाल तिंदाना ओसो कपड़ा ता बदे बेहरा समस्या हिल्ले) दोरकतेके सीमांत क्षेत्र लोप्पा मावा काम ता आधार पोरो निर्भर आसी दुश्मन ता बेहरा-बेहरा सेना ता सामना किया परिंतोम। सीमांत क्षेत्र ता सम्बंध ते उंदी बेरा लाल सेना पेरके गुचतेके अगस्त लेक्का सत्यानाश ता तुरंत सामना किया लागियर। मावा सब्बे लाल रक्षक दल खत्म आयो आयर, मति पार्टी ओसो जन-समुदाय ता आधार किन वेल्ले नुक्सान आयर। उचुक मेट्टा इलाकांग लोप्पा स्वतंत्र शासन-व्यवस्था किन निल्पी किया परिंतोम, मति मैदान ते मनम सब्बेतोर किन अगस्त ओसो सितम्बर ते आता लेक्का अंडर-ग्राउंड आसी काम किया लागियर। लाल सेना इगा तिंचि पेरके गुचवेके मन्ना मंदाना आधार ता सहायता ते माटु तीरम-तीरम आसपास ता सब्बे इलाकांग लोप्पा फैलेमाया परिंतोम। मावा वायना कालम बेसता कालम बनेमाया परिंता। लाल सेना ता विकास काजे उंदे तरीका मंता कि - चिंगकांगशान मेट्टा ना आसपास, इत्तेके निंगकांग, युंगशिन, लिंगश्येन ओसो स्वेइछवान काउंटिंग लोप्पा मंजी, अगा मावा जन-आधार मंता, ओसो हुनान, किआंगशी ता दुश्मन ना हित लोप्पा टकराव ता फायदा तेहची अविन किन नालुंग बगिल तिंचि रक्षा किया लागिंता ओसो इद हिसाब ते अव तम्मा शक्ति किन केंद्रित किया परवो, दुश्मन संगे

दीर्घाकालीन संघर्ष कियाना। सही कार्यनीति लागू कीसि, बद लड़ाई ते मनम जीड़ा परवोम, ओसो दुश्मन ता सैनिक ओसो हथियार किन मन्ना कब्जा किया परवोम अद्रमता बदे लड़ाई लड़ेमायनायो, इद्रमे माटू तीरम-तीरम लाल सेना किन बर्सी किया परितोमा। अप्रैल तिंची जुलाई एवनल सीमांत क्षेत्र ता जन-समुदाय लोप्पा किता तैयारिंग किन हूडूसी लाल सेना ता मुख्य दलम दक्षिणी हुनान बगिल हनवेके, लाल सेना जरूर अगस्त लोप्पा तन्ना विकास किया परसी मनवड़ा। इद गलती आता, मति इंजे लाल सेना सीमांत क्षेत्र लोप्पा वापिस वाता अगाटा धरातल ओसो जन-आधार परिस्थिति अनुकूल मंता, अदिन काजे मुन्ने ता सम्भावनांग इंजे वेन्ने गलत हिल्लेंगा। लाल सेना किन सीमांत क्षेत्र लेक्काटा जागा ते संघर्ष कियाना संकल्प कियाना पहिजे, ओसो लड़ाई लोप्पा डटेमासी मंदाना क्षमता बेरसी कियाना पाहिजे। अस्केने अद तन्ना अस्त्र-शस्त्र बेरसी किया परिता ओसो ट्रेनिंग हीसी बेसता सैनिक लोरकिन तैयार किया परिता। सालमेंड सीमांत क्षेत्र लोप्पा लाल झंडा ऊंगसोरे मत्ता। लाल झंडा हुनान, हुपे ओसो किआंगशी इलाका लोप्पा ओसो पूरा देश ता स्थानीय निरंकुश तत्व, बुरे शरीफजादा लोरा वर्ग ता तीव्र विरोधी बने मातेकाई अद गरे ता इलाका ना मजदूर, किसान ओसो सिपाही लोरा आशांग किन वेन्ने तीरम-तीरम तेहता। इंजे सिपाही लोरा बारे ते हूड़ाटू। बारांक इत्तेके युद्ध-सरदार लोरा सीमांत क्षेत्र लोप्पा “डाकु लोरकिन खत्म कियाना” अभियान किन तम्मा मुख्य काम घोषित किया मंतोरा। ओसो “डाकु लोरकिन खत्म कियाना अभियान लोप्पा सालमेंड पोयता ओसो दस लाख ख्वान खर्च आता” (लू ती-फिंग) लेक्काटा बयान हीसोरे मंतोरा, लेवेके लाल सेना ते “20,000 सैनिक ओसो 5,000 बंदूक मंता इंजी वेहितोर” (वांग च्युन), अदिन काजे इद्रमता दुश्मन किन सिपाही ओसो हताश मंदाना दोड़ता ऑफिसर लोरा ध्यान तीरम-तीरम मावा बगिल वांता, ओसो अविना लोप्पाडल ज्यादतर लोकर मावा संगे वायाला काजे दुश्मन तल सम्बंध देहितोर। इद्रम लाल सेना ता विकास काजे ओसो उंदी स्रोत दोर्कता। संगेने, सीमांत क्षेत्र लोप्पा लाल झंडा बस्केने रेयवा कारण ते केवल कम्युनिस्ट पार्टी ताए ताकते

दिस्सो, शासक वर्ग ता कमजोर आयाना वेन्ने दिंस्सिंता। पूरा देश ता राजनीति लोप्पा इदिना वेल्ले महत्व मंता। अदिन काजे मावा हमेशा इदे राय मंता कि लोश्याओ मेट्टा ता नडुमा हिस्सा लोप्पा लाल राजनीतिक सत्ता ता निर्माण ओसो विस्तार कियाना वेल्ले जरूरी ओसो सही मंता।

नोट

1. इद युद्ध अक्तुबर 1927 लोप्पा आता।
2. इद युद्ध नवम्बर ओसो दिसम्बर 1927 ते आता।
3. लाल सेना लोप्पा सिपाही लोरा प्रतिनिधि-सम्मेलन ओसो सिपाही-कमेटींग ना व्यवस्था पेरके खत्म आता। मति 1947 लोप्पा जन-मुक्ति सेना लोप्पा कार्यकर्ता लोरा नेतृत्व ते काम कियाना सैनिक-सम्मेलन ओसो सिपाही-कमेटींग ना व्यवस्था निल्पी कित्ताद मंता।
4. “ली” लम्बाई ता उंदी चीनी नाप आंदू अद 0.5 किलोमीटर ता बराबर आंता—अनु.
5. इदु कामरेड ये थिंग ओसो कामरेड हो लुंग ना नेतृत्व ते ताकना सेना मत्ता, अद 1 अगस्त 1927 ते नानछांग विद्रोह लोप्पा शामिल आसी मत्ता (इद ये थिंग ना सेना-दल ता बारे ते हूडाटू: नोट15)। क्वांगतुंग हेरे मंदाना छाऊचओ ओसो शानथओ पोरो हमला कियानास्के ओरकिन हारे कित्तोर। ओरा उंदी हिस्सा चूटे, लिन प्याओ ओसो छन ई लेक्कटा कामरेड लोरा नेतृत्व ते क्वांगकतुंग तिंची पेरके गुचता। अद सेना अप्रैल 1928 लोप्पा चिंगकांगशान मेट्टा पोरो कामरेड माओ त्सेतुंग ना सेना संगे कलियता।
6. 1927 ता क्रांतिकारी दिया ने ऊछांग ता राष्ट्रीय सरकार ता रक्षा रेजीमेंट ता वेल्ले कार्यकर्ता लोर कम्युनिस्ट पार्टी सदस्य मत्तोर। वांग चिंग-वेइ ओसो ओना दोस्त लोर क्रांति ता गदारी कित्ता पेरके, नानछांग विद्रोह लोप्पा शामिल आयला काजे जुलाई 1927 ता आखरी ते इद रेजीमेंट ऊछांग तिंची पेस्ता। हर्दे समाचार दोरकता कि विद्रोह कियाना सेना नानछांग ता दक्षिण बगिल हत्ता। ताना पेरके इद रेजीमेंट श्यूश्वेइ हंजी फिंगच्यांग ओसो ल्यूयांग ता किसान-सेना संगे कलियता।
7. 1927 ता वसंत कालम ते हुनान इलाका ता फिंगच्यांग ओसो ल्यूयांग इलाका ता किसान लोरा वेल्ले मजबूत सशस्त्र सेना संगठित कित्ताद मत्ता। 21 मई ते श्री ख-श्यांग छांगशा लोप्पा प्रतिक्रांतिकारी क्रांति कित्तोर ओसो क्रांतिकारी जन-समुदाय ता कत्लेआम कित्तोर। प्रतिक्रांतिकारी लोरा पोरो जवाबी हमला

कियाला काजे 31 मई ते फिंगच्यांग ओसो ल्यूयांग इलाका ता किसान-सेना छांगशा बगिल हता, मति अवसरवादी छन तू-श्यू ता रोके कित्ता पेरके अद पेरके गुचता। इद्रम कित्ता पेरके ताना उंदी हिस्सा छापामार युद्ध ताकी कियाला काजे स्वतंत्र रेजीमेंट ता रूप ते पुनर्गठित कियमूडाता। 1 अगस्त ता नानछांग विद्रोह पेरके इद किसान-सेना श्यूस्येइ, थुंगकू, फिंगच्यांग ओसो ल्यूयांग ता इलाका लोप्पा ऊछांग ता भूतपूर्व राष्ट्रीय सरकार ता रक्षा कियाना रेजीमेंट संगे कलियता ओसो फिंगश्यांग ता कोयला-खदान ता हथियारबंद मजदूर लोरा संगे कलियसी ओरु इंगम कालम ता-फसल विद्रोह कित्तोर। अक्तुबर लोप्पा कामरेड माओ त्सेतुंग इद विद्रोह कियाना सेना किन चिंगकांगशान मेट्टा ते ओतोर।

8. 1928 ता शुरूआत ते कामरेड चूटे दक्षिणी हुनान लोप्पा क्रांतिकारी छापामार युद्ध ता नेतृत्व कीसोरे मत्ता, ईचांग, छनचाओ, लेइयांग, युंगशिंग ओसो चिशिंग काउंटिंग लोप्पा, अगाटा किसान लोर आंदोलन ता नींव वाटसी मत्तोर, किसान-सेना ता चिंगकांगशान मेट्टा ते हत्तोर।
9. हुनान इलाका ता छांगनिंग काउंटी लोप्पा श्वेइखओशान तन्ना सीसा ता खदान काजे प्रसिद्ध मत्ता। 1922 लोप्पा अगाटा खदान-मजदूर लोर कम्युनिस्ट पार्टी ता नेतृत्व लोप्पा मजदूर संघ निल्पी कित्तोर, ओरु बचोनो साल एवनल प्रतिक्रांतिकारी लोरा खिलाफ संघर्ष कीसोर मत्तोर। 1927 लोप्पा इंगम कालम ता-फसल विद्रोह ता पेरके ओरा लोप्पाडल वेल्लेटोर लाल सेना लोप्पा भरती आतोर।
10. किआंगशी इलाका ता फिंगश्यांग काउंटी ता आनय्वान कोयला-खदान, ताना लोप्पा लगभग 12 हजार मजदूर काम कींदुर, हान-ये-फिंग लोहा-इस्पात कम्पनी ता मिलकियत मत्ता। 1921 लोप्पा चीनी कम्युनिस्ट पार्टी ता हुनान प्रांतीय कमेटी तन्ना कार्यकर्ता लोरकिन अगा लोहाना शुरू कित्ता, अगा पार्टी-संगठनकु ओसो उंदी मजदूर संघ ता गठन कित्तोर।
11. 1929 लोप्पा लाल सेना लोप्पा पार्टी-प्रतिनिधि ता पोरोल बदले कीसि राजनीतिक कमिसार कित्तोर। 1931 ते कम्पनी ता राजनीतिक कमिसार ता पोरोल बदले कीसि राजनीतिक निर्देशक कित्तोर।
12. फौज ता खर्च ताकिकियाला काजे “स्थानीय निरंकुश तत्वनगडल जुर्माना वसूल कियाना” केवल उंदी अस्थाई तरीका मत्ता। फौज ता विकास ओसो इलाका ता प्रसार संगे-संगे फौज ता खर्च तेंडला काजे कर वाटना जरूरी आता।
13. इद तरीका लाल सेना लोप्पा वेल्ले दिया एवनल ताकता। अस्के इद जरूरी मत्ता। मति मुन्ने हंजी अफसर ओसो सिपाही लोरा बारे ते ओरा स्तर ता अनुसार उचुन अलग व्यवहार कित्तोर।

14. इगा कामरेड माओ त्सेतुंग क्रांतिकारी सेना लोप्पा उचुन समय एवनल जनवाद पोरो अमल कियाना जरूरत आतास्के ज्यादा जोर हीतोर, बारांक इतेके लाल सेना ता शुरूआत ते जनवाद पोरो जोर हिवा लेवा किसान रंगरूट (पूना भर्ति आतोर) ओसो पोयता पांडरी सैनिक लोरा लोप्पाडल क्रांतिकारी खुशी पैदा कियमूडंता ओसो कार्यकर्ता लोरकिन प्रतिक्रियावादी सेना ता युद्धपतिवाद प्रभाव तिंची मुक्त किया परमुड़ायो आसी मनवड़। सेना लोप्पा जनवाद पोरो सैनिक अनुशासन ता सीमा लोप्पा मंजी अमल कियाना। इद्रम कीतेके अनुशासन किन दृढ़ बनेमांता। अदिन काजे सेना लोप्पा जरूरी जनवाद किन विकसित कियाना संगे-संगे अतिजनवाद ता मांग किन, इतेके अनुशासनहीतना ता विरोध कियाना। इद्रमता अनुशासनहीनता लाल सेना ता शुरूआत ते गंभीर रूप एतसी मत्ता। सेना लोप्पा अतिजनवाद ता विरुद्ध कामरेड माओ त्सेतुंग ना संघर्ष ता बारे: “पार्टी लोप्पा गलत विचारकुना विरोध कियाना ता बारे ते” इद लेख लोप्पा हूडाटु।
15. 1926 ता उत्तरी अभियान लोप्पा कामरेड ये थिंग ना जिम्मेदारी उंदी स्वतंत्र रेजीमेंट मत्ता। इद रेजीमेंट ता मोरकुल कम्युनिस्ट मत्तोर। इद रेजीमेंट लडेमायना लोप्पा वेल्ले कुशल सेना ता रूप ते प्रसिद्ध आता। क्रांतिकारी सेना ता ऊछांग पोरो कब्जा किता, तानकिन बेरसी कीसि 24वीं डिवीजन बने कित्तोर ओसो नानछांग विद्रोह परेके तानकिन बेरसी कीसि 11वीं फौजी कोर बने किताद मत्ता।
16. मुन्नेता अनुभव तिंचि इद समझेमातोम कि लाल सेना लोप्पा एक तिहाई मानेय पार्टी-सदस्य मतेके काम ताकिंता। लाल सेना लोप्पा ओसो परेके जन-मुक्ति सेना लोप्पा आम रूप ते इद अनुपात अद्रमे तास्तद मत्ता।
17. च्यांग काई-शेक ओसो वांग चिंग-वेइ संगे हुनान लोप्पा क्वोमिंगतांग ता प्रतिक्रांतिकारी सेना नायक श्वी ख-श्यांग ओसो च्येन लेक्काटोर 21 मई 1927 ते छांगशा लोप्पा मजदूर संघ किसान संगठन ओसो दूसरा क्रांतिकारी संगठनकुना प्रांतीय हेडक्वार्टर पोरो हमला कियाना आदेश हितोर। कम्युनिस्ट ओसो क्रांतिकारी मजदूर, किसान लोर किन गिरफ्तार कित्तोर ओसो ओनकिन होत्तोर। इद क्वोमिंगतांग ता रेंडु प्रतिक्रांतिकारी ग्रुप- ऊहान ग्रुप नेता वांग चिंग-वेइ मत्तोर ओसो नानकिंग ग्रुप ता नेताल च्यांग काई-शेक मत्तोर – इदु ओरा नडमा खुला सहयोग कियाना घोषणा मत्ता।
18. इद हुनान-किआंगशी सीमांत क्षेत्र लोप्पा 1928 लोप्पा भूमि-कानून ता उंदी धारा मत्ता। कामरेड माओ त्सेतुंग परेके वेहतोर कि जमींदार लोरा जमीन जब्त कियाना विडसी पूरा जमीन जब्त कियाना उंदी हिसाब ता गलती मत्ता। अद भूमि ता संबंध ता संघर्ष ता अनुभव ता कमी ता कारण ते पुटसी मत्ता। अप्रैल 1929 लोप्पा शिंगक्वो काउंटी ता भूमि-कानून लोप्पा “पूरा जमीन जबता

- कियाना” नियम बदली कीसि “सार्वजनिक जमीन ओसो जमींदार वर्ग का जमीन जब्त कियाना” नियम बने कित्तोर।
19. देहात लोप्पा मध्यवर्ती वर्ग किन तम्मा पक्ष ते काम ता महत्व हीसी कामरेड माओ त्सेतुंग इद वर्ग पोरु जरूरत तुकू ज्यादा हमला कियाना गलत नीति किन जल्दी सुधरे कित्तोर। अव उचुन इद लेख लोप्पा वेहताद मंता, मध्यवर्ती वर्ग ता बारे ते लागू कित्ता नीति ता बारे ते कामरेड माओ त्सेतुंग ना विचार दोड़ रास्ता दस्तावेज लोप्पा वेन्ने दोरकितांगः लाल सेना ता चौथी फौजी कोर ता छठी पार्टी-कांग्रेस (नवम्बर 1928) ते तास्ता प्रस्ताव (ताना लोप्पा “अन्धाधुंध किस वाटना ओसो हौकना-कोहकना कियाना बंद कियाना” ओसो “मध्यम, सुडला व्यापारी लोरा हित ता रक्षा कियाना” वेन्ने शामिल मंता), जनवारी 1929 ते लाल सेना ता चौथी फौजी कोर ता घोषणा (ताना लोप्पा ऐला कित्ताद मत्ता कि “शहर ता तीरम-तीरम तम्मा कमाई जमा कियाना व्यापारी लोर किन बस्के एवनल मन्ना आदेश मानेमांतोर अस्के एवनल अलग छूट हीसोरे मंदाना”), अप्रैल 1929 ते शिंगक्वो काउंटी ता भूमि-कानून (इद लेख ता नोट 18) मंता।
 20. क्रांतिकारी युद्ध ता विकास कियाला ओसो क्रांतिकारी आधार-क्षेत्र ता विस्तार कितेके, उद्योग-धंधा, व्यापार ता रक्षा कियाला काजे क्रांतिकारी सरकार ता लागू कित्ता नीतिंग संगे इद परिस्थिति किन बदले कियमूडांता, कि राष्ट्रीय उद्योग-धंधा ओसो व्यापार ता दृढ़ता संगे रक्षा कियाना ओसो उग्रवामपंथी नीतिंग ना विरोध कियाना।
 21. जमीन तूसना लोप्पा श्रमशक्ति किन मापदंड बने कियाना सही हिल्ले। लाल इलाका लोप्पा वेल्ले दिव्या एवनल जमीन किन परिवार ता सदस्य लोरा संख्या ता अनुसारे तूस्तद मंता।
 22. “शांति-स्थापना दल” उंदी हिसाब ता स्थानीय प्रतिक्रांतिकारी सेना-दल मत्ता।

पार्टी लोप्पा गलत विचार किन सुधरे कियाना ता बारे ते

दिसम्बर 1929

इद उंदी प्रस्ताव आंदू इदिन कामरेड माओ त्सेतुंग लाल सेना ता चौथी फौज ता नौवीं पार्टी-कांग्रेस काजे रास्तोर। चीनी जानता ना सेना ता निर्माण काम उंदी मुश्किल काम मत्ता। चीन लाल सेना (जपानी-आक्रमण-विरोधी युद्धताकनास्के आठवीं राह सेना, पूना चौथी सेना बनेमाता ओसो इंजे जन-मुक्ति सेना इंतोम) ता स्थापना 1 अगस्त 1927 ते नानछांग विद्रोह आतास्के कित्ताद मत्ता, ओसो दिसम्बर 1929 एवनल तानकिन निल्पी कीसि दो साल तुकू ज्यादा आसी मत्ता। इंजे लाल सेना लोप्पा मंदांना कम्युनिस्ट पार्टी संगठन बचोनो रकम ता गलत विचार कुना विरोध कीसोरे वेल्ले करियता ओसो वेल्ले बेसता अनुभव हासिल कित्ता। कामरेड माओ त्सेतुंग ना रास्ता प्रस्ताव इवे अनुभवकुना सार आंदू इद प्रस्ताव लाल सेना ता निर्माण ता काम किन पूरा मार्क्सवादी-लेनिनवादी आधार बने कित्ता ओसो पाइना फौज ता सब्बे प्रभाव किन खत्म कित्ता। इद प्रस्ताव किन केवल लाल सेना ता चौथी फौजी कोर लोप्पा ने आयो, लाल सेना पेरके-मुन्ने ता सब्बे युनिटकुना लोप्पा वेन्ने अमल कित्ताद मत्ता। इद्रम पूरा चीनी लाल सेना पूरा ओसो सही तरीका ते जनता ना फौज बनेमाता। हत्ता बीस सालकुनल वेल्ले समय ते चीनी जनता ना सेना तन्ना पार्टी-कामकाज ओसो राजनीतिक काम लोप्पा वेल्ले बेहरा सफलता हासिल कित्ता ओसो पूना सृजन कित्ता। अद इंदे पूरा एडसी बिल्कुल पूना बनेमाता लेक्का आता। मति बुनियादी कार्यदिशा इंजे वेन्ने अदे मत्ता, इद प्रस्ताव ताना पोरने आधार आसी मत्ता।

लाल सेना ता चौथी फौजी कोर लोप्पा कम्युनिस्ट पार्टी संगठन ते रक-रकम ता गैर-सर्वहारा विचारकु मंतांग, अव पार्टी ता सही कार्यदिशा किन लागू कियाना लोप्पा वेल्ले अइचन पुट्टी कींतांग। अविन किन पूरा सुधरे कीवेके, लाल सेना ता चौथी फौजी कोर किन चीन ता महान क्रांतिकारी संघर्ष ता सौंपे कित्ता जिम्मेदारी किन पूरा किया परवो आयर। चौथी फौजी

कोर ता पार्टी-संगठन लोप्पा मंदांना अलग-अलग गलत विचार कुना मोदोल ताना बुनियादी इकाई लोप्पा वेल्ले मुल किसान ओसो निम्न-पूंजीपति वर्ग तिंचि वातद मंता, मति पार्टी ता नेतृत्वकारी संगठन इव गलत विचार कुना खिलाफ उंदी आसी हिम्मत कीसि वेल्ले संघर्ष कीवो ओसो पार्टी ता सही कार्य-दिशा ता बारे ते सदस्य लोरकिन परताचोन शिक्षा हिया परवो अदिन काजे इद्रमता गलत विचारकु मत्तांग ओसो बेरसोर मत्तांग। पार्टी ता केंद्रीय कमेटी ता सितम्बर ता चिट्टी अनुसार, कांग्रेस चौथी फौजी कोर ता पार्टी-संगठन लोप्पा रक-रकमता गैर-सर्वहारा विचारकु बद-बद रकम ते दिसिंतांग, अविना स्रोत बातल मंता, ओसो अविन किन बद्रम सुधरे कियाना, ओसो सब्बेतोरकिन आह्वान किया मंता कि ओर इद्रमता विचार किन पूरा खत्म कियाना इंजी।

विशुद्ध सैनिक दृष्टिकोण ता बारे ते

लाल सेना ता बचोन मुल लोप्पा विशुद्ध सैनिक दृष्टिकोण असाधारण रूप ते फैले माता। अद इव रूपकुना लोप्पा दिसिंता।

1. वीर फौज ता समस्या ओसो राजनीति किन उंदीनकु-उंदी ता विरोधी आल्सिंतोर ओसो इनकार कींतोर कि फौजी कबस्कु राजनीतिक काम पूरा कियाला काजे सब्बे तरीकांग लोप्पाडले उंदी तरीका मंदिंता। उचुन मुल आल्सिंतोर कि “मीटू फौजी काम कुना लोप्पा बेस मत्तेके, स्वाभाविक रूप ते राजनीति लेप्पा वेने बेस मंदाकीर” “मीटू फौज लोप्पा बेस हिल्वेके, राजनीति लोप्पा वेन्ने बेस मनविर आयकिर”- उंदी डाका मुन्ने हंजी राजनीति किन फौजी कबस्कुना दौड़ तासिंतोर।
2. ओरु आल्सिंतोर कि लाल सेना ता कबड़ पांडरी सेना ता कबड़ लेक्का केवल युद्ध कियाना मंता इंजी। ओरु चीनी लाल सेना क्रांति ता राजनीतिक कबड़ किन पूरा कियाला काजे बने कित्ता उंदी सशस्त्र संगठन आंदू इंजी समझेमायोर। खासकर इंजे लाल सेना किन जरूर तन्ना गतिविधिंंग केवल लड़ेमायाना अचोन एवनले सीमित

तास्नायो। दुश्मन ता सेना-बल किन गुंडा-गुंडा कियाला काजे लड़ेमायना विड़सी इद्रम ता महत्वपूर्ण काम किन वेन्ने संभाले कियाना लेक्का आम जनता लोप्पा प्रचार कियाना, तानकिन संगठित कियाना, तानकिन हथियारबंद कियाना, क्रांतिकारी राजनीतिक सत्ता निल्पी कियाना लोप्पा ओसो कम्युनिस्ट पार्टी संगठन निल्पी कियाना लोप्पा वेन्ने ताना मदद कियाना। लाल सेना लड़ेमांता अस्के अद केवल लड़ेमायाना काजेने लड़ेमायो, मति आम जनता लोप्पा प्रचार कियाला काजे, आम जनता किन संगठित कियाला काजे, तानकिन हथियारबंद कियाला काजे आसो क्रांतिकारी राजनीतिक सत्ता निल्पी कियाना लोप्पा ताना मदद कियाला काजे लड़ेमांता। इद्रमता लक्ष्य किन विड़स्तेके इद्रम लड़ेमायाना तुकू बाताए अर्थ मन्नो ओसो लाल सेना किन बने कियाना वेने अंगडम आंता।

3. अदिन काजे, वीरु संगठन हिसाब ते लाल सेना ता राजनीतिक काम कियाना विभाग किन फौजी काम कियाना विभाग कुना दोड़ तासिंतोर ओसो “फौजी हेडक्वार्टर किन फौज ता बाहर काम पूरा कियाला हीमुट” इंजी नारा वाटितोर। इद विचार ओसो बेरस्तेके, आम जनता तिंची अलग आयाना, राजसत्ता पोरु फौज ता कब्जा तासना ओसो सर्वहारा नेतृत्व तिंचि पेरके गुचना खतरा पैदा आयर - इद क्वोमिंगतांग सेना ता लेक्काने युद्धपतिवाद (Warlordism) ता हरीं दे ताका लागियर।
4. ताना संगेने प्रचार-काम लोप्पा ओरु प्रचार-दलकुना महत्व पोरु ध्यान हीवोर। जन-संगठन ता बारे ते, ओरु फौज लोप्पा सिपाही-कमेटिंग ना संगठन-काम ओसो स्थानीय मजदूर-किसान लोप्पा संगठन-काम किन हूड़वाप आंतोर। अदिनकाजे प्रचार-काम ओसो संगठन-काम रेंडासी किन विड़सिंतोर।
5. लड़ाई जीड़तास्के ओरा घमंड बेसींता ओसो हारेमातास्के नाराज आंतोर।

6. स्वार्थपूर्ण विभागवाद- इत्तेके ओर केवल चौथी फौजी कोर ता हित किने ध्यान लोप्पा तासंतोर ओसो स्थानीय जन-समूदाय किन हथियारबंद कियाना लाल सेना ता उंदी महत्वपूर्ण काम आंदू इंजी समझेमायोर आंतोरा इद संकीर्ण ग्रुपवाद ताए उंदी रूप आंदू।
7. चौथी फौजी कोर ता सीमित वातावरण तुकू मुन्ने हूड़ा परवा कारण ते उचुन मुल ता विचार दूसरा बदे क्रांतिकारी शक्ति हिल्ले इंजी मंता। अदिन काजे इद विचार ओरा दिमाग ते उदता कि मना शक्ति किन सुरक्षित तासना ओसो लड़ाई तुकू बचेमायना। इद अवसरवाद ता चिन्हा आंदू।
8. उचुन कामरेड्स मनोगत ओसो वस्तुगत परिस्थितिग किन मंगसि क्रांति ता बारे ते जल्दबाजी ता शिकार आंतोर, ओर आम जनता लोप्पा सुडला-सुडला ओसो बारीक काम कियाना झंझट तुकू वेरियंतोर, ओसो नरका-पियल बेहरा-बेहरा योजनांग पंडितोर ओसो सिर्फ बेहरा-बेहरा काम कियालाए आल्संतोरा। इद अभियानवाद (putschism) ता रूप आंदू।¹

विशुद्ध सैनिक दृष्टिकोण ता स्रोत दोड़ रास्ता लेक्का मंता?:

1. राजनीतिक स्तर ता कमी। इदिना कारण ते मावा उचुन कामरेड्स फौज लोप्पा राजनीतिक नेतृत्व ता भूमिका किन चीनेमाया परवोर ओसो इद्रम लाल सेना ओसो पांडरी सेना बुनियादी रूप ते अलग-अलग आंदू इंजी वेने समझेमायोर।
2. किराया ता सेना ता विचार। मुन्नेता लड़ाईग लोप्पा पोयता दुश्मन ता वेल्ले सैनिक लाल सेना ते शामिल आतोर। इद्रमतोर किराया ता सेना ता बेहरा बुद्धि वेन्ने मना संगे तत्तोर। इद्रम ओरा कारण ते विशुद्ध सैनिक दृष्टिकोण काजे साधारण सैनिक लोरा लोप्पा उंदी आधार बने माता।

3. मुन्ने ता रेंडु कारणकुनागडल उंदी पूना कारण पुट्टिंता, इत्तेके सेना लोप्पा ज्यादा विश्वास मंदाना ओसो आम जनता ना शक्ति लोप्पा विश्वास ता कमी मंदाना।
4. पार्टी ता फौजी काम पोरो सक्रिय रूप ते ध्यान हिया परवा ओसो चर्चा किया परवा कारण ते वेन्ने उचुन कामरेड्स ना लोप्पा विशुद्ध सैनिक दृष्टिकोण पैदा आंता।

तीना लोप्पा सुधरे कियाना तरीका दोड़ रास्ता लेक्का मंता:

1. शिक्षा हिसी पार्टी ता राजनीतिक स्तर पोरो तेहना, अस्के विशुद्ध सैनिक दृष्टिकोण ता सैद्धांतिक मड्डांग किन तेहकिस वाटना, लाल सेना ओसो पांडरी सेना ता बुनियादी फर्क किन साफ समझेमायना। संगे ने अवसरवाद ओसो अभियानवाद ता अवशेष किन खत्म कियाना ओसो चौथी फौजी कोर ता स्वार्थपूर्ण विभागवाद (डिपार्टमेंटलइज्म) किन खत्म कियाना।
2. अफसर ओसो सिपाही लोरा राजनीतिक शिक्षा किन, विशेष रूप ते पाड़ना बंदी बने कित्ता सैनिक लोरा राजनीतिक शिक्षा किन जल्दी बेरसी कियाना। संगेने स्थानीय सरकारकु संघर्ष ता अनुभव मंदाना मजदूर ओसो किसान लोर किन चुने कीसि हर संभव आता तरीका ते लाल सेना लोप्पा भरती कियाना, अद्रम कितेके विशुद्ध सैनिक दृष्टिकोण ता मोदल किन संगठनात्मक रूप ते कमजोर बने कियाना ओसो तानिकन तेहकीसि वाटा परमूडांता।
3. स्थानीय पार्टी-संगठन किन लाल सेना ता पार्टी-संगठन ता आलोचनता कियाला काजे प्रोत्साहित कियाना, ओसो जनता ना राजनीतिक सत्ता ता संगठन किन लाल सेना ता आलोचना कियाला काजे प्रोत्साहित कियाना, अस्के लाल सेना ता पार्टी-संगठन पोरो ओसो लाल सेना ता अफसर, सिपाही लोरा पोरो प्रभाव अरिंता।

4. पार्टी फौजी काम पोरो सक्रिय रूप ते ध्यान हियाना ओसो ताना पोरो विचार-विमर्श कियाना जरूरत मंता। पार्टी विचार कित्ता ओसो फैसला कित्ता पेरकेने पूरा काम साधारण सैनिक लोर पूरा कियाना।
5. लाल सेना ता नियम-विनियम तैयार कियाना ताना लोप्पा तन्ना काम, तन्ना फौजी मशीनरी ओसो राजनीतिक मशीनरी ता संबंध, लाल सेना ओसो आम जनता ना संबंध, सिपाही-कमेटी ना अधिकार, कर्तव्य ओसो फौज, राजनीतिक संगठन संगे ओरा संबंध किन स्पष्ट रूप ते वेहाना।

अतिजनवाद ता बारे ते

बस्के तलो लाल सेना ता चौथी फौजी कोर पार्टी ता केंद्रीय कमेटी आदेश किन मानेमासी स्वीकार कित्ता, अस्केडल अतिजनवाद (ultra democracy) ता अभिव्यक्ति वेल्ले कम आता। उदाहरण काजे पार्टी ता फैसला इंजे वेल्ले बेस अमल किया मंतोरा। इंजे बदे इद्रमता गलत प्रस्ताव पेश कीवो कि लाल सेना लोप्पा “जनवादी केंद्रीयता दोड़ तिंची पोरो एवनल” लागू कियाना, लेवेके “सब्बे समस्यांग ना बारे ते मुन्ने दोड़ स्तर ता संगठन किन चर्चा कियाला हियाना ओसो पेरके पोरा स्तर ता संगठन फैसला कियाना।” मति असल ते इद्रम ता अभिव्यक्ति कम आयाना इत्तेके अतिजनवादी विचार इंजे निर्मूलन कित्ताद मंता। दूसरा हिसाब ते हूड़तेके वेल्ले कामरेड्स लोरा दिमाग ते अतिजनवाद ता मोदोल इंजे वेन्ने मंता। पार्टी ता फैसला पोरो अमल कियाना लोप्पा रक-रकम ता आनाकनी कियाना इंदाना उंदी सबूत मंता।

सुधरे कियाना तरीका दोड़ रास्ता लेक्का मंता:

1. सिद्धांत लोप्पा अतिजनवाद ता मोदोल किन तेहकना। अतिजनवाद तिंचि पार्टी-संगठन किन नुक्सान आंता, लेवेके पूरा तहस-नहस वेन्ने कीसिंता, ओसो पार्टी किन तन्ना जुझारू काम पूरा कियाना लोप्पा बिल्कुल असमर्थ बने कींता, ओसो इद हिसाब ते क्रांति ता हार ता

कारण बने मांता इंजी मुन्ने ने वेहाना। इद पेरके अतिजनवाद ता स्रोत इत्तेके अनुशासन ता बारे ते निम्न-पूंजीपति वर्ग ता व्यक्तिवादी अरुचि इंजी वेहाना। इद रुझान पार्टी लोप्पा वातास्के राजनीतिक ओसो सांगठनात्मक दृष्टि ते अतिजनवाद विचार लोप्पा विकसित आंता। इद विचार सर्वहारा वर्ग ता जुझारू काम संगे बिल्कुले मिले मायो।

2. संगठनिक कार्य लोप्पा, केंद्रीय निर्देशन दोड़ जनवाद पोरो सख्ती ते अमल कियाना। इदिन दोड़ रास्ता कार्यदिशा हिसाब ते कियाना पाहिजे:
 - 1) पार्टी ता नेतृत्वकारी संगठनकु, निर्देशन ता सही कार्यदिशा किन लागू कियाना ओसो समस्या वातास्के तानकिन हल कियाला काजे तरीका परकाना, अस्के अद खुद किन नेतृत्वकारी-केंद्र मंदना लेक्का प्रतिष्ठित किया परिंता।
 - 2) दोड़ ता संगठन ता परिस्थिति बाता मंता ओसो आम जनता ना जिंदगी ता परिस्थिति बाता मंता इंजी पोरो ता संगठन इद पुंजी मंदाना, अद्रम सही नेतृत्व हियाला काजे ओरकिन वस्तुगत आधार दोरकना।
 - 3) बदे वेन्ने स्तर ते पार्टी-संगठन किन बेस विचार किवा फैसला कियानाया। मति इद उंदी बेरा फैसला कितेके तानकिन दृढ़तापूर्वक लागू कियाना।
 - 4) पोरोटा पार्टी-संगठन वेल्ले महत्व ता वेन्ने फैसला कीसि मंता, अविन तुरंत दोड़ता संगठन ओसो आम पार्टी-सदस्य एवनल एवसी कियाना। इदिना तरीका-सक्रिय तत्व ता मीटिंग केयना या पार्टी-शाखा ता आम सदस्य लोरा मीटिंग केयना, पूरा कालम² ता पार्टी-सदस्य लोरा वेन्ने मीटिंग केयना (अनुकूल परिस्थिति मत्तास्के) ओसो इद्रमता मीटिंग लोप्पा रेपोर्ट पेश कियाला काजे लोकर किन चुने कियाना।
 - 5) पार्टी ता दोड़ ता संगठन ओसो आम पार्टी-सदस्य लोर किन पोरो संगठन ता निर्देशन पोरो विस्तार ते आल्सना पाहिजे अस्केने ओरा

महत्व बेस समझेमांता, ताना पेरके ने तानकिन बद्रम लागू कियाना इंदानदु आल्सा परितोर।

संगठनात्मक अनुशासन किन उल्लंघन कियाना बारे ते

चौथी फौजी कोर ता पार्टी-संगठन लोप्पा संगठनात्मक अनुशासन किन उल्लंघन कियाना रूझान दोड़ रास्ता लेक्का दिसिंतांग।

क) अल्पमत लोर बहुमत किन दोड़ मन्नोर। उदाहरण काजे इंजे अल्पमत मंदानोर ओरा प्रस्ताव रद्द आता इंजी हूडिंतोर, अनि ओर पार्टी-संगठन ता फैसला किन जीवा कीसि लागू कीवोर आंतोर।

तीनकिन सुधरे कियाना तरीका:

- 1.) मीटिंग लोप्पा सब्बेतोरकिन तन्ना राय हियाला मौका हियाना। चर्चा ता संबंध ता सवाल कुना सही ओसो गलत पहलू किन समझौता ओसो गोलमोल किवा लेवा स्पष्ट कियाना। स्पष्ट कियाला काजे, उंदी मीटिंग ते तय आयवा पोल्लो किन दूसरा मीटिंग ते आल्सना (मति इदिना कारण ते काम पेरके गुच्चना आयो)
- 2.) पार्टी-अनुशासन ता उंदी मांग मंता कि अल्पमत मंदानोर बहुमत तोरा पोल्लो केंजाना। अल्पमततोरा सुझाव किन रद्द कीतेके, अल्पमत तोर बहुमत लोर मानेमाता फैसला ता समर्थन कियाना। जरूरत आतास्के दूसरा मीटिंग ते इद सवाल पोरो चर्चा तेहा परितोर, मति इदिन विडसी ओर इद फैसला ता खिलाफ बदे वेन्ने व्यवहार कियाना आयो।

ख. संगठनात्मक अनुशासन उल्लंघन कीसि आलोचना कियाना:

- 1.) पार्टी लोप्पा कियाना आलोचना पार्टी-संगठन किन मजबूत कियाना ओसो ताना जुझारू क्षमता किन बेरसी कियाना साधन आंदू। मति लाल सेना ता पार्टी-संगठन लोप्पा हमेशा आलोचना आंता इंजी आयो, ओसो बस्के-बस्के अद व्यक्तिगत विरोध ता रूप एतिंता। ताना कारण ते वरोन किने आयो पार्टी- संगठन किन वेन्ने नुक्सान आंता। इद निम्न-पूंजीवादी व्यक्तिवाद ता रूप आंदू। तीनकिन सुधरे कियाना तरीका पार्टी-सदस्य लोरा मुन्ने स्पष्ट कित्ताद मंता कि

आलोचना ता उद्देश्य पार्टी ता जुझारू क्षमता किन बेरसी कियाना आंदू, अद्रम कीतेके वर्ग-संघर्ष लोप्पा सफलता हासिल आया परिता, ओसो आलोचना किन व्यक्तिगत विरोध काजे बस्केने इस्तेमाल कियानायो।

- 2.) वेल्ले पार्टी-सदस्य पार्टी लोप्पा आलोचना कीवोर आंतोर, मति पार्टी तुकू बाहर कींतोर। इदिना कारण आम पार्टी-सदस्य लोर पार्टी ता संगठन (ताना मीटिंग लेक्काटव) ता महत्व किन समझेमातद हिल्ले ओसो ओर पार्टी लोप्पा ओसो बाहर कियाना आलोचना लोप्पा बदे अंतर समझेमायोर। इदिन सुधरे कियाना तरीका पार्टी-सदस्य लोरकिन शिक्षित कियाना अस्के ओर पार्टी-संगठन महत्वपूर्ण मंता इंजी समझेमांतोर ओसो पार्टी-कमेटिंग या कामरेड्स किना आलोचना पार्टी-कमेटिंग लोप्पा कींतोर।

निरपेक्ष समानतावाद ता बारे ते

लाल सेना लोप्पा निरपेक्ष समानतावाद उंदी कालम ते वेल्ले गंभीर रूप एतसी मत्ता। ताना उचुक उदाहण:- घायल सिपाही लोरा नोमुरता गंभीरता किन हूडसी अलग-अलग भत्ता हियाना लोप्पा पेरके-मुन्ने आयना ओसो सब्बेतोरकिन उंदी बराबर भत्ता हियाना मांग कियाना। अफसर लोरा घोडा (कोडा) पोरो तरंगना काम काजे जरूरी समझेमायनायो आसो तानकिन असमानता लेक्का समझेमायना। सप्लाई ता पूरा समानता मांग कियाना ओसो खास परिस्थिति ता अनुसार सप्लाई ता उचुन ज्यादा हिस्सा हियाना ता विरोध कियाना। उमर या शारीरिक परिस्थिति किन हूडवा लेवा नूका कांजना लोप्पा सब्बेतोरा काजे उंदी लेक्काटा मांग कियाना। मंदाना जागा तूसनास्के बराबर-बराबर जागा ता मांग कियाना, ओसो हेडक्वार्टर ता उचुन बेहरा लोन पोयतास्के वेन्ने विरोध कियाना। गैर-सैनिक कार्य लोप्पा बराबर काम ताल्काना ओसो दूसरोरकिनकु उचुन वेने ज्यादा काम कियाना ता इनकार कियाना। इरवुर घायल आसी मत्तेके ओसो स्ट्रेचर सिर्फ उंदीए मंता, अस्के वरोनकिने ओयनायो, इरवुरकिन आसी विडसना किन

बेस आल्सना। निरपेक्ष समानतावाद, इत्तेके पोरोटा उदाहरणकुना लोप्पा वेहेता लेक्का मंता, इद लाल सेना ता अफसर, सिपाही लोरा लोप्पा इंजे वेन्ने गंभीर रूप ते मंता।

राजनीतिक समस्यांग लोप्पा अतिजनवाद ता लेक्काने निरपेक्ष समानतावाद वेन्ने दस्तकारी, लघु किसान-अर्थव्यवस्था ताए उपज आंदू-अंतर केवल इदे मंता पहला राजनीतिक जिंदगी लोप्पा दिसिंता ओसो दूसरा भौतिक जिंदगी लोप्पा दिसिंता।

इदिन सुधरे कियाना तरीका: इद स्पष्ट रूप ते पूंजीवाद किन खत्म कियाना मुन्ने निरपेक्ष समानतावाद केवल किसान लोरा ओसो निम्न-पूंजीपति वर्ग ता दूसरा हिस्सांग ना भ्रम मंदिंता, ओसो समाजवाद लोप्पा वेन्ने निरपेक्ष समानता निल्पी कियमूड़ायो, बारांक इत्तेके अस्के एवनल वेन्ने भौतिक चीजुकना वितरण “हर मानेयना क्षमता ता अनुसार, आसो हर मानेय किन तन्ना काम ता अनुसार” ता सिद्धांत ओसो काम ता जरूरत ता अनुसार कियाना इंजी वेहाना। कुल मिलेकीसि लाल सेना ता सैनिक लोरा लोप्पा भौतिक चीजुकुना बंटवारा बराबर आयाना, उदाहरण काजे अफसर ओसो सैनिक लोरा वेतन बराबर मंदना, बारांक इत्तेके संघर्ष मंदाना परिस्थिति ता इदे मांग मंदिंता। मति कारण हिल्वा निरपेक्ष समानतावाद ता विरोध कियाना। बारांक इत्तेके अद मावा संघर्ष काजे जरूरी हिल्ले, इदिना विपरित अद मावा संघर्ष लोप्पा बाधा कींता।

मनोगतवाद ता बारे ते

उचुन पार्टी-सदस्य लोरा लोप्पा मनोगतवाद गंभीर मंता, अद राजनीतिक परिस्थिति ता विश्लेषण कियाना ओसो काम ता निर्देशन कियाना लोप्पा वेल्ले नुक्सान कींता। बारांक इत्तेके राजनीतिक परिस्थिति ता मनोगतवादी विश्लेषण ओसो काम ता मनोगतवाद मार्गदर्शन ता नतीजा अवसरवाद आंता या अभियानवाद आंता। पार्टी लोप्पा कियाना मनोगतवादी आलोचना, गैर-जिम्मेदारी, अंगड़म ता पोल्लोंग या आपसता डावुटकुना

सवालकु मंदितांग, इत्तेके इव सब्बे हमेशा गैर-सैद्धांतिक विवाद तेहिंतांग ओसो अद्रमासी पार्टी ता संगठन देगिंता।

पार्टी लोप्पा आयना आलोचना ता बारे ते उंदी पोल्लो वेहतेके बेस आयर अद बाता इत्तेके उचुन मुल तम्मा आलोचना लोप्पा बेहरा समस्यांग पोरो ध्यान हिवा लेवा सिर्फ सुडला-सुडला समस्यांग पोरोने ध्यान हींतोरा। ओर आलोचना ता मुख्य काम राजनीतिक ओसो सांगठनिक गलतिंग किन वेहाना इंजी समझेमायोरा। बस्के एवनल व्यक्तिगत गलतिंग ना सवाल कुना संबंध राजनीतिक ओसो संगठनात्मक गलती तिंची मन्नो, अस्के एवनल जरूरत तुकू ज्यादा अतिआलोचना (overcritical) कीसि ओसो संबंधित कामरेड्स किन परेशान कियाना जरूरत हिल्ले। इदे आयवा उंदी बेहरा खतरा बाता इत्तेके उंदी बेरा इद्रमता आलोचना ताकानस्के पार्टी-सदस्य लोरा ध्यान पूरा सुडला गलतिंग पोरोने केंद्रित आंता, हर मानेय किन दब्बु बने कींता, जरूरत तुकू ज्यादा आलसिंतोर ओसो पार्टी ता राजनीतिक काम किन मरंगितोर।

इदिन सुधरे कियाना मुख्य तरिका - पार्टी-सदस्य लोरकिन शिक्षित कियाना, अद्रम कीतेके ओरा चिंतन ओसो पार्टी-जिंदगी किन राजनीतिक ओसो वैज्ञानिक स्तर एवनल पोरो तेहा परिंतोर। इद उद्देश्य किन पूरा कियाला काजे मनकिन: 1. राजनीतिक परिस्थिति ता विश्लेषण कियाना ओसो वर्ग-शक्ति किन आंकलन कियाना लोप्पा, पार्टी-सदस्य लोरा मनोगतवाद विश्लेषण ओसो मूल्यांकन ता जागा ते मार्क्सवाद-लेनिनवाद तरीका लागू कियाला करहाना, 2. पार्टी-सदस्य लोरा ध्यान सामाजिक ओसो आर्थिक छानबीन ओसो अध्ययन कियाना बगिल कियाना, ताना पोरो आधार आसी संघर्ष ता कार्यनीति ओसो काम ता तरीका पंडाना, ओसो इदिन समझे मायाना लोप्पा कामरेड्स किन मदद कियाना कि असल परिस्थिति ता छानबीन किवा लेवा अंदाजा ओसो अभियानवाद ता गुमया ते हंजी अरिंतोर, ओसो 3. पार्टी लोप्पा आयना आलोचना किन मनोगतवाद, स्वेच्छाचारिता ओसो घटिया आलोचना तल बचेकियाना,

बद वेहितोम अद सच्चाई पोरो आधार आसी मंदाना ओसो आलोचना ता केंद्र-बिंदु राजनीति किन बने कियाना।

व्यक्तिवाद ता बारे ते

लाल सेना ता पार्टी-संगठन लोप्पा व्यक्तिवादी रुझान दोड़ रास्ता लेक्का मंदिता:

1. बदला एताना रुझाना उचुन कामरेड्स पार्टी लोप्पा बोराई सैनिक कामरेड ना आलोचना कित्तास्के ओना बदला तेंडना कोशिश पार्टी तुकू बाहर कींतोर, मारपीट या झगड़ा कियानदे बदला तेंडना उंदी तरीका मंता। ओर पार्टी लोप्पा वेन्ने बदला तेंडना मौका परकिंतोरा। “निम्मा नावा इद मीटिंग ते आलोचना कीतिन, अदिन काजे दूसरा मीटिंग ते नीवा गलती तोहची बदला तेंडकाना।” बदला तेंडना इद रुझान ता उंदे कारण मंता, अद व्यक्तिगत पोल्लोंग किन आधार बने कीसि वर्ग ता हित ओसो पूरा पार्टी ते हित ता उल्लंघन कियाना। इद रुझान ता निशाना दुश्मन-वर्ग आयोर आंतोर, मति तना लाइन तोर जरूर आंतोर। इद उंदी नुश लेक्का मंता, संगठनता ओसो तन्ना जुझारू क्षमता किन कमजोर बने कीसिंता।
2. संकीर्ण ग्रुपवाद। उचुन कामरेड्स केवल तन्ना सुडला ग्रुप ता हित किने सुरता तासिंतोर ओसो आम हित किन नजरअंदाज कींतोर। मति पोरो-पोरो हूडतेके इद व्यक्तिवाद हित ता पर्कना लेक्का दिस्सो, मति असल ते तीना लोप्पा वेल्ले संकीर्ण लेक्कटा व्यक्तिवाद मंदिता। अदिन काजे तीना प्रभाव वेन्ने वेल्ले नुक्सानदायक ओसो विघटनकारी मंदिता। लाल सेना लोप्पा संकीर्ण ग्रुपवादी रुझान बराबर ताकसोरे मंता। मति आलोचना कीतेके इंजेटा परिस्थिति अचोन गंभीर हिल्ले, मति ताना अवशेष इंजे अवनल मंता। ओसो अविन दूर कियाला काजे ओसो वेन्ने कोशिश कियाना जरूरत मंता।

3. कर्मचारी लेक्काटा रुझाना उचुन कामरेड्स पार्टी ओसो लाल सेना ता सदस्यलोर, इरवुरासी क्रांतिकारी काम पूरा कियाना साधन आंदूर इंजी आल्सोर आंतोर। ओरु खुद क्रांति ता निर्माण कियानोर आंदूर इंजी समझेमायोर, ओरु केवल बेहरा अफसर किने जवाबदार मंतोम, क्रांति तुक्क आयो इंजी आल्संतोर। क्रांति ता बारे ते इद कोडही, कर्मचारी लेक्काटा रुझान वेन्ने व्यक्तिवाद ताए उंदी रूप आंदू। इदिनगडल क्रांति काजे बिना शर्त काम कियानोर सक्रिय तत्व ता संख्य इचोन कम बारांक मंता इंजी समझेमांता। कर्मचारी लेक्काटा रुझान दूर आयवेके सक्रिय तत्व ता संख्या बेरसो ओसो क्रांति ता बोजा इरवुर-मुवुरा पोरोने मंदिंता, अद्रमासी संघर्ष किन वेल्ले धक्का देलर्गिता।
4. ऐशो-आराम ता बुद्धी। लाल सेना लोप्पा व्यक्तिवाद ऐशो-आराम ता बुद्धी ता रूप ते दिसानोर वेन्ने वेल्ले मंतोर। ओरु हमेशा आशा कींतोर कि ओरा यूनिट बेहरा शहर लोप्पा दायर। ओर काम कियाला काजे आयो, ऐशो-आराम कियाला काजे बेहरा शहर ते दायला आल्संतोर। ओरकिन पिस्वल कठिन मंदाना लाल इलाका लोप्पा काम कियाना बिल्कुल विचार मन्नो आंता।
5. निष्क्रियता। उचुन कामरेड्स, बस्केनाई बदाई पोल्लो ओरकिन विचार वायों आंता, अस्के कोडही आंतोर ओसो काम कियाना बंद कींतोर। ताना मुख्य कारण राजनीतिक शिक्षा ता कमी मंता, मति बस्के-बस्के ताना कारण नेतृत्व ता गलत तरीका ते कामकाज कियाना, गलत तरीका ते काम तूसना या गलत तरीका ते अनुशासन किन लागू कियाना वेन्ने मंदिंता।
6. सेना किन विडसना विचार। इद्रमतोरा संख्या बेरसा मंता। वीरू लाल सेना विडसी स्थानीय काम कियाना आल्संतोर। ताना कारण विशुद्ध रूप ते व्यक्तिगत आयवा लेवा दोड़ रास्ता लेक्का वेने मंता:- 1. लाल सेना लोप्पा पिस्वल ता भौतिक मुश्किलकु, 2. लम्बा समय संघर्ष पेरके दोगना, ओसो 3. नेतृत्व ता गलत तरीका ते कामकाज

ताकिकियाना, गलत तरीका ते काम तूसना लेवेके गलत तरीका ते अनुशासन किन लागू कियाना।

तीनकिन सुधरे कियाना मुख्य तरीका बाता इत्तेके विचारधारा लोप्पा व्यक्तिवाद किन दूर कियाला काजे राजनीतिक शिक्षा ता काम जोर-शोर ते बेरसी कियाना। इदे आयवा सही तरीका ते कामकाज ताकीकियाना, सही तरीका ते काम तूसना ओसो सही तरीका ते अनुशासन किन लागू कियाना। संगेने भौतिक परिस्थिति किन वेल्ले अनुकूल बने कियाला काजे लाल सेना ता भौतिक पिस्वल किन सुधरे किया तरीका परकना, ओसो आराम ओसो स्वस्थय सुविधा ता वेन्ने मौका दोरकतेके ताना फायदा तेहाना। राजनीतिक शिक्षा ता काम कियानस्के मनकिन सामाजिक उत्पत्ति ता दृष्टि ते व्यक्तिवाद पार्टी लोप्पा निम्न-पूँजीवाद ओसो पूँजीवादी विचार ताए प्रतिबिंब आंदू इंजी जरूर वेहाना।

घुमन्तु विद्रोही गिरोह लोरा विचारधारा ता बारे ते

लाल सेना लोप्पा घुमन्तु विद्रोही लोरा राजनीतिक विचारधारा बारांक पैदा आंता इत्तेके ताना लोप्पा खानाबदोश लोकुरा उंदी वेल्ले बेहरा संख्या मंदिंता। ओसो चीन ते खास रूप ते ताना दक्षिणी प्रांत लोप्पा घुमन्तु लोकुरा संख्या मंता। इद विचारधारा दोड़ रास्ता लेक्का मंता: 1. उचुन मुल आधार-क्षेत्र ओसो जनता ना राजनीतिक सत्ता ता स्थापना कियाना कठिन काम कियाना लोप्पा ओसो इद हिसाब ता राजनीतिक प्रभाव बेसी कियाना लोप्पा पेरके-मुन्ने आयाना ओसो केवल छापामार कार्रवाई ता तरीका ते बेरसी कियाना कोशिश कियाना। 2. लोकुर लाल सेना किन बेरसी कियाना काजे स्थानीय लाल रक्षक दल ओसो स्थानीय लाल सेना किन बेरसी कियाना ओसो इद हिसाब ते रेगुलर लाल सेना किन बेरसी कियाना कार्यदिशा लागू कियाना विड़सी “किराया ता मानेय तासना ओसो घोड़ांग अस्सना”, “वित्तनोर किन भर्ती कियाना ओसो विद्रोही लोरकिन शामिल कियाना” कार्यदिशा लागू कींतोर। 3. उचुन आम जनता ना संगे कलियसी कठोर संघर्ष ताकि कियाना हिम्मत किवोर ओसो केवल

बेहरा शहर लोप्पा हंजी शाही खर्ची ते तिंदाना-उंदाना ता आशा कींतोरा घुमन्तु विद्रोही लोरा विचारधारा ता इव सब्बे रूप लाल सेना ते समुचित कर्तव्य पूरा कियाना लोप्पा वेल्ले रुकावट पैदा किंता। अदिन काजे इद विचारधारा किन निर्मूलन कियाना असल ते लाल सेना ता पार्टी-संगठन लोप्पा आयाना विचारधारात्मक संघर्ष ता उंदी महत्वपूर्ण लक्ष्य आंदू ह्वांग छाओ³ या ली छवांग⁴ लेक्काटा घुमन्तु विद्रोही लोरा बुद्धी किन नेता परिस्थिति ते बिल्कुल इजाजत हियमूडायो इंजी समझेमाया लागियर।

इदिन दोड़ रास्ता लेक्का सुधरे कियाना:

1. राजनीतिक शिक्षा ता काम तेज कियाना, गलत विचार ता आलोचना कियाना ओसो घुमन्तु विद्रोही गिरोह लोरा बुद्धी किन निर्मूलन कियाना।
2. लाल सेना ता बुनियादी दल ओसो पूना भर्ती कित्ता बंदी सैनिक लोरा नडमा आवारागर्दी ता दृष्टिकोण ता खिलाफ राजनीतिक शिक्षा ता काम बेरसी कियाना।
3. लाल सेना ता वर्ग-संरचना बदले कियाला काजे, संघर्ष ता अनुभव एतसी सक्रिय मजदूर ओसो किसान लोरकिन तन्ना संगे तत्ताना कोशिश कियाना।
4. जुझारू मजदूर ओसो किसान लोरा जन-समुदाय ता नडमा तल लाल सेना ता पूना दलम बने कियाना।

अभियानवाद ता अवशेष कुना बारे ते

लाल सेना ता पार्टी-संगठन अभियानवाद ता खिलाफ मुन्नेने संघर्ष ताकी कित्ताद मत्ता, मति बेस ताकवा मत्ता। अदिन काजे लाल सेना लोप्पा अभियानवाद ता विचारधारा ता अवशेष इंजे वेन्ने मंतांग। अव मुन्ने रास्ता लेक्का मंतांग: 1. मनोगत ओसो वस्तुगत परिस्थिति ता सुरता तासवा लेवा कोंडा पिहची काम कियाना। 2. शहर काजे पार्टी ता नीति किन

अपर्याप्त रूप ते ओसो पूरा जोरशोर ते तासवा लेवा अमल कियाना। 3. कमजोर फौजी अनुशासन, खासकर हारेमायनास्के। 4. उचुन दल संगे लोहकिन किस वाटना लब्बड़ ता काम कियाना। 5. वित्तानोर किन फैरिंग कीसि हौकना व्यवस्था ओसो शारीरिक सजा हियाना व्यवस्था-रेंडासी अभियानवाद ता रुझान किन प्रकट कीता। सामाजिक उत्पत्ति ता दृष्टिकोण ते अभियानवाद ता जन्म लम्पट-सर्वहारा विचार ओसो निम्न-पूँजीवादी विचार संगे कलियंता।

इदिन सुधरे कियाना तरीका:

1. विचारधारा ता दृष्टिकोण तिंचि अभियानवाद किन पूरा खत्म कियाना।
2. नियम ओसो नीतिंग पंडसी अभियानवादी व्यवहार ता अंत कियाना।

नोट

1. 1927 ते क्रांति ता हार आता पेरके, उचुन समय काजे चीनी कम्युनिस्ट पार्टी लोप्पा उंदी “वामपंथी” अभियानवाद ता रुझान पैदा आता। अभियानवाद ता शिकार आता कामरेड्स चीनी क्रांति कि “स्थाई क्रांति” ओसो चीन ता क्रांतिकारी परिस्थित किन “स्थाई उभार” मानेमातोर ओसो इद हिसाब ते ओरु व्यवस्थित तरीका ते पेरके गुचना तुकू विरोध कितोर, ओसो फरमानशाही ता तरीका लागू कीसि उचुन पार्टी-सदस्य ओसो जन-समुदाय ता उंदी हिस्सा ता भरोसा ते पूरा देश लोप्पा इद्रमता वेल्ले स्थानीय विद्रोह कियाना गलत कोशिश कित्ताद मंता, अविना सफलता संभावनाए हिल्ला मत्ता। 1927 ता आखिर ते अभियानवाद ता कार्रवाई वेल्ले फैले मासी मत्ता। 1928 ता शुरूआत ते अद तीरम-तीरम ठप आता। मति उचुन पार्टी-सदस्य लोरा लोप्पा अभियानवाद ता पक्ष एताना भावना अद्रमे मत्ता। अभियानवाद दुस्साहसवाद आंदू।
2. अद समय ते लाल सेना ता संगठन-व्यवस्था लोप्पा उंदी कालम, इत्तेके पैदल सेना ता उंदी रेजीमेंट ता बराबर मंदु।—अनु.
3. ह्वांग छाओ पोरोल तोर थांग परिवार ता आखरी दिव्या लोप्पा किसान विद्रोह ता नेताल मत्तोर। ओर छाओचओ ता य्वान काउंटी (वर्तमान फिंगय्वान प्रांत ता होत्से काउंटी) ता निवासी मत्तोर। 875 ईसवीं लोप्पा इत्तेके थांग परिवार ता सम्राट शी

चुंग ता शासन-काल ता छयेनफू-संवत ता दूसरा साल लोप्पा, वांग श्येन-च ना विद्रोही दल शानतुंग तिचि पेससी 2 बेरा अभियान कित्तोर। पहली बेरा शानतुंग संगे लडेमासोरे हुनान एवता ओसो आनह्वेइ ओसो हुपे तिचि शानतुंग वापिस वातोर। दूसरी बेरा हुनान, किआंगशी, पूर्वी चच्यांग, फूच्येन, क्वांगतुंग, क्वांगशी ओसो हुनान तिचि हुपे एवता ओसो अगाडल पूर्व बगिल आनह्वेइ ओसो चच्यांग लोप्पा हत्ता। ताना पेरके ह्वाए डोड्डा किन पार कीसि हुनान लोप्पा नेंगता ओसो लोयांग पोरो कब्जा कित्ता। पेरके थुंगक्वान ता देरे किन पार कीसोरे शाही राजधानी छांगआन पोरो कब्जा कित्ता। ह्वांग छाओ सम्राट छी ना पोरोले ते छांगआन लोप्पा गद्दी पोरो उदतोर। आंतरिक विग्रह (सेनानायक चू वन, थंग परिवार ता फौज ता मुन्ने आत्मसमर्पण कित्तोर) ओसो शाथो कबीला ता सरदार ली ख-युंग ना फौज ता हमला तिचि मजबूत आसी ह्वांग छाओ ना छांगआन विड्डसा लागता ओसो हुनान तिचि शानतुंग वापिस वाता, अगा हार ता सामना कियाना कारण ओर आत्महत्या कित्तोर। ह्वांग छाओ संगे 10 साल एनवल ताकता युद्ध चीन ता इतिहास लोप्पा उंदी पक्काए प्रसिद्ध किसान युद्ध मत्ता। चीनी राजवंश ता इतिहासकार लोर “बोर भारी कर ओसो रक-रकम ता वसूली ता पीडित मत्तोर, ओर सब्बेतोर नालुंग बगिल तल गोलबंद आतोर” इंजी रास्तोर। बारांक इत्तेके केवल सरल रूप ते घुमन्तु युद्धे ताकसोरे मत्ता ओसो ओर अपेक्षाकृत दृढ़ आधार-क्षेत्र स्थापित कीवोर, अदिन काजे ओना फौज किन “घुमन्तु विद्रोही दल” इंतोर।

4. ली छवांग, शेनशी प्रांत ता मीचि पोरोल ता जागा ता निवासी राजा छवांग (निडर राजा) ली चि-छंग ना हुडला पोरोल मत्ता, मिंग परिवार ता आखिर ते वरोर उंदी किसान विद्रोह ता नेताल मत्तोर। 1628 ईसवीं ते इत्तेके मिंग वंश ता सम्राट स चुंग ना शासन काल ते छुंगछन-संवत ना पहली साल ते, उत्तरी शेनशी ते किसान लोर विद्रोह कित्तोर। ली काओ इंगश्यांग ना नेतृत्व ते मंदाना विद्रोही दलम ते शामिल आतोर। ओरू हुनान ओसो आनह्वेइ लोप्पा ओसो शेनशी लोप्पा अभियान ताकि कित्तोर। 1636 ते काओ डोलता पेरके, ओना पद ली सम्भाले कित्तोर ओसो राजा छवान ना मदद कियाना, गल्ला-टैक्स हियानायो।” तन्ना सैनिक लोरा लोप्पा अनुशासन तासला काजे इद नारा हिसी मत्तोर, “बोनाई हौकना इत्तेके नावा बाबा किन हौकना, बोना संगे बलात्कार इत्तेके नावा याया ना संगे बलात्कार आता।” इद्रम आम जनता ना समर्थन हासिल कित्तोर। ओसो तना ओना आंदोलन किसान विद्रोह ता मुख्य धारा बने मासी पूरा देश लोप्पा फैले माता। मति ओरू वेन्ने अपेक्षाकृत दृढ़ आधार-क्षेत्र निल्पी कीवा लेवा जागा-जागा ते वेलियतोर। राजा छवांग ना उपाधि ग्रहण कित्ता पेरके ओरि तन्ना दल किन सखवान प्रांत लोप्पा ओतोर ओसो अगाडल लडेमासोरे दक्षिणी शेनशी वापिस आतोर। ताना पेरके हुपे ओसो हुनान लोप्पा अभियान ताकि कित्तोर। ओसो हुपे प्रांत ता श्यांगकांग पोरो

कब्जा कित्तोरा। वेंडे हनान तिंचि शोनशी प्रांत लोप्पा शीआन पोरो कब्जा कित्तोरा। आखिर ते 1644 ईसवीं ते ओर शानशी तिंचि पेकिंग पोरो अधिकार कित्तोरा। उचुन दिया पेरके मिंग परिवार ता सेनानायक ऊ सान-क्वेइ तिंचि पराजित आया लागता, ओरू ली छवांग पोरो संयुक्त रूप ते हमला कियाला काजे छिंग हमला कियानोरा संगे समझौता कित्तोरा।

उंदी किस मिरंगूर पूरा जंगल किन पोत्ति किया परिता

5 जनवरी 1930

इद चिट्ठी कामरेड माओ त्सेतुंग संगे पार्टी लोप्पा मंदाना उचुन निराशावादी विचारकुना आलोचना किसोरे रास्तोर।

मना पार्टी ता उचुन कामरेड्स वर्तमान परिस्थिति ता बद हिसाब ते सही आंकलन कियाना ओसो तीना संगे ने बद हिसाब ते सही कदम तेहाना इंदानदु इंजे वेन्ने पुन्नोर। क्रांतिकारी उभार बद्रम वेन्ने वायरे इंजी विश्वास मंता, मति जल्दी वायर इंजी ओरकिन भरोसा मन्नो आंता। अदिन काजे ओर किआंगसी पोरो कब्जा कियाना योजना किन मानेमायोर ओसो फूच्येन, क्वांगतुंग ओसो किआंगशी ता कलियाना जागा ते मंदाना मूंड इलाकांग लोप्पा ताकना घुमन्तू छापामार कार्रवाई कियाना इंदाना पक्ष तेने मंदितोर, संगेने छापामार इलाका लोप्पा लाल राजनीतिक सत्ता निल्पी कियाना बारे ते ओर बदे गंभीर विचार किवोर। अदिन काजे लाल राजनीतिक सत्ता किन सुदुह बने कीसि ताना प्रचार कीसि राष्ट्रव्यापी क्रांतिकारी उभार किन तेज कियाना बारे ते वेन्ने बदे गंभीर रूप ते आल्सोर। ओर क्रांतिकारी उभार इंजे वेन्ने वेल्ले जेक मंता अदिन काजे वेल्ले मेहनत कीसि तन्ना राजनीतिक सत्ता ता निर्माण कियाना अंगडम आयर इंजी समझेमांतोर। ताना बदला ते ओर घुमन्तू छापामार कार्रवाई ता आसान तरीका संगे मना राजनीतिक प्रभाव किन फैले कियाना ओसो पूरा देश ता आम जनता किन पूरा या बचोन आया परिता अचोन मना बगिल पिंडगना, अस्के राष्ट्रव्यापी सशस्त्र विद्रोह कियाना, लाल सेना ता शामिल आतास्के

उंदी राष्ट्रव्यापी महान क्रांति बने मायर। ओरा सिद्धांत राष्ट्रीय स्तर ते ओसो सब्बे इलाकांग लोप्पा मुन्ने आम जनता किन तन्ना पक्ष तत्ताना ओसो ताना पेरेके राजनीतिक सत्ता निल्पी कियाना, चीनी क्रांति ता असली परिस्थिति संगे कलियों आंता। चीन उंदी अर्ध-उपनिवेश देश आंदू तानकिन हासिल कियाला काजे बचोनो साम्राज्यवादी ताकतकु होइ वाटा मंतांग- इदिन समझेमायनदे ओरा इद सिद्धांत ता मोदोल आंदू। इदिन समझेमातेके, मुन्ने पूरा दुनिया लोप्पाडल चीन लोप्पाने शासक वर्ग लोप्पा उंदी दीर्घकालीन ओसो जटिल युद्ध लेक्कटा चीज बारांकु मंता, दिय्या-दिय्या तुकू इद युद्ध तेज ओसो विस्तृत बारांक आया मंता, ओसो बस्केने बदे एकीकृत राजनीतिक सत्ता बारांक पैदा आयो। दूसरा, किसान समस्या बचोन महत्वपूर्ण मंता इंजी समझेमायार ओसो नेंड राष्ट्रव्यापी स्तर ते ग्रामीण लोप्पा विद्रोह बारांकु तेदता इंजी वेन्ने समझेमायार। तीसरा, ओरकिन मजदूर-किसान लोरा जनवादी राजनीतिक सत्ता ता नारा बारांकु सही मंता इंजी समझेमायार। चौथा, पहली ओसो पूरा दुनिया लोप्पाडल सिर्फ चीन लोप्पाने शासक वर्ग लोप्पा उंदी दीर्घकालीन ओसो जटिल युद्ध ताकना अनुकूल ओसो तीनगडल पुटना दूसरा बस्के हिल्ला चीज लाल सेना ओसो छापामार दलम मंदाणा ओसो बेरसना बारे ते समझेमायमूडायर। इविना संगे पांडरी राजनीतिक सत्ता ता घेराव ते सुडला लाल इलाका नित्सी मंतांग ओसो विकसित आसोरे मंतांग (इद्रम ता बस्के हूइवा चीज नेंड चीन किन विडसी दूसरा बेगाने हिल्ले)। पांचवा, ओरकिन लाल सेना, छापामार दलम ओसो लाल इलाका ना निर्माण ओसो विकास अर्ध-औपनिवेशिक चीन लोप्पा सर्वहारा वर्ग ता नेतृत्व लोप्पा ताकना किसान संघर्ष ता सबसे पोरुटा रूप इंजी समझेमांता, उंदी अर्ध-उपनिवेश लोप्पा किसान संघर्ष ता विकास ता जरूरी रिजल्ट आंदू ओसो डावुट लेवा पूरा देश लोप्पा क्रांतिकारी उबार किन तेज कियाना सबसे महत्वपूर्ण साधन आंदू। ओसो छठवा, ओरकिन राष्ट्रव्यापी क्रांतिकारी उबार किन तेज कियाना काम विशुद्ध घुमन्तू छापामार कार्रवाई ता नीति संगे पूरा आया परवो इंजी समझेमांता। अगा चूटे ओसो माओ त्सेतुंग ओसो फांग

च-मिन' वेन्ने बद्रम ता नीतिंग लागू किताद मंता, डावुट हिल्वा अद उंदी सही नीति मत्ता - इत्तेके आधार-क्षेत्र निल्पी कियाना नीति, योजना ता अनुसार राजनीतिक सत्ता स्थापना कियाना नीति, भूमि-क्रांति किन गंभीर रूप ते ताकी कियाना नीति, व्यापक तरीका ते मुन्ने श्यांग ना लाल रक्षक दलम, स्थानीय लाल सेना ओसो नियमित लाल सेना ता विकास कीसि जनता ना सशस्त्र सेना ता विस्तार कियाना नीति, ओसो राजनीतिक सत्ता ता प्रचार कियाना काजे लहर लेक्का मुन्ने दायना नीति, लेक्काटवा। केवल इद्रमें माटू पूरा देश ता क्रांतिकारी जनता ना विश्वास जीड़ा परितोमा सोवियत संघ पूरा दुनिया ता विश्वास जीड़ता लेक्का कियाना। इद्रमें माटू प्रतिक्रियावादी शासक वर्ग काजे मुशिकल पैदा किया परितोम, ताना बुनियाद किन तेहका परितोम ओसो ओरा आन्तरिक विघटन लोप्पा तेज किया परितोम। ओसो सिर्फ इद्रमे माटू सही तरीका ते वायना महान क्रांति लोप्पा मावा मुख्य हथियार बने माया परना लेक्कटा लाल सेना ता निर्माण किया परितोम। संक्षेप ते इद सिर्फ इद्रमताए क्रांतिकारी उभार किन तेज कियाना सम्भव मंता।

क्रांति ता बारे ते जल्दबाजी ता शिकार आता कामरेड्स क्रांति ता आत्मगत शक्ति² किन वेल्ले बढे-चढे कीसि आंकलन कांतोर ओसो प्रतिक्रांति ता शक्ति किन कम कीसि हूडंतोर। इद्रम ता आंकलन ता मुख्य कारण मनोगतवाद आंदू डावुट लेवा इद अभियानवाद लोप्पाने खत्म आयर। दूसरा बगिल, क्रांति ता आत्मगत शक्ति किन कम कीसि हूडाना ओसो प्रतिक्रांति ता शक्ति किन बेरसी कीसि हूडाना, इद आंकलन वेन्ने सही मनो आयार ओसो जरूर ताना दूसरा तरीका ता गलत रिजल्ट पेसयर। अदिन काजे चीन ता राजनीतिक परिस्थिति किन आंकलन कियाना काजे दोड़ रास्ता विशेष पोल्लोंग किन समझेमायना जरूरी मंता:

1. चीन लोप्पा क्रांति ता आत्मगत शक्तिंग इंजे कमजोर मंतांग, मति चीन ता पेरके अरता ओसो सामाजिक, आर्थिक व्यवस्था पोरु आधार आसी मत्ता प्रतिक्रियावादी शासक वर्ग ता सब्बे संस्थांग (राजसत्ता ता संगठन, सशस्त्र सेनांग, राजनीतिक पार्टिंग) वेन्ने

कमजोर मंतांग। पश्चिमी योरोप ता देशकुना लोपो इंजे क्रांति बारांक आया परवो इंजी वेहाला काजे मदद दोरकयर, मति अगा क्रांति ता आत्मगत शक्तिंग चीन तुकू ज्यादा मजबूत मंतांग, मति प्रतिक्रियावादी शासक वर्ग ता शक्ति मावा देश तुकू बचोनो गुना मजबूत मंता। चीन लोप्पा इंजे क्रांति ता आत्मगत शक्तिंग कमजोर मंतांग, मति ताना संगेने प्रतिक्रांति ता शक्ति वेन्ने तुलनात्मक कमजोर मंता, अदिन काजे जरूर पश्चिमी योरोप ता तुलना ते चीन लोप्पा क्रांति ज्यादा तेज आयारा।

2. 1927 ता क्रांति हारेमाता पेरके क्रांति ता आत्मगत शक्तिंग निज्जमे कमजोर आतांग। बद शक्ति पिससी मत्ता, अद पक्काए सुडला मत्ता ओसो इद्रम ता कामरेड्स केवल पोरो-पोरो हूडसीए फैसला किंदुर, अदिनके निराश आंतोरा। मति लोप्पा नेगंसी हूडतेके रिजल्ट उचुन अलग पेसिंता। अगा पाड़ना चीनी कहावत लागू आंता: “उंदी किस मिरंगुर पूरा जंगल किन पोत्ति किया परिंता।” दूसरा हिसाब ते मावा शक्ति इंजे पक्काए सुडला मंता, मति अद वेल्ले जल्दी बेरसियरा। चीन लोप्पा मंदाना परिस्थिति ते ताकत बेरसना सम्भावना हिल्ले इंजी आयो, मति अद अनिवार्य वेन्ने मंता। इद पोल्लो 30 मई आंदोलन ओसो ताना पेरके ता महान क्रांतिकारी आंदोलन तिंची पूराए सही साबित आता। माटु बदे चीज ता अध्ययन कितेके, मनाकिन ताना लोप्पाटा अन्तर्वस्तु(essence) किन आंकलन कियाना, ताना बाहरी रूप किन अन्तर्वस्तु ता डारवेंडा (देहरी) एवनल एवला काजे मार्गदर्शक लेक्का मानेमायना ओसो उंदी बेरा डारवेंडा वेंडतास्के मनम अद चीज ता अन्तर्वस्तु किन गटिंग पोयाना, विश्लेषण ता इद तरीका उंदी विश्वासनीय ओसो वैज्ञानिक तरीका आंदू।
3. इद्रमे प्रतिक्रांतिकारी शक्तिंग किन आंकलन कियाना लोप्पा मनकिन केवल अविना बाहरी रूप किने हूडानाओ, अविना लोप्पाडा रूप किन वेन्ने अध्ययन कियान जरूरत मंता। हुनान-किआंगशी सीमान्त क्षेत्र लोप्पा मावा स्वतंत्र-शासन-व्यवस्था शुरू आतास्के उचुन

कामरेड्स हुनान प्रांतीय कमेटी ता गलत आंकलन पोरो विश्वास कियानोर। ओर मावा वर्ग-दुश्मन पटने खत्म आयानूर इंजी आल्सनोर। हुनान ता शासक लू ती-फिंग³ ना ताकत किन आंकलन कीसोरे हुनान प्रांतीय कमेटी (मई तिंची जून 1928 एवनल) इद हिसाब ता शब्द किन उपयोग किता- “रेक्कांग कोयताव” ओसो “वेरियसी सांगसी मंतोर”- ओर नेंड एवनल वेन्ने मजाक ता विषय बने मातोर। इद्रम ता आंकलन ता रिजल्ट राजनीतिक अभियानवादे आया पर्रिता। मति नवम्बर 1928 तिंचि फरवरी 1929 एवनल चार महिनांग लोप्पा (च्यांग काई-शेक ओसो क्वांगशी ता युद्ध-सरदार⁴ लोरा लोप्पा युद्ध आयना मुन्ने) दुश्मन ता “संयुक्त दमन कियाना” ता तीसरी मुहिम⁵ बस्के-बस्के चिंगकांगशान मेड्वांग बगिल वाता, अस्के उचुन कामरेड्स सवाल कितोर, “माटु लाल झंडा किन बस्के एवनल तेहची मंदा पर्रितोम?” असल इत्तेके अद समय ते चीन लोप्पा ब्रिटिश, अमेरिका ओसो जापान ता नडमा बिल्कुल खुल्ला संघर्ष शुरू आसी मत्ता ओसो च्यांग काई-शेक, क्वांगशी ग्रुप ओसो फंग य्वी-श्यांग नडमा जटिल लडाई शुरू आयना परिस्थिति पुटसोरे मत्ता। असल इत्तेके प्रतिक्रांतिकारी उभार कम आयाना ओसो क्रांतिकारी उभार दोबारा बेरसाना समय इदे मत्ता। मति अदे समय ते सिर्फ लाल सेना ओसो स्थानीय पार्टी-संगठनकुना लोप्पा निराशावादी विचार वेन्ने मत्ता, पार्टी ता केंद्रीय कमेटी वेन्ने दोड मत्ता परिस्थिति तल हिके-हके आसी मत्ता ओसो अद कमेटी ता पोल्लोंग वेन्ने आशा हिल्वप आतांग। अस्के पार्टी तन्ना विश्लेषण लोप्पा आशा हिल्वप दिस्ता, ताना सबूत पार्टी ता केंद्रीय कमेटी ता फरवरी ता चिट्टी⁶ लोप्पा मंता।

4. बद कामरेड नेटा परिस्थिति ता अन्तर्वस्तु किन हूडवा लेवा बाहरी रूप किन हूडितोर ओरकिन वर्तमान वस्तुगत परिस्थिति वेने आसानी ते उलझन ते वाटा पर्रिता। खासकर लाल सेना लोप्पा काम कियाना कामरेड्स, लडाई लोप्पा घेराव आतास्के, हारेमातास्के, दुश्मनता

ताकतवर सेना पेरके अरतास्के, हमेशा पुनवा लेवा अव परिस्थितिंग किन सर्वव्यापी ओसो बेरसी कीसि वेहितोर, अव असल ते तात्कालिक, विशेष ओसो स्थानीय मंदितांग, चीन ओसो दुनिया ता पूरा परिस्थिति अनुकूल हिल्ले ओसो क्रांति ता सफलता ता सम्भावना हिल्ले इताप आल्लिसंतोरा। ओर अविन हूङनास्के बाहरी रूप ते पोयसी मंतोर ओसो अन्तर्वस्तु पोरो ध्यान हीवोर आंतोरा। बारांक इत्तेके ओर पूरा परिस्थिति ता अन्तर्वस्तु किन वैज्ञानिक विश्लेषण कीवोर। बोराई चीन लोप्पा शीघ्र क्रांतिकारी उभार वायरा वायो इंजी पूछेमांतोर, अस्के माटू सही जवाब विस्तृत रूप ते क्रांतिकारी उभार तत्ताना अंतरविरोध निज्जमे बेरसा मंताया हिल्ले इंजी जांच-पडताल कितास्केने हिया परितोमा। बारांक इत्तेके अन्तरराष्ट्रीय स्तर ते साम्राज्यवादी देशकुना नडमा, साम्राज्यवादी देश ओसो उपनिवेशकुना नडमा ओसो साम्राज्यवादी ओसो तम्मा देश ता सर्वनहारा वर्ग ता नडमा अंतरविरोध बेरसा मंता, अदिन काजे साम्राज्यवादी लोर चीन पोरो अधिकार कियाला काजे मैदाना ते रेया लागियर इंजी वेन्ने आल्लिसंतोरा। चीन पोरो अधिकार कियाला काजे साम्राज्यवादी लोरा संघर्ष बद्रम तेज आंता, अद्रमे साम्राज्यवादी ताकत ओसो पूरा चीनी राष्ट्र ता अंतरविरोध ओसो खुद साम्राज्यवादी लोरा आपस ता अंतरविरोध वेन्ने चीन भूमि पोरो संगे-संगे बेरसोर दांतांग। इद्रम चीन ता प्रतिक्रियावादी शासक लोरा अलग-अलग गुप ता नडमा जटिल युद्ध शुरू आंता, अद दिव्या-दिव्या ते फैलेमासोरे दांता, ओसो ताना आपसी अंतरविरोध दिव्या-दिव्या ते बेरसोर दांता। प्रतिक्रियावादी शासक लोरा अलग-अलग गुप नडमा ता अंतरविरोधकु- युद्ध-सरदार लोरा जटिन लड़ाईंग - ना कारण टैक्स बेरसोरदांता। इद्रम टैक्स हियाना आम लोकुर ओसो प्रतिक्रियावादी शासक वर्ग ता नडमा अंतरविरोध दिव्या-दिव्या तुकू तेज आंता। साम्राज्यवाद ओसो चीन ता राष्ट्रीय उद्योगकुना नडमा ता अंतरविरोध मंदाना कारण ते चीन ता राष्ट्रीय उद्योग साम्राज्यवाद

तल छूट (रियायत) हासिल किया परवो आंता। अद्रमासी चीनी पूंजीपति वर्ग ओसो चीनी मजदूर लोरा शोषण कीसि तन्ना हर्षी परकना कोशिश कींतोर, ओसो चीनी मजदूर ताना विरोध ते तेदितोर। चीन लोप्पा साम्राज्यवाद संगे व्यापारिक आक्रमण कियाना, चीन ता सौदा कियाना पूंजीपति लोरा संगे लूट-खसोट कियाना, सरकार संगे वेल्ले कर वसूल कियाना लेक्काटा कारणकुना कारण ते जर्मीदार वर्ग ओसो किसान वर्ग ता नडमा ता अंतरविरोध बेरसिंता, इत्तेके लगान ओसो सूदखोरी संगे कियाना शोषण ओसो बेरसिंता, अनि किसान लोरा लोप्पा जर्मीदार वर्ग ता खिलाफ होंग बेरसिंता। विदेशी माल ता दबाव वातास्के, आम मजदूर-किसान लोरा क्रय-शक्ति (अस्सना-शक्ति) कम आयाना ओसो सरकारी टैक्स बेरसना कारण ते चीन लोप्पा बनेमाता माल ता व्यापारी ओसो स्वतंत्र उत्पादन दिव्या-दिव्या ते कम आसोरे दांता। बारांक इत्तेके प्रतिक्रियावादी सरकार राशन ओसो पैसा ता कमी आतेकाई तन्ना फौज किन बेहिसाब बेरसी कीसोरे दांता, इद्रम अद दिव्या-दिव्या तुक युद्ध ता विस्तार कीसोरे दांता। अदिन काजे आम सैनिक लोराकिन लगातार परेशानी ता सामना किया लागिंता। सरकारी टैक्स बेरसी कियाना, जर्मीदार संगे लगान ओसो सूद वसूल कियाना लोप्पा लगातार बेरसी कियाना ओसो लगातार युद्ध फैलेमायना कारण ते पूरा देश लोप्पा अकाल ओसो डकैति ताकसोरे मंत्ता। आम किसान ओसो शहरी गरीब लोरा हालत वेल्ले खराब आता इत्तेके ओर मुश्किल ते पिस्साना लेक्का आतोर। बारांक इत्तेके स्कूल ते तन्ना काम ताकी कियाना काजे पैसा मन्नो, अदिन काजे वेल्ले छात्र ओरा पढाई बंद आयर इंजी परेशान आया मंतोर। बारांक इत्तेके उत्पादन पेरके अरसी मत्ता, अदिन काजे वेल्ले कालेज छात्र लोराकिन काम दोरकना आशा मन्नो आयनदु। माटू उंदी बेरा इव सब्बे अंतरविरोध किन समझेमातेके, मनम चीन ता परिस्थिति बचोन नाजुक ओसो डांवाडोल मंता, ओसो ताना वर्तमान पारिस्थिति बचोन उथल-पुथल मंता इंजी समझेमांतोमा।

साम्राज्यवादी, युद्ध - सरदार ओसो जमींदार लोरा खिलाफ क्रांतिकारी उभार जरूर वायर ओसो तुरंत वायर इंजी वेन्ने समझेमांता। पूरा चीन लोप्पा वत्तले वर्किंग जमा आसी मंता जल्दिये पोत्तियर। “उंदी किस मिरंगुर पूरा जंगल किन पोत्ति किया परिंता।” - इद कहावत वर्तमान परिस्थिति बद दिशा ते विकसित आयर इंदानदु पक्काए बेस वेहिंता। हर जागा ते मजदूर लोरा हड़ताल, किसान लोरा विद्रोह, आम सैनिक लोरा बगावत ओसो छात्र लोरा हड़तालकुना विकास पोरो हूडतेके जरूर “उंदी किस मिरंगुर” ते “पूरा जंगल पोरो किस” पोत्ताला वेल्ले समय पोय्यो आयर।

पोरो वेहता पोल्लो ना सारांश 5 अप्रैल 1929 ता पार्टी ता केंद्रीय कमेटी ता पोरोल ते मोर्चा-कमेटी लोहता चिड्डी लोप्पा हीताद मंता। ताना उंदी हिस्सा दोड़ रास्ता लेक्का मंता:

केंद्रीय कमेटी ता [9 फरवरी 1929] ता चिड्डी लोप्पा वस्तुगत परिस्थिति ओसो मावा आत्मगत ताकत ता वेल्ले निराशापूर्ण लेखा-जोखा हीतद मंता। क्वोमिंगतांग “दमन क्रियाना” ता मूंड अभियान चिंगकांगशान मेट्टा ना खिलाफ ताकी कित्ता, अव प्रतिक्रांतिकारी ज्वार ता उभार ता उच्चतम चिन्ह मंतांगा मति इद ज्वार अगाने रोमता ओसो ताना पेरके प्रतिक्रांतिकारी उभार तीरम-तीरम घटेमासोरे हत्ता मति क्रांतिकारी उभार तीरम-तीरम बेरसोरे हत्ता। मावा पार्टी ता जुझारू क्षमता ओसो संगठनात्मक ताकत केंद्रीय कमेटी वेहतागा एवनल घटेमाता मति प्रतिक्रांतिकारी उभार तीरम-तीरम घटेमायना संगे-संगे माटु जल्दि ए ओर किन ओसो बेस क्रियाकोम ओसो पार्टी-कार्यकर्तालोरा नाराजगी वेन्ने जल्दी दूर आयर। आम जनता जरूर मावा बगिल वायर। क्वोमिंगतांग ता जन-संहार ता नीति⁷ लेक्का उंदी कहावत मंता “कीकेंग किन वेल्ले कोल मंदाना कस्सा लोप्पा पूंडना” काम कींता ओसो सुधारवाद किन वेन्ने दोबारा बस्केने जन-समर्थन हासिल आयो आंता। इद पोल्लो निज्जमे मति क्वोमिंगतांग ता बारे ते जनता ना भ्रम वेल्ले जल्दी दूर आयर। अस्के बद परिस्थिति पुटयर, ताना लोप्पा जनता किन मन्ना पक्ष ते तत्ताना लोप्पा

वेन्ने पार्टी कम्प्युनिस्ट पार्टी ता मुकाबला किया परियर। मावा पार्टी ता छठी राष्ट्रीय कांग्रेस⁸ ता राजनीतिक कार्यदिशा ओसो संगठनात्मक कार्यदिशा किन तय कित्ताद मंता, अव सही मंतांग, ओसो अव दोड़ रास्ता लेक्का मंतांग:

- वर्तमान मंजिल लोप्पा क्रांति समाजवादी आयवा लेवा जनवादी मंता, पार्टी ता तात्कालिक काम [“बेहरा शहर लोप्पा” जोड़े कियाना मत्ता] आम जनता किन तन्ना पक्ष ते कियाना, तुरंत विद्रोह कियाना आयो। मति क्रांति जल्दी फैलेमायर ओसो सशस्त्र विद्रोह काजे प्रचार कियानास्के ओसो ताना तैयारी कियानास्के मनाकिन उंदी सकारात्मक रुझान लागू किया लागियर। वेल्ले उथल-पुथल आयाना परिस्थिति लोप्पा सकारात्मक नारा हिसी ओसो सकारात्मक रुख (Attitude) लागू कीसिए मनम जनाता ना नेतृत्व किया परितोम। सकारात्मक रुख (Attitude) लागू कीसिए पार्टी तन्ना जुझारू क्षमता किन हासिल किया परिता। क्रांति ता सफलता कुंजी केवल सर्वहारा वर्ग ता नेतृत्व आंदू। पार्टी काजे सर्वहारा-आधार बने कियाना ओसो केंद्रीय क्षेत्र ता उद्योग-धंधा लोप्पा पार्टी-शाखांग निल्पी कियाना इंजे पार्टी ता महत्वपूर्ण संगठनात्मक काम आंदू, मति संगेने शहर लोप्पा संघर्ष ता मदद कियाना काजे ओसो क्रांतिकारी उभार किन तेज कियाला काजे मुख्य शर्तकु इद हिसाब ते मंतांग: ग्रामीण क्षेत्र लोप्पा संघर्ष ता विकास कियाना, ओसो लाल सेना ता निर्माण ओसो विस्तार कियाना। अदिन काजे शहर लोप्पा संघर्ष किन विड़सियाना गलत आंता, मति मावा हिसाब ते बोराई पार्टी-सदस्य ना किसान लोरा ताकत मजदूर लोरा ताकत तुकू ज्यादा बेरसियर बहे ओसो अदिनके क्रांति किन नुक्सान कियार बहे इंदाना पोल्लो तुकू वेरियाना गलत मंता। बारांक इत्तेके अर्ध-औपनिवेशिक चीन लोप्पा क्रांति अनिवार्य रूप ते किसान

संघर्ष किन मजदूर वर्ग ता नेतृत्व दोरकवास्केने विफल आंता, मति किसान संघर्ष ता मजदूर लोरा ताकत तुकू मुन्ने दायाना क्रांति किन बस्केने नुक्सान कीवो।

लाल सेना ता फौजी कार्यावाही संबंध ता कार्यनीति ता सवाल ता वेन्ने चिट्टी लोप्पा दोड़ रास्ता लेक्का जवाब हीतद मंता:

केंद्रीय कमेटी लाल सेना किन निल्पी कीसि तासला काजे ओसो जनता किन जागृत कियाला काजे मना सेना किन वेल्ले सुडला-सुडलाग्रुप लोप्पा तूसी ग्रामीण इलाका लोप्पा लोहाना, चूटे ओसो माओ त्सेतुंग सेना तल अलग आयना, इद्रम कीतेके दुश्मन ता मुख्य निशाना मकसि मंदियरा इद उंदी यथार्थवादी दृष्टिकोण आयो। 1927 ता इरंगम कालम ते माटू मन्ना सेना किन कम्पनी या बटालियन रूपते ग्रामीण इलाका लोप्पा लोहाना इंजी योजना बने कीतोम। अद तन्न तनाये कार्रवाई कियाना ओसो छापामार कार्यनीति लागू किसोरे जनता किन जागृत कियाना, अस्केने अद खुद दुश्मन ता निशाना बनेमायो आयर। माटु बचोनो बेरा इद्रम ता कोशिश कीतोम, मति हर बार असफल आतोम। बारांक इत्तेके: 1. रेगुलर लाल सेना ता ज्यादातर सैनिक लोर दूसरा इलाका तिंचि वासी मत्तोर ओरा पृष्ठभूमि स्थानीय लाल रक्षक दल तुकू अलग मंता। 2. सुडला-सुडलाग्रुप ते तूसता कारण ते नेतृत्व कमजोर आंता ओसो प्रतिकूल परिस्थिति ता मुकाबला कियाना क्षमता मनो आंता, अद्रमासी हारे मांतोम। 3. सुडला ग्रुप किन उंदी-उंदी कीसि खत्म कियाना दुश्मन काजे आसान आंता। 4. परिस्थिति बचोन प्रतिकूल मत्तेकाई, सेना केंद्रित आसी मंदाना अचोने जरूरी मंता ओसो नेतृत्व डटमासी संघर्ष ताकि कियाना, अस्केने दुश्मन ता खिलाफ अंदरूनी एकता निल्पी किया परिंता। सिर्फ अनुकूल परिस्थिति लोप्पाने छापामार कार्रवाई काजे सेना विभक्त कियाना सलाह हिया परमूडांता ओसो ओरकिन प्रतिकूल परिस्थिति लोप्पा किया लगता लेक्का सिर्फ अस्केने नेता लोरकिन आम सैनिक लोरा संगे हमेशा मंदाना जरूरत मन्नो आंता।

पोरोटा अंश ता लोप्पा बाता गलत मंता इत्तेके सेना शक्ति किन विकेंद्रीकरण कियाना खिलाफ हीता सब्बे तर्क नाकारात्मक मंतांग। इद इनपड़े सही आयो। मना सेना किन केद्रित कियाना सकारात्मक कारण बाता इत्तेके केंद्रित आसीए माटु अपेक्षाकृत बेहरा दुश्मन सेना किन नष्ट किया परिंतोम ओसो नगर, शहर कुना पोरो कब्जा किया परिंतोम। अपेक्षाकृत बेहरा दुश्मन सेना किन खत्म कित्ता पेरेकेने नगर, शहर कुना पोरो अधिकार कीसि माटु जन-समुदाय किन बेहरा स्तर ते जागृत किया परिंतोम ओसो उंदीनकु उंदी जुडेमासी मत्ता काउंटिंग लोप्पा एकीकृत राजनीतिक सत्ता निल्लि किया परिंतोम। इद हिसाब ते माटु आसपास ता ओसो जेकता जनता किना प्रभावित किया परिंतोम। (इदिन माटू “अपना राजनीतिक प्रभाव फैलेकियाना” इंतोम) ओसो क्रांतिकारी उभार किन तेज कियाना लोप्पा सही तरीका ते सहयोग हिया परिंतोम। उदाहरण काजे, हुनान-च्यंगसी सीमान्त क्षेत्र लोप्पा हत्ता तुकू हत्ता साल ओसो पश्चिमी फूच्येन लोप्पा हत्ता साल ते माटु राजनितिक सत्ता निल्ली कीसि मत्तोम,⁹ अद सेना शक्ति किन केंद्रित कियाना नीति ता परिणाम मत्ता। इद उंदी आम सिद्धांत आंदू। मति सेना शक्ति किन विभक्त कियाना लेक्काट मौका वाया परवोया? इंगो, इद्रमता मौका वाया परिंता। पार्टी ता केंद्रीय कमेटी ता पोरोल ते मोर्चा-कमेटी लोहता चिट्टी लोप्पा लाल सेना ता छापामार कार्यनीति ता चर्चा कित्ताद मंता: ताना सुडला इलाका लोप्पा सेना शक्ति किन विकेंद्रित कियाना पोल्लो वेन्ने शामिल मंता।

हत्ता मूंड सालकु ना संघर्ष ता परिणामस्वरूप मनम बद कार्यनीति तेंडताद मंता अद अव सब्बे कार्यनीतिंग किनकु अलग मंता अद चीन लोप्पा लेवेके विदेश लोप्पा, इंजेटा या पाइना कालम ते लागू कित्ताद मंता। मावा कार्यनीति तिंचि आम जनता किन वेल्ले व्यापक स्तर ते संघर्ष लोप्पा जूझेमायला काजे जागृत किया परिंता, ओसो दुश्मन बचोन शक्तिशाली मत्तेकाई, मनाकिन जीड़ा परवो। मावा कार्यनीति छापामार कार्यनीतिए आंदू। ताना मुख्य माटांग:

“जन-समुदाय किन जागृत कियाला काजे ताना नड़मा मना सेना किन विकेंद्रिकरण किमुट ओसो दुश्मन संगे लड़ेमायला काजे मना सेना किन केंद्रित कीमुटा”

“दुश्मन मुन्ने वांतोर, इत्तेके माटु पेरके गुचिंतोम, दुश्मन डेरा वाटितोर, इत्तेके माटु ओरकिन कंदरेम कीतोम। दुश्मन दोगिंतोर अस्के माटू ओरा पोरो हमला कीतोम। ओर पेरके गुचिंतोर, अस्के माटू ओने पेरके अर्रितोम।”

“स्थायी आधार इलाकांग¹⁰ बेसीं कियाला लहरकुना लेक्का मुन्ने दायना नीति लागू कियाना; बस्के शक्तिशाली दुश्मन पेरके अर्रितोर उर्रा वेड़िय लेक्का तिरगना नीति लागू कियाना”

“कम से कम समय ते वेल्ले आम जनता किन बेस तुकू बेसता तरीका संगे जागृत कीमुटा”

इद कार्यनीति मीन पोयना वद्दी वाटना लेक्का मंता। मनाकिन बस्केनाई जाली जेक एनल वाटना लेक्का मंदाना ओसो बस्केनाई सदरे कियाना लेक्का मंदाना। आम जनता किन मना पक्ष ते कियाला काजे माटू इद जाल किन जेक एनवल वाटितोम ओसो दुश्मन संगे लड़ेमायला काजे इदिन किन सरदितोम। हत्ता मूड साल लोप्पा माटु इद्रमातए कार्यानीति लागू कीतोम।

इगा “जाली (वद्दी) जेक एनल वाटना” इत्तेके मुडला जागा ते तना सेना कि विकेंद्रिकरण कियाना। उदाहरण काजे हुनान-किआंगशी क्षेत्र लोप्पा माटु युंगिश काउंटी-केंद्र पोरो पहली बेरा कब्जा कीतोम, अस्के माटु युंगिशिन सीमा ते 29 वीं ओसो 31 वीं रेजीमेंट किन तूस्तोम। ओसो माटु युंगिशिन काउंटी-केंद्र पोरो तीसरी बेरा कब्जा कीतोम। ओसो 28 वीं रेजीमेंट किन आनफू ता सीमा पोरो, 29 वीं रेजीमेंट किन ल्येनह्वा लोप्पा ओसो 21 वीं रेजीमेंट किन चीआन काउन्टी ता सीमा पोरो लोहची सेना किन उंदी बेरा विभक्त कितोम। ताना पेरके वेन्ने माटु हत्ता साल अप्रैल ओसो मई महिना ते मना सेना दक्षिणी किआंगशी ता काउंटी लोप्पा ओसो जुलाई लोप्पा पश्चिमी फूच्येन ता काउंटिंग लोप्पा विभक्त कीतद मत्ता।

बेहरा एरिया ते केवल रेंड रकम ता परिस्थिति वातास्के ने मना सेना किन विकेंद्रिकरण किया परितोमः अव परिस्थिति अनुकूल मत्तास्के ओसो नेतृत्व कियाना संगठन मजबूत मत्तास्के। बारांक इत्तेके सेना किन विभक्त कियाना लक्ष्य बाता इत्तेके माटु ओसो आम जनता किन मना पक्ष ते तत्ताना लेक्का बनेमायाना, भूमि-क्रांति लोप्पा गंभीरता एतना ओसो राजनीतिक सत्ता निल्पी किया परना ओसो लाल सेना, स्थानीय सेना किन बेरसी किया परना लेक्का बनेमायाना। इद लक्ष्य सफल आयवा लेक्का दिसिंता अस्के लेवेके सेना किन विभक्त कितेके लाल सेना हारेमायर ओसो ताना ताकत कमजोर आतेके, रेंडु साल मुन्ने अगस्त लोप्पा छनचओ पओरो हमला कियाला काजे हुनान-किआंगशी सीमा क्षेत्र लोप्पा सेना किन विभक्त कियानस्के आसी मत्ता लेक्का, अस्के सेना किन विभक्त कियाना बेसा आयो आंता। पओरो वेहता रेंडु परिस्थितिं मत्तास्के माटु जरूर मना सेना किन विभक्त कियाना, बारांक इत्तेके अद परिस्थिति लोप्पा केंद्रित कियाना तुकू विभक्त कियाना ज्यादा बेस आंता।

पार्टी ता केंद्रीय कमेटी ता फरवरी ता चिट्टी सही भावना ते रास्वा मत्ता। ओसो चौथी फौजी कोर ता उचुन पार्टी-कामरेड्स ना पओरो ताना गलत प्रभाव अरता। केंद्रीय कमेटी अद समय ते उंदीसर्कूलर लोप्पा च्यांग काई-शेक ओसो क्वांगशी ता युद्ध-सरदार लोरा नडमा युद्ध ताको आसी मंदार बहे इंजी राससी मत्ता। मति ताना पेरके केंद्रीय कमेटी ता आंकलन ओसो ताना निर्देशन आम रूप ते सही मत्तांग। गलत आंकलन कियाना सर्कूलर किन सुधरे कीसोरे उंदी दूसरा सर्कूलर लोहतद मत्ता। मति अद लाल सेना ता पओरोल ते रास्ता चिट्टी ता बारे ते बदे भूल-सुधार कीतद हिल्ला मत्ता, मति ताना पेरकेटाल निर्देशन अचोन निराशापूर्ण हिल्ले ओसो लाल सेना ता कार्यावाहिंग ना बारे ते केंद्रीय कमेटी ता विचार मावा विचार संगे कलियंता। मति उचुन कामरेड्स पओरो अद पत्र ता गलत प्रभाव अरसी मत्ता अद इंजे वेन्ने शुरू मत्ता। अदिन काजे इंजे वेन्ने नावा विचार किन इदिना संबंध ते उचुन स्पष्टीकरण कियाना जरूरी मत्ता।

हत्ता साल अप्रैल ता मोर्चा-कमेटी केंद्रीय कमेटी ता मुन्ने सालमेंड लोप्पा किआंगसी प्रांत पोरो अधिकार कियाना योजना वेन्ने तास्तद मत्ता। अस्के इदिना बारे ते यूतू लोप्पा उंदी निर्णय वेन्ने किताद मत्ता। केंद्रीय कमेटी पोरोल ते पत्र लोप्पा अस्के दोड़ रास्ता तर्क पेश कीतद मत्ता:

च्योच्यांग हेरे च्यांग काई-शोक ओसो क्वांगशी ता युद्ध-सरदार लोरा सेना उंदीनकु-उंदीना हेरे वाया मंता ओसो जल्दी बेहरा लड़ाई आयना संभावना मंता। आम जनता ना संघर्ष वेन्ने शुरू आतेके ओसो संगेने प्रतिक्रियावादी शासक लोरा आपसी अंतरविरोध बेरसी कियाना उंदी क्रांतिकारी उभार ता जल्दीए वायाना संभावना पुटिता। इद्रमता परिस्थिति लोप्पा माकिन मना काम बद्रम कियाना इंदानादु मावा हिसाब ते दक्षिण ता क्वांगतुंग ओसो हुनान लोप्पा दलाल-पूंजीपति ओसो जर्मीदार लोरा सेना वेल्ले मजबूत मंता, ओसो हुनान लोप्पा मना अभियानवाद ता गलतिंग ना कारण ते पार्टी लोप्पा ओसो बाहर लगभग मना पूरा जन-समुदाय मावा कैदल हत्तादे। मति फूच्येन, किआंगशी ओसो चच्यांग इलाका लोप्पाडा परिस्थिति उचुन अलगे मंता। मुन्ने सैनिक दृष्टिकोण ते दुश्मन अगा सबसे ज्यादा कमजोर मंता। चच्यांग लोप्पा केवल उंदी सुडला प्रांतीय सेना मंता अद च्यांग पो-छंग¹¹ ना नेतृत्व ते मंता। फूच्येन लोप्पा दुश्मन ता पांच सैन्य-समुदाय मंता, ताना लोप्पा चौदह रेजीमेंट मंतांग, मति क्वो फंग-मिग ना ब्रिगेड मुन्नेने खत्म आता, छन क्वो-ह्वेइ ओसो लू शिंग-पांग¹² ना अंडर सेनांग डकैती ता दल मंता ताना युद्ध-क्षमता वेल्ले कम मंता, समुद्र गर्रे मैरीन-सेना ता रेंडु ब्रिगेड तैनात मंता, ओर बस्केने लड़ाई वेन्ने हूडतद हिल्ले, अदिन काजे जरूर ओरो लोप्पा वेन्ने वेल्ले युद्ध-क्षमता हिल्ले, चांग चन¹³ उचुन-उचुन लड़ेमाया परितोर। मति फूच्येन ना प्रांतीय कमेटी ता विश्लेषण ता अनुसार ओना नेतृत्व लोप्पा वेन्ने युद्ध-क्षमता मंदाना केवल रेंडु रेजीमेंट मंतांग। इदे आयवा फूच्येन लोप्पा इंजे वेल्ले उथल-पुथल, गड़बड़ी ओसो फूट ता राज मत्ता। किआंगशी ते चू फेइ-त¹⁴ ओसो श्युंग श-ह्वेइ¹⁵ ना रेंडु कमांडकुन लोप्पा कुल मिलेकीसि सोलह रेजीमेंट मंतांग। अविना सेना फूच्येन ओसो चच्यांग तुकू ज्यादा

मंता, मति हुनान तुकू कम मत्ता। दूसरा इव मूंडासी इलाकांग लोप्पा अभियानवाद ता अपेक्षाकृत कम गलतिंग आतांग। चच्यांग ता स्थिति ता बारे ते मनम पूरा पुत्तद हिल्ले, मति किआंगशी ओसो फूच्येन लोप्पा पार्टी-संगठन ता आधार ओसो जन-आधार हुनान तुकू बेस मंता। उदाहरण काजे किआंगशी लोप्पा इंजे वेन्ने तआन, श्युश्चेइ ओसो थुंगकू लोप्पा मावा उचुन आधार बनेमाता। पश्चिम च्यांगशी ता निंगकांग, युंगशिन, ल्येनह्वा ओसो स्वेइछवान लोप्पा पार्टी ओसो लाल रक्षक दल ताकत इंजे वेन्ने मंता। दक्षिण किआंगशी लोप्पा वायना कालम बेस मंता, बारांक इत्तेके चीआन, युंगफंग ओसो शिंगक्वो लेक्काटा काउन्टिंग लोप्पा लाल सेना ता दूसरी ओसो चौथी रेजीमेंट ता ताकत दिव्या-दिव्या तुकू बेरसोरे मंता, इदे आयवा फांग च-मिन ना नेतृत्व लोप्पा ताकना लाल सेना किन बद्रम कीतेकाई खत्म किया परमूडायो। इव सब्बे पोल्लोंग ना कारण ते माटू नानछांग किन घेरे कियाना इंजी आल्सतोमा। माटू केंद्रीय कमेटी किन क्वोमिंगतांग ता युद्ध-सरदार लोरा नडमा ताकना दीर्घकालीन लडाईं तास्के, माटू किआंगशी पोरो कब्जा कियाला काजे ओसो पश्चिमी फूच्येन ओसो पश्चिमी चच्यांग पोरो वेन्ने कब्जा कियाला काजे च्यांग ग्रूप ओसो क्वांगशी ग्रूप संगे लडाईं कियाना इंजी इंतोमा। इव मूंडासी इलाकांग लोप्पा माटू लाल सेना ता विस्तार कियाना। ओसो जनता ना स्वतंत्र शासन-व्यवस्था निल्पी कियाना, ओसो इद योजना किन उंदी साल लोप्पा पूरा कियाना।

किआंगशी पोरो अधिकार कियाना प्रस्ताव लोप्पा बातल कमी इत्तेके अदिना लोप्पा सालमेंड ता समय तास्ताद मंता। किआंगशी पोरो कब्जा कियाना सम्बंध ते, इद प्रस्ताव ता आधार खुद किआंगशी ता परिस्थिति किन विडसी देशव्यापी क्रांतिकारी उभार वायाना शुरू आयार इंदाना विचार वेन्ने मत्ता। जल्दीए क्रांतिकारी उभार वायना शुरू आंता, माटू सालमेंड लोप्पा किआंगशी पोरो अधिकार कियाना फैसला पोरो बस्केने एवोम आसी मनेम इंदाना भरोसा माकिन हिल्ले आसी मनवड। प्रस्ताव लोप्पा साल मेंड ता समय तास्तद उंदी कमी मत्ता, तानकिन अद्रम

तास्ना आयवा मत्ता, ओसो इद हिसाब ते “क्रांतिकारी उभार जल्दी वायर” इदिन लोप्पा मंदाना “जल्दी” शब्द तिंची लगभग जल्दबाजी ता गब्बू वायना शुरू आता। किआंगशी ता आत्मगत ओसो वस्तुगत परिस्थिति किन हूडतेके, अविना पोरो मावा ध्यान हियाना सही मंता। केंद्रीय कमेटी ता पोरोल ते लोहता चिट्टी लोप्पा वेहताद मंता आत्मगत परिस्थिति किन विडसी वस्तुगत परिस्थिति ता बारे ते मूंड पोल्लोंग स्पष्ट रूप ते वेहा परितोम - पहली, किआंगशी ता अर्थव्यवस्था मुख्य रूपते सामंती मंता, सौदागर पूंजीपति वर्ग ता ताकत कम मंता ओसो जमींदार लोरा सशस्त्र सेना ता मुकाबला ते कमजोर मंता। दूसरा, किआंगशी ता बदे प्रांतीय सेना हिल्ले, ओसो इगा हमेशा दूसरा इलाका ता सेना मंदिता। “कम्युनिस्ट लोरा विनाश कियाना” या “डाकू लोरा विनाश कियाना” काजे लोहता सेना स्थानीय स्थिति किन पुनवा मंता, इद काम लोप्पा ताना प्रत्यक्ष रुचि अचोने मन्नो आंता बचोन स्थानीय सेना ता मंता, आम रूप ते ताना लोप्पा उत्साह कमी मंदिता। तीसरा, किआंगशी साम्राज्यवाद ता असर अपेक्षाकृत जेके मंता ओसो अद क्वांगतुंग ता लेक्का हिल्ले अद हांगकांग ते मंता ओसो ताना हर चीज अंग्रेज लोरा नियंत्रण ते मंता। उंदी बेरा मूंडासी पोल्लोंग समझेमातेके दूसरा प्रांत तुकू किआंगशी लोप्पा किसान विद्रोह बारांकु व्यापक रूप ते ताकतद मंता ओसो अगा लाल सेना, छापामार दलम ता संख्या दूसरा इलाका तुकू ज्यादा बारांकु मंता इंदानु स्पष्ट आयारा।

“क्रांतिकारी उभार जल्दी वायर” इंदाना लोप्पा “जल्दी” शब्द किन बद्रम वेहाना? वेल्ले कामरेड्स ना मुन्ने इद आम सवाल मंता। मार्क्सवादी लोरे बोरे ज्योतिषी (पुजारी) आयोर। ओरु भविष्य ता घटना-विकास ओसो परिवर्तन ता आम दिशाए वेहाना ओसो ओर केवल इचोने वेहा परितोर, ओर किन यांत्रिक तरीका ते दिया, घड़ी, समय फिक्स कियानायो ओसो ओर किया वेन्ने परवोर। मति नन्ना बस्के इद वेहितान इत्तेके चीन लोप्पा क्रांतिकारी उभार जल्दी वायर, इत्तेके अद “तुरंते वायर” इंजी आयो, अद केवल उंदी पक्काए बेसता सपना आंदू, माकिनकु वेल्ले जेक मंता, ओसो उंदी अद्रमता आंदू ताना कार्रवाई कियाना काजे बदे महत्व

हिल्ले। अद समुद्र लोप्पा ताकना जहाज लेक्का मंता, ताना पालो ता पोरोटा हिस्सा समुद्र ओदा मंदानोर किन जेक तिंची दिसिंता, अद पूर्व बगिल पेसना पोडद लेक्का मंता, ताना वेहच बदे बेहरा मेट्टा पोरो निततोर किन दिसिंता। अद तुरंत पुटना पिल्ला लेक्का मंता, अद परेशान आसी तन्ना याया ना पोड्ता ते मेलियसोर मंदिता।

नोट

1. कामरेड फांग च-मिन, किआंगशी इलाका ता ईयांग पोरोल ता जागा ता निवासी ओसो चीनी कम्युनिस्ट पार्टी ता छठी केंद्रीय कमेटी सदस्य मत्तोर, उत्तर-पूर्वी किआंगशी लोप्पा लाल इलाका ता ओसो लाल सेना ता दसवीं फौजी कोर ता संस्थापक मत्तोर। 1934 लोप्पा उत्तर बगिल अभियान कियाना लोप्पा लाल सेना ता जापान-विरोधी हिरावल दस्ता ता नेतृत्व कित्तोर। जनवरी 1935 लोप्पा क्वोमिंगतांग ता प्रतिक्रियावादी सेना ता विरुद्ध लडाईं ताकनास्के पोयसी मत्तोर ओसो जुलाई लोप्पा किआंगशी इलाका ता नानछांग लोप्पा वीरतापूर्वक शहीद आतोर।
2. इत्तेके क्रांति ता संगठित शक्तिंगा
3. लू ती-फिंग क्वोमिंगतांग ता युद्ध-सरदार मत्तोर, ओर 1928 लोप्पा हुनान प्रांत ता क्वोमिंगतांग गवर्नर वेन्ने मत्तोर।
4. मार्च-अप्रैल 1929 लोप्पा च्यांग काई-शेक नानकिंग लोप्पा क्वोमिंगतांग ता युद्ध-सरदार मत्तोर, ओसो ली चुंग-रन, पाए छुंग-शी क्वांगशी इलाका लोप्पा क्वोमिंगतांग ता युद्ध-सरदार मत्तोर, ओरा नडमा युद्ध ताकता।
5. हुनान ओसो किआंगशी लोप्पा क्वोमिंगतांग ता युद्ध-सरदार लोरा चिंगकांगशान मेट्टा पोरो स्थापना कित्ता लाल सेना ता आधार-क्षेत्र पोरो कित्ता तीसरा आक्रमण, 1928 ता आखरी ते 1929 ता शुरू एवनल ताकता।
6. इगा अद पत्र किन मुन्ने तास्तद मत्ता तानकिन (9 फरवरी 1929) चीनी कम्युनिस्ट पार्टी ता केंद्रीय कमेटी मोर्चा-कमेटी ता पोरोल ते लोहतद मत्ता। इद लेख लोप्पा केंद्रीय कमेटी मोर्चा कमेटी ता पोरोल ते लोहतद मत्ता। इद लेख लोप्पा केंद्रीय कमेटी ता पोरोल ते मोर्चा-कमेटी ता 5 अप्रैल 1929 ता पत्र तिचि उचुन अंश राससले मत्ता, अव पत्र ता सारांश मुख्य रूप ते अद समय ता परिस्थिति ता आंकलन ओसो लाल सेना ता फौजी कार्रवाई संबंध्यत कार्यनीति ता बारे ते मत्ता, मुख्य रूप ते दिसिंता। केंद्रीय कमेटी ता इद पत्र लोप्पा प्रस्तुत कित्ता दृष्टिकोण गलत

मत्ता, अदिन काजे मोर्चा-कमेटी केंद्रीय कमेटी ता पोरोल ते तन्ना पत्र लोप्पा अलग दृष्टिकोण पेश कित्ता।

7. इगा प्रतिक्रांतिकारी ताकतकु जनता ना क्रांतिकारी ताकतकुना खिलाफ कित्ता जनसंहार लोप्पा इस्तेमाल कीसि मत्ता तरीका वेहतोर।
8. चीनी कम्युनिस्ट पार्टी ता छठी राष्ट्रीय कांग्रेस ता आयोजन जुलाई 1928 लोप्पा कित्ताद मत्ता। इदिना लोप्पा 1927 ता क्रांति हारेमाता परेके चीन ता क्रांति ता स्वरूप पूंजीवादी-जनवादी इत्तेके साम्राज्यवाद-विरोधी ओसो सामंतवाद-विरोधीए मत्ता इंजी वेहतद मंता ओसो क्रांति ता पूना उभार जरूर वायर मति अद इंजे वायवा मत्ता अदिन काजे क्रांति ता आम कार्यदिशा इंजे वने जनता किन मन्ना बगिल कियाना इंजिए मत्ता इंजी वेन्ने वेहताद मत्ता। छठी कांग्रेस 1927 ता छन तू-श्यू ना दक्षिणपंथी आत्मसमर्पणवाद किन खत्म कित्ता ओसो 1927 ता आखिर ते ओसो 1928 ता शुरू ते पार्टी लोप्पा पुटता “वामपंथी” अभियानवाद ता वेन्ने भर्त्सना कित्ता।
9. 1929 लोप्पा चिंगकांगशान मेड्वांग ना लाल सेना उंदी पूना क्रांतिकारी आधार-क्षेत्र बने कियाला काजे पूर्व बगिल हत्ता ओसो फूच्येन इलाका ता पश्चिमी भाग लोप्पा लूंगयेन, युंगतिंग ओसो शांगहांग काउन्टिंग लोप्पा जनता ना क्रांतिकारी राजनीतिक सत्ता निल्पी कित्ता।
10. इगा मजदूर-किसान लोरा लाल सेना ता बने कित्ता मजबूत क्रांतिकारी आधार-क्षेत्र बारे वेहतोर ।
11. च्यांग पो-छंग अस्के चच्यांग इलाका लोप्पा क्वोमिंगतांग ता शांति-रक्षा कोर ता कमांडर मत्तोर।
12. छन क्वो-ह्वेइ ओसो लू शिंग-पांग इरवुरासी फूच्येन ता खतरनाक डाकू मत्तोर, ओना सेनांग क्वोमिंगतांग ता सेना लोप्पा कलियी कीसि मत्तोर।
13. चांग चन क्वोमिंगतांग ता सेना ता डिवीजनल कमांडर मत्तोर।
14. चू फेइ-त क्वोमिंगतांग ता युद्ध-सरदार मत्तोर, अस्के किआंगशी इलाका ता क्वोमिंगतांग गवर्नर मत्तोर।
15. श्युंग श-ह्वेउ अद समय ते किआंगशी इलाका लोप्पा क्वोमिंगतांग ता सेना ता डिवीजनल कमांडर मत्तोर।

आर्थिक काम पोरो ध्यान हियाना

20 अगस्त 1933

इद भाषण कामरेड माओ त्सेतुंग अगस्त 1933 लोप्पा आता दक्षिणी च्यांगशी ता सत्रह काउंटिंग ना उंदी आर्थिक निर्माण सम्मेलन लोप्पा हीतोर।

क्रांतिकारी युद्ध तेज आतास्के माटु आर्थिक मोर्चा पोरो तुरंत आंदोलन कियाला काजे ओसो आर्थिक निर्माण ता सब्बे जरूरी ओसो सम्भव मंदना काम किन जिम्मेदारी एताला काजे जन-समुदाय किन गोलबंद कियाना वेल्ले जरूरी आता। बारांकु इत्तेके इंजे मावा सब्बे काम कुना लक्ष्य बाता मंदाना इत्तेके क्रांतिकारी युद्ध लोप्पा सफलता हासिल आयना ओसो तीना लोप्पा वेन्ने सबसे मुन्ने दुश्मन शुरू कित्ता “घेराव कियाना ओसो नाश कियाना” पांचवा अभियान¹ किन नष्ट कियाना लोप्पा पूरा सफलता हासिल आयाना, मावा लक्ष्य मनकिन लाल सेना ता राशन ओसो दूसरा सब्बे सामान ता सप्लाई ता गारंटी मंदाना लेक्काटा भौतिक परिस्थिति हासिल आयाना। आम जनता ना रहन-सहन ता परिस्थिति सुधरेमायाना, अस्के अद क्रांतिकारी युद्ध लोप्पा ओसो वेन्ने सक्रिय रूप ते शामिल आयला काजे प्रोत्साहित आया परिंता, आर्थिक मोर्चा पोरो आम जनता किन संगठित कियाना ओसो तानकिन शिक्षित कियाना अस्के युद्ध लोप्पा मनकिन पूना जन-शक्ति दोरकिंता, ओसो आर्थिक निर्माण संगे मजदूर-किसान गोती (संश्रय) किन, मजदूर-किसान लोरा जनवादी तानाशाही (Democratic dictatorship) किन गड्डिक बने कियाना ओसो सर्वहारा नेतृत्व किन मजबूत कियाना। इव सब्बे पोल्लोंग काजे आर्थिक निर्माण ता काम कियाना जरूरी मंदिता। क्रांतिकारी काम

लोप्पाडा हर मानेय किन इद साफ समझेमायाना। मुन्ने उचुन मुल क्रांतिकारी युद्ध ता कारण ते सब्बेतोर व्यस्त मंदानोर, अदिन काजे आर्थिक निर्माण कियाला समय तेंडना मुशिकल मंता इंजी आल्सानोर। अदिन काजे बोनाई आर्थिक निर्माण ता पोल्ल्लोंग कियानास्के हूडतेके, ओना पोरो “दक्षिणपंथी भटकाव” ता लेबिल चिपके कियानोर। ओर विचार लोप्पा क्रांतिकारी युद्ध ताकानस्के आर्थिक निर्माण ता काम ताकना संभव हिल्ले ओसो इद वेन्ने युद्ध ता आखरी सफलता पेरेके परिस्थिति शांतिपूर्ण ओसो स्थिर आतास्केने संभव आया परिंता। कामरेड्स, इद्रमता विचार गलत आंदू। बोर इद्रम आल्संतोर, ओर आर्थिक निर्माण किवा लेवा क्रांतिकारी युद्ध काजे भौतिक परिस्थिति ता गारंटी हिया परवोर ओसो दीर्घकालीन युद्धताकानास्के जनता कमजोर आयर इंजी समझेमायोर। दुश्मन आर्थिक नाकेबंदी किया मंतोर, बेईमान व्यापारी ओसो प्रतिक्रियावादी मावा वित्त-व्यवस्था ओसो व्यापार किन तहस-नहस किया मंतोर। माटु इव अडचन किन दूर किवेके, तीना गंभीर प्रभाव क्रांतिकारी युद्ध पोरो अरिंता। ओवोर वेल्ले महंगा मंता, बस्के-बस्के दोरको आंता। शरद ओसो इरंगम ते वंजी सस्ता दोरकिंता, मति वसंत ओसो एदि ते वेल्ले महंगा दोरकिंता। इव सब्बे तात्कालीक प्रभाव मजदूर ओसो किसान लोरा रहन-सहन पोरो अरिंता ओसो ताना लोप्पा सुधार किया परमूडायो आंता। इद्रम आतेके मावा बुनियादी कार्यदिशा पोरो-मजदूर-किसान गोती पोरो प्रभाव अरवो या? मजदूर-किसान जन-समूदाय तन्ना रहन-सहन लोप्पा खुश हिल्लेके, तीना प्रभाव लाल सेना ता बेरसना पोरो ओसो क्रांतिकारी युद्ध लोप्पा शामिल आयाना जन-समुदाय किन गोलबंद कियाना कार्य पोरो अरो या? अदिन काजे क्रांतिकारी युद्ध ताकनस्के आर्थिक निर्माण कियानायो इंदाना विचार गलत मंता। इद्रमता विचार मंदानोर हमेशा सब्बे काम किन युद्ध-प्रयास ता अनुसार तास्ना इंतोर। ओर आर्थिक निर्माण ता काम विडस्तेके युद्ध-प्रयास ता काम सब्बे काम तुकू पोरो मन्नो आंता, अद कमजोर आंता। आर्थिक मोर्चा पोरो तन्ना काम किन विस्तृत कीसि ओसो लाल इलाका ता अर्थव्यवस्था ता विकास

कीसिए माटू क्रांतिकारी युद्ध किन उंदी सही भौतिक आधार प्रदान किया परितोम, मना फौज आक्रमण लगातार सही तरीका ते जारी तासा परितोम ओसो दुश्मन ता “घेराव वाटना ओसो विनाश कियाना” ता अभियान किन नुक्सान किया परितोम। इद्रम कीसि माटू लाल सेना ता विस्तार कियाना काजे साधन-स्रोत हासिल किया परितोम ओसो युद्ध ता मोर्चा हजारों ली मुन्ने ता जागा ते ओया परितोम, परिस्थिति अनुकूल मत्तास्के लाल सेना जरूर नानछांग ओसो च्योच्यांग पोरो हमला किया परिता ओसो राशन जमा कियाना लेक्कटा काम तिंचि फ्री आसी तन्ना पूरा ध्यान दुश्मन संगे लड़ेमायाना पोरो केंद्रित किया परिता, ओसो केवल इद्रम कीसि माटू आम जनता ना रहन-सहन ता जरूरत किन पूरा किया परितोम, अस्केने अद लाल सेना लोप्पा वेन्ने भर्ती आंता या खुशी ते क्रांतिकारी काम कींता। सब्बे काम किन युद्ध-प्रयास ता अनुसार तास्ना इत्तेके अलग-अलग जागा ने बोर क्रांतिकारी काम लोप्पा व्यस्त मंतोर, ओरा लोप्पा वेल्लेटोर इंजे वेन्ने क्रांतिकारी युद्ध लोप्पा आर्थिक निर्माण-कार्य इत्तेके बातल, ओसो वेल्ले स्थानीय सरकारकु आर्थिक निर्माण ता समस्या ता बारे ते विचार-विमर्श कियाना बगिल ज्यादा ध्यान हीताद हिल्ले। अलग-अलग स्थानीय सरकारकुना राष्ट्रीय आर्थिक विभाग इंजे एवनल बास संगठित आतद हिल्ले ओसो उचुन विभाग लोप्पा ताकिकियानोर वेन्ने हिल्लेर या उचुन लोप्पा सिर्फ जागा निहाला काजेने इत्तप मंतोर। सहकारी समितिं ग ना विकास इंजे वेन्ने सिर्फ शुरू आता ओसो अनाज ता सप्लाई हूडना काम सिर्फ उचुने जागा ने शुरू आता। अलग-अलग जागा ने आम जनता नड्मा आर्थिक निर्माण ता काम ता प्रचार कीतद हिल्ले (मति इद पक्काए जरूरी मंता) ओसो आर्थिक निर्माण ता काजे संघर्ष कियाना उत्साहपूर्ण वातावरण तैयार कित्ताद हिल्ले। अदिना कारण आर्थिक निर्माण ता महत्व पोरो ध्यान हिवा मंदाना आंदू इद सम्मेलन लोप्पा मीवा विचार-विनिमय ता संगे ओसो वापस हंजी मीवा हियाना रिपोर्ट संगे माकिन सब्बे सरकारी कर्मचारी ओसो व्यापक मजदूर-किसान जन-समुदाय लोप्पा आर्थिक निर्माण काजे उत्साहपूर्ण वातावरण पुटी कियाना। मनम सब्बे तोरकिन

क्रांतिकारी युद्ध लोप्पा आर्थिक निर्माण ता महत्व बाता मंता इंजी स्पष्ट कियाना, अस्के ओरु आर्थिक-निर्माण बॉण्ड कुना वम्मना बेरसी कियाना, सहकारिता आंदोलन ता विकास कियाना ओसो हर जागा अनाज ता सार्वजनिक अनाज भंडार (granaries) ओसो अकाल निवारण भंडार-गृह (storehouses) बने कियाना पूरा कोशिश कियाना। हर काउंटी लोप्पा अनाज ता देखरेख कियाला काजे उप-विभाग बने कियाना आसो मुख्य जिला, हाटुम लोप्पा ताना शाखांग खोले कियाना। उंदी लेक्काटा लाल इलाका लोप्पा अतिरिक्त अनाज पैदा आयना जागा तिंची, अनाज ता कमी मंदाना जागा ते लोहाना, बगाने अनाज ता कमी ओसो बगाने ज्यादा, तो बगाने अनाज सस्ता मंता या बगाने मंहगा मंता। दूसरा बगिल मावा इलाका ता अतिरिक्त अनाज ता योजना ता अनुसार (असीमित मात्रा ते आयो) निर्यात कियाना। ओसो जरूरत ता सामान पांडरी इलाका तिंचि अस्सना, ओसो इद्रम ता बेईमान व्यापारी लोरा नडुमा शोषण कियाला हियानायो। माटु सब्बे तोर खेती ओसो दस्तकारी ता पैदावार बेरसी कियाना, ज्यादा खेती-औजार बने कियाना ओसो ज्यादा मात्रा ते चूना तैयार कियाना पूरा कोशिश कियाना अस्के वायना साल ते ओसो वेन्ने ज्यादा फसल वांता ओसो मनिकिन वुल्फ्रैम, लोन पंडाना मर्रा, कपूर, कागज, पोग्गा, लिनेन ता कपडा, वत्तता कुहकू ओसो पिपरमिंट ता नेय्यु लेक्कटा स्थानीय फसल ता पैदावार बेरसी कियाना ओसो पांडरी इलाका लोप्पा इविना निर्यात कियाना कोशिश कियाना।

मावा बहारी व्यापार लोप्पा, निर्यात कियाना सामान बचोन मंता इंदाना हूडतेके अनाज सबसे मुने मंता। जरूरी सामान काजे हर साल लगभग 30 लाख तान वंजी निर्यात कीतोम, इतेके 30 लाख आबादी लोप्पा प्रति मानेयना उंदी तान औसत आंता, इदिनकु कम आया परवो। मति इद सब्बे व्यापार बोना कैदे मंता? इद पूरा धंधा व्यापारी लोरा कैदे मंता, ओर नडुमा नेंगसी मावा शोषण कीतोरो। हत्ता साल वानआन ओसो थाएहो काउंटिंग लोप्पा व्यापारी लोर किसान लोरगडल 5 च्याओ प्रति तान ता हिसाब ते वंजींग अस्सी कानचओ लोप्पा 4 ख्वान प्रति तान कीमत

ते वम्मातोर। ओसो इद हिसाब ते सात गुना मुनाफा कमेय कियतोर। दूसरा उदाहरण हर साल मावा 30 लाख आम जनता किन लगभग 90 लाख च्वान ता ओवोर लागिंता ओसो लगभग 60 लाख ख्वान ता सूती कपड़ा जरूरी मंता। मुन्ने डेढ़ करोड़ ख्वान ता ओवोर ओसो सूती कपड़ा आयात कियाना काम पूरा व्यापारी लोरा कैदे मत्ता ओसो माटु तीना बारे ते पूछे वेन्ने मायोम। नड़मा वासी व्यापारी लोरा कैदे असल ते पूरा शोषण कित्तोर। उदाहरण काजे मेइश्येन काउंटी हत्तोर ओसो अगा ओर उंदी ख्वान लोप्पा सात चिन ता कीमत ते ओवोर अस्सतोर, ओसो तानकिन उंदी ख्वान ते बारह ल्यांग² ता रेट ते वम्मला काजे मावा इलाका लोप्पा लोहतोर। इद्रम शोषण उंदी भयानक चीज बने मांता। इद्रमता काम किन माटु मुन्ने लेक्का विड़सा परवोम, ओसो इंजे माकिन खुद किया लागियर। बाहरी व्यापार-विभाग किन इदिना बारे ते वेल्ले कोशिश किया लागियर।

30 लाख ख्वान कीमत ता आर्थिक-निर्माण बॉण्ड कुना माटू बद्रम उपयोग कियाकोम? मावा योजना अविना इस्तेमाल दोड़ रास्ता लेक्का कियाकोम - 10 लाख ख्वान युद्ध ता खर्च काजे लाल सेना ता पोरोल ते कियाना ओसो 20 लाख ख्वान सहकारी समितिंग, अनाज सप्लाई हूड़ना विभाग ओसो (व्यापार विभाग किन पूंजी ता रूप ते उधार हियमूडायर। ताना पेरेके रकम ता उचुन हिस्सा उत्पादन बेरसी कियाना काम लोप्पा तत्ताना ओसो बाकी बेहरा हिस्सा व्यापार बेरसी कियाना पोरो खर्च कियाना। मावा लक्ष्य उत्पादन बेरसी कियानदे आयावा उत्पादन कित्ता फसल किन पांडरी इलाका लोप्पा सही रेट ते वम्मना ओसो आम जनता लोप्पा वितरित कियाना काजे कम कीमत ते ओवोर ओसो कपड़ा वेन्ने अस्सना मंता, इद्रम कीतेके दुश्मन ता नाकाबंदी तोड़े किया परितोम ओसो व्यापारी लोरा शोषण किन रोमी किया परितोम। मनम जनता ना अर्थव्यवस्था किन लगातार विकसित कीसोर मंदाना, आम जनता ना रहन-सहन ता स्थिति लोप्पा वेल्ले सुधार कियाना, वित्तीय आय लोप्पा वेल्ले बेरसी कियाना ओसो इद्रम क्रांतिकारी युद्ध ओसो आर्थिक निर्माण काजे मजबूत भौतिक नींव तैयार कियाना।

इद उंदी महान कब्बड़ आंदू, इद महान कब्बड़ वर्ग-संघर्ष आंदू। मति माकिन खुद किन भीषण युद्ध ताकनास्के इद काम पूरा किया परितोमा इंजी पूछे माया लागियर? नावा हिसाब ते पूरा किया परितोमा। माटु लुंगयेन एवनल रेल बने कियाना इन्नोम, फिलहाल कानचओ एवनल मोटर-सड़क बने कियाना इंदामंतोमा। अनाज ता बिक्री पोरो पूरा मालिकाना ता बारेते वेहोम ओसो व्यापारी लोरकिन अलग तासी डेढ़ करोड़ खान ता ओवोर ओसो कपड़ा ता पूरा व्यापार सरकार तन्ना कैदे तासना इंजी वेन्ने चर्चा कीवोमा। माटु इविना चर्चा कीवोम, माटु बाता कींतोम इत्तेके खेती ओसो दस्तकारी ता उत्पादन बेरसी कियाना, अनाज, वुल्फ्रैम ता निर्यात कियाना ओसो ओवोर, कपड़ा ता आयात कियाना, ओसो फिलहाल माटू इद काम किन 20 लाख ता कोष ओसो आम जनता ना पैसा संगे शुरू कियाना। माटु इद्रम ता काम लोप्पा कै वाटतद मंता ओसो ताना उचुन फायदा वेन्ने दोरकता। इद साल ता इरंगम ता फसल हत्ता साल तुकू 20-25 प्रतिशत ज्यादा मंता, ओसो 20 प्रतिशत बेरसता। दस्ताकारी ओसो व्यापार लोप्पा खेती-औजार ओसो चूना ता उत्पादन बेरसा मंता ओसो वुल्फ्रैम ता उत्पादन वेन्ने ओसो चालू आया मंता। पोग्गा, कागज ओसो मर्गा ता पैदावार वेन्ने पुड्डा मंता। अनाज ता वितरण कियाना वेन्ने इद साल वेल्ले सफलता दोरकता। ओवोर ता आयात कियाना उचुन काम वेन्ने शुरू आता। इद सफलता भविष्य लोप्पा ओसो विकास कियमूंदांता इंजी मावा दृढ़ विश्वास ता आधार आंदू। आर्थिक निर्माण युद्ध पेरकेने सम्भव मंता, इद दृष्टिकोण स्पष्ट रूप ते गलत हिल्ले या ? इंजे आयो?

इद्रम वर्तमान मंजिल लोप्पा आर्थिक निर्माण किन केंद्रीय कार्य ता, इत्तेके क्रांतिकारी युद्ध ता आसपास ताकना इंजी स्पष्ट मंता। इंजे क्रांतिकारी युद्ध केंद्रीय कार्य आंदू, आर्थिक निर्माण ता कार्य अदिनाए कैदे मंता। अदिना नालुंग बगिल वेलियंता ओसो अदिना अनुसार मंता। अद्रमे आर्थिक निर्माण किन मंदाना सब्बे काम ता केंद्र मानेमासोरे क्रांतिकारी युद्ध ता उल्लंघन कियाना या अलग विड़सी आर्थिक निर्माण कार्य कैदे पोयना दृष्टिकोण वेन्ने गलत मंता। गृहयुद्ध मारिंता अस्के केवल आर्थिक

निर्माण ता काम किन मावा सब्बे कामकुना केंद्र मानेमायमूडायर। गृहयुद्ध ताकनास्के शांतीकालीन आर्थिक निर्माण ता काम वायाना कालम ते कियमूडंता ओसो वर्तमान परिस्थिति ते आयवा इद्रमता काम किन वायना कालम तेने कियाना, सम्पन्ना कियाना इच्छा केवल उंदी अंगडम ता विचार आंदू वर्तमान लोप्पा कियाना जरूरी कामकुना लोप्पा प्रत्येक काम युद्ध काजे मंता ओसो बदे वेन्ने काम युद्ध तुकू अलग शांति-काल ता काम आयो। बोराई युद्ध तुकू अलग आर्थिक निर्माण कियाना विचार तासिंतोर, ओरकिन तुरंत तन्ना गलती किन सुधरे कियाना जरूरत मंता।

नेतृत्व ता सही तरीका ओसो काम ता सही तरीका लागू किवा लेवा आर्थिक मोर्चा पोरो आंदोलन तेज कीमुड आयवा परवो। इद वेन्ने उंदी महत्वपूर्ण समस्या मंता अद इद सम्मेलन लोप्पा सुधरे कियाना मंता, बारांक इत्तेके वापिस वातास्के मीकिन वेल्ले काम तुरंत किया लागियर ओसो मिवा संगे काम कियाना वेल्लेतोरा निर्देशन वेन्ने किया लागियर। विशेष रूप ते श्यांग ओसो नगर स्तर ते काम कियानोर ओसो सरकारी समितिग, अनाज विभाग, व्यापार विभाग ओसो अस्साना कार्यालय लेक्काटा संगठन लोप्पा काम कियानोर, सहकारी समितिग ना संगठन कियाना काजे, अनाज ता नियमन (देखरेख) ओसो ताना दुलाई ता प्रबन्ध कियाना ओसो आयात-निर्यात कियाना व्यापार किन हूडाला काजे खुद आम जनता किन गोलबंद कियाना व्यवहारिक काम कियाना। ताना नेतृत्व ता तरीका गलत मंदाना, काम कियाना गलत तरीका लागू कितेके, मावा काम पोरो तुरंत प्रभाव अरिंता, माटु रक-रकम ता काम ता काजे व्यापक जन-समुदाय ता समर्थन हासिल किया परवोम आंतोम ओसो इद साल शरद ओसो इंगम लोप्पा ओसो वायना साल वसंत ओसो एही ते केंद्रीय सरकार ता आर्थिक निर्माण कियाना पूरा योजना किन पूरा किया परवोम आंतोम। अदिन काजे नन्ना कामरेड्स ना ध्यान इव पोल्लोना बगिल पिडंगना इंजी आल्सा मंतानः

मुन्ने, संगठनात्मक रूप ते आम जनता किन गोलबंद कियाना। सबसे मुन्ने सब्बे स्तर ता सरकारी अध्यक्ष-मंडल ओसो राष्ट्रीय आर्थिक विभाग,

वित्तीय विभाग लोप्पा काम कियानोरकिन बॉड ता बिक्री, सहकारी समितिग ना विकास, अनाज ता नियमन ओसो उत्पादन, व्यापार ता विकास लेक्कटा काम किन तम्मा एजेंडा लोप्पा शामिल कीसि हमेशा अविना पोरो विचार-विमर्श कियाना, अविना देखभाल कियाना, अविना जांचपड़ताल कियाना। ताना पेरके अव जन-समुदाय, मुख्य रूप ते मजदूर संघ ओसो गरीब किसान लोरा संघ किन क्रियाशील बने कियाना। मजदूर संघ किन तन्ना सब्बे सदस्य लोरकिन आर्थिक मोर्चा लोप्पा शामिल कियाला काजे गोलबंद कियाना। सहकारी समितिग किन विकसित कियाना ओसो बॉड अस्सना काजे आम जनता किन गोलबंद कियाना लोप्पा गरीब किसान लोरा संघ मजबूत आधार मंदिता, जिला ओसो श्यांग ता सरकार किन अवुना जोरदार नेतृत्व कियाना मंदिता। इदे आयवा नाटे ना मीटिंग या उंदी लोते मंदाना परिवार ता मीटिंग कीसि माटू आर्थिक निर्माण काजे प्रचार कियाना, आसो क्रांतिकारी युद्ध ओसो आर्थिक निर्माण ता आपसी संबंध साफ-साफ वेहाना ओसो जन-समुदाय ता जीवन-स्तर किन सुधरे कियाना ओसो तन्ना जुझारू क्षमता किन बेरसी कियाना बारे ते वेल्ले व्यवहारिक तरीका ते वेहाना। मनम जनता किन बॉड अस्साना, सहकारी समितिग किन विकसित कियाना, अनाज ता नियमन कियाना, वित्त-व्यवस्था किन सुदृढ़ बने कियाना ओसो व्यापार लोप्पा बढ़ोतरी कियाना, माटु इव नारांग काजे संघर्ष कियाला आम जनता ना आह्वान कियाना ओसो ताना जोश किन बेरसी कियाना। माटु इद्रम संगठनात्मक रूप ते आम जनता किन गोलबंद कीवोम ओसो ताना नडुमा प्रचार वेन्ने कीवोम, इत्तेके सब्बे स्तर ता सरकार ता अध्यक्ष-मंडल, राष्ट्रीय आर्थिक विभाग, वित्तीय विभाग आर्थिक निर्माण ता काम पोरो विचार-विनियमय कीवोम, ओसो ताना निरिक्षण वेन्ने कीवोम, जन संगठन किन क्रियाशील बने कियाना लोप्पा लापरवाही कियाकोम ओसो प्रचार कियाना काजे जनता ना आम सभाग कियाना काम पोरो ध्यान हीवेके, मावा लक्ष्य पूरा आया परवो।

दूसरा, माटू जनता किन गोलबंद कियाना तरीका लोप्पा नौकरशाही व्यवहार लागू कियानायो। नौकरशाही नेतृत्व बदे क्रांतिकारी क्षेत्र लोप्पा मंदानायो, अद्रमे आर्थिक निर्माण ता काम लोप्पा वेन्ने तानकिन सहन कियानायो। नौकरशाही ता इद गलत रुझान किन गुम्मिया लोप्पा वाटाना, बारांक इत्तेके तान किन बोरे विचार कीवोरा। हर मानेय किन जन-समुदाय किन विचार मंदाना तरीका पोरो विचार कियाना, इत्तेके अद्रमता तरीका किन हर मजदूर विचार कियाना, ओसो अद तरीका हर मजदूर ओसो किसानलोर स्वागत कियाना लेक्का मंदना। नौकरशाही ता उंदी रूप उदासीनता लेवेके पोरो-पोरो कबड़ कीसि काम किन कमजोरी कियाना मंदिता। ताना विरुद्ध माकिन तीव्र संघर्ष कियाना। ताना दूसरा रूप फरमानशाही (आदेश संगे काम ताकि कियाना अनु.) मंता। फरमानशाही लोकर, पोरोटल हूड़तेके काम लोप्पा कमजोर दिस्सो ओसो वेल्ले मेहनती दिसिंतोरा। असल इत्तेके फरमानशाही तारीका संगे सहकारी समितिंग ना विकास आया परवो। इत्तेके तानकिन सुदृढ़ किया परवोम। आखिर ते जन-समुदाय ता विश्वास तोड़ेकियमूड़ायर ओसो विकास किन अड्डम आयर। फरमानशाही तरीका संगे बॉड ता बिक्री बेरसी कियाना, आम जनता समझेमांता या मायो इंदानदु आल्सावा लेवा ओसो अद बचोन अस्सा परिंता, तानाशाही ता हिसाब ते मनमानी रकम हीतेके आखिरी ते आम जनता नाराज आयार ओसो बिक्री कियाना असंभव आयार। मनम फरमानशाही किन जरूर खत्म किया। जन-समुदाय किन समझे कियाला काजे ताना जोरदार प्रचार कियाना ओसो विशिष्ट परिस्थिति ओसो जन-समुदाय ता वास्तविक विचार कुना अनुसार सहकारी समितिंग ना विकास कियाना, बॉड ता बिक्री बेरसी ओसो आर्थिक निर्माण काजे जनता किन गोलबंद कियाना सब्बे काम कियाना।

तीसरा आर्थिक निर्माण आंदोलन बेरसी कियाला काजे वेल्ले कार्यकर्ता लोरा जरूरत मंता। मनम सौ-पचास मुल किन इंजी आयो मना किन हजारों-लाखों लोकर किन संगठित कियाना मंता, ट्रेनिंग हियाना मंता ओसो आर्थिक निर्माण ता मोर्चा ते लोहाना मंता। आर्थिक मोर्चा ते ओरु

कमांडर ओसो व्यापक जनता ना सैनिक मंदानूर। लोकुर हमेशा कार्यकर्ता लोरा कमी मंता इंजोरे मंतोरा। मति असल इत्तेके कार्यकर्ता लोरा कमी हिल्ले आंता। बद जन-समुदाय जमीन संघर्ष, आर्थिक संघर्ष ओसो क्रांतिकारी युद्ध लोप्पा मजबूत आसी मंदितोर, ओरा लोप्पा गिनती हिल्लाचोन कार्यकर्तालोरे मुन्ने वांतोरा। माटु कार्यकर्ता लोरा कमी इंजी बद्रम वेहा परितोम? मना इद गलत दृष्टिकोण किन विडस्तेके नालुंग बगिल पूरा कार्यकर्ता लोरे दिस्सानूर।

चौथा, इंजे आर्थिक निर्माण ता काम युद्ध ता आम काम तुके आयवा दूसरा काम तुकू वेन्ने जुडेमासी मंता। जमीन बंटवारा संबंधित पूरा जांच कियाना आंदोलन³ संगे ने भूमि ता सामंती ओसो अर्ध-सामंती मिलिकयत किन पूरा खत्म किया परमूडांता, उत्पादन लोप्पा किसान लोरा सक्रियता बेरसी किया परितोम, ओसो व्यापक किसान जन-समुदाय किन आर्थिक निर्माण ता मोर्चा लोप्पा जल्दी शामिल किया परितोम। श्रम-कानून किन दृढ़ता संगे लागू कितेकेने आम मजदूर लोरा पिस्वल किन सुधरे किया परमूडांता। ओसो किसान लोरा पोरो ओरा नेतृत्व किन सुदृढ़ किया परमूडांता। चुनाव आंदोलन लोप्पा ओसो जमीन ता बंटवार तुकू संबंधित जांच कियाना आंदोलन संगे विकसित आयाना भाण्डाफोड़ आंदोलन⁴ लोप्पा सही मार्गदर्शन कीसोरे मावा सरकारी संस्थांग किन सुदृढ़ बने कियमूडांता। इद्रम कीतेके मावा सरकार क्रांतिकारी युद्ध ओसो आर्थिक काम संगे दूसरा अलग-अलग काम किना वेन्ने जोरदार नेतृत्व किया परितोम। सांस्कृतिक ओसो शैक्षणिक काम संगे आम जनता ना राजनीतिक ओसो सांस्कृतिक स्तर किन पोरो तेहना वेन्ने राष्ट्रीय अर्थव्यवस्था किन विकसित कियाला काजे उंदी महत्वपूर्ण काम आंदू। इत्तेके उंदी दिथ्या वेन्ने लाल सेना ता प्रचार कियाना काम लोप्पा बस्केने लापरवाह कियानायो। हर मानेय लाल सेना जीडवा लेवा दुश्मन ता आर्थिक नाकेबंदी ओसो वेन्ने मजबूत आयारा। दूसरा बगिल राष्ट्रीय अर्थव्यवस्था ता विकास आतेके ओसो आम जनता ना पिस्वल किन सुधरे कीतेके लाल सेना ता प्रचार कियाना काम लोप्पा जरूर सहायता दोरकियर ओसो व्यापक जन-समुदाय

किन मोर्चा बगिल दायाला प्रोत्साहित किया परमूडायर। सारांश लोप्पा माटु पोरटा शर्तकुना लोप्पा वेल्ले महत्वपूर्ण पूना शर्त- आर्थिक निर्माण-वेन्ने शामिल मंता, पूरा कियाकोम ओसो माटू क्रांतिकारी युद्ध काजे इव सब्बे ता इस्तेमाल कितेके, क्रांतिकारी युद्ध लोप्पा डावुट हिल्वा मावा जीड़मूडायर।

नोट

1. 1930 तिंचि 1934 एवलन च्यांग काई-शेक ना फौज लाल इलाका पोरो, बदिना केंद्र च्यांगशी ता रुईचिंग मत्ता अदिना पोरो, पांच बेहरा हमलांग कित्ता, अदिन 'घेराव कीसि विनाश कियाना' अभियान इंतोरा। पांचवीं अभियान असल ते। 1933 अक्तूबर लोप्पा शुरू आता, मति च्यांग काई-शेक अद साल ता एहि ते ताना सक्रिय रूप ते तैयारी शुरू कित्तोरा।
2. 'चिन' ओसो 'ल्यान' चीनी तौल-प्रणाली ता इकाई आंदू उंदी 'चिन' दस 'ल्यान' ता बराबर आंता ओसो उंदी 'ल्यान' दस 'छयेनंग ता बराबर (अद समय ते उंदी 'चिन' सोलह 'ल्यांग' ता बराबर आंता)।' उंदी 'चिन' 500 ग्राम ता मंदिता-अनु.
3. उंदी आंदोलन लाल इलाका लोप्पा जमीन तूसता पेरके भूमि वितरण सही आता या आयो इंजी जांच-पड़ताल कियाना लक्ष्य ते कित्ताद मत्ता।
4. भण्डाफोड़ा-आंदोलन उंदी जनवादी आंदोलन मत्ता ताना लोप्पा व्यापक जनता किन अद जनवादी सरकार ता बदे कर्माचारी ना गलत कामकाज ता भण्डाफोड़ कियाना इंजी प्रोत्साहित कियाना आंता।

ग्रामीण इलाकांग लोप्या वर्ग-विश्लेषण बद्रम कियाना?

अक्तुबर 1933

भूमि-सुधार काम लोप्या भटकाव पैदा आसी मत्तांग अविन सुधरे कियाना काजे ओसो भूमि-समस्या किन सही तरीका ते हल कियाला काजे कामरेड माओ त्सेतुंग ना इद दस्तावेज अक्तुबर 1933 लोप्या रास्तद मत्ता। इदिन अद समय ते मजदूर-किसान लोरा जनवादी केंद्रीय सरकार ता ग्रामीण इलाका लोप्या वर्ग-हैसियत निश्चित कियाना कसौटी ता रूप ता मानेमातद मत्ता।

1. जमींदार

बोनिगा जमीन मंदिता ओर जमींदार आंतोर, ओर खुद मेहनत कीवोर आंतोर लेवेके पक्काए कम मेहनत कींतोर, ओसो किसान लोरा शोषण पोरो ने पिसिंतोर। जमींदार कियाना शोषण ता मुख्य रूप लगाना वसूल कियाना मंदिता: इदे आयवा पैसा उदार हियाना काम वेन्ने कींतोर, किराया ता मजदूर तासिंतोर, लेवेके उद्योग ओसो व्यापार कींतोर। मति किसान लोरगडल लगान वसूल कियानादु जमींदार ना शोषण कियाना मुख्य रूप आंदू। सामुदायिक जमीन प्रबंध कियाना ओसो स्कूल ता जमीन¹ तिंची लगान वसूल कियाना वेन्ने लगान-वसूली शोषण लोप्याने वांता।

दिवालिया जमींदार वेन्ने जमींदार श्रेणी लोप्याने तासमूडायर, ओर मेहनत कीवोर ओसो दूसरोर किन धोखा हीसी लेवेके लूटपाट कीसि या दोस्त-रिश्तेदारी ता सहायता ते पिसिंतोर, ओसो ओना पिस्वल आम मध्यम किसान तुकू बेस मंता ओरकिन दिवालिया जमींदार इंतोर।

युद्ध-सरदार, नौकरशाही, स्थानीय निरंकुश तत्व ओसो बुरे शरीफजादा लोर जमींदारी वर्ग ता राजनीतिक प्रतिनिधि आंदूर, ओसो ओरा आमदनी मुख्य रूप ते जमींदार ना किसान लोरा शोषण पोरो आधार आसी मंदिता, ओसो ओना पिस्वल मध्यम किसान तुकू बेस मंता, ओरकिन वेन्ने जमींदार लोरा श्रेणी लोप्पाने गिनती कियाना।

बोर मानेयना आमदनी ता मुख्य स्रोत सूदखोरी संगे शोषण कियाना मंदिता ओसो ओना पिस्वल मध्यम किसान तुकू बेस मंदिता, ओरकिन सूदखोर इंतोम ओसो ओनकिन वेन्ने जमींदार श्रेणी लोप्पा तासिंतोमा।

2. धनी किसान

साधारण इसाब ते धनी किसान नगा तन्ना खुद ता जमीन मंदिता। मति उचुन धनी किसान लोरगा खेती ता जमीन ता केवल उंदी हिस्सा तन्ना खुद ता जमीन मंदिता ओसो बाकी जमीन दुसरोर नगडल लगान ते पोइंतोरा। उचुन धनी किसान लोरगा खुद ता जमीन मनो आंता ओसो पूरा जमीन दूसरोरगडल लगान ते पोयंतोरा। धनी किसान लोरगा आम रूप ते औसततुकू ज्यादा ओसो बेसता उत्पादन साधन मंदिता, ओसो औसत तुकू ज्यादा चल पूंजी मंदिता। ओसो खुद मेहनत कियाना लोप्पा शामिल मंदितोर, मति ओना आमदनी ता उंदी हिस्सा ओसो ज्यादा हिस्सा हमेशा शोषण संगे हासिल कींतोरा। किराया ता मजदूर कियाना (लम्बा समय काजे मजदूर तासना) धनी किसान संगे कियाना शोषण ता मुख्य रूप मंदिता। इदे आयवा ओर तन्ना जमीन ता उंदी हिस्सा लगान ते हींतोर अनि लगान-वसूल कीसि शोषण किया परितोर, पैसा लागा (उधार) हिया परितोर ओसो उद्योग, व्यापार किया परितोर। ज्यादातर धनी किसान सामुदायिक जमीन ता प्रबंध वेन्ने कींतोरा। उचुन मुल ता वेल्ले जमीन बेस मंदिता, ओर किराया ता मजदूर तासवा लेवा खुद मेहनत कींतोर, मति लगान वसूली, सूदखोरी संगे दूसरा किसान लोरा शोषण वेन्ने कींतोरा। वीरकिन वेन्ने धनी किसान लोरा श्रेणी ते गिनती कियाना। धनी किसान रोज शोषण कींतोर

ओसो वेल्ले धनी किसान लोरकिन आमदनी ता ज्यादा हिस्सा शोषण कीसि वांता।

3. मध्यम किसान

वेल्ले मध्यम किसान लोरगा खुद ता जमीन मंदिता। उचुन मुल तगा खेती कियाना जमीन केवल उंदी हिस्सा खुद ता मंदिता, बाकी जमीन किन ओर लगान ते पोयंतोर। उंचुन मध्यम किसान लोरगा खुद ता जमीन मन्नो आंता ओसो खेती ता पूरा जमीन लगान ते पोयंतोर। सब्बे मध्यम किसान लोरगा खेती कियाना औजार सही मात्रा ते मंदितांग। मध्यम किसान लोरा आमदनी ता स्रोत पूरा ओसो मुख्य रूप ते ओरा खुद ता मेहनत मंदिता। आम रूप ते ओर दूसरोरा शोषण किवोर आंतोर। वेल्ले मध्यम किसान लोर किन दूसरोरगडल लगान लेवेके कर्ज पोईसि शोषण ता शिकार वेन्ने आया लागिंता। मति मध्यम किसान आम रूप ते तन्ना श्रमशक्ति किन वम्मोर आंतोर। उचुन मध्यम किसान (खुशहाल मध्यम किसान) उचुन दूसरोरा शोषण वेन्ने कींतोर। मति इद ओरा आमदनी ता मुख्य स्रोत मन्नो आंता।

4. गरीब किसान

उचुन गरीब किसान लोरगा खेती ता जमीन सिर्फ उंदी हिस्सा खुद ता मंदिता ओसो ओरगा खेती ता साधन वेन्ने पूरा मन्नो आंता, दूसरा गरीब किसान लोरगा जमीन बिल्कुल मन्नो ओसो खेती ता औजार पक्का कम मंदितांग। आम रूप ते गरीब किसान लोरकिन खेती ता जमीन लगान ते पोय्या लागिंता, ओसो दुसरोर किन लगान लेवेके ब्याज हिसी ओसो तन्ना मेहनत ता हिस्सा किराया ते हीसि दूसरोरा शोषण ता शिकार आया लागिंता।

आम रूप ते मध्यम किसान किन तन्ना श्रमशक्ति वम्मना जरूरत आयो आंता मति गरीब किसान किन तन्ना श्रमशक्ति ता उंदी सुडला

हिस्सा वम्मा लागिंगता। इद मध्यम किसान ओसो गरबी किसान नडमा ता फर्क मंता।

5. मजदूर

मजदूर (ओरा लोप्पा खेत-मजदूर वेन्ने शामिल मंतोर) लोरगा जमीन ओसो औजार बिल्कुल मन्नो आंता। ओरा लोप्पा उचुन मजदूर लोरगा उचुन जमीन मंदिता ओसो पक्काए कम औजार मंता। मजदूर लोर पूरा ओसो मुख्य रूप ते श्रमशक्ति वम्मसिए पिसिंतोर।

नोट

1. चीन ता ग्रामीण इलाका लोप्पा रक-रकम ता सार्वजनिक जमीन मत्ता। उचुन सार्वजनिक जमीन राज्य संबंधित मत्ता, इत्तेके जिला या श्यांग ता सरकार ता जमीन, उचुन बिरादरी व्यवस्था संबंधित मत्ता, इत्तेके बिरादरी ता पुरखा ता मंदिर ता जमीन, उचुन धर्म तुकू संबंधित मत्ता अद बौद्ध या ताओपंथी मंदिर या कैथेलिक गिरजाघर ओसो मस्जिद ता जमीन, उचुन सार्वजनिक कल्याण-कार्य संबंधित जमीन मत्ता, अद अकाल-निवारण काजे अनाज-संग्रह ता काम वायना जमीन, पुल, सडक बने कियाना ओसो ओरा देखभाल कियाना काम वायाना जमीन, ओसो उचुन शिक्षा-कार्य संबंधित जमीन मत्ता, अद स्कूल ता जमीन। इद्रम ता जमीन वेल्ले जमींदार ओसो धनी किसान लोरा कैदे मत्ता। किसान लोरगा केवल उंदी सुडला हिस्सा ता प्रबंध लोप्पा शामिल आया परितोर।

मावा आर्थिक नीति

23 जनवरी 1934

इद रिपोर्ट कामरेड माओ त्सेतुंग ना जनवरी 1934 लोप्पा च्यांगशी इलाका ता रुइचिन लोप्पा आता मजदूर-किसान प्रतिनिधि लोरा दूसरा राष्ट्रीय कांग्रेस लोप्पा पेश कीतद मत्ता।

पक्काए लज्जा हिल्वा क्वोमिंगतांग युद्ध-सरदार लोरे तन्ना शासन कियाना प्रदेश ता जनता किन दिवालिया (bankruptcy) लेक्का कितोर, ओसो ओरा वित्तीय साधन किन वेन्ने खत्म कीसितोर, लाल इलाका पूरा खत्म आता इंजी हर रोज गलत प्रचार किया मंतोर । साम्राज्यवादी ओसो क्वोमिंगतांग ता लक्ष्य बातल इत्तेके लाल इलाका किन खत्म कियाना, ओसो इग्गा जरगसोरे मंता आर्थिक निर्माण ता विकास किन खत्म कियाना इंजी मंता। लाखो-लाख आजाद आता मजदूर-किसान खुशहाल पिस्वल किन बरबाद कियाना। अदिन काजे ओरु केवल “घेराव वाटना ओसो विनाश कियाना” ता फौजी अभियान काजे सेना संगठित कितोर, आर्थिक नाकेबंदी ता निर्मम नीति वेन्ने लागू कीतद मंता। मति व्यापक जनता कुना ओसो लाल सेना ता नेतृत्व किसोरे, केवल “घेराव कीसि विनाश कियाना” ता दुश्मन ता अभियान किन उंदी पेरके उंदी खत्म कित्तदे आयवा दुश्मन ता आर्थिक नाकेबंदी ता घातक योजना किन खत्म कियाना काजे आर्थिक निर्माण ता हर सम्भव लेवेके जरूरी कार्य वेन्ने जारी तास्तोमा इद लोप्पा वेन्ने माटू उंदी पेरके उंदी सफलता दोरकि कित्तोमा।

मावा आर्थिक नीति ता सिद्धांत बातल इत्तेके आर्थिक निर्माण ता सब्बे संम्भव आता अचोन ओसो जरूरी काम कियाना ओसो युद्ध काजे

आर्थिक शक्ति किन केंद्रित कियाना, ओसो संगेने जनता ना पिस्वल किन सुधरे कियाना काजे पूरा कोशिश कियाना, आर्थिक क्षेत्र लोप्पा मजदूर-किसान एकता किन सुदृढ बने कियाना, किसान लोरा पोरो सर्वहारा वर्ग ता नेतृत्व निल्पी कियाना गारंटी हियाना, ओसो प्राईवेट अर्थव्यवस्था पोरो राजकीय अर्थव्यवस्था ता नेतृत्व कियाना कोशिश कियाना ओसो इद्रम वायाना कालम ते समाजवाद बगिल विकसित कियाना मुन्ने ता शर्त कुन तैयार कियाना।

मावा आर्थिक निर्माण ता केंद्रीय काम कृषि-उत्पादन ओसो औद्योगिक उत्पादन बेरसि कियाना मंता, बाहरी व्यापार बेरसी कियाना ओसो सहकारी समितिंग ना विकास कियाना। लाल इलाका लोप्पा इंजे कृषि विकास आसोरे मंता इंदानदु स्पष्ट मंता। 1932 तुकू 1933 ता पैदावार दक्षिणी किआंगशी ओसो पश्चिम फूच्येन ता इलाका लोप्पा 15 प्रतिशत बेरस्ता ओसो फूच्येन-चच्यांग-किआंगशी सीमांत क्षेत्र लोप्पा 20 प्रतिशत बेरस्ता। सछवान-शेनशी सीमान्त क्षेत्र लोप्पा फसल बेस वाता। लाल इलाका ता स्थापना आतास्के हमेशा उंदी लेवेके रेंडू साल एवनल ताना खेती ता उपज कम आंता। मति जमीन तूसना ओसो जमीन ता मालिकाना तय आता पेरके ओसो मावा उत्पादन किन प्रोत्साहन हिता पेरके, किसान-समुदाय ता मेहनत कियाना गिर्दा बेर्सिता। अदिन काजे उत्पादन वेन्ने बेरसना शुरू आंता। इंजे उचुक जागा ने कृषि-उत्पादन सिर्फ क्रांति तुकू मुन्ने ता स्तर एवनले आयवा तानक वेन्ने मुन्ने हत्ता। उचुन जागाने केवल क्रांतिकारी विद्रोही लोरा समय ते बेकार कित्ता जमीन ता दोबारा सुधार कित्ताद मंता। ओसो पूना जमीन किन वेन्ने खेती कियाना काम कित्ताद मंता। वेल्ले जागाने नाहकुना लोप्पा श्रमशक्ति ता पूरा इस्तेमाल आयाना इंजी आपसी-सहायता श्रमिक ग्रुप ओसो पुहाना दल² बने कित्ताद मंता, कौंदाना कमी पूरा कियाला काजे कौंदांग सहकारी-समितंग तत्तानुंग। संगेने महिला लोर वेन्ने बेहरा संख्या ते उत्पादन लोप्पा शामिल आया मंतांग। इद सब्बे क्वोमिंगतांग काल ता आया परवो। अद समय ते जमीन पोरो जर्मीदार लोरा अधिकार मत्ता, किसान लोरा तना

कोशिश ते तानकिन सुधरे कियाला काजे तैयार हिल्ला मतोर ओसो सुधरे किया वेन्ने परवोर। माटु किसान लोरो लोप्पा जमीन तूस्तोम ओसो किसान लोरा उत्पादन किन प्रोत्साहन ओसो इनाम हित्तोम, अस्केने मेहनत कियाना गिर्दा ता विकास आता ओसो उत्पादन लोप्पा वेल्ले सफलता हासिल आता। इद वर्तमान परिस्थिति लोप्पा मावा आर्थिक निर्माण लोप्पा कृषि-उत्पादन ता जागा मुन्ने मंता इंजी वेहाना वेन्ने जरूरी मंता। कृषि किसोरे सिर्फ अनाज ता सबसे महत्वपूर्ण समस्याए हल कियमूडाओ, कपड़ा, शक्कर, कागज ओसो दूसरा जरूरत काजे कपास, सन, गन्ना, वेदुर, लेक्कटा कच्चा माल ता समस्या किन वेन्ने हल कियमूडांता। जंगल ओसो जानवर पोसे कियाना वेन्ने कृषि ता महत्वपूर्ण अंग आंदू। लघु किसान-अर्थव्यवस्था ता आधार ते उचुन महत्वपूर्ण कृषि-उपज काजे उपयुक्त योजना बने कियाना ओसो अविनकिन पूरा कियाला काजे किसान लोरकिन गोलबंद कियाना। इदिना बगिल मनाकिन वेल्ले ध्यान हियाना जरूरत मंता ओसो वेल्ले कोशिश वेन्ने कियाना जरूरत मंता। कृषि-उत्पादन काजे जरूरी परिस्थिति-श्रम शक्ति, कोंदांग, खाद, विज्जा ओसो सिंचाई लेक्कटा कठिन समस्यांग वांतांग। अविन हल कियाना लोप्पा किसान लोरा सक्रिय नेतृत्व किया लागिंता। इदिना लोप्पा मावा सबसे बुनियादी काम संगठित रूप ते श्रमशक्ति ता उपयोग किन सही कियाना ओसो उत्पादन लोप्पा शामिल आयाना काजे महिला लोरकिन प्रोत्साहित हियाना। आपसी-सहायता श्रमिक ग्रुप ओसो पूहाना दल किन बने कियाना ओसो पुहाना काजे महत्वपूर्ण मौसम वसंत ओसो एदि कालम लोप्पा नाहकुना सबेतोर किन गोलबंद कियाना ओसो ओरकिन प्रोत्साहन कियाना, श्रमशक्ति ता समस्या किन हल कियाना जरूरी तरीका मंता। उंदी दूसरा बेहरा समस्या वेल्ले किसान (लगभग 25 प्रतिशत) लोरगा कोंदाना कमी मंता। माटू कोंदा सहकारी – समितिंग बने कियाना लोप्पा ध्यान हियाना, बद परिवार ते कोंदा हिल्ले अदिन सामूहिक उपयोग कियाला काजे कोंदांग अस्साला तना इच्छा ते शेयर अस्साना इंजी प्रोत्साहन हियाना। सिंचाई खेती ता जीवा आंदू, ताना पोरो वेन्ने माकिन वेल्ले ध्यान

हिया लागिंगता। इंजे माटू राजकीय खेती या सामूहिक खेती ता सवाल किया परवोम, मति खेती ता विकास किन तेज कियाला काजे अलग-अलग जागाने सुडला स्तर ते प्रयोगात्मक (experimental) फार्म स्थापना कियाना ओसो कृषि रिसर्च स्कूल बने कियाना, खेती ता उपज काजे प्रदर्शनी-लोहक बने कियाना जरूरत मंता।

मावा एरिया तिंची माल निर्यात कियाना लोप्पा दुश्मन ता नाकेबंदी वेन्ने वेल्ले समस्या पुटी कीता। लाल इलाका लोप्पा दस्तकारी ता वेल्ले सामान ता उत्पादन कम आता, खासकर पोग्गा ओसो कागज ता उत्पादन, मति निर्यात कियाना लोप्पा इद्रम ता समस्यांग पूरा वेंडा परवा आयो। व्यापक जनता ना मांग कारण ते मावागा खुदउंदी बेहरा हाटुम मंता। सबसे मुन्ने मन्ना उपयोग काजे ओसो ताना पेरके निर्यात काजे माकिन योजना ता अनुसार दस्तकारी ता काम ओसो उचुन उद्योग किन वाटना ओसो विकसित कियाना। हत्ता रेंडु साल लोप्पा खासकर 1933 नडमा कालम ते दस्तकारी ता वेल्ले काम ओसो उचुन उद्योग पुड्डातांग बारांक इत्तेके मनम अदिना पोरो ध्यान हिया मंतोम। ओसो आम जनता नडमा उत्पादन सहकारी-समितिंग दिव्या-दिव्या तुकू विकसित किया मंतोम। इविना लोप्पा सबसे महत्वपूर्ण काम पोग्गा, कागज, वुल्फ्रैम, कपूर, खेती-औजार ओसो खाद (lime लेक्काटा) संबंधित मंता। इदे आयवा वर्तमान परिस्थिति लोप्पा मना किन सूती कपड़ा बने कियाना, दवाई बने कियाना ओसो शक्कर बने कियाना काम खुद कियाना ता बारे ते लापरवाह मंदानायो। फूच्येन-चच्यांग-किआंगशी सीमान्त क्षेत्र लोप्पा कागज बने कियाना, सूती कपड़ा बुने कियाना ओसो शक्कर बने कियाना लेक्काटा उचुन उद्योग मुन्ने अगा हिल्ला मत्तांग, इंजे विकसित आतांग ओसो अविना लोप्पा सफलता दोरकता। तिंदना ओवोर ता कमी किन दूर कियाला काजे क्षार-युक्त (nitre) तोड़ियो तिंचि ओवोर बने कियाना काम शुरू कीतद मंता। उद्योग किन चालू तासला काजे सही योजना बने कियाना जरूरी मंता। फैलेमाता दस्तकारी उद्योग पोरो आधार आसी नालुंग बगिल ओसो डिटेल योजना बने कियाना असम्भव मंता। ओसो

उचुन मुख्य कारोबार लोप्पा, सबसे मुन्ने राजकीय कारोबार ओसो सहकारी कारोबार लोप्पा, उत्पादन काजे वेल्ले डिटेल योजना बने कियाना जरूरत मंता। मावा हर राजकीय लेवेके सहकारी औद्योगिक कारोबार किन शुरू तिंचे कच्चा माल ता उत्पादन ता सही अनुमान वाटसोरे ओसो दुश्मन ता ओसो मावा इलाका लोप्पा खपत कियाना संभावना सही अंदाज वाटना पोरो ध्यान हियाना।

वर्तमान लोप्पा जनता किन बहारी व्यापार ता योजना अनुसार संगठित कियाना ओसो उचुन जरूरी व्यापारी कियाना माल ता अस्सना-वम्मना सीधा राज्य ता आदेश संगे कियाना खास जरूरत मंता, उदाहरण काजे तिंदाना ओवोर ओसो सूती कपड़ा ता आयात, अनाज ओसो वुल्फ्रैम ता निर्यात ओसो मना इलाका लोप्पा अनाज ता देखभाल सीधा राज्य संगे कियाना जरूरत मंता। इद्रम ता काम सबसे मुन्ने फूच्येन-चच्यांग-च्यांगीशी सीमांत क्षेत्र लोप्पा तेहतद मत्ता ओसो 1933 ता वसंत कालम लोप्पा केंद्रीय क्षेत्र लोप्पा शुरू कित्ताद मत्ता। बाहरी व्यापार विभाग ओसो दूसरा संस्थांग बेने कित्ता पेरके तन्ना लोप्पा शुरूआती सफलता दोरकता।

इंजे मावा राष्ट्रीय अर्थव्यवस्था ता मूंड अंग मंतांगः राजकीय कारोबार, सहकारी कारोबार ओसो निजी कारोबार।

राजकीय कारोबार इंजे केवल सम्भव ओसो जरूरी मत्ता उद्योग एवनले सीमित मंता। राज्य ताकि कित्ता उद्योग ओसो व्यापार इंजे पूट्सोरे मंता ओसो अविना विकास ता हंद हिल्लवा सम्भावनांग मंतांग।

निजी अर्थ व्यवस्था बस्के एवनल मावा सरकार संगे निर्धारित कानूनी हंद पार कीवो आंता अस्के एवनल माटू ताना पोरो केवल रोके किवा लेवा तानकिन बेरसी किंतोर ओसो प्रोत्साहन वेन हींतोम, बारांक इत्तेके निजी अर्थव्यवस्था ता विकास इंजे राज्य ओसो जनता ना हित काजे जरूरी मंता। इंजे नीजि अर्थव्यवस्था ता पक्ष भारी मंता ओसो वेल्ले समय एवनल इद परिस्थिति अनिवार्य रूप ते नित्तसी मंदियार। इंजे लाल इलाका लोप्पा नीजि कारोबार ता स्तर कम मंता।

सहकारी कारोबार तेज आया मंता। सितम्बर 1933 लोप्पा किआंगशी ओसो फूच्येन इलाका ता सत्रह काउन्टिंग नगडल दोरकता इसाब-किताब अनुसार अगा कुल मिले कीसि अलग-अलग रकम ता 1423 सहकारी समितिग बने मातांग। अविना कुल पूंजी 3,00,000 खान तुकू ज्यादा मंता। उपभोक्ता सहकारी-समितिग ओसो अनाज सहकारी-समितिग सबसे ज्यादा बनेमातांग। इविना पेरके उत्पादन सहकारी-समितिग ना नम्बर वांता। कर्ज हियाना सहकारी-समितिग ना काम इंजे शुरू आता। सहकारी कारोबार ओसो राजकीय कारोबार ता काम लोप्पा तालमेल आयार अस्के ओसो वेल्ले समय एवनल अविन वेल्ले विकास आयर अस्के आर्थिक क्षेत्र लोप्पा उंदी बेहरा शक्ति बनेमायनुंग ओसो कदम-कदम ते निजी कारोबार किन दबे कियानुंग ओसो अविना नेतृत्व कियानुंग। अदिन काजे हर सम्भव आता तरीका ते राजकीय कारोबार ता विकास ओसो बेहरा स्तर ते सहकारी कारोबार ता विकास कियाना, ओसो तान संगे-संगे निजी कारोबार ता विकास किन वेन्ने बेरसी कियाना।

राजकीय कारोबार किन विकसित कियाना ओसो सहकारी कारोबार ता मदद कियाना काजे मावा जन-समुदाय ता समर्थन ते 30 लाख खान ता आर्थिक-निर्माण बॉड जारी कीतद मंता। इद्रम जन-समुदाय ता शक्ति पोगो भरोसा कियानदे इंजेटा आर्थिक निर्माण काजे जरूरी पूंजी ता समस्या किन हल कियाना केवल उंदी सम्भव तरीका मंता।

राष्ट्रीय अर्थव्यवस्था ता विकास संगे मना वित्तीय आय किन बेरसी कियाना मावा वित्तीय नीति ता बुनियादी सिद्धांत मंता। तीना प्रभाव फूच्येन- चच्यांग -किआंगशी सीमा क्षेत्र लोप्पा स्पष्ट दिसिंता। ओसो केंद्रीय क्षेत्र लोप्पा वेन्ने साफ दिसा मंता। मावा वित्तीय ओसो आर्थिक संगठन ता कर्तव्य बातल इत्तेके इद सिद्धांत किन गम्भीरता ते लागू कियाना। माटू राजकीय बैंक बुनियादी रूप ते राष्ट्रीय अर्थव्यवस्था ता विकास कियाला जरूरत अनुसार नोट जारी कियाना ओसो विशुद्ध वित्तीय आवश्यकता किन गौण स्थान हियाना इंदाना पोगो पूरा ध्यान हियाना।

किफायत (कम खर्च कियाना अनु.) किन मावा सरकारी खर्च ता मार्गदर्शक सिद्धांत मंदाना। सब्बे सरकारी कर्मचारी लोरकिन भ्रष्टाचार ओसो फिजूलखर्च रेंडासी वेल्ले बेहरा जुर्म आंदू इंजी स्पष्ट रूप ते वेहाना। भ्रष्टाचार ओसो फिजूलखर्च ता खिलाफ ताकी कियाना संघर्ष लोप्पा उचुन सफलतांग दोरकतांग, मति इद दिशा ते ओसो कोशिश कियाना जरूरत मंता। मावा आमदनी-खर्च ता लेखा-जोखा तैयार कियाना प्रणाली ता मार्गदर्शक सिद्धांत बाता मंदाना इत्तेके पाई-पाई युद्ध काजे बचे कियाना, क्रांतिकारी काम काजे बचे कियाना ओसो मावा आर्थिक निर्माण काजे बचे कियाना। राजकीय आय किन खर्च कियाना मावा ओसा क्वोमिंगतांग ता तरीका लोप्पा तीव्र अंतर मंदाना।

नेडू चीन आर्थिक बर्बादी ता सामना किसोरे मंता, मति करोड़ों-करोड़ जनता करवु ओसो इंगम ता समस्या ना सामना किया मंतोर, इद्रतास्के मावा जन-सरकार सब्बे मुश्किलकुना प्रवाह किवा लेवा क्रांतिकारी युद्ध ओसो राष्ट्र-हित काजे वेल्ले ध्यान ते आर्थिक निर्माण ता काम किया मंता। माटु साम्राज्यवाद ओसो क्वोमिंगतांग किन हारे किया परतास्के योजनाबद्ध ओसो सुसंगठित आर्थिक निर्माण ता काम ता जिम्मेदारी एताकोम, केवल अभूतपूर्व तबाही तिंचे पूरा देश ता जनता बचे किया परकाल।

नोट

1. बगा लाल इलाका ता स्थापना आंता अगा हमेशा उंदी या दो साल एवनल खेती ता उपज कम आंता। ताना मुख्य कारण भूमि-वितरण लोप्पा जमीन ता मालिकाना ता सवाल इंजे तय आताद हिल्ला मत्ता ओसो पूना आर्थिक व्यवस्था बेस बने मायवा मत्ता। अदिन काजे किसान इंजे तन्ना पूरा ध्यान उत्पादन पोरो वाटा परवोर आंतोर।
2. आपसी-सहायता श्रमिक ग्रुप ओसो पुहाना दल लाल इलाका ता किसान संगे व्यक्तिगत खेती ता आधार ते श्रमशक्ति किन अपेक्षाकृत सही तरीका ते संगठित कीसि कृषि-उत्पादन किन मुन्ने ओयला काजे बने कित्ताद मत्ता। ताना लोप्पा

खुशी ते शामिल आयना ओसो आपसी फायदा ता सिद्धांत पोरो अमल कियमूडांदा। इदिन पोरो आधार आसी सदस्य लोर वरोनकु-वरोन काजे बराबर काम कीयनोर ओसो बोराई सदस्य तन्ना दोस्त ना मदद किया परवोर आंतोर, बचोन दूसरोर ओना मदद कींतोर, अस्के तान बदला ते पैसा हीयनोरा वरोनकू वरोना सहायता कियाना विडसी आपसी-सहायता श्रमिक ग्रुप, मदद ता बोरे ते लाल सेना ता सैनिक लोरा परिवार किन महत्व हियानोर ओसो सेडो-मुयतोर काजे वेन्ने काम कियानोर (इद्रम ता काम लोप्पा तिंदनादे आयवा ओर मजदूरी वेन्ने एतोर आयानोर। मति आपसी सहयता ता इद तरीका उत्पादन लोप्पा वेल्ले मदद कियानदु ओसो सही तरीका ते लागू आयनदू, अदिन काजे आम जनता इदिना खुशी ते समर्थन कियानदु। कामरेड माओ त्सेतुंग “छांगकांग श्यांग ता सर्वेक्षण” ओसो “छाएशी श्यांग ता सर्वेक्षण” हेडिंग दोड तन्ना लेख इद व्यवस्था लोप्पा रास्सतोर।

आम जनता ना पिस्वल किन सुर्ता तासाटू ओसो काम कियाना तरीका पोरो ध्यान हिमटू

27 जनवरी 1934

इद लेख कामरेड माओ त्सेतुंग ना समापन भाषण ता उंदी अंश आंदू, इदिन जनवरी 1934 लोप्पा च्यांगशी इलाका ता रुइचिन पोरोल ता जागा ते आयोजित किसान-मजदूर प्रतिनिधि लोरा दूसरी राष्ट्रीय कांग्रेस लोप्पा हीतद मत्ता।

चर्चा ताकनास्के कामरेड्स रेंडू समस्यांग पोरो ज्यादा जोर वाटसोरे हिल्लेरे ओसो अव समस्या ना बारे ते चर्चा कियाना इंजी नावा विचार।

पहली समस्या आम जनता ना पिस्वल ता बारे ते मंता।

इंजे मावा केंद्रीय काम क्रांतिकारी युद्ध लोप्पा शामिल आयला काजे आम जनता किन गोलबंद कियाना, इद्रमता युद्ध संगे साम्राज्यवाद ओसो क्वोमिंगतांग ता तखता पलट कियाना, पूरा देश लोप्पा क्रांति ता प्रचार कियाना ओसो साम्राज्यवाद किन चीन तिंचि बाहर पूंडना इंजी मंता। बोर केंद्रीय काम किन सही महत्व हीवोर, ओर बेसता क्रांतिकारी कार्यकर्ता आयोरा। मना कामरेड्स किन केंद्रीय काम ता पूरा ज्ञान मंदाना ओसो ओर बदरमाई पूरा देश लोप्पा क्रांति ता प्रचार आयाना इंजी समझेमायना, ओर आम जनता ना तात्कालिक हित ता समस्या किन जनता ना पिस्वल ता समस्या किन नजरअंदाज कियानायो, तानकिन हल्का तरीका ते एतानायो। बारांक इत्तेके क्रांतिकारी युद्ध आम जनता ना युद्ध आंता, आम जनता किन गोलबंद कियाना ओसो ताना पोरो भरोसा कीसिए माटु युद्ध ताकि किया परितोम।

माटु युद्ध ताकि कियाना काजे केवल आम जनता किन गोलबंद कियाना काम पोरो ध्यान हीसि ओसो बदे काम किवेके, माटु दुश्मन किन हारे कियाना लोप्पा सफल आया परितोमा? बिल्कुल परवोमा। माटू जीड़ाला आल्लिसंतोम इत्तेके मनाकिन ओसो वेन्ने काम किया लागियर। माकिन जमीन संबंधित संघर्ष लोप्पा किसान लोरा नेतृत्व किया लागियर ओसो ओरा लोप्पा जमीन तूसा लागियर, ओरा मेहनत किन बेरसी किया लागियर ओसो कृषि-उत्पादन बेरसी किया लागियर, मजदूर लोरा अधिकार ता रक्षा किया लागियर, सहाकारी समितिंग ना स्थापना किया लागियर बहारी व्यापार बेरसी किया लागियर ओसो आम जनता ना मुन्ने बद समस्या मंता-कपड़ा, दवाई, लोन, ईंधन, नूका, तिंदना-निय्य, ओवोर, बीमारी, स्वास्थ्य-रक्षा ओसो मर्मी लेक्काट समस्यांग मंतांग- अविन किन हल किया लागियर। इचुन वेहना इत्तेके आम जनता किन तम्मा रोज ता पिस्वल लोप्पा बचोन असल समस्यांग ना सामना किया लागिंता, अविना पोरो ध्यान हियाना। माटु इव समस्यांग ना पोरो ध्यान हीतेके, अविन हल, कीतेके ओसो आम जनता ना जरूरत कि पूरा कितेके मानम निज्जमे जनता ना पिस्वल ता संगठनकर्ता बनेमांतोम ओसो आम जनता असल ते मावा नालुंग बगिल गोलबंद आयनूर ओसो जीवा कीसि मावा समर्थन कियानूर। कामरेड्स अस्के क्रांतिकारी युद्ध लोप्पा शामिल आयला काजे माटू आम जनता किन आह्वान किया परितोमा? किया परितोम, जरूर किया परितोम।

माकिन उचुन कार्यकर्ता लोरा परिस्थिति ता बारे ते पता चले मात्ता कि ओर केवल लाल सेना ता प्रचार कियाला, परिवहन-कोर किन बेरसी कियाना, भूमि-कर वसूल कियाना ओसो बॉड ता बिक्री बेरसी कियाना पोल्लोंग कींतोर, ओरू दूसरा समस्याकुना बारे ते चर्चाए कीवोर ओसो ओरा पोरो ध्यान वेन्ने हीवोर, ओरकिन बिल्कुल नजरअंजाज कींतोर। उदाहरण काजे उंदी कालम ते थिंगचओ नगर सरकार केवल लाल सेना ता प्रचार कियाना ओसो परिवहन-कोर काजे जनता किन गोलबंद किसोरे मत्तोर ओसो आम जनता ना पिस्वल ता समस्या पोरो उचुन वेन्ने ध्यान

हिवा मतोर। थिंगचओ नगर ता आम जनता ना मुन्ने इवे समस्यांग मत्तांगः ओरिगा ईधन हिल्ला मत्ता, पूंजीपति लोरा ओवोर किन तना कुच्चांग लोप्पा छीपे कीसि तास्तोर, अदिन काजे हाटुम लोप्पा ओवोर दोरको आंदू, उचुन मुल तिंगा मंदाना लोन हिल्ला मत्ता, नूका ता कमी मत्ता ओसो ताना कीमत वेल्ले मंदानदु। थिंगचओ नगर ता आम जनता मुन्ने इदे असल समस्या मत्ता ओसो ओर वेल्ले आशा कीसि मंतोर कि अविन किन हल कियाना लोप्पा मनम ओरा मदद कियनोम। मति थिंगचओ नगर सरकार इवना लोप्पाडल बदे समस्या पोरो ध्यान हिवो। अदिन काजे नगर ता पूना मजदूर-किसान प्रतिनिधि-परिषद ता चुनाव आतास्के ओसो परिषद मुन्ने उचुन मीटिंग लोप्पाने लाल सेना ता प्रचार कियाना ओसो परिवहन-कोर ता काजे जनता किन गोलबंद कियाना पोरो विचार कितोर ओसो आम जनता ना पिस्वल किन बस्केने नजरअंदाज कितोर, सौ तुकू ज्यादा प्रतिनिधि लोर किन पेरकेटा मीटिंग लोप्पा शामिल आयाना विचार हील्ले ओसो इद परिषद ता मीटिंग वेन्ने आयो। ताना कारण ते लाल सेना ता प्रचार कियाना लोप्पा ओसो परिवहन-कोर काजे जनता किन गोलबंद कियाना लोप्पा वेल्ले कम सफलता दोरकता। इद उंदी हिसाब ता परिस्थिति आंदू।

कामरेड्स, मीकिन रेंडू आदर्श श्यांग कुना ना बारे ते पुस्तक हीतद मंता, अविन मीटु पढेमासी मंदाकीर। अगा बिल्कुल दूसरा परिस्थिति मंता। च्यांगशी ता छांगकांग श्यांग¹ ओसो फूच्येन ता छाएशी श्यांग² लोप्पा बचोनो ज्यादा संख्या ते लोकुर लाल सेना लोप्पा भर्ती आतोर, छांगकांग श्यांग लोप्पा हर सौ नौजवान महिला-पुरुष लोप्पाडल अस्सी लाल सेना लोप्पा भरती आतोर। छाएशी श्यांग लोप्पा इस संख्या सौ लोप्पाडल अट्टासी एवनल एवता। बॉर्ड-बिक्री वेन्ने बेस आता। छांगकांग श्यांग ता आबादी केवल 1,500 मत्ता, मति अगाटा लोकुर 4,500 खान कीमत ता बॉर्ड अस्तोर। अद्रमे दूसरा काम लोप्पा वेन्ने वेल्ले सफलतांग दोरकतांग। इस सब्बे ना बारांकु आतांग? उचुन उदाहरण हूडते के समझेमायार। छांगकांग श्यांग लोप्पा वरोर गरीब किसान ना लोते उंदीकमरा पूरा ओसो

दूसरी कमरा ता आधा हिस्सा पोतसी मत्ता। श्यांग सरकार तन्ना मदद काजे जनता तिंचि चंदा हियाणा अपील कित्तोर। उंदी दूसरा उदाहरण अदे इलाका ता मुवुर मानेय कर हासोरे मत्तोर, श्यांग सरकार ओसो आपसी-सहायता सोसायटी तुरंत नूका जम्मा कियाना लोप्पा मदद कित्तोर। हत्ता एद्दी ते अनाज ता कमी आतास्के श्यांग सरकार जनता ना सहायता काजे 200 ली तुकू ज्यादा जेक मंदाना कुंगल्वे काउन्टी तीन तिंचि नूका तत्तोर। छाएशी श्यांग लोप्पा वेन्ने इद्रमता काम बेस कित्ताद मत्ता। इद्रम श्यांग सरकार उंदी आदर्श सरकार मत्ता। अव थिंगचओ नगर सरकार तुकू बिलकुल अलग मत्ता ताना नेतृत्व कियाना तरीका नौकरशाही मत्ता। माकिन छांगकांग ओसो छाएशी श्यांगो तिंचि करियाना ओसो थिंगचओ नगर ता लेक्का नौकरशाही नेता लोरा विरोध कियाना।

नन्ना इद कांग्रेस मुन्ने सुझाव तासिंतान कि माटु आम जनता ना भूमि ओसो मेहनत ता समस्या तिंचि ईधन, नूका, निर्य ओसो ओवोर ता समस्या एवनल, ओरा पिस्वल संबंधित सब्बे समस्यांग लोप्पा गंभीर इसाब ते मंदना। महिला लोर पुहाना ओसो पटेला फेरना करयिला आल्सा मंतांग। अविन करिहाला मनम बोनकिन पोयकाल? पिल्ला-पेकोर स्कूल दायला आल्सितोर। माटु बदे प्राथमिक स्कूल खोले कितोमा? मुन्ने दिस्साना मर्गता पुलिया, अदपक्काए कमजोर मंता, लोकुर किन अर्रना खतरा मंता। ताना मरम्मत कियानायो या? वेल्ले लोकुर गज्जींग पुटना शिकायत किया मंतोर। तीना समाधान किया परवोमा? आम जनता ना पिस्वल संबंधित सब्बे समस्यांग किन माटु मना काम कियाना लिस्ट लोप्पा शामिल कियाना। अविना पोरो मनम चर्चा कियाना, फैसला कियाना, कित्ता फैसला पोरो अमल कियाना ओसो कारण किन जांच कियाना। आम जनता लोप्पा मनम ओरा हित ता प्रतिनिधित्व कीतोम इंजी ओसो मावा ओसो ओरा पिस्वल जुडेमासी मंता इंजी विश्वास पैदा कियाना। इदिनकु वेन्ने बेहरा काम इत्तेके क्रांतिकारी युद्ध ता काम, मनम तोहतद मंता, अविन पोरो वेहता पोल्लोंग पोरो आधार आसी समझेमायना लोप्पा जनता ना मदद कियाना। अद्रम कीतेके क्रांति ता समर्थन कियानूर

ओसो पूरा देश लोप्पा ताना प्रचार कियानूर, मावा राजनीतिक अपील पोरो अमल कियानू ओसो क्रांति सफल कियाला काजे संघर्ष कियानूर। छांगकांग श्यांग ता आम जनता बाता इंता इत्तेके: “कम्युनिस्ट पार्टी निज्जामे पक्काए बेस मंता। अद मावा हर पोल्लो किन ध्यान हींता।” छांगकांग श्यांग ता कार्यकर्ता मनम सब्बेतोरा काजे आदर्श मंतोरा। बचोनो महान मंतोर ओरू। ओर व्यापक जन-समुदाय ता सही स्नेह दोर्की कित्तोर। युद्ध काजे गोलबंद आयाना आह्वान कित्तोर, अदिन व्यापक जन-समुदाय ता समर्थम दोरकता। माटु आम जनता ना समर्थन दोरकी कियाला आल्सा मंतोमा? माटू आम जनता युद्ध काजे पूरा कोशिश कियाना इंजी आल्सा मंतोमा? इद्रम आल्सा मंतोम इत्तेके मनम आम जनता लोप्पा दायना, तानकिन गिर्दा कियाना, ताना पहलकदमी किन बेरसी कियाना, ताना सुख-दुख ता ध्यान तासना, ताना हित लोप्पा सच्चाई ते ओसो ध्यान ते काम कियाना ओसो ताना उत्पादन ओसो पिस्वल ता सब्बे समस्यांग किन हल कियाना- ओवोर, नूका, लोन, कपड़ा, ओसो पिल्ला पुट्टी कियाना एवनल सब्बे समस्यांग किन हल कियाना। माटू अद्रम कींतोम इत्तेके व्यापक जन-समुदाय जरूर मावा समर्थन कींतोर ओसो क्रांति किन तन्ना जीवा समझेमायर। लाल इलाका पोरो क्वोमिंगतांग हमला किंता इत्तेके व्यापक जन-समुदाय लड़ाई लोप्पा जीवा हियाला वेन्ने तैयार मंदिंता। तीना लोप्पा बदे डावुट हिल्ले। माटु दुश्मन ता “घेराव कीसि विनाश कियाना” ता पहली, दूसरी, तीसरी ओसो चौथी अभियान किन असल गुंडा किया परतोमा?

क्वोमिंगतांग इंजे किलेबंदी-लड़ाई ता नीति⁴ पोरो ताका मंता, वेल्ले उत्तेजित आसी, लोह ता किला इंजी वेल्ले “हेमुल-टप्परा” बने किया मंता। कामरेड्स, अद निजमें लोहा ता किला मंतोर? बिल्कुल आयो। सामंती सम्राट हजारों साल तिंचि वायाना महल तन्ना दिवाल ओसो गुमियांग संगे मजबूत नितसी मत्तोरा? मति आम जनता तेदता, पेरके अद उंदी पेरके उंदी अर्तांग। रूस ता जार दुनिया ता सबसे खतरनाक शासक लोरा लोपडल वरोर मत्तोरा। मति सर्वहारा वर्ग ओसो किसान लोरा क्रांति

आतास्के ओना बाता पिस्ता? बाताए पिस्सो। ओना लोहा ता दुर्ग ता बाता आता? अव पूरा मुटता। कामरेड्स लोहा ता असली दुर्ग बाताल आंदू? अद आम जनताए आंदू, करोड़-करोड़ जनता सही ओसो जीवा कीसि क्रांति ता समर्थन कींता। अदे असल ता लोहा ता किला आंदू तानकिन दुनिया ता बदे ताकत मुट्टि किया परवो, ओसो बस्केने मुट्टि किया परवो। प्रतिक्रांतिकारी ताकत माकिन बरबाद किया परवो, उल्टा माटू ओरकिन बरबाद किया परितोमा। क्रांतिकारी सरकार ता नालुंग बगिल करोड़-करोड़ जनता किन गोलबंद कीसि, मना क्रांतिकारी युद्ध ता प्रचार कीसि, माटु सब्बे रकम ता प्रतिक्रांति किन खत्म कियाकाल ओसो पूरा चीन पोरो अधिकार कियाकाल।

दूसरा समस्या काम कियाना तरीका ता संबंध ते मंता।

माटु क्रांतिकारी युद्ध ता नेता, संगठनकर्ता लोर आंदोम ओसो जनता ना पिस्वल ता नेता, संगठनकर्ता वेन्ने। क्रांतिकारी युद्ध किन संगठित कियाना ओसो जनता ना पिस्वल किन सुधरे कियानाए मावा मुख्य काम आंदू। इगा मावा मुन्ने काम कियाना तरीका ना गंभीर समस्या वांता। मनम केवल कबस्कु तय कियानायो, अविन किन पूरा कियाना तरीका ता समस्या वेन्ने हल कियाना। मावा काम डोड्डा हब्बार मंदिता अस्के माटु पुलिया लेवेके ओडा लेवा वेंडा परवोमा। पुलिया ओसो ओडा ता समस्या हल किवा लेवा डोड्डा वेंडाना चर्चा कियाना अंगडम आंता। तरीका ना समस्या हल किवा केवा लेवा काम कियाना चर्चा वेन्ने अंगडम आंता। माटु “लाल सेना ता विस्तार” ता मंत्र हजार बेरा वडकतेकाई लाल सेना ता विस्तार लोप्पा नेतृत्व ता बगिल ध्यान हेवा लेवा ओसो ताना विस्तार कियाना तरीका पोरो महत्व हेवा लेवा मनाकिन सफलता दोरका परवो। ओसो अद्रमे दूसरा बदे क्षेत्र लोप्पा वेन्ने, उदाहरण काजे जमीन तूसाना ता जांच-पड़ताल लोप्पा या आर्थिक निर्माण लोप्पा या सांस्कृति, शिक्षा ता क्षेत्र लोप्पा ओसो पूना इलाका, सीमान्त क्षेत्र लोप्पा मना काम पूरा किया परवोम, माटु केवल काम पोरोने ध्यान हीतेके ओसो अविन पूरा कियाना तरीका पोरो ध्यान हीवेके, माटु काम ता नौकरशाही तरीका ता विरोध

कीवेके ओसो काम ता व्यावहारिक ओसो ठोस तरीका लागू कीवेके, माटु काम कियाना फरमानशाही तरीका ता त्याग कीवेके ओसो धीरा संगे समझे कियाना तरीका लागू कीवेके बदे काम सफल आयो।

शिंगक्वो ता कामरेड्स पक्काये बेसता काम कित्तोर ओसो आदर्श कार्यकर्ता बनेमातोर। अद्रमे उत्तर-पूर्वी किआंगशी ता कामरेड्स वेन्ने बेस काम कित्तोर ओसो ओर वेन्ने आदर्श कार्यकर्तालोर आंदूर। शिंगक्वो ओसो उत्तर-पूर्वी किआंगशी ता कामरेड्स लोरा आम जनता ना पिस्वल ता समस्या किन क्रांतिकारी युद्ध संगे जोड़े कित्तोर ओर मना क्रांतिकारी काम ता समस्या संगे काम ता क्रांतिकारी तरीका ता समस्या किन वेन्ने हल कित्तोर। ओर वेल्ले बारीकी ते समस्यांग किन हल किया मंतोर ओसो तम्मा क्रांतिकारी जिम्मेदारींग किन जीवा पूरा किया मंतोर, ओर क्रांतिकारी युद्ध ता ओसो जनता ना पिस्वल ता वेन्ने बेसता संगठनकर्ता ओसो यंगतंग काउंटिंग ना उचुक जागा ने: दक्षिण किआंगशी प्रांत ता शीच्यांग, हुनान-किआंगशी सीमान्त क्षेत्र ता छालिंग, युंगशिन ओसो चीआन काउन्टि ता हुनान-हुपे-किआंगशी सीमान्त क्षेत्र ता यांगशिन काउनिटी ताकिआंगशी प्रांत ता वेल्ले काउंटिंग ना जिलांग ओसो श्यांग लोप्पा, ओसो केंद्रीय सरकार ता प्रत्यक्ष शासन मंदांना रुइचिन ता काउंटी लोप्पा-इव सब्बे जागा ने कामरेड्स लोर तम्मा काम ता विकास कित्तोर ओसो ओर वेन्ने मावा आदर्श मंतोर।

अव सब्बे जागा ने मावा नेतृत्व मत्ता, वेल्ले सक्रीय कार्यकर्ता, ओर वेल्ले बेस काम किया परानोर, आम जनता लोप्पाडले पुटसी मत्तोर। वीरा पोरो उंदी विशेष जिम्मेदारी मंता- अद बेगा काम बेस आयो, अगा सुधरे कियाना लोप्पा ओरो मदद कियाना, बोर कामरेड्स इंजे बेस काम किया परबोर ओरा सहायता कियाना। माटु उंदी महान क्रांतिकारी युद्ध लोप्पा मंतोम। बेहर स्तर ते “घेराव कीसि विनाश कियाना” दुश्मन ना अभियान किन तोड़े कियाना ओसो पूरा देश लोप्पा क्रांति ता प्रचार कियाना मंता। सब्बे क्रांतिकारी कार्यकर्तालोरा पोरो इद उंदी बेहरा जिम्मेदारी मंता। इद कांग्रेस ता पेरके मना काम लोप्पा सुधार कियाला काजे मनाकिन सही

तरीका लागू किया लागियर। मुन्ने हत्ता इलाका किन ओसो मुन्ने दाया लागियर ओसो पेरके अरता इलाका किन मुन्ने हत्ता इलाका ना बराबर वाया लागियर। मनम छांगकांग लेक्काटा हजारो श्यांग ओसो शिंगक्वो लेक्काट बीसियों काउन्टिंग बने किया लागियर इव मावा मजबूत गढ़ बने मायानूंग। इव गढ़कुनिंचि मुन्ने हंजी माटु दुश्मन ता “घेराव कीसि विनाश कियाना” अभियान किन तोड़े किया परितोम ओसो पूरा देश लोप्पा साम्राज्यवाद ओसो क्वेमिंगतांग शासन किन तेहका परितोम।

नोट

1. छांगकांग श्यांग किआंगशी प्रान्त ता शिंगक्वो काउन्टी लोप्पा मंता।
2. छाएशी श्यांग फूच्येन प्रान्त त शांगहांग काउन्टी लोप्पा मंता।
3. कुंगल्वे काउन्टी अद समय ते किआंगशी ता लाल इलाका लोप्पा मत्ता, ताना प्रशासनिक केंद्र चीआन काउन्टी ता दक्षिण-पूर्व लोप्पा तुंगकू नार मत्ता। इदिना पोरोल कामरेड ह्वांग कुंग-ल्वे ना पोरोल ते तास्तद मत्ता। कामरेड ह्वांग कुंग-ल्वे लाल सेना ता तीसरी फौजी कोर ता कमांडर मत्तोरा। ओसो अक्तूबर 1931 लोप्पा शहीद आतोरा।
4. जुलाई 1933 लोप्पा किआंगशी ता लूशान मेट्ट ते ताकता उंदी सैनिक सम्मेलन लोप्पा च्यांग काई-शेक कित्ता फैसला “घेराव कीसि विनाश कियाना” पांचवीं अभियान काजे लाल इलाका ना नालुंग बगिल किलेबंदी कियाना ओसो पूना फौजी कार्यनीति लागू कियाना इंजी मत्ता। जनवरी 1934 ता आखरी एवनल किआंगशी लोप्पा लगभग 2,900 किलेबंदी बने कित्ताद मत्ता। पेरके आठवीं राह सेना ओसो पूना चौथी लेना संगे लडेमासोरे जापानी सेना वेन्ने च्यांग काई-शेक ना कार्यनीति किने लागू कित्ता। ऐतिहासिक रूप ते तोहचिता कि कामरेड माओ त्सेतुंग ना लोकयुद्ध ता रणनीति पोरोने डटेमासी मत्तेके ने प्रतिक्राति ता इद कार्यनीति किन विफल ओसो हारे कीमूडांता।

जापानी-साम्राज्यवाद-विरोधी कार्यनीति ता बारे ते

27 दिसम्बर 1935

इद रिपोर्ट कामरेड माओ त्सेतुंग उत्तरी शेनशी ता वायाओपाओ लोप्पा ताकता पार्टी ता सक्रिय कामरेड्सकुना सम्मेलन लोप्पा पेश कीसि मत्तोरे। इद सम्मेलन चीनी कम्युनिस्ट पार्टी ता केंद्रीय कमेटी ता राजनीतिक ब्यूरो ता दिसम्बर 1935 लोप्पा किता वायाओपाओ मीटिंग ता पेरके आता। चीनी कम्युनिस्ट पार्टी ता केंद्रीय कमेटी ता राजनीतिक ब्यूरो ता इद मीटिंग वेल्ले महत्वपूर्ण मत्ता बारांक इत्तेके पार्टी लोप्पा मंदाना गलत दृष्टिकोण ता आलोचना किताद मत्ता कि चीन ता राष्ट्रीय पूंजीपति वर्ग जापान ता प्रतिरोध कियाना लोप्पा मजदूर ओसो किसान लोरा संश्रयकारी बनेमाया परवो, ओसो तीना संयुक्त मोर्चा बने कियाना कार्यनीति निर्धारित कियमूडाता। राजनीतिक ब्यूरो ता निर्णयकुना पोरो आधार आसी कामरेड माओ त्सेतुंग तन्ना इद रिपोर्ट लोप्पा राष्ट्रीय पूंजीपति वर्ग संगे जापाना ता प्रतिरोध जरूर कियाना इंजी, दोबारा संयुक्त मोर्चा लोप्पा कम्युनिस्ट पार्टी ओसो लाल सेना ता निर्णयात्मक महत्व ता नेतृत्वकारी भूमिका पोरो जोरे हीतोर, ओसो चीनी क्रांति ता बारे ते जल्दबाजी ता आलोचना कित्तोर अद पार्टी ओसो लाल सेना किन दूसरी क्रांतिकारी गृहयुद्ध कालम ते दोरकना गंभीर असफलतांग बुनियादी कारण मत्ता। संगेने कामरेड माओ त्सेतुंग 1927 ता क्रांति ता विफलता ता ऐतिहासिक सबक बगिल वेन्ने ध्यान पिंडगतोर, अद छन तू-श्यू ना दक्षिणपंथी अवसरवाद ता कारण ते आता, ओसो ओर च्यांग काई-शेक जरूर क्रांतिकारी शक्तिंग ना नडमा तोड-फोड कियाना कोशिश कियानूर इंदाना बगिल वेन्ने इशारा कित्तोर। इद्रम ओर मावा पार्टी किन स्पष्ट समझदारी दोरकी कीसि पूना परिस्थिति लोप्पा पुटना समस्यांग किन हल कियाना लेक्का बने कित्तोर ओसो च्यांग काई-शेक ना गिनती हिल्ला चालबजी ओसो ओना वेल्ले सशस्त्र आक्रमण कीतेकाई, क्रांतिकारी शक्तिंग किन नुक्सान तुकू बचे किया परना लेक्का बने कित्तोर। जनवरी 1935 लोप्पा क्वेइचओ प्रांत ता चुनई लोप्पा पार्टी ता केंद्रीय कमेटी ता राजनीतिक ब्यूरो ता विस्तृत मीटिंग ताकता, ताना लोप्पा मुन्नेटा “वामपंथी” अवसरवादी नेतृत्व ता जागा ते कामरेड माओ त्सेतुंग ना नेतृत्व ते पूना केंद्रीय

कमेटी बनेमाता। बारांक इत्तेके इद मीटिंग लाल सेना ता लांग मार्च ताकनस्के कित्ता मत्ता, अदिन काजे ताना लोप्पा केवल सबसे फौरी फौजी समस्यांग ओसो केंद्रीय कमेटी ता सचिव, क्रांतिकारी फौजी कमीशन ता बने कियाना समस्यांग पोरोने निर्णय कित्ता मत्ता। लाल सेना लांग मार्च पूरा कीसि उत्तरी शेनशी लोप्पा वातास्के ने पार्टी ता केंद्रीय कमेटी काजे राजनीतिक कार्यनीति संबंधित वेल्ले समस्यांग किन सही तरीका ते वेहाना। कामरेड माओ त्सेतुंग तन्ना इद रिपोर्ट लोप्पा इवे समस्यांग ना पूरा वेश्लेषण कित्तोरा।

वर्तमान राजनीतिक परिस्थिति ता विशेषतांग

कामरेड्स, राजनीतिक परिस्थिति लोप्पा इंजे उंदी महान परिवर्तन आतद मंता। मवा पार्टी इद बदलेमाता परिस्थिति ता अनुकूल काम निर्धारित कित्ता।

वर्तमान परिस्थिति बद्रम मंता? वर्तमान परिस्थिति ता बाता बुनियादी विशेषता मंता इत्तेके जापानी साम्राज्यवाद, चीन किन तन्ना उपनिवेश बने कियाला आल्सा मंता। माटू सब्बेतोर पुत्तोमे चीन लगभग सौ साल तिंची बचोनो साम्राज्यवादी देशकुना संयुक्त प्रभाव दौड़ उंदी अर्ध-औपनिवेशिक देश मत्ता। साम्राज्यवाद ता विरुद्ध चीनी जनता ना संघर्ष ओसो साम्राज्यवादी देशकुना आपसी संघर्ष ता कारण ते चीन तन्ना अर्ध-स्वतंत्र परिस्थिति किन इंजे एवनल निल्पी कित्ताद मत्ता। पहली विश्व युद्ध उचुन टाइम काजे जापानी साम्राज्यवाद किन चीन पोरो कब्जा कियाना मौका हीसी मत्ता। मति जापानी साम्राज्यवाद ता विरुद्ध चीनी जनता ना संघर्ष ओसो दूसरा साम्राज्यवादी देशकुना हस्तक्षेप ता कारण ते, चीन पोरो जापान ता कब्जा आयना 21 मांग¹ कुना आत्ता समझौता, बदिना पोरो पोरो नम्बर वन गद्दार खान श-खाए² ना हस्ताक्षर कित्ताद मत्ता, अद मजबूरी ते अप्रभावी घोषित आत्ता। 1922 लोप्पा संयुक्त राज्य अमेरिका वाशिंगटन लोप्पा नौ देशकुना सम्मेलन केयतोर, ताना लोप्पा समझौता आता³ कारण ते चीन दोबारा बचोनो साम्राज्यवादी देशकुना संयुक्त अधिकार (joint domination) लोप्पा वाता। मति जल्दीए परिस्थिति बदले माता। 18 सितम्बर 1931 ता घटना⁴ आतास्केडल जापान ता चीन किन उपनिवेश बने कियाना मंजिल शुरू आता। बारांक

इत्तेके जापानी आक्रमण अस्थाई रूप ते चीन ता नालुंग उत्तर-पूर्वी प्रांत⁵ एवनले सीमित आसी मत्ता, अदिन काजे उचुन मुल जापानी साम्राज्यवाद चीन ता लम्बा दीवार ता दक्षिण लोप्पा नेंगना ओसो पूरा चीन पोरो कब्जा कियाना मंजिल किन होता बहे इंजी आल्सतोर। बचोनो साम्राज्यवादी ताकतकुना कैदे मत्ता अर्ध-औपनिवेशिक चीन किन इंजे जापानी साम्राज्यवाद तन्ना उपनिवेशिक बने कियाला आल्सा मंता। ताना पोरो केवल तानाए अधिकार मंदिता। इंजेटा पूर्वी हपे ता घटना⁶ पूरा चीनी जनता ना अस्तित्व काजे खतरा पुटि कित्ता, ओसो राजनीतिक वार्तांग⁷ स्पष्ट रूप ते इशारा किया मंतांग। इद्रम ता परिस्थित लोप्पा चीन ता सब्बे वर्ग ओसो राजनीतिक ग्रुप ता मुन्ने बाता कियाना इंजी सवाल पुटा मंता। प्रतिरोध कियाना या आत्मसमर्पण कियाना? या रेंड बगिल ऊंगसोरो मंदाणा?

इंजे माटु चीन ता अलग-अलग वर्ग इद सवाल ता जवाब बाता हींता इंजी हूडाकाल।

चीन ता सब्बे मजदूर ओसो किसान प्रतिरोध ता मांग किया मंतोरा 1924-27 ता क्रांति, 1927 तिंचि नेंड एवनल ताकना भूमि-क्रांति, 18 सितम्बर 1931 ता घटना पेरके जापान-विरोधी उभार- चीन ता मजदूर वर्ग ओसो किसान वर्ग चीनी क्रांति ता सबसे महत्वपूर्ण शक्ती आंदू इंजी तोहचितांग।

चीन ता निम्न-पूंजीपति वर्ग वेन्ने प्रतिरोध ता मांग किया मंता। नौजवान विद्यार्थी ओसो शहरी निम्न-पूंजीपति वर्ग उंदी जापान-विरोधी विशाल आंदोलन⁸ ता शुरूआत कीवोरा? चीन ता निम्न-पूंजीपति वर्ग ता हिस्सा 1924-27 ता क्रांति लोप्पा शामिल आसी मत्ता। किसान लोरा लेक्का, आर्थिक स्थिति ता दृष्टि ते, ओर वेन्ने सुडला उत्पादक लोर श्रेणी ते बांतोर ओसो साम्राज्यवाद ता हित संगे ओरा बुनियादी टकराव मंता। साम्राज्यवाद ओसो चीन ता प्रतिक्रांतिकारी शक्तिंग अविन वेल्ले नुक्सान कित्ता ओसो अविना लोप्पाडल वेल्लेटोर किन बेरोजगार बने कीसिता। इंजे उंदी विदेशी राज्य ता गुलाम बने मायना फौरी खतरा ता कारण ते ओरा मुन्ने प्रतिरोध कियाना विइसी दूसरा बदे हरीं हिल्ले।

मति राष्ट्रीय पूंजीपति वर्ग, दलाल-पूंजीपति वर्ग ओसो जमींदार वर्ग ओसो क्वोमिंगतांग इद सवाल ता बाता उत्तर हींतोर?

स्थानीय निरंकुश तत्व ओसो बुरा शरीफजादा लोर, बेहरा युद्ध-सरदार, बेहरा नौकरशाही ओसो दलाल-पूंजीपति लोर वेल्ले मुन्नेटल आल्सोरे मंतोर। ओर मुन्नेटले वेहा मंतोर ओसे क्रांति (अद बद्रमता मत्तेकाई) साम्राज्यवाद तुक ज्यादाए बुरी मंदार इंजी इंजे वेन्ने वेहत्तोर। ओर गद्दर लोरा उंदीग्रुप बने कित्तोर। ओरा काजे बदे विदेशी राज्य ता गुलाम बनेमायाना सवालै पैदा आयो। बारांक इत्तेके तम्मा राष्ट्रीयता भावना किन खत्म कित्ताद मंता ओसो ओरा हित सम्राज्यवाद ता हित तिंचु जुड़ेमाता। ओरा मुखियाल च्यांग काई-शेक^१आंदूरा गद्दर लोरा ग्रुप चीनी जनता ना दुश्मन आंदूरा। वीरा लेवा जापानी साम्राज्यवाद तन्ना आक्रमण लोप्पा अच्चोन खतरनाक बने मायना मुश्किल आंता। वीर पूराए साम्राज्यवाद ता नैकु आंदूरा।

राष्ट्रीय पूंजीपति वर्ग ता समस्या उलझेमासि मंता। इद वर्ग 1924-27 ता क्रांति लोप्पा शामिल आता। मति इद क्रांति लोप्पा वायाना मुश्किलकुन हूडसी वेरिता अनि पेरके अद जनता ना दुश्मन, च्यांग काई-शेक ना ग्रुप ते शामिल आता। सवाल बाता इत्तेके वर्तमान परिस्थिति लोप्पा इद वर्ग लोप्पा परिवर्तन आयाना संभावना मंताया? माटु इद संभावना मंता इंजी आल्संतोम। बारांक इत्तेके राष्ट्रीय पूंजीपति जमींदार वर्ग लेक्का हिल्ले ओसो दलाल-पूंजीपति वर्ग लेक्का वेन्ने हिल्ले, इदे ओरा लोप्पाडा फर्क मंता। राष्ट्रीय पूंजीपति वर्ग ता उंदी हिस्सा विदेशी पूंजीवाद ओसो चीन ता भूस्वामित्व तुकू ज्यादा संबंध तासिंता। इद हिस्सा राष्ट्रीय पूंजीपति वर्ग ता दक्षिण पक्ष आंदू। फिलहाल माटु इद हिस्सा बदलेमाया परिंता या परवो इंदाना पोरो विचार कियाकाल। समस्या इद्रम ता संबंध मंदाना या कम संबंध मंदाना इंजी मंता। मावा विचार पूना परिस्थिति लोप्पा चीन किन उपनिवेश बने कियाना खतरा मंता, राष्ट्रीय पूंजीपति वर्ग ता इव ग्रुप कुना रुख बदले किया परिंतांग। इद बदलाव ओरा दुलमुलपन किन तोहिंता। उंदी बगिल ओरकिन साम्राज्यवाद विचार

हिल्ले ओसो दूसरा बगिल ओर क्रांति तिंचि वेन्ने वेरियतोर। ओर रेंडु परिस्थिति नडमा ढुलमुल आसोरे मंतोर। अद्रमासी ओरो 1924-27 ता क्रांति लोप्पा बारांक शामिल आसी मत्तोर ओसो इद क्रांति ता आखरी ते ओर च्यांग काई-शेक ना पक्ष ते बारांक हत्तोर इंजी इद स्पष्ट आता। 1927 लोप्पा च्यांग काई-शेक क्रांति संगे विश्वासघात कित्तोर। अस्के ओसो नेता दिव्या ते बाता अंतर मंता? चीन अद समय एवनल उंदी अर्ध-उपनिवेश मत्ता, मति इंजे अद उंदी उपनिवेश बने माया मंता। हत्ता 9 साल तिंचि राष्ट्रीय पूंजीपति वर्ग तन्ना संश्रयकारी, मजदूर वर्ग किन विडसता ओसो जमींदरा वर्ग, दलाल-पूंजीपति वर्ग तिंचि दोस्ती कित्तोर। मति ओरकिन बदे फायदा आताया? बदे फायदा दोरको। बचोन ओना कैदे मत्ता, अद राष्ट्रीय उद्योग, वाणिज्य ता दिवालियापन या अर्ध-दिवालियापने आंदू। अदिन काजे मावा विचार वर्तमान परिस्थिति लोप्पा राष्ट्रीय पूंजीपति वर्ग ता रुख बदेलेमाया परिंता। इद परिवर्तन बेगा एवनल आया? तीना लोप्पा आम विशेषता ढुलमुलपने मंता। मति संघर्ष ता उचुन विशेष मंजिलकुना लोप्पा राष्ट्रीय पूंजीपति वर्ग ता उंदी हिस्सा (वाम पक्ष) संघर्ष लोप्पा शामिल आया परिंता ओसो दूसरा हिस्सा ढुलमुलपन ता स्थिति तिंचि मुन्ने हंजी तटस्थ आया परिंता।

छाए थिंग खाए लेक्काटोरा नेतृत्व ते ताकना 19 वीं राह सेना¹⁰ बद वर्ग ता हित ता प्रतिनिधित्व कींता? अद राष्ट्रीय पूंजीपति वर्ग, निम्न-पूंजीपति वर्ग ता उच्च श्रेणी ओसो ग्रामीण इलाका ता धनी किसान ओसो सुडला जमींदार लोरा हित ता प्रतिनिधित्व कींता। छाए थिंग-खाए ओसो ओना दोस्त लोर उंदी बेरा तन्ना जीवा किन खतरा ते वाटसी लाल सेना पोरो हमला कीवोरा? कीसि मत्तोर। मति पेरके ओरो लाल सेना तिंचि जापान-विरोधी ओसो च्यांग-विरोधी संश्रय निल्पी कित्तोर। किआंगशी लोप्पा ओर लाल सेना पोरो हमला कित्तोर। मति पेरके शांघाई लोप्पा जापानी साम्राज्यवाद ता प्रतिरोध कीतोर: फूच्येन एवता पेरके ओर लाल सेना संगे समझौता कित्तोर ओसो च्यांग काई-शेक पोरो हमला कित्तोर। छाए थिंग-खाए ओसो ओना दोस्त लोर वायना समय ते बदे वेन्ने हरीं

पोयिर, ओरु अद समय ते फूच्येन ता जन-सरकार संघर्ष काजे जनता किन गोलबंद कीवा मंदाना पाड़ना हरीं पोरो ताकतेकाई, ओरा बद बंदूक ता नली मुन्ने लाल सेना बगिल मत्ता, अविन जापानी-साम्राज्यवाद ओसो च्यांग काई-शेक ना बगिल तिरहाना क्रांति काजे उपयोगी मानेमाया लागियर। इद्रम क्वोमिंगतांग ग्रुप लोप्पा फूट किन हूड़ना। 18 सितम्बर 1931 ता घटना पेरकेटा परिस्थिति लोप्पा इद हिस्सा क्वोमिंगतांग ता ग्रुप तल अलग आया परिंता। इत्तेके नेटा परिस्थिति लोप्पा क्वेमिंगतांग ता दूसरा हिस्सा तल बारांकु आया परवो? मावा पार्टी लोप्पा बोेर इद्रम आल्लिंतोर कि जर्मीदार वर्ग ओसो पूंजीपति वर्ग ओसो पूंजीपति वर्ग ता पूरा ग्रुप उंदी कट्ट ओसो दृढ़ मंता, बदे वेन्ने परिस्थिति लोप्पा तानकिन बदले किया परमूडायो इद गलता। इद्रमतोर नेटा गंभीर परिस्थिति किने समझेमायोर, ओसो इतिहास किन वेन्ने मरंगतोर।

नन्ना हत्ता कालम बारे ते वेहाला आल्सा मंतान। 1926 ओसो 1927 लोप्पा क्रांतिकारी सेना ऊहान बगिल दायनास्के, अदिना ऊहान पोरो अधिकार कित्तास्के ओसो हनान लोप्पा प्रवेश कित्ता, अस्के थांग शंग-च ओसो फंग ख्वी-श्यांग¹¹ क्रांति लोप्पा शामिल आसी मत्तोर। 1933 लोप्पा फंग ख्वी-श्यांग छाहाड़ प्रांत लोप्पा जापान-विरोधी संश्रयबद्ध सेना ता स्थापना कियाना लोप्पा कम्युनिस्ट पार्टी संगे उचुन समय काजे सहयोग कीसि मत्तोर। दूसरा उदाहरण क्वोमिंगतांग ता 26वीं राह सेना 19वीं राह सेना संगे कलियसी उंदी बेरा किआंगशी लोप्पा लाल सेना पोरो हमला कित्तोर, मति बद दिसम्बर 1931 लोप्पा निंगतू विद्रोह¹² किवोर ओसो ताना पेरके अद लाल सेना ता हिस्सा बनेमाताया? निंगतू विद्रोह ता नेता चाओ पो-शंग तुंग चन-थांग लेक्कटा क्रांति ता पक्का दोस्त बनेमातोर।

मूंड उत्तर-पूर्वी प्रांत लोप्पा मो चान-शान ता जापान-विरोधी कार्रवाई¹³ तिचि दिसिंता कि शासक लोरा ग्रुप लोप्पा उंदीबेरा ओसो फूट पड़ेमात्ता।

इद सब्बे उदाहरण - जापान हवाई जहाज पूरा चीन पोरो हमला कियाना शुरू कियानूंग, संघर्ष तन्ना साधारण गति ते बदले मासी अचानक

तेज आसी मुन्ने दायना शुरू आयार, अस्के दुश्मन ता ग्रुप लोप्पा दरार पैदा आयार इंदाना पोल्लो बगिल इशारा कीता।

कामरेड्स, इंजे इद समस्या ता दूसरा पहलू किन हूडाकाल।

बदे राष्ट्रीय पूंजीपति वर्ग ता राजनीतिक ओसो आर्थिक कमजोरी ता आधार ते मना मानेमाता पोल्लोंग किन विरोध कीसिरे पूना परिस्थितिंग लोप्पा वेन्ने चीन ता राष्ट्रीय पूंजीपति वर्ग ता रुख बदलेमाया परवो इंदानदु वेहितोरो अद, सही मंताया? नावा हिसाब ते इद वेन्ने गलत आयार। राष्ट्रीय पूंजीपति वर्ग तन्ना रुख बदले किया परवा कारण ताना कमजोरी मत्तेके, अद 1924-27 लोप्पा तन्ना सामान्य रुख बारांकु बदले किता, अद केवल दुलमुले मन्नो, अद क्रांति लोप्पा वेन्ने शामिल आता। राष्ट्रीय पूंजीपति वर्ग ता कमजोरी उंदी पूना बिमारी आंदू, अद रोग ताना पोड्डा ते मंदानास्केडले हिल्ले इंजी बोरे इंदा परितोरा? बोराई इद वर्ग नेंड कमजोर मंता, मति मुन्ने कमजोर हिल्ला मत्ता इंजी इंदा परितोरा? उंदी अर्ध-उपनिवेश ता राजनीति ओसो अर्थव्यवस्था ता उंदी मुख्य विशेषता इत्तेके राष्ट्रीय पूंजीपति वर्ग ता कमजोरी। इदिना कारण तेने साम्राज्यवाद इद वर्ग पोरो उदिसी ताकना हिम्मता कीता ओसो अदिन काजे इद वर्ग ता उंदी विशेषता बाता मंता इत्तेके अद साम्राज्यवाद किन विचार कीवो। बेसक, इनकार कियो मति माटु इदिन पूरा स्वीकार कीतोम कि ताना अद कमजोरी ता कारण तेने साम्राज्यवाद, जर्मीदार वर्ग ओसो दलाल-पूंजीपति वर्ग तोर अस्थाई रूप ते घूस (bait) हीसी इद वर्ग किन तन्ना बगिल पिडंगा परिता। ओसो इदिना कारण ते इद वर्ग लोप्पा क्रांतिकारी भावना ता कमी मंदिता। मति माट वेन्ने वर्तमान परिस्थिति लोप्पा इद वेहा परवोम कि राष्ट्रीय पूंजीपति वर्ग ओसो जर्मीदार वर्ग, दलाल-पूंजीपति वर्ग नडमा बदे अंतर हिल्ले।

अदिन काजे माटु जोर हिसी वेहा मंतोम कि राष्ट्रीय संकट ता कमजोर स्थिति ते क्वेमिंगतांग ग्रुप लोप्पा फूट पड़े मायरा। इद फूट राष्ट्रीय पूंजीपति वर्ग ता दुलमुलपन ता रूप ते ओसो फंग य्वी-श्यांग, छाए थिंग-खाए ओसो मान चान-शान लेक्कटा जापान-विरोधी मानेयना हिसाब ते,

बोर उचुन समय काजे प्रसिद्ध आतोरो, लोप्पा दिसत्ता। बुनियादी रूप ते इद फूट नगडल प्रतिक्रांति काजे नुक्सान ओसो क्रांति काजे फायदा आयरा। चीन ता राजनीति ओसो अर्थव्यवस्था ता असमान विकास ता कारण ते ओसो तीना कारण क्रांति ता असमान विकास ता कारण ते इद्रम ता फूट आयाना सम्भावना बेरस्ता।

कामरेड्स, इद समस्या ता सकारात्मक पक्ष मत्ता। इंजे ताना नकारात्मक पक्ष किन हूडाकाल, इत्तेके राष्ट्रीय पूंजीपति वर्ग लोप्पा उचुन मुल हमेशा जनता किन धोखा हियाना लोप्पा एक्सपर्ट मंदितोर, इद्रम बारांकु मंतोर? बारांकि इत्तेके जनता ना क्रांतिकारी काम ता सही समर्थक लोरे आयवा इद वर्ग ता वेल्ले मुल उचुन समय काजे क्रांतिकारी या अर्ध-क्रांतिकारी गेतलेंग करसी मंदितोर। अदिन काजे आम जनता ओरा क्रांतिकारी भावना ता कमी किन हूडा परवो आंता ओसो ओरा दिखावा ओसो बनावटीपन किन चिनेमाया परवो आंता। अद्रमासी तन्ना गोती लोरा आलोचना कियाना, झूठा क्रांतिकारी लोरा पर्दाफाश कियाना ओसो नेतृत्व पोरो कब्जा कियाना इंजी कम्युनिस्ट पार्टी ता इद जिम्मेदारी बेरसिंता अदा। माटु इद पोल्लो तुन मानेमायवेके वेल्ले उथल-पुथल आयनास्के राष्ट्रीय पूंजीपति वर्ग दुलमुल आया परिंता, ओसो क्रांति लोप्पा शामिल आया परिंता, इदिना मतलब आंता नेतृत्व पोरो कब्जा कियाना मावा पार्टी ता काम किन विडिसमुडात्ता, या कम से कम तानकिन हल्का तरीका ते एत्तोम। बारांक इत्तेके जर्मीदार लोरा दलाल-पूंजीपति लोरा लेक्का राष्ट्रीय पूंजीपति वर्ग वेन्ने गद्दार वीभत्स रूप ते मुन्ने वात्तेके नेतृत्व पोरो कब्जा कियाना काजे संघर्ष कियाना काम किन एकदम विडिसमुडायर, लेवेके कम से कम तान किन हल्का तरीका ते एतानूर।

वेल्ले उथल-पुथल आयानास्के चीन ता जर्मीदार वर्ग ओसो पूंजीपति वर्ग ता रुख ता आम विश्लेषण कियानास्के उंदी दूसरा पहलू बगिल वेन्ने इशारा कियाना इत्तेके जर्मीदार वर्ग ओसो दलाल-पूंजीपति वर्ग ता ग्रुप लोप्पा वेन्ने पूरा एकता हिल्ले। ताना कारण अर्ध-उपनिवेश ता परिस्थिति मंता इत्तेके उंदी परिस्थिति लोप्पा वेल्ले साम्राज्यवादी ताकतकु

चीन पोरो अधिकार कियाला काजे होड़ किया मंतांग। संघर्ष जापानी साम्राज्यवाद ता खिलाफ ताकसोरे मंता, अमेरिका या ब्रिटेन ता पोसे कित्ता नैकू तन्ना मालिक लोरा इशारा ते ताकना जापानी साम्राज्यवादी ओसो ओरा पोसे कित्ता नैकुना खिलाफ प्रचंड लेवेके खुल्ला संघर्ष ताकी किया परितोरा। इंजेने आयो मुन्ने वेन्ने नैकु ना वेल्ले लड़ाईंग आतांग ओसो इगा माटु ओरा चर्चा कीवोमा। इगा माटु केवल इदिन वेहितोम कि उचुन दिया मुन्ने क्वोमिंगतांग ता राजनीतिज्ञ हू हान-मिन¹⁴ वेन्ने, च्यांग काई-शोक ओनकिन उंदी बेरा नजरबंद कीसि मत्तोर, मावा कित्ता प्रस्ताव जापान ता प्रतिरोध कियाना ओसो देश किन बचे कियाना छः सूत्र कार्यक्रम¹⁵ पोरो हस्ताक्षर कित्तोर। क्वांगतुंग ग्रुप ओसो क्वांगशी ग्रूप ता युद्ध-सरदार¹⁶ वेन्ने छलपूर्ण नारा “हत्ता जमीन किन वापिस पोयटु” ओसो “जापान ता प्रतिरोध कियाना संगे ने डाकू लोरा वेन्ने नाश कियाना इंजी”¹⁷ नारा वाटतोर। (च्यांग काई शोक ना विरोध ते डटेमातोर। इद केवल बेहरा ओसो सुडला नैकु, पोट्टा निंडता ओसो खाली पोट्टा मंदाना नैकुना नडमा ता लड़ाई ता उंदी खास उदाहरण मंता। इद उंदी दरार या अंतरविरोध क्रांतिकारी जनता किन फायदा कींता। मनम दुश्मन ता ग्रुप लोप्पा बचोन लड़ाईंग, दरार ओसो अंतरविरोध मन्नी, ताना पूरा-पूरा डिटेल तासना ओसो मना वर्तमान मुख्य दुश्मन ता खिलाफ मोड़े कियाना।

वर्ग-सम्बन्ध ता समस्या ता सारांश तेंडसोरे, माटू स्थिति लोप्पा आता इद बुनियादी बदलाव तिंचि, इत्तेके जापानी साम्राज्यवाद चीन ता लम्बी दीवार ता दक्षिण लोप्पा कित्ता हमला ता कारण ते चीन ता विभिन्न वर्ग ता आपसी सम्बन्ध बदलेमाता-राष्ट्रीय क्रांति ग्रुप ता ताकत बेरसी कित्ता ओसो राष्ट्रीय प्रतिक्रांति ग्रुप ता ताकत कम आता इंजी वेहा परितोमा।

इंजे माटु चीन ता राष्ट्रीय क्रांति ना ग्रुप ता परिस्थिति किन चर्चा कियाकाल।

मुन्ने लाल सेना बारे ते। कामरेड्स लगभग डेढ़ साल लोप्पा चीन ता रेगुलर लाल सेना ता मूंड मुख्य सैनिक-दल वेल्ले जागा आदला-बदली

कित्तोर। हत्ता साल अगस्त लोप्पा रन पी-शन¹⁸ लेक्काटा कामरेड्स छठी सेना-ग्रुप किन पोयसी कामरेड हो लुंग ना सेना मत्ता बगिल बदली आयना शुरू कित्तोर, ओसो ताना पेरके तुरंत अक्तुबर लोप्पा माटु बदली कियाना शुरू कीतोम²⁰। इद साल मार्च महिना लोप्पा सखवान-शेनशी सीमान्त क्षेत्र ता लाल सेना वेन्ने तन्ना बदली शुरू कित्तोर²¹। इव मूंड मुख्य सैनिक-दलकु तन्ना पाड़ना जागा विड़सी पूना जागा ते हत्तोर। इव विशाल अदला-बदली ता कारण ते पाड़ना इलाका छापामार इलाका बनेमाता। इव बदली आयानास्के लाल सेना वेल्ले कमजोर आता। माटु पूरा परिस्थिति ता पहलू किन ध्यान तासना, अस्के माटु दुश्मन किन अस्थाई ओसो आंशिक सफलता दोरकी कीतोम, माकिन अस्थाई ओसो आंशिक हार ता सामना किया लागता। मति उचुन मुल (उदाहरण काजे चांग-थाओ²²) बाता इंतोर इत्तेके केंद्रीय लाल सेना²³ असफल आता। इंदानदु सही या? आयो, बारांक इत्तेके वर्तमान परिस्थिति अद्रमें मंता। बोराई मार्क्सवादी बदे समस्या ता छानबीन कींतोर, अस्के केवल अंश किने आयो पूरा चीज किन हूड़ा लागियर। सुवा लोप्पा मंदाना पन्ने बाता इंता इत्तेके “मोय्योल सुवा तुकू बेहरा हिल्ले इंजी।” इद गलत आंदू, बारांकु इत्तेके मोय्योल ता आकार सुवा ता बराबर हिल्ले। पन्ने बाता इंता इत्तेक “मोय्योल ता उंदी अंश सुवा ता बराबर मंता,” इत्तेके अद सही वेहिंता बारांक इत्तेके इद निजम मंदिता। माटु लाल सेना उंदी दिशा लोप्पा (तन्ना मूल स्थानकुना रक्षा कियाना लोप्पा) असफल आया मंता इंजी इंतोम, मति दूसरा दिशा लोप्पा (लांग मार्च ता योजना पूरा कियाना लोप्पा) तानकिन सफलता दोरकता। दूसरा बगिल दुश्मन किन उंदी दिशा लोप्पा (मावा सेना ता मूल जागा ते कब्जा कियाना लोप्पा) सफलता दोरकित्तोर, मति दूसरा बगिल (“घेराव कीसि विनाश कियाना”, “पेरके अरना ओसो विनाश कियाना” योजना किन पूरा कियाना लोप्पा) असफल आता। केवल इदे सही मंता, बारांकु इत्तेके माटु लांग मार्च पूरा कीतोम।

लांग मार्च पोरो चर्चा कीसोरे, सवाल कीमुड़ आंता, “ताना महत्व बाताल मंता?” मावा उत्तर इत्तेके लांग मार्चतना हिसाब ता पहली घटना

आंदू, ताना इतिहास लोप्पा बदे उदाहरण हिल्ले, अद उंदी घोषणा-पत्र
 आंदू, प्रचार-दल आंदू, विज्जा वाटना मशीन आंदू बस्के फान कू भूमि
 ओसो मोय्योल किन अलग कीसि मत्तोर ओसो मूंड चक्रवर्ती ओसो
 एय्युंग सम्राट राज्य कींदुर,²⁴ अस्केडल नेंड एवनल इतिहास लोप्पा बस्केने
 मावा लेक्का लांग मार्च ताकतद हिल्ले। बारह महिना एवनल, मोय्योल ते
 रोज बीसियों हवाई जहाज मावा पोरो बम वाटतांग, जमीन पोरो लाखों
 फौज मावा घेराव कित्ता, मावा पेरके अरता, मावा हर्दे मुश्किल पैदा कित्ता,
 मति माटु खुद पोरो भरोसा ताससी मुन्ने हंजोरे माटु 11 राज्यकुन उंदी कोना
 तिंचि दूसरा कोना एवनल पार कीसि 20,000 ली तुकू ज्यादा दूरी तय
 कीतोमा वेहाटु, इतिहास लोप्पा बस्के ने मावा लेक्का लांग मार्च आता?
 बस्केने आयो। लांग मार्च उंदी घोषणा-पत्र वेन्ने आंदू। अद दुनिया मुन्ने
 घोषित कीतद - लाल सेना उंदी वीर लोरा सेना आंदू ओसो साम्राज्यवाद
 ओसो ओरा पोसे कित्ता नैकु, च्यांग काई-शेक ओसो ओना लेक्काटोर
 लाल सेना ता मुन्ने बाताए हिल्ले। ओर साम्राज्यवाद ओसो च्यांग काई-
 शेक ना घेराव कियाना, पेरके अरना, मुश्किल पैदा कियाना असफल
 कोशिश कुना दिवालयपन ता ऐलान कीतद मंता। दार्धाकालीन अभियान
 ता प्रचार-दल वेन्ने मंता। अद 11 राज्यकुना लगभग बीस करोड़ जनता
 ना मुन्ने ऐलान कित्तोर - लाल सेना ता हरींए ताना मुक्ति ता हरीं आंदू।
 लांग मार्च आयवेके व्यापक जन-समुदाय दुनिया लोप्पा इद्रम ता महान
 सच्चाई वेन्ने मंता इंजी अचोन जल्दी बद्रम पुंदा परिंता, अद लाल सेना
 ता रूप ते अभिव्यक्त मंता? लांग मार्च विज्जा वाटना उंदी मशीन आंदू।
 अद 11 राज्यकुना लोप्पा वेल्ले विज्जा वाटता, अव मोड़िया मंतांग,
 पूयनूंग, काया हादियर ओसो वायाना कालम ते पंटा पेसियर। सारंश बाता
 इत्तेके लांग मार्च ता अन्त मावा सफलता ओसो दुश्मन ता हार ता रूप ते
 आता। लांग मार्च किन आखिरी सफलता ता मंजिल एवनल बोर ओतोर?
 कम्युनिस्ट पार्टी, ताना नेतृत्वकारी संगठन, ताना कार्यकर्तालोर ओसो
 सदस्य लोर बदे रकम ता मुश्किल समस्यांग किन वेरियोर। बदे क्रांतिकारी
 युद्ध ता नेतृत्व ता बारे ते मावा क्षमता पोरो डावुट कियाना, अद

अवसरवाद ता चिकला ते नेंगतोरा। लांग मार्च पूरा आतास्के, उंदी पूना परिस्थिति पूटता। चलोचन ता लडाई लोप्पा केंद्रीय लाल सेना ओसो उत्तर-पश्चिमि लाल सेना, एकजुटता संगे लडेमासोरे, गद्दार च्यांग काई-शोक ना “घेराव कीसि विनाश कियाना” अभियान²⁵ किन शेनशी-कानसू सीमान्त क्षेत्र ता खिलाफ ताकी कित्ताद मत्ता, तहस-नहस कित्तोर, ओसो इद हिसाब ते ओरु पार्टी किन केंद्रीय कमेटी ता उत्तर-पश्चिम लोप्पा क्रांति ता राष्ट्रीय हेडक्वार्टर निल्पी कियाना काम ता नींव वाटता।

इद रेगुलर लाल सेना ता परिस्थिति ता बारे ते, मति दक्षिण ता विभिन्न इलाका लोप्पा छापामार युद्ध ता परिस्थिति बदरम मंता? दक्षिण लोप्पा छापामार युद्ध किन उचुन असफलता ता सामना किया लागता, मति तानकिन खत्म किया परमूडायो। बचोनो जागा ने अद तेज आया मंता ओसो बेरसा मंता।²⁶

क्वोमंगतांग कब्जा कित्ता इलाका लोप्पा मजदूर लोरा संघर्ष कारखाना ता बीती (दिवार) तल बाहर बगिल, आर्थिक संघर्ष तल राजनीतिक संघर्ष बगिल विकसित आया मंता। जापानी आक्रमण ता विरुद्ध ओसो गद्दार लोरा विरुद्ध मजदूर वर्ग ता वीरतापूर्ण संघर्ष लोप्पा वेल्ले उकड़े माया मंता। ओसो परिस्थिति किन हूडतेके इद संघर्ष जल्दी आयाना लेक्का दिसिंता।

किसान लोरा संघर्ष बस्केने रोमतद हिल्ले। विदेशी आक्रमण, राष्ट्रीय समस्यांग ओसो प्राकृतिक समस्या ना शिकार किसान लोर छापामार युद्ध, जन-विद्रोह, भुखमरी-दंगा लेक्कटव व्यापक संघर्ष किन शुरू कीतांग। जापानी साम्राज्यवाद ता हमला ना जवाब ते उत्तर-पूर्वी प्रांत ओसो पूर्वी हपे लोप्पा जापान-विरोधी छापामार युद्ध²⁷ ताका मंता।

विद्यार्थी आंदोलन ता वेन्ने वेल्ले विकास आता ओसो जरूर वेल्ले विकसित आयर। मति इद आंदोलन किन इंजे मजदूर, किसान, सैनिक संघर्ष संगे कलियसि ताकी कियमूडायर अस्केने इदिन लगातार जारी तासमूडायर, ओसो गद्दार लोरा लागू कित्ता मार्शल-ला ओसो ओरा पुलिस, खुफिया विभाग, शिक्षा क्षेत्र ता निरंकुश तत्व ओसो फासीवादी

लोर लागू कित्ता तोड़फोड़ ओसो जन-संहार ता नीति किन तहस-नहस किया परमूडायर।

माटु राष्ट्रीय पूंजीपति वर्ग ओसो देहात ता धनी किसान, सुडला जर्मीदार लोर दुलमुल मंदिंतोर ओसो ओरा जापान-विरोधी संघर्ष लोप्पा शामिल आयाना सम्भावना वेन्ने मंता इंजी मुन्ने चर्चा कीतोमा।

अल्पसंख्यक जातिंग, खासकर भीतरी-मंगोलियाई जाति, ओरा मुन्ने जापानी साम्राज्यवाद ता सीधा खतरा बेरसा मंता, ओरु इंजे संघर्ष ता मैदान लोप्पा रेय्या मंतोर। वायना कालाम ते ओरा संघर्ष उत्तरी चीन ता जनता ना संघर्ष ओसो उत्तर-पश्चिम लोप्पा लाल सेना ता कार्यवाहिंग संगे कलियर।

इव सब्बे किन हूडतेके क्रांतिकारी परिस्थित स्थानीय तुकू मुन्ने हंजी राष्ट्रव्यापी बनेमाया मंता, ओसो असमानता ता परिस्थिति तिंची तीरम-तीरम मुन्ने हंजी समानता ता परिस्थिति ते एव्वा मंता। इंजे माटु उंदी महान बदलाव ता पोड़द पेसना लेक्का मंतोमा। पार्टी ता काम लाल सेना ता कार्यवाहिंग किन पूरा देश ता मजदूर, किसान, विद्यार्थी, निम्न-पूंजीपति वर्ग ओसो राष्ट्रीय पूंजीपति वर्ग ता सब्बे कार्यवाहिंग संगे कलियसी उंदी राष्ट्रीय क्रांतिकारी संयुक्त मोर्चा बने कियाना मंता।

राष्ट्रीय संयुक्त मोर्चा

प्रतिक्रांति ओसो क्रांति ता परिस्थिति किन हूडता पेरके, मना काजे पार्टी ता कार्यनीति-संगे जुड़ेमता काम स्पष्ट कियाना हल्को आयर।

पार्टी ता कार्यनीति-संगे जुड़े माता बुनियादी काम बातल मंता? इद काम उंदी व्यापक क्रांतिकारी राष्ट्रीय संयुक्त मोर्चा बने कियाना विड़सी दूसरा बाता हिल्ले।

क्रांतिकारी परिस्थिति लोप्पा बदलाव आतास्के, अदिना अनुकूल क्रांतिकारी कार्यनीति ओसो क्रांतिकारी नेतृत्व ता तरीका लोप्पा वेन्ने बदलाव कियाना। जापानी साम्राज्यवाद ओसो चीनी गद्दर, देश तुक

वम्मानोर लोरा काम चीन किन उपनिवेश बने कियाना; मावा काम चीन किन स्वतंत्र, आजाद ओसो पूर्ण प्रादेशिक अखण्डता मंदना (full territorial integrity) देश बने कियाना।

चीन ता स्वतंत्र ओसो आजादी दोरकी कियाना उंदी महान काम आंदू। इद उद्देश्य किन दोरकी कियाला काजे माकिन विदेशी साम्राज्यवाद ओसो राष्ट्रीय प्रतिक्रांतिकारी ताकतकुना विरुद्ध लड़ेमाया लागियर। जापनी साम्राज्यवाद जोर-जबरदस्ती चीन लोप्पा नेंगला आल्सा मंतोरा स्थानीय निरंकुश तत्व, बुरे शरीफजादा लोरा वर्ग ओसो दलाल पूंजीपति वर्ग ता राष्ट्रीय प्रतिक्रांतिकारी ताकतकु इंजे वेन्ने जनता ना क्रांतिकारी ताकत तुकू ज्यादा शक्तिशाली मंतांग। जापानी साम्राज्यवाद ओसो चीन ता प्रतिक्रांतिकारी ताकत किन हारे कियाना काम केवल उंदी-रेंडु दिव्या ते पूरा आया परवो, अदिन काजे तानकिन पूरा कियाला काजे उंदी दीर्घकालीन कोशिश कियाना काजे तैयार मंदाना; इद काम उचुन ताकत संगे वेन्ने पूरा आया परवो, इदिना पूरा कियाना काजे मनकिन वेल्ले शक्तिशाली बनेमाया लागियर। चीन ओसो पूरा दुनिया ता प्रतिक्रांतिकारी ताकत मुन्ने तुकू ज्यादा मजबूत आतांग। इद उंदी सही आंकलन आंदू अद समस्या ता उंदी पहलू ता प्रतिनिधित्व कींता। मति संगे ने मनम चीन ओसो पूरा दुनिया ते मंदाना प्रतिक्रांतिकारी ताकत किन अस्थाई रूप ते क्रांतिकारी ताकत तुकू ज्यादा शक्तिशाली मंता इंजी इंदाना। इद वेन्ने उंदी सही आंकलन आंदू अद समस्या ता दूसरा पहलू ता प्रतिनिधित्व कींता। चीन ता राजनीतिक ओसो आर्थिक विकास ता असमानता तले क्रांति ता विकास ता असमानता पुष्टिता आंता। नियमानुसार प्रतिक्रांतिकारी ताकतकु बेगा कमजोर मंतांग अगाने क्रांति ता सफलता शुरू आंता, विकसित आंता ओसो बेगा क्रांतिकारी ताकतकु कमजोर मंतांग ओसो बगा प्रतिक्रांतिकारी ताकतकु शक्तिशाली मंतांग अगा क्रांति इंजे शुरू वेन्ने आताद हिल्ले ओसो अद वेल्ले तीरम-तीरम विकसित आया मंता। चीनी क्रांति ता उंदी दीर्घकालीन परिस्थिति ताकसोरे वाता। इदिना पूर्व-कल्पना कियमूडंता कि वायना समय ते बदे चरण लोप्पा क्रांति ता आम परिस्थिति

ओसो ज्यादा विकसित आयर, मति ताना असमानता अस्के वेन्ने मंदियरा इद्रमता असमानता किन उंदी आम समानता लोप्पा बदले कियाला काजे वेल्ले समय, वेल्ले कोशिश ओसो पार्टी ता सही कार्यनीतिक कार्यदिशा किन लागू कियाना जरूत मंता। सोवियत संघ ता कम्युनिस्ट पार्टी ता नेतृत्व कित्ता क्रांतिकारी युद्ध²⁸ मूंड साल लोप्पा खत्म आतेके, मुन्ने ने वेल्ले टाईम पोयता चीन कम्युनिस्ट पार्टी ता नेतृत्व लोप्पा ताकना क्रांतिकारी युद्ध लोप्पा देश-विदेश ता प्रतिक्रांतिकारी ताकतकिन पूरा खत्म कियाला काजे ओसो वेल्ले टाईम एतला काजे मनाकिन तैयार मंदा लागियर। मुन्ने बद हिसाब ते जल्दबाजी तोहतद मंता, अद्रम बिल्कुल कियानायो। मनम उंदी सही क्रांतिकारी कार्यनीति वेन्ने तय कियाना; मुन्ने ता लेक्का परेशानी ते तिरयतेके बेहरा काम बस्केने किया परवोमा नन्ना चीन लोप्पा काम तीरम-तीरम आयर इंजी इन्नोन; नन्ना, मनम हिम्मत संगे कियाना इंजी इंतान, बारांक इत्तेके राष्ट्रीय तख्ता पलट ता खतरा ता कारण ते उंदी मिनट काजे वेन्ने ढील हियाना मौका हिल्ले। इंजेटल क्रांति मुन्ने तुकू वेल्ले तेज जरूर आयर। बारांकु इत्तेके चीन ओसो दुनिया युद्ध ओसो क्रांति ता पूना काल लोप्पा दायमंतांगा इद्रम अत्तेकाई चीन ता क्रांतिकारी युद्ध दीर्घकालीन आयर; साम्राज्यवाद ता ताकत ओसो क्रांति ता असमान विकास ता कारण तेने इद्रम आयर। माटु बाता इंतोम इत्तेके वर्तमान परिस्थिति ता विशेषता बाता इत्तेके राष्ट्रीय क्रांति लोप्पा उंदी पूना उभार वाया मंता ओसो चीन इंजे उंदी पूना ओसो महान राष्ट्रव्यापी क्रांति ता पूर्ववेला लोप्पा मंता; इद वर्तमान क्रांतिकारी परिस्थिति ता उंदी विशेषता आंदू। इद उंदी सच्चाई आंदू अद परिस्थिति ता उंदी पहलू ता प्रतिनिधित्व कींता। मति संगेने साम्राज्यवाद इंजे वेन्ने उंदी बेहरा ताकत बनेमाता इंजी वेन्ने इंतोम, क्रांतिकारी ताकतकुना विकास ता असमानता उंदी गम्भीर कमजोरी आंदू, ओसो मना दुश्मन किन हारे कियाना काजे मनाकिन दीर्घकालीन युद्ध कियाना काजे तैयार मंदा लागियर; वर्तमान क्रांतिकारी परिस्थिति ता इद उंदी दूसरा विशेषता आंदू। इद वेन्ने उंदी सच्चाई आंदू ओसो इद दूसरा पहलू ता प्रतिनिधित्व कींता। इव रेंडासी

विशेषतांग माकिन करिथी कींतांग ओसो माकिन आग्रह कींतांग कि माटु परिस्थिति ता अनुसार मना कार्यनीति किन बदले कियाना ओसो संघर्ष ताकी कियाला काजे ताकत किन संगठित कियाना तरीका किन बदले कियाना। वर्तमान परिस्थिति ता मांग बाता इत्तेके बंद-दरवाजा (closed-doorism) नीति किन हिम्मत संगे खत्म कियाना, व्यापक संयुक्त मोर्चा ता निर्माण कियाना ओसो दुस्साहसवाद किन रोके कियाना। बस्के एवनल समय परिपक्व आयो ओसो मावा ताकत बेरसो अस्के एवनल माटू जल्दबाजी कीसि निर्णायक लाड़ाईंग ताकी कियानाया।

इगा नन्ना बंद-दरवाजा ओसो दुस्साहसवाद ता संबंध ता चर्चा किवोन ओसो तीना वेन्ने चर्चा किवोन कि वायना कालम ते क्रांति ता वेल्ले विकास आयर अस्के दुस्साहसवाद तल बव समस्यांग पैदा आयनूंग। तीना चर्चा माटु पेरके किया परितोमा। इगा केवल संयुक्त मोर्चा ता कार्यनीति ओसो बंद-दरवाजा कार्यनीति- इव रेंडासी अलग-अलग कार्यनीतिंग आंदुंग इविकना चर्चा कियाना।

सबसे मुन्नेटा कार्यनीति दुश्मन किन घेरे कीसि खत्म कियाला काजे विशाल शक्ति किन लामबंद कियाना।

दूसरा कार्यनीति वरोरे मंजि शक्तिशाली दुश्मन संगे लड़ेमायाना।

संयुक्त मोर्चा कार्यनीति किन समर्थन कियानोर बाता इंतोर इत्तेके जापनी साम्राज्यवाद चीन किन उपनिवेश बने कियाना कार्रवाई चीन ता क्रांतिकारी ताकत ओसो प्रतिक्रांतिकारी ताकत कुना पांतबंदी (alignment) बदलेमाया परियर इंजी अंदाजा वाटसी मत्तेके माटु उंदी व्यापक क्रांतिकारी राष्ट्रीय संयुक्त मोर्चा बने किया परना सही अंदाजा वाटा परितोमा। माटु जापान ता क्रांतिकारी ताकत, चीन ता प्रतिक्रांतिकारी ताकत ओसो चीन ता क्रांतिकारी ताकतकुना मजबूत पहलू ओसो कमजोर पहलू बाता मंता इंजी सही अंदाजा वाटा परवेके, मनम व्यापक क्रांतिकारी राष्ट्रीय संयुक्त मोर्चा बने कियाना जरूरत किन समझेमाया परवोम आंतोम, बंद-दरवाजा किन खत्म कियाना काजे सुदृढ़ तरीका लागू किया परवोम, ओसो इद उद्देश्य काजे संयुक्त मोर्चा किन उंदी हथियार लेक्का इस्तेमाल

परवोम आंतोम कि करोड़ो-करोड़ जनता किन ओसो क्रांति ता मित्र-सेना बनेमायाना सब्बे तोरकिन, संगठित ओसो एकताबद्ध कियाना, अद्रमासी माटु मुन्ने हंजी मना मुख्या निशाना पोरो – जापानी साम्राज्यवाद ओसो ओरा पोसे कित्ता नैकु, चीनी गद्दर लोरा पोरो- हमला किया परना, ओसो इद अंदाजा वाटवा लेवा माटु मना मुन्नेटा मुख्य निशाना पोरो हमला कियाला काजे मना कार्यनीतिक हथियार किन इस्तेमाल किया परवोम, तीना विरुद्ध मना मुन्ने अलग-अलग निशाना वाटनूर ओसो मावा गोली मुख्य दुश्मन किन विड़सी गौण दुश्मन ओसो मावा संश्रयकारी लोरकिन वेन्ने देलगानुंग। इत्तेके प्रधान दुश्मन किन निशाना बने कियाना लोप्पा असमर्थ मंदाना ओसो मना गोला-बारूद बरबाद कियाना। इद्रम माटु दुश्मन किन अलग-थलग किया परवोम आंतोम। इद हिसाब ते माटु दुश्मन ता ग्रुप ओसो ओना मोर्चा तिंचि, दबाव ता कारण ते ओरा बगिल हत्तोर किन मना बगिल तत्ता परवोम आंतोम, ओर निने एवनल मावा दुश्मन मत्तोर ओसो नेंड मावा दोस्त बनेमाया परितोर। इद हिसाब ते माटु दुश्मन ता सहायता कियकोम ओसो क्रांति किन गतिरोध, अलग-थलग, मजोर ओसो पतन ता स्थिति ते वाटितोम, तानकिन हारेमायना स्थिति लोप्पा वेन्ने वाटितोम।

बंद-दरवाजा कार्यनीति ता समर्थक लोर बाता इंतोर इत्तेके पोरो वेहता सब्बे आलोचनांग गलत आंदू। क्रांति ता ताकत शुद्ध मंदाना। क्रांति ता हरीं सीधा ओसो एकदम सीधा मंदाना। बदे धर्मग्रन्थ लोप्पा रास्तद मंता, अदे सही आंदू। राष्ट्रीय पूंजीपति वर्ग पूरा ओसो हमेशा प्रतिक्रांतिकारी आंदू। धनी किसान लोर किन उचुन वेन्ने रियायत हियानायो। पीली (yellow) ट्रेड युनियन संगे लड़ेमायाना। छाए थिंग-खाए ना संगे कै काल्पा लागतेके, कै काल्पनास्के वेन्ने ओनकिन प्रतिक्रांतिकारी इंदानदे। बस्के हवीं तिन्वा पुसाल वेन्ने मंदिताया? बदे युद्ध सरदार प्रतिक्रांतिकारी मनावा लेवा मंताया? बुद्धिजीवीं लोरो रेंडु-मूंडु दिव्या एवनले क्रांतिकारी मंदा परितोर, अदिन काजे ओरकिन भर्ती कियाना

खतरनाक मंता। इत्तेके बंद-दरवाजा उंदी जादूई बड़गा आंदू, ओसो संयुक्त मोर्चा उंदी अवसरवादी कार्यनीति आंदू।

कामरेड्स, सही बाता मंता? संयुक्त मोर्चा या बंद-दरवाजा? मार्क्सवाद-लेनिनवाद बदिना अनुमोदन कींता? नावा गट्टिक जबाब: संयुक्त मोर्चा ता अनुमोदन कींता ओसो बंद-दरवाजा ता विरोध कींता। तीन साल ता पाल उंडाना पिल्ला ता बचोनो सही विचार मंदा परिंतांग, मति ओरकिन राज्य ओसो दुनिया ता गंभीर काम किन सौंपे कियमूडायो, बारांकु इत्तेके ओरकिन इंजे समझेमायो। क्रांतिकारी रैंककुना लोप्पा मंदाना बचकानी बीमारी (infantile disorder) ता मार्क्सवाद-लेनिनवाद विरोध कींता। बंद-दरवाजा कार्यनीति ता कट्टार समर्थक लोरे इद्रम ता बचकाना बीमारी ता वकालत कींतोरा। दुनिया ता सब्बे गतिविधिग लेक्काए क्रांति ता हरीं वेन्ने हमेशा टेढामेढा मंदिंता, बस्केने सीधा मन्नो आंता। दुनिया ता हर चीज बदले माया परिंता, अद्रमे क्रांति ओसो प्रतिक्रांति ता ग्रुप लोप्पा ताकत ता पांतबंदी वेन्ने बदले माया परिंता। व्यापक संयुक्त मोर्चा बने कियाना पार्टी ता पूना कार्यनीति रेंडू बुनियादी पोल्लोनगडल पुटिंता: उंदी जापानी साम्राज्यवाद पूरा चीन किन तन्ना उपिनवेश बने कियाना आल्सा मंता ओसो दूसरा चीन ता क्रांतिकारी ताकतकुना लोप्पा इंजे वेल्ले कमजोरी मंता प्रतिक्रांतिकारी ताकत पोरो हमला कियाना काजे नेंड क्रांतिकारी ताकत किन कोटि-कोटि जनता किन संगठित कियाना ओसो उंदी विशाल क्रांतिकारी फौज ता नेतृत्व कियाना जरूरत मंता। केवल इद्रम ता ताकते जापान साम्राज्यवाद ओसो चीनी गद्दार, देश तुन वम्मानोर किन चकनाचूर किया परिंता; इद सच्चवाई सब्बेतोर मुन्ने स्पष्ट मंता। अदिन काजे संयुक्त मोर्चा ता कार्यनीतिए मार्क्सवादी-लेनिनवादी कार्यनीति आंदू। इदिन विपरीत बंद-दरवाजा कार्यनीति राजसी अलगाववादी (regal isolationist) कार्यनीति आंदू। बंद-दरवाजा“ कीके किन एर लोप्पा ओसो पिट्टे किन जंगल लोप्पा वित्ती कींता”; अद कोटि-कोटि जन-समुदाय किन, विशाल फौज किन दुश्मन ता पक्ष ते तुर्सिता, अद्रमासी दुश्मन बनेमासी खुश आयनूरा। बंद-दरवाजा असल ते जापानी

साम्राज्यवाद ओसो चीनी गद्दार, देश तुन वम्मनोरा वफादार नौकर आंदूरा बंद-दरवाजा लोर बदिन “शुद्ध” ओसो “सीधा” इंतोर, अदिना मार्क्सवाद-लेनिनवाद विरोध कींता, ओसो जापानी साम्राज्यवाद लोर ताना तारीफ कींतोर। माटु बंद-दरवाजा किन बिल्कुल विचार कीवोमा माटु क्रांतिकारी राष्ट्रीय संयुक्त मोर्चा निल्पी कियाना आल्सिंतोम, जापानी साम्राज्यवाद ओसो चीना गद्दार, देश वम्मनोरा काजे प्राणघातक मंदियर।

लोक गणराज्य²⁹

मावा सरकार इंजे एवनाल मजदूर, किसान, शहरी निम्न-पूंजीपति वर्ग ता गोती पोरो निर्भर मंता इत्तेके इंजे, ताना लोप्पा मजदूर, किसान ओसो शहरी निम्न-पूंजीपति वर्ग आयवा दूसरा राष्ट्रीय क्रांति लोप्पा शामिल आयला आल्सना सब्बे वर्ग किन वेन्ने शामिल कियाना।

वर्तमान काल ते सरकार ता बुनियादी काम चीन किन कब्जा कियाना जापानी साम्राज्यवाद ता कोशिशकुना विरोध कियाना मंता। इद सरकार तन्ना प्रतिनिधित्व कियाना हंदी किन विस्तृत कियर, अस्केने इद सरकार लोप्पा राष्ट्रीय क्रांति लोप्पा शामिल आयना लोप्पा गिर्दा आंतोर मति भूमि-क्रांति लोप्पा आयोर ओर वेन्ने शामिल आया परना, वीरे आयवा योरोपीय ओसो अमेरिकी साम्राज्यवादी संगे संबंध तासना कारण ते ओर विरोध कींतोर मति जापानी साम्राज्यवाद ओसो ओरा पोसे कित्ता नैकु ना विरोध किया परितोर। अदिन काजे सिद्धांत ता हिसाब ते इद सरकार ता कार्यक्रम जापानी साम्राज्यवाद ओसो ताना पोसे कित्ता नैकु ना विरोध कियाना बुनियादी कार्य ता हिसाब के मंदाना, ओसो मनम मना पाड़ना नीतिंग लोप्पा इदिना अनुसारे पूरा बदलाव तत्ताना।

वर्तमान काल ते क्रांति ता पक्ष ता विशेषता आंदू तानगा उंदीगट्टिक कम्युनिस्ट पार्टी ओसो उंदीगट्टिक (well-steeled) लाल सेना मंता। इद उंदी बेहरा महत्व ता पोल्लो आंदू इंजे वेन्ने तानगा रेंडों चीज हिल्लेके, वेल्ले मुश्किलकुना सामना किया लागिंता। बारांक इत्तेके चीन लोप्पा वेल्ले गद्दार ओसो देश कुन्न वम्मनोर मंतोर ओसो ओर मजबूत मंतोर,

ओसो ओर अनिवार्य रूप ते संयुक्त मोर्चा किन तोड़े कियाला काजे हर सम्भव कोशिश कियानूर, ओर धमकी ओसो रिश्चत, दलबंदी, ग्रूपबंदी लेक्काटा तरीका ते फूट वाटना कोशिश कियानूर, ओसो अब सब्बे शक्तिंग किन दबे कियाना ओसो अविन उंदी-उंदी कीसि खत्म कियाना काजे शस्त्र-बल ता इस्तेमाल कियानूर, बद ओरकिन कमजोर मंतोर ओसो जापान विरुद्ध लड़ेमायाना काजे गद्दार लोरकिन विड़सी मावा संगे वायला तैयार मंतोर। जापान-विरोधी सरकार लोप्पा ओसो जापान-विरोधी फौज लोप्पा कम्युनिस्ट पार्टी ओसो लाल सेना रेंडु महत्वपूर्ण तत्व हिल्वेके, इद परिस्थिति तल बचेमायना मुश्किन आसी मनवड़। 1927 ता क्रांति ता असफलता का मुख्य कारण अस्के एवनल कम्युनिस्ट पार्टी लोप्पा मंदाना अवसरवादी लाईन मत्ता, अद्रमासी पार्टी तन्ना रैंक किन (मजदूर-किसान आंदोलन ओसो कम्युनिस्ट पार्टी ता नेतृत्व लोप्पा ताकना सेना किन) बेरसी कियाना कोशिश किवोर, ओसो उंदी अस्थाई संश्रयकारी (temporarily) इत्तेके क्वोमिंगतांग पोरो भरोसा कित्तोर। ताना कारण ते साम्राज्यवाद ता हुक्म ते स्थानीय निरंकुश तत्व, बुरे शरीफजादा लोरा वर्ग ओसो दलाल-पूजीपति वर्ग हजारों कै हीसी मुन्ने च्यांग काई-शेक किन ओसो वेन्ने वांग चिंग-वेइ किन तन्ना संगे काल्पतोर, ओसो इद्रमासी क्रांति आसफल आता। अद समय ते क्रांतिकारी संयुक्त मोर्चा लोप्पा बदे मुख्य आधार-स्तम्भ, बदे मजबूत क्रांतिकारी सैनिक-दल हिल्वा मत्ता, इदन काजे हर बगिल बगावत कियाना शुरू कित्तोर, अस्के कम्युनिस्ट पार्टी किने लड़ेमाया लागता ओसो साम्राज्यवाद, चीन ता प्रतिक्रांतिकारी लोरा लागू कित्ता दांवपेंच- मना विरोधी किन उंदी-उंदी कीसि खत्म कियाना- किन विफल कियाना लोप्पा विफल आता। अस्के वेन्ने लुंग ओसो ये थिंग ना नेतृत्व ते उंदी सेना मत्ता, मति राजनीतिक रूप ते अद सुदृढ़ हिल्वा मत्ता। इदे आयवा पार्टी ताना नेतृत्व बेस कीसोरे हिल्वा मत्ता, अदिन काजे आखिर ते ताना वेन्ने हार आता। क्रांतिकारी केंद्रीय ताकत ता कमी ता कारण ते क्रांति हारे मांता इंदना सबक नेत्तूर पोहची एतद मंता। मति नेता परिस्थिति बिल्कुल अलग मंता। इंजे मावगा मजबूत कम्युनिस्ट

पार्टी ओसो मजबूत लाल सेना मंता, संगेने लाल सेना ता आधार क्षेत्र वेन्ने मंता। नेंड कम्युनिस्ट पार्टी ओसो लाल सेना केवल जापान विरोधी राष्ट्रीय संयुक्त मोर्चा ता सूत्रपात किया मंता, मति वायना कालम ते ओर जरूर जापान-विरोधी सरकार ओसो जापान-विरोधी सेना ता सुदृढ़ आधार-स्तम्भ वेन्ने बनेमायर, इद्रम आतेके जापानी साम्राज्यवादी ओसो च्यांग काई-शेक जापान विरोधी राष्ट्रीय संयुक्त मोर्चा किन भंग कियाना तन्ना नीति ता आखरी लक्ष्य दोरकी किया परवोर आयनूर। जरूर, जापानी साम्राज्यवादी ओसो च्यांग काई-शेक धमकी ओसो रिश्त, दलबंदी ओसो ग्रूपबंदी लेक्काटा तरीका जरूर इस्तेमाल कियानूर, ताना बारे ते मनकिन वेल्ले होशियार मंदा लागिगर।

माटु कम्युनिस्ट पार्टी ओसो लाल सेना बचोन मजबूत मंता अचोने जापान विरोधी राष्ट्रीय संयुक्त मोर्चा ता हर हिस्सा वेन्ने मजबूत मंदियर इंजी आशा किया परवोम। इद व्यापक मोर्चा ता गतिविधि ताकनास्के उचुन गलत तत्व दुश्मन ता प्रभाव ते वासी संयुक्त मोर्चा तल अलग आया परितोर। मति इद्रमतोर हत्तेके वेन्ने माटु वेरियोम। दुश्मन ना प्रभाव ते वासी मनागडल अलग आयनूर, मति मावा प्रभाव ते वासी बेस्तोर मावा संगे वांयनोर। बस्के एवनल कम्युनिस्ट पार्टी ओसो लाल सेना मंता ओसो विकसित आसोरे मंता अस्के एवनल जापान विरोधी राष्ट्रीय संयुक्त मोर्चा वेन्ने मंदियर ओसो विकसित आसोरे मंदियर। राष्ट्रीय संयुक्त मोर्चा लोप्पा कम्युनिस्ट पार्टी ओसो लाल सेना ता नेतृत्वकारी भूमिका इद्रमें मंदियर। कम्युनिस्ट इंजे पाल उंडाना पिल्ला हिल्लेर, ओर इंजे खुशी ते तन्ना देखभाल खुद किया परितोर ओसो तन्ना संश्रयकारी लोरगडल तन्ना संबंध ता निर्वाहन वेन्ने किया परितोर। जापानी साम्राज्यवाद ओसो च्यांग काई-शेक क्रांतिकारी लोरा विरुद्ध दलबंदी ओसो ग्रूपबंदी लेक्काटा तरीका ता इस्तेमाल किया परितोर, प्रतिक्रांतिकारी लोरा विरुद्ध कम्युनिस्ट पार्टी वेन्ने इद्रम ता तरीका इस्तेमाल किया परिता। ओर मावा रैंक तिंचि गलत लोकुर किन तन्ना बगिल पिङ्गा परितोर। अस्के जरूर माटु वेन्ने ओरा रैंक तिंचि ओरा “गलत लोकुरा” (मावा काजे बेस मंता) किन मना बगिल पिङ्गा

परितोमा। ओर रैंक तल माटू बेहरा संख्या ते लोकरु किन मना बगिल पिङ्गितोम, अस्के दुश्मन ता दल कम आयार ओसो मावा दल बेरसियरा। संक्षेप ते, बुनियादी ताकत वरोनकु- वरोना संगे लड़ेमाया मंतांग। इव सब्बे नड़मा ता ताकत किन बदे आई पक्ष ता संगे दाया लागियर। चीन किन पराधीन कियाना ओसो चीन किन वम्मना नीति पोरो जापानी साम्राज्यवाद ओसो च्यांग काई-शेक ताका मंतोर, अद जरूर वेल्लटोर किन मावा बगिल वायाना काजे मजबूर कियनूर- या ओर सीधा कम्युनिस्ट पार्टी ओसो लाल सेना ता रैंक लोप्पा शामिल आयनूर, या मावा संगे संयुक्त मोर्चा बने कियानूर। माटू बंद-दरवाजा कार्यनीति लागू कीवेके, इद्रम जरूर आयर।

“मजदूर-किसान लोरा गणराज्य” किन “लोक गणराज्य” ता रूप ते बारांकु बदले कियाना?

मावा सरकार केवल मजदूर ओसो किसान लोरादे आयो, पूरा राष्ट्र ता प्रतिनिधित्व कींता। मजदूर-किसान लोरा जनवादी गणराज्य ता नारा लोप्पा इद पोल्लो मुन्नेटले शामिल मत्ता, बारांकु इत्तेके मजदूर ओसो किसान पूरा राष्ट्र ता आबादी ना 80-90 प्रतिशत भाग मंता। मावा पार्टी ता छठी राष्ट्रीय कांग्रेस अद दस सूत्री कार्यक्रम³⁰ निर्धारित कीसि मत्तोर, अद केवल मजदूर ओसो किसान लोरा हित ता प्रतिनिधित्व कींता, पूरा राष्ट्र ता हित ता वेन्ने प्रतिनिधित्व कींता। मति वर्तमान परिस्थिति ता मांग मावा नारा बदले कियाना इंजी मंता ओसो लोक गणराज्य ता नारा हियाना। बारांकु इत्तेके जापानी आक्रमण तल चीन ता वर्ग-सम्बन्ध बदलेमाता ओसो इंजे निम्न-पूंजीपति वर्गे आयो राष्ट्रीय पूंजीपति वर्ग वेन्ने जापान-विरोधी संघर्ष लोप्पा शामिल आयाना सम्भवाना वेने मंता।

जरूर, लोक गणराज्य दुश्मन-वर्ग ता हित ता प्रतिनिधित्व कीवोर आयनूर। ताना विपरित लोक गणराज्य साम्राज्यवाद पोसे कित्ता नैकू-स्थानीय निरंकुश तत्व, बुरे शरीफजादा लोरा वर्ग ओसो दलाल-पूंजीपति वर्ग- ता प्रत्यक्ष विरधी मंता ओसो अद ओरकिन जनता लोप्पा शामिल किवो। ताना तुलना च्यांग काई-शेक ना “चीन गणराज्य ता राष्ट्रीय

सरकार” केवल बेहरा-बेहरा धन्नासेठों लोरा प्रतिनिधित्व कींता, आम लोकुरा किन गिनती “नागरिक” लोरा लोप्पा हिल्ले। चीन ता आबादी लोप्पा 80-90 प्रतिशत मजदूर ओसो किसान मंतोर अदिन काजे लोक गणराज्य किन सब्से मुन्ने ओरा हित ता प्रतिनिधित्व कियाना। मति लोग गणराज्य साम्राज्यवादी उत्पीड़न किन दूर कीसि चीन किन आजाद ओसो स्वतंत्र बने कीयर, ओसो जमींदार लोरा उत्पीड़न किन दूर कीसि चीन किन अर्ध-सामंती व्यवस्था तल मुक्ती कियार, अदिन काजे अद मजदूर ओसो किसान लोराए आयो पूरा जनता ना बाकी हिस्सा ता वेन्ने बेस कींता। मजदूर, किसान ओसो जनता ना बाकी ता हिस्सा ता पूरा हित पूरा चीनी राष्ट्र ता हित किन निर्धारित कींता। दलाल-पूंजीपति वर्ग ओसो जमींदार वर्ग वेन्ने चीन ता धरती पोरने मंतोर, मति ओर राष्ट्र ता हित बगिल ध्यान हींतोर, अदे कारण ते ओरा हित बहुसंख्यक जनता ना हित संगे टकरेमांता। माटु मूडामेंड जमींदार ओसो दलाल-पूंजीपति वर्ग तल नाता तोड़े कींतोम ओसो केवल ओरा संगेने टकरे मांतोम अदिन काजे माटु मनकिन पूरा राष्ट्र ता प्रतिनिधि इंदाना माकिन अधिकार मंता।

मजदूर वर्ग ओसो राष्ट्रीय पूंजीपति वर्ग ता हित लोप्पा वेन्ने टकराव मंता। बस्के एवनल राष्ट्रीय क्रांति ता हिरावल किन राजनीतिक ओसो आर्थिक अधिकार दोरको आंता अस्के एवनल मजदूर वर्ग लोप्पा साम्राज्यवाद ओसो ओरो पोसे कित्ता नैकु, देश कुन्न वम्मानोरा विरुद्ध मना पूरा शक्ति की वाटना क्षमता पुटी कियमूडायो, अस्के एवनल राष्ट्रीय क्रांति किन सफलतापूर्वक ताकी किया परमूडायो। मति, राष्ट्रीय पूंजीपति वर्ग साम्राज्यवाद-विरोधी संयुक्त मोर्चा लोप्पा शामिल आंता, अस्के मजदूर वर्ग ओसो राष्ट्रीय पूंजीपति वर्ग ता समान हित आयर। पूंजीवादी-जनवादी क्रांति ता काल ते लोक गणराज्य गैर-साम्राज्यवादी ओसो गैर-सामंती निजी सम्पत्ति किन खत्म कीवोर, मति राष्ट्रीय पूंजीपति वर्ग ओसो औद्योगिक ओसो व्यापारिक कोरोबारी किन जब्त कियाना बदला ओरा विकास किन प्रोत्साहन हियर। बस्के एवनल बदे राष्ट्रीय पूंजीपति साम्राज्यवाद ओसो चीनी गद्दार लोरा समर्थन कीवोर अस्के एवनल माटु

अदिना रक्षा कियकोमा। जनवादी क्रांति ता मंजिल लोप्पा श्रम ओसो पूंजी ता नडमा ता संघर्ष ता उंदी सीमा निर्धारित कियमूडांता। लोक गणराज्य ता श्रम-कानून मजदूर लोरा हित ता रक्षा कींता, मति अद राष्ट्रीय पूंजीपति लोरा फायदा ओसो ओरो औद्योगिक, व्यापारिक कारोबार ता विकास ता विरोध कीवो, बारांकु इत्तेके इद्रम ता विकास साम्राज्यवाद काजे लबडओसो चीनी जनता काजे बेसआंता। इद्रम इद स्पष्ट आंता कि लोक गणराज्य साम्राज्यवाद ओसो सामंती ताकतकुना विरोध कियाना सब्बे तबका ना जनता ना हित ता प्रतिनिधित्व कियर। लोक गणराज्य ता सरकार मुख्य रूप ते मजदूर ओसो किसान लोरा पोरो निर्भर मंदियर, मति संगेने अद मना लोप्पा सब्बे वर्ग ता प्रतिनिधी लोरकिन वेन्ने शामिल कियर अद साम्राज्यवाद ओसो सामंती ताकत कुना विरुद्ध मंता।

मति इद्रमता वर्ग ता प्रतिनिधि लोर किन लोक गणराज्य ता सरकार ते शामिल कियाना खतरनाक मंताया? हिल्ले। मजदूर ओसो किसान इद गणराज्य ता बुनियादी जन-समुदाय आंदू। शहरी निम्न-पूंजीपति वर्ग, बुद्धिजीवी लोरा ओसो दूसरोरा, ओर साम्राज्यवाद-विरोधी ओसो सामंतवाद-विरोधी कार्यक्रम ता समर्थन कींतोर, लोक गणराज्य ता सरकार लोप्पा मत पेश कियाना ओसो काम कियाना अधिकार हियाना लोप्पा ओसो ओरकिन चुने कियाना, चुनेमायना अधिकार हियाना लोप्पा मजदूर ओसो किसान, बुनियादी जन-समुदाय, ता प्रतिनिधि लोरा बहुमत आंता ओसो संगेने इद सरकार पोरो कम्युनिस्ट पार्टी ता नेतृत्व मंता ओसो अद सरकार लोप्पा काम कींता, इदे दूसरा वर्ग तोर शामिल आतेके बदे खतरा मन्नो इंदाना ता गारंटी मंदियर। इद एकदम स्पष्ट मंता कि वर्तमान मंजिल लोप्पा चीनी क्रांति ता स्वरूप पूंजीवादी-जनवादी मंता, सर्वहारा-समाजवादी हिल्ले। चीन लोप्पा पूंजीवादी-जनवादी क्रांति पूरा आता ओसो वायना क्रांति केवल समाजवादीए आंदू इंदनाना तल्ला तोका लेवा पोल्लोंग केवल प्रतिक्रांतिकारी त्रात्सकीवादी³¹कींतोर । 1924-27 ता क्रांति तन्ना स्वरूप लोप्पा पूंजीवादी-जनवादी मत्ता, अद पूरा आयो, असफल आता। 1927 तिंचि इंजे एवनल बद भूमि-क्रांति ता नेतृत्व माटु

किया मंतोम, अद वेन्ने मना स्वरूप लोप्पा पूंजीपवादी-जनवादीए मंता, बारांकु इत्तेके ताना काम साम्राज्यवाद ओसो सामंतवाद ता विरोध कियाना आंदू, पूंजीवाद आयो। मावा क्रांति ता बारे ते इद वेल्ले समय एवनल लागू आता।

बुनियादी रूप ते इंजे वेन्ने मजदूर, किसान ओसो शहरी निम्न-पूंजीपति वर्ग क्रांति ता प्रेरक ताकत आंदू। मति इंजे राष्ट्रीय पूंजीपति वर्ग वेन्ने अव ताकतकुना लोप्पा शामिल आया परिंतांग।

क्रांति लोप्पा संक्रमण वानयना कालम ता पोल्लो आंदू। वायाना कालम लोप्पा जनवादी क्रांति जरूरत अनुसार समाजवादी क्रांति लोप्पा बदलाव आयरा। इद संक्रमण बस्के आयर, इंदानदु अनुकूल परिस्थितिंग मंताया या हिल्ले इंदाना पोरो आधार आसी मंता ओसो तीना काजे वेल्ले टाईम पोयरा। बस्के एवनल जरूरी राजनीतिक ओसो आर्थिक परिस्थितिंग परिपक्व आयो, अस्के एवनल देश ता जनता ना वेल्ले बहुसंख्यक जनता काजे संक्रमण फायदा आयवा नुक्सान लेक्का आयर, अस्के एवनल संक्रमण ता सवाल किन जल्दबाजी संगे जल्दी तेहाना आयो। संक्रमण जल्दीए आयार इंदना बारे ते डावुट कियाना ओसो आशा कियाना गलत आंदू, माव उचुन कामरेड्स ना अनुसार मुख्य प्रांत लोप्पा जनवादी क्रांति ता सफलता शुरू आयाना संगेने क्रांति ता संक्रमण आयाना शुरू आयारा। ओरू बारांकु इद्रम कींतोर इत्तेके ओर राजनीतिक ओसो आर्थिक दृष्टि ते चीन बद्रम ता देश आंदू इंजी समझेमायोर, ओसो राजनीतिक ओसो आर्थिक रूप ते जनवादी क्रांति किन पूरा कियाना चीन काजे रूस तुकू बचोनो मुश्किल मंता ओसो ताना काजे बचोनो ज्यादा समय ओसो कोशिश कियाना जरूरत मंता इंदनाना वेन्ने ओर पुन्नोर।

अंतरराष्ट्रीय समर्थन

आखिरी ते चीनी क्रांति ओसो विश्व-क्रांति ता आपसी संबंध ता बारे ते रेंडु पोल्लो वेहाना जरूरत मंता।

साम्राज्यवाद – इद देय्यम ना जन्म तिंचे दुनिया ता सब्बे मुद्दे (affairs) आपस ते इच्चोन मिलेमासी मंता इत्तेके अविन अलग-अलग कियाना मुशिकल आंता। मावा चीनी राष्ट्र लोप्पा दुश्मन विरुद्ध अस्के एवनल लडेमासोरे मंदाना विचार मंता बस्के एवनल मावा नेतुर ता उंदी डोंगे वेन्ने पिस्सो, मावा हत्ता प्रदेश ओसो राष्ट्रीय सम्मान किन खुद्द दोरकी कियाना संकल्प मंता, ओसो दुनिया ता राष्ट्रीय समुदाय लोप्पा खुद तन्ना काल पोरो नित्तना ताकत मंता। मति मनकिन अन्तरराष्ट्रीय समर्थन ता जरूरत हिल्ले इंजी इदिना इद अर्थ आयो, नेंड बदे वेन्ने देश या राष्ट्र ता क्रांतिकारी संघर्ष काजे अन्तरराष्ट्रीय समर्थन दोरकी कियाना वेल्ले जरूरत मंता। पाडना पीटो: “वसंत ओसो शरद काल ते बदे न्यायपूर्ण युद्ध ताकतद हिल्ले।”³² साम्राज्यवाद काजे नेंड इंद ओसो वेन सही मंता, बारांकु इत्तेके केवल उत्पीडित राष्ट्र ओसो उत्पीडित वर्गे न्यायपूर्ण युद्ध किया परिंतोरा। इद्रम सब्बे युद्ध, अविना दुनिया लोप्पा बदे वेन्ने जागा ता जनता तन्ना उत्पीडक लोरा विरुद्ध ताकी कींता, न्यायपूर्ण युद्ध आंदू। रूस ता फरवरी क्रांति ओसो अक्तुबर क्रांति न्यायपूर्ण युद्ध मत्ता। पहली विश्व युद्ध पेरके यूरोप ता वेल्ले देशकुना लोप्पाने जन-क्रांतिंग न्यायपूर्ण युद्ध मत्ता। चीन लोप्पा अफीम-विरोधी युद्ध³³ थाइफिंग स्वर्गिक-राज्य युद्ध³⁴ ई थ्वान युद्ध³⁵ 1911 ता क्रांतिकारी युद्ध³⁶ 1926-27 ता उत्तरी अभियान, 1927 तिंचि इंजे एवनल ताकता भूमि-क्रांति युद्ध ओसो वर्तमान काल लोप्पा जापानी आक्रमण ता प्रतिरोध ओसो देश वम्मानोरा विरुद्ध दण्ड-अभियान ताकी कियाना कार्यवाहिंग- इव सब्बे न्यायपूर्ण युद्ध आंदुंगा। वर्तमान राष्ट्रव्यापी जापान-विरोधी उभार ओसो विश्वव्यापी फासीवाद-विरोधी उभारतास्के न्यायपूर्ण युद्ध पूरा चीन ओसो पूरा दुनिया लोप्पा फैलेमायर। सब्बे न्यायपूर्ण युद्ध उंदीनकु उंदीना सहायता किंतांग ओसो सब्बे अन्यायपूर्ण युद्ध किन न्यायपूर्ण युद्ध लोप्पा बदले कियाना- इदे लेनिनवाद लाईन आंदू।³⁷ मावा जापानी आक्रमण-विरोधी युद्ध किन विश्व ता जनता ओसो सबसे मुन्ने सोवियत संघ ता जनता ना समर्थन ता जरूरत मंता, ओसो अद मावा समर्थन जरूर कींता, बारांकु इत्तेके माटु ओसो अद उंदे

उद्देश्य ता सूत्र ते दोहची मंता। हत्ता उचुन दिय्या लोप्पा चीन ता क्रांतिकारी ताकत किन च्यांग काई-शेक विश्व ता क्रांतिकारी ताकत तल अलग कित्ता, इत्तेके माटु अलग आंतोमा मति इंजे परिस्थिति बदलेमाता ओसो अद मावा अनुकूल आता। मुन्ने इद ओसो वेन्ने मावा अनुकूल आयरा। इंजे माटु वरोरे आया परवोमा चीन ता जापानी-आक्रमण-विरोधी युद्ध ओसो चीनी क्रांति ता सफलता काजे इद जरूरी शर्त मंता।

नोट

1. 18 जनवरी 1915 ते जापानी साम्राज्यवाद य्वान श-खाए ता सरकार ता मुन्ने 21 मांग पेश कित्ता। 7 मई ते ओरकिन अल्टिमेट हीसी 48 घंटा लोप्पा उत्तर तालकतोर। इद मांग पांच भाग लोप्पा तूस्तद मत्ता। मुन्ने 4 भाग लोप्पा दोड़ रास्ता लेक्काट मांग मत्तांग: जर्मानी शानतुंग लोप्पा अधिकार कित्ता ओर जापान किन हियाना ओसो अद प्रांत लोप्पा जापान किन दूसरा पूना अधिकार वेन्ने हियाना, जापान लोर किन दक्षिणी मंचूरिया ओसो पूर्वी मंगोलिया लोप्पा भूमि पट्टा पोरो एतना या मालिक बनेमायाना अधिकार हियाना ओसो ओर अगा निवास-स्थान बने कियाना अधिकार हियाना, उद्योग-धंधा ताकी कियाना ओसो व्यापार कियाना अधिकार हियाना। ओसो रेल्वे, खदान निर्माण कियाना अधिकार हियाना। हान-ये-फिंग लोहा-इस्पात कम्पनी चीनी-जापानी संयुक्त कारोबार ता रूप ते संगठित कियाना, ओसो चीन तन्ना समुद्र ओदा ता बंदरगाह (ओडा रोमना जागा अनु.) या द्वीप किन बदे तीसरा ताकत किन पट्टा ते पोयना या बद्रमाई हियानायो। पांचवा हिस्सा लोप्पा रास्ता मांग कीतद मत्ता: जापान किन चीन ता राजनीतिक, वित्तीय, पुलिस ओसो फौजी समस्याना पोरो रोक लगे कियाना ओसो जापान किन हुपे, किआंगशी ओसो क्वान्तुंग प्रांत किन काल्पना महत्वपूर्ण रेल्वे-लाईनकुना निर्माण कियाला हियाना। य्वान श-खाए पांचवा हिस्सा ता मांग किन विडसी, अविना बारे ते ओर ओसो वडकाला आल्सतोर, दूसरा सब्बे मांग ता मंजूरी कित्तोर। चीनी जनता संगे एकमत आसी विरोध कित्ता कारण ते जापान तन्ना मांग किन लागू किया परवो।
2. य्वान श-खाए छिंग वंश ता आखरी साल ते उत्तरी-सरदार लोर मुखियाल मत्तोर। 1911 ता क्रांति लोप्पा उत्तरी युद्ध-सरदार लोरा पहली सरकार बने कित्तोर। अद बेहरा जर्मीदारी वर्ग ओसो बडे दलाल-पूंजीपति वर्ग ता प्रतिनिधित्व काँदू। इव सब्बे प्रतिक्रांतिकारी सशस्त्र सेना ता सहयोग ते साम्राज्यवाद ता समर्थन ते ओसो अद

समय ते क्रांति ता नेतृत्व कियाना पूंजीपति वर्ग ता समझौता ता फायदा तेहची कीतद मंता। 1915 लोप्पा ओर खुद सम्राट बनेमायाला आल्सतोर ओसो जापानी साम्राज्यवाद ता समर्थन दोरकी कियाना काजे जापान ता 21 मांग किन वेन्ने स्वीकार कितोर, अद्रम कीसि जापान पूरा चीन पोरो अधिकार कियाला आल्सता। अदे साल दिसम्बर ते ओना सम्राट बनेमायाना ता विरुद्ध युनान प्रांत लोप्पा विद्रोह आता ओसो तुरंत इद विद्रोह किन रफ्टव्यापी समर्थम दोरकता। जून 1916 ता ख्यान श-खाए पेकिंग लोप्पा डोलतोर।

3. नवम्बर 1921 लोप्पा अमेरिका सरकार वाशिंगटन लोप्पा नौ देशकुना सम्मेलन केयतद मत्ता। ताना लोप्पा अमेरिका आयवा चीन, ब्रिटेन, फ्रांस, इटली, बेलजियम, नीदरलैंड पुर्तगाल ओसो जापान ता नड्मा ता संघर्ष मत्ता। 6 फरवरी 1922 ते रेंडु देशकुना नड्मा उंदी समझौता आता, अदिन पोरो आधार आसी अमेरिका ता प्रतिपादन किता “सब्बे राज्य किन चीन लोप्पा समान अवसर हियाना” या “खुला दरवाजा” ता सिद्धांत मत्ता। इद समझौता ता उद्देश्य साम्राज्यवाद ताकत चीन पोरो संयुक्त कब्जा किया परना स्थिति पैदा कियाना मत्ता ओसो असल ते अमेरिका साम्राज्यवाद ता अधिकार काजे हरी बने मांता, जापान ता अधिकार कियाना योजना किन विफल कियाना।
4. 18 सितम्बर 1931 ते उत्तर-पूर्वी चीन लोप्पा मत्ता जापान ता “क्वांगतुंग सेना” शनयांग पोरो अधिकार कितोर। “उचुन वेन्ने प्रतिरोध कियानायो” ता च्यांग काई-शेक ना आदेश ते शनयांग ओसो उत्तर-पूर्वी ता इलाका लोप्पा मंदाणा चीनी सेनांग (उत्तर-पूर्वी सेना) शानहाएक्वान ता दक्षिण लोप्पा पेरके गुचता। ताना कारण ते जापानी सैना-दल जल्दीए ल्याओनिंग, चीलिन ओसो हेलुंगच्यांग प्रांत पोरो कब्जा कितोर। जापानी डाकु लोरा आक्रमण ता इद कारवाई “18 सितम्बर ता घटना” ता पोरोल ते मंता।
5. “चार उत्तर-पूर्वी प्रांत” तिंचि इत्तेकेः ल्याओनिंग, चीलिन, हेलुंगच्यांग ओसो जेहोला इव प्रांत ल्याओतुंग, ल्याओशी, चीलिन, सुंगच्यांग, हेलुंगच्यांग ओसो हेहोल प्रांत अद समय ते उत्तर-पूर्वी महा प्रशासनिक इलाका ता अनुसार मत्ता, ओसो भीतरी-मंगोलियाई स्वायत्त-प्रदेश ता ज्यादातर हिस्सा ताना लोप्पा वांतांगा। 18 सितम्बर ता घटना पेरके जापानी आक्रमणकारी लोर ल्याओनिंग, चीलिन, ओसो हेलुंगच्यांग पोरो कब्जा कितोर ओसो ताना पेरके 1933 लोप्पा जेहोल पोरो वेन्ने कब्जा कितोर।
6. जापान ता पोल्लो ने वासी 25 नवम्बर 1935 ते क्वोमिंगतांग गद्दार इन रू-कंग पूर्वी हपे ता 22 काउंटिंग लोप्पा “पूर्वी हपे ता घटना” ता पोरोल ते पुंतोमा।

7. इगा “हीरोता ता मूंड सिद्धांत” ता विषय लोप्पा च्यांग काई-शेक सरकार ओसो जापान सरकार नडमा ता राजनीतिक वार्ता ता उल्लेख कित्ताद मंता। “हीरोता ता मूंड सिद्धांत” ता इशारा जापान ता तत्कालीन विदेश मंत्री हीरोता ना प्रस्तावित “चीन संगे भिडेमाथाना मूंड सिद्धांत” बगिल मत्ता। अवः 1. चीन ता पूरा जापान-विरोधी आंदोलन ता दमन, 2. चीन, जापान ओसो “मंचूक्वो” नडमा आर्थिक सहयोग ता स्थापना, ओसो 3. कम्युनिज्म ता खिलाफ चीन ओसो जापान ता संयुक्त रक्षात्मक कार्रवाई 21 जनवरी 1936 ते हीरोता जापानी संसद लोप्पा “चीन सरकार साम्राज्य ता प्रस्तावित मूंड सिद्धांत किन मानेमाता” इंजी इत्तोर।
8. 1935 लोप्पा जनता ना राष्ट्रव्यापी देशभक्तीपूर्ण आंदोलन लोप्पा उंदी पूना उभार वाता। चीनी कम्युनिस्ट पार्टी ता नेतृत्व ते पेकिंग ता छत्र लोर 9 दिसम्बर ते उंदी देशभक्तिपूर्ण प्रदर्शन कित्तोर, ताना लोप्पा ओरः “गृहयुद्ध किन बंद कियाना ओसो विदेशी आक्रमण ता विरुद्ध उंदी आयाना” ओसो “जापानी साम्राज्यवाद ता नाश आयाना” ता नारा केयतोर। इद आंदोलन वेल्ले समय एवनल ताकता अद आतंक-राज लोप्पा उंदी बेहरा फूट पूट्टी कित्ता अद्रमासी क्वोमिंगतांग सरकार जापानी आक्रमणकारी लोरा सांठगांठ कित्तोर। इद आंदालन किन जल्दीए देश ता पूरा जनता ना समर्थम दोरकता। इद “9 दिसम्बर आंदोलन” पोरोल ते पुंतोमा बारांकु इत्तेके देश ता विभिन्न वर्ग नडमा ता संबंध लोप्पा स्पष्ट रूप ते पूना बदलाव वायना बगिल चीनी कम्युनिस्ट पार्टी ता प्रस्तावित जापान-विरोधी राष्ट्रीय संयुक्त मोर्चा उंदी नीति बनेमाता ताना सब्बे देशभक्त लोर खुलेआम समान रूप ते हिमायत कियाना शुरू कित्तोर। गद्दाराना नीति ता कारण च्यांग काई-शेक सरकार बिल्कुल अलग आता।
9. इद रिपोर्ट प्रस्तुत कित्तास्के च्यांग काई-शेक उत्तर-पूर्व किन जापान ता हित ते सौंपे कित्ता पेरके उत्तरी चीन किन वेन्ने वम्मा मंतोर। ओसो संगेने सक्रिय रूप ते लाल सेना ता विरुद्ध युद्ध ताकी कीसोरे मत्तोर। अदिन काजे चीनी कम्युनिस्ट पार्टी किन ओरा गद्दाराना स्वरूप किन एक्सपोज कियाना परताचोन कोशिश कियाना मत्ता ओसो अदिन काजे पार्टी ता अद समय ते प्रस्तावित जापान-विरोधी राष्ट्रीय संयुक्त मोर्चा लोप्पा तानकिन शामिल कीतद मत्ता। मति कामरेड माओ त्सेतुंग अद रिपोर्ट लोप्पा विभिन्न साम्राज्यवादी ताकत नडमा ता अंतरविरोध ता कारण ते चीनी जर्मीदार वर्ग, दलाल-पूंजीपति वर्ग ता ग्रुप लोप्पा सम्भावित फूट ता बारे ते वेहतद मत्ता। ओसो उत्तरी चीन पोरो जापानी आक्रमण पेरके आंग्ल-अमेरिका साम्राज्यवाद ओसो जापानी साम्राज्यवाद ता हित नडमा तीव्र टकराव पुट्टता आता। च्यांग काई-शेक ग्रुप ता आंग्ल-अमेरिका साम्राज्यवाद ता हित संगे घनिष्ठ संबंध मत्ता, तन्ना मालिक लोरा कारण ते जापान ता बारे ते ताना रुझान बदले माया परिता इंदाना

चीनी कम्युनिस्ट पार्टी ता राय मत्ता, अदिन काजे जापान ता प्रतिरोध कियाला काजे च्यांग काई-शेक किन मजबूर कियाना नीति मावा पार्टी लागू कित्ता। शानशी तल उत्तरी शेनशी वापिस वातास्के लाल सेना मई 1936 लोप्पा नानकिंग ता क्वोमिंगतांग सरकार किन सीधा अपील कितोर किन गृहयुद्ध किन बंदा कियाना इंजी ओसो सब्बे कमटींग कलियसी जापान ता प्रतिरोध कियाना। अदे साल अगस्त लोप्पा चीनी कम्युनिस्ट पार्टी ता केंद्रीय कमेटी क्वोमिंगतांग ता केंद्रीय कार्यकारिणी कमेटी किन चिट्टी रास्तोर, तान लोप्पा जापान ता खिलाफ रेंडासी पार्टिंग संयुक्त मोर्चा ता स्थापना ता आह्वान कितोर ओसो रेंडु पक्ष ता प्रतिनिधि लोप्पा नडमा वार्ता शुरू कियाना इंजी मांग कितोर। मति च्यांग काई-शेक इद प्रस्ताव किन अस्वीकार कितोर। दिसम्बर 1986 लोप्पा, जापान ता प्रतिरोध कियाला काजे कम्युनिस्ट लोरा सहयोग कियाना पक्षपोषण कियाना उचुन क्वोमिंगतांग सेना ता नेतालोर शीआन लोप्पा च्यांग काई-शेक किन नजरबंद कितोर, अस्के तानकिन मजबूर आसी गृहयुद्ध बंद कियाना ओसो जापान ता प्रतिरोध कियाना कम्युनिस्ट पार्टी ता मांग किन मंजूर किया लागता।

10. छाप थिंग-खाए क्वोमिंगतांग ता 19वीं राह सेना ता डिप्टि कमांडर ओसो उंदी फौजी कोर ता कमांडर मत्तोर, 19वीं राह सेना ता इरवूर दूसरा नेता लोर मत्तोर छन मिंग-शू ओसो च्यांग नाए मत्तोर। 18 सितम्बर ता घटना पेरेके इद सेना किन, किआंगशी लोप्पा लाल सेना संगे लडेमाया मंता, शांघाई स्थानान्तरित कियमूडाता। शांघाई ओसो पूरा देश लोप्पा जनता ना बेरसना जापान-विरोधी उभार ता 19वीं राह सेना पोरो गहरा प्रभाव अरता। 28 जनवरी 1932 ता नरका जापानी मैरीन-सैनिक लोर शांघाई पोरो आक्रमण कितोर अस्के 19वीं राह सेना ओसो शांघाई ता जनता ना संयुक्त रूप ते प्रतिरोध कितोर। मति च्यांग काई-शेक ना आदेश ते 19वीं राह सेना किन लाल सेना संगे लडेमायाला काजे फूच्येन लोहतद मत्ता। मति सेना ता नेता किन कदम-ब-कदम इद्रमता लडाई ता निरर्थकता ता आभास आयाना शुरू कितोर। नम्बर 1933 लोप्पा ली ची-शन ओसो दूसरोरा अनुसार क्वोमिंगतांग ता ताकत ता सहयोग कीसि ओर सार्वजनिक रूप ते च्यांग काई-शेक संगे संबंध तोडे कियाना घोषणा कितोर, फूच्येन लोप्पा “चीन लोकतंत्र ता क्रांतिकारी जननता ना सरकार” ता स्थापना कितोर ओसो जापान ता प्रतिरोध कियाना, च्यांग काई-शेक ना विरोध कियाना काजे लाल सेना संगे समझौता कितोर। च्यांग काई-शेक ना सेना ता हमला ते 19 वीं राह सेना ओसो फूच्येन ता जनताना सरकार पतन आता। ताना पेरेके छाप थिंग-खाए ओसो दूसोरा कदम-ब-कदम कम्युनिस्ट पार्टी ता सहयोग कियाना स्थिति बगिल हत्ता।

11. 1926 ता सितम्बर लोप्पा क्रांतिकारी उत्तरी अभियान सेना ता ऊहान एवतास्के, फंग ख्वी-श्यांग स्वेखान प्रांत लोप्पा मना कमान ता सेना किन पोयसी उत्तरी युद्ध-

सरदार लोरा ग्रुप संगे मना संबंध-विच्छेद ता घोषणा कितोर ओसो क्रांति ता रैंक लोप्पा शिरकत कितोरा 1927 ता शुरूआत ते ओना सेना उत्तरी अभियान सेना संगे संबंध बने कीसि हनान पोरो हमला कियाला काजे शेनशी तिंचू मुन्ने हत्ता। 1927 लोप्पाच्यांग काई-शेक ओसो वांग चिंग-वेइ ना क्रांति संगे गद्दारी कित्तास्के फंग ख्वी-श्यांग कम्युनिस्ट-विरोधी कार्रवाई लोप्पा शामिल आतास्के वेन्ने ओना ओसो च्यांग काई-शेक ग्रुप नडमा विचारकुना टकराव हमेशा मत्ता। 18 सितम्बर 1931 ते जापान ता चीन पोरो हमला आतास्के अद प्रतिरोध ता पक्षपोषण मत्ता ओसो मई 1933 लोप्पा चांगच्याखओ लोप्पा जनता ना जापान-विरोधी संयुक्त सेना ता निर्माण लोप्पा कम्युनिस्ट पार्टी ता सहयोग कितोरा। च्यांग काई-शेक ओसो जापानी आक्रमणकारी लोरा दबाव ता कारण ते अगस्त लोप्पा की कोशिश विफल आता। मना जिंदगी ता आखरी साल ते कम्युनिस्ट पार्टी ता सहयोग ता दृष्टिबिंदु पोरो नित्तसी मत्ता।

12. दिसम्बर 1931 लोप्पा किआंगशी प्रांत ता निंगतू लोप्पा क्वोमिंगतांग ता 26वीं राह सेना लोप्पा च्यांग काई-शेक ना किआंगशी प्रांत लोप्पा लाल सेना पोरो आक्रमण कियाना काजे लोहची मत्ता, विद्रोह आता। जापान ता प्रतिरोध कियाना कम्युनिस्ट पार्टी ता आह्वान ते कामरेड चाओ पो-शंग ओसो कामरेड तुंग चन-थांग ना नेतृत्व लोप्पा दस हजार तुकू ज्यादा आफिसर, सैनिक लोर विद्रोह कितोर ओसो ओर लाल सेना लोप्पा शामिल आतोरा।
13. मा चान-शान क्वोमिंगतांग ता उत्तर-पूर्वी सेना ता वरोर आफिसर मत्तोर, ओना सेना हेलुंगच्यांग लोप्पा तैनात मत्ता। 18 सितम्बर ता घटना पेरके ल्याओनिंग तिंचि हेलुंगच्यांग ता बगिल दायना जापानी आक्रमणकारी लोरगडल ओर ओसो ओरा सैनिक लोर भिडेमातोरा।
14. हू हान-मिन क्वोमिंगतांग ता वरोर कुख्यात राजनीतज्ञ मत्तोर, ओर चीनी कम्युनिस्ट पार्टी तिंचि सहयोग कियाना सुन यात-सेन ना नीति ता विरोधी मत्तोर ओसो 12 अप्रैल 1927 ते च्यांग काई-शेक ना कित्ता प्रतिक्रांतिकारी राजविप्लव लोप्पा ओना सह-अपराधी मत्तोर। पेरके सत्ता ता छीना-झपटी लोप्पा ओना च्यांग काई-शेक संगे संघर्ष आता ओसो च्यांग काई-शेक ओनकिन नजरबंदी कितोरा। 18 सितम्बर ता घटना पेरके रिहा आतास्के ओर नानकिंग विड्डीसी क्वांगचओ हत्तोर, अगा क्वांगतुंग ओसो क्वांगशी ता युद्ध-सरदार लोर किन वेल्ले समय एवनल च्यांग काई-शेक ना नानकिंग सरकार ता विरुद्ध भडके कीसि मत्तोर।
15. “जापान ता प्रतिरोध कियाना ओसो देश किन बचे कियाना छःसूत्री कार्यक्रम” 1934 लोप्पा चीनी कम्युनिस्ट पार्टी ता पेश कित्ता ओसो छिंग-लिंग ओसो दूसरोरा हस्ताक्षर संगे प्रकाशित “जापान विरुद्ध लडेमायाना काजे चीनी जनता ना बुनियादी

कार्यक्रम” मत्ता। कार्यक्रम लोप्पा दोड़ रास्ता पोल्लोंग कित्ताद मत्ता: 1. जापान संगे लड़ेमायाना काजे जल, स्थल, वायू सेना किन गोलबंद कियाना: 2. पूरा देश ता जनता किन गोलबंद कियाना: 3. सब्बे जनता किन हथियारबंद कियाना: 4. युद्ध ता खर्च ताकी कियाना काजे चीन लोप्पा जापानी साम्राज्यवाद ओसो गदार लोरा सम्पती किन जब्त कियाना: 5. मजदूर, किसान, सैनिक, बुद्धिजीवी, व्यापारी लोरा प्रतिनिधि लोरा चुने माता अकिल-चीन राष्ट्रीय सशस्त्र प्रतिरक्षा कमेटी ता स्थापना कियाना। ओसो 6. जापानी साम्राज्यवाद ता पूरा दुश्मन तल सहयोग निल्पी कियाना ओसो समर्थक लोरा उंदी बगिल मंदाणा सब्बे देशकुना संगे दोस्ती संबंध बने कियाना।

16. इव युद्ध-सरदार लोरा पोरोल इद हिसाब ते मत्तांग-क्वांगतुंग ता छन ची-थांग ओसो क्वांगशी ता ली चुंग-रन, पाए छुंग-शी।
17. च्यांग काई-शेक डाकू-ग्रुप क्रांतिकारी जनता किन “डाकु” लोरा पोरोल हींदुर ओसो क्रांतिकारी जनता पोरो तन्ना सशस्त्र आक्रमण, कत्लेआम किन “डाकू लोरा विनाश” इंदुर।
18. कामरेड रन पी-श चीनी कम्युनिस्ट पार्टी ता पक्काये मुयतोर सदस्य ओसो ओना प्राथमिक संगठनकर्ता लोप्पाडल वरोर मत्तोर। ओर 1927 लोप्पा पार्टी ते पांचवीं राष्ट्रीय कांग्रेस आयानास्के पार्टी ता केंद्रीय कमेटी ता सदस्य मत्तोर। 1931 लोप्पा ओर छठी केंद्रीय कमेटी ता चौथा पूर्ण अधिवेशन लोप्पा राजनीतिक ब्यूरो ता सदस्य चुनेमातोर। 1933 लोप्पा ओर हुनान-किआंगशी सीमान्त क्षेत्र ता प्रांतीय पार्टी-कमेटी ता सचिव ओसो संगे ने लाल सेना ता छठे सेना ता राजनीतिक कमिसार वेन्ने मत्तोर। छठी सेना-ग्रुप ओसो दूसरा सेना-ग्रुप किन काल्पिसीतोर ओसो ओर दूसरा मोर्चा-सेना ता रूप एतता, अस्के कामरेड रन पी-श किन ओरा राजनीतिक कमिसार नियुक्त कितोर। जापानी आक्रमण-विरोधी युद्ध ता पहली साल ते ओर आठवीं राह सेना ता प्रधान राजनीतिक विभाग ता निर्देशक मत्तोर। 1940 लोप्पा ओर पार्टी ता केंद्रीय कमेटी ता सचिवालय लोप्पा काम कियाना शुरू कितोर। 1945 लोप्पा पार्टी सातवीं केंद्रीय कमेटी ता पहली पूर्ण अधिवेशन लोप्पा ओरकिन दोबारा राजनीतिक ब्यूरो ओसो सचिवालय ता सदस्य चुनेमातोर। 27 अक्तूबर 1950 ते कामरेड रन पी-श ता पेकिंग लोप्पा डोलतोर।
19. चीनी मजदूर-किसान लोरा लाल सेना ता छठा सेना-ग्रुप लोप्पा हुनान-किआंगशी सीमान्त क्षेत्र लोप्पा तैनात मत्ता। अगस्त 1934 लोप्पा पार्टी ता केंद्रीय कमेटी ता आदेश अनुसार ओर दुश्मन ता घेराव तोड़े कीसि मोर्चा ता जागा बदले कितोर। अक्तूबर लोप्पा इद पूर्वी क्वेइचओ लोप्पा कामरेड हो लुंग ना दूसरा मोर्चा-सेना

निल्पी कितोर ओसो हुनान-हुपे-सछवान-क्वेइचओ क्रांतिकारी आधार-क्षेत्र ता स्थापना कितोरा

20. अक्तूबर 1934 लोप्पा चीनी मजदूर-किसान लोरा लाल सेना ता मुन्ने, तीसरा ओसो पांचवा सेना-ग्रुप (इत्तेके लाल सेना ता पहली मोर्चा-सेना, अद केंद्रीय लाल सेना ता पोरोल ते तुकू वेन्ने प्रसिद्ध मत्ता) पश्चिमी फूच्येन ता छांगथिंग ओसो निंगह्वा तिंचि ओसो दक्षिण किआंगशी ता रुइचिन, य्वीतू ओसो दूसरा जागा ने हत्तोरा ओसो उंदी महान रणनीतिक बदली शुरू कितोरा। 11 प्रांत-फूच्येन, किआंगशी, क्वांगतुंग, हुनान, क्वांगशी, क्वेइचओ, सछवान, युनान, शीखांग, कानसू ओसो शेनशी-किन पार किसोरे, बारह महीना हिमाच्छादित मंदाना मेडुंग ओसो हर्ही हिल्वारोंडा ता दलदली मैदान किन वेंडसी मुश्किल किन झेलेमासी, बार-बार दुश्मन ता घेरेबंदी, पेरके अरना कारवाई, हर्ही ते मुश्किल पैदा कियाना ओसो हर्ही रोके कियाना कार्यवाहींग किन विफल कीसि इद अभियान लोप्पा लाल सेना 25,000 ली (12,500 किलोमीटर) ता लम्बा हर्ही तय कोतोर ओसो आखिर ते ओर अक्तूबर 1935 लोप्पा सफलतापूर्वक उतरी शेनशी ता क्रांतिकारी आधार-क्षेत्र लोप्पा एवता।
21. सछवान-शेनशी सीमान्त क्षेत्र ता लाल सेना चीनी मजदूर-किसान लोरा लाल सेना ता चौथी मोर्चा-सेना मत्ता। मार्च 1935 ते अद सछवान-शेनशी सीमा पोरो तन्ना आधार-क्षेत्र तल सछवान ओसो शीखंग इलाका ता सीमा बगिल हत्ता। जून ते अद पश्चिमी सछवान ता माओकुंग लोप्पा पहली मोर्चा-सेना संगे कलियता ओसो तिनडू कै-डावडू कैदा रेंडू हर्ही पोयसी उत्तर बगिल हत्ता। मति सितम्बर ते सुंग फान हेरे माओ अडकाए क्षेत्र ते वातास्के चौथी मोर्चा-सेना लोप्पा काम कियाना चांग क्वो-थाओ केद्रीय कमेटी ता आदेश ता उल्लंघन कीसि डावडू बगिल ता हर्ही ते दायना सेना किन दक्षिण बगिल ओतोरा, अद्रमासी लाल सेना ता ताकत बिखरेमात्ता। दूसरा मोर्चा-सेना दुश्मन ता घेराव तोड़े कीसि हुनान-हुपे-सछवान-क्वेइचओ सीमान्त क्षेत्र विडसता, हुनान, क्वेइचओ ओसो हुनान तगडल जून 1936 लोप्पा शीखांग इलाका ता कानचि हंजी चौथी मोर्चा-सेना संगे कलियता। चांग क्वो-थाओ ना विचार ता विरुद्ध चौथी मोर्चा-सेना ता कामरेड्स दूसरी मोर्चा-सेना संगे उत्तर बगिल दायना शुरू कितोरा। अक्तूबर ते पूरा दूसरा मोर्चा-सेना ओसो चौथी मोर्चा-सेना ता उंदी हिस्सा उत्तरी शेनशी हत्ता अनि पहली मोर्चा-सेना संगे कलियना लोप्पा सफल आता।
22. चांग क्वो-थाओ चीनी क्रांति ता वरोर गद्दार मत्तोरा। क्रांति बारे ते सट्टेबाजी ता रुझान लागू कीसोरे तन्ना जवान मंदानास्के चीनी कम्युनिस्ट पार्टी लोप्पा शिरकत कीसि मत्तोरा। पार्टी लोप्पा वेल्ले गलतिंग कीसि गंभीर अपराध कितोरा। ओना सबसे बेहरा

अपराध 1935 ते पराजयवादी ओसो विघटनवादी नीति ता वकालत कीसोर लाल सेना सखवान-शीखांग सीमान्त क्षेत्र ता आल्पसंख्यक-जातीय क्षेत्र लोप्पा अटे मायना, लाल सेना ता उत्तर बगिल ता अभियान ता विरोध कियाना ओसो पार्टी, केंद्रीय केनटी ता विरुद्ध खुलेआम गद्दराना कार्रवाई कितोर, खुद तन्ना बोगस केंद्रीय कमेटी ता स्थापना कितोर ओसो पार्टी ता एकता किन तहस-नहस कितोर, अद्रमासी चौथी मोर्चा-सेना किन वेल्ले नुकसान आता। कामरेड माओ त्सेतुंग ओसो पार्टी ता केंद्रीय कमेटी ता धैर्यपूर्ण शिक्षा ता कारण ते चौथीमोर्चा-सेना ओसो ताना कार्यकर्ता लोरा बेहरा समुदाय जल्दीए केंद्रीय कमेटी ता सही नेतृत्व ते वाता ओसो ताना पेरकेटा संघर्ष लोप्पा वेल्ले गौरवशाली भूमिका निभे कित्ता। मति चांग क्वो-थाओ बाताये इलाज हिल्वा साबित आतोर। ओसो 1938 ता वसंत काल ते शेनशी-कानसू-निंगश्या सीमान्त क्षेत्र तल वित्तसी क्वोमिंगतांग ता खुफिया पुलिस लोप्पा शामिल आतार।

23. केंद्रीय लाल सेना या पहली मोर्चा-सेना इत्तेके चीनी कम्युनिस्ट पार्टी ता केंद्रीय कमेटी ता नेतृत्व ते किआंगशी-फूच्येन लोप्पा बनेमाता लाल सेना आंदू।
24. “फान कू” चीन ता पौराणिक कथा लोप्पा वर्णन कित्ता मानेय आंदू। “तीन चक्रवर्ती” ओसो “पांच सम्राट” पाड़ना पीटो लोप्पा वेहता पाड़ना चीनी शासक आंदू। अनु.
25. जुलाई 1935 लोप्पा क्वोमिंगतांग सेना शेनशी-कानसू क्रांतिकारी आधार-क्षेत्र ता विरुद्ध “घेराव कियाना ओसो विनाश कियाना” ता तीसरा अभियान तेहतोर। पूर्वी क्षेत्र लोप्पा उत्तर शेनशी लाल सेना ता 26वीं फौजी कोर दुश्मन ता रेंडु ब्रिगेड किन पेरके अरिहता ओसो दुश्मन किन पीली डोड्डा ता पूर्व बगिल वित्ती कोतोर। सितम्बर लोप्पा लाल सेना ता 25वीं फौजी कोर, हुपे-हुनान-आनह्वेइ आधार-क्षेत्र लोप्पा कार्रवाई किसोर मत्ता, दक्षिण शेनशी ओसो पूर्वी कानसू तल उत्तरी शेनशी वातास्के उत्तर शेनशी लाल सेना संगे कलियता ओसो इव रेंडासी फौज किन लाल सेना ता 15वीं सेना-ग्रुप ता रूप ते संगठित कितोर। कानछवेन-लाओशान अभियान लोप्पा इद सेना-ग्रुप दुश्मन ता 110वीं डिवीजन ता ज्यादातर हिस्सा किन खत्म कित्ता। ताना डिवीजन कमांडर किन होक्तेर ताना पेरके कानछवेम काउंटी ता ड्वीलिनछयाओ पोरोल ता जागा ते कार्रवाई कियानास्के दुश्मन ता 107वीं डिवीजन ता चार बटालियन किन तहस-नहस कित्ता। दुश्मन पूना हमला कियाना तैयारी कित्ता ओसो तुंग इंग-पिन (उत्तर-पूर्वी सेना ता उंदी फौजी कोर ता कमांडर) किन पांच डिवीजन ता नेतृत्व सौपे कितोर, ओर रेंडु हरनि हमला कितोर, पूर्वी मार्ग ता उंदी डिवीजन लोखवान-फूश्येन राजमार्ग पोरो उत्तर बगिल हमला कितोर ओसो दूसरे चार डिवीजन हुलू डोड्डा तल तोकसी पश्चिमी मार्ग पोरो कानसू ता छिंगयांग

ओसो होश्वेइ तिचि उत्तरी शेनशी ता फूश्येन बगिल हमला कितोर। अक्तूबर लोप्पा केंद्रीय लाल सेना उत्तरी शेनशी हत्ता। दूसरा महीना ते केंद्रीय लाल सेना ओसो 15वीं सेना-ग्रुप कलियसी फूश्येन ता दक्षिण-पश्चिम लोप्पा मंदांना चलोचन लोप्पा दुश्मन ता 109वीं डेविजन किन खत्म कितोर ओसो दुश्मन ता पेरके अरसी हेश्वेइस लोप्पा ओना 106वीं डिवीजजन ता उंदी रेंजीमेंट किन खत्म कितोर। इद हिसाब ते, शेनशी-कानसू आधार-क्षेत्र ता विरुद्ध दुश्मन ता तीसरी “घेराव कीसि विनाश कियाना” ता अभियान पूरा तहस-नहस कितोर।

26. 1934-35 लोप्पा चीन ता दक्षिणी हिस्सा लोप्पा लाल सेना ता मुख्य सेना ताकत तन्ना किन स्थानान्तरण कितोर, ओर उचुन फौजी यूनिट किन छापामार कार्रवाई कियाला काजे विडस्तोर। आठ इलाका ना चौदह क्षेत्र- दक्षिण चच्यांग, उत्तरी फूच्येन, पूर्वी फूच्येन, दक्षिणी फूच्येन, उत्तर-पूर्वी किआंगशी, फूच्येन-किआंगशी सीमा, क्वांगतुंग-किआंगशी सीमा, दक्षिणी हुनान, हुनान-किआंगशी सीमा, हुनान-हुपे-किआंगशी सीमा, हुपे-हुनान-आनह्वेइ सीमा, दक्षिणी हुनान, हुनान-किआंगशी सीमा, हुनान-हुपे-किआंगशी सीमा, हुपे-हुनान-आनह्वेइ सीमा, दक्षिणी हुनान लोप्पा थूंगपपो मेट्टा ओसो क्वांगतुंग ता समुद्र ओदा हाएनान द्वीप- लोप्पा इव छापामार यूनिटकु जमा आसी मत्तांग।
27. 1931 ते जापानी साम्राज्यवाद उत्तर-पूर्व पोरो अधिकार कित्ता पेरके चीनी कम्युनिस्ट पार्टी जनता किन सशस्त्र प्रतिरोध कियाला काजे आह्वान कित्ता। अद जापान विरोधी छापामार दल बने कित्ता, उत्तर-पूर्वी ता जन क्रांतिकारी सेना ता निर्माण कित्ता ओसो जापान-विरोधी विभिन्न स्वयं सेवक सेना ता सहायता कित्ता। 1934 लोप्पा पार्टी ता नेतृत्व लोप्पा सब्बे सेना किन एकीकृत कीसि उत्तर-पूर्वी ता जापान-विरोधी संयुक्त सेना ता रूप ते पुनर्गठित कियमूडाता ओसो मशहूर कम्युनिस्ट यांग चिंग-ख्वी किन ताना प्रधान सेनापति चुने कित्ता। इद सेना वेल्ले समय एवनल उत्तर-पूर्वी लोप्पा जापान-विरोधी छापामार युद्ध ताकी किया मंता। पूर्वी हपे लोप्पा जापान विरोधी छापामार युद्ध इत्तेके मई 1935 तो जापान ता विरुद्ध ताकता किसान विद्रोह आंदू।
28. सोवियत संघ ता कम्युनिस्ट पार्टी ता नेतृत्व लोप्पा ताकता क्रांतिकारी युद्ध इत्तेके 1918 तल 1920 एवनल ताकता युद्ध आंदू, ताना लोप्पा सोवियत जनता ब्रिटिश, संयुक्त राज्य अमेरिका, फ्रांस, जापान, पोलैंड लेक्काटा साम्राज्यवाद देशकुना सशस्त्र हस्तक्षेप किन पराजित कित्ता ओसो पांडरी रक्षक लोरा बगावत किन खत्म कित्ता।
29. कामरेड माओ त्सेतुंग ना कित्ता प्रस्ताव लोक गणराज्य ता राजनीतिक सत्ता ओसो नीतिंग किन जापानी आक्रमण विरोधी युद्ध ताकनास्के कम्युनिस्ट पार्टी ता नेतृत्व

लोप्पा जनता ना मुक्त क्षेत्र लोप्पा पूरा अमली रूप हीसी मत्तोरा। बारांक इत्तेके कम्युनिस्ट पार्टी जापानी आक्रमणकारी लोरा विरुद्ध, दुश्मन ता पेरके, सफलतापूर्वक युद्ध ताकी कियाना लोप्पा जनता ना नेतृत्व किया परता। जापान ता आत्मसमर्पण कित्ता पेरके तीसरा क्रांतिकारी गृहयुद्ध शुरू आता। बद्रम इद युद्ध ता विकास आता अद्रम जनता ना मुक्त कित्ता क्षेत्र ता पूरा चीन लोप्पा विस्तार आता ओसो एकीकृत चीन लोक गणराज्य ता जन्म आता। इद हिसाब ते कामरेड माओ त्सेतुंग ना प्रस्तावित लोक गणराज्य ता लक्ष्य आखिर ते पूरा देश लोप्पा आता।

30. जुलाई 1928 लोप्पा आता चीनी कम्युनिस्ट पार्टी ता छठी राष्ट्रीय कांग्रेस दोड़ रास्ता लेक्का कार्यक्रम तय कीता: 1. साम्राज्यवादी शासन किन तेहकसी वाटना: 2. विदेशी पूंजी मंदाना उद्योग-धंधा ओसो बैंक किन जब्त कियाना: 3. चीन ता एकीकरण कियाना ओसो विभिन्न जाति ना आत्मनिर्णय ता अधिकार किन मान्यता हियाना: 4. क्वोमिंगतांग युद्ध-सरदारलोरा सरकार किन तेहकसी वाटना: 5. आठ घंटा काम कियाना तय कियाना: 6. जमींदार वर्ग ता सब्बे जमीन किन जब्त कियाना ओसो जमीन ता किसान लोरा लोप्पा बंटवारा कियाना: 7. सिपाही लोरा रहन-सहन ता परिस्थिति कि सुधरे कियाना, सिपाही लोर किन जमीन ओसो रोजगार हियाना: 8. सब्बे टैक्स ओसो रक-रकम ता लेवीं ता खात्मा कियाना ओसो उंदी समेकीकृत वर्तमान कर-व्यवस्था किन लागू कियाना: ओसो 9. विश्व-सर्वहारा संगे एकता कियाना, सोवियत संघ संगे एकता कियाना।

31. त्रात्सकी वादी ग्रुप मुख्य रूप ते रूसी मजदूर आंदोलन लोप्पा मंदाना लेनिनवाद-विरोधी ग्रुप मत्ता। पेरके अद खत्म आसी प्रतिक्रांतिकारी गिरोह बनेमातोरा। 1937 लोप्पा सोवियत संघ ता कम्युनिस्ट पार्टी (बोल्सेविक) ता केंद्रीय कमेटी पूरा अधिवेशन लोप्पा पेश कित्ता तन्ना रिपोर्ट लोप्पा कामरेड स्तालिन गद्दार लोरा इद ग्रुप ता पतन आयना ता बारे ते दोड़ रास्ता लेक्का वेहसी मत्तोरा:

हत्ता कालम ते, सात या आठ साल मुन्ने, त्रात्सकीवाद मजदूर वर्ग लोप्पा मंदाना राजनीतिक रुझान लोप्पाडल उंदी मत्ता, जरूर इद उंदी लेनिनवाद-विरोधी रुझान मत्ता, ओसो अदिन काजे उंदी वेल्ले गलत रुझान मत्ता, मति तीना पोरो वेन्ने इद उंदी राजनीतिक रुझाने मत्ता।

नेता त्रात्सकीवाद मजदूर वर्ग लोप्पा बदे राजनीतिक रुझान हिल्ले, मति तोड़-फोड़ ओसो पथभ्रष्ट कियाना, खुफिया एजेंट, जासूस ओसो हत्यारा लोरा सिद्धांतहीन ओसो विचारहीन गिरोह आंदू, मजदूर वर्ग ता कट्टर दुश्मन तो गिरोह आंदू, अद विदेश ता खुफिया एजेंसी तल पैसा दोरकी कीसि ओरा खदमत कित्तोरा।

1927 लोप्पा चीनी क्रांति ता असफलता पेरके चीन लोप्पा वेन्ने उचुन त्रात्सकीवादी आतोरा। ओर छन तू-श्यू ओसो दूसरा गद्दार लोरा संगे कलियसी 1929 लोप्पा उंदी सुडला क्रांतिकारी ग्रुप बने कित्तोरा ओसो इद हिसाब ते प्रतिक्रांतिकारी प्रचार

कियाना शुरू कितोर क्वोमिंगतांग पूंजीवादी-जनवादी क्रांति पूरा कितोर। ओर जनता ता विरुद्ध साम्राज्यवाद ओसो क्वोमिंगतांग ता घृणित सैनिक बनेमातोरा। चीनी त्रात्सकीवादी खुल्लम खुल्ला क्वोमिंगतांग ता खुफिया विभाग लोप्पा भर्ती आतोरा। 18 सितम्बर ता घटना परेके गद्दार त्रात्सकी ना आदेश ता पालन कियाना काजे “जापान साम्राज्यवाद ता चीन पोरो कब्जा कियाना पोरा बाधा वाटना”, ओर जापान ता खुफिया एजेंट लोरा संगे सहयोग कियाना शुरू कितोर, ओरिगाडल आर्थिक सहायता दोरकना शुरू आता ओसो जापानी हमला कियानोर किन सहयोग कियाना हर रकम ता कार्रवाई लोप्पा लगेमांतोरा।

32. इद उदाहरण “मेनशियस” तिंचि पोयतद मंता। मेनशियस बाता वेहिंतोर इतेके वसंत ओसो शरदकाल (722-481 ई. पू.) लोप्पा चीन ता सामंती सत्ता काजे आपस ते लगातार युद्ध कींतोर।

33. अफीम ता व्यापार चीनी जनता विरोध कित्तास्के ब्रिटिश देश 1840-42 ते व्यापार ता रक्षा कियाना बहाना ते तन्ना सेना लोहची चीन पोरो हमाल कित्ता। लिन त्से-श्वी ता नेतृत्व लोप्पा चीन ता सेना प्रतिरोध-युद्ध कित्ता। क्वांगचओ ता जनता खुद “अंग्रेज लोरा दमन कियाना कोर” ता संगठन कितोर, ताना ब्रिटिश आक्रमणकारी लोर किन वेल्ले नुकसान कितोर।

34. थाइफिंग स्वर्गिक-राज्य युद्ध छिंग परिवार ता सामंती शासन ओसो राष्ट्रीय उत्पीड़न ता विरुद्ध उन्नीसवीं शताब्दी नडमा कित्ता क्रांतिकारी किसान युद्ध मत्ता। जनवरी 1851 लोप्पा हुंग श्यू-छवेन, यांग-छवेन, यांग श्यू-छिंग ओसो क्रांति ते दूसरा नेता लोर क्वांगशी ता क्वेइफिंग काउंटी ता चिनथ्येन नार लोप्पा विद्रोह कितोर ओसो थाइफिंग स्वर्गिक राज्य ता स्थापना ता घोषणा कितोर। 1852 ते विद्रोही सेना क्वांगशी तिंचि उत्तर बगिल हंजी हुनान, हुपे, च्यांदशी ओसो आनह्वेइ तिंचि हंजोरे अभियान कितोर ओसो 1853 ते नानकिंग शहर पोरो अधिकार कितोर। ताना परेके इद सेना ता उंदी हिस्सा नानकिंग तिंचि उत्तर बगिल हत्ता ओसो थ्येनचिन गरें एवता। मति थाइफिंग सेना बद प्रदेश पोरो कब्जा कितोर, अगा मजबूत आधार-क्षेत्र बने कीयोर, ओसो नानकिंग किन राजधानी बने कित्ता परेके इद सेना ता नेतृत्वकारी ग्रुप वेल्ले राजनितिक ओसो फौजी गलतिंग कितोर। अदिन काजे अद छिंग सरकार ता प्रतिक्रांतिकारी सेना ओसो ब्रिटिश, अमेरिका ओसो फ्रांसीसी आक्रमणकारी लोरा संयुक्त प्रहार कियाना मुकाबला किया परवोर ओसो आखरी ते 1864 लोप्पा पराजित आता।

35. ई हा थ्वान युद्ध 1900 लोप्पा चीन ता उत्तरी हिस्सा लोप्पा किसान, दस्तकार लोरा स्वतःस्फूर्त विशाल आंदोलन मत्ता, ताना लोप्पा किसान, दस्तकार लोर तन्ना रहस्यपूर्ण गुप्त संस्था ना निर्माण कीसि साम्राज्यवाद विरुद्ध सशस्त्र संघर्ष ताकी

कित्तोर। मति आठ साम्राज्यवादी ताकत ता संयुक्त सेना पेकिंग थ्येनचिं पोरो कब्जा कीसि इद आंदोलन किन बर्बरता संगे खत्म कित्तोर।

36. हुड़ाटु: “हुनान ता किसान आंदोल ता जांच-पड़ताल ता रिपोर्ट”, नोट3।
37. हुड़ाटु: “वीआई लेनिन ना रचना”“सर्वहारा क्रांति ता युद्ध-कार्यक्रम:” ओसो “सोवियत संघ ता कम्युनिस्ट पार्टी (बोल्सेविक) ता इतिहास, संक्षिप्त कोर्स”, अध्याय 6, परिच्छेद3।

चीन क्रांतिकारी युद्ध ता रणनीति विषय संबंधी समस्यांग

दिसम्बर 1935

कामरेड माओ त्सेतुंग इद रचना किन दूसरा क्रांतिकारी गृहयुद्ध ता अनुभव ता सारांश तेंडाना काजे रास्तोर ओसो उत्तरी शेनशी ता लाल सेना कालेज लोप्पा भाषण हियाना काजे तीना इस्तेमाल कितोर। लेखक ना अनुसार, इद रचना ता सिर्फ पांच अध्यान पूरा कित्ता मंता ओसो रणनीतिक आक्रमण, राजनीतिक काम ओसो दूसरा समस्याकुना संबंधी अध्याय पिससी मत्ता, अव रास्तद हिल्ले, बारांकु इत्तेके शीआन घटना आता कारण ते वेल्ले व्यस्त आतोर। इद रचना ता दूसरा क्रांतिकारी गृहयुद्ध ताकनास्के फौजी समस्यांग ना बारे ते पार्टी लोप्पा ताकना बेहरा वाद-विवाद ता परिणाम मत्ता, उंदी कार्यदिशा ता खिलाफ दूसरा कार्यदिशा किन प्रतिबिम्बित कींता। जनवरी 1935 लोप्पा पार्टी ता केंद्रीय कमेटी ता राजनीतिक ब्यूरो ता उंदी विस्तृत मीटिंग चुनई लोप्पा केयतद मत्ता, ताना लोप्पा कार्यदिशा ता संबंधी वाद-विवाद पोरु चर्चा कित्ताद मत्ता, कामरेड माओ त्सेतुंग ना विचार ता बारे ते चर्चा कित्ताद मत्ता ओसो गलत कार्यदिशा ता विरोध कितोर। अक्तूबर 1935 लोप्पा केंद्रीय कमेटी उत्तरी शेनशी हत्ता ओसो अदे साल दिसम्बर लोप्पा कामरेड माओ त्सेतुंग "जापानी-साम्राज्यवाद-विरोधी कार्यनीति ता बारे ते" हेडिंग उंदी रिपोर्ट पेश कितोर, ताना लोप्पा दूसरी क्रांतिकारी गृहयुद्ध ताकनास्के पार्टी ता राजनीतिक कार्यदिशा संबंधित समस्यांग किन सही तरीका ते हल कित्ता मत्ता। उंदी साल पेरके, 1936 लोप्पा, चीन ता क्रांतिकारी युद्ध ता रणनीतिक विषय ता बारे ते समस्यांग ना सही तरीका ते वेहाला काजे पेश कित्ता रचना रास्तोर।

अध्याय 1

1. युद्ध ता अध्यायन बद्रम कियाना

1) युद्ध ता नियम विकास आसोरे मंदिता

युद्ध ता नियमकु – युद्ध किन निर्देशन (डायरेक्टिंग) कियाना हर मानेय युद्ध का नियमकूनू बारे ते अध्ययन कियाना ओसो हल कियाना।

क्रांतिकारी युद्ध ता नियम- क्रांतिकारी युद्ध किन निर्देशन कियाना हर मानेय क्रांतिकारी युद्ध ता नियमकुनू अध्ययन कियाना ओसो हल कियाना।

चीन क्रांतिकारी युद्ध ता नियम- चीन क्रांतिकारी युद्ध किन निर्देशन कियाना हर मानेय इदिना अध्ययन कियाना ओसो हल कियाना।

माटु इंजे युद्ध लोप्पा मंतोमा। मावा युद्ध उंदी क्रांतिकारी युद्ध आंदू। मावा क्रांतिकारी युद्ध चीन ता अर्ध-औपनिवेशिक ओसो अर्ध-सामंती देश लोप्पा ताकी कियाना मंतोमा। अदिन काजे माकिन केवल युद्ध ता आम नियमकुना अध्ययन कियाना, ओसो क्रांतिकारी युद्ध ता विशेष नियमकुना वेन्ने अध्ययन कियाना, ओसो चीन ता क्रांतिकारी युद्ध ता विशेष नियमकुना अध्ययन कियाना।

बदे काम कियाना लोप्पा बस्के एवनल ताना असली परिस्थिति किन पुन्नोम आंतोम, ताना स्वरूप किन ओसो दूसरा चीज संगे ताना संबंध किन समझेमायोम अस्के एवनल तानकिन ताकी कियाना नियम किन समझेमाया परवोम, तानकिन बद्रम कियाना इंदाना वेन्ने समझेमायोम, ओसो तानकिन सही तरीका ते कियाना परवोम इंदानदु सब्बेतोर पुत्तोमा।

निजी सम्पत्ती ओसो वर्ग पुटना कारण तेने युद्ध पुट्टिसि मत्ता, इदु वर्ग, राष्ट्र, राज्य लेवेके राजनीतिक ग्रुप कुना नडमा मंदाना अंतरविरोध किन, बदु विकास ता उंदी निश्चित मंजिल एवनल एवसी मत्ताये, तानकिन हल कियाला ताकना संघर्ष ता सर्वोच्च (highest) रूप आंदू। युद्ध ता असली परिस्थिति, ताना स्वरूप ओसो दूसरा चीज संगे ताना संबंध किन समझेमायवा लेवा युद्ध ता नियम किन पुंदा परवोम, युद्ध ता निर्देशन बद्रम कियाना इंजी पुंदा परवोम, ओसो सफलता दोरकी कियाना परवोम आंतोमा।

क्रांतिकारी युद्ध- क्रांतिकारी वर्ग-युद्ध ओसो क्रांतिकारी राष्ट्रीय युद्ध- ता युद्ध ता आम परिस्थिति ओसो ताना आम स्वरूप लेवा ताना विशेष परिस्थिति वेन्ने मंदिता ओसो ताना विशेष स्वरूप वेन्ने मंता। अदिन काजे युद्ध ता आम नियम लेवा ताना उचुन विशेष नियम वेन मंदिता। इव विशेष परिस्थिति ओसो विशेष स्वरूप किन समझेमायवा लेवा ताना

विशेष नियमकिन समझेमायवा लेवा, क्रांतिकारी युद्ध ता निर्देशन किया परवोम ओसो तानकिन सफलतापूर्वक ताकी किया परवोम।

चीन ता क्रांतिकारी युद्ध - गृहयुद्ध आई लेवेके राष्ट्रीय युद्ध - चीन ता विशेष परिस्थिति लोप्पा ताकी कियाना आंता। आम युद्ध लेवेके आम क्रांतिकारी युद्ध ता मुकाबला ते मना विशेष परिस्थिति मंदिंता ओसो ताना विशेष स्वरूप मंता। अदिन काजे आम युद्ध ओसो आम क्रांतिकारी युद्ध ता नियम लेवा ताना उचुन विशेष नियम वेन्ने मंता। बस्के एवनल अविनि समझेमायोम अस्के एवनल चीनी क्रांतिकारी युद्ध लोप्पा सफलता दोरकी किया परवोम।

अदिन काजे माटू आम युद्ध ता नियम कुना अध्ययन कियाना, मनम क्रांतिकारी युद्ध ता नियम ता अध्ययन कियाना, ओसो आखरी ते माटू चीन ता क्रांतिकारी युद्ध ता नियम कुना वेन्ने अध्ययन कियाना।

उचुन मुल लोप्पा उंदी गलत धारणा मंता, ताना वेल्ले मुन्ने माटु खंडन कीतोम। ओर बातल वेहितोर इत्तेके युद्ध ता साधारण नियमकुना अध्यायन कित्तेके आंता, ओसो ज्यादा ठोस रूप ते हूडतेके वेहितोर इत्तेके प्रतिक्रियावादी चीन सरकार, लेवेके चीन ता प्रतिक्रियावादी फौजी एकडमी फौजी मैनुअल प्रकाशित कीतद मंता, अविन लागू कीतेके आंता। ओर अद मैनुअल केवल साधारण युद्ध ता नियमकुना बारे ते मंतांग इंदना इद पोल्लो समझे मायो। इदे आयवा अदु पूरा-पूरा विदेश तिंचि नकल कित्ताद मंता। माटु ओरा बहारी रूप ते ओसो ओरा विषय-वस्तू लोप्पा वेन्ने बदलाव किवा लेवा अविना नकल कीत्तेके ओसो अविन यांत्रिक तरीका ते लगू कीत्तेके अस्के इद “जूता ता नाप ता हिसाब ते काल कोयना” लेक्का आंता, ओसो माटु हारे मायकोम। ओरा तर्क बाता इत्तेके - नेतुर पोहची देरकी कित्ताद मंता ज्ञान मावा काजे उपयोगी बारांकु मन्नो आंता? निज्जमे मनाकिन मुन्नेटा कालम ते नेतुर पोंगी कीसि दोरकी कित्ता अनुभवकुना मान हियाना, मति माटू खुद ता नेतुर पोहची दोरकी कियाना अनुभवकुन वेन्ने मान हियाना।

उचुन मुल लोप्पा उंदी ओसो गलत धारणा मंता, इदिना खंडन वेन्ने वेल्ले मुन्ने कीतोमा ओर बातल वेहिनोर इत्तेके केवल रूस क्रांतिकारी युद्ध ता अनुभवताए अध्ययन कित्तेके आंता, ओसो ठोस रूप ते वेहना इत्तेके सोवियत संघ लोप्पा गृहयुद्ध ता निर्देशक नियमकु मत्तांग ओसो अगाटा फौजी संगठनकु फौजी मैनुअल प्रकाशित कित्ताविन लागू कियाना इंजी इंतोर। ओर सोवियत संघ ता गृहयुद्ध ओसो सोवियत संघ ता लाल सेना ता विशेषतांग मत्तांग इंजी हूडोर, ओसो माटु अविना लोप्पा उचुन हेरफेर कियाना आदेश हिवा लेवा अविना नकल कियाना ओसो अविन यांत्रिक तरीका ते लागू कियाना, इद वेन्ने “जूता नाप ता हिसाब ते काल कोयना” लेक्का आंता ओसो माटु हारेमांतोमा ओरा तर्क बाता इत्तेके सोवियत संघ ता युद्ध ता लेक्काने मावा युद्ध वेन्ने क्रांतिकारी युद्ध मंता, ओसो सोविय संघ सफल आता, अदिन काजे अविना उदाहरण पोरो ताकना विडसी मावा मुन्ने दूसरा बदे हरीं हिल्ले। ओर मनकिन सोविय संघ ता युद्ध ता अनुभव किन विशेष रूप ते ध्यान तासना इंजी हूडो आंतोर, अव क्रांतिकारी युद्ध ता सबसे आधुनिक अनुभव आंदू ओसो लेनिन, स्तालिन ना निर्देशन ते दोरकताद मंता, इद मत्तेके वेन्ने माकिन चीन ता क्रांतिकारी युद्ध ता अनुभव किन वेन्ने ध्यान तासना, बारांकु इत्तेके चीनी क्रांति ओसो चीनी लाल सेना ता बचोनो विशेष परिस्थितिमंग मंता।

उचुन मुल लोप्पा उंदी तीसरी गलत धारणा मंता, ताना खंडन वेन्ने माटु वेल्ले मुन्ने कीतोमा 1926-27 ता उत्तरी अभियान ता अनुभव सबसे महत्वपूर्ण मंता ओसो अविनगडल मनम करियाना इंजी इंतोर, ओसो ठोस रूप ते माटु उत्तरी अभियान ता अनुभवकुना पोरो ताकसोरे मनम उर्रा वेडियु लेक्का मुन्ने दायाना। ओसो बेहरा शहरकुना पोरो कब्जा कियाना। उत्तरी अभियानकुना अध्ययन कियानादे, मति अविना नकल कियानायो ओसो अविन यांत्रिक रूप ते लागू कियानायो इंजी ओर पुन्नोर आंतोर, बारांकु इत्तेके मावा वर्तमान युद्ध ता परिस्थितिंग अलग मत्तांग। माकिन उत्तरी अभियान ता केवल वर्तमान परिस्थिति लोप्पा लागू आयाना पोल्लोंग

किने लागू कियाना ओसो मना वर्तमान परिस्थिति ता अनुकूल मना खुद ता तरीका ना खोज कियाना।

इद्रम युद्ध ता अलग परिस्थिति, काल, जागा ओसो स्वरूप, युद्ध ता अलग निर्देशक नियमकुना तय कींता। काल ता परिस्थिति युद्ध ओसो युद्ध ता निर्देशक नियमकु विकासमान मंदितांग, हर ऐतिहासिक मंजिल ता खुद ता विशेषता मंदिता, अदिन काजे हर ऐतिहासिक मंजिल लोप्पा युद्ध ता नियमकुना वेन्ने विशेषता मंदिता अविन अलग मंजिल लोप्पा यांत्रिक (mechanically) तरीका ते लागू किया परवोमा ओसो युद्ध ता स्वरूप, क्रांतिकारी युद्ध ओसो प्रतिक्रांतिकारी युद्ध ता तन्ना-तन्ना विशेषता मंदिता, अदिन काजे अविना लोप्पा हर युद्ध किन ताकी कियाना नियमकुना वेन्ने खुद ता विशेषता मंदिता ओसो उंदी युद्ध पोरो लागू आयना नियम किन यांत्रिक तरीका ते दूसरा युद्ध पोरो लागू किया परवोमा जागा ता परिस्थिति, हर देश या राज्य ता खासकर बेहरा देश या राज्य लोप्पा लागू किया परमूडायो। अलग-अलग ऐतिहासिक मंजिल, अलग-अलग स्वरूप, अलग-अलग जागा ओसो अलग-अलग राज्य ता युद्ध ता निर्देशक नियमकुना अध्ययन कियानास्के मनाकिन अविना विशेषतांग ओसो अविना विकास ता ध्याना तासना जरूरत मंता ओसो युद्ध ता समस्या ता बारे ते यांत्रिक दृष्टिकोण ता विरोध कियाना जरूरत मंदिता।

इद्रमें आयवा बोराई कमांडर मुन्ने सुडला फौजी फारमेशन ता संचालन कित्ता पेरकेने बेहरा फौजी फारमेशन ता नेतृत्व कियाना लेक्का बनेमांतोर इद ओना प्रगति ओसो विकास किन तोहिंता। उंदे जागा ते फौजी कार्रवाई कियाना ओसो वेल्ले जागा ने फौजी कार्रवाई कियाना लोप्पा वेन्ने अंतर मंता। बोराई कमांडर मुन्ने तन्ना पुत्ता जागा ते फौजी कार्रवाई कींतोर, पेरके बचोनों जागाने फौजी कार्रवाई कियाना लेक्का बनेमांतोर, इंद वेन्ने ओना प्रगति ओसो विकास ता किन तोहिंता। दुश्मन-पक्ष ता ओसो खुद मावा तकनीकी, कार्यनीतिक ओसो रणनीतिक विकास ता कारण उंदी युद्ध ता हर मंजिल ता परिस्थिति वेन्ने अलग-अलग मंदिता, बोराई कमांडर युद्ध ता शुरूआत ता मंजिल लोप्पा सेना ता नेतृत्व कित्ता

पेरके ओना मुन्ने बेरसता मंजिल लोप्पा सेना ता नेतृत्व कियाना लेक्का बनेमांतोर, इद ओना ज्यादा प्रगति ओसो विकास किन तोहिंता। बोराई कमांडर केवल बदे विशेष फौजी फारमेशन ता नेतृत्व कियाना, केवल बदे विशेष जागा ते ओसो युद्ध ता विकास ता बदे विशेष मंजिल लोप्पा फौजी कार्रवाई कियाना लेक्का बनेमांतोर, इत्तेके ओर उचुन वेन्ने प्रगति कीवोर ओना उचुन वेन्ने विकास आयो। उचुन मुल उंदीए गुण लेवेके तानकिन हूडसिए खुश आंतोर, ओरो बस्केने प्रगति कीवोर। बदे विशेष जागा लेवेके विशेष समय लोप्पा क्रांति लोप्पा बदे आई काम कीयनोर, मति ओर बदे महत्वपूर्ण भूमिका निभे किया परवोर। मनकिन महत्वपूर्ण भूमिका निभे कियाना लेक्कटा युद्धक-निर्देशक लोरा जरूरत मंदिंता। बद्रम इतिहास ता विकास आंता ओसो युद्ध ता विकास आंता अद्रमें युद्ध ता सब्बे निर्देशक नियम कुना वेन्ने विकास आंता, बिना बदलाव ता बाता हिल्ले।

2) युद्ध ता उद्देश्य युद्ध किन पूरा खत्म कियाना मंता

युद्ध, पीढ़ि-पीढ़ि तल जन-संहार कियाना इद दैय्यम, मानव-समाज ता विकास लोप्पा पूरा खत्म आयार, ओसो जल्द भविष्य लोप्पाए ने। मति तानकिन खत्म कियाना केवल उंदे तरीका मंता, अद युद्ध ता युद्ध संगे विरोध कियाना, प्रतिक्रांतिकारी युद्ध ता क्रांतिकारी युद्ध संगे विरोध कियाना, राष्ट्रीय प्रतिक्रांतिकारी युद्ध ता राष्ट्रीय क्रांतिकारी युद्ध संगे विरोध कियाना ओसो प्रतिक्रांतिकारी वर्ग-युद्ध ता क्रांतिकारी वर्ग-युद्ध संगे विरोध कियाना। इतिहास लोप्पा रेंडु रकम ता युद्ध मंता, न्यायपूर्ण युद्ध ओसो अन्यायपूर्ण युद्ध। माटु न्यायपूर्ण युद्ध ता समर्थन कीतोम ओसो अन्यायपूर्ण युद्ध ता विरोध कीतोम। सब्बे प्रतिक्रांतिकारी युद्ध अन्यायपूर्ण मंदिंता, सब्बे क्रांतिकारी युद्ध न्यायपूर्ण मंदिंतांग। माटु मानव जाति ता युद्ध-कालम किन खत्म कीतोम, ओसो इद युद्ध आखरी युद्ध ता उंदी हिस्सा आंदू। मति नेंडू माटु बद युद्ध ता सामना किया मंतोम, अद वेन्ने जरूर सबसे बेहरा ओसो सब से निर्मम युद्ध ताए उंदी हिस्सा आंदू। सबसे बेहरा ओसो सबसे निर्मम अन्यायपूर्ण ओसो प्रतिक्रांतिकारी युद्ध मावा

तल्ला पोरो तिरगा मंता, ओसो माटु न्यायपूर्ण युद्ध ता झंडा तेहोम आंतोम इत्तेके, मानव जाति ता बेहरा संख्या तिप्पलता समुद्र लोप्पा मुडंदयरा मानव जाति ता न्यायपूर्ण युद्ध ता झंडा मानव जाति ता बचाव ता झंडा आंदू चीन ता न्यायपूर्ण युद्ध ता झंडा चीन ता बचाव काजे तेहतद मंता। मानव जाति ओसो चीनी जनता ता बहुसंख्या बद युद्ध किन ताकी कींता अद जरूर उंदी न्यानपूर्ण युद्ध आंदू, अद मानव जाति ओसो चीन ता बचाव काजे उंदी पक्काए उच्च ओसो गौरवशाली काम आंदू, ओसो विश्व-इतिहास किन उंदी पूना युग लोप्पा ओयला काजे उंदी पूलिया आंदू। मानव-समाज ता प्रगति वर्ग ओसो राज्य ता खात्मा आयार अगा एवनल आयार, अस्के युद्ध वेन्ने आयो आयार-अस्के प्रतिक्रांतिकारी युद्ध मन्नो आयर, क्रांतिकारी युद्ध मन्नो आयर, अन्यायपूर्ण युद्ध मन्नो आयार, न्यायपूर्ण युद्ध मन्नो आयर, अद मानव जाति काजे स्थाई शांति ता युग मंदियरा। क्रांतिकारी युद्ध ता नियम ता मावा अध्ययन सब्बे युद्ध किन खत्म कियाना मावा लक्ष्य तिंचि शुरू आंता। इदे कम्युनिस्ट ओसो सब्बे शोषक वर्ग ता नडमा विभाजन-रेखा आंदू।

3) रणनीति बातल इत्तेके युद्ध ता

सम्पूर्ण स्थिति ता नियमकुना अध्ययन कींता

बगा युद्ध मंतायो, अगा युद्ध ता उंदी सम्पूर्ण स्थिति मंदिता। युद्ध ता सम्पूर्ण स्थिति ते पूरा दुनिया वाया परिंता, पूरा देश वाया परिंता, उंदी स्वतंत्र छापामार इलाका ओसो फौजी कार्रवाई ता उंदी बेहरा स्वतंत्र मोर्चा वेन्ने वाया परिंता। बद ते युद्ध ता उंदी स्थिति लोप्पा अलग-अलग पहलू ओसो अलग-अलग मंजिल किन ध्यान तास्तना मंदिता, तानकिन युद्ध ता सम्पूर्ण स्थिति इंतोम।

रणनीति-विज्ञान ता कबड संपुर्ण स्थिति संगे संबंध मंदना युद्ध निर्देशक नियम कुना अध्ययन कियाना मंदिता, अद्रमे अभियान-विज्ञान ओसो कार्यनीति-विज्ञान ता कबड आंशिक स्थिति संगे संबंध मंदना युद्ध ता निर्देशक नियमकुना अध्यायन कियाना मंदिता।

बदे अभियान लेवेके बदे कार्यनीतिक कार्रवाई ता कमांडर किन रणनीति ता नियम कुना बद हंदी एवनल ओसो बारांकू जानकारी मंदांना? बारांकू इत्तेके सम्पूर्ण जानकारी मत्तेके अंश ता संचालन ओसो वेल्ले कुशलता ते कियमूडांता। अदिन काजे अंश सम्पूर्ण ता अधीन मंदिता। रणनीतिक जीत केवल कार्यनीतिक सफलता संगे ने दोरकी किमुडांता इंदाना धारणा गलत आंदू, बारांकु इत्तेके इद धारण लोप्पा बदे युद्ध ता हार लेवेके जीत ता निर्णय ता कारण प्रमुख ओसो सर्वप्रमुख समस्या सम्पूर्ण स्थिति ओसो ताना विभिन्न मंजिल ता सही तरीका ते ध्यान तासतोमा लेवेके तासोम इंजी इदिन वेन्ने नजरअंदाज कियमूडांता। सम्पूर्ण स्थिति ओसो ताना विभिन्न मंजिल ता ध्यान तासना लोप्पा गंभीर समस्यांग ओसो गलतिंग मत्तेके जरूर युद्ध लोप्पा हार आंता। “उंदी डाका गलत वाटतेके पूरा खेल हारे मांतोम”- इगा उंदी डाका ता बारे ते वेहताद मंता ताना सम्पूर्ण स्थिति संगे संबंध मंता, इत्तेके अद डाका सम्पूर्ण स्थिति काजे निर्णायक मंदिता, अद आंशिक स्थिति ते संबंधित आयो, बदो सम्पूर्ण स्थिति काजे निर्णायक मन्नो। इद युद्ध काजे वेन्ने अचोने सही मंदिता बचोन शतरंज (चैस) ता खेल काजे।

मति सम्पूर्ण स्थिति तन्ना अंशतल अलग आसी स्वतंत्र मंदा परवो। बारांकु इत्तेके सम्पूर्ण स्थिति तन्ना सब्बे अंशकुनगडले बनेमासी मंता। बस्के-बस्के उचुन अंश नष्ट या हारेमांता, मति सम्पूर्ण स्थिति किन वेल्ले धक्का दलगो आंता, बारांकु इत्तेके अव सम्पूर्ण स्थिति काजे निर्णायक मन्नो आंतांग। कार्यनीतिक कार्यवाहींग लेवेके अभियान लोप्पा उचुन हार लेवेके असफलता आतेके युद्ध ता सम्पूर्ण स्थिति बिगड़े मायो आंता बारांकू इत्तेके अव निर्णायक महत्व ता तत्व हिल्ले। मति अभियान-अविन संगे कलियसी युद्ध सम्पूर्ण स्थिति बने मांता - ज्यादातर हारेमातेके, ओसो निर्णयक महत्व ता उंदी या रेंडु अभियान लोप्पा हारेमातेके, सम्पूर्ण स्थिति तुरंत बदलेमायर। पोरो वेहता “अभियान लोप्पाडल ज्यादतर” ओसो “उंदी या रेंडु अभियान”, इव सब्बे निर्णायक महत्व ता मंदितांग। युद्ध ता इतिहास लोप्पा लगातार वेल्ले सफलता दोरकता पेरके बदे उंदी लड़ाई

लोप्पा हारेमातेके मुन्नेटा सब्बे सफलतांग खत्म आंतांग इंदाना उदाहरण दोरकींता, ओसो इद्रम ता उदाहरण वेन्ने दोरकींतांग, वेल्ले बेरा हारेमाता पेरेके बदे उंदी लड़ाई लोप्पा जीड़ता पेरेके पूरा स्थिति बदले मांता। इद्रमता उदाहरणकु लोप्पा “लगातार वेल्ले सफलता दोरकी कियाना” ओसो “वेल्ले बेरा हारेमायना” आंशिक मंदिता ओसो एव सम्पूर्ण स्थिति लोप्पा निर्णायक भूमिका निभे किंवो। “बदे उंदी लड़ाई लोप्पा हारेमायाना” ओसो “बदे उंदू लड़ाई लोप्पा जीड़ना” निर्णायक भूमिक निभे कींता। इव सब्बे उदाहरण कुनगडल सम्पूर्ण स्थिति ता बचोन ध्यान तासना इंजी समझेमांता। बोना कैदे सम्पूर्ण फौजी जिम्मेदारी मंता, ओना काजे सबसे महत्वपूर्ण पोल्लो ओनकिन युद्ध ता सम्पूर्ण स्थिति ता ध्यान तासना। मुख्य रूप ते परिस्थिति पोरो आधार आसी ओनकिन तन्ना फौजी युनिट ओसो फौजी फारमेशन ता ग्रुपिंग बने कियाना समस्या पोरो विचार कियाना, अभियनकुना आपसी संबंध, फौजी कार्रवाई ता विभिन्न मंजिलकुना संबंध ओसो तन्ना सम्पूर्ण कार्रवाई ओसो दुश्मन ता सम्पूर्ण कार्रवाई ता नडमा ता संबंध ता समस्यांग पोरो विचार कियाना। इव सब्बे कबस्कू वेल्ले सावधानी ओसो कोशिश कुना मांग किंता। ओसो बोर इव पोल्लोंग किन ध्यान हीवोर, ओसो अन्य गौण समस्या पोरो उलझे मासि मंदितोर ओरा काजे असफलता नगडल बचेमायाना वेल्ले मुशिकल आंता।

सम्पूर्ण ओसो अंश ता संबंध रणनीति ओसो अभियान नडमा ता संबंध पोरोने लोगू आयो, अद अभियान ओसो कार्यनीति नडमा ता संबंध पोरो वेन्ने लागू आंता। ताना उदाहरण इत्तेके उंदी डिवीजन ता कार्रवाई ओसो ताना रेजीमेंट लेवेके बटालियनकुना कार्रवाई नडमा ता संबंध, ओसो उंदी कम्पनी ता कार्रवाई ओसो ताना प्लाटुन लेवेके स्कवाड (दलम) ता कार्रवाई नडमा ता संबंध मंतांग। हर स्तर ता कमाण्ड-अधिकारी बातल कियाना इत्तेके बदे दूसरा-दूसरा समस्यांग ओसो कार्यवाहिंग पोरो ध्यान हीवा लेवा सम्पूर्ण स्थिति ता सबसे महत्वपूर्ण ओसो सबसे निर्णायक महत्व मंदना समस्यांग ओसो कार्यवाहिंग पोरो तन्ना ध्यान केंद्रित कियाना।

बद चीज महत्वपूर्ण ओसो निर्णायक महत्व ता मंता, तान निर्णय सामान्य या अमूर्त परिस्थिति इसाब ते आयो, अदिन ठोस परिस्थिति ता अनुसार कियाना तय कियाना। फौजी कार्रवाई लोप्पा हमला बद दिशा लोप्पा ओसो बद जागा पोरो कियाना, इदिना निर्णय दुश्मन ता तत्कालीन परिस्थिति, टैरेन ओसो तत्कालीन सेना ता ताकत इसाब ते कियाना। बगा वेल्ले रसद (राशन) मंतायो, अगा सैनिक लोर ज्यादा तिंदानायो इंजी ध्यान तासना, मति बगा रसद ता कमी मंता, अगा करवीने मंदानायो इंजी ध्यान तासना। पांडरी इलाका लोप्पा उचुन एक्सपोज आयना मुन्ने ताकना लड़ाई लोप्पा होरेमायमूडांता, मति लाल इलाका लोप्पा इद्रम ता एक्सपोज आतेके वेन्ने वेल्ले गंभीर समस्या वायो आंता। उचुक अभियान लोप्पा उच्च कमाण्डर लोरा व्यक्तिगत रूप ते शामिल आयना जरूरत मंता, मति दूसरा अभियान लोप्पा तीना जरूरत मन्नो आंता। उंदी फौजी स्कूल काजे सबसे महत्वपूर्ण सवाल ताना निर्देशक ओसो शिक्षक लोरकिन चुनेमासी नियुक्त कियाना ओसो उंदी शिक्षा-नीति निर्धारित कियाना। आम सभा कियाना लोप्पा खास ध्यान तासाना विषय इत्तेके ताना लोप्पा शामिल आयला काजे जन-समुदाय किन गोलबंद कियाना ओसो उपयुक्त नारा पेश कियाना। संक्षेप ते सिद्धान्त बाता इत्तेके अद महत्वपूर्ण विषय पोरो ध्यान केंद्रित कियाना बविना प्रभाव सम्पूर्ण स्थिति पोरो अरिंता।

युद्ध ता सम्पूर्ण स्थिति ता निर्देशक नियमकुना अध्ययन कियाना काजे दिमाग पोरो उचुन जोर हीसी आल्सा लागियर। बारांकु इत्तेके कोंडा तल इद हिसाब ता सम्पूर्ण स्थिति संबंध मंदना चीज किन हूडमूडायो, ओसो केवल दिमाग लगे कीसि काम कियाना पोरोने माटु तानकिन समझेमाया परिंतोम, लेवेके तानकिन समझेमाया परवोम। मति सम्पूर्ण स्थिति अंश संगे बनेमासी मंदिता, अदिन काजे बोरकिन आंशिक स्थिति ता अनुभव, अभियान ओसो कार्यनीति ता अनुभव मंदिता, ओर तम्मा दिमाग वाटसी काम कीतेके उच्च स्तर ता समस्यांग किन समझेमाया परिंतोर। रणनीति ता समस्यांग दोड़ रास्ता लेक्का मंतांग:

मना ओसो दुश्मन ता नड़मा ता संबंध पोरो पूरा ध्यान हियाना;

अलग-अलग अभियानकुना संबंध या फौजी कार्रवाई ना अलग-अलग मंजिल ता संबंध पोरो पूरा ध्यान हियाना;

सम्पूर्ण स्थिति संबंधित अंशकुना पोरो पूरा ध्यान हियाना (बवुना निर्णयात्मक महत्व मंदिता।

सम्पूर्ण स्थिति ता विशेषता पोरो पूरा ध्यान हियाना;

लड़ाई ता मोर्चा ओसो पृष्ठभाग नड़मा ता संबंध पोरो पूरा ध्यान हियाना;

अविना विशिष्टता ओसो आपसी संबंध पोरो पूरा ध्यान हियाना; नुक्सान आयना ओसो नुक्सान कियाना, लड़ाई कियाना ओसो आराम कियाना, केंद्रीकरण आयना ओसो विकेंद्रीकरण आयाना, आक्रमण कियाना ओसो रक्षा कियाना, मुन्ने दायाना पेरके गुचना, मकसी कार्रवाई कियाना ओसो ओपन कार्रवाई कियाना, मुख्य हमला कियाना ओसो मदद ते हमला कियाना, हमला कियाना ओसो रोमी कीसि तासना, केंद्रित कमाण्ड ओसो विकेंद्रित कमाण्ड, दीर्घकालीन युद्ध ओसो तुरंत निर्णय कीसि कित्ता लड़ाई, मोर्चाबद्ध लड़ाई ओसो चलायमान लड़ाई, मावा सेना ओसो दोस्त सेना, सेना ता बदे उंदी अंग ओसो दूसरा अंग, पोरोटो रैंक ओसो दोड़ ता रैंक, कार्यकर्ता ओसो साधारण सैनिक, पाड़ना ओसो पूना सैनिक, वरिष्ठ ओसो कनिष्ठ कार्यकर्ता, पाड़ना ओसो पूना कार्यकर्ता, लाल इलाका ओसो पांडरी इलाका, पाड़ना लाल इलाका ओसो पूना लाल इलाका, बदे आधार-क्षेत्र ता केंद्रीय इलाका ओसो ताना हंदी पोरो मंदाना इलाका, एही कालम ओसो इरंगम कालम, सफलता ओसो असफलता, बेहरा फौजी फारमेशन ओसो सुडला फौजी फारमेशन, रेगुलर सेना ओसो छापामार दल, दुश्मन किन खत्म कियाना ओसो जन-समुदाय किन मना पक्ष कियाना, लाल सेना ता विस्तार कियाना ओसो तानकिन सदृढ़ बने कियाना, फौजी काम ओसो राजनीतिक काम, पाड़ना काम ओसो इंजेटा काम, वर्तमान काम ओसो मुन्ने वायना काम, बदे उंदी परिस्थिति तिंचि पुटना काम ओसो बदे दूसरा परिस्थिति तल पुटना काम, स्थिर सेना ओसो

अस्थिर सेना, गृहयुद्ध ओसो राष्ट्रीय युद्ध, उंदी ऐतिहासिक मंजिल ओसो दूसरा ऐतिहासिक मंजिल, लेक्काटवा।

इविना लोपडल उंदी वेन्ने रणनीतिक समस्या प्रत्यक्ष रूप ते दिस्सोर हिल्ले, मति माटु वेल्ले आल्सतेके माटु सब्बे समस्यांग किन समझेमाया परिंतोम, अविन दिल ते मानेमायकोम ओसो अविना लोप्पा सफलता हासिल कियाकोम, इत्तेके माटु युद्ध संबंधित ओसो फौजी कार्रवाई संबंधित सब्बे महत्वपूर्ण समस्यांग किन सिद्धांत ता उच्च स्तर पोरो अविन किन हल किया परिंतोम। इद उद्देश्य किन पूरा कियानाए रणनीति विषयक समस्यांग ना अध्ययन कियाना मावा काम मंदिता।

4) महत्वपूर्ण समस्या इत्तेके करियाना लोप्पा निपुण मंदाना
माटु लाल सेना बारांकु संगठित कितोम? बारांकु इत्तेके दुश्मन किन हारे कियाना इंजी। माटु युद्ध ता नियमकुना अध्ययन बारांकु कींतोम? बारांकु इत्तेके माटु अविन युद्ध लोप्पा लागू कियाना इंजी।

करियाना हल्को हिल्ले, ओसो बद करियंतोम अविन लागू कियाना ओसो वेन्ने मुश्किल मंता। स्कूल ता कक्षा लोप्पा या पुस्तक लोप्पा वेल्ले टोर फौजी विज्ञान वेल्ले प्रभावी तरीका ते तोहा परितोर, मति असल लड़ाई ता मौका वांता अस्के उचुन मुल जीड़ितोर ओसो उचुन मुल हारेमांतोर। युद्ध ता इतिहास ओसो युद्ध कियाना मावा अनुभव तल वेन्ने इदे साबित आंता।

असली पिस्वल लोप्पा माटु “हारमेयवा कमांडर” बनेमायना मांग किया परवोम, प्राचीन काल तल इंजे अवनल इद्रम ता कमांडर वेल्ले कम आतोर। माटु इद्रम ता बहादुर ओसो बुद्धिमान सेनापति बनेमायना मांग कियाना, बोरो युद्ध ताकनास्के आमतोर ते लड़ाई किन सफल किया परितोर, अद्रमता कमांडर बोना लोप्पा बुद्धिमत्ता ओसो हिम्मत रेंडू मंदिता। बुद्धिमत्ता ओसो हिम्मत ता समन्वय दोरकी कियाना काजे माटु उंदी तरीका करियाना— अदिन करियाना ओसो बद करियंतोमो तानकिन अमल कियाना।

इद तरीका बातल आंदू? इद तरीका इत्तेके दुश्मन ता ओसो मावा स्थिति ता सब्बे पहलू (aspects) किन पुंजी मंदाणा, रेंडासी पक्ष ता कार्रवाई ना संचालन कियाना नियम किन पुंजी मंदाणा, ओसो खुद कार्रवाईता इव नियम किन लागू कियाना।

वेल्ले देशकुना लोप्पा प्रकाशित आता फौजी मैनुअल “सिद्धांत किन लचीला तरीका ते परिस्थिति ता अनुकूल लागू कियाना” जरूरत बगिल इशारा कींतांग, ओसो हारेमाता पेरके बद तरीका लागू कियाना इंजी वेन्ने वेहिंता। मुन्ने कमाण्डर सिद्धांत किन वेल्ले गैर लचीला तरीका ते लागू कीसि मनोगत रूप ते गलतिंग कियानायोर, दूसरा मनोगत गलतिंग आसी मत्तेके या वस्तुगत परिस्थिति लोप्पा मुन्ने अलस्वा ओसो अनिवार्य बदलाव आसी मत्तेके परिस्थिति किन बद्रम सम्भाले कियाना।

मनोगत गलतिंग बारांकु आंतांग? बारांकु इत्तेके युद्ध या लड़ाई ता सेना ओसो सेना ता नेतृत्व बदे समय विशेष ओसो जागा ता जांच कियाना परिस्थिति ता अनुकूल मन्नो आंता, मनोगत निर्देशन वस्तुगत परिस्थिति ता अनुकूल मन्नो ओसो ताना संगे कलियो, दूसरा हिसाब ते मनोगत ओसो वस्तुगत तत्व ना अंतरविरोध हल आयो आंता। बदे वेन्ने काम कियाना लोप्पा इद्रम ता परिस्थिति ता सामना कियाना जरूरी मंता। मति उचुन मूल तानकिन कियाना लोप्पा वेल्ले कुशल मंदिंतोर। ओसो उचुन मुल कमा बद हिसाब ते काम कियाना लोप्पा माटु ज्याद कुशलता ता मांग कींतोम, अदे हिसाब ते युद्ध लोप्पा वेन्ने माटु वेल्ले बेरा जीइना, ओसो कम हारेनमायना इंजी मांग कींतोम। इगा मनोगत ओसो वस्तुगत तत्व किन पूरा उंदीनकु उंदीना अनुकूल बने कियाना।

कार्यनीति संबंधित उंदी उदाहरण- दुश्मन ता मोर्चा ता बदे खास हिस्सा पोरो हमला कियाला काजे जागा चुने कियाना, अद नाजुक जागा ते मत्तेके हमला सफल आंता। इद्रमता परिस्थिति लोप्पा मनोगत तत्व वस्तुगत तत्व ता अनुकूल मंदिंता, ओसो कमाण्डर ना फौजी रेक्की (reconnaissance), ओना आकलन ओसो ओना निर्णय दुश्मन ता असली परिस्थिति ओसो ओना सेना-वितरण ता असली परिस्थिति संगे

कलियंता। हमला काजे चुनेमाता जागा दूसरा बगिल मत्तेके या केंद्र लोप्पा मत्तेके ओसो दुश्मनता मुख्य ताकत ता सामना किया लागतेके, हमला मुन्ने हनवेके इद्रम ता अनुकूल परिस्थिति कमी आयरा। हमला सही समय ते कीतेके, रिजर्व दस्ता जल्दी लोहना आयो ओसो देर वेन्ने कियाना आयो, ओसो लड़ाई किन सकले कियाना परिस्थिति, कार्रवाई मावा अनुकूल ओसो दुश्मन ता प्रतिकूल मत्तेके, अस्के पूरा लड़ाई लोप्पा मनोगत नेतृत्व पूरा वस्तुगत परिस्थिति ता अनुकूल मंदिता। इद्रम पूरा अनुकूल युद्ध ओसो लड़ाई वेल्ले मुश्किल दोरकिंता, बारांकु इत्तेके युद्ध ओसो लड़ाई लोप्पा रेंडू विरोधी पक्ष असल ता मानव-समूह मंदिता ओसो ओसो उंदीनकु-उंदी तना रहास्य किन मकी कींतोर, इद निर्जीव चीज या हर दिव्या ता कमाकाज कियाना व्यवहार तुकू अलग मंदिता। मति कमांडर ना नेतृत्व मुख्य रूप ते असली परिस्थिति ता अनुकूल मंदाना इत्तेके नेतृत्व ता निर्णयक अंश असल परिस्थिति ता अनुकूल मंदाना अस्के सफलता काजे आधार तैयार आंता।

कमांडर ना सही सेना-विन्यास (dispositions), सही निर्णयकुनगडल पुटिता। ओना सही निर्णय ओना सही विवेक तिंचु पुटिता, ओसो ओना सही विवेक हर तरीका ता, जरूरी फौजी रेक्की तल ओसो इद्रम ता फौजी रेक्की संगे दोरकना अलग-अलग रकम ता चीज पोरो सही विचार कियाना लोप्पाडल पुटिता। ओर फौजी रेक्की ता सब्बे सम्भव ओसो जरूरी तरीका किन उपयोग किंतोर, ओसो दुश्मन ना परिस्थिति ता बारे ते जमा कित्ता हर रकम ता सूचनांग पोरो विचार कींतोर, कि स्थूल (dross) छोड़ दें ओसो जरूरी को ग्रहण कर ले, झूठ किन हटे कियाना ओसो सच्चाई किन तासना, उंदी पोल्लो तल दूसरा पोल्लो बगिल दायना ओसो बहारी तल आन्तरिक बगिल दायना, इदे आयवा अद तन्ना बगिल ता परिस्थिति पोरो वेन्ने ध्यान हियाना ओसो रेंडासी पक्ष ता ओसो रेंडो पक्ष ता आपसी संबंध ता अध्ययन कियाना। ओसो इद हिसाब ते विवेक ता निर्माण कींतोर। तन्ना निर्णय कींतोर ओसो तन्ना योजना बने कींतोर। इद बदे परिस्थिति ता जानकारी दोरकी कियाना सम्पूर्ण प्रक्रिया आता

पेरकेने वरोर रणनीति पंडनोर तन्ना रणनीति ता योजना, अभियान ता योजना लेवेके लड़ाई ता योजना बने कींतोर। मति वरोर लापरवाह रणनीति बने कियनोर इव सब्बे कियाना विड़सी तन्ना अंगडम-आल्सना पोरो आधार आसी तन्ना फौजी योजनांग बने कींतोर, अदिन काजे ओना योजनांग हवाई मंदितांग। ओसो सच्चाई संगे कलियो आंतांग। वरोर दुस्साहससिक रणनीति बने कियानोर केवल खुशी पोरो निर्भर मंदितांग, दुश्मन संगे जरूर धोखा तिंतोर, या दुश्मन ना दिखावटी लेवेके आंशिक परिस्थिति तुन हूडसि लेसिंतोर। ओसो तन्ना दोड़ काम कियानोरा गैर जिम्मेदाराना सुझावकुना संगे प्रभावित आंतोर, ओराकिन सही जानकारी मन्नो ओसो अन्तरदृष्टिकोण वेन्ने गंभीर मन्नो, ओसो अदिन काजे तन्ना तल्ला भीति पोरो दलगावा लेवा मन्नो आंता, बारांकु इतेके ओर फौजी योजना किन जरूरी फौजी रेक्की ओसो तन्ना ओसो दुश्मन ता परिस्थिति, ओरा आपसी संबंध पोरो गंभीरता ते विचार कियाना पोरो आधारित मंदाना इंजी समझे मायो लेवेके समझे मायना जरूरी समझेमायो।

परिस्थिति ता जानकारी हासिल कियाना प्रक्रिया फौजी योजना बने कियाना मुन्ने आयो, पेरके वेन्ने जारी मंदिता। बदे योजना किन लागू कियाना शुरूआत तिंचि पोयसी फौजी कार्रवाई ता आखरी एवनल लागू कियाना परिस्थिति ता जानकारी हासिल कियाना दूसरी प्रक्रिय इतेके तानकिन अमल कियाना प्रक्रिया मंता। इद प्रक्रिया लोप्पा मुन्नेटा प्रक्रिया लोप्पा बद योजना बने कित्ताद मंता अद योजना असली परिस्थिति ता अनुकूल मंताया हिल्ले इंदानदु जांच कियाना जरूरत मंता। योजना ताना अनुकूल या प्रतिकूल हिल्लेके पूना जानकारी पोरो आधारआसी मनकिन पूना विवेक निश्चित कियाना ओसो पूना निर्णय कियाना ओसो पूना स्थिति ता अनुकूल मूल योजना लोप्पा बदलाव कियाना। लगभग हर फौजी कार्रवाई ता योजना लोप्पा आंशिक बदलाव किया लागिंता ओसो बस्के-बस्के ताना लोप्पा पूरा बदलाव वेन्ने किया लागिंता। जोश ते वासी काम कियानोर तन्ना योजना लोप्पा बदलाव कियाना जरूरत किन समझेमायो आंतोर या बदले कियाना लोप्पा हिकेहाके कींतोर ओसो कोंडा हिल्ला

लेवा लेक्का काम कींतोर। अदिन काजे इद्रम तोर अनिवार्य रूप ते कोदोर हीसी मुट्टितोर।

पोरो वेहता उंदी रणनीतिक कार्रवाई, उंदी अभियान या लडाई पोरो लागू आंता। उंदी अनुभवीर णनीतिज्ञ नम्र ओसो करियाला तैयार मत्तेके, ओसो तन्ना सेना (कमांडकु, योद्धा, हथियार, रसद ओसो ओरा कुल योगदान) ता परिस्थिति ओसो दुश्मन ता सेना (अद्रमे कमांडकु, योद्धा, हथियार, रसद लेक्कटव ओसो कुल योगदान) ता परिस्थिति ता बारे ते पुंजी मंदाणा, ओसो संगेने राजनीतिक, अर्थव्यवस्था, भूगोल ओसो मौसम लेक्कटव युद्ध संबंधित दूसरा सब्बे परिस्थितिंग लोप्पा वेन्ने जानकारी मंदाणा, इद्रम ता रणनीति पंडानोर किन युद्ध लेवेके फौजी कार्रवाई ता नेतृत्व लोप्पा ज्यादा सफलता दोरकिंता ओसो सफलता दोरकना सम्भावना वेन्ने बेरसिंता। तीना कारण वेल्ले समय तल ओर दुश्मन पक्ष ओसो तन्ना पक्ष ता परिस्थिति ता जानकारी दोरकी कितोर। फौजी कार्रवाई ता नियमकुना जानकारी हासिल कितोर ओसो मनोगत ओसो वस्तुगत तत्व ता अंतरविरोध किन हल कितोर। जानकारी हासिल कियाना प्रक्रिया वेल्ले महत्वपूर्ण मंता, इद्रम ता अनुभवकु हिल्वेके पूरा युद्ध ता नियमकुना जानकारी हिल्वेके अविना पोरो पकड़ बने कियाना मुशिकल आंता। बोर युद्ध-कोशल लोप्पा लंडासि करियनोर मंतोर लेवेके केवल कागज पोरोने युद्ध ता व्याख्या कियाना लोप्पा निपुण मंतोर, ओर असल ते बेसता सही कमांडर बनेमाया परवोर। युद्ध लोप्पा शामिल आसी करियता कमांडरे बेसता कमांडर बने माया परितोर।

सिद्धांत इसाब ते बचोन फौजी सिद्धांत रास्तद मंता, अव मुन्नेटा युद्ध लोप्पा हासिल कित्ता अनुभवकुना सार आंदूंग, अविन प्राचीन ओसो आधुनिक काल लोप्पा जमा कित्ताद मंता। हत्ता युद्ध ता सबक नेतुर हीसी पोहतद मंता ओसो विरासत ता रूप ते मावा काजे विडस्ताद मंता, माटु अविना गंभीर इसाब ते अध्ययन कियाना। ओसो अविन मना अनुभव ता परिक्षा लोप्पा जांच कियाना। अविना लोप्पाडल जरूरी मत्ताविन ग्रहण कियाना ओसो बेकार ताविन विडसियना, ओसो बद निष्कर्ष विशेष रूप

ते मावा मंतांग अविन ताना लोप्पा शामिल कियाना। आखरी पोल्लो वेल्ले महत्वपूर्ण मंता बारांकु इत्तेके इद हिल्लेके माटु युद्ध ता निर्देशन किया परवोम।

पढेमासी करियाला उंदी तरीका आंदू, मति व्यवहार कियाना वेन्ने करियाना तरीका आंदू, ओसो इद वेल्ले महत्वपूर्ण तरीका आंदू। बोनकिन स्कूल लोप्पा पढेमायना मौका बस्केने दोरको अद्रम तोर वेन्ने युद्ध तुन करिया परितोर - इदिन ओर युद्ध लोप्पा करिया परितोर। क्रांतिकारी युद्ध आम जनता ना काम आंदू, तीना लोप्पा हमेशा मुन्ने करियाना ओसो पेरके काम कियाना आयो आंता, हमेशा मुन्ने काम शुरू कियाना पेरके करियाना आंता, बारांकु इत्तेके काम कीसि खुदे करिमुड़ आंता। उंदी साधारण असैनिक ओसो सैनिक बनेमायना नड़मा दूरी मंदिता, मति इद दूरी दस हजार ली लम्बा दीवार लेक्का मन्नो ओसो इदिन जल्दी तय कीमूड़ आंता, इदिना तरीका बातल इत्तेके क्रांति लोप्पा शामिल आयना, युद्ध लोप्पा शामिल आयाना मंता। माटु करियाना ओसो व्यवहार कियाना उंदी मुश्किल काम इंतोम, इत्तेके सर्वांगीण रूप ते करियाना ओसो कुशलता ते व्यवहार कियाना उंदी मुश्किल काम मंता। माटु असैनिक तल जल्दीए सैनिक बनेमाया परितोम, इत्तेके देहरी किन पार कियाना मुश्किल हिल्ले आंता। इव रेंडासी किन काल्पि कीतेके, चीनी कहावत लोप्पा वेहता लेक्का “इद दुनिया लोप्पातना किरिया पोरो गड्ढिक निच्चि मंदानोर काजे बाताए कबड़ मुश्किल हिल्ले”। देहरी किन पार कियाना मुश्किल आयो ओसो सफलता हासिल कियाना वेन्ने सम्भव आंता, माटु जरूर पक्का इरादा बने कियाना ओसो करियाना लोप्पा निपुण मंदाना।

दूसरा सब्बे चीज ताकना नियम कुना लेक्काने युद्ध ता नियम वेन्ने मावा दिमाग ते वस्तुगत यथार्थ¹ ता प्रतिबिम्ब (reflection)आंता, मावा मेदुर किन विडसी बाकी सब्बे वस्तुगत यथार्थ (objective reality) आंदू। अदिन काजे बद करियंतोम ओसो पुंतोम ताना लोप्पा मना पक्ष ता ओसो दुश्मन पक्ष ता चीज शामिल मंता। इविना अध्यायन कियाना विषय किन समझेमायाना। केवला मावा दिमागे (आल्सना शक्ति) अध्ययन

कियनोर आंतोर। उचुन मुल पुंदाना लोप्पा निपुण मंदितोर, मति तन्ना दुश्मन किन पुंदाना लोप्पा कमजोर मंदितोर, दूसरोर तीना उल्टा मंदितोर। वीरू रेंड आसि युद्ध ता नियम किन करियाना ओसो अविन अमल कियाना लोप्पा समस्या किन हल किया परवोर आंतोर। प्रांचीन काल ते चीन ता महान सेना वैज्ञानिक सुन ऊजू' तना रास्ता पुस्तक लोप्पा वेहतोर “दुश्मन किन चीनेयाना ओसो खुद किन चीनेमायना, अस्केने मीटु हारेमायना खतरा ता सामना किवा लेवा सैकड़ों लड़ाईंग लड़े माया परिंतरि।” इदना संबंध करियाना मंजिल ओसो अमल कियाना मंजिल संगे मंता, तीना संबंध वस्तुगत यथार्थ ता विकास ता नियममुकना जानकारी दोरकी कियाना ओसो मुन्ने मंदाना दुश्मन किन हारे कियाला काजे इव नियमकुना अनुसार तन्ना कार्रवाई तय कियाना संगे वेन्ने मंता। मनम इदिन कम आल्सना आयो।

युद्ध राष्ट्र, राज्य, वर्ग लेवेके राजनीतिक ग्रुप ता नड़मा ता आपसी संघर्ष ता उच्चतम रूप आंदू, ओसो युद्ध ता सब्बे नियमकिन युद्ध कियाना सब्बे राष्ट्र, राज्य, वर्ग या राजनीतिक ग्रुप तन्ना जीड़ला काजे लागू कींतांग। तीना लोप्पा बदे डावुट हिल्ले कि युद्ध लोप्पा हारेमायना—जीड़ना ता निर्णय मुख्य रूप ते रेंडु पक्ष ता फौजी, राजनीतिक, आर्थिक ओसो प्राकृतिक परिस्थिति संगे आंता। मति तीना निर्णय केवल इविना संगेने आयो। तीना निर्णय हर पक्ष ता युद्ध-चलने कियाना मनोगत क्षमता संगे वेन्ने आंता। युद्ध लोप्पा सफलता हासिल कियाना कोशिश लोप्पा बोराई रणनीति पंडानोर भौतिक परिस्थिति ना निश्चिनत हंद किन वेंडा किया परवोर, मति हंद लोप्पा मंजोरे ओर सफलता हासिल कियाना कोशिश किया परिंतोर ओसो जरूर कोशिश कियाना। रणनीति पंडानोरा कार्रवाई ता मंच वस्तुगत भौतिक परिस्थिति पोरो बने कियमूड़ांता। मति अद मंच पोरो वोरू रक-रकमता पाटा ओसो पक्काए बेसता ओसो शक्ति मंदाना बचोनो नाटकन निर्देशन किया परिंतोर। अदिन काजे उंदी निश्चित वस्तुगत भौतिक आधार, इत्तेके फौजी, राजनीतिक, आर्थिक ओसो प्राकृतिक परिस्थिति पोरो आधार आसी मावा लाल सेना ता कमांडर लोर किन मावा

ताकत ता प्रदर्शन कियाना ओसो राष्ट्र ता दुश्मन ओसो वर्ग दुश्मन किन खत्म कियाना ओसो इद दुनिया किन बदले कियाला काजे पूरा फौज ता नेतृत्व कियाना। इदे मावा निर्देशन ता मनोगत योग्यता किन काम ते तत्ताना। माटु मन्ना लाल सेना ता कमांडर किन जोश ते वासी कोंडा हिल्वा लेक्का गलतिंग कियाना अनुमति हिवोमा संगेने माटु ओरा लोप्पाडल हर कमांडर किन वीर बनेमायाना प्रोत्साहन हियाना। ओर साहसी, बुद्धिमान वेन्ने मंदाना। ओरा लोप्पा केवल सब्बे कटला-अड्डम नागडल जीड़ना हिम्मत मंदिता ओसो पूरा युद्ध लोप्पा आयाना बदलाव ओसो युद्ध ता प्रगति पोरो हावी मंदाना योग्यता वेन्ने मंदाना। वरोर कमांडर किन युद्ध ता महासागर लोप्पा नाडियसोरे केवल मुडंदना तुके बचेमायनायो, वेल्ले विश्वास संगे नपे-तुले कै वाटसोरे दूसरा बगिल वेन्ने एवना। युद्ध ता निर्देशन नियम असल ते युद्ध-सागर लोप्पा नाडियना कलाए आंदू।

इद मत्ता मावा तरीकांगना बारे ते।

अध्यय-2

चीनी कम्युनिस्ट पार्टी ओसो

चीन ता क्रांतिकारी युद्ध

चीन ता क्रांतिकारी युद्ध, 1924 लोप्पा शुरू आसी मत्ता, रेंडु चरण ते ताकता-1924-27 ता चरण ओसो 1927-36 ता उंदी चरणा इंजे अद जापानी-आक्रमण-विरोधी राष्ट्रीय क्रांतिकारी युद्ध ता चरण लोप्पा नेंगा मंता। इव मूंड मंजिलकु लोप्पा क्रांतिकारी युद्ध ता नेतृत्व चीनी सर्वहारा वर्ग ओसो ताना पार्टी, चीनी कम्युनिस्ट पार्टी ता कैदे मंता। चीन ता क्रांतिकारी युद्ध लोप्पा मुख्य दुश्मन साम्राज्यवाद ओसो सामंती ताकतकु मंतांग। चीन पूंजीपति वर्ग उचुन ऐतिहासिक अवसर ते क्रांतिकारी युद्ध लोप्पा शामिल आया परिंता, मति तन्ना स्वार्थ ता कारण ते ओसो राजनीतिक ओसो आर्थिक स्वतंत्रता ता कमी ता कारण ते चीन ता क्रांतिकारी युद्ध किन आखरी सफलता एवनल ओयला तैयार मन्नोर

आंतोर। चीनी किसान ओसो शहरी निम्न-पूँजीपति वर्ग ता जन-समुदाय क्रांतिकारी युद्ध लोप्पा सक्रिय रूप ते शामिल आंता ओसो तानकिन पूरा आखरी सफलता एवनल ओयला आल्संतोर। ओर क्रांतिकारी युद्ध ता मुख्य ताकत आंदू, मति ओरा विशेषता सुडला स्तर ता उत्पादन आंदू, ओरा राजनीतिक दृष्टिकोण किन सीमित कींता (बेरोजगार जन-समुदाय ता उंदी हिस्सा अराजकतावादी विचारधारा तासिंता)। अदिन काजे युद्ध लोप्पा ओर सही नेतृत्व किया परवोर। अदिन काजे उंदी इद्रम ता युग लोप्पा राजनीतिक मंच पोरो सर्वहारा वर्ग ता जन्म आता, चीन ता क्रांतिकारी युद्ध ता नेतृत्व ता भार जरूर चीनी कम्युनिस्ट पार्टी ता हड्डा पोरो वांता। इद्रम ता युग लोप्पा सर्वहारा वर्ग ओसो कम्युनिस्ट पार्टी ता नेतृत्व ता कमी ओसो ताना विपरित आतेके बदे वेन्ने क्रांतिकारी युद्ध जरूर हारेमांता। बारांकु इत्तेके अर्ध-औपनिवेशिक चीन लोप्पा सामाजिक तबका ओसो राजनीतिक ग्रुप मंतांग, अविना लोप्पा केवल सर्वहारा वर्ग ओसो कम्युनिस्ट पार्टीए संकीर्णता ओसो स्वार्थ तल पूरा आजाद मंता, ताना राजनीतिक दृष्टिकोण लोप्पा सबसे ज्यादा दूरदर्शिता मंता ओसो सबसे ज्यादा संगठित मंता, दुनिया ता प्रगतिशील वर्ग, सर्वहारा वर्ग ओसो पार्टी ना अनुभव तल नम्रता संगे करियना ओसो तान किना तन्ना काम लोप्पा इस्तेमाल कियाना काजे सबसे ज्यादा तैयार मंतोर। अदिन काजे किसान, शहरी निम्न-पूँजीपति वर्ग ओसो पूँजीपति वर्ग ता नेतृत्व सर्वहारा वर्ग ओसो कम्युनिस्ट पार्टीए कियाना परिंता, ओर किसान ओसो निम्न-पूँजीपति वर्ग ता संकीर्णता किन दूर किया परिंतोर। बेरोजगारी किन दूर कियाना परिंतोर। ओसो पूँजीपती वर्ग ता दुलमुल आयाना ओसो पूरा आयवा मंदाना स्थिति किन वेन्ने दूर किया परिंतोर। (कम्युनिस्ट पार्टी ता नीति लोप्पा बदे गलती कीवेके) ओसो इद्रम ता क्रांति ओसो युद्ध किन सफलता ता हर्दे मुन्ने ओया परिंतोर।

1924-27 ता क्रांतिकारी युद्ध मुख्य रूप ते अंतरराष्ट्रीय सर्वहारा वर्ग ओसो चीनी सर्वहारा वर्ग ओसो ओर पार्टींग चीन ता राष्ट्रीय पूँजीपति वर्ग ओसो अविना पार्टींग पोरो राजनीतिक प्रभाव वाटसी मत्ता परिस्थिति

लोप्पा ताकी कीतद मत्ता, ओसो ताना संगेने राजनीतिक सहयोग निल्पी कीतद मत्ता। मति क्रांति ओसो युद्ध ता नाजुक स्थिति लोप्पा इद क्रांतिकारी युद्ध विफल आता। तीना मुख्य कारण बेहरा पूंजीपति वर्ग ता विश्वाघात ओसो क्रांतिकारी रैंक लोप्पा क्रांति ता नेतृत्व अवसरवादी लोरा कैदे मत्ता।

1927 तिंचि इंजे एवनल भूमि-क्रांति युद्ध पूना परिस्थिति लोप्पा ताकी कीतद मंता। इद युद्ध लोप्पा दुश्मन केवल साम्राज्यवादे आयो, बेहरा पूंजीपति वर्ग ओसो बेहरा जमींदार लोरा गोती वेन्ने मंता। इदे आयवा राष्ट्रीय पूंजीपति वर्ग बेहरा पूंजीपति वर्ग ता तोका बनेमाता। केवल कम्युनिस्ट पार्टीए इद क्रांतिकारी युद्ध ता नेतृत्व कित्ता, ओसो युद्ध लोप्पा तना नेतृत्व कायम कित्ता। क्रांतिकारी युद्ध किन दृढ़ता ते आखरी एवनल ताकी कियाला काजे कम्युनिस्ट पार्टी ता नेतृत्व सबसे मुख्य शर्त मंता। इद हिल्वेके क्रांतिकारी युद्ध किन दृढ़ता ते ताकी किया परमूझायो।

चीनी कम्युनिस्ट पार्टी हिम्मत ओसो दृढ़ता सेगे चीन ता क्रांतिकारी युद्ध ता नेतृत्व कित्ता, ओसो 15 साल ता अवधि लोप्पा³ पूरा देश ता जनता ना दोस्त बनेमासी तोहता ओसो हमेशा क्रांतिकारी युद्ध ता वायना रैंक लोप्पा नित्सि मंता ओसो, जनता ना हित, जनता ना आजादी, जनता ना मुक्ति काजे लडेमासोरे मंता।

चीनी कम्युनिस्ट पार्टी तन्ना कठिन संघर्ष संगे ओसो तन्ना लाखो वीर सदस्य हजारों वीर कार्यकर्तालोरा बलिदान हिसी पूरा राष्ट्र ता हजारों-करोड़ों जनता लोप्पा महान गुरुजीना भूमिका निभे कित्ता। उंदी कठिन कालम लोप्पा राष्ट्र ता दुश्मन हमला कीतेकाई, क्रांतिकारी संघर्ष लोप्पा चीनी कम्युनिस्ट पार्टी ता महान ऐतिहासिक सफलतांग देश किन विनाश तिंचि बचे कियाना ओसो ताना जीवन-रक्षा कियाना काजे उंदी पूर्वशर्त दोरकि कीसिता। ओसो इद शर्त राजनीतिक नेतृत्व मंदाना, वेल्ले जनताना विश्वास दोरकसी मंदाना ओसो वेल्ले साल तल जांच-परख कित्ता पेरके जनता चुने कित्ताद मंता। नेंड जनता दूसरा पार्टी ता अपेक्षा कम्युनिस्ट पार्टी ता घोषणांग किन ज्यादा दिल से स्वीकार कींतोर। चीनी कम्युनिस्ट पार्टी

15 साल लोप्पा कित्ता कठिन संघर्ष लेवा चीन किन गुलामी ता पूना संकट तल बचे कियाना मुश्किल आसी मनवड़।

छन तू-श्यू⁴ ना दक्षिणपंथी अवसरवाद ओसो ली ली-सान ना वामपंथी अवसरवाद⁵ आयवा चीनी कम्युनिस्ट पार्टी लोप्पा क्रांतिकारी युद्ध ताकनस्के रेडु दूसरा गलतिंग वेन्ने आतांग। पहली 1931-34 ता वामपंथी अवसरवाद⁶ ता रूप ते आता, अद भूमि-क्रांति युद्ध किन वेल्ले गंभीर नुक्सान कित्ता, अदिना कारण ते “धेराव कीसि विनाश कियाना” दुश्मन ता पांचवीं अभियान लोप्पा माटु हारेमातोम, मना आधार-क्षेत्र हत्ता ओसो लाल सेना कमजोर आता। जनवरी 1935 लोप्पा चुनेमाता केंद्रीय कमेटी ता राजनीतिक ब्यूरो ता विस्तृत मीटिंग लोप्पा इद गलती किन सुधरे कीतद मंता। दूसरा 1935-36 लोप्पा चांग क्वो-थाओ ना दक्षिणपंथी अवसरवाद⁷ ता रूप ते पार्टी ओसो लाल सेना ता अनुशासन किन भंग कित्ता ओसो ओसो लाल सेना ता मुख्य सेना ता उंदी हिस्सा किन गंभीर नुक्सान कित्ता। मति केंद्रीय कमेटी ता सही नेतृत्व ओसो लाल सेना लोप्पा पार्टी-सदस्य, कमांडर ओसो युद्ध ता राजनीतिक चेतना ता कारण ते इद गलती वेन्ने किन सुधरे कित्ताद मंता। इव सब्बे गलतिंग मना पार्टी, मना क्रांति ओसो युद्ध काजे नुक्सानदायक मत्तांग, मति आखरी ते इव सब्बे किन मनम सुधरे कीतोम, ओसो इव गलती किन सुधरे कियाना लोप्पा मावा पार्टी ओसो मावा लाल सेना मना किन मुन्ने तुकू ज्यादा मजबूत कीतांग।

चीनी कम्युनिस्ट पार्टी उंदी जोरदार, शानदार ओसो सफल क्रांतिकारी युद्ध ता नेतृत्व कित्ता ओसो किया मंता। इद युद्ध चीन ता मुक्ति-पताका ताए आयो, तीना अन्तरराष्ट्रीय क्रांतिकारी महत्व वेन्ने मंता। पूरा दुनिया ता क्रांतिकारी जनता ना कोंडा मावा पोरोने मंता। इद युद्ध ता पूना मंजिल-जापानी-आक्रमण-विरोधी राष्ट्रीय क्रांतिकारी युद्ध ता मंजिल-लोप्पा माटु चीनी क्रांति किन पूरा कियानूर ओसो मुन्नेटा, पूरा दुनिया ता क्रांति पोरो वेन्ने प्रभाव वाटनूर। मावा क्रांतिकारी युद्ध मनकिन केवल मार्क्सवादी राजनीतिक कार्यदिशा ताए जरूरत हिल्ले, माकिन उदी सही

माक्सवादी फौजी कार्यदिशा ता वेन्ने जरूरत मंता। क्रांति ओसो युद्ध ता 15 साल लोप्पा इद्रम ता राजनीतिक कार्यदिशा ओसो फौजी कार्यदिशा ता निर्माण आतद मंता। इंजेटल युद्ध ता पूना मंजिल लोप्पा पूना परिस्थितिंग लोप्पा इव कार्यदिशांग ओसो वेन्ने विकसित आयनूंग ओसो समृद्ध बनेमायनूंग इंजी मावा विश्वास मंता। इद्रमातेके राष्ट्र ता दुश्मन किन हारे कियाना मावा लक्ष्य पूरा आंता। सही राजनीतिक कार्यदिशा ओसो फौजी कार्यदिशा अपने आप शांतिपूर्ण तरीका ते पैदा आयो ओसो विकसित आयो आंता इंजी माकिन इतिहास वेहसरो मंता। अद संघर्ष ताकानस्के पैदा आंता ओसो विकसित आंता। अविन उंदी बगिल “वामपंथी” अवसरवाद ता खिलाफ ओसो दूसरा बगिल “दक्षिणपंथी” अवसरवाद ता खिलाफ संघर्ष किया लागिंता। क्रांति ओसो क्रांतिकारी युद्ध किन संकट लोप्पा वाटना रुझान कुना खिलाफ संघर्ष किवा लेवा ओसो अविन पूरा निर्मूलन किवा लेवा सही कार्यदिशा ता स्थापना कियाना ओसो क्रांतिकारी युद्ध लोप्पा सफलता दोरकी कियाना मुश्किन आंता। अदिन काजे नन्ना इद पुस्तक लोप्पा उचुन गलत धारणांग किन चर्चा किताना।

अध्याय 3

चीन ता क्रांतिकारी युद्ध ता विशेषतांग

1) विषय ता महत्व

चीन ता क्रांतिकारी युद्ध ता खुद ता विशेषा तांग मंतांग इंजी बोर मानेमायोर, पुन्नोर औसो पुंदाला आल्सोर, ओर क्वोमिंगतांग फौज ता खिलाफ लाल सेना ता युद्ध किन सामान्य युद्ध ता बराबर लेवेके सोवियत संघ ता गृहयुद्ध लेक्काने आल्सा मंतोर। लेनिन ओसो स्तालिन नेतृत्व ते ताकता सोविय संघ ता गृहयुद्ध ता अनुभव ता महत्व पूरा दुनियामेंड मंता, सब्बे कम्युनिस्ट पार्टिंग अविना लोप्पा चीनी कम्युनिस्ट पार्टी वेन्ने शामिल मंता, इद अनुभव किन ओसो लेनिन ओसो स्तालिन ना तेंडता अनुभव कुना सैद्धांतिक निचोड़ किन मना मार्गदर्शक मानेमांता। इतेके माटु

मना परिस्थिति लोप्पा इद अनुभव किन यांत्रिक तरीका ते लागू कियाना इंजी आयो। चीन ता क्रांतिकारी युद्ध ता बचोनो पहलू ता खुद ता विशेषतांग मंतांग अव सोवियत संघ ता गृहयुद्ध तुकू अलग मंतांग। इव विशेषतांग किन आंकलन किवा मंदाया या अविन अस्वीकार कियाना गलत आंता। इद मना युद्ध ता दस साल लोप्पा पूरा साबित आता।

मावा दुश्मन वेन्ने इद्रम ता गलतिंग कित्तोर। ओर दूसरा सेना तुकू अलग लाल सेना संगे लड़ेमायना काजे दूसरा रणनीति ओसो कार्यनीति ता जरूरता मंता इंजी मानेमायोर। वेल्ले पहलू लोप्पा तना बेस्तवा पोरो भरोसा कीसि मना किन कम आल्सतोर ओसो युद्ध ता पाड़ना तरीका पोरोने ताकतोर। इद 1933 ता दुश्मन ता “घेराव कीसि विनाश कियाना” ता चौथी अभियान ताकनस्के ओसो तानकु मुन्नेटा पोल्लो आंदू। तीना कारण ते वेल्ले बेरा हारेमाया लागता। क्वोमिंगतांग सेना लोप्पा इद सवाल ता बारे ते पूना सुझाव सबसे मुन्ने प्रतिक्रियावादी जनरल ल्यू वेइ-य्वान ओसो ताना पेरके ताए खे हीतोर। आखरी ते च्यांग काई-शेक ओना सुझाव किन मानेमातोर। अदिन काजे च्यांग काई-शेक लूशान लोप्पा अफसर ट्रेनिंग कोर^९ निल्पी कोतोर ओसो पूना प्रतिक्रियावादी फौजी सिद्धांत^{१०} लागू कित्तोर, अविन ओर “घेराव कीसि ओसो विनाश कियाना” ता पांचवीं अभियान लोप्पा लागू कित्तोर।

मति लाल सेना ता खिलाफ युद्ध ता परिस्थिति ता अनुकूल दुश्मन तन्ना फौजी सिद्धांत लोप्पा बदलाव कित्तोर अस्के मावा रैंक लोप्पा उचुन मुल ता उंदी ग्रुप पैदा आता, अद दोबारा “पाड़ना तरीका” लागू कियाना पक्ष बनेमाता। ओर सामान्य परिस्थिति ने दायाना पोल्लोंग कींतोर ओसो बदे विशेष परिस्थिति किन समझेमायाला इनकार कियनोर, ओसो लाल सेना ता नेतुर लड़ाई ता इतिहास ता अनुभव किन ठुकरे कियानोर, ओसो दुश्मन ता पूना प्रतिक्रियावादी सिद्धांत किन कोंड पिहची मानेमायनोर। अदिन काजे शेनशी-कानसी सीमा क्षेत्र किन विड़ची बाकी सब्बे क्रांतिकारी आधार-क्षेत्र मावा कैदल हत्तांग, लाल सेना 3 लाख तल घटेमासी दस हजार पिस्ता ओसो क्वोमिंगतांग क्षेत्र ता पार्टी-संगठन

लगभग पूरा खत्म आता। संक्षेप ते उंदी वेल्ले बेहरा ऐतिहासिक हार आता। इद ग्रुप तोर तन्ना किन मार्क्सवादी-लेनिनवादी इंतोर, मति असल ते ओर मार्क्सवादी-लेनिनवाद किन उचुन वेन्ने करियवा मत्तोर। लेनिन इत्तोर, ठोस परिस्थिति ता ठोस विश्लेषण मार्क्सवाद ता सबसे मूलभूत चीज आंदू, मार्क्सवाद ता आत्मा आंदू¹⁰ इदे पोल्लो किन मना कामरेड्स मरंगतोर।

अद्रमासी चीनी क्रांतिकारी युद्ध ता विशेषतांग किन समझेमायवा लेवा ताना नेतृत्व कियाना ओसो तानकिन सफल कियाना मुशिकल आंता इंजी स्पष्ट समझेमांता।

3) चीन ता क्रांतिकारी युद्ध ता विशेषता बाता मंता?

चीन ता क्रांतिकारी युद्ध ता विशेषता बाता मत्तांग?

नावा हिसाब ते ता चार मुख्य विशेषतांग मंता।

पहला चीन उंदी विशाल अर्ध-औपनिवेशिक देश आंदू, ताना राजनीतिक ओसो आर्थिक विकास असमान रूप ते आता ओसो अद 1924-27 ता क्रांति लोपडल हंजी वात्ताद मंता।

इद विशेषता चीन ता क्रांतिकारी युद्ध ता विकसित आयाना ओसो सफल आयना संभव मंता इंजी वेहिंता। माटु इदिन अस्केने (हुनान-किआंगशी सीमा क्षेत्र ता पहली पार्टी-कांग्रेस¹¹ लोप्पा) वेहतोमा। 1927 ता इरंगम ओसो 1928 ता वसंत कालम ते चीन लोप्पा छापामार युद्ध शुरू आयना तुकू उचुन दिव्या पेरके हुनान-किआंगशी सीमा क्षेत्र लोप्पा मंदाना चिंगकांगशान मेट्वांग ना उचुन कामरेड्स इद सवाल कित्तोर कि “माटु लाल झंडा किन बस्के एवनल तेहची मंदा परितोम?” बारांकु इत्तेके इद उंदी पक्काए बुनियादी सवाल मत्ता। चीन ता क्रांतिकारी आधार-क्षेत्र ओसो चीनी लाल सेना ता अस्तित्व मंदियर या मन्नो ओसो ओर विकसित आंतोरा आयोर, इंदाना सवाल ता जवाब हिवा लेवा माटु उंदी वेन्ने डाका मुन्ने वाटा परवोमा। 1928 लोप्पा चीनी कम्युनिस्ट पार्टी ता छठी राष्ट्रीय कांग्रेस इद सवाल ता जवाब ओसो उंदी बेरा हीता। ताना पेरके तल चीन

ता क्रांतिकारी आंदोलन लोप्पा उंदी सही सैद्धांतिक आधार मंजी वासोरे मंता।

इंजे माटु इद विशेषता ता विश्लेषण कियाकाल।

चीन ता राजनीतिक ओसो आर्थिक विकास असमान रूप ते आता - उंदी कमजोर पूंजीवादी अर्थव्यवस्था ता संगेने उंदी अर्ध-सामंती अर्थव्यवस्था ता प्रधानता मंता। उचुन आधुनिक औद्योगिक ओसो व्यापारिक शहर संगेने विशाल अविकसित देहाती इलाका वेन्ने मंता। लाखों औद्योगिक मजदूर लोरा संगेने प्राचीन व्यवस्था ते वायना करोड़ों किसान ओसो दस्तकार लोर मंतोरा। केंद्रीय शासन पोरो अधिकार कियाना बेहरा-बेहरा युद्ध-सरदार लोरा संगे प्रांत पोरो अधिकार कियाना सुडला-सुडला युद्ध-सरदार लोर मंतोरा। रेंडु रकम ता प्रतिक्रियावादी फौज-च्यांग काई-शेक ना केंद्रीय सेना ओसो प्रांत लोप्पा युद्ध-सरदार लोरा “वेल्ले रकम ता सेनांग” मंतांग। उचुन रेल ओसो जहाज ता हरीं ओसो गाडी ना सडक संगेने बेहरा संख्या ते कच्चा गाड़ा हरींग ओसो केवल पैदल ताकनोरा हरींग मंतांग।

चीन उंदी अर्ध-औपनिवेशिक देश आंदू- साम्राज्यवादी देशकुना फूट ता कारण ते चीन ता वेल्ले ग्रुप लोप्पा वेन्ने फूट आता। उंदी अर्ध-औपनिवेशिक राज्य ताना पोरो बचोनो देशकुना नियंत्रण मंता, अद उंदी देश ता नियंत्रण मंदाना उपनिवेश देश तुकू अलग मंदिता।

चीन उंदी विशाल देश आंदू-“पूरब ते हीकट मंदानास्के पश्चिम ते वेहच मंता ओसो दक्षिण ते हीकट मंदानास्के उत्तर ते वेहच मंदिता।” अदिन काजे फौजी दांवपेंच काजे संभावना मंता या हिल्ले इंजी परेशान आयाना जरूरत हिल्ले।

चीन लोप्पा उंदी महान क्रांति ताकद मंता- तानकिन लाल सेना ता विज्जा संगे तैयार कीतद मंता, लाल सेना ता नेतृत्व कियाना चीनी कम्युनिस्ट पार्टी तैयार कीतद मंता ओसो उंदी बेरा क्रांति लोप्पा हिस्सा एताना अनुभव दोरकी कित्ता जन-समुदाय किन तैयार कीतद मंता।

अदिन काजे माटु इद युद्ध चीन लेक्काटा उंदी विशाल अर्ध-औपनिवेश देश लोप्पा ताका मंता, ताना राजनीतिक ओसो आर्थिक विकास असमान रूप ते आता ओसो उंदी क्रांति ताकता इंजी इंतोमा इद चीन ता क्रांतिकारी युद्ध ता पहली विशेषता आंदू इद विशेषता केवल बुनियादी रूप तेने मावा राजनीतिक रणनीति ओसो कार्यनीति किन तय कीवो, मावा फौजी रणनीति ओसो कार्यनीति किन वेन्ने तय कींता।

दूसरा विशेषता मावा दुश्मन बेहरा ओसो शक्तिशाली मंता।

लाल सेना ता दुश्मन, क्वोमिंगतांग ता परिस्थिति बाता मंता? अद उंदी राजनीतिक सत्ता पोरो कब्जा किता पार्टी आंदू ओसो तानकिन अपेक्षाकृत स्थिर कित्ताद मंता। अद पूरा दुनिया ता मुख्य प्रतिक्रांतिकारी राज्य ता समर्थन दोरकी कित्ता। अद तन्ना सेना ता पुनर्गठन कित्ता, अद चीन ता इतिहास लोप्पा बदे दूसरा तल अलग आता ओसो खासकर दुनिया ता आधुनिक राज्य ता सेना ता बराबर मंता। लाल सेना ता अपेक्षा ताना लोप्पा हथियार ओसो दूसरा सामान ज्यादा मंता, ओसो संख्या लोप्पा अद चीनी इताहिस ता बदे वेन्ने सेना तुक, दुनिया ता बदे वेन्ने देश ता स्थाई सेना तुक बेहरा मंता। निज्जमे क्वोमिंगतांग सेना ओसो लाल सेना लोप्पा भूम-मोय्योल लेक्काल फर्क मंता। चीन राजनीतिक, आर्थिक, संचार ओसो सांस्कृतिक महत्व ता जागा या की-प्वाईट ताना अधिकार ते मंतांग। तना राजनीतिक सत्ता ता रूप राष्ट्रव्यापी मंता।

इद हिसाब ते चीन ता लाल सेना ता सामना उंदी बेहरा ओसो ताकतवर दुश्मन संगे आता। इद चीन ता क्रांतिकारी युद्ध ता दूसरी विशेषता आंदू इद विशेषता ता कारण ते लाल सेना ता फौजी कार्यवाहींग आवश्यक रूप ते वेल्ले सामान्य युद्ध तुकू अलग मंतांग, सोवियत संघ ता गृहयुद्ध ओसो उत्तरी अभियान तुकू वेन्ने अलग मंतांग।

तीसरा विशेषता लाल सेना उंदी कमजोर ओसो सुडला सेना आंदू।

चीन ता लाल सेना ता शुरूआत पहली महान क्रांति ता असफलता पेरके छापामार दस्ताकुना रूप ते आता। अस्के चीन लोप्पा प्रतिक्रियावादी

कालम ओसो दुनिया ता प्रतिक्रियावादी पूंजीवादी देशकु लोप्पा अपेक्षाकृत राजनीतिक ओसो आर्थिक स्थिरता ता कालम मत्ता।

मावा राजनीतिक सत्ता तितर-बितर ओसो अलग-अलग मंदांना मेट्टा इलाका या जेक-जेक मंदांना इलाका लोप्पा मंता। ओसो तानकु बाहार तल बदे मदद दोरको। आर्थिक ओसो सांस्कृतिक दृष्टि ते क्रांतिकारी आधार-क्षेत्र क्वोमिंगतांग क्षेत्र ता तुलना ते वेल्ले पेरके अरसी मंता। क्रांतिकारी आधार-क्षेत्र लोप्पा केवल नाहकु ओसो सुडला कस्बा मंतांग। शुरूआत ते इलाका वेल्ले सुडला मत्तांग ओसो अव इंजे अचोने मंतांग। इदे आयवा अविन हमेशा विस्थापन आया लागिंता ओसो लाल सेना ता बदे असल सुदृढ आधार-क्षेत्र हिल्ले।

लाल सेना ता संख्या कम मंता, ताना हथियार टूटा-फूटा मंता ओसो तिंदना-उंडाना, कपडा-लता ओसो दूसरा सामान दोरकना मुश्किल मंता।

इद विशेषता मुनेटा विशेषता ता एकदम विरोधी मंता लाल सेना ता रणनीति ओसो कार्यनीति इद तीव्र भिन्नता पोरो आधार आसी मंता।

चौथा विशेषता कम्युनिस्ट पार्टी ता नेतृत्व ओसो भूमि-क्रांति मंता।

इद विशेषता पहली विशेषता ता अनिवार्य परिणाम आंदू तीना लोप्पाडल रेंडु पोल्लोंग पुटितांग उंदी चीन ता क्रांतिकारी युद्ध चीन ओसो पूरा पूंजीवादी दुनिया लोप्पा प्रतिक्रियावादी कालम ते ताका मंता, मति अद सफल आया परिंता बारांकु इत्तेके ताना नेतृत्व कम्युनिस्ट पार्टी क्रिया मंता ओसो तान किन किसान लोप्पा समर्थन मंता। माटु किसान लोरा समर्थन दोरकी कीतद मंता। अदिन काजे मावा आधार-इलाका सुडला मत्तेकाई राजनीतिक दृष्टि ते बेहरा ताकतवर मंता। एव विशाल इलाका लोप्पा फैलेमाता क्वोमिंगतांग ता राजनीतिक शासन ता मुकाबला क्रियाना काजे डटेमासी मंता, ओसो फौजी दृष्टि ते क्वोमिंगतांग ता हमला लोप्पा वेल्ले मुश्किल कीसिंतांग। लाल सेना सुडला मत्तेकाई तोना लोप्पा वेल्ले युद्ध-क्षमता मंता, बारांकु इत्तेके कम्युनिस्ट पार्टी ता नेतृत्व लोप्पा ताना सैनिक- भूमि-क्रांति तिंचि पैदा आतोर, ओसो ओरा हित काजे

लड़ेमाया मंतोर ओसो ओरा कमांडर लोरा ओसो योद्धा लोरा लोप्पा राजनीतिक एकता मंता।

दूसरा बगिल क्वोमिंगतांग ता परिस्थिति मावा परिस्थिति तुक् बिल्कुल अलग मंता। क्वोमिंगतांग भूमि-क्रांति ता विरोध कींता, अदिन काजे किसान लोरा समर्थन दोरको। ताना सेना विशाल मंता, मति ताना सिपाही लोर किन ओसो ताना लोप्पा वर्ग-उत्पत्ति ता दृष्टि ते सुडला उत्पादक मंदाना वेल्ले सुडला अफसर लोरकिन स्वेच्छा ते क्वोमिंगतांग ता काजे तन्ना जीवा हियाला काजे प्रोत्साहान कियमूडायो। अफसर ओसो सिपाही लोप्पा राजनीतिक फूट मंता, अद्रमासी ओरा युद्ध-क्षमता कम आंता।

3) इव विशेषतांगनगडल पुटना मावा रणनीति ओसो कार्यनीति

उंदी विशाल अर्ध-औपनिवेशिक देश, ताना राजनीतिक ओसो आर्थिक विकास असमान रूप ते आतद मंता ओसो उंदी महान क्रांति वेन्ने आता। उंदी बेहरा ओसो शक्तिशाली दुश्मन, उंदी कमजोर ओसो सुडला लाल सेना, ओसो भूमि-क्रांति-चीन ता क्रांतिकारी युद्ध ता नालुंग मुख्य विशेषतांग मंतांग। इव विशेषता नगडल चीन ता क्रांतिकारी युद्ध ता मार्गदर्शन कियाना कार्यदिशा ओसो ताना रणनीति ओसो कार्यनीति ता वेल्ले सिद्धांत निश्चित मंतांग। इद सम्भावना पहली ओसो चौथी विशेषतानगडल निश्चित आंता - चीन ता लाल सेना बेरसिंता ओसो दुश्मन किन हारे कींता। दूसरा ओसो तीसरा विशेषतानगडल इद्रम आयाना असम्भव आंता - चीन ता लाल सेना वेल्ले जल्दी बेरसियर, ओसो दुश्मन किन जल्दी हारे कियर। दूसरा हिसाब ते इद युद्ध दीर्घकालीन ताकींता ओसो तानकिन सही तरीका ते ताकी कीवेके युद्ध विफल वेन्ने आंता।

इव रेंडासी चीन ता क्रांतिकारी युद्ध ता रेंडू पहलू आंदू। इव संगे-संगेने मत्तांग, इत्तेके अनुकूल परिस्थिति वेन्ने मंता ओसो प्रतिकूल परिस्थिति वेन्ने मंता। चीन ता क्रांतिकारी युद्ध ता उंदी बुनियादी नियम

आंदू, इदिनगडल वेल्ले दूसरा नियमकु वेन्ने पुटितांग। मावा युद्ध ता दस साल ता इतिहास इद नियम ता मतलब किन साबित कित्ता। बोर कोंडा मंजी वेन्ने मूलभूत नियम किन हूडा परवोर आंतोर, ओर चीन ता क्रांतिकारी युद्ध ता निर्देशन किया परवोर आंतोर, ओसो सफलता दोरकी कियाला काजे लाल सेना ता नेतृत्व किया परवोर।

स्पष्ट रूप ते माटु निम्नलिखित सब्बे सैद्धांतिक समस्यांग किन सही तरीका ते हल कियना:

मना रणनीतिक दिशा किन सही तरीका ते निर्धारित कियाना, आक्रमण कियानास्के दुस्साहसवाद ता विरोध कियाना, रक्षा कियानास्के रूढ़िवाद ता विरोध कियाना, ओसो सेना ता जागा बदली कियानास्के पलायनवाद ता विरोध कियाना:

लाल सेना लोप्पा छापामारवाद ता विरोध कियाना, मति ताना कार्रवाई ना छापामार स्वरूप किन मान्यता हियाना,

अभियान लोप्पा दीर्घकालीन लड़ाई ओसो रणनीतिक दृष्टि ते तुरंत निर्णय ता युद्ध किन विरोध कियाना ओसो रणनीतिक दृष्टि ते दीर्घकालीन युद्ध ओसो अभियान लोप्पा तुरंत निर्णय ता लड़ाई समर्थन कियाना,

फौजी कार्रवाई काजे स्थिर पंक्ति (fixed battle lines) ओसो मार्चेबद्ध लड़ाई (positional warfare) ता विरोध कियाना ओसो फौजी कार्रवाई काजे अस्थिर पंक्ति (fluid battle lines) ओसो चलायमान लड़ाई (mobile warfare) ता समर्थन कियाना:

दुश्मन किन केवल तितर-बितर कियाना लड़ाई ता विरोध कियाना ओसो ताना विनाश कियाना लड़ाई ता समर्थन कियाना:

“रेंडुमुक्का (fists) संगे रेंडू दिशा ने प्रहार कियाना” रणनीति ता विरोध कियाना ओसो उंदीसमय ते उंदी मुक्का तल उंदी दिशा लोप्पा हमला कियाना सिद्धांत ता समर्थन कियाना:¹²

उदिं बेहरा रेयर एरिया तासना सिद्धांत तुक विरोध कियाना ओसो उडला रेयर इलाकंग तासना सिद्धांत किन पोरो तेहना।

निरपेक्ष (absolutely) केंद्रित कमान ता विरोध कियाना ओसो
सापेक्ष (relatively) केंद्रित कमान ता समर्थन कियाना:

विशुद्ध सैनिक दृष्टिकोण ओसो घुमन्तु विद्रोही लोरा व्यवहारकुना
विरोध कियाना¹³ ओसो इद धारणा ता पक्षपोषण कियाना कि लाल सेना
चीनी क्रांति ता प्रचार कियाना ओसो संगठनकर्ता आंदू:

डाकू लोरा व्यवहार¹⁴ ता विरोध कियाना ओसो गंभीर राजनीतिक
अनुशासन ता समर्थन कियाना।

युद्ध-सरदार लोरा व्यवहार ता विरोध कियाना ओसो सही सीमा
लोप्पा मंजी जनवादी जीवन-प्रणाली ओसो अधिकारपूर्ण फौजी
अनुशासन ता समर्थन कियाना:

कार्यकर्ता लोरा संबंध ते गलत संकीर्णतावादी नीति ता विरोध
कियाना ओसो अविना संबंध ते सही नीति ता समर्थन कियाना:

अलगाव ता नीति ता विरोध कियाना ओसो सब्बे संभव गोती
लोरकिन मना बगिल तत्ताना ता समर्थन कियाना:

लाल सेना ता पाङना मंजिल ते रोमना ता विरोध कियाना ओसो
तानकिन पूना मंजिल ते ओयना कोशिश कियाना:

रणनीति ता समस्या पोरो विचार-विमर्श कियाना मावा लक्ष्य बातल
इत्तेके चीनी क्रांति ता दस साल ता नेतुर लड़ाई ता इतिहास ता अनुभव
पोरो आधार आसी इव समस्या किन स्पष्ट इसाब ते समझेमायना।

अध्याय 4

“घेराव कीसि विनाश कियाना” अभियान ओसो अविना

खिलाफ जवाबी अभियान- चीनी गृहयुद्ध ता मुख्य रूप
बस्केडल छापामार युद्ध शुरू आता अस्केडल इंजे एवनल इत्तेके हत्ता दस
साल लोप्पा लाल छापामारलोरा हर स्वतंत्र दस्ता या लाल सेना ता हर
दस्ता किन ओसो हर क्रांतिकारी आधार-क्षेत्र किन बराबर दुश्मन ता
“घेराव कीसि विनाश कियाना” अभियान ता सामना कियाना लगता।

लाल सेना दुश्मन किन खतरनाक दिसिंता ओसो तानकिन तुरंत पोयला आल्सिंतोर। लाल सेना ता पेरके अरिंतोर ओसो हमेशा तानकिन घेराव कियाना कोशिश कींतोर। हत्ता दस साल तल युद्ध ता रूप बदलेमातद हिल्ले। राष्ट्रीय युद्ध गृहयुद्ध ता जागा एतवेके इद्रमे ताकसोर मंदियर बस्के एवनल दुश्मन युद्ध लोप्पा कमजोर आयोर ओसो लाल सेना तानकु वेल्ले शक्तिशाली ओसो बेहरा बने मायवर।

लाल सेना ता कार्रवाई “घेराव कीसि विनाश कियाना” अभियान ता खिलाफ जवाबी अभियान ता रूप एतिंता। मावा काजे सफलता इत्तेके मुख्य रूप ते दुश्मन ता “घेराव कीसि विनाश कियाना” अभियान ता मुकाबला कियाना लोप्पा सफलता दोरकी कियाना मंता, इत्तेके रणनीतिक सफलता ओसो अभियान कुना सफलता दोरकी कियाना। “घेराव कीसि विनाश कियाना” ता हर अभियान ता खिलाफ ताकी कियाना जवाबी लड़ाई उंदी अभियान आंता, ताना लोप्पा आम रूप ते बचोनो सुडला-बेहरा लड़ाईंग आंतांग। बस्के एवनल दुश्मन ता “घेराव कीसि विनाश कियाना” उंदी अभियान बुनियादी रूप ते खत्म कियमूड़ांता, अस्के एवनल तानकिन रणनीतिक सफलता दोरकी कियाना पूरा अभियान लोप्पा सफलता दोरकी कियाना लोप्पा असफल मानेमायमूड़ांता, बचोनो लड़ाईंग लोप्पा सफलता दोरकी कीतेकाई मानेमायूड़ायो। लाल सेना ता दस साल ता युद्ध ता इतिहास “घेराव कीसि विनाश कियाना” ता खिलाफ जवाबी अभियानकुना इतिहास आंदू।

दुश्मन ता “घेराव कीसि विनाश कियाना” ता अभियान ओसो ताना खिलाफ लाल सेना ता जवाबी अभियान लोप्पा लड़ाई ता आक्रमणात्मक ओसो रक्षात्मक रूप ते इस्तेमाल कियमूड़ांता, तीना लोप्पा ओसो दूसरा सब्बे युद्ध लोप्पा, अद चीन ता प्राचीन युद्ध मत्तेकाई, आधुनिक युद्ध मत्तेकाई, लेवेके बगडाले मत्तेके वेन्ने बदे फर्क हिल्ले। मति चीन ता गृहयुद्ध ता उंदी विशेषता मंता इत्तेके अद लम्बा समय एवनाल बार-बार लड़ाई ता रूप किन अदली-बदली कीसि इस्तेमाल कींता। “घेराव कीसि विनाश कियाना” अभियान लोप्पा दुश्मन लाल सेना ता रक्षात्मक कार्रवाई ता

खिलाफ आक्रमणात्मक कार्रवाई ओसो दुश्मन ता आक्रमणात्मक कार्रवाई ता खिलाफ लाल सेना रक्षात्मक कार्रवाई ता इस्तेमाल कींता। “घेराव कीसि विनाश कियाना” अभियान ता खिलाफ जवाबी अभियान ता पहली मंजिल आंदू। ताना पेरके लाल सेना ता आक्रमणात्मक कार्रवाई ता खिलाफ दुश्मन रक्षात्मक कार्रवाई ता इस्तेमाल किंतोर ओसो लाल सेना दुश्मन ता रक्षात्मक कार्रवाई ता खिलाफ आक्रमणात्मक कार्रवाई ता इस्तेमाल कींता, इद जवाबी अभियान ता दूसरा मंजिल आंदू। “घेराव कीसि विनाश कियाना” हर अभियान लोप्पा रेंडु मंजिल मंदितांग, अव उंदी लम्बा समय एवनल बारी-बारी उंदी पेरके उंदी वांता।

लम्बा समय एवनल बारी-बारी उंदी पेरके उंदी वातेके युद्ध ता एव तरीकांग ओसो लड़ाई ता इव रूप बार-बार कियमूडांतांग। “घेराव कीसि विनाश कियाना” अभियान ओसो ताना खिलाफ जवाबी अभियान- इद युद्ध ता तरीका ता बार-बार इस्तेमाल कियाना। पहली मंजिल लोप्पा दुश्मन तन्ना आक्रमणात्मक कार्रवाई ते मावा रक्षात्मक कार्रवाई ता मुकाबला कींतोर। ओसो माटु मना दूसरी मंजिल लोप्पा दुश्मन मावा आक्रमणात्मक कार्रवाई ता मुकाबला तन्ना रक्षात्मक कार्रवाई ते कींतोर। ओसो माटु ताना रक्षात्मक कार्रवाई ता मुकाबल आक्रमणात्मक कार्रवाई ते कींतोम-इद “घेराव कीसि विनाश कियाना” ता हर अभियान लोप्पा लड़ाई ता रूप ते उंदी पेरके उंदी वांता।

बदे युद्ध या लड़ाई लोप्पा केवल उंदी पेरके उंदी वायना चक्रए मन्नो, हर बार ताना लोप्पा बदलाव वेन्ने आंता। इद वेन्ने उंदी सच्चाई आंदू। इदिना संबंध ते उद उंदी नियम बनेमाता कि हर अभियान ओसो जवाबी अभियान ता विस्तार आंता, परिस्थिति ओसो वेन्ने पेचीदा आंता ओसो लड़ाई ओसो वेन्ने तेज आंता।

मति इद्रम इत्तेके प्रक्रिया लोप्पा बस्के उतार-चढ़ाव वायो इंजी आयो। “घेराव कीसि विनाश कियाना” पांचवीं अभियान पेरके लाल सेना वेल्ले कमजोर आता, दक्षिण ता सब्बे आधार-इलाका हत्तांग, लाल सेना उत्तर-पश्चिम लोप्पा हत्ता ताना कैदे दक्षिण लोप्पा मत्ता अचोन महत्वपूर्ण

जागा पिस्वा मत्ता। ओसो स्थानीय दुश्मन काजे खतरा पैदा आयाना परिस्थिति हिल्ले। अदिन काजे “घेराव कीसि विनाश कियाना” अभियानकुना विस्तार वेन्ने कम आता, परिस्थिति सरल आता ओसो लड़ाई ता तीव्रता कम आता।

लाल सेना ता हार बद चीज लोप्पा आंता? रणनीति ता दृष्टि ते “घेराव कीसि विनाश कियाना” अभियान ता खिलाफ जवाबी अभियान पूरा असफल आंता अस्केने हार मानेमायमूडांता, मति इद हार किन आंशिक ओसो अस्थाई मानेमायमूडांता। बारांकु इत्तेके गृहयुद्ध ता पूरा हार इत्तेके लाल सेना ता पूरा विनाश, मति इद्रम बस्केने आयो। विस्तृत आधार-क्षेत्र ता कैदल दायना ओसो लाल सेना ता स्थानान्तरण आयना आंशिक ओसो अस्थाई हरा आंता, आंशिक हार ते 90 प्रतिशत पार्टी-सदस्य, सैनिक ओसो आधार-क्षेत्र ता हत्तेकाई आखरी ओसो पूरा हार आयो आंता। माटु इद बदली किन मना रक्षात्मक कार्रवाई ता जारी रूप इंतोमा ओसो दुश्मन ता पेरके अरना आक्रमणात्मक कार्रवाई ता जारी रूप इंतोमा दूसरा हिसाब ते दुश्मन ता “घेराव कीसि विनाश कियाना” अभियान ओसो ताना खिलाफ मावा जवाबी अभियान लोप्पा माटु लड़ाई ता रक्षात्मक रूप पेरके ता आक्रमणात्मक रूप किन लागू किया परवोमा तीना विपरीत दुश्मन तोर आक्रमणात्मक कार्रवाई संगे मावा रक्षात्मक कार्रवाई किन भंग कितोर। इद्रम मावा रक्षात्मक कार्रवाई पेरके गुचता ओसो दुश्मन ता आक्रमणात्मक कार्रवाई मावा पेरके अरना रूप एतत्ता। मति लाल सेना उंदी पूना इलाका लोप्पा एवता अस्के मावा किआंगशी इलाका ओसो विभिन्न दूसरा जागा किन विड़ची शेनशी इलाका लोप्पा एवतोर, “घेराव कीसि ओसो विनाश कियाना” ता अभियान ता प्रक्रिया दोबारा शुरू आता। अदिन काजे माटु लाल सेना ता रणनीति ता दृष्टि ते पेरके गुचना शुरू आता। अदिन काजे लाल सेना ता रणनीति ता दृष्टि ते पेरके गुच्चना (लांग मार्च) रणनीतिक रक्षात्मक कार्रवाई ताए जारी रूप मत्ता ओसो दुश्मन ना रणनीति दृष्टि ते मावा पेरके अरना रणनीतिक आक्रमणात्मक कार्रवाई ताए जारी रूप मत्ता।

चीन ता गृहयुद्ध लोप्पा ओसो दूसरा सब्बे युद्ध लोप्पा, प्राचीन ओसो आधुनिक मत्तेकाई, चीन लोप्पा या दूसरा देश लोप्पा, लड़ाई ता रेंडु बुनियादी रूप मंदितांग-आक्रमणात्मक ओसो रक्षात्मक। चीन ता गृहयुद्ध ता विशेषता “घेराव कीसि विनाश कियाना” अभियान ओसो जवाबी अभियान ता प्रक्रिया बार-बार वांता वेल्ले समय एवनल ताकींता ओसो लड़ाई ता आक्रमणात्मक ओसो रक्षात्मक रूप लगातार उंदी पेरके उंदी वासोरे मंता, तीना लोप्पा सेना ता हजार किलोमीटर तुकू वेन्ने लम्बा महान रणनीतिक स्थानान्तरण (लांग-मार्च)¹⁵ वेन्ने शामिल मंता।

दुश्मन हारेमायना तुकू वेन्ने इदे अर्थ मंता। दुश्मन ता हार इत्तेके दुश्मन किन रणनीतिक हार ता सामना किया लागता, बस्के मनम “घेराव कीसि विनाश कियाना” अभियान किन नष्ट कींताओ ओसो मावा रक्षात्मक कार्रवाई आक्रमणात्मक कार्रवाई लोप्पा बदलेमांता, दुश्मन रक्षात्मक कार्रवाई ता सहारा एतिंता ओसो “घेराव कीसि विनाश कियाना” अभियान किन शुरू कियाना काजे सेना किन पुनर्गठित किया लागिंता। दुश्मन पूरा देश ता शासक मंतोर ओसो मनाकिनकु ज्यादा शक्तिशाली मंतोर, अदिन काजे दस हजार किलोमीटर तुकू ज्यादा जेक एवनल सेना ता रणनीतिक स्थानान्तरण किया लागो आंता। मति सेना ता आंशिक स्थानान्तरण (shift) वेन किया लागता। बस्के-बस्के इद्र ता घटनांग आतांग, उचुन आधार-क्षेत्र लोप्पा लाल सेना कैदे मत्ता गढ़कुनगडल दुश्मन दल मावा घेराबंदी किन तोड़े कीसि वित्तद मंता ओसो पूना आक्रमण संगठित कियाना काजे पांडरी इलाका लोप्पा हत्तोर। गृहयुद्ध मुन्ने हत्ता ओसो लाल सेना ओसो बेहरा सफलता वेन्ने दोरकी कित्ता, इद्रम ता घटनांग ओसो वेन्ने मंतांग। मति दुश्मन पक्ष लाल सेना दोरकी कित्ता सफलता लेक्काडा सफलतांग दोरकी किया परवो। बारांकु इत्तेके तानकिन जनताना समर्थन मन्नो आंता ओसो ताना अफसर ओसो सिपाही लोरा नड्मा एकता मन्नो आंता। लाल सेना वेल्ले समय ते स्थानान्तरण कित्ता लेक्का दुश्मन तोर वेन्ने कीतेके जरूर खत्म कियमूडांता।

1930 लोप्पा ली ली-सान ना कार्यदिशा ता कालम ते कामरेड ली ली-सान चीनी गृहयुद्ध दीर्घकालीन ताकींता इंजी समर्थन कित्तोर। बारांकु इत्तेके चीनी गृहयुद्ध ताकानस्केटा “घेराव कीसि विनाश कियाना” अभियान ओसो अविना हार वेल्ले समय एवनल बार-बार तासोर (अस्के एवनल इद्रम ता मूंड अभियान लोप्पा हुनान-किआंगशी सीमान्त क्षेत्र लोप्पा ओसो रेंडु अभियान फूच्येन लोप्पा ताकी कित्ताद मत्ता) मंता, इंदाना नियम किन पुनवा मत्तोर। अदिन काजे तुरंत क्रांति ता राष्ट्रव्यापी सफलता दोरकी कियाला काजे ओर लाल सेना किन ऊहान पोरो हमला कियाना ओसो राष्ट्रव्यापी सशस्त्र विद्रोह कियाना अनुमती हीतोर। इद्रम ओर “वामपंथी” अवसरवाद ता गलती कित्तोर।

अद्रमे 1931-34 लोप्पा वेन्ने “वामपंथी” अवसरवादीर किन इद नियम पोरो विश्वास हिल्ला मत्ता कि “घेराव कीसि विनाश कियाना” ता अभियानकु बार-बार आंतांग इंजी। हुपे-हनान-आनह्वेइ सीमान्त क्षेत्र लोप्पा उचुन जिम्मेदार कामरेड्स “सहायक सेना” ता सिद्धांत पेश कित्तोर। ओरा विचार “घेराव कीसि विनाश कियाना” ता तीसरी अभियान लोप्पा असफल आता पेरके क्वोमिंगतांग सेना केवल उंदी सहायक सेना बनेमाता ओसो लाल सेना पोरो ओसो हमला कियाला काजे मुख्य सेना ता रूप ते खुद साम्राज्यवाद किन मैदान ते वाया लागिंता। इद अनुमान पोरो आधार आसी लाल सेना ता रणनीति ऊहान पोरो हमला कियाना इंजी मत्ता। इद पोल्लो सैद्धांतिक रूप ते किआंगशी ता लाल सेना नानछांग पोरो हमला कियाना आवाहन कियाना कामरेड्स ना राय कलियंता। ओरु अलग-अलग आधार-क्षेत्र किन उंदी प्रदेश बने कियाना ओसो दुश्मन किन लोप्पा एवनल नेंगला हियाना कार्यनीति लागू कियाना ता विरोध कींतोर। ओरु बदे इलाका लोप्पा सफलता दोरकी कियाना आधार अदे राजधानी ओसो दूसरा केंद्रीय नगर पोरो अधिकार कियाना आंदू इंजी समझेमायोर, ओसो इदिना पोरो विश्ववास कियानोर “घेराव कीसि ओसो विनाश कियाना” ता पांचवीं अभियान ता खिलाफ लड़ाई क्रांतिकारी हर्दे ओसो औपनिवेशिक हर्दा नडमा ता निर्णायक लड़ाई आंदू। इद “वामपंथी” अवसरवाद अद

गलत कार्यदिशा ता स्रोत मत्ता, इदिन हुपे-हनान- आनह्वेइ सीमान्त क्षेत्र लोप्पा “घेराव कीसि विनाश कियाना” चौथी अभियान ता खिलाफ संघर्ष लोप्पा लागू कीतद मत्ता ओसो किआंगशी ता केंद्रीय क्षेत्र लोप्पा “घेराव कीसि विनाश कियाना” ता जोरदार अभियान ता मुन्ने लाल सेना प्रतिकूल परिस्थिति लोप्पा अरता ओसो चीनी क्रांति किन वेल्ले नुक्सान आता।

इद विचार लाल सेना किन बदे वेन्ने परिस्थिति ते रक्षात्मक तरीका लागू कियानायो इंजी, प्रत्यक्ष रूप ते अदे “वामपंथी अवसरवाद संगे कलियसी मत्ता, ओर “घेराव कीसि विनाश कियाना” ता अभियान बार-बार ताकि कींतोर, इंदाना पोल्लो तल इनकार किंतोर, ओसो इद विचार वेन्ने बिल्कुल गलत मत्ता।

क्रांति या क्रांतिकारी युद्ध आक्रमणात्मक मंदिता - इद प्रस्थापना जरूर उंदी हिसाब ते सही मंता। तना पुट्टनागडल ओसो विकास ता पूरा प्रक्रिया लोप्पा- सुडला तल बेहरा आयना एवनल, राजनीतिक सत्ता हिल्वास्केडल राजनीतिक सत्ता पोरो अधिकार कियाना एवनल, लाल सेना हिल्वा अस्केडल लाल सेना ता निर्माण एवनल ओसो क्रांतिकारी आधार-क्षेत्र हिल्वास्केडल अविना स्थापना एवनल- उंदी क्रांति या क्रांतिकारी युद्ध किन हमेशा आक्रमणात्मक बने मासि मंदना ओसो अद रूढ़िवाद (conservative) इसाब ते मंदना आयो ओसो रूढ़िवादी रुझानकुना विरोध कियाना।

केवल इद प्रस्थापना (proposition) - क्रांति या क्रांतिकारी युद्ध आक्रमणात्मक मंदिता मति रक्षा कियाना ओसो पेरेके गुचना वेन्ने ताना लोप्पा शामिल मंदिता इंजी पूरा सही मंता। आक्रमण कियाना काजे रक्षा कियाना, मुन्ने दायला काजे पेरेके गुचना, मुन्ने हमला कियाला काजे उंदी बगिल तल हमला कियाना ओसो सीधा दायला काजे टेढ़ामेढ़ा दायना-वेल्ले विकास ता प्रक्रिया लोप्पा, ओसो खास रूप ते सेना ता गतिविधि लोप्पा इद्रमता घटनांग जरूर आंतांग।

पोरोटा रेंडु प्रस्थापनांग लोप्पा पहली प्रस्थापना राजनीतिक दृष्टि ते सही आया परिंता, मति फौजी क्षेत्र लोप्पा लागू कियाना गलत आंता। इदे

आयवा अद केवल उंदी परिस्थिति लोप्पाने (क्रांति मुन्ने दायनस्के) राजनीतिक रूप ते सही आंता, ओसो दूसरा परिस्थिति लोप्पा (क्रांति पेरके गुचनास्के, पूरा पेरके गुचना, 1906 लोप्पा रूस लोप्पा आता लेक्का,¹⁶ ओसो 1927 लोप्पा चीन लोप्पा आता लेक्का, आंशिक रूप ते पेरके गुचना, 1918 लोप्पा ब्रेस्त-लितोव्स्क संधी¹⁷ समय ते आसी मत्ता) अद गलत साबित आंता। केवल दूसरा प्रस्थापनाए पूरा रूप ते सही आंता। 1931-34 ता “वामपंथी” अवसरवाद, अद रक्षात्मक फौजी तरीका काम लोप्पा इस्तेमाल कियाना यांत्रिक तरीका ते विरोध किताद मत्ता, केवल उंदी बचकाना (infantile) विचार मत्ता।

उंदी पेरके-उंदी “घेराव कीसि विनाश कियाना” अभियान ताकना बस्के बंद आयर? नावा हिसाब ते गृहयुद्ध लंबा ताकसोरे मत्तेके इद सिलसिला दुश्मन ता ओसो मावा तुलनात्मक ताकत लोप्पा बुनियादी बदलाव आयाना जोम रोमो आंता। उंदी बेरा लाल सेना दुश्मन तुकू ज्यादा शक्तिशाली आंता, इत्तेके इद अभियान ता सिलसिला बंद आंता। अस्के माटु दुश्मन किन घेरे कीतोम ओसो तान किन खत्म कीतोम, ओसो दुश्मन किन जवाबी अभियान ताकी किया लागियरा। मति राजनीतिक ओसो फौजी परिस्थिति ना कारण ते दुश्मन किन मौका इद मौका दोरको आंता, अद तन्ना जवाबी अभियान लोप्पा लाल सेना लेक्काटा परिस्थिति दोरकी किया परवो आयर। अस्के “घेराव कीसि विनाश कियाना” अभियान ओसो जवाबी अभियान ता सिलसिला पूरा खत्म आयवेकाई, आम तौर ते खत्म आयर इंजी माटु वेल्ले विश्वास संगे वेहा परिंतोम।

अध्याय-5

रणनीतिक रक्षा

इदिना हैंडिंग लोप्पा इव समस्यांग पोरो विचार कियाकनः 1. सक्रिय रक्षा ओसो निष्क्रिय रक्षा; 2. “घेराव कीसि विनाश कियाना” अभियान ता मुकाबला कियाना तैयारी; 3. रणनीतिक दृष्टि ते पेरके गुचना; 4.

रणनीतिक प्रत्याक्रमण; 5. प्रत्याक्रमण शुरू कियाना समस्या; 6. सेना ता केंद्रीकरण ता समस्या; 7. चलायमान लड़ाई; 8. तुरंत निर्णय ता लड़ाई; ओसो 9. विनाश ता लड़ाई।

शुरूआत ते माटु रक्षा ता चर्चा बारांकु कीतोम? 1924-27 ता प्रथम राष्ट्रीय संयुक्त मोर्चा ता असफलता पेरेके चीनी क्रांति वेल्ले गंभीर ओसो निर्मम वर्ग-युद्ध ता रूप एतता। दुश्मन पूरा देश ता शासक मंदितोर, मति मावागा केवल सुडला सेना मत्ता। बारांकु इत्तेके शुरू तले माटु दुश्मन ता “घेराव कीसि विनाश कियाना” अभियान खिलाफ लडेमासोरे मत्तोमा मावा आक्रमण ता घनिष्ठ संबंध इव अभियान किन खत्म कियाना कोशिश ते मत्तांगा। मावा भविष्य पूरा इदिन पोरो ने निर्भर आसी मंता इद्रम कियाना लोप्पा माटु सफल आंतोमा आयोमा। इव अभियान किन खत्म कियाना प्रक्रिया आम रूप ते चक्करदार (बार-बार वासोरे मंता अनु.) मंदिता ओसो मावा इच्छा अनुसार सीधा बनेमायो आंता। मावा पहली ओसो सबसे गंभीर समस्या मना ताकत किन बद्रम सुरक्षतिक तासना ओसो दुश्मन किन हारे कियाना मौका बद्रम दोरकी कियाना। इद्रम लाल सेना ता कार्रवाई लोप्पा रणनीतिक रक्षा सबसे पेचीदा ओसो सबसे महत्वपूर्ण समस्या आंदू।

मावा युद्ध ता दस साल लोप्पा रणनीतिक रक्षा ता सवाल पोरो रेंडु भटकाव हमेशा आतांगः उंदी दुश्मन किन कम आल्सना ओसो दूसरा दुश्मन तल वेरियाना।

दुश्मन किन कम आल्सना कारण ते वेल्ले छापामार दस्ता किन हारेमाया लागता ओसो लाल सेना दुश्मन ता “घेराव कीसि विनाश कियाना” अभियानकिन नष्ट किया परवो आता।

मुन्ने क्रांतिकारी छापामार दस्तांग बनेतामास्के, ताना नेता लोर हमेशा दुश्मन ता ओसो मना परिस्थिति किन सही तरीका ते आंकलन किया परवोर आयामनोर। बारांकु इत्तेके बदे जागा ते अचानक सशस्त्र विद्रोह कियाना ओसो पांडरी सेना लोप्पा बगावत कियाना लोप्पा सफल आयामनोर, ओर केवल अस्थाई अनुकूल परिस्थिति किने हूडानोर, ओसो नाजुक परिस्थिति मत्तेकाई चीने माया परवोर आयानोरः अदिन काजे ओर

हमेशा दुश्मन किन कम आलिससी आंकलन कियानोर। इदे आयवा ओरू तन्ना कमजोरिंग (अनुभव ता कमी ओसो सेना सुडला मंदाना) किन पुनवा मंदानोरा। वस्तुगत स्थिति बाता मत्ता इत्तेके दुश्मन मजबूत मत्तोर, माटु कमजोर मत्तोमा मति उचुन मुल इदिना बारे विचार कियाला आल्सोर, रक्षा ओसो पेरके गुचना किन नजरअंदाज कीसि केवल आक्रमण ता पोल्लोग कियानोर, इद्रम रक्षा ता बारे ते मानसिक रूप ते खुद किन निःशस्त्र कियनोर ओसो तन्ना कार्रवाई किन गलत दिशा ते ओयनोरा अदिन काजे वेल्ले छापामार दस्ता हारेमातांग।

लाल सेना दुश्मन ता “घेराव कीसि विनाश कियाना” अभियान किन खत्म किया परवो, तीना उदाहरणः क्वांहतुंघ ता हाएफांग-लुफंग इलाका लोप्पा लाल सेना 1928 ते हारेमाता,¹⁸ ओसो 1932 लोप्पा दुश्मन ता खिलाफ चौथी जवाबी अभियान लोप्पा हुपे-हनान-आनह्वेइ सीमान्त क्षेत्र लोप्पा लाल सेना इद क्वोमिंगतांग सेना केवल उंदी सहायक सेना आंदू इंदाना सिद्धांत ता कारण ते लाल सेना ता कार्रवाई कियाना पहलकदमी कमजोर आता।

दुश्मन तुकू वेरियना कारण ते मना किन नुक्सान आता, इदिना वेल्ले उदाहरणकु मंतांग।

बोर दुश्मन किन कमजोर आलिसंतोर, ओरा उल्टा उचुन मुल बेर्सी कीसि आंकलन कींतोर ओसो खुद किन वेल्ले कम आलिसंतोर। अद्रमासी ओर पेरके गुचना नीति लागू कींतोर, मति इदिना जरूरत हिल्वा मत्ता, ओसो रक्षा ता बारे ते वेन्ने मानसिक रूप ते तनकिन हथियार हिल्वप किंतोर। अदिन काजे छापामार दस्ता हारेमायनदु या उचुन अभियानकु लोप्पा लाल सेना हारेमायनदु, अनि बदे आधार-क्षेत्र ताना कैदे मन्नो आयनदु।

आधार-क्षेत्र कैदल दायना उदाहरण “घेराव कीसि विनाश कियाना” ता खिलाफ पांचवीं जवाबी अभियान लोप्पा किआंगशी ता केंद्रीय आधार-क्षेत्र मना कैदल हत्ता। इद गलती दक्षिणपंथी दृष्टिकोण ता कारण ते आता। नेता लोर दुश्मन तल डुव्वल तल वेरियता लेक्का वेरियंतोर। ओर

हर जागा तन्ना रक्षा ता तैयारी कितोर ओसो उंदी पेरके उंदी रक्षात्मक कार्रवाई कितोर। दुश्मन ता पृष्ठभाग पोरो हमला कियाना हिम्मत कीवोर, ताना फायदा माकिन आयनदु। ओर हिम्मत कीसि दुश्मन किन चकमा हीसी घेराव कीसि ओर किन पूरा खत्म कियाना इंजी राज्य लोप्पा जेक एवनल नेंगला हीतोर। अदिन काजे पूरा आधार क्षेत्र हत्ता ओसो लाल सेना किन 12,000 किलोमीटर तुकू ज्यादा लम्बा अभियान शुरू किया लागता। मति इद्रम ता गलतिंग हमेशा दुश्मन किन कम आल्सना “वामपंथी” गलती आंता। 1932 लोप्पा केंद्रीय नगर पोरो हमला कियाना फौजी दुस्साहसवादी गलती आता, अदे मुन्ने हंजी दुश्मन ता “घेराव कीसि विनाश कियाना” पांचवीं अभियान ता मुकाबला कियाना लोप्पा निष्क्रिय (passive) रक्षा कियाना कार्यदिशा लागू कियाना मूल कारण बनेमाता।

दुश्मन तल वेरियाना सबसे बेहरा उदाहरण पेरके गुचना सिद्धांत ता “चांग क्वो-थाओ कार्यदिशा” मत्ता। पीली नदी ता पश्चिम बगिल लाल सेना ता चौथी मोर्चा-सेना ता पश्चिम कालम ता पराजय¹⁹ अद कार्यदिशा ता पूरा दिवालियापन ता चिन्हा आंदू।

सक्रिय (Active) रक्षा किन आक्रमणात्मक रक्षा ओसो निर्णायक लड़ाईग काजे कियाना रक्षा वेन्ने इंतोर। निष्क्रिय रक्षा किन विशुद्ध रक्षात्मक रक्षा लेवेके शुद्ध रक्षा वेन्ने इंतोर। निष्क्रिय रक्षा असल ते उंदी नकली रक्षा मंदिता, ओसो सक्रिय रक्षाए असल ते रक्षा आंता, प्रत्याक्रमण कियाना ओसो आक्रमण कियाना काजे रक्षा आंता। नन्ना पुत्ताच्चोन बोर रणनीति ओसो कार्यनीति क्षेत्र लोप्पा निष्क्रिय रक्षा ता विरोध किवोर इद्रमता बदो प्राचीन कालम ओसो आधुनिक कालम लोप्पा, चीन लोप्पा या दूसरा जागा ते, बदे महत्वपूर्ण फौजी पुस्तक, बोरे समझदार फौजी विशेषज्ञ हिल्लेर। पागल लेवेके मूर्ख मानेये निष्क्रिय रक्षा किन बेस आल्संतोर। मति दुनिया लोप्पा इद्रम ता पोल्लोंग कियाना मानेय वेन्ने मंतोर। इद युद्ध ताकनास्के कियाना उंदी गलती आंदू, इद फौजी समस्या लोप्पा रूढ़िवाद ता अभिव्यक्ति मंता, मनाकिन ताना दृढ़ता संगे विरोध कियाना।

जर्मनी ओसो जापान लेक्काटा पूना ओसो जल्दी-जल्दी विकसित आयाना साम्राज्यवादी देशकुना फौजी विशेषज्ञलोर ढोल फाईसि रणनीतिक आक्रमण ता फायदा ता पाटा पारींतोर ओसो रणनीतिक रक्षा ता निन्दा कींतोर। इद्रम ता विचार चीन ता क्रांतिकारी युद्ध काजे बिल्कुल सही आयो। इद्रम ता फौजी विशेषज्ञ लोर रक्षात्मक लड़ाई ता सबसे बेहरा गलती लोकर किन उत्साहित कियाना विड़सी ओरकिन निरुत्साहित कींता इंतोर। मति इद केवल वर्ग-अंतरविरोध तेज आसी मत्ता देशकुना लोप्पा ने लागू आंता ओसो युद्ध तल सिर्फ प्रतिक्रियावादी शासक तबका ओसो सत्ताधारी प्रतिक्रियावादी ग्रुप किन फायदा आंता। माटु उत्पीड़न ओसो आक्रमण ता शिकार मंतोम, अदिन काजे क्रांतिकारी आधार-क्षेत्र ता रक्षा कियाना ओसो चीन ता रक्षा कियाना नारांग किन पोयसी माटु जनता ना सबसे बेहरा हिस्सा किन उंदी आसी लड़ेमायाना काजे गोलबंद किया परितोम। गृहयुद्ध ताकनास्के सोवियत संघ ता लाल सेना वेन्ने रक्षात्मक कार्रवाई ता रूप एतसी तन्ना दुश्मन किन हारे कित्ता। साम्रज्यवादी ताकतकु पांडरी तत्व किन हमला काजे संगठित कित्तास्के, सोवियत संघ सोवियत रक्षा ता नारा हीसी युद्ध ताकी कित्ता; अक्तूबर विद्रोह ता तैयारी आयनास्के वेन्ने राजधानी ता रक्षा कियाना ता नारा हिंसी फौजी जत्थेबंदी कित्ताद मत्ता। हर न्यायपूर्ण युद्ध लोप्पा रक्षात्मक कार्रवाई राजनीतिक रूप ते गैर मंदानोरकिन केवल परेशाने कीवो आंता, जनता ना पेरके अरता हिस्सांग किन वेन्ने युद्ध लोप्पा शामिल आयला काजे गोलबंद कींता।

मार्क्स इंतोर, उंदी बेरा सशस्त्र विद्रोह शुरू कीतोम इत्तेके मना आक्रमण किन उचुन वेन्ने रोमी कियानायो।²⁰ इत्तेके जन-समुदाय विद्रोह कीसि अचानक दुश्मन पोरो अरिंता, अस्के प्रतिक्रियावादी शासक लोरकिन तना राजनीतिक सत्ता किन बचे कियाला ओसो तानकिन दोबारा हासिल कियाना मौकाए हियानायो। तानकिन अद मौका ता फायदा एतसी राष्ट्र ता प्रतिक्रियावादी शासक ताकत किन तैयार आयना मुन्ने ने हारे कीसियना। तानकिन तन्ना सफलता ते खुश आसी उदला हियानायो,

दुश्मन किन कम आल्सनायों, दुश्मन पोरो हमला कियाना लोप्पा कमजोरी तोहनायों, या मुन्ने दायना लोप्पा पेरेके मुन्ने आयानायो ओसो दुश्मन किन खत्म कियाना मौका किन कैदल दायला हियानायो, अनि इद्रम क्रांति किन असफल आयला हियानायो। इदे सही आंदू। मति इद्रम इत्तेके माट्टु क्रांतिकारी लोरकिन दुश्मन संगे जूझेमायनास्के, दुश्मन कैदे अरतास्के या दुश्मन माकिन दबे किया मंतोर अस्के वेन्ने रक्षात्मक तरीका किन लागू कियानायो इंजी आयो। बोर इद्रम आल्संतोर, ओर पक्कए बकवल मानेय आंदूर।

कुलमिले कीसि मावा मुन्नेटा युद्ध क्वोमिंगतांग “घेराव कीसि विनाश कियाना” ता विरुद्ध उंदी आक्रमणात्मक युद्ध मत्ता, मति फौजी दृष्टिकोण ते दुश्मन ता “घेराव कीसि विनाश कियाना” ता अभियान किन नष्ट कियाना रूप एतित्ता।

फौजी शब्दावली लोप्पा मावा लड़ाई बार-बार रक्षात्मक ओसो आक्रमणात्मक रूप एतित्ता। मावा काजे अद्रम आतेकाई मावा लड़ाई ता आक्रमणात्मक रूप ताना रक्षात्मक रूप ते पेरेके वातेकाई मुन्ने वातेकाई बातल आयो। बारांकु इत्तेके मुख्य पोल्लो “घेराव कीसि विनाश कियाना” अभियान किन खत्म कियाना इंजी मंता। लड़ाई ता रूप “घेराव कियाना ओसो विनाशा कियाना” अभियान बस्के एवनल खत्म आयना जोम रक्षात्मके मंदिता। “घेराव कियाना ओसो विनाशा कियाना” अभियान किन कित्ता पेरेके अद आक्रमणात्मक रूप एतित्ता। पोरो वेहता रेंडासी पोल्लोंग उंदी चीज ता रेंडु मंजिल आंदुंग; ओसो दुश्मन ता इद्रम ता उंदी अभियान पेरेके तुरंत दूसरा अभियान शुरू आंता। इव रेंडु मंजिलकु ना लोप्पा रक्षात्मक मंजिल आक्रमणात्मक मंजिल तुकू ज्यादा कठिन ओसो ज्यादा महत्वपूर्ण मंदिता। अदिना लोप्पा “घेराव कीसि विनाश कियाना” अभियान किन खत्म कियाना वेल्ले समस्यांग वांतांग। इगा सक्रिय रक्षा किन महत्व हियाना ओसो निष्क्रिय रक्षा का विरोध कियाना बुनियादी सिद्धांत मंदिता।

गृहयुद्ध लोप्पा लाल सेना दुश्मन तुकू ज्यादा शक्तिशाली आतास्के, रणनीतिक रक्षा ता जरूरत मन्नो आयार। अस्के मावा केवल उंदे नीति मंदियर, अद रणनीतिक आक्रमण। इद्रम ता बदलाव दुश्मन ता ओसो मावा तुलनात्मक ताकत लोप्पा नालुंग बगिल ता आता बदलाव पोरो आधार आसी मंदियर। अस्के पिसिस मत्ता बाकी ता रक्षात्मक तरीकांग केवल आंशिक मंदानूंग।

2. “घेराव कीसि विनाश कियाना”

अभियानकुना मुकाबला कियाना तैयारी

दुश्मन ता “घेराव कीसि विनाश कियाना” उंदी योजनाबद्ध अभियान ता खिलाफ माटु जरूर ओसो सही तैयारी कीवेके माटु अनिवार्य रूप ते उंदी निष्क्रिय परिस्थिति ते अरिंतोम। जल्दी-जल्दी ते लड़ाई लड़ेमातेके जीड़मूड़ायो। अदिन काजे दुश्मन तन्ना “घेराव कीसि विनाश कियाना” अभियान ता तैयारी किया मंतोर, अस्केने मनम ताना खिलाफ जवाबी अभियान ता तैयारी कियाना वेल्ले जरूरी मंता। इद्रम ता तैयारी ता विरोध कियाना, उंदी कालम ते मावा रैक लोप्पा मंदाना उचुन मुल कित्ता लेक्का आंता, इद बिल्कुल कव्वना ओसो पेकोरा लेक्का पोल्ता मंता।

इगा उंदी कठिन समस्या मुन्ने वांता, ताना पोरो हल्कोए वाद-विवाद शुरू आया परिंता। समस्या: माटु मना आक्रमण मारी कीसि “घेराव कीसि विनाश कियाना” अभियान ता खिलाफ मना जवाबी अभियान ता तैयारी बस्के शुरू कियाना? माटु जीड़नासोरे आक्रमणात्मक लड़ाई किया मंतोम अस्के ओसो दुश्मन रक्षात्मक लड़ाई किया मंतोर अस्के, इत्तेके अद “घेराव कीसि विनाश कियाना” दूसरा अभियान काजे गुप्त रूप ते तैयारी कीसोरे मंतोर, अद्रमासी मावा काजे दुश्मन ता हमला बस्के शुरू आंता इंजी पुंदाना मुश्किल आंता। माटु जवाबी अभियान ता तैयारी वेल्ले जल्दी शुरू कींतोम इत्तेके मावा आक्रमण ता फायदा जरूर कम दोर्किता, ओसो बस्के-बस्के लाल सेना ओसो जनता पोरो ताना गलत प्रभाव वेन्ने अरा परिंता। बारांकु इत्तेके तैयारी ता मंजिल मुख्य मंदिता पेरके गुचना काजे

फौजी तैयारी कियाना ओसो राजनीतिक रूप ते सेना ओसो जनता किन गोलबंद कियाना। बस्के-बस्के माटु तैयारी वेल्ले जल्दी किसींतोम अस्के माकिन दुश्मन ता हरीं हूडा लागिंता; वेल्ले कालम एवनल हरीं हूडता पेरेके वेन्ने दुश्मन दिसोर आंतोर, अस्के मावा हमला शुरू कियाना विडसी बदे हरीं मन्नो आंता। बस्के-बस्के मावा पूना हमला इंजे शुरूए आंता अस्केने दुश्मन तन्ना हमला शुरू कींतोर ओसो माटु कठिन परिस्थिति लोप्पा वांतोमा। अदिन काजे मना तैयारी शुरू कियाना काजे सही समय चुने कियाना उंदी महत्वपूर्ण समस्या आंदू। मना ओसो दुश्मन ता परिस्थिति ओसो इविना आपसी सम्बंधकुना अनुसार सही समय ता निर्णय कियाना। दुश्मन ता परिस्थिति किन समझे मायला काजे माकिन ताना राजनीतिक, फौजी ओसो वित्तीय परिस्थिति ना बारे ते ओसो ता राज्य लोप्पा लोकमत ता अवस्था ता बारे ते सामग्री जमा कियाना। इद्रम ता सामग्री ता विश्लेषण कियानास्के माकिन दुश्मन ता पूरा ताकत पोरो वेल्ले ध्यान हियाना। ताना मुन्नेटा विफलतांग किन वेल्ले बेसीं कीसि हूडानायो; संगेने माकिन ताना लोप्पाटा अंतरविरोध कु, ताना वित्तीय मुश्किलकु, ताना मुन्नेटा विफलतांग ना प्रभावकुना पोरो वेन्ने ध्याना हियाना। मावा बारे ते मना किन मना मुन्नेटा सफलतांग किन बेसीं कीसि हूडानायो, मति संगेने अविना प्रभाव किन वेन्ने पूरा ध्यान ते तासना।

तैयारी शुरू कियानास्के तैयारी किन लेट किवा लेवा, जल्दी तैयारी कियाना इंजी सलाह हियमूडांता। बारांकु इत्तेके वेल्ले लेट तैयारी कियाना तुकू जल्दी तैयारी कियाना तल कम नुक्सान आंता, ओसो तैयार मत्तेके दुर्घटना आयो आंता ओसो बुनियादी रूप ते अजेय परिस्थिति ते मंतोमा।

लाल सेना ता पेरेके गुचना ता तैयारी इत्तेके मनाकिन पेरेके गुचना काजे सही मंदाना दिशा ते मुन्ने दायना पोरो ध्यान हियाना, अद वेल्ले मुन्ने ओसो पक्काए दोगनायो। दुश्मन ता जोरदार हमला शुरू आयना मुन्ने नियमित लाल सेना किन इद तरीका तुन जरूर इस्तेमाल कियाना। इद्रम आतास्के मुख्य रूप ते लाल सेना किन रणभूमि तैयार कियाना, सामान

जमा कियाना ओसो सेना ता प्रसार ओसो प्रशिक्षण कियाना योजना पोरो ध्यान हियाना।

राजनीतिक रूप ते सेना ओसो जनता किन गोलबंद कियाना “घेराव कीसि विनाश कियाना” ता खिलाफ जवाबी अभियान लोप्पा मुन्नेटा महत्वापूर्ण समस्या आंदू। दूसरा हिसाब ते माकिन स्पष्ट रूप ते, दृढ़ता ते ओसो पूर्ण रूप ते लाल सेना ता सैनिक लोरकिन ओसो आधार-क्षेत्र ता जनता किन वेहाना कि दुश्मन ता हमला अनिवार्य रूप ते ओसो जल्दीए आंता, ओसो जनता किन गंभीर आयर। संगेने माकिन दुश्मन ता कमजोरी, लाल सेना ता अनुकूल परिस्थितिंग, सफलता काजे मावा अजेय मनोबल, मना कार्य दिशा, लेक्काटविन वेन्ने वेहाना। “घेराव कियाना ओसो विनाश कियाना” अभियान ता खिलाफ ओसो आधार-क्षेत्र ता रक्षा काजे संघर्ष कियाना काजे मनम लाल सेना ओसो पूरा जनता ना आवाहन कियाना। फौजी महत्व ता गुप्त पोल्लोंगे आयवा राजनीतिक रूप ते सेना ओसो जनता किन गोलबंद कियाना काम केवल खुलेआम कियानाए आयो, परताचोन व्यापक रूप ते कियाना अस्केने क्रांतिकारी काम ता सब्बे आया परताचोन समर्थक लोरगा एवनल एवसी कियाना। इगा कार्यकर्ता लोर किन समझे कियाना मुख्य कड़ी मंदिता।

पूना सैनिक भर्ती कियानास्के रेंडु पोल्लोंग पोरो ध्यान हियाना: 1. जनता ना राजनीतिक चेतना ता स्तर ओसो आबादी ता परिस्थिति पोरो ध्यान हियाना; 2. लाल सेना ता वर्तमान परिस्थिति पोरो ध्यान हियाना ओसो पूरा जवाबी अभियान ताकनास्के लाल सेना ता नुक्सान बचोन आयना सम्भावना मंता इंजी आल्साना।

वित्त ओसो तिंदाना समस्या जवाबी अभियान काजे वेल्ले महत्वपूर्ण मंता। माकिन इद सम्भावना किन ध्यान ते तासना कि दुश्मन तना अभियान ता समय बेरसी किया परिंता। जवाबी अभियान ता पूरा कालम मुख्य रूप ते लाल सेना ता ओसो क्रांतिकारी आधार-क्षेत्र ता जनता ना अल्पमत भौतिक जरूरत बाता मंता, ताना अंदाजा वेन्ने कियाना जरूरी मंता।

राजनीतिक रूप ते बहारी तत्वकुनगडल सतर्क हिल्ला मंदाना सही हिल्ले, मति ओरा विश्वासघात किंतोर इंजी जरूरत तुकू ज्यादा डाउट कियानायो। ओसो अविना बारे ते जरूरत तुकू ज्यादा सतर्क मंदाना तरीका ता वेन्ने इस्तेमाल कियानायो। जर्मीदार, व्यापारी ओसो धनी किसान लोरा नडमा भेद कियाना। मुख्य रूप ते ओरकिन राजनीतिक रूप ते मना नीति समझे कियाना ओसो ओरकिन उंदी बगिल कियाना, आम जनता किन ओरा पोरो कोंडा तासा इंजी संगठित कियाना। उचुन सबसे खतरनाक मंदितोर, केवल ओरा काजेने गिरफ्तारी लेक्काटा कठिन तरीका ता इस्तेमाल कियाना।

“घेराव कीसि विनाश कियाना” अभियान ता मुकाबल कियाना लोप्पा माकिन बचोन सफलता दोरकींता, इद घनिष्ठ रूप ते तैयारी ता मंजिल लोप्पा माटु बचोन काम पूरा कींतोम इंदाना पोल्लो ता संबंधित मंता। दुश्मन किन कम आल्साना कारण ते तैयारी ता काम कमजोर कियाना ओसो दुश्मन ता हमला ता वेरीं ते परेशान आयाना- इव रेंडासी रुझान गलत मंतांग ओसो अविना दृढ़ता संगे विरोध कियाना। माकिन गिर्दा मंदानोर मति आल्सनोर ओसो जोश मंदानोर मति सही हिसाब ते काम कियनोरा जरूरत मंता।

3.रणनीतिक दृष्टिकोण हिसाब ते पेरके गुचना

रणनीतिक दृष्टिकोण हिसाब ते पेरके गुचना उंदी योजनाबद्ध रणनीतिक कार्रवाई आंदू बदे कमजोर मंदना सेना तानकिन मजबूत मंदना सेना ता आक्रमण किन तुरंत नष्ट किया परनास्के, अद तना ताकत किन सुरक्षित तासला काजे ओसो दुश्मन किन हारे कियाना मौका दोरकी कियाला इद कार्रवाई कींता। मति फौजी दुस्साहसवादी इदिना कड़ा विरोध कींतोर ओसो “दुश्मन किन देश ता बाहरे रोमी कियाना।” इंदाना ता समर्थन कींतोर।

इरवुर कुशती कियाना मानेय लड़ेमायनास्के ओर इरवुर लोप्पाडल चालू मंदानोर शुरू ते पेरके गुचिंतोर, अनि दूसरोर बकवल आसी जोरशोर

ते मुन्ने वासी उंदे बेरा पूरा ताकत वाटितोर इंदाना माटु सब्बेतोराम पुत्तोमे। नतिजा बातल आंता इत्तेके इचुन पेरके गुचना माने तना संगे लड़ेमायनोर किन हारे कितोर।

“श्वेइ हू च्वान” पोरोल ता उपन्यास लोप्पा हुंग पोरोल ता ड्रिल-मास्टर छाए चिन ना लोते लिन छुंग किन लड़ेमायला काजे केयतोर। ओर बार-बार जोर-जोर ते केया मंतोर: “वाय, वाय, वाय!” पेरके गुचनास्के हुआ लिन छुंग आखिर ते तना कमोजर जागा तुन पहचान कितोर ओसो ओनकिन उंदी लाता वाटकिस मुट्टि कीसितोर ²¹

वसंत ओसो इरंगम कालम ते लू राज्य ओसो छी राज्य²² ता नड़मा लड़ाई ताकसोरे मत्ता। लू राज्य ता सामंत च्वांग बातल योजना बनाकितोर इत्तेके छी राज्य ता सेना पोरो ओरा दोगवा मुन्ने ने हमला कियाना। मति छाओ क्वेइ इद्रम आयला हीवोर। ताना बदला ते ओर “दुश्मन किन दोगला हीमूट, पेरके ओरा पोरो हमला कीमूट” इंदाना कार्यनीति लागू कीसि छी राज्य ता सेना किन हारे कितोर। चीन ता युद्ध-इतिहास लोप्पा इद लड़ाई कमजोर सेना तना ताकवर दुश्मन किन बद्रम हारे किया परिता इंदाना काजे उदाहरण बनेमाता। इतिहासकार च्वोछ्यू मिंग²³ इद घटना ता दोड़ रास्ता लेक्का वर्णन कीतोर:

वसंत कालम लोप्पा छी राज्य ता सेना मावा पोरो हमला कित्ता। सामंत लड़ेमासी मनवड़ा। छाओ क्वेइ ओरकिन कलियसी पूछेमातोर। ओरा पड़ोसी लोर इत्तोर: “युद्ध हवी तिंदाना पदाधिकारी लोरा काम आंदू, माटु ताना लोप्पा बारांक नेंगना? छाओ जवाब हीतोर:” “हवदी तिंदना पदाधिकारी लोरा बकवाल मंदितोर, ओर मुन्ने दायला काजे योजना बने किया परवोर।” अदिन काजे ओर सामंत लोरकिन कलियाला वात्तोर। ओर पूछेमातोर: “मीटु बदिना पोरो आधार आसी लड़ेमायकिर?” सामंत जवाब हीतोर, “न्ना नावा तिंदना-उंडना, गेतलेंग आदि जमा कीयलाए काम कीवोम, दूसरोर किन वेन्ने भागिदार बने कीताना।” छाओ इत्तोर, “इचुनता दान पूरा दुनिया काजे हालो आंता, जनता नीवा संगे जुड़े माया परवो।” सामन्त जवाब हीतोर, “ नन्ना देवता लोरकिन बलि, जेड, रेशम

कपड़ा हियना काजे बस्के कमी कित्ताद हिल्ले। अदिन काजे नावा विश्वास अटूट मंता।” छाओ इत्तोर, “ इद्र अचुनता दान संगे आस्था पुट्टो। देवता लोर नीवा पोरो कृपा किवोरा।” सामन्त इत्तोर, “सब्बे सुडला-बेहरा समस्यांग लोप्पा नावा काजे व्यक्तिगत रूप ते हर बारीकी पोरो ध्यान हियाना सम्भव हिल्ले, मति नन्ना हमेशा सच्चाई कुना मांग कीताना।” अस्के छाओ इत्तोर, “अद्रम इत्तेके निम्मा नीवा जिम्मेदारी निभे कीतीना। निम्मा युद्ध कियाना लोप्पा समर्थ मंतिना। निम्मा युद्ध कीतेके, नन्ना नीवा संगे मंताना।” छाओ ओसो सामन्त उंदे रथ पोरो उदसी पेस्तोरा। छांगशाओ लोप्पा युद्ध आता। योद्धा लोरा हमला कियाला काजे सामन्त हक्कुम नेकी कीसोरे मत्तोर अस्के छाओ इत्तोर, “इंजे माटु वेन्ने हक्कुम नेकी किया परितोम” अस्के सामन्त ना सेना छी राज्य ता सेना ता पेरके अरतोरा जीड़ता पेरके सामन्त छाओ किन पूछेमातोर - ओर इद्रम ता सलाह बारांकु हीतोरा। छाओ समझे कित्तोर, “युद्ध हिम्मत पोरो निर्भर आंता। मुन्ने हक्कुम ता आवाज संगे हिम्मत बेसिंता, दूसरा पोरो घटे मांता ओसो तीसरा पोरो खत्म आंता। दुश्मन ता हिम्मत खत्म आंता अस्के वेन्ने मावा हिम्मत कम आयो। अदिन काजे सफल आतोमा मति बेहरा राज्य ना योजनांग किन समझेमायना मुशिकल आंता। हर्दे एम्बुस उदसी हमला कियाना योजना पंडतोर बहे इंजी नाकिन वेरी वेसी मत्ता। मति नन्ना वेरियसी मत्तान कि दुश्मन ता रथ-चिन्ह लेस्तद मंता ओसो जेक एवनल हूड़तेके इद्रम समझेमाता - दुश्मन ता झंडा दोड़ अरताद मंता, अस्के नन्ना पेरके अरना सलाह हीताना।”

अद समय ता परिस्थिति ते उंदी कमजोर राज्य उंदी शक्तिशाली राज्य ता मुकाबला कीसोरे मत्ता। इद विवरण लोप्पा युद्ध तुकू मुन्नेटा राजनीतिक तैयारी - जनता ना विश्वास दोरकी कियाना चर्चा कित्ताद मत्ता; इविना लोप्पा प्रत्याक्रमण कियाना काजे अनुकूल युद्ध-भूमि-छांगशाओ ता बारे ते वेहतद मत्ता; तीना लोप्पा प्रत्याक्रमण शुरू कियाना काजे अनुकूल समय वेहतद मंता- दुश्मन ता हिम्मत मारनास्के ओसो मावा हिम्मत बेरसना; तीना लोप्पा पेरके अरनास्के वेहतद मंता- दुश्मन ता कोज्जी

लेसीस मंदाना ओसो दुश्मन ता झंडा अर्रसि मंदाना। मति इद बदे बेहरा अभियान हिल्ला मत्तेकाई ताना लोप्पा रणनीतिक रक्षा ता उसूल दोरकिता। चीन ता युद्ध इतिहास लोप्पा दोड़ रास्ता उसूल कुना अनुसार दोरकी कित्ता सफलता ना वेल्ले उदाहरणकू मंतांग। इद्रम ता प्रसिद्ध लड़ाईंग लोप्पा- छू राज्य ओसो हान राज्य ता नड़मा छंगकाओ ता लड़ाई²⁴ शिन राज्य ओसो हान राज्य नड़मा खुनयांग ता लड़ाई,²⁵य्वान शाओ ओसो छाओ नड़मा क्वानतू ता लड़ाई²⁶ ऊ राज्य ओसो वेइ राज्य नड़मा ता छपी लड़ाई²⁷ ऊ राज्य ओसो शू राज्य ता नड़मा ईलिंग ता लड़ाई²⁸ ओसो छिन राज्य ओसो चिन राज्य नड़मा ता फेइश्वेइ ता लड़ाई,²⁹- रेंडासी पक्ष कुना ताकत असमान मत्ता। बद पक्ष ते ताकत मत्ता, अद मुन्ने उंदी कदम पेरके गुचता ओसो दुश्मन ता हमला कित्ता पेरके तन्ना कार्यवाही शुरू कित्ता। इद्रम अद युद्ध किन जीड़ता।

1927 ता इरंगम कालम ते मावा युद्ध शुरू आतास्के मावगा उचुन वेन्ने अनुभव हिल्ला मत्ता। नानछांग विद्रोह³⁰ ओसो क्वाख्र विद्रोह³¹ असफल आतांग, इरंगम ता फसल विद्रोह³² लोप्पा वेन्ने हुनान-हुपे-च्यांगशी सीमान्त पोरो चिंगकांगशांन मेड्वांग लोप्पा ताकता। नानछांग विद्रोह असफल आता पेरके पिस्ता दलम वेन्ने दक्षिणी हुनान तले अप्रैल ते चिंगकांगशांन मेड्वांग लोप्पा एवतांग। मति मई 1928 एवनल छापामार युद्ध ता बुनियादी उसूल, अद समय ता परिस्थिति ता अनुकूल मत्तांग ओसो अविना स्वरूप सीधा-सादा मत्ता, अव मुन्ने वातांग। इव उसूलकिन सोलह अक्षर कुना फार्मूला इंतोर: “दुश्मन मुन्ने वायानास्के माटु पेरके गुचितोम, दुश्मन डेरा वाटतास्के माटु ओरकि कंदरे कीतोम, दुश्मन दोगतास्के माटु ओरा पोरो हमला कीतोम, दुश्मन पेरके गुचतास्के माटु ओरा पेरके अर्रितोम।” फौजी उसूलकुना बारे ते सोलह अक्षरकुना इद फार्मूला ली ली-सान ना लाईन तुकू मुन्नेटा केंद्रीय कमेटी मानेमासी मत्ता। मुन्ने हंजी फौजी कार्यवाही संबंध ते मावा उसूल उंदी कदम ओसो विकसित आता। च्यांगशी ता आधार-क्षेत्र लोप्पा “घेराव कीसि विनाश कियाना” अभियान ता खिलाफ पहली बेरा जवाबी अभियान ताकसोरे

मत्तास्के “दुश्मन किन चकमा हिसी मना राज्य लोप्पा जेक एवनल नेंगला हियाना” सिद्धांत पेश कितद मत्ता ओसो तानकिन सफलतापूर्वक अमल कित्ताद मत्ता। दुश्मन ता “घेराव कीसि विनाश कियाना” तीसरी अभियान किन हारे कीतद मत्ता, अस्के एवनल लाल सेना काजे फौजी कार्यवाही ता उसूल कुना उंदी पूरा सिलसिला तास्तद मत्ता। इद मावा फौजी उसूल कुना विकास ता उंदी पूना मंजिल मत्ता। ताना विषय-वस्तु किन वेल्ले समृद्ध कीतद मंता ओसो ताना रूप लोप्पा वेल्ले बदलाव कित्ताद मंता। इद मुख्य रूप ते इंजे मुन्नेटा सीधा-सादापन तुकू मुन्ने हत्ताद मंता। मति बुनियादी उसूल अव सोलह अक्षरकुना फार्मूलाए मत्ता। ताना लोप्पा “घेराव कीसि विनाश कियाना” अभियान ता मुकाबला कियाना बुनियादी उसूल मत्ता। ताना लोप्पा इव रेंडासी कालमकु- रणनीतिक रक्षा ओसो रणनीतिक आक्रमण - मत्तांग। ओसो रक्षा कियानास्के रणनीतिक दृष्टिकोण ते पेरके गुचना रणनीतिक प्रत्याक्रमण कियाना, इव रेंडासी कालमकु वेन्ने ताना लोप्पा मत्तांग। पेरके, बद मुन्ने वाता अद इदे फार्मूला ता विकास ता कारण तेने वाता।

मति पार्टी ता मानेमाता “घेराव कीसि विनाश कियाना” तीसरी अभियान किन हारे कित्ता पेरके उंदी या वेल्ले प्रांत लोप्पा मुन्ने सफलता दोरकी कियाना संघर्ष” हेडिंग मंदाणा प्रस्ताव, ताना लोप्पा गंभीर सैद्धांतिक गलतिंग मत्तांग, प्रकाशित आता पेरके जनवरी 1932 तल “वामपंथी” अवसरवादी लोरा मुन्ने सही उसूल कुना इद सिलसिला पोरो हमला कियाना शुरू कित्तोर ओसो आखिर ते अविन किन मानेमातव हिल्ले इंजी वेहतोर। ओरू इविना उल्टा “पूना उसूल” ओसो “नियमित उसूल” कुना पूरा सिलसिला बने कित्तोर। अस्केडल पाड़ना उसूल किन नियमित उसूल मानेमायोर ओसो अविन “छापामारवाद” इंजी ठुकरे कित्तोर। पूरा तीन साल एवनल “छापामारवाद” ता विरोधी परिस्थिति मत्ता। इंजेट पहली मंजिल लोप्पा फौजी दुस्साहसवाद पुट्टता, दूसरा मंजिल लोप्पा अद फौजी रूढ़िवाद बनेमाता, ओसो आखिर ते तीसरी मंजिल लोप्पा अद पलायनवाद ता रूप ते प्रकट आता। जनवरी 1935 ते

क्वेइचओ प्रांत ता चुनई लोप्पा पार्टी ता केंद्रीय कमेटी ता राजनीतिक ब्यूरो ता विस्तृत मीटिंग केयसी मत्तास्के इद गलत लाईन किन गलत घोषित किता मंता ओसो पाड़ना लाईन किन दोबारा सही वेहताद मंता। मति तीना काजे बचोन बेहरा नुक्सान तेहा लागता!

बोर कामरेड्स “छापामारवाद” ता वेल्ले जोश संगे विरोध कित्तोर, ओरे इदिना तर्क हींदुर: दुश्मन किन चकमा हिंसी मना राज्य लोप्पा जेक एवनल नेंगला हियाना गलत आंदू, बारांकु इत्तेके इद्रम कीतेके माकिन वेल्ले राज्य विड़सा लागिंता। इद्रम ता लड़ाईंग मुन्ने वेन्ने जीड़तद मंता, मति इंजेटा परिस्थिति मुन्ने तुकू अलग हिल्ले या? ओसो इद्रम आयवा माटु दुश्मन किन तन्ना राज्य लोप्पा ओसो मना सीमान्त राज्य लोप्पा हारे कीतेके बेस आयो या? पाड़ना तरीकांग लोप्पा नियमितता ता कमी मत्ता, अव केवल छापामार लोरा काजे ने सही मत्तांग। इंजे मावा राज्य बनेमातद मंता ओसो मावा लाल सेना उंदी रेगुलर सेना बने माताद मंता। च्यांग काई-शोक ना खिलाफ मावा रेंडु राज्य नड़मा ता लड़ाई, रेंडु बेहरा सेनांग नड़मा ता लड़ाई आता। इतिहास ता पुनरावृत्ति आयानायो ओसो “छापामारवाद” किन पूरा त्याग कियाना। पूना उसूल “पूरा मार्क्सवादी” मंता, ओसो पाड़ना उसूलकिन छापामार लोर मेट्टा ने बने कीसि मत्तोर, अगा मार्क्सवाद ता अस्तित्व हिल्ला मत्ता। पूना उसूलकुना उलटा मंतांग: “दस ता मुकाबला वरोर संगे कियाना ओसो सौ ता मुकाबला दस संगे कियाना, डटेमासी ओसो बहादूरी ते लड़ेमायाना ओसो दुश्मन ता पेरके असीं अपना सफलता तुकू ज्यादा फायदा एतना,” “सब्बे मोर्चा नगडल हमला कियाना,” “केंद्रीय नगर पोरो कब्जा कियाना,” ओसो “रेंडु बगिल तल हमला कियाना”। दुश्मन हमला कीयनस्के ताना मुकाबला कियाना तरीका रास्ता लेक्का मत्तांग: “दुश्मन किन देश तल बाहर रोमी कियाना”, “दुश्मन पोरो मुन्ने हमला कीसि पहलकदमी दोरकी कियाना”, “खुद ता बर्तन-भांडा फूटे मायला हियाना आयो”, “बीता मेंड जागा वेन्ने विड़िसना आयो”, “तना सेना कुन छ – मार्ग लोप्पा तूसना”। इद “क्रांतिकारी हरीं ओसो औपनिवेशिक हरीं नड़मा ता निर्णायक लड़ाई” आंदू। इद तुरंत

हमला कियाना लड़ाई, किलेबंदी लोरा लड़ाई, घिसाव-थकाव ता लड़ाई ओसो “दीर्घकालीन युद्ध” आंदू। इदे आयवा बेहरा पृष्ठभागीय संस्थांग ओसो एकदम केंद्रित कमान बने कीसि तासना नीति किन लागू कियाना। ओसो आखिर ते बेहरा स्तर ते “गृह-परिवर्तन” कियाना। बोर इव सिद्धांत किन मानेमायोर ओरकिन सजा हियाना ओसो अवसरवादी वेहाना।

इव सब्बे सिद्धांत ओसो व्यवहार जरूर गलत मंतांगा। ओसो इव मनोगतवादए आंदुंगा। अनुकूल परिस्थिति लोप्पा इव निम्न-पूजीवादी क्रांतिकारी उन्माद ओसो उतावलेपन ता चिन्हा आंदू। मति प्रतिकूल परिस्थिति लोप्पा इव क्रमशः जीवा हियाना दुस्साहसवादी, रूढ़िवाद ओसो पलायनवाद ता रूप ते प्रकट आंता। इव सिद्धांत ओसो व्यवहार बकवाल ओसो बताए पुनवोरा। इविना लोप्पा उचुन वेन्ने मार्क्सवाद हिल्ले; इव जरूर मार्क्सवाद-विरोधी आंदू।

इगा माटु केवल रणनीतिक दृष्टिकोण हिसाब ते पेरके गुचना पोरो विचार कियाकाल। च्यांगशी लोप्पा इदिन “दुश्मन किन चकमा हिसी मावा राज्य लोप्पा जेक एवनल नेंगला हियाना” इंदुर ओसो सछवान में “मोर्चा किन जमा कियान” इंतोरा। मुन्ने बोराई सैनिक सिद्धांतकार या व्यावहारिक सैनिक इद नीति युद्ध ता शुरूआती मंजिल ते ताकवर सेना ता विरुद्ध कमजोर सेना काजे जरूरत मंता इंजी इनकार कीवोरा। विदेश ता वरोर फौजी विशेषज्ञ इद पोल्लो किन इद्रम वोहतोर “रणनीतिक रक्षात्मक कार्यवाही लोप्पा आम रूप ते शुरू ते प्रतिकूल निर्णायक लड़ाईंग नगडल बचेमायमूडांता ओसो ओरकिन अनुकूल परिस्थिति मत्तास्के लडेमायना।” इद बिल्कुल सही मंता, इद सिलसिला लोप्पा ओसो बाता इंदानाद हिल्ले।

रणनीतिक दृष्टिकोण ते पेरके गुचना लक्ष्य इतेके मना फौजी ताकत किन सुरक्षित तासना ओसो प्रत्याक्रमण ता तैयारी कियाना। पेरके गुचना जरूरी बारांकु आंता इतेके, ताकतवर दुश्मन ना हमला कितास्के उचुन वेन्ने पेरके गुचतेके फौजी ताकत ता अस्तित्वए खतरा ते अरिंता। मति मुन्ने वेल्ले मूल पेरके गुचना ता जी-तोड़ विरोध कित्तोर। पेरके गुचना “विशुद्धा

रक्षा ता अवसरवादा लाईन” आंदू इंजी ओरु आल्सिंतोर। मावा इतिहास ओरकिन बिल्कुल गलत मत्तोर इंजी साबित कीसिता।

प्रत्याक्रमण ता तैयारी कियाना काजे माकिन मना अनुकूल ओसो दुश्मन ता प्रतिकूल परिस्थिति चुनेमायना ओसो बने कियाना, इद्रम कीतेके मना ओसो दुश्मन ता तुलनात्मक ताकत लोप्पा बदलाव आंता ओसो अस्केने माटु प्रत्याक्रमण ता कालम ते वांतोमा।

मना मुन्नेटा अनुभव पोरो आधार आसी, पेरके गुचना कालम ते आम रूप ते माटु दोड़ रास्ता शर्तकुनागडल कम से कम रेंडु शर्त किन दोरकी कियाना, अस्केने परिस्थिति मावा अनुकूल ओसो दुश्मन ता प्रतिकूल मानेमायमूडांता ओसो माटु प्रत्याक्रमण किया परितोमा।

जनता लाल सेना ता सक्रियता ते समर्थन कियाना

टैरेन फौजी कार्यवाही ता अनुकूल मंदाना

लाल सेना ता मुख्य सेना ता ताकत पूरा केंद्रित मंदाना

दुश्मन ता कमजोर जागा ता पहचान कियाना

दुश्मन किन दोगी कियाना ओसो गिर्दाहिल्वा बने कियाना ओसो

दुश्मन किन गति कीसि ओरकिन गलतिंग कियाला हियाना।

इविना लोप्पाडल मुन्नेटा शर्त इत्तेके जनता ना पूरा समर्थन, लाल सेना काजे सबसे महत्वपूर्ण आंदू इत्तेके तानगा उंदी आधार-क्षेत्र मंदाना। ओसो इद शर्त पूरा आता इत्तेके चौथी, पांचवी ओसो छठी शर्त आसानी ते तैयार कियमूडांता या अविना बारे ते पुनमूडांता। अदिन काजे दुश्मन बेहरा हमला कियानास्के बेहरा स्तर ते आक्रमण शुरू कींतोर, अस्के लाल सेना पांडरी इलाका तल पेरके गुचसी आधार-क्षेत्र लोप्पा वांता, बारांकु इत्तेके आधार-क्षेत्र ता जनता पांडरी सेना ता खिलाफ लड़ाई लोप्पा लाल सेना ता सबसे सक्रिय समर्थक मंदिता। बद हिस्सा आधार-क्षेत्र ता सीमा हेरे मंता ओसो अद ताना केंद्र लोप्पा मंता, अविना लोप्पा वेन्ने अन्तर मंता, समाचार किन दुश्मन एवनल एवसी कियाना, फौजी रेक्की कियाना, सामान ता दुलाई कियाना, लड़ाई लोप्पा शामिल आयाना लेक्काटा सीमा तुकू केंद्र ता जनता बेस मंदिता। अदिन काजे च्यांगशी लोप्पा “घेरा व

कियाना ओसो विनाश कियाना” पहली, दूसरी, तीसरी अभियान ता मुकाबला कियाना काजे “पेरके गुचना विराम-स्थल” जनताना समर्थन सबसे बेस मंदाना जागा किन चुने किताद मत्ता। आधार-क्षेत्र ता विशेषता ता कारण लाल सेना ता फौजी कार्यवाही लोप्पा वेल्ले बदलाव आता, अव सामान्य फौजी कार्यवाही तुकू अलग मत्ता। अदिन काजे इद वेन्ने मुन्ने हंजी दुश्मन ता किलेबंदी-लड़ाई ता नीति लागू किया लागता।

अंदरूनी सेना-लाईन ते फौजी कार्यवाही कियाना लोप्पा उंदी खासियत मंता अद बाता इत्तेके पेरके गुचता फौज स्वच्छंदता ते अनुकूल धरातल चुने कियाना पर्रिता ओसो तना इच्छा अनुसार आक्रमणकारी सेना किन कार्यवाही कियाला मजबूर किया पर्रिता। उंदी ताकतवर सेना किन हारे कियाला काजे, लड़ाई ता अनुकूल जागा किन सतर्कता ते चुने कियाना। मति इद शर्ते आयो इदिना संगे ओसो उचुन शर्तकिन पूरा कियाना। अविना लोप्पाडल पहली शर्त जनता ना समर्थन ता परिस्थिति। ताना पेरके दूसरा शर्त मना किन आसानी ते सफलता दोरकना सम्भावना मंदानस्के दुश्मन पोरो हमला कियाना उदाहरण तुकू दुश्मन दोगसी मंदितोर या गलतिंग कींतोर या दुश्मन मुन्ने वायानास्के ओरा युद्ध-क्षमता कम आतास्के। बस्के एवनल शर्त पूरा आयो आंता अस्के एवनल जागा बचोन बेस मत्तेकाई माटु ताना उपेक्षा कियाना ओसो अपेक्षाकृत शर्त पूरा आयानाजोम बराबर पेरके गुचसोर मंदाना। पांडरी इलाका लोप्पा अनुकूल जागा ता कमी हिल्ले, मति अगा जनता ना सक्रिय समर्थन ता अनुकूल परिस्थिति ता कमी मंता। बस्के एवनल दूसरा अनुकूल परिस्थिति पैदा आयो आंता या अविना बारे ते पुनमूडायो, अस्के एवनल लाल सेना कैदे तन्ना आधार-क्षेत्र तल पेरके गुचना विड़सी बदे हर्ी मन्नो आंता। आधार-क्षेत्र ता सीमा ओसो केंद्रीय हिस्सा नड़मा वेन्ने इद्रमता अन्तर मंदिता।

स्थानीय फौजी यूनिट ओसो दुश्मन किन रोमी कियाना सेना किन विड़सी, मावा बाकी सब्बे आक्रमण कियाना फौज ता सम्पूर्ण केंद्रीकरण ता उसूल पोरो अमल कियाना। दुश्मन रणनीतिक रक्षा कियानास्के ताना पोरो आक्रमण कियानास्के लाल सेना हमेशा तन्ना ताकत किन फैले

कींता। दुश्मन बेहरा स्तर ते वासी मावा पोरो आक्रमण शुरू कित्तास्के, लाल सेना “केंद्र बगिल पेरके ” गुचिंता। पेरके गुचना जागा हमेशा आधार-क्षेत्र ता केंद्रीय हिस्सा लोप्पाने मंदिता, मति बस्के-बस्के ताना मुन्नेटा हिस्सा या पृष्ठभाग लोप्पा मंदिता। केंद्र बगिल पेरके गुचते के लाल सेना ता सब्बे मुख्य सेना किन केंद्रित कियमूडांता।

ताकतवर दुश्मन संगे लड़ेमायना कमजोर सेना काजे ओसो उंदी आवश्यक शर्त बाता इत्तेके अद आक्रमण दुश्मन ता कमजोर यूनिट पोरा कियाना। मति दुश्मन ता हमला ता शुरूआत ते मनम हमेशा मुन्ने वायाना दुश्मन बद टीम बचोन कमजोर मंता, बचोन शक्तिशाली मंता, बद सबसे ज्यादा कमजोर मंता ओसो तानकिनकु वेन्ने कमजोर बद टीम मंता इंजी पुन्नोम आंताम। अदिन काजे फौजी रेक्की दोर्की कियाना प्रक्रिया जरूरी मंदिता। इद लक्ष्य किन पूरा कियाना लोप्पा हमेशा वेल्ले समय लागिंता। इद उंदी दूसरा कारण आंदू तीना कारण ते रणनीतिक दृष्टिकोण ते पेरके गुचना जरूरी आंता।

हमला कियाना दुश्मन ता संख्या ओसो ताकत मनाकिन वेल्ले ज्यादा मत्तेके, रेंडिना तुलनात्मक शक्ति ता अनुपात बदले कियाना लक्ष्य, माटू दुश्मन सेना मावा आधार-क्षेत्र लोप्पा जेक एवनल नेंगतेकेने ओसो आधार-क्षेत्र लोप्पा रोमसी दोगता पेरकेने पूरा किया परिंतोम “घेराव कियाना ओसो विनाश कियाना” तीसरी अभियान ताकनास्के च्यांग काई-शेक ना फौज ता उंदी ब्रिगेड ता चीफ ऑफ स्टाफ इद्रम इत्तोर, “मजबूत माने पक्काए दोगसि मुटतोर औसो कमजोर मानेय दोगसि डोलसोरे मंतोर”, लेवेके क्वोमिंगतांग ता “घेराव कीसि विनाश कियाना” पश्चिमी मार्ग सेना ता कमांडर-इन-चीफ छन मिंग-शू इत्ता लेक्का, “राष्ट्रीय सेना हर जागा हिकाट परिकींता ओसो लाल सेना पिथ्यल वेन्ने वेलियंता।” अद्रम आसी दुश्मन ताकतवर मत्तेकाई वेल्ले कमजोर आंतोर, ताना सैनिक लोर दोगिंतोर, ताना जोश कम आंता। लाल सेना कमजोर मत्तेकाई आरम ओसो शक्ति-संचय कींता ओसो दोगता दुश्मन ता हरी हुडा परिंता। अस्के एवनल रेंडु पक्ष ता तुलनात्मक शक्ति बराबर आंता या दुश्मन ता

पूरा ताकत कम आंता बस्के-बस्के मावा ताकत दुश्मन तूकु ज्यादा आंता। च्यांगशी लोप्पा “घेराव कीसि विनाश कियाना” तीसरी अभियान ता खिलाफ लड़ेमायनास्के लाल सेना सीमा एवनल पेरके गुचता (आधार-क्षेत्र ता मुन्नेटा हिस्सा लोप्पा केंद्रित आता)। इद्रम आयवेके दुश्मन किन हारे कियमूड़ायो, बारांकु इत्तेके “घेराव कीसि विनाश कियाना” सेना संख्या लोप्पा लाल सेना तुकू दस गुना ज्यादा मत्ता। सुन ऊ चिन ना “दुश्मन खुश आसी मंतोर, अस्के बचेमायना, ओसो ओर दोगसी पेरके गुचिंतोर, अस्के हमला कियाना”, अस्के दुश्मन ना ताकत कम कियाला काजे ओरकिन दोगी कियाना ओसो ओरा जोश कम कियाना तरीका ता बारे ते वेहतोर।

पेरके गुचना आखरी लक्ष्य दुश्मन किन चकमा हीसी ओर गलतिंग ना बारे ते पुंदाना। माकिन दुश्मन ता कमांडर बचोन होशियार मत्तेकाई, ओरु वेल्ले समय एवनल बदे गलती किवा लेवा मन्नोर आंतोर। अदिन काजे मावा मुन्ने हमेशा दुश्मन ता गलतिंग ना फायदा तेहाना सम्भावना मंदिता। दुश्मन गलती कित्ता लेक्का माटू वेन्ने गलतिंग कींतोम अविनगडल ओरु वेन्ने फायदा तेहा परिंतोर। इदे आयवा माटु मना कौशल ते दुश्मन किन गलती कियाना इंजी चकमा हिया परिंतोमा इत्तेके सुन ऊ चिन इत्ता लेक्का “दिखावा कियाना” (इत्तेके पूर्व दिशा ते कार्यवाही कियाना लेक्का कियाना अनि पश्चिम दिशा ते हमला कियाना, या दूसरा हिसाब ते पूर्व दिशा ते हलचल कियाना अनि पश्चिम बगिल हमला कियाना)। इद्रम कीतेके पेरके गुचना जागा बदे तय राज्य ता तुकू सीमित कियमूड़ायो आंता। बस्के-बस्के पूर्व राज्य एवनल दुश्मन ता माटु फायदा तेहना लेक्का ता गलतिंग आयो आतांग। दुश्मन बस्के एवनल मना फायदा तेहना लेक्का गलतिंग कीवोर आंतेर अस्के एवनल माटु वेन्ने पेरके गुचिंतोम।

पेरके गुचनास्के अनुकूल परिस्थितिंग किन परकना, अव हमेशा पोरो वेहता लेक्काने मंदितांग। मति इद्रम इत्तेके सब्बे परिस्थितिंग मंदितास्केने प्रत्याक्रमण शुरू कियाना इंजी आयो। इव सब्बे उंदी कि उंदी दोरकी

कियाना सम्भव हिल्ले ओसो इविना जरूरत वेन्ने हिल्ले। मति दुश्मन ता वर्तमान परिस्थिति ता अनुसार उचुन जरूरी परिस्थितिग किन दोरकी कियाना। इदिना पोरो शक्तिशाली दुश्मन ता खिलाफ लोप्पा मंदाना सेना पोरो फौजी कार्यवाही कियाना कमजोर सेना किन ध्यान हियाना। इदिना विरुद्ध दूसरा सब्बे विचारकु गलत मंतांग।

इद पोल्लो ता निर्णय सब्बे परिस्थितिग किन ध्यान ते तासी कियाना। इत्तेके पेरेके गुचना जागा बेगा मंदाना, अद उंदी तय जागा मंदाना अदिन किन पूरा परिस्थिति लोप्पा आयवा आंशिक परिस्थिति ता दृष्टिकोण ते प्रत्याक्रमण ता परिस्थिति ते नेंगला काजे अनुकूल मंदाना लेक्का मंदाना। बारांकू इत्तेके मना प्रत्याक्रमण ता शुरूआत ते मना किन पेरेके आयना घटनांग किन वेन्ने ध्यान ते तासा लागिंता, ओसो मावा प्रत्याक्रमण हमेशाए आंशिक रूप तेने शुरू आंता। बस्केने विराम-स्थल किन आधार-क्षेत्र ता शुरूआती हिस्सा लोप्पा तय कियाना - च्यांगशी लोप्पा “घेराव कियाना ओसो विनाश कियाना” अभियान ता खिलाफ मावा दूसरी ओसो चौथी जवाबी अभियान लोप्पा ओसो शेनशी-कानसू सीमा क्षेत्र लोप्पा मावा तीसरी जवाबी अभियान लोप्पा आता लेक्का। बस्केने तानकिन आधार-क्षेत्र ता नडमा ता हिस्सा लोप्पा तय कियाना - च्यांग शी लोप्पा मावा पहली जवाबी अभियान लोप्पा आता लेक्का। ओसो बस्केने आधार-क्षेत्र किन पृष्ठभाग लोप्पा तय कियाना - च्यांगशी लोप्पा मावा तीसरी जवाबी अभियान लोप्पा आता लेक्का। इव सब्बे अभियान लोप्पा आंशिक परिस्थिति ता सम्पूर्ण परिस्थिति संगे संबंध बने कीसि विराम-स्थल तय कित्ताद मत्ता। मति च्यांगशी लोप्पा मावा पांचवी जवाबी अभियान ते मावा सेना पेरेके गुचना पोरो बदे विचार कित्ताद हिल्ला मत्ता, बारांकु इत्तेके अद आंशिक परिस्थिति ओसो सम्पूर्ण परिस्थिति पोरो ध्यान हितद हिल्ला मत्ता। असल ते अन्ध-उत्साह ओसो खतरा एतसि कार्वाई कित्ताद मत्ता। परिस्थिति बचोनो स्थिति ते बनेमांता, आंशिक परिस्थिति ओसो सम्पूर्ण परिस्थिति ता संबंध पोरो विचार कियानास्के माटु मना निर्णय आंशिक परिस्थिति ओसो सम्पूर्ण परिस्थिति ता प्रतिबिम्बित आसी

मत्ता, दुश्मन-पक्ष ता परिस्थिति ओसो मावा पक्ष ता परिस्थिति पोरो आधार आसी कियाना, मावा प्रत्याक्रमण शुरू कियाला काजे बस्के-बस्के अनुकूल मंदिंता ओसो मनो आंता।

आधार-क्षेत्र लोप्पा विराम-स्थल (terminal points) सामान्य रूप ते मूंड श्रेणि ते तूसमूडांता: मुन्नेटा भाग मंदाणा, नडमता भाग, ओसो पृष्ठभाग: इत्तेके माटु पांडरी इलाका लोप्पा लडेमायला काजे इनकार कीतोमा? कीवोम आंतोमा पांडरी इलाका लोप्पा लडेमातेके माटु केवल दुश्मन ता “घेराव कीसि विनाश कियाना” बेहरा स्तर ता अभियान ता मुकाबला किया लागतास्केने इनकार किंतोमा। मावा ओसो दुश्मन ता ताकत लोप्पा वेल्ले अन्तर मंदाणस्केने माटु फौजी ताकत किन सुरक्षित कियाना ओसो दुश्मन किन हारे कियाना मौका दोरकी कियाना उसूल ता आधार आसी, माटु मना आधार-क्षेत्र लोप्पा पेरके गुचला आलिसंतोम ओसो दुश्मन किन चकमा हिंसी मना राज्य लोप्पा जेक एवनल नेंगला हियाना। बारांकु इत्तेके इद्रम कीतेकेने मना प्रत्याक्रमण काजे अनुकूल परिस्थितिं गने किया परिंतोमा या ओरा बारे ते पुंदा परिंतोमा। परिस्थिति गंभीर हिल्ले ओसो मना आधार-क्षेत्र लोप्पा वेन्ने लाल सेना प्रत्याक्रमण शुरू किया परवा लेक्का हिल्ला मत्तेके, या प्रत्याक्रमण सही तरीका ते ताकसोर मंता ओसो परिस्थिति किन बदले कियाला काजे उचुन ओसो पेरके गुचना जरूरी मत्तास्के, माटु स्वीकार कियाना, कम से कम सिद्धांत ता रूप ते स्वीकार कियाना कि पेरके गुचना विराम-स्थल पांडरी इलाका लोप्पा तय कियामूडांता, इंजे एवनल माटु इद्रम ता अनुभव पक्काए आताद मत्ता।

पांडरी इलाका लोप्पा पेरके गुचना विराम-स्थल किन वेन्ने मूंड श्रेणि ने तू समूडांता: 1. आधार-क्षेत्र ता मुन्नेटा, 2. आधार-क्षेत्र ता बगिल ता, ओसो 3. आधार-क्षेत्र पेरकेटा। पहली श्रेणी ता विराम-स्थल ता उंदी उदाहरण दोड रास्ता लेक्का मंता:

च्यांगशी लोप्पा “घेराव कीसि विनाश कियाना” ता खिलाफ पहली जवाबी अभियान ताकनास्के चीआन, नानफंग ओसो चांगशू ता त्रिकोण

लोप्पा मना सेना किन केंद्रित कीसि प्रत्याक्रमण शुरू कियाना इंजी आल्समुड़ आस मनेर मति अस्के लाल सेना लोप्पा फूट ओसो स्थानीय पार्टी-संगठन लोप्पा फूट आसि मत्ता इत्तेके ली ली-सान ता लाईन ओसो ए-बी ग्रुप³³ पुट्टी कित्ता गम्भीर समस्यांग मुन्ने मत्ता। बारांकु इत्तेके अस्के कानच्यांग ओसो फूश्चेइ डोड्डांग नड़मा मुन्ने वासोरे मत्ता दुश्मन सेना, ना ताकत लाल सेना तुकू ज्यादा हिल्वा मत्ता (40,000 ता विरुद्ध 1,00,000)। मति आधार-क्षेत्र ता तुलना ते अगा जनता ना समर्थन ज्यादा हिल्वा मत्ता, मति जागा ता परिस्थिति अनुकूल मत्ता। इदे आयवा दुश्मन ता सेना अलग-अलग हरदे मुन्ने वासोरे मत्ता, अदिन काजे ओरकिन उंदी-उंदी कीसि खत्म कियाना सम्भव मत्ता।

इजे दूसरा श्रेणी ता विराम-स्थल ता उंदी उदाहरण हूडकाल:

च्यांगशी लोप्पा “घेराव कीसि विनाश कियाना” अभियान ता खिलाफ मावा तीसरा जवाबी अभियान ताकनास्के दुश्मन तोरा हमला बेहरा स्तर आया परवेके, दुश्मन ता उंदी टीम फूच्येन-च्यांगशी सीमा पोरो मंदाना च्येननिंग, लीछवान ओसो थाएनिंग तल वांता ओसो अद टीम ता ताकत मना आक्रमण ता लक्ष्य बनेमाया परना लेक्का मंदिता, इत्तेके लाल सेना पांडरी इलाका लोप्पा पश्चिमी फूच्येन लोप्पा तना सेना किन केंद्रित कियाना इंजी आल्समुड़ान्ता ओसो अद रुइचिन तल शिंगक्वो एवनल उंदी हजार ली तिरियवा लेवा मुन्ने ने दुश्मन ता उंदी टीम किन खत्म कींता।

आखिर ते तीसरी श्रेणी ता विराम-स्थल ता उंदी उदाहरण हूडकाल:

च्यांगशी लोप्पा “घेराव कीसि विनाश कियाना” खिलाफ तीसरी जवाबी अभियान ताकनास्के दुश्मन ता मुख्य सेना पश्चिम बगिल हनवा लेवा दक्षिण बगिल हंजी मत्तेके, माटु तिप्पल ते अरसी ह्वेइछांग-श्युनऊ-आनयुआन क्षेत्र लोप्पा (इद पांडरी इलाका मत्ता) रिट्रिट आया लागिंता, इद्रम आतेके माटु दुश्मन किन चकमा हिसी दक्षिण बगिल ओसो वेन्ने ओया परिंतोम। अस्के लाल सेना दक्षिण तल उत्तर बगिल आधार-क्षेत्र लोप्पा हमला कियाना परिंता। अस्के एवनल उत्तर ता आधार-क्षेत्र लोप्पा दुश्मन ता बेहरा ताकत पिस्सो आंता।

इव उदाहरणकु काल्पनिक आंदुंगा। इविना असली अनुभव हिल्ले: माटु अविन अपवाद रूप तेने पोया परितोम, अविन सामान्य सिद्धांतकुना रूप हिया परवोम। दुश्मन ता “घेराव कीसि विनाश कियाना” बेहरा स्तर ता अभियान शुरू कित्तास्के मावा काजे मना सिद्धांत ओरकिन चकमा हिंसी मना राज्य लोप्पा जेक एवनल नेंगला हियाना इंजी मंदाना, आधार-क्षेत्र लोप्पा पेरेके रिट्रीट आयना ओसो अगा लड़ेमायाना। बारांकु इत्तेके इदे दुश्मन ता आक्रमण किन ध्वस्त कियाना काजे सबसे पक्का ओसो बेसता तरीका आंदू।

बोर “दुश्मन किन देश ता बाहरे रोमी कियाना” ता समर्थन कींतोर, ओर रणनीतिक दृष्टिकोण ते रिट्रीट आयना ता विरोध - रिट्रीट आयाना इत्तेके मना राज्य विडसना, जनता किन नुकसान कियाना (“हमारे बर्तन-भांडे फूटने देना” इंदान लेक्काटोर इंतोर) ओसो बाहर तोरा लोप्पा प्रतिकूल प्रभाव अरला हियाना लेक्का आंता इंजी कींतोरा। “घेराव कीसि विनाश कियाना” ता खिलाफ मावा पांचवा जवाबी अभियान ताकनास्के ओरा विचार हर बार मावा उंदी कदम पेरेके गुचकेतेके दुश्मन ता किलेबंदी लोरा पांत उंदी डाका मुन्ने वायार: इद्रमे हर दिया आधार-क्षेत्र कम आसोरे दायर ओसो मना नुकसान ता भरपाई कियाना बदे तरीका पिस्सो आयारा। ओर दुश्मन किन चकमा हिंसी मना राज्य लोप्पा जेक एवनल नेंगला हियाना पाड़ना कालम ते फायदा आसी मनवड, मति “घेराव कियाना ओसो विनाश कियाना” पांचवी अभियान लोप्पा, दुश्मन किलेबंदी-लड़ाई नीति ता सहारा एतसोरे मंदानास्के, इद तरीका बेकार मत्ता। “घेराव कीसि विनाश कियाना” पांचवी अभियान ता मुकाबला कियाला काजे केवल उंदे तरीका मत्ता अद मना सेना ता ताकत किन अलग-अलग हिस्सा ने तूससी दुश्मन ता प्रतिरोध कियाना ओसो तुरंत हमला कियाना।

इद्रम ता दृष्टिकोण ता जवाब हियाना आसान मंता, ओसो मावा इतिहास मुन्ने ने ताना जवाबा हीता। मना राज्य दायना ता बारे ते इत्तेके अद हमेशा नुकसान तेहचिए नुकसान तल बचेमायमूडांता, इत्तेके “बातले हासिल कियाना इत्तेके बातले पोहा लागिंगता”। पोहाना इत्तेके राज्य ओसो

दोरकी कियाना इत्तेके दुश्मन ता सफलता दोरकी कियाना ओसो संगेने राज्य किन दोबारा हासिल कियाना ओसो ताना प्रसार कियाना वेन्ने आंदू। इद उंदी फायदा ता व्यापार आंदू। सौदा ता बारे ते अस्सानोर पैसा “पोहवेके” ओरकिन माल दोरको आंता, ओसो वम्मानोर तन्ना माल “पोहवेके” ओरकिन पैसा दोरको आंता। क्रांतिकारी आंदोलन लोप्पा नुकसान तेहानदु विध्वंस आंदू, ओसो दोरकी कियाना आंता अदु प्रगतिशील नव-निर्माण आंदू। हुंजाना ओसो आराम कियानास्के खर्च आंता, मति नाइ ता काम काजे तानगडल ताकत दोरकी कियाना आंता। बोरे बकवल मानेय इद पोल्लो किन समझेमायवा लेवा हुंजोर आंतोर, अदिन काजे दूसरा दिया ओरा शक्ति पिस्सो आंता। इद उंदी नुकसान तादु व्यापार आंता। अदिन काजे दुश्मन ता “घेराव कीसि विनाश कियान” पांचवी अभियान ता खिलाफ मना जवाबी अभियान लोप्पा मावा व्यापार नुकसान कियाना मत्ता। मना राज्य ता उचुन हिस्सा पोहाना लोप्पा पेरके-मुन्ने आतेके पूरा राज्य पोहमूडांता। अबीसीनिया किन रिट्रीट आयवा लेवा सीधा टक्करेमासी युद्ध कित्ता कारण ते तन्ना राज्य किन पोहा लागता, मति ओना हारेमायना ता कारण इदे मत्ता।

जनता किन नुकसान कियाना समस्या पोरो वेन्ने इदे लागू आंता। माटु उचुन परिवार कुना अइकांग-मल्लांग ओराला हीतेके, पूरा जनता ना अइकांग-मल्लांग वेल्ले दिव्या एवनल ओरसोरे मंदांनुंग। अस्थाई रूप ते लोकुरा लोप्पा प्रतिकूल राजनीतिक प्रभाव अरसोरे मंदिता। अक्तूबर क्रांति पेरके रूस ता बोलसेविक लोर “वामपंथी कम्युनिस्ट” लोरा सुझाव किन माने मासी मत्तेके जर्मन संगे शांति समझौता पोरो हस्ताक्षर किवा मत्तेके ओर पूना पुट्टता सोवियत काजे तात्कालिक सर्वनाश ता खतरा मोल एत्तमुड़ आस मन्नेर।³⁵

इद्रम ता पोरो-पोरो क्रांतिकारी दिस्सना “वामपंथी” विचार कुना स्रोत निम्न-पूंजीपति वर्ग ता बुद्धिजीवी लोरा क्रांतिकारी उतावलापन ओसो किसानलोरा लोप्पा सुडला उत्पादक लोरा संकीर्ण रूढ़िवाद मंता। इद हिसाब ते लोकुर समस्या ना केवल उंदी हिस्सा किन हूडिंतोर, अविना

पूरा परिस्थिति किन हूडना लोप्पा ओर तैयार मन्नोर आंतोर, ओर नेता विचार किन नाड ता विचार संगे ओसो आंशिक ओसो अस्थाई ते दृढता संगे चिपके मासी मंतोर। माटु अव आंशिक ओसो अस्थाई चीजकुना पोरो मजबूत पकड़ तासना, अस्के ठोस परिस्थिति लोप्पा पूरा परिस्थिति पूरा कालम काजे अनुकूल मंदाना ओसो विशेष रूप ते निर्णयक महत्व ता मंदाना। लेवेके माटु इद्रम कियानोम कि घटना-क्रम किन खुद ता भरोसा ते विडसना ओसो इदिना बारेते बाता कियानायो। अदिन काजे रिट्रीट आयना उंदी विराम-स्थल मंदाना। मति माटु सुडला उत्पादक ना अदूरदर्शिता पोरो निर्भर मंदानायो। माटु बोलशेविक लोरा बुद्धिमत्ता किन करियाना। खाली कोंडाए हालो आंता माकिन दूरबीन (टेलिस्कोप) ओसो खुर्दबीन (माईक्रोस्कोप) ता सहायता वेन्ने एताना। राजनीतिक ओसो फौजी समस्याना बारे ते मार्क्सवाद ता पद्धति मावा काजे दूरबीन ओसो खुर्दबीन ता काम हींता।

जरूर रणनीतिक दृष्टिकोण ते पेरके गुचना मुश्किल आंता। पेरके गुचना शुरूआत आयना समय निर्धारित कियाना, विराम-स्थल ता चुनाव कियाना, कार्यकर्ता ओसो जनता किन राजनीतिक रूप ते समझे कियाना - इव सब्बे मुश्किल समस्यांग मंतांग अविन हल किया लागियर।

रिट्रीट आयाना शुरू कियाना समय निर्धारित कियाना समस्या वेल्ले महत्वपूर्ण मंता। च्यांगशी लोप्पा “घेराव कीसि विनाश कियाना” खिलाफ पहली जवाबी अभियान लोप्पा माटि सही समय ते रिट्रीट आयाना शुरू कीसि मत्तेके, लेट किवा मत्तेके मावा मावा सफलता कम से कम अद स्तर ते आयो आसी मनवड। समय तुकू मुन्ने रिट्रीट आयना ओसो लेट रिट्रीट आयाना, रेंडासी नुकसान कींतांग। मति लेट रिट्रीट आयाना, समय तुकू मुन्ने रिट्रीट आयना तुकू ज्यादा नुकसान कींता। समय ते रिट्रीट आयना पहलकदमी पूरा मावा कैदे मंदिंता। इद्रम विराम-स्थल ते एवता पेरके मना सेना ता ताकत किन दोबारा सही कियाना ओसो दोगता दुश्मन ता हरीं हूडतेके, प्रत्याक्रमण कियाना लोप्पा माकिन मदद दोरकिता। च्यांगशी लोप्पा दुश्मन ता “घेराव कीसि विनाश कियाना” पहली, दूसरी ओसो

चौथी अभियान किन नष्ट कियाना लोप्पा माटु आत्मविश्वास संगे ओसो बदे जल्दबाजी किवा लेवा दुश्मन संगे लड़ेमायाना। मति तीसरी अभियान लोप्पा माटु दूसरी अभियान लोप्पा बेहरा असफलता आता पेरके अचोन जल्दी तना पूना आक्रमण शुरू कींता इंजी आशा कीवा मत्तम (माटु मना दूसरी जवाबी अभियान 29 मई 1931 ते मारी कीतोम ओसो च्यांग काई-शोक “घेरा व कियाना ओसो विनाश कियाना” तीसरी अभियान 1 जुलाई ते शुरू कित्ताद मत्ता), अदिन काजे लाल सेना वेल्ले जल्दी-जल्दी चक्करदार हरीं पोयसी उंदी आता कारण ते वेल्ले दोगता। रिट्रीट आयाना समय तय कियाना तरीका पोरोटा जवाबी अभियान ता तैयारी कियानास्के शुरू कियानास्के तय किता तरीका लेक्का ने सही मंता। इत्तेके इद पूरा जरूरी सामन जमा कियाना पोरो निर्भर मंता, ओसो दुश्मन-पक्ष ओसो मना पक्ष ता आम परिस्थिति को हूडसोरे फैसला कियाना पोरो निर्भर आसी मंदिता।

कार्यकर्ता लोर ओसो जनता किन बस्के एवनल अनुभव आयों आंता ओसो बस्के एवनल सेना ता नेतृत्व अचोन प्रतिष्ठावान ओसो अधितकार पूर्ण आयो आंता, इत्तेके रणनीतिक दृष्टिकोण ते रिट्रीट आयाना फैसला कियाना अधिकार किन उचुन मुल या वरोर मानेय ना कैदे केंद्रित कीसियना, ओसो कार्यकर्ता लोरा विश्वास हासिल कियाना, अस्के एवनल रणनीतिक दृष्टिकोण ते रिट्रीट आयाना जरूरत ता बारे ते कार्यकर्ता ओसो जनता किन समझे कियाना पक्काय मुश्किल आंता। कार्यकर्ता लोरा अनुभव ता कमी मंदाना ओसो रणनीतिक दृष्टिकोण ते रिट्रीट आयाना लोप्पा ओरा विश्वास हिल्ला कारण ते पहली ओसो चौथी जवाबी अभियान ता शुरूआत ते ओसो पांचवी जवाबी अभियान ताकानास्के इस समस्या किन हल कियाना लोप्पा वेल्ले मुश्किलकुना सामना किया लागता। पहली जवाबी अभियान लोप्पा कार्यकर्ता लोर किन रिट्रीट आयाना जरूर ता विश्वास बेरसी कीतद हिल्ला मत्ता, अस्के एवनल ली ली-सान ना लाईन ता प्रभाव ता कारण ते ओर रिट्रीट आयाना पक्ष ते आयवा आक्रमण कियाना ता पक्ष ते मत्तोर। चौथी जवाबी अभियान

लोप्पा, फौजी दुस्साहसवाद ता प्रभाव ता कारण ते कार्यकर्ता लोर रिट्रीट आयाना तैयारी कियाना ता विरोध कित्तोर। पांचवी जवाबी अभियान लोप्पा कार्यकर्ता पहला फौजी दुस्साहसवाद पोरो ने अडेमासी मत्तोर, ओर दुश्मन किन चकमा हिसी मना राज्य लोप्पा जेक एवनल नेंगला हियाना दृष्टिकोण ता विरोध कित्तोर, मति मुन्ने हंजी ओर सैनिक लोर रूढ़िवादी बनेमातोर। इदिना ओसो उंदी उदाहरण च्यांग क्वो-थाओ ना लाईन पोरो ताकनोर बस्के एवनल दिवाल ते हंजी तोकोर आंतोर अस्के एवनल इदिन मानेमायोर आंतोर कि तिब्बती लोकुर ओसो ह्वेइ लोकुर³⁶ ओरा राज्य लोप्पा मावा आधार-क्षेत्र निल्पी किया परवोर। कार्यकर्तालोरा काजे अनुभव जरूरत मंता ओसो निज्जमें असफलता ए सफलता किन पुष्टि कींता। मति खुला दिमाग ते दूसरोरा अनुभव तल करियाना वेन्ने जरूरत मंता। हर समस्या लोप्पा केवल खुद अनुभव दोरकी कियाला आल्सना ओसो इदिना कमी ता केवल तना राय पोरो कट्टर आसि मंदाना ओसो दूसरोरा अनुभव तल करियाना तल इनकार कियाना “संकीर्ण अनुभववाद” आंता। इद्रमासी मावा युद्ध किन वेल्ले नुकसान आता।

अनुभव ता कमी मत्ता कारण ते रणनीतिक दृष्टिकोण ते रिट्रीट आयना जरूरत आतास्के जनता ना अविश्वास ता सबसे बेहरा उदाहरण च्यांगशी ता पहली जवाबी अभियान ताकनास्के दोरकतद मंता। अस्के चीआन, शिंगक्वो ओसो युंगफंग काउन्टिंग ना सब्बे स्थानीय पार्टी-संगठन ओसो पूरा जन-समुदाय लाल सेना ता रिट्रीट आयना ता विरोध किसोरे मत्तोर। मति पहली जवाबी अभियान लोप्पा उंदी बेरा अनुभव दोरकता पेरके वेल्ले जवाबी अभियानकु लोप्पा इद्रम ता समस्या वायो। आधार-क्षेत्र कैदल दायना ओसो जनता ना समस्यांग अस्थाई मंतांग ओसो लाल सेना दुश्मन ता “घेराव कीसि विनाश कियाना” अभियान किन नष्ट कियाला तैयार मंतोर इंजी सब्बे तोरकिन विश्वास वाता। मति कार्यकर्ता लोरकिन विश्वास मंता या हिल्ले, जनता किन विश्वास मंता ओसो तीना घनिष्ठ संबंध ते वेल्ले पोल्लोंग मंतांग। अदिन काजे पहली ओसो मुख्य काम कार्यकर्ता लोरकिन विश्वास कियाना।

रणनीतिक दृष्टिकोण ते रिट्रीट आयना एकमात्र उद्देश्य इत्तेके काउंटर प्रत्याक्रमण कियाना मंदिता, ओसो रणनीतिक दृष्टिकोण हिसाब ते इदू रणनीतिक रक्षा ता केवल पहला कालम आंता। पूरा रणनीति लोप्पा निर्णायक कड़ी इत्तेके मुन्ने वायना प्रत्याक्रमण ताकनास्के जीडमुड़ आंता या आयो।

4. रणनीतिक प्रत्याक्रमण

वेल्ले मजबूत मंदना दुश्मन ता आक्रमण किन विफल कियाला काजे माटु रणनीतिक दृष्टिकोण ते रिट्रीट समय ते पुट्टना परिस्थिति पोरो निर्भर आंतोम, अद परिस्थिति मना अनुकूल ओसो दुश्मन ता प्रतिकूल मंदिता ओसो दुश्मन ता आक्रमण ता शुरूआती समय ता मुकाबला ते बदलेमासी मंदिता। इद वेल्ले चीजकुन (elements) मिलेकीसि बनेमांता। अव सब्बे बारे ते पोरो बेहताद मंता।

मति मना काजे अनुकूल ओसो दुश्मन काजे प्रतिकूल स्थिति (condition) ओसो परिस्थिति (situation) मत्तेके मनम दुश्मन किन हारे कीतोम इंजी आल्सना आयो। इद्रम ता स्थिति ओसो परिस्थितिंग लोप्पा मावा सफलता या दुश्मन ता असफलता ता सम्भावना पक्का मंदिता मति जीत ओसो हार इंजे आताद हिल्ले, रेंडासी सेना किन जीत या हार दोरकतद हिल्ले, रेंडु सेना काजे जीत या हार इंजे वास्तविकता ता रूप एत्तद हिल्ले। जीत या हार ता सम्भावना किन वास्तविकता ता रूप हियाला काजे रेंडासी सेना नडमा उंदी निर्णायक लड़ाई ता जरूरत मंता। बद सेना जीडिंता ओसो बद सेना हारेमांता इंदाना सवाल ता हल निर्णायक लड़ाई तले दोरकिंता। रणनीतिक प्रत्याक्रमण ताकनास्के केवल इंदे उंदी काम मंता। प्रत्याक्रमण उंदी लम्बा प्रक्रिया मंता: अद रक्षात्मक अभियान ता उंदी सबसे आकर्षक, सबसे गतिशील समय आंदू ओसो ताना आखरी समय वेन्ने मंता। इदिन सक्रिय रक्षा इंतोर, अद मुख्य रूप ते इंदे रणनीतिक प्रत्याक्रमण आंदू, इद स्वरूप इसाब ते निर्णायक लड़ाई लेक्का मंता।

स्थितिंग आसो परिस्थिति केवल रणनीतिक दृष्टिकोण ते रिट्रीट आयनास्के बने कियमूडायो। प्रत्याक्रमण ताकनास्के वेन्ने अव बनेमासोरे मंतांग। इद दूसरा कालम ता स्थितिंग ओसो परिस्थिति तन्ना रूप (form) ओसो प्रकृति (nature) इसाब ते बिल्कुल मुन्नेटा लेक्काने मन्नो आंता।

रूप ओसो प्रकृति लोप्पा उंदी लेक्का मंदिता, अद दुश्मन ता सेना ओसो वेन्ने दोगसी मंदार ओसो संख्या लोप्पा ओसो वेन्ने कम आयारा मुन्नेटा कालम ते दोगना ओसो संख्या लोप्पा कम आयना प्रतिक्रिया शुरू आसी मत्ता, इद अदिनाए जारी रूप आंदौ।

मति इद बिल्कुल पूना स्थिति ओसो बिल्कुल पूना परिस्थिति जरूर पैदा आयार इंदानदु तय मंता। उदाहरण काजे उंदी या वेल्ले बेरा दुश्मन तो हारेमांतोर, अस्के मावा काजे अनुकूल ओसो दुश्मन काजे प्रतिकूल परिस्थितिंग लोप्पा सिर्फ दुश्मनताए दोगना शामिल मन्नो दुश्मन ता हारेमायना पूना तत्व (element) वेन्ने जुडेमासी मंदियर। परिस्थित लोप्पा पूना बदलाव वेन्ने पैदा आंतांग। दुश्मन सेना लापरवाही ते फौजी डावपेंच बनेकींता ओसो गलत सेना संचालन कींता अस्के जरूर रेंडु पक्ष ता तुलनात्मक ताकत वेन्ने मुन्ने तुकू अलग आंता।

मति दुश्मन ता जागा ते उंदी बेरा माटु हारे मातेके, स्थितिंग ओसो परिस्थिति विपरित दिशा ते बदलेमांता। इत्तेके इद दुश्मन काजे प्रतिकूल पोल्लोंग कम आंतांग ओसो मावा काजे प्रतिकूल पोल्लोंग पुडिंतांग ओसो बेसिंतांग वेन्ने। इद ओसो उंदी पूना ओसो मुन्ने तुकू अलग मंदिता।

हार बदे पक्ष ता आतेकाई हारेमायना पक्ष विनाशकारी स्थिति तल बचेमायला काजे सीधा ओसो तुरंत उंदी पूना कोशिश कींता, पूना पुट्टाना स्थितिंग ओसो परिस्थिति तल, ताना काजे प्रतिकूल ओसो दुश्मन काजे अनुकूल मंतांग, मना किन उबरे कियाला ओसो विपक्ष पोरो दबाव वाटला काजे इद्रम ता स्थितिंग ओसो परिस्थितिंग ना पुनर्निर्माण किया परना लेक्का ओरा काजे अनुकूल ओसो दुश्मन काजे प्रतिकूल मंदाना।

जीड़ना पक्ष ता कोशिश इदिना उल्टा मंता। अदिन किन तन्ना सफलता काजे कोशिश कियाना ओसो दुश्मन किन वेल्ले नुकसान

कियाना, तना अनुकूल स्थिति किन बेरसी कियाना ओसो तन्ना अनुकूल परिस्थिति किन सुधरे कियाना, तानकिन दुश्मन किन तन्ना प्रतिकूल परिस्थिति तल पोरो तेदला ओसो विनाशकारी स्थिति तल बचेमायला हियानायो।

इद्रम ता निर्णायक लड़ाईग ना मंजिल ता संघर्ष रेंडु पक्ष काजे पूरा युद्ध ओसो पूरा अभियान लोप्पा सबसे तीव्र, सबसे मुश्किल ओसो सबसे परिवर्तनशील आंता, संगेने इद सबसे कठिन ओसो सबसे नोयना कालम वेन्ने मंदिता, कमान ता दृष्टि ते एद पूरा युद्ध या अभियान ता सबसे कठिन परिस्थिति मंदिता।

प्रत्याक्रमण तास्के वेल्ले समस्यांग मंदितांग, अविना लोप्पा मुख्यतव दोड़ रास्ता लेक्का मंतांगः प्रत्याक्रमण शुरू कियाना, सेना ता ताकत ता केंद्रीकरण, चलायमान युद्ध, तुरंत निर्णय ता लड़ाई ओसो विनाश ता लड़ाई।

प्रत्याक्रमण आई या आक्रमण आई, रेंडासी नगडल इव समस्याना संबंधित सिद्धांत बुनियादी स्वरूप ते उंदे मंदिता। इतेक माटु प्रत्याक्रमण वेन्ने उंदी हिसाब ता आक्रमणे आंता इंजी इंदा परितोम।

मति प्रत्याक्रमण आक्रमण लेक्काने मन्नो आंता। प्रत्याक्रमण ता उसूल दुश्मन आक्रमण कियानास्के लागू आंता। आक्रमण ता उसूल दुश्मन रक्षात्मक स्थिति मंदानास्के लागू आंता। इद्रम इतेके प्रत्याक्रमण ओसो आक्रमण लोप्पा उचुन अन्तर मंता।

बारांकु इतेके फौजी कार्यवाही ता संबंधित वेल्ले समस्यांग प्रत्याक्रमण ता चर्चा कियानास्के रणनीतिक रक्षा ता अध्याय लोप्पा शामिल कित्ताद मंता, ओसो डबल आयनगडल बचेमायाला काजे रणनीतिक आक्रमण ता अध्याय लोप्पा केवल दूसरा समस्यांग नाए चर्चा कीतद मंता, मति अविन लागू कियानास्के माटु अविना समानता ओसो अविना अन्तर किन नजरअन्दाज कियानायो।

5. प्रत्याक्रमण शुरू कियाना समस्या

प्रत्याक्रमण शुरू कियाना समस्या “पहली लड़ाई” (initial battle) ओसो “शुरूआत” (prelude) ता समस्या मंता।

पूँजीपति वर्ग ता वेल्ले फौजी विशेषज्ञ लोर पहली लड़ाई लोप्पा, अद रणनीतिक रक्षा आई या रणनीतिक आक्रमण ता खासकर रक्षात्मक मंदाना ओसो सतर्क मंदाना इंजि सलाह हींतोर। हत्ता दिव्याने माटु वेन्ने इद समस्या किन गंभीर रूप ते तेहतद मंता। च्यांगशी लोप्पा दुश्मन ता “घेराव कीसि विनाश कियाना” पांचवी अभियान ता खिलाफ माटु फौजी कार्यवाही कित्ताद मंता तानगडल माकिन वेल्ले बेसता अनुभव दोरकता, ताना अध्ययन बेकार आयो आयर।

पहली अभियान लोप्पा दुश्मन ता लगभग 1,00,000 सैनिक आठ कॉलम ते मत्तोर ओसो ओर चीआन-च्येननिंग लाइन तल उत्तर तल दक्षिण बगिल लाल सेना ता आधार-क्षेत्र पोरो आक्रमण कित्तोर। अस्के लाल सेना लोप्पा लगभग 40,000 सैनिक मत्तोर, ओर च्यांगशी प्रांत ता निंगतू काउन्टी ता ह्वांगफी ओसो श्याओपू इलाका ते जमा आसी मत्तोर।

अद समय ते परिस्थिति दोड़ रास्ता लेक्का मत्ता:

1. “दमन कियाना” सेना 1,00,000 तुकू ज्यादा मत्ता। ताना लोप्पा च्यांग काई-शेक ना निजी सेना ता सेक्शन वेन्ने मत्ता। सामान्य परिस्थिति वेल्ले गंभीर हिल्ला मत्ता।
2. ला लिन ना नेतृत्व ते दुश्मन ना उंदी डिविजन, अद चीआन ता रक्षा कीसोरे मत्ता, कानच्यांग डोड्डा वेंडसी पश्चिम ते तैनात मत्ता।
3. कुंग पिंग-फान, चांग ह्वेइ-चान ओसो थान ताओ-ख्वान ता नेतृत्व ते दुश्मन ता मूंड डिविजनकुने चीआन ता दक्षिण-पूर्व ओसो निंगतू ता उत्तर-पश्चिम लोप्पा फूच्येन-तुंगकू-लुंगकांग-ख्वानथओ क्षेत्र पोरो आक्रमण कीसि ताना पोरो कब्जा कित्तोर। चांग ह्वेइ-चान ना डिविजन ता मुख्य सेना लुंगकांग लोप्पा तैनात मत्ता ओसो थान ताओ-ख्वान ना डिनविजन ता मुख्य सेना ख्वान थआ लोप्पा मत्ता। फूच्येन ओसो तुंगकू किन रणभूमि बने कियाना सही हिल्ला मत्ता,

बारांकु इत्तेके ए-बी ग्रुप अगाटा लोकर किन भ्रम ते वाटसी मत्ता, ओरकिन लाल सेना पोरो विश्वास हिल्ला मत्ता ओसो ओर ताना विरोध वेन्ने कियानोर।

4. ल्यू हो-तिंग ना नेतृत्व ते दुश्मन ता डिविजन जेक फूच्येन ता पांडरी इलाका लोप्पा च्येननिंग पोरोल ता जागा ते मत्ता ओसो अद च्यांगशी लोप्पा नेंगला परवो बहे ।
5. माओ पिंग-वन ओसो श्वी ख-श्यांग ना नेतृत्व ते दुश्मन ता रेंडु डिविजन क्वांगछांग ओसो निंगतू ता नडमा थओफी-लोखओ-तुंगशाओ क्षेत्र लोप्पा एवसी मत्ता। थाओपी पांडरी इलाका मत्ता ओसो लोखओ छापामार इलाका मत्ता, तुंगशाओ लोप्पा ए-बी ग्रुप ता तत्व मत्तांग, अदिन काजे अद उंदी बदे वेन्ने पोल्लो जल्दि ए बाहर वायना लेक्काटा जागा मत्ता। इदे आयवा माटु माओ पिंग-वन ओसो श्वी ख-श्यांग किन वेंडसी पश्चिम बगिल दांतोम, अस्के पश्चिम ते चांग ह्वे-चान, थान ताओ-य्वान ओसो कुंग पिंग-फान ना नेतृत्व ते मत्ता दुश्मन ता मूंड डिविजन आपस ते कलियाना सम्भावना मत्ता, इद्रम आतेके मना सफलता दोरकना मुश्किल आसी मनवड ओसो समस्या किन हल कियाना मुश्किन आसी मनवड।
6. चांग ह्वेइ-चान ओसो थान ताओ-य्वान ना नेतृत्व ते दुश्मन ता रेंडु डिविजनकु, दुश्मन फौज ता मुख्य सेना ता ताकत लू ती-पिंग ना निजी सेना ता सेक्शन मत्ता। लू ती-पिंग “घेराव कियाना ओसो विनाश कियान” अभियान किन बुनियादी रूप ते खत्म कीसि मन्नेर। इविना लोरा हर डिविजन लोप्पा लगभग चौदर हजार मानेय मत्तोर ओसो चांग ह्वेइ-चान ना डिविजन ता रेंडु जागाने तूस्तद मत्ता। अदिन काजे उंदी बेरा उंदी डिविजन पोरो हमाला कियाना लोप्पा बरतरी बिल्कुल मावा पक्ष तेने मंजी मनवड।

7. चांग ओसो थान ना डिविजन ता मुख्य सेना मत्ता लुंगकांग-य्वानथओ क्षेत्र मना सेना केंद्रित मत्ता ओसो गुप्त रूप ते अगा एवला काजे माकिन जनता ना समर्थन मत्ता।
8. लुंगकांग ता जागा अनुकूल मत्ता। य्वानथओ पोरो हमला कियाना मुश्किन मत्ता। मति दुश्मन श्याओपू पोरो हमला कियाला मावा गर्रे वातेके अगाटा जागा वेन्ने बेस मत्ता।
9. लुंगकांग ता दिशा लोप्पा मावा सबसे ज्यादा सेना केंद्रित किया परितोर। लुंगकांग ता दक्षिण-पश्चिम लोप्पा 100 ली तुकू कम दूरी ते शिंगक्वो लोप्पा एक हजार तुकू ज्यादा सैनिक मंदाना मावा स्वतंत्र डिविजन मत्ता, अद दुश्मन तल कट कीसि ताना पृष्ठभाग लोप्पा कार्यवाही किया परसी मनवड़।
10. मावा सेना दुश्मन ता मोर्चा किन नड़मा ते तोड़े कीसोरे बाहर वाया परतेके पूर्व ओसो पश्चिम लोप्पा दुश्मन ता सेक्शन वरोन कु वरोनकु वेल्ले जेक आंता।

अदिन काजे इव कारणकुनू ध्यान ते तासी माटू मना पहली लड़ाई चांग ह्वेइ-चान ता मुख्या सेना, ताना रेंडु ब्रिगेड ओसो डिविजन हेडक्वार्टर ता खिलाफ कियाकोम ओसो असल ते माटु सफलतापूर्वक तानकिन नुकसान वेन्ने कीतोम ओसो डिविजनल कमांडर संगे नौ हजार सैनिक कुना पूरा दल किन पोयतोम इंजी विचार कीतोम। वरोर वेन्ने, उंदी घोड़ा वेन्ने पिस्सा परवो। इद सफलता ते थान ना डिविजन वेल्ले वेरिसी तुंगशाओ बगिल वितता ओसो श्वी ना डिविजन थओफी बगिल वितता। ताना परेके मावा सेना थान ना डिविजन ता परेके अरता अनि ताना आधा हिस्सा किन खत्म किता। पांच दिव्या लोप्पा (27 दिसम्बर 1930 तल 1 जनवरी 1931 एवनल) माटु रेंडु लड़ाई लड़ेमातोम, ताना कारण ते फूच्येन, तुंगकू ओसो थओफी लोप्पा मंदाना सेना हारेमायना वेरीं ते अगाटल वितता। इद्रम “घेराव कीसि विनाश कियाना” पहली अभियान मारता।

“घेराव कीसि विनाश कियाना” दूसरा अभियान लोप्पा परिस्थिति दोड़ वेहता लेक्का मत्ता:

1. “दमन कियाना” सेना 2,00,000 सैनिक मत्तोर। हो इंग-छिन ताना कमांडर-इन-चीफ मत्तोर, तीना हेडक्वार्टर नानछांह लोप्पा मत्ता।
2. दुश्मन ता पहली अभियान ता लेक्का तीना लोप्पा वेन्ने च्यांग कार्ई-शेक ना नीजी सेना ता उंदी वेन्ने सेक्शन हिल्वा मत्ता। तीना लोप्पा छाए थिंग-खाए ना नेतृत्व ते 19वीं राह सेना, सुन ल्येन-चुंग ना नेतृत्व ते 26वीं राह सेना ओसो चू शाओ-ल्यांग ना नेतृत्व ते 8वीं राह सेना सबसे मजबूत मत्ता ओसो बाकी सब्बे उचुन कमजोर मत्तांग।
3. ए-बी ग्रुप ता खात्मा कित्ताद मत्ता ओसो आधार-क्षेत्र ता सब्बे जनता लाल सेना ता समर्थन कीसोर मत्तोर।
4. वांग चिन-ख्वी ना नेतृत्व ते पांचवी राह सेना उत्तर बगिल तल पूना-पूना वासी मत्ता। अद मनाकिन वेल्ले वेरियानदु ओसो ताना डावड़ बगिल पश्चिम ते क्वो ह्वा-चुंग ओसो हाओ मंग-लिंग ना नेतृत्व ते मंदाना रेंडु डिविजन मत्तांग, अव वेन्ने माकिन वेरियानवु।
5. मावा सेना मुन्ने फूच्येन पोरो हमला कित्ता परेके पूर्व बगिल उर्रा वेड़ियु लेक्का मुन्ने हत्तेके माटु फूच्येन-च्यांगशी सीमा पोरो च्येननिंग-लीछवान-थाएनिंग क्षेत्र एवनल आधार-क्षेत्र ता विस्तार कीसि मनवड़ ओसो “घेराव कीसि विनाश कियाना” दूसरा अभियान किन खत्म कियाना काजे साधन-स्रोत जमा कीसि मनवड़। इद्रम आयवा माटु पूर्व तल पश्चिम बगिल हमला कीतेके मावा मुन्ने कानच्यांग डोड़डा वांता ओसो अगा लड़ाई खत्म आता परेके विस्तार कियाना मुश्किल आसी मनवड़। लड़ाई खत्म कित्ता परेके पूर्व बगिल दायाना मावा सेना दोगसी मनवड़ ओसो समय अंगड़म हंजी मनवड़।
6. मावा सेना पहली अभियान तुकू संख्या लोप्पा उचुन घटेमासी मत्ता। (30,000 तुकू ज्यादा मत्ता), ताना आराम ओसो ताकत बेरसी कियाला चार महिना लागता।

पोरो वेहता कारण किन ध्यान ते तासी माटु फूच्येन क्षेत्र ता वांग चिन-ख्वी ओसो कुंग पिंग-फान ता सेना (कुन मिलेकीसि ग्यारह रेजीमेंट) तल पहली लड़ाई कियाना इंजी फैसला कीतोमा लड़ाई जीड़ता पेरके माटु क्वो ह्वा-चुंग, सुन ल्येन-चुंग, चू शाओ-ल्यांग ओसो ल्यू हो-तिंग ना सेना पोरो उंदी पेरके उंदी हमला कित्ता। पंद्रह दिया लोप्पा (16 मई तल 30 मई 1931 एवनल) माटु पैदल सात सौ ली ता दूरी वेंडतोम, पांच लड़ाईंग लड़ेमातोम, बीस हजार तुकू ज्यादा राइफल जब्त कीतोम ओसो “घेराव कीसि विनाश कियाना” अभियान किन वेल्ले जोश संगे चकनाचूर कीतोमा वांग चिन-ख्वी संगे लड़ेमायनास्के तिनड़ कै बगिल थिंग-खाए ओसो क्वा ह्वा-चुंग ना नेतृत्ववाले रेंडु दुश्मन सेना ता दलकुना नड़मा-क्वा तुकू दस तुकू ज्यादा ओसो छाए तुकू चालीस तुकू ज्यादा ली ता दूरी ते मत्ता। अस्के उचुन मुल माटु “उंदी गुमिया ते अरला दाया मंतोम” इत्तोर, मति माटु तानकिन पार कीतोमा तीना मुख्य कारण आधार-क्षेत्र ता अनुकूल स्थिति ओसो दुश्मन ता दलकुना नड़मा तालमेल ता कमी आंदू। क्वो ता डिविजन हारेमातास्के हाओ मंग-लिंग ना डिविजन नरका-नरकाए युंगफंग वापिस हत्ता अद्रमासी अद मना किन नुकसान तल बचे कित्ता।

“घेराव कीसि विनाश कियाना” तीसरी अभियान लोप्पाडा परिस्थिति दोड़ वेहता लेक्का मत्ता:

1. च्यांग कार्ई-शेक कमांडर-इन-चीफ ना रूप ते खुद मैदान सम्भाले कित्तोर। ओना अंडर मुवुर कमांडर मत्तोर, ओरा लोप्पा हर कमांडर डावड़, तिनड़ ओसो नड़मा ता उंदी-उंदी सेक्शन ता इनचार्ज मत्तोर। नड़मा सेक्शन ता कमांडर इंग-छिन मत्तोर, ताना हेडक्वार्टर च्यांग ता लेक्का नानछांग लोप्पा मत्ता। तिनड़ कै बगिल ता कमांडर छन मिंग-शू मत्तोर, ताना हेडक्वार्टर चीआन लोप्पा मत्ता। डावड़ बगिल मंदाना सेक्शन ता कमांडर चू शाओ-ल्यांग मत्तोर तीना हेडक्वार्टर नानफंग लोप्पा मत्ता।
2. “दमन कियाना” सेना लोप्पा 3,00,000 सैनिक मत्तोर। मुख्य सेना लोप्पा पहला स्थान लगभग 1,00,000 सैनिक मंदाना च्यांग ना

निजी सेना मत्ता। तीना लोप्पा पांच सेक्शन मत्तांग, इविना कमांडर क्रमशः छन छंग, लो च्वो-इंग, चाओ क्वान-थाओ, वेइ ली-ह्वांग ओसो च्यांग तिग-वन मत्तोर, हर डिविजन लोप्पा नौ रेजीमेंट मत्तांग। दूसरा जागा च्यांग क्वांग-नाए, छाए थिंग-खाए ओसो हान त- छिन ना नेतृत्व ते मूंड डिविनजकु मत्तांग, अविना लोप्पा कुल मिले कीसि 40,000 सैनिक मत्तोर, तीसरा जागा सुन ल्येन-चुंग ना नेतृत्व ते मत्ता, अगा 20,000 सैनिक मत्तोर। बाकी सब्बे सेना ताकत कमजोर मत्ता ताना लोप्पा च्यांग ना निजी सेना हिल्वा मत्ता।

3. इद “दमन कियाना” अभियान लोप्पा दुश्मन ता रणनीति “उर्रा वेडिय लेक्का लोप्पा नेंगना” मत्ता, दूसरा अभियान लोप्पा लागू कित्ता “हर कदम ते मोर्चेबंदी कियाना” ता रणनीति तुकू वेल्ले अलग मत्ता। ताना उद्देश्य लाल सेना किन कानच्यांग डोड्डा एवनल पूंडना ओसो अगा तानकिन खत्म कियाना।
4. दूसरा अभियान ता समाप्त ओसो तीसरी अभियान ता शुरूआत ता नडमा केवल उंदी महिना अन्तर मत्ता। लाल सेना किन वेल्ले कठिन लडाई ता पेरके आराम वेन्ने दोरको ओसो सैनिक लोरा कमी वेन्ने पूरा कित्ताद हिल्वा मत्ता (अद समय ते लाल सेना लोप्पा लगभग 30,000 सैनिक मत्तोर)। इदे आयवा दक्षिण च्यांगशी लोप्पाडा आधार-क्षेत्र ता पश्चिमी भांग ते शिंगक्वो पोरोल ता जागा ते वापिस वासी जमा आयना काजे लाल सेना किन वेण्डे एक हजार ली तिरिया लागता। मति दुश्मन नालुंग बगिल तल जल्दी-जल्दी ताना हेरे वासोरे मत्ता।

इद्रम ता परिस्थिति ते माटु मुन्ने शिंगक्वो तल वान-आन हंजी फूच्येन तल घेराव किन तोडे कीसि बाहर वायाना ओसो ताना पेरके पश्चिम तल पूर्व बगिल मुन्ने हंजोरे दुश्मन ता पृष्ठभाग ते दुश्मन लाईनकुना पोरो हमला कियाना इंजी योजना पंडतोम, अद्रमे दक्षिणी च्यांगशी लोप्पा दुश्मन ता मुख्य सेना किन मावा आधार-क्षेत्र लोप्पा जेक एवनल नेंगला

हिता पेरके अगा तानकिन बेकार बने कियाना। मावा फौजी कार्यवाहीता शुरूआत इद्रम आंता। ताना पेरके दुश्मन उत्तर बगिल वांतोर, अस्के ओर वेल्ले दोगसी मंदिंतोर अनि माटु मौका हूडसी कमजोर युनिटकुना पोरो हमला कीतोमा। इद मावा फौजी कार्यवाही ता दूसरा कालम आंदू। इद योजना ता सार दुश्मन ता मुख्य सेना तल बचेमायना ओसो ताना कमजोर युनिटकुना पोरो हमला कियाना मत्ता। मति मावा सेना फूच्येन बगिल हंजोर मत्तास्के दुश्मन किन मावा बारे ते समाचार दोरकता ओसो छन छंग ओसो लो च्वो-इंग ना नेतृत्व ते ओना रेंडु डिविजनकू तुरंत अगा एवता। माकिन मना योजना बदले किया लागता। पेरके शिंगक्वो काउन्टी ता पश्चिमी भाग लोप्पा काओशिंगश्ची बगिल वाया लागता। अस्के मना सैनिक लोरा केंद्रित आयाला काजे सिर्फ इंदे उंदी जागा ओसो दसियों वर्ग-ली ता प्रदेश मत्ता। अगा केंद्रित आयाना उंदी दिव्या पेरके माटु शिंगक्वो काउन्टी ते पूर्व ते मंदाना ल्येनथांग बगिल, युंगफंग काउन्टी ता दक्षिणी भाग ते परिस्थिति ल्यांगछुं बगिल ओसो निंगतू काउन्टी ता उत्तरी भाग लोप्पा मंदाना ह्वांगफी बगिल जल्दी दायना इंजी फैसला कोतोमा। अदे दिव्या नरका माटु च्यांग तिंग-वन ता डिविजन ओसो च्यांग क्वांग-नाए, छाए थिंग-खाए ओसो हान त-छिन ता सेना नडमा चालीस ली ता कोहडा तल वेंडतोम ओसो ल्योनथांग एवतोमा। दूसरा दिव्या माटु शांगक्वान युन-श्यांग (मना ओसो हाओ मंग-लिंग ता डिविजन कमांडर मत्तोर) ना सेना ता अग्रिम सेना संगे टक्करे मतोर। पहली लड़ाई तीसरा दिव्या शांगक्वान ता डिविजन संगे ओसो दूसरा बगिल लड़ाई चौथा दिव्या हाओ मंग-लिंग ता डिविजन संगे आता। पेरके तीन दिव्या एवनल ताकता पेरके माटु ह्वांगफी एवतोम ओसो अगा मावा तीसरी लड़ाई माओ पिंग-वन ते मंदाना डिविजन संगे आता। माटु मूंड लड़ाईंग लोप्पा सफलता दोरकी कीतोम ओसो दस हजार तुकू ज्यादा राइफल जब्त कीतोमा। अस्के पश्चिम ओसो दक्षिण बगिल दायना दुश्मन ता सब्बे मुख्य सेना, पूर्व बगिल मल्ला। ह्वांगफी पोरो कोंडा वाटसी ओर मावा खिलाफ लडेमायाला काजे उर्ग वेडिय तल संगेने वित्तना ओसो मावा नालुंग बगिल उंदी बेहरा घेराव कियाना काजे वातोर। च्यांग क्वांग-

नाए, छाए थिंग-खाए ओसो हान त-छिन ता सेना दल, छन छंग ओसो लो च्वो-इंग ता सेना नड्मा बीस ली ता दूरी मत्ता अगाटा बेहरा मेट्टांग नड्मा तगडल माटु कुस्के पेसिस वातोमः इद्रम माटु पूर्व तल पश्चिम बगिल वासी शिंगक्वो काउन्टी ता सीमा ते वेंडे जमा आतोम। दुश्मन किन तीना समाचार दोरकता ओसो अद पश्चिम बगिल वाता, अस्के मावा सेना उंदी उचुन आराम कीसि मत्ता, मति दुश्मन ता सेना करविने, दोगसी मत्ता, ताना लोप्पा इंजे ओसो लड़ेमायना ताकत हिल्वा मत्ता ओसो अद रिट्रीट आयना फैसला कीसि मत्ता। ताना पेरके माटु मौका ता फायदा तेहची च्यांग क्वांग-नाए, छाए थिंग-खाए, च्यांग तिग-वन ओसो हान त-छिन ता सेना पोरो हमाला कीतोम ओसो च्यांग तिग-वन ता उंदी ब्रिगेड ओसो हान त-छिन ता उंदी पूरा डिविजन किन खत्म कीतोम। च्यांग क्वांग-नाए ओसो छाए थिंग-खाए ना नेतृत्व ते रेंडु डिविजन संगे मावा टक्कर आतास्के गतिरोध पुटता ओसो अव बचेमासी पेस्तांग।

“घेराव कीसि विनाश कियाना” चौथी अभियान लोप्पाडा परिस्थिति दोड़ रास्ता लेक्का मंता:

दुश्मन सेना तीन सेक्शन कुने अलग आसी क्वांग छांग बगिल हत्ता। मुख्य सेना पूर्व ते मत्ता। ताना पश्चिमी सेक्शन ते मत्ता रेंडु डेविजन मावा मुन्ने मत्तांग, ओसो मावा डेरा तुकू गरे मत्ता। इद्रम मुन्ने माटु ईह्वांग काउन्टी ता दक्षिणी भाग ते दुश्मन फौज ता पश्चिम सेक्शन पोरो हमला कियाना मौक दोरकता अनि उंदी बेरा माटु ली मिंग ओसो छन श-ची ता रेंडु डिविजन किन कीतोम। दुश्मन मना मध्यवर्ती सेक्शन ता मदद काजे पूर्व सेक्शन ते रेंडु डिविजन लोहतास्के अद मुन्ने वाता पेरके माकिन ईह्वांग काउन्टी ता दक्षिणी भाग लोप्पा मत्ता ताना उंदी डिविजन किन खत्म कियाना मौका दोरकता। इव रेंडु लड़ाईंग लोप्पा दस हजार तुकू ज्यादा राइफल जब्त कितीम ओसो “घेराव कीसि विनाश कियाना” अभियान किन बुनियादी रूप ते चकनाचूर कीतोम।

“घेराव कियाना आसो विनाश कियाना” पांचवी अभियान लोप्पा दुश्मन ता किलेबंदी बने कियाना उंदी पूना रणनीति लागू कीसि मुन्ने हत्ता

ओसो अद सबसे मुन्ने लीछवा पोरो कब्जा कित्ता। मति ताना पोरो दोबार कब्जा कियाना ओसो दुश्मन किन आधार-क्षेत्र ता बाहर रोमी कियाना कोशिश ते माटु लीछवान ता उत्तर ते मंदाना श्याओशि पोरो हमला कीतोम, अद दुश्मन ता उंदी मजबूत गढ़ ओसो पांडरी इलाका वेन्ने मत्ता। अद लड़ाई किन असफलत आता पेरके माटु श्याओशि ता दक्षिण-पूर्व लोप्पा चिशीछयाओ पोरो हमला कीतोम। इद वेन्ने दुश्मन ता मजबूत गढ़ मत्ता ओसो पांडरी इलाका वेन्ने। इगा वेन्ने माटु विफल आतोम। ताना पेरके दुश्मन संगे लड़ेमायना कोशिश ते ओरा मुख्य सेना ओसो ओरा किलेबंदिना नड़मा तिरियसोर मत्तोम ओसो मावा परिस्थिति बिल्कुल निष्क्रियता आता। “घेराव कीसि विनाश कियाना” अभियान खिलाफ सालमेंड ताकना पूरा पांचवी जवाबी अभियानतास्के माटु उचुन वेन्ने पहलकदमी लेवेके संचालन तोहत्ताद हिल्लेम आखरी ते मावा मुन्ने च्यांगशी ता मना आधार-क्षेत्र तल पेरके गुचना विड़िसी दूसरा बदे हर्ी हिल्ले आता ।

“घेराव कीसि विनाश कियान” खिलाफ पोरो वेहता पहली तल पांचवी जवाबी अभियान एवनल मावा सेना किन दोरकता अनुभव तल लाल सेना काजे, रक्षात्मक परिस्थिति मत्तास्के दुश्मन ता “दमन कियाना” बेहरा ओसो ताकतवर सेना किन तहस-नहस कियाला प्रत्याक्रमण कियानास्के पहली लड़ाई वेल्ले महत्व ता मंता इंजी साबित आंता। ताना सफलता लेवेके विफलता ता वेल्ले बेहरा प्रभाव पूरा परिस्थिति पोरो अरिंता। ओसो ताना प्रभाव आखरी टक्कर पोरो वेन्ने अरिंता। अदिन काजे माटु दोड़ रास्ता निष्कर्षकुने एविंतोम:

पहला, पहली लड़ाई बद्रमाई जरूर जीड़ाना। मनाकिन दुश्मनता परिस्थिति, जागा ओसो जनता ना रुख सब्बे मावा अनुकूल ओसो दुश्मन ता प्रतिकूल मंता इंजी पक्का विश्वास मत्तास्केने हमला कियाना। इद्रम हिल्ले इत्तेके मना किन पेरके गुचना ज्यादा सही आल्सना ओसो सतर्क मंजी मौका हूडसोर मंदाना। मौका हमेशा दोरकोसोरे मंदिंता: मनाकिन जल्दबाजी ते लड़ाई लोप्पा डेयनायो। “घेराव कीसि विनाश कियाना”

खिलाफ पहली जवाबी अभियान ते माटु थान ताओ-य्वान ता सेना पोरो हमला कियाना इंजी आल्सतोमः माव सेना रेंडु बेरा मुन्ने हत्ता, मति रेंडु बेरा वेन्ने मना सेना किन वापिस वाया लागता बारांकु इत्तेके दुश्मन ता सेना य्वानथओ ता पोरोटा अनुकूल जागा तल अलग आयवा मत्ता। उचुन दिव्या पेरके माटु चांग ह्वेइ-चान ता सेना किन परकतोम, अद मावा हमला काजे वेल्ले अनुकूल मत्ता। दूसरी जवाबी अभियान लोप्पा मना सेना तुंगकू एवता, इदिना लक्ष्य केवल वांग चिन-ख्वी ना सेना फूच्येन ता तन्ना मजबूत गढ़ किन विड़सी दायना इंजी मत्ता, अगा माटु मना समाचार दुश्मन किन एवसी कियाना खतरा वेन्ने एततोम अनि पच्चीस दिव्या एवनल दुश्मन तुकू गॅरे डेरा वाटसी मत्तोमः तुरंत हमला कियाला काजे हीता सुझाव किन वेन्ने ठुकरे कीतोम अनि आखिरी ते मना लक्ष्य किन दोरकी कीतोमा तीसरी जवाबी अभियान लोप्पा स्थिति उर्रा वेड़िय लेक्का मत्ता ओसो मावा सेना एक हजार ली तिरियसी वासी मत्ता, ओसो दुश्मन किन तन्ना बगिल ओसो पृष्ठभाग बगिल हंजी फौजी कार्यवाही कियाना मना योजना ता बारे समाचार दोरकसी मत्ता, मति माटु समझदारी संगे पेरके गुचतोम ओसो मना कार्यनीति किन नड़मा घेराव तोड़े कीसि बाहर वायना बदले कीतोम ओसो आखरी ते ल्येनथांग लोप्पा पहली लड़ाई सफलतापूर्वक कीतोमा चौथी जवाबी अभियान लोप्पा नानफंग पोरो हमला कीसि कब्जा कियाना लोप्पा विफल आता पेरके, माटु दृढ़ता ते पेरके गुचना कार्यनीति लागू कितोमा आखिर ते दुश्मन ता तिनड़ कै बगिल तल वासी माटु तुंगशाओ क्षेत्र लोप्पा मना सेना किन केंद्रित कितोम ओसो ईह्वांग ता दक्षिणी भाग ते मना महान ओसो विजयी लड़ाई शुरू कीतोमा केवल उंदी काउंटी-केद्र लीछवान ता कैदल दायना पोल्लो लोकुर किन परेशान कित्ता, तानकिन वेण्डे हासिल कियाना कोशिश ते दुश्मन संगे मुठभेड़ कियाला काजे उत्तर बगिल मुन्ने हत्तोमा श्युनखओ लोप्पा दुश्मन संगे अचानक आता मुठभेड़ लोप्पा जीड़ता पेरके (ताना लोप्पा दुश्मन ता उंदी डिविजन किन खत्म कित्ताद मत्ता) तानकिन पहली लड़ाई ता रूप ते स्वीकार कियमूडाता ओसो इविना लोप्पाडल पुटना बदलाव कुनाए अंदाजा

वाटमूडायो आता, सफलता दोरकना सम्भावना हिल्वेकाई जल्दबाजी ते श्याओशि पोरो हमला वेन्ने कीयमूडाता। अद्रमासी पहली चाल तेने मना पहलकदमी हत्ता। लडेमायना इद तरीका सबसे मूर्खतापूर्ण ओसो सबसे अंगडम ता तरीका मत्ता।

दूसरा, पहली लड़ाई ता योजाना पूरा अभियान ता योजना संगे बेस जुड़ेमासी मंदना मुंदू माटा लेक्का मंदाना। पूरा अभियान काजे बेसता योजना हिल्वेके असली सफलता संगेने पहली लड़ाई लडेमायना असम्भव आंता। दूसरा हिसाब ते इद शुरूआती लड़ाई लोप्पा जीडतेकाई, पूरा अभियान किन फायदा आयना जागा ते नुकसान आंता इत्तेके, इद्रम ता सफलता किन विफलता समझेमायमूडांता (उदाहरण काजे “घेराव कीसि विनाश कियाना” पांचवी अभियान लोप्पा श्यनखओ ता लड़ाई)। अदिन काजे पहली लड़ाई लडेमायना मुन्ने दूसरी, तीसरी, चौथी ओसो आखरी लड़ाई बद्रम लडेमायमूडायर इंजी विचार कियाना जरूरत मंता। माटु पोरो वेहता हर लड़ाई ते जीडंतोम अस्के दुश्मन ता पूरा परिस्थिति लोप्पा बाता बदलाव वांता इंजी आल्सना जरूरत मंदिता। माटु हारेमातास्के पूरा परिस्थिति लोप्पा बाता बदलाव वांता। मनम मुन्ने आल्सता लेक्का, इदिन बिल्कुल अद्रमे आल्सनायो- ओसो अद अद्रमे मन्नो इत्तेके मन्नोए आंता मति मना ओसो दुश्मनता मुन्ने मंदाना सब्बे परिस्थितिंग किन हूडसोरे माटु सतर्कता ते ओसो सही तरीका ते आल्सना। पूरा परिस्थिति किन जीवा कीसि हूडवा लेवा बदे वेन्ने बेसता प्लान कियाना असम्भव आंता।

तीसरा, युद्ध दूसरा रणनीतिक काल ता योजना पोरो वेन्ने ध्यान हियाना। माटु केवल मना प्रत्याक्रमण लोप्पा ने व्यस्त मत्तेके ओसो मनम हारेमाता पेरके लेवेके जीडता पेरके बाता कियाना इंदाना पोरो ध्यान हिवा मत्तेके, माटु रणनीतिक निर्देशक ना रूप ते मना जिम्मेदारी किन पूरा किया परबोम आंताम। रणनीति ता निर्देशक उंदी रणनीतिक काल ते मत्तास्के, पेरके ओनकिन बचोनो काल या कम से कम दूसरा काल पोरो जरूर ध्यान हियाना। मति वायना बदलाव कुना मुन्ने ने हूडाना मुशिकल मंता, ओसो

मुन्नेटा पोल्लो बचोन जेक मंदिता अचोन धुंधला दिसिंता, मति ताना साधारण अनुमान वाटाना सम्भव मंता ओसो जेक ता पोल्लोग किन आंकलन कियाना जरूरत मंता। निर्देशक लोरु कियाना प्लान पोरोने ध्यान हिवेके, राजनीति लोप्पाने आयो युद्ध लोप्पा वेन्ने नुकसान आंता। हर बार बदे वेन्ने प्लान कियानास्के ताना लोप्पा ठोस बदलाव बाता आंता इंदानदु हूडाना, अस्केने अविना अनुसार अव रणनीति ओसो अभियान संबंधित मंदांनुंग ओसो अविना अनुसार अविन मना रणनीति ओसो अभियान संबंधित योजनांग किन सुधरे कियाना लेवेके विकसित कियाना। लेवेके ओर खतरा ता परवा किवा लेवा अन्धाधुंध कार्यवाही कियाना गलती कींतोरा। इद लम्बा समय काजे आल्सना ओसो योजना पूरा रणनीतिक काल पोरो ओसो बचोनो रणनीतिक काल पोरो वेन्ने लागू आयना लेक्का बने कियाना। इद्रम ता योजना बने किवेके माटु पेरके-मुन्ने आल्सोरे मंदिंतोम ओसो इद्रम ता गलती दुश्मन ता राजनीतिक जरूरत किन पूरा कींतांग ओसो माटु खुद निष्क्रिय अवस्था ते अरिंतोम। दुश्मन कैदे वेन्ने उचुन लेवेके ज्यादा रणनीतिक समझदारी मंता इंदाना पोल्लो किन सुरता तासना। माटु खुद ट्रेनिंग एतिसी दुश्मन संगे बेहरा स्तर ते एविंतोम अस्केने रणनीतिक सफलता दोरकना सम्भावना मंदिता। दुश्मन ता “घेराव कीसि विनाश कियाना” पांचवी अभियान ताकनास्के “वामपंथी” अवसरवादी लाईन, ओसो चांग क्वो-थाओ ना लाईन ता रणनीतिक निर्देशन ता त्रुटि ता मुख्य कारण इद्रम कीतद हिल्वा मत्ता। सारांश ते माटु रिट्रीट आसोरे मंतोम अस्के प्रत्याक्रमण ता कालम पोरो ध्यान हियाना ओसो माटु प्रत्याक्रमण कियामंतोम इत्तेके आक्रमण कालम पोरो ध्यान हियाना, ओसो माटु आक्रमण कियानास्के रिट्रीट आयना पोरो ध्यान हियाना। इव सब्बे कीसि केवल टाईम वेस्ट कियाना विचार लोप्पा नेंगसी मंदांन हार अस्सना लेक्काने आंता।

पहली लड़ाई जरूर जीडना, पूरा अभियान ता योजना किन जरूर ध्यान ते तासना। ओसो दूसरा रणनीतिक कालम पोरो जरूर ध्यान हियाना।

इव मूंड सिद्धांतकु मंतांग अविन प्रत्याक्रमण शुरू कियानास्के, इत्तेके पहली लड़ाई लड़ेमायनास्के माटु बिल्कुल मरंगनायो।

6. सेना ता ताकत कुना केंद्रीकरण ता समस्या

सेना ता केंद्रीकरण हूडना लोप्पा हल्को मंदिता, मति अमल कियाना वेल्ले कठिन मंता। सबसे बेसता तरीका मंता इंजी सब्बेतोर पुत्तोर उंदी सुडला फौज किन हारे कियाला काजे उंदी बेहरा फौज ता इस्तेमाल कियाना। मति वेल्ले मुल इद्रम किया परवोर आंतोर, अद्रमासी तीना विपरित हमेशा मना सेना किन विकेंद्रित कींतोर। बारांकु इत्तेके इद्रम ता युद्ध निर्देशक लोरगा रणनीतिक समझदारी ता कमी मंदिता। ओसो मुश्किल परिस्थित लोप्पा ओर लेसिंतोर, इद्रम ओर परिस्थितिना गुलाम बनेमांतोर, मना पहलकदमी हत्ता पेरके निष्क्रियता ता रुख लागू कींतोमा।

परिस्थिति बचोन मुश्किल मत्तेकाई वरोर सेना निर्देशक काजे सबसे मुन्ने तन्ना सेना किन स्वतंत्रता ते संगठित कियाना जरूरत मंता ओसो तानकिन काम लोप्पा लागे कियाना क्षमता मंदाना जरूरत मंदिता। लेवेके दुश्मन हमेशा ओनकि पेशानी ते वाटिंतोर, अनि ओना काजे जल्दीए दूसरा पहलकदमी कियाना पोल्लो महत्वपूर्ण मंदिता। ओर इदिना लोप्पा असफल आतेके, विफलताए दोरकिंता।

पहलकदमी बदे कल्पना आयो, अद उंदी ठोस ओसो भौतिक चीज मंदिता। इगा सबसे महत्वपूर्ण पोल्लो बातल इत्तेके उंदी वेल्ले बेहरा ओसो जुझारू भावना संगे लैस मंदाना सेना किन सुरक्षित तासना ओसो तानकिन केंद्रित कियाना।

असल ते रक्षात्मक लड़ाई लोप्पा निष्क्रिय अवस्था ते एवना हल्को मंदिता। आक्रमणात्मक लड़ाई ता तुलना ते तीना लोप्पा पहलकदमी ता पूर्ण विकास कियाला काजे वेल्ले कम सम्भावना मंदिता। मति रक्षात्मक लड़ाई रूप (form) इसाब ते निष्क्रिय मंजि, अन्तर्वस्तु (content) इसाब ते सक्रिय (active) आया परिंता। अद रूप ता इसाब ते निष्क्रियता कालम

ते बदलेमासी रूप ओसो अन्तर्वस्तु ता दृष्टिकोण ते सक्रियता कालम ते एवा परिंता। माटु पूरा योजना बने कीसि रणनीतिक दृष्टिकोण ते पेरके गुचिंतोम अस्के बाहर तल हूडतेके दबाव ते वासी किता लेक्का आंता। मति असल ते तीना लक्ष्य माटु मना फौज ता ताकत किन सुरक्षित तासना ओसो दुश्मन किन हारे कियाना मौका दोरकी कियाना, तानकिन चकमा हिंसी राज्य लोप्पा जेक एवनल नेंगला हियाना अनि प्रत्याक्रमण ता तैयारी कियाना मंदिता। दूसरा बगिल रिट्रीट आयला इनकार कियाना ओसो जल्दबाजी ते लड़ाई किन स्वीकार कियाना (श्याओशि ता लड़ाई लेक्का) पहलकदमी कैदे पोयना काजे किता गंभीर कोशिश लेक्का मत्तेकाई, असल ते अद उंदी निष्क्रिय प्लान आंदू। रणनीतिक प्रत्याक्रमण केवल अन्तर्वस्तु ता दृष्टिकोण तेने सक्रिय मन्नो आंता रूप ता दृष्टिकोण ते वेन्ने रिट्रीट आयानास्केटा निष्क्रियता किन विडसिंता। दुश्मन ता सम्बंध ते मावा प्रत्याक्रमण मना बगिल तल दुश्मन किन पहलकदमी विडसला मजबूर कियाना ओसो निष्क्रिय (passive) अवस्था ते वाटना कोशिश मंदिता।

इद लक्ष्य किन पूरा कियाला काजे सेना ता केंद्रीकरण, चलायमान लड़ाई, तुरंत निर्णय ता लड़ाई ओसो विनाश ता लड़ाई- इव सब्बे शर्तकुना जरूरत मंता। इविना लोप्पा सेना ता केंद्रीकरण सबसे पहला ओसो मुख्य शर्त आंदू।

दुश्मन ओसो मना नडमा ता परिस्थिति किन बदले कियाला काजे सेना ता केंद्रीकरण कियाना जरूरत मंता। मुन्ने तीना उद्देश्य मुन्ने दायना ओसो पेरके गुचना परिस्थिति किन बदले कियाना। मुन्ने दुश्मन मुन्ने वांदुर ओसो माटु पेरके गुचिंदुम, इंजे माटु मुन्ने दायाना ओसो दुश्मन पेरके गुचना लेक्काट परिस्थिति बने कियाला आल्सा मंतोमा। माटु लड़ाई लोप्पा मना सेना किन केंद्रित कीसि सफलता दोरकी कींतोम, इत्तेके अद लड़ाई लोप्पा माटु इद लक्ष्य किन पूरा कींतोम। ओसो तीना प्रभाव पूरा अभियान पोरो अरिंता।

दूसरा इदिना उद्देश्य आक्रमण ओसो रक्षा ता परिस्थिति किन बदले कीता। चुने कित्ता विराम-स्थल एवनल पेरके गुचना रक्षात्मक लड़ाई लोप्पा बुनियादी रूप ते निष्क्रिय मंदिता इत्तेके “रक्षा” ता पोल्लो मंदिता। प्रत्याक्रमण सक्रिय कालम इत्तेके “आक्रमण” काल ता पोल्लो आंदू। मति रणनीतिक रक्षा ता पूरा कालम ताना रक्षात्मक स्वरूपे मंदिता, इद्रम आतेकाई पेरक गुचना तुकू प्रत्याक्रमण ता स्वरूप, रूप ता दृष्टिकोण तेने आयो अन्तर्वस्तु ता दृष्टिकोण ते वेन्ने बदलेमांता। प्रत्याक्रमण रणनीतिक रक्षा ओसो रणनीतिक आक्रमण नडमा ता उंदी संक्रमणात्मक (transitional) चीज आंदू ओसो स्वरूप ता दृष्टिकोण ते रणनीतिक आक्रमण ता प्रस्तावना आंदू: प्रत्याक्रमण ता उद्देश्य ते सेना ता केंद्रीकरण कियमूडांता।

तीसरा उद्देश्य लोप्पाटा ओसो बाहर ता सेना-दल कुना परिस्थिति किन बदले कियाना मंता। रणनीतिक दृष्टिकोण ते बद सेना-दल लोप्पाटा सेना पोरो फौजी कार्यवाही कीता अदिन वेल्ले प्रतिकूल पहलू किन सहन किया लागिंता। ओसो इद खासकर लाल सेना पोरो लागू आंता। अद्रमासी दुश्मन ता “घेराव कीसि ओसो विनाश कियाना” अभियान ता सामना कियाना लागता। मति अभियान ओसो लड़ाईंग लोप्पा माटु इद परिस्थिति किन बदले किया परिंतोम ओसो इदिन बद्रमाई बदले कीतेके ने बेस मंदिता। दुश्मन ता मना खिलाफ कित्ता “घेराव कीसि विनाश कियाना” उंदी बेहरा अभियान किन माटु दुश्मन ता खिलाफ घेरा कियाना ओसो विनाश कियाना बचोनो ओसो अलग-अलग अभियानकुने बदले किया परिंतोम। दुश्मन ता रणनीतिक दृष्टिकोण ते अलग-अलग कॉलम नगडल मना पोरो कित्ता एकाग्र (converging) हमला किन माटु वेल्ले एकाग्र हमलाकुने बदले किया परिंतोम, अविन अभियान ओसो लड़ाईंग ना दृष्टिकोण ते मावा सेना दुश्मन खिलाफ ताकी कित्ता। दुश्मन ता रणनीतिक श्रेष्ठता किन माटु अभियान ओसो लड़ाई ता मना श्रेष्ठता ते बदले किया परिंतोम। रणनीतिक दृष्टिकोण ते सुदृढ़ स्थिति मंदाना दुश्मन किन माटु अभियान ओसो लड़ाईंग ना दृष्टिकोण ते कमजोर स्थिति ते वार्टितोम।

संगेने रणनीतिक दृष्टिकोण ते मना कमजोर स्थिति किन माटु अभियान ओसो लडाईंग ना दृष्टिकोण ते उंदी सुदृढ स्थिति ते बदले किया परितोमा इदिने माटु लोप्पटा-लाईनता आपरेशन (interior-line operations), लोप्पा बाहरी लाईन ता आपरेशन (exterior-line operations) कियाना इंतोम, “घेराव कीसि विनाश कियाना” अभियान लोप्पा घेराव कियाना ओसो विनाश कियाना, नाकेबंदी लोप्पा नाकेबंदी कियाना, रक्षा लोप्पा आक्रमण कियाना, स्लो (तीरम) लोप्पा स्पीड बेरसी कियाना, निर्बलता लोप्पा सबलता पैदा कियाना, प्रतिकूल स्थिति लोप्पा अनुकूल स्थिति पैदा कियाना ओसो निष्क्रियता परिस्थिति ते पहलकदमी कियाना परिस्थिति पुट्टी कियाना। रणनीतिक रक्षा लोप्पा सफलता दोरकी कियाना बुनियादी रूप ते सेना ता केंद्रिकरण कियाना तरीका पोरने निर्भर मंता।

चीन ता लाल सेना ता युद्ध-इतिहास लोप्पा इद सवाल पोरो हमेशा महत्वपूर्ण चर्चांग तेदतांग। 4 अक्तूबर 1930 ते चीआन ता लडाई लोप्पा माटु मना सेना ता पूरा केंद्रीकरण आयना मुन्ने ने मुन्ने हंजी हमाला शुरू कीतोमा मति दुश्मन ता सेना (तंग इंग ना डिविजन) अपने आप वित्तता। मावा आक्रमण अंगडम आता।

1932 तल “सब्बे मोर्चा तल हमला किमूट” इंदाना नारा मुन्ने वाता, तीना मांग मना आधार-क्षेत्र तल उत्तर, दक्षिण, पूर्व, पश्चिम सब्बे दिशानल हमला कियाना मत्ता। इद्रम कियाना इत्तेके रणनीतिक रक्षा ता दृष्टिकोण तेने आयो रणनीतिक आक्रमण दृष्टिकोण ते वेन्ने गलत आंता। बस्के एवनल मावा ओसो दुश्मन ता कुल तुलनात्मक ताकत लोप्पा बुनियादी बदलाव आयो अस्के एवनल रक्षा ओसो आक्रमण ओसो दुश्मन किन रोमी कीसि तासना ओसो हमला कियाना, रेंडासी रणनीतिक, कार्यनीतिक दृष्टिकोण ते संगे-संगे ने ताकिंतांग। असल इत्तेके “सब्बे मोर्चानल हमला कियाना” पक्काए कम आंता। इद नारा तल फौजी दुस्साहसवाद (adventurism) संगे वायाना सैनिक समानतावाद (equalitarianism) दिसिंता।

1933 ते सैनिक समानतावाद ता समर्थक लोर “रेंडु बगिल तल हमला कियाना” सिद्धांत तेंडतोर ओसो लाल सेना ता मुख्य सेना किन तूससी रेंडु रणनीतिक दिशा ने उंदी बेरा सफलता दोरकी कियाना कोशिश कित्ता। अदिन काजे उंदी बगिल ता लड़ाई निष्क्रिय मत्ता ओसो दूसरा बगिल ता लड़ाई पूरा दोगता, ओसो माटु अद समय ते सबसे बेहरा सफलता दोरकी कियाना लोप्पा विफल आतोम। नावा हिसाब ते बस्के एवनल ताकतवर दुश्मन मंता अस्के एवनल मनाकिन मना सेना ता संख्या बचोन मत्तेकाई ताना इस्तेमाल रेंडु दिशाने आयवा लेवा, उंदी बेरा ते उंदी मुख्य दिशा ते कियाना। नाकिन रेंडु लेवेके वेल्ले दिशाने कार्यवाही कियाना बारे ते मुशिकल हिल्ले, मति उंदी बेरा ते उंदी मुख्या दिशा मंदाना। चीनी लाल सेना गृहयुद्ध ता मैदान लोप्पा उंदी सुडला ओसो कमजोर सेना ता रूप ते रेयता, ताकतवर दुश्मन सेना किन बार-बार हारे कित्ता ओसो इद्रम ता वेल्ले सफलतांग दोरकी कित्ता, इविन हूडासी दुनिया हैरान आता। अव मुख्य रूप ते केंद्रित सेना ता इस्तेमाल पोरने निर्भर आसी किया परता। ताना बदे वेन्ने बेहरा सफलता इदिन साबित किया परित्ता। माटु “दस ता मुकाबला वरोना संगे कियाकोम ओसो सौ ता मुकाबला दस संगे कियाकोम” इंतोम अस्के माटु रणनीति ता, पूरा युद्ध ता ओसो दुश्मन ता ओसो मना नडमा ता कुल तुलनात्मक ताकत ता बारे ते वडकसोर मंतोम। ओसो रणनीतिक दृष्टि ते माटु इद्रमे कीसोर मंतोम। मति अभियान या कार्यनीति ता बारे ते माटु इन्नोम आंतोम ओसो अद क्षेत्र लोप्पा बस्केने इद्रम कियानायो। प्रत्याक्रमण लेवके आक्रमण मत्तेकाई, माटु दुश्मन दल ता उंदी अंग पोरु नुक्सान कियाला काजे हमेशा बेहरा सेना किन जमा कीतोम। सेना किन केंद्रित किवा मंजी माटु वेल्ले लड़ाईंग लोप्पा नुक्सान आतोम, इत्तेके जनवरी 1931 ते च्यांगशी प्रांत ता निंगतू काउन्टी तुंगशाओ क्षेत्र लोप्पा थान ताओ-ख्वान ना खिलाफ कित्ता लड़ाई, अगस्त 1931 ता च्यांगशी प्रांत ता शिंगक्वो काउन्टी ता काओशिंग्शी क्षेत्र लोप्पा 19वी राह सेना ता खिलाफ कित्ता लड़ाई, जुलाई 1932 लोप्पा क्वांगतुंग प्रांत ता नानशुंग काउन्टी ता श्वेइखओशी क्षेत्र लोप्पा छन ची-

थांग ता खिलाफ लड़ाई, ओसो मार्च 1934 ता च्यांगशी प्रांत लोप्पाड़ा लीछवान काउन्टी ता थ्वान-छुन क्षेत्र लोप्पा छन छंग ना खिलाफ कित्ता लड़ाईंग शामिल मंतांग। श्वेइखओश्वी ओसो थ्वानछुन लेक्काटा लड़ाईंग किन बेहरा सफलतांग लोप्पा लेकमूडांदू (पहली बेरा लड़ाई लोप्पा माटु छन ची-थांग ता बीस रेंजीमेंट किन तितर-बिततर कीतोम ओसो दूसरा लड़ी लोप्पा छन छंग ता बारहरेजीमेंट किन)। मति माटु इद्रम ता सफलतांग किन बस्के ने स्वागत कीतद हिल्ले ओसो अविन विफलता वेन्ने समझेमाताद मंता। बारांकु इत्तेके मावा विचार ते बस्के एवनल लड़ाई ता सफलता लोप्पा मनाकिन सामन दोरको आंता, अस्के एवनल लड़ाई ता महत्व कम मंदिता। मना रणनीति “दस ता मुकाबला वरोन संगे कियाना” मंता, मति मना कार्यनीति “वरोना मुकाबला दस संगे कियाना” मंता। इद मना दुश्मन किन हारे कियाना बुनियादी उसूलकुना लोप्पाडल उंदी आंदू।

1934 लोप्पा “घेराव कियाना ओसो विनाश कियाना” अभियान ता खिलाफ मना पांचवी जवाबी अभियान लोप्पा सैनिक समानतावाद सबसे पोरों एवसि मत्ता। “मना सेना किन छः हरीं तूसतेके”, “सब्बे मोर्चा ने मुकाबला कीतेके” माटु दुश्मन पोरों दबाव वाटा परितोम इंजी आल्सताद मत्ता, मति दुश्मन मना पोरों दबाव वाटता, बारांकु इत्तेके राज्य पोहाना वेरीं मत्ता। माटु मना मुख्य सेना किन उंदी दिशा ते केंद्रित कीतोम ओसो दूसरा दिशा ने केवल दुश्मन किन रोमी कियाला काजेने उचुन सेना किन विडसिंतोम, अस्के पक्का मना राज्य किन नुकसान आयाना तल बचे कियाना मुश्किन आंता। मति इद्रम ता नुकसान केवल अस्थाई ओसो आंशिक मंदितांग ओसो अविना भरपाई हमला कियाना क्षेत्र लोप्पा मना सफलता आतास्के आंता। इद्रम ता सफलतांग दोरकी कित्ता पेरके दुश्मन किन रोमी कियाना क्षेत्र ते नुकसान कित्ता राज्य किन दोबारा दोरकी किया परितोम। दुश्मन ता “घेराव कियाना ओसो विनाश कियाना” पहली, दूसरी, तीसरी ओसो चौथी अभियान तो मनाकिन राज्य नुकसान कियाना लागता: ओसो खासकर तीसरी ओसो चौथी अभियान लोप्पा लाल सेना

ता आधार-क्षेत्र लगभग पूरा हत्ता। मति आखिर ते माटु केवल मना एरियाए दोरकी किवा ताना प्रसार वेन्ने कीतोमा।

आधार-क्षेत्र लोप्पा जनता ना ताकत किन सही तरीका ते जांच कीवा कारण ते हमेशा लाल सेना आधार-क्षेत्र तुकू जेक आयना वेर्री पुटिता। इद 1932 ता च्यांगशी लोप्पा लाल सेना फूच्येन प्रांत ता चांगचओ पोरो हमला कियाला काजे लांगमार्च कित्तास्के आता, ओसो अस्केने 1933 ते “घेराव कीसि विनाश कियाना” अभियान खिलाफ चौथी जवाबी अभियान लोप्पा जीड़ता पेरके लाल सेना फूच्येन पोरो हमला कीयला मल्ला। मुन्ने उदाहरण ते दुश्मन पूरा आधार-शक्ति ता केंद्रीकरण ता विरोध कित्ता ओसो रक्षा काजे सेना किन तूसना हिमायत कियमूड़ाता। मति आखिर ते इव सब्बे गलत आता। दुश्मन मना आधार-क्षेत्र लोप्पा मुन्ने वायाना लोप्पा पेरके-मुन्ने आंतोर, मति ताना नजर ते मुख्य खतरा पांडरी इलका लोप्पा नेंगता लाल सेना मंदिता। दुश्मन सेना ता ध्यान हमेशा नियमित लाल सेना मंदाना जागा पोरोने मंदिता। दुश्मन मना नियमित लाल सेना पोरो आयवा मना आधार-क्षेत्र पोरो कोंडा तासना परिस्थिति वेल्ले कम मंता। लाल सेना रक्षात्मक स्थिति ते मंता अस्के वेन्ने दुशेन ता ध्यान ता केंद्र-बिंदु अद्रमें मंदिता। मना आधार-क्षेत्र ता साइज कम कियाना दुश्मन ता पूरा योजना ता उंदी हिस्सा मंदिता। मति लाल सेना मना मुख्य सेना किन केंद्रित कीसि दुश्मन ता उंदी सेक्शन किन खत्म कीतेके दुश्मन ता सर्वोच्च नेतृत्व किन लाल सेना किन लाल सेना बगिल ज्यादा ध्यान हियाला काजे मजबूर आयाला लागियर ओसो ताना खिलाफ ज्यादा सेना लगे किया लागियर। अदिन काजे मना आधार-क्षेत्र ता साइज कम कियाना दुश्मन ता योजना किन विफल कियाना सम्भव मंता।

इद “किलेबंदी-लड़ाई ता नीति पोरो आधार आसी दुश्मन ता “घेराव कियाना ओसो विनाश कियाना” पांचवी अभियान ताकनास्के मना फौजी कार्यवाही लोप्पा सेना किन केंद्रित कियाना मना काजे असम्भव मत्ता ओसो मनम केवल रक्षा काजे ओसो तुरंत हमला कियाला काजे ने सेना

किन विभक्त कियाना परिंदुम”। उंदी बेरा तीन, पांच, आठ लेवके दस ली ताकना ओसो मुन्ने दायना हर कदम ते किलेबंदी बने कीसि लड़ेमायना दुश्मन ता कार्यनीति पूर्ण रूप ते लाल सेना ता हर कदम ते रक्षात्मक कार्यवाही कियाना कारण ते बनेमाता। लोप्पाटा सेना पोरो माटु इद कार्यनीति किन विड़सीस मत्तेके ओसो मना किन जरूरत ओसो सम्भव आतास्के, दुश्मन ना लोप्पाटा सेना पोरो हमला कीसि मत्तेके परिस्थिति जरूर अलग मंजी मनवड़। सेना ता केंद्रीकरण कियाना उसूल असल ते दुश्मन ता किलेबंदी-लड़ाई ता नीति किन हारे कियाना साधन बनेमाया परिता।

बद सेना ता केंद्रीकरण कियाना इंतोम इत्तेके जनता ना छापामार युद्ध ता त्याग कियाना इंजी आयो। ली ली-सान ना लाईन सुडला स्तर ता छापामार युद्ध ता त्याग कियाना ओसो “उंदी-उंदी राइफल लाल सेना लोप्पा केंद्रित कियाना” इंदानदु वेल्ले मुन्ने गलत साबित आता। पूरा क्रांतिकारी युद्ध ता दृष्टिकोण ते जनता ना छापामार युद्ध ओसो नियमित लाल सेना मानेयना रेंडु कैदा लेक्का वरोनकु वरोना कमी किन पूरा कींता, ओसो मनागा केवल नियमित लाल सेनाएं मंता ओसो जनता ना छापामार युद्ध हिल्ले इत्तेके माटु उंदी कै मंदाना योद्धा लेक्का बनेमांतोम। ठोस रूप ते ओसो खास रूप ते फौजी कार्यवाही ता सिलसिला ते माटु आधार-क्षेत्र ना जनताना उंदी तत्व रूप ते चर्चा कींतोम इत्तेके मनगा उंदी सशस्त्र जनता मंदिता। इदिना मुख्य कारण दुश्मन मन आधार-क्षेत्र लोप्पा वायाला बारांकू वेरियता।

गौण दिशाने कार्यवाही कियाना काजे लाल सेना ता उंदी हिस्सा काम ते तत्ताना इंदाना वेन्ने जरूरी मंता। लाल सेना ता सब्बे ताकत किन केंद्रित कियाना इंजी आयो। मनम रणभूमि ता फौजी कार्यवाही काजे एकदम ज्यादा श्रेष्ठ अपेक्षाकृत श्रेष्ठ सेना ता ताकत ता गारंटी मंदाना उसूल पोरो आधार आसी मंदाना सेना ता केंद्रीकरण कियाना इंतोम। ताकतवर दुश्मन ता मुकाबला कियाना काजे वेल्ले महत्व ता मोर्चा पोरो फौजी कार्यवाही कियाना काजे मनागा बरतर सेना शक्ति मंदाना। उदाहरण काजे

दुश्मन ता “घेराव कीसि विनाश कियाना” पहली अभियान ता खिलाफ मना जवाबी अभियान लोप्पा 30 दिसम्बर 1930 ते आता लड़ाई तास्के चांग ह्वेइ-चान ना 9000 सैनिक लोरकिन हारे कियाला काजे 40000 सैनिक लोरकिन केंद्रित कित्ताद मत्ता। कमजोर दुश्मन संगे लड़ेमायाला काजे इद्रम ता मोर्चा पोरो फौजी कार्यवाही कियाना काजे वेल्ले महत्व ता हिल्ले अद अपेक्षाकृत श्रेष्ठ सेना मत्तेके वेन्ने आंता। उदाहरण काजे मना दूसरी जवाबी अभियान ता 29 मई 1931 ता आखरी लड़ाई लोप्पा च्येननिंग लोप्पा ल्यू हो-तिंग ता 7000 सेना मंदाना डिविजन किन हारे कियाला काजे लाल सेना ता केवल 10 हजार तुकू उचुन ज्यादा सैनिक लोरा इस्तेमाल कीतांद मत्ता।

माटु हर मौक पोरो सेना ता संख्या हिसाब ते श्रेष्ठता (superiority) मंदाना इंजी इन्नोमा बदे विशेष परिस्थिति लोप्पा माटु अपेक्षाकृत कमजोर (inferior) ओसो बिल्कुल कमजोर सेना किन काम ते तत्ताना उदाहरण किन हूडाकाला। बदे विशेष क्षेत्र लोप्पा मावा लाल सेना ता केवल सुडला दलम मंता, (इत्तेके मनगा ज्यादा सेना मंता मति माटु तानकिन केंद्रित कित्ताद हिल्ले), ओसो जनता, जागा ओसो मौसम ता परिस्थिति मना काजे वेल्ले अनुकूल मंता, अस्के दुश्मन ता बदे श्रेष्ठ सेना ता हमला किन विफल कियाला काजे ताना सेना ता मध्यवर्ती सेक्शन ओसो साइड ता सेक्शन पोरो छापामार दलमकु लेवेके मना सेना ता उंदी सुडला हिस्सा तान किन रोमी कियाना ओसो ताना दूसरा हिस्सा पोरो हमला कियाला काजे लाल सेना ता पूरा सेना किन केंद्रित कियाना जरूरत मंदिता। इद्रम मनम सफल आया परितोम। माटु दुश्मन ता उंदी हिस्सा पोरो अचानक हमला कीतोम अस्के कमतर सेना ता मुकाबला ते बरतर सेना ता इस्तेमाल कियाना ओसो वेल्ले तोर संगे उचुन मुल किन हारे कियाना उसूल अस्के वेन्ने लागू आंता। माटु बिल्कुल कमतर सेना संगे दुश्मन पोरो हमला कीतोम, उदाहरण काजे बदे छापामार दलम पांडरी सेना ता शक्तिशाली सेना पोरो अचानक हमला कीता मति केवल दुश्मन ता उंदी हिस्सा पोरोने हमला कीता अस्के वेन्ने इदे उसूल लागू आंता।

इद धारणा ता संबंध, फौजी कार्यवाही काजे उंदे रणभूमि ते उंदी विशाल सेना ता केंद्रीकरण धरातल, सड़क, राशन सप्लाई कियाना सुविधा ना अनुसार मंदिता, ताना पोरो मनाकिन विभिन्न परिस्थिति किन ध्यान ते तासिस विचार कियाना। इव सब्बे पांडरी सेना पोरो बचोन प्रभावित कींतांग अचोन लाल सेना किन किवोंग मति पांडरी सेना तुकू लाल सेना ज्यादा मुश्किल कुना सामना किया परिंता

माटु कम मंजी वेल्ले तोरकिन हारे किंतोम - इद मना चीन ता सब्बे शासक लोरकिन इंतोमा माटु वेल्ले तोरा संगे कम मुल किन हारे कींतोम - इंजी माटु रणभूमि लोप्पा लड़ेमायना दुश्मन ता अलग-अलग सेना किन इंतोमा इदिना लोप्पा बदे अंतर हिल्ले ओसो दुश्मन इंजे साधारण रूप ते मना डावपेंच किन पुत्तोर। मति अद मनाकिन विफल किया परवो ओसो मना नुकसान तल बचे माया वेन्ने परवो, बारांकु इत्तेके माटु ताना पोरो बस्के ओसो बेगा हमला कियाकोम इंजी पुन्नो। इदिन माटु गुप्त तासिंतोमा लाल सेना साधारण रूप ते मना फौजी कार्यवाही आकस्मिक हमला संगे कींतोमा

7. चलायमान युद्ध

चलायमान युद्ध ताकि कियाना लेवेके मोर्चाबद्ध युद्ध? मावा उत्तर: चलायमान युद्ध ताकी कियाना। बस्के एवनल मनगा बेहरा फौज हिल्ले, गोला-बारूद हिल्ले ओसो हर आधार-क्षेत्र लोप्पा लाल सेना ता उंदे दल पूरा लड़ाई ताकि कियाना लोप्पा मंता, अस्के मोर्चाबद्ध युद्ध मावा काजे बुनियादी रूप ते अंगड़म मंता। रक्षा लेवेके आक्रमण लोप्पा मोर्चाबद्ध युद्ध मना काजे बुनियादी रूप ताकि कियाना लेक्का मन्नो आंता।

लाल सेना ता फौजी कार्यवाही कुना उंदी खास लक्षण बातल इत्तेके ताना फौजी लड़ाई ता बदे स्थाई मोर्चा (fixed battle lines) मन्नो आंता, इदिना अर्थ बातल इत्तेके दुश्मन शक्तिशाली मंतोर ओसो लाल सेना तकनीकी सामान इसाब ते कमजोर मंता।

लाल सेना ता फौजी लड़ाई ता स्थाई युद्ध मोर्चा ताना फौजी कार्यवाही ता दिशा पोरो आधार आसी बने किमुड़ आंता। मति ताना फौजी कार्यवाही ता दिशा अस्थिर मंता, अदिन काजे फौजी कार्यवाही ता मोर्चा वेन्ने अस्थिर मंदिता। यद्यपि समय विशेष लोप्पा मुख्य दिशा बदलने मायो आंता, मति तना लोप्पा मदना उचुन गौण दिशाकु बेस्के वेन्ने बदले माया परिंता, बसके माकिन उंदी दिशा ते रोमि कितेके माटू दूसरी दिशा लोप्पा मुन्नने दायाना, ओसो उंदी निश्चित समय पेरके माकिन मुख्य दिशा ते वेन्ने रोमि कितेके माटू मुख्य दिशा किन वेन्ने बदली कीसियना।

क्रांतिकारी गृहयुद्ध लोप्पा फौजी कार्यवाही ता मोर्चा स्थिर मंदा परवोंग। सोवियत संघ लोप्पा वेन्ने इद्रमे आसी मत्ता। सोवियत सेना ओसो मना सेना लोप्पा अन्तर सोवियत सेना ता फौजी कार्यवाही ता मोर्चा मना मोर्चा लेक्का अस्थिर हिल्ला मत्ता। बदे वेने युद्ध लोप्पा फौजी कार्यवाही ता मोर्चा स्थिर मन्नोंग आंतांग बारांकु इत्तेके जीत ओसो हार, मुन्ने दायाना ओसो पेरके गुचना लेक्काटा बदलावकु अद्रम आयाला हीवोंग। मति फौजी कार्यवाही ना अपेक्षाकृत स्थिर मोर्चा हमेशा आम युद्ध लोप्पा दिसिंतांग। तना अपवाद इत्तेके अस्सके मंदिता बदे पक्काए कमजोर सेना शक्तिशाली सेना सेंगे लड़े मांता, इत्तेके इंजेटा समय लोप्पाटा मंजिल ते चीनी लाल सेना ताकी कियाना युद्ध लेक्का।

फौजी कार्यवाही ना मोर्चा ना बदलाव संगे मना आधार-क्षेत्र ता साइज वेन्ने बदलेमासोर मंता। मना आधार-क्षेत्र ना लगातार प्रसार ओसो संकुचन आसोर मंदिता, ओसो हमेशा उंदी आधार-क्षेत्र ता पुटतेके दूसरा खत्म आंता। मना इलाका ता बदलाव पूरा युद्ध ता बदलाव ता कारण तेने पुट्टिता।

युद्ध ओसो मना राज्य ता बदलाव ता प्रभाव ते मना आधार-क्षेत्र लोप्पा रक-रकम ता निर्माण-कार्य वेन्ने बदलेमांता। इद्रमता वेल्ले साल एवनल ताकना लेक्काट निर्माण-योजना ना बारे ते आल्सा परमूड़ वेन्ने आयो। योजनांग किन हमेशा बदले कियाना मना काजे साधारण इसाब ता पोल्लो आंता।

इद विशेषता किन मानेमातेके मना किन फायदा आयार। इद विशेषता पोरो आधार आसी मनम योजनांग बने कियाना। मना किन युद्ध लोप्पा माटु लगातार हंजोरे मंतोम ओसो पेरके गुचोम इंदाना अंगडम पोल्लो ते अरानायो। माकिन मना राज्य लोप्पा ओसो सेना ता पृष्ठभाग ता अस्थाई बदलाव तल वेरियानायो ओसो लम्ब समय काजे डीटेल योजनांग बने कियाना कोशिश कियानायो। मनम मना विचार ओसो काम किन परिस्थिति ता अनुकूल बने कियाना। माटु उदला काजे वेन्ने तैयार मंदाना ओसो ताकला वेन्ने, मना राशन ता झोरा (झोला) किन हमेशा मना संगे तासना। नेटा बदलेमासोरे मंदाना पिस्वल लोप्पा मेहनत कीसि नाइ ता काजे अपेक्षाकृत ज्यादा स्थायित्व मंदाना पिस्वल ओसो आखिर ते पूरा स्थायित्व मंदाना पिस्वल बने कीतोम।

“घेराव कीसि विनाश कियाना” खिलाफ पांचवी जवाबी अभियान लोप्पा बद “नियमित युद्ध” ता रणनीति ता बोलबाला मत्ता, अद इद आसोरे मंदाना बदलाव किन स्वीकार कीवो ओसो तानकिन “छापामारवाद” इंदाना वेन्ने विरोध कित्तोर। बोर इद बदलाव ता विरोध कींदुर, बोर कामरेड्स बदे बेहरा राज्य ता शासक मंतोम इंजी ढोंग कीसि पूरा कामकाज ताकी कियानोर। अदिना परिणाम परिवर्तनशीलता ता उंदी असाधारण ओसो बेहरा रूप -25,000 ली ता लांग-मार्च आता।

मजदूर-किसान लोरा मना जनवादी गणराज्य उंदी राज्य, मति इंजे एवनल उंदी पूर्ण राज्य बनेमातद हिल्ले। गृहयुद्ध लोप्पा माटु वेन्ने रणनीतिक रक्षा ता कालम ते मंतोम, मना राजनीतिक सत्ता ता रूप इंजे वेन्ने पूर्ण राज्य तुकू जेक मंता, मना सेना संख्या ओसो तकनीकी साजो-सामान ता दृष्टि ते इंजे वेन्ने दुश्मन-सेना तुकू वेल्ले कमजोर मंता, मना राज्य इंजे वेन्ने पक्काए सुडला मंता मना दुश्मन बस्के एवनल माकिन खत्म कीवो अस्के एवनल उचुन वेन्ने रोमो आंता। इव सच्चाई पोरो आधार आसी माकिन मना नीति बने कियानास्के छापामारवाद ता सामान्य रूप ते विरोध कियाना विडसी ईमानदारी ते लाल सेना ता छापामार स्वरूप किन मानेमायना। इद विषय लोप्पा लज्जा आयानायो। तीना विपरित, इद

छापामार स्वरूप निज्म इत्तेके मना विशेषता मंता, मना गुण मंता, दुश्मन किन हारे कियाना मना साधन मंता। इदिन विड़सला काजे मनाकिन तैयार मंदाना, मति इदिन इंजे माटु विड़सा परिवोम। वायना कालम ते इद स्वरूप जरूर उंदी लज्जा वायना लेक्का बनेमांता। ओसो तानकिन जरूर विड़सा लागिंयरा। मति नेंड इद उंदी अमूल्य चीज मंता ओसो इदिन दृढ़ता ते तासना।

“बस्के माटू जीड़ा परितोम, अस्केने लड़े मायना, बगा जीड़ाना सम्भावना मन्नो अगडल माटू दांतोम”- नेंड मावा चलायमान युद्ध ता लोकप्रिय परिभाषा इद्रम वेहता लेक्का मंता। दुनिया ते बोरे वेन्ने केवल लड़ेमायना ता समर्थन कियानोर ओसो ताकना पोल्लो किन मानेमायवा मंदाना लेक्काटा विशेषज्ञ बोरे हिल्लेर, बचोन ज्यादा माटू ताकिंतोम अचोन ज्यादा दूसरा सेना ताको आंता। आम रूप ते माटु ताकना लोप्पा वेल्ले समय खराब कींतोम ओसो लड़ेमायना लोप्पा कम। महीना ते उंदी बेहरा लड़ाई ता औसत मना काजे पक्काए बेस मंता। मावा सब्बे रकम ता “ताकना” “लड़ेमायना” काजे मंदिता। माना पूरा रणनीति ओसो अभियान संबंधित नीति “लड़ेमायना” पोरो आधार आसी बने कियमूडांता। मति उचुन परिस्थितिंग लोप्पा मना काजे लड़ेमायना मुश्किल आंता। पहला मना मुन्ने मंदाना दुश्मन-दल मना किनकु बेहरा मतेके। दूसरा बस्के-बस्के मना मुन्ने मंदाना दुश्मन ता संख्य बेहरा हिल्वेकाई गर्ंता दूसरा दुश्मन-दल ता वेल्ले गर्ं मंदानास्के वेन्ने लड़ेमायना मुश्किन आंता। तीसरा, साधारण रूप ते दुश्मन अलग-थलग हिल्ले ओसो अद मजबूती ते मोर्चाबंदी कीसि मत्तास्के मुश्किल आंता। चौथा, बद लड़ाई लोप्पा सफलता दोरकना लेक्का मन्नो अद लड़ाई किन जारी तासना मुश्किल आंता। इविना लोप्पा बदे वेन्ने परिस्थिति ते माटु दायाला काजे तैयार मंदिंतोम। इद्रम ताकना सही मंता ओसो जरूरी वेन्ने। बारांकु इत्तेके मना ताकना जरूरत किन मानेमातास्के लड़ेमायाना जरूरत किन वेन्ने मानेमायना पोरो आधार आसी मंदिता। लाल सेना ता चलायमान युद्ध ता मूल विशेषता इदे मंदिता।

चलायमान युद्ध किन प्रधान मानेमासोरे मत्तेके वेन्ने माटु मोर्चाबद्ध लड़ाई किन बगा ताना जरूरत ओसो सम्भवना मंता अद जागा ते तानकिन गलत इंजि वेहोमा रणनीतिक रक्षा ताकनास्के दुश्मन किन रोमी कीसि तासना कार्यवाही लोप्पा दृढ़ता संगे बदे महत्वपूर्ण जागा ता रक्षा किया मंतोम इंजी मानेमायना। ओसो रणनीतिक आक्रमण ताकनास्के मना मुकाबला अलग-थलग आता दुश्मन संगेने आयाना। अस्के माटु मोर्चाबद्ध लड़ाई कियाना। इद्रम ता मोर्चाबद्ध लड़ाई कीसि दुश्मन किन हारे कियाना अनुभव मनाकिन वेल्ले दोरकता। माटु दुश्मन ना वेल्ले नगर, किलेबंदी ओसो दुर्ग तोड़े कीतोम ओसो रणभूमि लोप्पा दुश्मन तुकू अपेक्षाकृत मजबूत मोर्चाबंदी किन ध्वस्त कीसि पेसिस वातोमा वायना कालम ते माटु इद विषय लोप्पा ओसो वेन्ने कोशिश कियाकोम ओसो मना कमी किन दूर कियाकोमा। माकिन परिस्थिति ना जरूरत ओसो अनुकूलता ता अनुसारे मोर्चाबद्ध हमला कियाना, या मोर्चाबद्ध रक्षा कियाना इंदाना ता समर्थन कियाना। इंजे माटु केवल सामान्य रूप ते मोर्चाबद्ध लड़ाई किन स्वीकार कियाना या तानकिन चलायमान युद्ध ता मुन्ने तासना ता विरोध किंतोमा इदिना अनुमति बिल्कुल हिल्ले।

दस साल ता गृहयुद्ध ताकनास्के लाल सेना ता छापामार स्वरूप लोप्पा, ताना फौजी कार्यवाही ता स्थिर मोर्चा ता कमी लोप्पा, ताना आधार-क्षेत्र ता बदलाव आतास्के या आधार-क्षेत्र लोप्पा निर्माण-कार्य ता परिवर्तनशीलता (fluidity) ते बस्केने उचुन वेन्ने बदलाव आयो या? इंगो, बदलाव आता। चिंगकांगशान मेट्टा ने च्यांगशी लोप्पा “घेराव कीसि विनाश कियाना” अभियान ता खिलाफ मना पहली जवाबी अभियान तुकू मुन्ने एवनल पहला कालम मत्ता, छापामार स्वरूप ओसो परिवर्तनशीलता वेल्ले कम आसी मत्तास्के, मोर्चा-सेना निल्पी कित्ताद मत्ता ओसो हजारों-लाखों ता संख्या मंदाना आधार-क्षेत्र निल्पी कित्ताद मत्ता। “घेराव कीसि विनाश कियाना” अभियान ता खिलाफ तीसरी जवाबी अभियान पेरेकेडल पांचवी जवाबी अभियान एवनल तीसरा कालम मत्ता, छापामार स्वरूप ओसो परिवर्तनशीलता ओसो वेन कम आता, ओसो केंद्रीय

सरकार ओसो क्रांतिकारी फौजी कमीशन ता स्थापना आसी मत्ता। लॉग मार्च ता चौथा कालम मत्ता। सुडला स्तर ता छापामार लड़ाई ओसो सुडला स्तर ता परिवर्तनशीलता किन गलती ते ठुकरे कित्ता कारण ते बेहरा स्तर ता छापामार लड़ाई ओसो बेहरा स्तर ता परिवर्तनशीलता ता जन्म आता। इंजे माटु पांचवी कालम ते मंतोम। “घेराव कीसि विनाश कियाना” पांचवी अभियान के निष्ठ कियाना लोप्पा असफल आयाना ओसो बेहरा स्तर ता परिवर्तशीलता ता कारण ते लाल सेना ओसो आधार-क्षेत्र लोप्पा वेल्ले कमी आता, मति इद्रम आतेकाई माटु उत्तर-पश्चिम लोप्पा मना कब्ज जम्मे कीतोम ओसो अगा मना आधार-इलाका शेनशी-कानसू-निंगश्या सीमा इलाका किन सुदृढ़ ओसो विकसित कित्ताद मंता। मूंड मोर्चा-सेनांग, अव लाल सेना ता मुख्य सेना मंता, एकीकृत नेतृत्व लोप्पा वातांग। इद उंदी पाड़ना घटना आंद।

मनम लागू कित्ता रणनीति ओसो तना स्वरूप ता अनुसार चिंगकांगशान मेड्रानास्केडल पोयसी “घेराव कीसि विनाश कियाना” अभियान खिलाफ चौथी जवाबी अभियान एवनल ता पहला काल मत्ता इंजी वेहा परिंतोम, पांचवी जवाबी अभियान ता कालम दूसरा कालम मत्ता ओसो लॉग मार्च तल पोयसी इंजे एवनल ता तीसरा कालम मंता। पांचवी जवाबी अभियान लोप्पा हत्ता उचुन दिव्या ना सही नीति किन गलती ते ठुकरे कित्तोर। नेंड माटु वेन्ने पांचवी जवाबी अभियान ताकनास्के मानेमाता गलत नीति किन सही तरीका ते ठुकरे कित्ताद मंता मुन्नेटा सही नीति किन दोबारा स्थापना कीतद मंता। मति माटु पांचवी अभियान ताकनास्के हर चीज किन ठुकरे कित्ताद हिल्ले ओसो तानकु मुन्नेटा हर चीज ता पुनरस्थापना (revived) कित्ताद वेन्ने हिल्ले। माटु केवल हत्ता उचुन दिव्या ना बेसता नीति ना पुनरस्थापना कित्ताद मंता ओसो पांचवी जवाबी अभियान लोप्पा आता गलतिंग किन विडसतद मंता।

छापामारवाद ता रेंडु पहलू (aspects) मंतांग। उंदी ताना अनियमितता, इत्तेके विकेंद्रीकरण, एकरूपता ता कमी, कठोर अनुशासन ता कमी, काम ता तरीका ना सरलता। इव सब्बे पोल्लोंग लाल सेना पुड्ना

अस्केतल पुटसी मत्ता ओसो इविना लोप्पाडल उचुक अद समय ता मांग ता हिसाब ते अनुकूल मत्तांगा मति बद्रम-बद्रम लाल सेना उंदी बेहरा मंजिल पोरो एविंता, अद्रम-अद्रम माटु डाका-डाका ते ओसो सतर्कता ते इव पोल्ल्लोंग किन दूर कियाना, लाल सेना ता ओसो ज्यादा विकेंद्रीकरण ओसो केंद्रीकरण आयना, अद ओसो ज्यादा अनुशासित आयना ओसो मना काम लोप्पा चौतरफा रूप ते ओसो तना काम लोप्पो वेल्ले कुशल आयाना - इत्तेके इद स्वरूप लोप्पा ओसो नियमित आयाना। फौजी कार्यवाही ता निर्देशन लोप्पा वेन्ने माटु डाका-डाका ओसो सतर्कता ते छापामार स्वरूप किन कम कियाना ताना इंजे बेहरा मंजिल ता जरूरत इंजे हिल्ले। इद बगिल विकास कियाला इनकार कियाना ओसो कट्टरासि पाड़ना मंजिल संगे टूंडसी मंदाना अनुमति हियमूडायो: इव सब्बे नुकसानदायक मंता, ओसो इद बेहरा स्तर ता फौजी कार्यवाही किन नुकसान कियानुंग।

छापामारवाद ता दूसरा पहलू - चलायमान लड़ाई ता उसूल, रणनीति ओसो अभियान ता संबंधित फौजी कार्यवाही ता छापामार स्वरूप इंजे वेन्ने जरूरत मंता, मावा आधार-इलाका ना जरूरी परिवर्तनशीलता, आधार-क्षेत्र ना निर्माण-कार्य ना मना योजनांग ना लचीलापन ओसो लाल सेना ता निर्माण लोप्पा समाय वायवा रैगुलरिटी किन इनकार । इद्रम आयानास्के ऐतिहासिक सच्चाई किन मानेमायवा मंदाना ओसो उपयोगी बने कियाना ता विरोध कियाना, उतावलेपन मंजि मंजिल किन विडसना ओसो अद “पूना मंजिल” बगिल अन्धाधुंध वित्ताना, बदु आकृषित मत्तेकाई इंजे वेन्ने जेक मंता ओसो तीना इंजे बदे वास्तविक महत्व हिल्ले आंता, इव सब्बे पोल्ल्लोंग ना वेन्ने बिल्कुल अनुमति हिल्ले ओसो इव सब्बे पोल्ल्लोंग नुकसान कींतांग ओसो मावा वर्तमान फौजी कार्यवाही काजे लबड़तादु साबित आयरा।

लाल सेना ता तकनीकी साजो-सामान ओसो संगठन ता दृष्टिकोण ते इंजे माटु उंदी पूना मंजिल पुट्टना तुकू गरे एवतोमा माटु इद पूना मंजिल लोप्पा वायाला काजे तैयार मंदाना। इद्रम तैयार मनवेके गलत आंता ओसो

मावा युद्ध-कार्य काजे नुकसानदायक आंता। वायना कालम लोप्पा लाल सेना ता तकनीकी साजो-सामान - ओसो संगठन ता अवस्था बदलेमायर ओसो लाल सेना ता निर्माण-कार्य उंदी पूना मंजिल लोप्पा नेंगिंता। अस्के ताना फौजी कार्यवाही ता दिशा अपेक्षाकृत निश्चित आंता ओसो ताना फौजी कार्यवाही ता रैंक अपेक्षाकृत स्थिर आंता, मोर्चेबद्ध लड़ाई ज्यादा आंता - युद्ध ता परिवर्तनशीलता, मावा देश ओसो मावा निर्माण-कार्य ता परिवर्तनशीलता वेल्ले कम आंता ओसो आखिर ते बिल्कुल खत्म आंता: ओसो इद्रम ता परिस्थिति ते मावा वर्तमान अड़चन, दुश्मन ता श्रेष्ठता ओसो तान निल्पी कित्ता मजबूत मोर्चेबंदी मावा हर्षी रोमी किया परवो आयारा।

इंजे उंदी बगिल माटु “वामपंथी” अवसरवाद ता प्रभाव मंदानास्के गलत तरीका ना विरोध किंतोम, ओसो दूसरा बगिल लाल सेना पूना मंदना कालम ता वेल्ले अनियमित लक्षण (features) कुना ना इंजे जरूरत हिल्ले, ओसो तानकिन ओसो पुष्टिकियाना तुक विरोध कींतोम। मति माटु लाल सेना ता हमेशा सफलता दोरकी किसोर वाता, सेना-निर्माण, रणनीति ओसो कार्यनीति ता वेल्ले मूल्यवान उसूल कुना ओसो पुष्टिकियाना । मनम हत्ता कालम ता बेसता अनुभव तगाडल माटु नेंटा मना दुश्मन किन हारे कियाना लेक्कटा ओसो वायाना कालम ते पूना मंजिल बगिल मुन्ने दायाना तैयारी किया परना लेक्काटा सिद्धांत तेंडना, तानकिन बेसता ओसो पक्काए समृद्ध फौजी लाईन लोप्पा जमा कियाना।

चलायमान लड़ाई कियाना संगेने वेल्ले समस्यांग जुड़ेमासी मंतांग, फौजी टोह लेना, सही अन्दाजा वाटना, निर्णय कियाना, लड़ाई लोप्पा सेना ता तैनाती (combat disposition), नेतृत्व, मक्कना, केंद्रीकरण, विकेंद्रीकरण, मुन्ने दायना, हमला कियाना, पेरके अरना, सरप्राईज हमला, मोर्चाबद्ध हमला, मोर्चाबद्ध रक्षा, मुठभेड़, पेरके गुचना, नरकाटा लड़ाई, विशेष अभियान, शक्तिशाली दुश्मन तल बचे मायना ओसो कमजोर पोरो हमला कियाना, दुश्मन ता आपूर्ति पोरो हमला कियाला काजे ताना किला ता घेराव कियाना, झूठा हमला कियाना, हवाई हमला तल बचेमायना,

दुश्मन फौज ता नड़मा मंदानास्के कार्यवाही कियाना, दुश्मन मुन्ने तल बचेमासी कार्यवाही कियाना, आराम ओसो ताकत बेसी कियाना जरूरत लेक्काटा समस्यांग शामिल मंतांग। इव विशेषतांग ना अभियान कुना विज्ञान लोप्पा सही तरीक ते उल्लेख कियाना ओसो अविना सारांश (summed up) तेंडना। इगा नन्ना अविना चर्चा किवोना।

8. तुरंत निर्णय ता लड़ाई

रणनीतिक दृष्टिकोण ते दीर्घकालीन युद्ध ओसो अभियान या लड़ाई लोप्पा तुरंत निर्णय ता लड़ाई उंदे चीज ता रेंडु पहलू आंदुंग, ओसो इव रेंडु उसूल कुना पोरो गृहयुद्ध लोप्पा समान रूप ते जोर हियाना ओसो इव साम्राज्यवाद-विरोधी युद्ध लोप्पा वेन्ने लागू आंतांग।

मति प्रतिक्रियावादी ताकतकु वेल्ले मजबूत मंतांग, अदिन काजे क्रांतिकारी ताकत तीरम-तीरमे बेरसींता, ओसो इदिना पोरो आधार आसी मावा दीर्घकालीन युद्ध तार्कीता। इदिना बारे ते बेसब्री (impatience) तोहना नुकासन कींता ओसो “तुरंत निर्णय” किन मानेमायना गलत आंदू। दस साल एवनल माटु बद क्रांतिकारी युद्ध लोप्पा लड़ेमासोरे मंतोम, अद दूसरा देशकुना लोप्पा पक्काए बेहरा पोल्लो (surprising) मंदिंता, मति मावा काजे अद केवल “अष्टपदी निबंध” ता शुरूआती अंश लेक्का मंता - ताना “प्रस्तावना, परिवर्तन ओसो मुन्नेटा पोल्लो” मंता³⁷- ओसो पक्काए बेहरा पोल्लो इंजे वाताद हिल्ले। घरेलु (domestic) ओसो अंतरराष्ट्रीय परिस्थिति ना प्रभाव ते वासी विकास ता गति मुन्ने तुकू वेल्ले तेज आयार इंदाना पोरो बिल्कुल डावुट हिल्ले। मति इंजे अन्तरराष्ट्रीय ओसो घरेलु परिस्थिति लोप्पा बदलाव आतद मंता ओसो वायना कालम ते वेन्ने बेहरा बदलाव आयार, अदिन काजे तीरम-तीरम आयाना विकास ओसो वरोरे लड़ेमायाना मुन्नेटा अवस्था तल माटु बाहर वातद मंता। मति माटु नरका-नरका सफलता दोरकी कियाना आशा कियानायोमा “नरुकुम नाशता कियाना तुकू मुन्ने ने दुश्मन किन खत्म कियाना” ता इच्छा बेसे मंता, मति इद्रम कियाला ठोस योजना बने कियाना सही आयो बारंकू

इत्तेके चीन ता प्रतिक्रियावादी ताकतकुना पेरके वेल्ले साम्राज्यवादी ताकतकु मंतांग, अदिन काजे मावा क्रांतिकारी युद्ध अस्के एवनल दीर्घकालीन युद्ध मंदिता, बस्के एवनल देश-विदेश ता दुश्मन ना मुख्य मोर्चा किन तोड़े कियाना काजे चीन ता क्रांतिकारी ताकतकु ज्यादातर अन्तरराष्ट्रीय प्रतिक्रियावादी ताकत किन तहस-नहस कीसिंता लेवेके अविन किन रोमी कींता। मावा दीर्घकालिन युद्ध ता रणनीति बने कियाना लोप्पा सैद्धांतिक इसाब ते महत्वपूर्ण मंता सिद्धांतकुना लोप्पा इद उंदी रणनीतिक मार्गदर्शक लेक्का मंदना सिद्धांत।

अभियान ओसो लड़ाईंग पोरु तीना उल्टा पोल्लो लागू आंता - अविना पोरु दिर्घकालीनता हिल्ले, अविना लोप्पा तुरंत निर्णय ता उसूल लागू आंता। अभियान ओसो लड़ाई लोप्पा तुरंत निर्णय ता कोशिश कियमूडांता, ओसो इद पोल्लो सब्बे काल ओसो सब्बे देशकुना सच्चाई आंदू। पूरा युद्ध लोप्पा वेन्ने सब्बे काल ओसो सब्बे देशकुना तुरंत निर्णय ता मांग कियमूडांता ओसो लंबा आयाना युद्ध किन नुकसान समझेमायमूडांता। मति चीन ता गृहयुद्ध किन वेल्ले धीरज संगे ताकी कियाना लाग्गा मंता। ओसो तानकिन दीर्घकालीन युद्ध ता रूप ते ताकी किया लाग्गा मंता। ली ली-सान ना लाईन ताकसोरे मत्ता कालम ते, उचुन मुल मना काम कियाना तरीका किन “शैडो-बॉक्सिंग के दांवपेंच” इंजी मजाक उड़े कियानोर। (इद्रम इत्तेके बेहरा शहर पोरु अधिकार कियाना मुन्ने, ओसो पेरके-मुन्ने वेल्ले लड़ाईंग ना दांवपेंच लागू कियाना)। मावा पोरु बस्के एवनल मीवा केलकु पिडसोंग आयनूंग अस्के एवनल मीकिन क्रांति सफल आयाना दिस्सो आयार इंजी कव्वानोर। इद्रम ता पोल्लो वेल्ले मुन्ने गलत साबित आता। मति वीरु इद आलोचना रणनीति ता बदला अभियान ओसो लड़ाईना बारे ते कीसि मत्तेके बेस आसी मनवडा। तीना कारण रास्ता लेक्का मंतांग: पहला लाल सेना लोप्पा तन्ना हथियार ओसो खासकर गोला-बारूद ता कमी किन पूरा कियाना बदे स्रोत हिल्ले: दूसरा पांडरी सेना लोप्पा वेल्ले फौज मंदिता ओसो लाल सेना लोप्पा सिर्फ उंदी फौज मंता, अदिन काजे दुश्मन ता “घेराव कीसि विनाश कियाना”

हर अभियान किन तोड़े कियाला काजे मावा सेना किन ओसो लगातार उंदी पेरके उंदी फौजी कार्यवाही लोप्पा शामिल आयला काजे तैयार मंदा लागिंता। तीसरा पांडरी सेना ता विभिन्न फौज अलग-अलग ग्रुप ते वासोरे मंदानास्के वेन्ने ओरा लोप्पाडल ज्यादातर वरोनकु-वरोनकु गरे मंदितांग। ओसो माटु अविना लोप्पाडल बदे उंदी ता खिलाफ तुरंत निर्णय ता लड़ाई जीड़वेके, बाकी सब्बे ग्रुप मावा पोरो वासी अरिंतांग। अदिन काजे माटु तुरंत निर्णय ता लड़ाईंग किया लागिंता। उचुन घंटा लोप्पा लेवेके उंदी-रेंडु दिव्या लोप्पा उंदी लड़ाई खत्म कियाना मावा काजे आम आंता। मना घेराव कियाना फौजी कार्यवाही लोप्पा माटु इद सिद्धांत इसाब ते दीर्घकालीन काजे तैयार मंदिंता कि “दुश्मन ता आपूर्ति पोरो हमला कियाला काजे ताना दुर्ग पोरो घेराव कियाना”, ताना उद्देश्य घेरा लोप्पा मंदाना दुश्मन पोरो आयो ताना आपूर्ति पोरो हमला कियाना मंदिंता: मति अस्के वेन्ने ताना आपूर्ति तल तुरंत निपटे कियानाए कोशिश कींता। दीर्घकालीन कार्यवाही ता योजना हमेशा मनम रणनीतिक रक्षा कियानास्के दुश्मन किन रोमी कियाना कार्यवाही लोप्पा बदे किला ता डटकर रक्षा कीसोर मंताम ओसो माटु रणनीतिक आक्रमण कियानास्के दुश्मन अलग-थलग आसी मंदाना सेना-दल पोरो हमला कीसोर मंताम या मना आधार-इलाका लोप्पा पांडरी गढ़ किन खत्म कीसिरे मंदाना लेक्काटा अभियान ओसो लड़ाईंग लोप्पा लागू आंतांग। मति इद्रम ता दीर्घकालीन कार्यवाही तुरंत निर्णय ता लड़ाईंग ताकि कियाना लोप्पा बाधा वाटना बदला लाल सेना ता मुख्य ताकत ता मदद कींता।

केवल आल्सतेके ने तुरंत निर्णय लोप्पा सफलता दोरकिया परमूडायो। ताना काजे वेल्ले विशेष शर्तकुना जरूरत मंता। मुख्य शर्त: भरपूर तैयारी, तुरंत मौका ता फायादा तेहाना, श्रेष्ठ सेन्य-शक्ति ना केंद्रीकरण, घेरेबंदी कियाना ओसो बगल तक कट कीसि दायना कार्यनीतियां, अनुकूल जागा, ओसो दुश्मन पोरो, अद मुन्ने दायनास्के ओसो अद डेरा वाटता मति तन्ना मोर्चाबंदी लोर किन इंजे मजबूत हिल्ला मंदानास्के हमला कियाना। बस्के एवनल इव शर्तकु पूरा आयोग अस्के

एवनल बदे अभियान ओसो लड़ाई लोप्पा तुरंत निर्णय कियाना मुश्किन आंता।

दुश्मन ता “घेराव कीसि विनाश कियाना” अभियान किन नष्ट कियाना उंदी बेहरा अभियान आंदू, ओसो ताना पोरो वेन्ने दीर्घकालीन ता उसूल ता बदला तुरंत निर्णय ता उसूले लागू आंता। बारांकु इत्तेके आधार-इलाका ता जन-बल, वित्तीय साधन ओसो फौजी शक्ति लेक्काटा परिस्थितिंग दीर्घकालीनता ता अनुमति हीवो आंता।

तुरंत निर्णय किन सामान्य सिद्धांत मानेमासोरे माटु जरूरी हिल्लवा दीर्घकालीनता ता विरोध कियाना। उंदी क्रांतिकारी आधार-क्षेत्र ता सर्वोच्च फौजी ओसो राजनीतिक नेतृत्वकारी संस्था मना इलाका ता परिस्थितिंग ओसो दुश्मन ता परिस्थिति पोरो विचार किता पेरेके दुश्मन ता दमन तुक वेरिवा मंदना, बद मुश्किल ता सामना किया परितोम अदिना सामना आतास्के गिर्दा हिल्ला मंदानायो, या असफलता तल जीवा हुडिला कियाना ओयो, धैर्य ओसो स्थिरता ते काम कियाना जरूरत मंता। च्यांगशी प्रांत लोप्पा दुश्मन ना “घेराव कीसि विनाश कियाना” पहली अभियान किन तहस-नहस कियाना लोप्पा, शुरूआती लड़ाई तल आखरी लड़ाई एवनल सिर्फ उंदी हफता ता समयए लागिता। दूसरा अभियान 15 दिया लोप्पाने नष्ट कित्ताद मत्ता: तीसरी अभियान तीन महीना एवनल ताकता: चौथी अभियान तीन हफता पोयता ओसो पांचवी अभियान सालमेंड एवनल मावा धैर्य ता परीक्षा एतता। मति माटु अभियान किन नष्ट किया परवोम ओसो घेरा तोड़े कीसि पेसला मजबूर आतोम, अस्के मावा लोप्पा उंदू लेक्काट जरूरत हिल्ला जल्दबाजी दिसता। अस्केटा परिस्थिति लोप्पा मना सैनिक लोरकिन आराम कियाना ओसो पुनर्गठित आयाना मौका हियाला काजे माटु रेंड-मूंड महीनांग ओसो डटेमासी मत्तेके। घेराव तोड़े कीसि पेसता पेरेके मना नेतृत्व ओसो उचुन समझदारी ते काम कीसि मत्तेके इद परिस्थिति पक्काए अलग मंजी मनवड़।

इव सब्बे आतेकाई हर तरीका ता अभियान ता समय किन कम कियाना उसूल इंजे वेन्ने सही बनेमाताद मंता। अभियान ओसो लड़ाई ता

योजनांग सेना ता केंद्रीकरण, चलायमान युद्ध लेक्काटविना काजे पूरा कोशिश कियाना ता मांग कीता, अदिन काजे लोप्पाटा मोर्चा (आधार-क्षेत्र लोप्पा) दुश्मन ता प्रभावकारी ताकत किन नष्ट कियाना ओसो ताना “घेराव कियाना ओसो विनाश कियाना” अभियान किन तुरंत हारा कियाना गारंटी आंता। मति मना लोप्पाटा मोर्चा “घेराव कीसि विनाश कियाना” अभियान किन खत्म कियाना परमूड़ायो, अस्के माकिन दुश्मन ता घेरा तोड़े कीसि पेसला काजे लाल सेना ता मुख्य सेना किन काम ते तत्ताना इंदानादु स्पष्ट आयना ओसो मना बाहरी मोर्चा पोरो इत्तेके दुश्मन ता लोपटा मोर्चा पोरो मुन्ने हिंजि दुश्मन कि हरा कीसियना, नेंड मना दुश्मन किलेबंदी-लड़ाई ता कार्यनीति किन उंदी ऊंचा दर्जा एवनल विकसित कीतद मंता, अस्के एवनल मावा फौजी कार्यवाही ता उंदी सामान्य पद्धति बनेमाता। दुश्मन ता “घेराव कीसि विनाश कियाना” ता अभियान ता खिलाफ मावा पांचवी जवाबी अभियान शुरू आयना रेंडु महीना पेरके फूच्येन घटना आता, अस्के लाल सेना ता मुख्य सेना किन तुरंत च्यांगसू-चच्यांग-आनह्वेइ-च्यांगशी क्षेत्र- ताना केंद्र चच्यांग मत्ता- दायाना। ओसो तानकिन हांग चओ, सूचओ, नानकिंग, ऊहू, नानछांग ओसो फूचओ नडमा ता राज्य लोप्पा हंजी नालुंग बगिल फैलेमायना मत्ता, इद्रम आसी मत्तेके मावा रणनीतिक रक्षा किन रणनीतिक आक्रमण लोप्पा बदले कियमूड़ांता, दुश्मन ता मुख्य जागा काजे खतरा बनेमांता ओसो किलेबंदी हिल्वा राज्य लोप्पा लड़ाई काजे दुश्मन किन केयिंता। इद्रम माटु दक्षिण च्यांगशी ओसो पश्चिम फूच्येन पोरो हमला कियाना दुश्मन सेना किन वापस वासी तन्ना मुख्य जागा किन रक्षा कियाला मजबूर किया परिंतोमा च्यांगशी ता आधार-क्षेत्र पोरो ताना आक्रमण विध्वस्त कीसि मनेम ओसो फूच्येन ता जन-सरकार ता सहायता कीसि मनेम - इद्रम ता तरीका ने माटु जरूर ताना सहायता कियाना परसी मनेम। मति इद योजना किन इनकार कित्ताद मत्ता, अदिन काजे दुश्मन ता “घेरावा कीसि विनाश कियाना” पांचवी अभियान किन तहस-नहस किया परमूड़ायो आता ओसो फूच्येन ता जन-सरकार मुटता। सालमेंड लड़ेमाता पेरके चच्यांग लोप्पा मुन्ने

दायना मौका हिल्ला मत्ता, मति माटु दूसरा दिशा लोप्पा मल्सी रणनीतिक आक्रमण किया परिंदुम, इत्तेके मना मुख्य सेना किन हुनान बगिल लोहा परिंदुम, हुनान तल क्वोइचओ बगिल आयो, हुनान ता नडमा हिस्सा बगिल मुन्ने दाया परिंदुम ओसो अद्रमे दुश्मन कि चकमा हिसी च्यांगशी तल हुनान तत्ता परसी मनेम, ओसो खत्म किया परिसी मनेमा इद योजना वेन्ने मानेमातद हिल्ला मत्ता अदिन काजे दुश्मन ता “घेराव कीसि विनाश कियाना” ता पांचवी अभियान किन ध्वस्त कियाना सब्बे आशांग फैल आतांग ओसो लांग मार्च किन विडसी बदे हरीं पिस्सो आता।

9. विनाश ता लड़ाई

“घिसाऊ-थकाऊ संग्राम” ता पैरवी कियाना इंजे चीन ता लाल सेना काजे सही हिल्लो। “खजाने के लिए लड़ाई” रेंडू ड्रैगन राजा लोरा नडमा आयवा ड्रैगन राजा और भिखारी नडमा आतेके इदु कव्वना पोल्लो। तन्ना सब्बे सामान दुश्मन तल दोरकी कियाना लाल सेना काजे विनाश ता लड़ाई बुनियादी नीति आंदू। दुश्मन ता प्रभावकारी ताकत किन नष्ट कीसि माटु ताना “घेराव कीसि विनाश कियाना” अभियान किन खत्म किया परितोम ओसो मना क्रांतिकारी आधार-क्षेत्र ता विस्तार कियाना परितोम। दुश्मन ता सैनिक लोरकिन नुकसान कियाना दुश्मन ता विनाश कियाना उंदी साधन आंदू, लेवेके अद अंगडम मंता। माटु दुश्मन सैनिक लोरकिन नुकसान कियाना लोप्पा खुद वेन्ने नुकसान ता भरपाई कीतोम, इद हिसाब ते केवल मना नुकसान ता भरपाई कियमूडे आयो मना सेना ता ताकत किन ओसो वेन्ने बेरसी कीतोम। वेल्ले ताकत मंदाना दुश्मन काजे तितर-बितर कियाना लड़ाई उंदी हार-जीत ता बुनियादी निर्णय किया परना लेक्काटा लड़ाई आयो। तीना उल्टा विनाश वायना समय ते लड़ाई हर रकम ता दुश्मन पोरो बेहरा ओसो तात्कालिक प्रभाव वाटिंता। बचोन ओरा लोप्पाडल वरोन किन खत्म कियाना कारगर मंदानाचोन, दस वेडसकू

घायल कियाना कारगर मन्नो आंता, वरोन किन कोय्यना, ओसो दुश्मन ता दस डिविजन किन तितर-बितर कियाना कारगर मन्नो आंता।

“घेराव कीसि विनाश कियाना” अभियान ता पहली, दूसरी, तीसरी, चौथी अभियान संगे लड़ेमायला काजे मना नीति विनाश ता लड़ाई मत्ता। हर अभियान लोप्पा बचोन दुश्मन सेना ता विनाश आता, दुश्मन ता सम्पूर्ण ताकत ता उंदी अंश मंदानदु, मति “घेराव कीसि विनाश कियाना” सब्बे अभियान किन ध्वस्त कित्ताद मंता। मति “घेराव कीसि विनाश कियाना” दुश्मन ता पांचवी अभियान ता खिलाफ जवाबी अभियान लोप्पा उल्टा नीति लागू कित्ताद मत्ता, ताना कारण ते दुश्मन किन तन्ना सफलता दोरकी कियाना लोप्पा सहायता आता।

विनाश ता लड़ाई इत्तेके श्रेष्ठ सेना ता ताकत ता केंद्रीकरण कियाना ओसो घेराबंदी कियान ओसो बगिल तल पेसना कार्यनीति लागू कियाना इत्तेके वेन्ने उंदे आंता। इद उंदीनकु-उंदी जुड़ेमासी मंता। विनाश कियाला काजे इद्रम ता सब्बे परिस्थितिंग अनिवार्य रूप ते जरूरी मंतांग - इत्तेके जनताना समर्थन, अनुकूल जागा, हमला कियाना लेक्का दुश्मन ता सेना ओसो सरप्राईज एटैक।

दुश्मन सेना किन तितर-बितर कियाना लेवेके बचेमासी पेसिस दायाला हियाना वेन्ने सिर्फ पूरा लड़ाई या अभियान लोप्पा मावा मुख्य सेना दुश्मन ता निर्दिष्ट सेना ता खिलाफ विनाश ता कार्यवाही किया मंता इत्तास्केने अर्थसूचक मंदिता, हिल्वेके अर्थहीन मंदिता। ओसो इगा फायदा पोरा आधार आसी नुकसान किन सही वेहमूडांता।

मना युद्ध-उद्योग स्थापना कियानास्के मनाकिन केवल ताना पोरो ने निर्भर आयाना इंजी आल्सनायो। मावा बुनियादी नीति साम्राज्यवादी देशकु ओसो मना स्थानीय दुश्मन ता युद्ध-उद्योग पोरो निर्भर मंदाना इंजी मंता। लन्दन ओसो हानयांग ता शास्त्रगार (हथियार बने कियाना) उत्पादन पोरो मना अधिकार मंता। इंदाना तुकू ज्यादा दुश्मन ता परिवहन कोर इद सामान किन मनगा एवसी कींता। इद सच्चाई आंदू, मजाक आयो।

नोट

1. चीनी भाषा ते “यथार्थ” शब्द ता रेंडु अर्थ मंतांगा: असली परिस्थिति ओसो मानेयना कार्यवाही (अर्थात व्यवहार)। कामरेड माओ त्सेतुंग तन्ना रचनांग लोप्पा हमेशा इद शब्द ता रेंडु अर्थ कुने इस्तेमाल कीतोरा।
2. सुन ऊ चि ओसो सुऊ ईसापूर्व पांचवी शताब्दि ता वरोर प्रसिद्ध चीनी सैनिक विशेषज्ञ मत्तोरा। ओर युद्ध ता बारे ते “सुन चि” पोरोल ता ग्रन्थ रास्तोर, ताना लोप्पा तेरह अध्याय मत्तांगा। इद उद्धरण ताना तीसरा अध्याय लोप्पाडल पोयतद मंता तीना हेडिंग “आक्रमण ता रणनीति”।
3. 1936 लोप्पा कामरेड माओ त्सेतुंग इद लेख किन रास्तास्के, चीनी कम्युनिस्ट पार्टी ता स्थापना किन जुलाई 1921 तुकू पन्द्रह साल आसी मत्ता।
4. छन तू-श्यू मुन्ने पेकिंग विश्वविद्यालय ता प्रोफेसर मत्तोरा ओसो “नवयुवक” पोरोल ता पत्रिका ता सम्पादक ना रूप ते प्रसिद्ध आसी मत्तोरा। ओर चीनी कम्युनिस्ट पार्टी ता संस्थापक लोरा लोप्पाडल वरोर मत्तोरा। 4 मई आंदोल ताकनास्के मशहूर आता कारण ता ओसो पार्टी ता शुरूआत कालम ते ओना अपरिपक्वता ता कारण ते, छन तू-श्यू पार्टी ता महासचिव बनेमातोरा। 1924-27 क्रांति ता आखिर ते पार्टी लोप्पा दक्षिणपंथी हर्दे हत्ता। “वर्तमान परिस्थिति ओसो मावा काम” (“माओ त्सेतुंग ना संकलित रचनांग, ग्रन्थ 4) लोप्पा कामरेड माओ त्सेतुंग अद समय ते “आत्मसमर्पणवादी लोर किसान जनता, शहरी निम्न-पूंजीपति वर्ग ओसो मध्यम-पूंजीपति वर्ग लोप्पा ओसो खासकर सेना लोप्पा पार्टी ता नेतृत्व किन खुद विडस्तोरा। अदिन काजे अद क्रांति असफल आता।” 1927 लोप्पा क्रांति ता हार आता पेरके छन तू-श्यू ओसो उचुन मुल दूसरा आत्मसमर्पणवादी क्रांति ता वायाना कालम बारे ते तन्ना विश्वास कियाना विडस्तोर ओसो विघटनवादी बनेमातोरा। ओरु प्रतिक्रियावादी त्रास्तकीवादी दृष्टिबिंदु लागू कितोर ओसो त्रास्तकीवादी लोरा संगे कलियसी उंदी सुडला पार्टी-विरोधी ग्रूप निल्पी कितोर। अदिना कारण ते नवम्बर 1929 ते छन तू-श्यू किन पार्टी तल तेंडतोरा। 1942 ते डोलतोरा। छन तू-श्यू ना दक्षिणपंथी अवसरवाद ता बारे ते: “चीनी समाज लोप्पा वर्ग विश्लेषण” ओसो “हुनान ता किसान आंदोलन ता जांच-पड़ताल ता रिपोर्ट” इविना हेडिंग-नोट ओसो “कम्युनिस्ट परिचय” (“माओ त्सेतुंग ना संकलित रचनांग”, ग्रन्थ 2)।
5. इगा ली ली-सान “वामपंथी” अवसरवाद ता बारे ते वेहताद मंता। अद साधारण रूप ते “ली ली-सान ना लाईन” ता रूप ते पुनमूडांता अद जून 1930 तल लगभग चार महिना एवनल पार्टी लोप्पा मत्ता ओसो तीना प्रतिनिधित्व अद समय ते चीनी कम्युनिस्ट पार्टी ता केंद्रीय कमेटी ता प्रमुख नेता कामरेड ली ली-सान कींदुर। ली

ली-सान ना लाईन ता दोड़ रास्ता लेक्काटा विशेषतांग मंतांगः अद पार्टी ता छठी राष्ट्रीय कांग्रेस लोप्पा मानेमाता नीति ता विरुद्ध मत्ता अद क्रांति लोप्पा जन-समुदाय ता ताकत निर्माण जरूरत मंता इंदाना पोल्लो किन मानेमायो ओसो अद क्रांति ता विकास असमान रूप ते आंता इंदानदु मानेमायोः कामरेड माओ त्सेतुंग ना इद धारणा किन इत्तेके उंदी दीर्घकालीन समय एवनल माकिन मुख्य रूप मना ध्यान ग्रामीण इलाकांग लोप्पा आधार-क्षेत्र बने कियाना पोरो वाटाना। इद्रम कीतेके ग्रामीण इलाका तल शहर किन घेराव कियमूडांता ओसो इव आधार-इलाकांग नगडल देशमेंड क्रांतिकारी उभार किन तेज किया परमूडांता, ली ली-सान ना लाईन-पक्काए गलत.... ओसो किसान मनोवृत्ति पोरो आधार आसी स्थानीयतावादी ओसो रूढ़ीवादी धारणा” समझेमांदू ओसो ताना विचार पूरा देश लोप्पा तुरंत विद्रोह ता तैयारी कियाना इंजी मत्ता। इद गलत लाईन पोरो आधार आसी कामरेड ली ली-सान पूरा देश ता मुख्य शहर लोप्पा तुरंत सशस्त्र विद्रोह संगठित कियाना तन्ना दुस्साहसवादी योजना बने कित्तोर। संगेने ली ली-सान ना लाईन विश्व-क्रांति ता विकास असमान रूप ते आंता इंजी वेन्ने मानेमायो। अद लाईन ता विचार चीनी क्रांति ता सामान्य विस्फोट तल विश्व-क्रांति ता सामान्य विस्फोट आयर ओस विश्व क्रांति ता सामान्य विस्फोट आयवा लेवा चीनी क्रांति सफल आया परवो इंजी मत्ता। अद चीन ता पूंजीवादी-जनवादी क्रांति ता दीर्घकालीन मंदाना स्वरूप किन मानेमायो। अद लाईन उंदी या उचुक प्रांत लोप्पा मुन्ने सफलता दोरकी कियाना शुरू आता इत्तेके समाजवादी क्रांति बगिल संक्रमण कियाना शुरू आयना इंजी आल्सनदू। इद्रम वेल्ले अंगडमता “वामपंथी” दुस्साहसवादी नीतिंग लागू कीतांद मत्ता। कामरेड माओ त्सेतुंग इद गलत लाईन ता विरोध कित्तोर। पूरा पार्टी ता व्यापक कार्यकर्ता ओसो सदस्य लोरा वेन्ने इद लाईन किन सुधरे कियाना मांग कित्तोर। सितम्बर 1930 तो पार्टी ता छठी केंद्रीय कमेटी ता तीसरा पूर्ण अधिवेशन लोप्पा कामरेड ली ली-सान तन्ना गलतिंग किन मानेमातोरे ओसो ताना पेरके ओनकिन पार्टी ता केंद्रीय कमेटी ता नेतृत्वकारी पद तल रद्द कियमूडाता। मति वेल्ले कालम पेरके कामरेड लीली-सान तन्ना गलत दृष्टिकोण किन सुधरे कित्तोर, अदिन काजे पार्टी ता सातवीं राष्ट्रीय कांग्रेस लोप्पा ओनकिन दोबारा केंद्रीय कमेटी ता सदस्य चुने कित्तोर।

6. पार्टी ता छठी केंद्रीय कमेटी ता सितम्बर 1930 लोप्पा आता तीसरी पूर्ण अधिवेशन ओसो इद अधिवेशन पेरके उचुन समय एवनल केंद्रीय कमेटी लीली-सान ना लाईन किन खत्म कियाला काजे वेल्ले सकारात्मक कदम तेहता। मति इद अधिवेशन पेरके उचुन पार्टी कामरेड्स, व्यावहारिक क्रांतिकारी संघर्ष लोप्पा अनुभव हिल्ला मंदानोर ओसो ओरा लोप्पा छन शाओ-घ्वी (वांगमिंग) ओसो छिन पांग-श्येन (पोकू) मेन मत्तोर। केंद्रीय कमेटी ता इद पहलकदमी किन विरोध कित्तोर। ‘रेंडु

लाईन” ओसो “चीनी कम्युनिस्ट पार्टी ता ओसो वेल्ले बोलसेविकरण कियाना काजे संघर्ष किमूट” पोरोलता पुस्तक लोप्पा ओरु ऐलान कितोर कि अद समय ते पार्टी लोप्पा मुख्य खतरा “वामपंथी” अवसरवाद आयो “दक्षिणपंथी अवसरवाद” मत्ता इंजी। ओसो तन्ना खुद ता गतिविधिग किन सही साबित कियाला काजे ओरु लीली-सान ना लाईन किन “दक्षिणपंथी” इंजी ताना “आलोचना कितोर”। ओरु उंदी पूना राजनीतिक प्रोग्राम पेश कितोर ताना लोप्पा लीली-सान ना लाईन किन ओसो दूसरा “वामपंथी” अवसरवादी लाईन ता फौजी गलतिंग ना खंडन कियाला काजेने कामरेड माओ त्सेतुंग “चीन ना क्रांतिकारी युद्ध ता रणनीति विषयकुना समस्यांग” पोरोल ता लेख रास्तोर। उद गलत लाईन ता प्रभुत्व पार्टी लोप्पा छठी केंद्रीय कमेटी ता जनवरी 1931 लोप्पा आता चौथा पूर्ण अधिवेशन तल पोयसी जनवरी 1935 ते क्वेइचओ प्रांत ता चुनई लोप्पा आता केंद्रीय कमेटी ता राजनीतिक ब्यूरो ता मीटिंग एवनल मत्ता। चुनई मीटिंग लोप्पा इद गलत लाईन ता प्रभुत्व खतम आता ओसो कामरेड माओ त्सेतुंग ना नेतृत्व ते पूना केंद्रीय नेतृत्व ता स्थापना आता। इद गलत “वामपंथी” लाईन ता प्रभुत्व पार्टी लोप्पा वेल्ले समय एवनल (चार साल) मत्ता। इदिना कारण ते पार्टी ओसो क्रांति किन वेल्ले नकुसान आता ओसो वेल्ले परिणाम कुना सामना कियाना लागता: चीनी कम्युनिस्ट पार्टी, चीनी लाल सेना ओसो ताना आधार-क्षेत्र लोप्पा लगभग 90 प्रतिशत नुकसान आता, क्रांतिकारी आधार-क्षेत्र लोप्पा करोडों लोकुर क्वोमिंगतांग ता क्रूर उत्पीडन ता शिकार आतोर ओसो चीनी क्रांति ता विकास लोप्पा बाधा वाटता। अद समय ते गलतिंग कियाना कामरेड्स ना वेल्ले बेहरा संख्या मना अनुभव तल करियाना लम्बा प्रक्रिया संगे तन्ना गलतिंग किन समझेमातोर। ओसो अविन सुधरे कितोर, पार्टी ओसो जनता काजे वेल्ले बेसता काम कितोर। कामरेड माओ त्सेतुंग ना नेतृत्व ते ओरु इंजे पार्टी ता दूसरा कामरेड्स ना समुदाय संगे समान राजनीतिक समझ पोरो आधार आसी एकताबद्ध आतोर।

7. हूडाटू: “जापानी-साम्राज्यावादी-विरोधी कार्यनीति ता बारे ते”, नोट 21 ओसो 22 ।
8. लूशान लोप्पा मंदना अफसर ट्रेनिंग कोर जुलाई 1933 लोप्पा च्यांगशी प्रांत ता च्योच्यांग काउन्टी लोप्पा मंदाना लूशान मेड्रा ते च्यांग काई-शेक ना बने कित्ता संगठन मत्ता। तीना उद्देश्य कम्युनिस्ट-विरोधी सैनिक कार्यकर्तालोर किन प्रशिक्षित कियाना मत्ता। च्यांग काई-शेक ना सेना ता अफसर जर्मन, इटालवी ओसो अमरीकी सैनिक शिक्षक लोरगाडल फासिस्ट फौजी राजनीतिक शिक्षा हासिल कियाला काजे बारी-बारी अगा लोहनोर।

9. इव पूना फौजी उसूलकु लोप्पा मुख्य रूप ते च्यांग कार्ड-शेक डाकू-गुप ता "किलेबंदी-लडाई ता नीति" शामिल मत्ता, तीना अनुसार कदम-कदम मुन्ने दायानदु ओसो हर कदम ते मोर्चाबंदी कियानदू।
10. हूडाटू: वी. आई. लेनिन ना रचना "कम्युनिज्म" (12 जून 1920), ताना लोप्पा ओर हंगेरियन कम्युनिस्ट बेला कुन ना आलोचना कीसोरे ओरु "मार्क्सवाद ता सबसे मूलभूत वस्तु किन, ताना आत्मा किन, इत्तेके ठोस परिस्थिति ता ठो विश्लेषण किन विडिसतोर ।" इंतोरा।
11. हुनान-च्यांगशी सीमा ता पहली पार्टी-कांग्रेस 20 मई 1928 ते निंगकांग काउन्टी ता माओफिंग पोरोला ता जागा ते आता।
12. बेहरा पृष्ठभागीय संस्थाना व्यवस्था इत्तेके बेहरा-बेहरा ओसो ढिला-डाला पृष्ठभागीय संस्थांग किन निल्पी कियाना, अद समय ता युद्ध ता परिस्थिति ना अनुकूल हिल्वा मत्ता। सुडला पृष्ठभागीय संस्था ना व्यवस्था इत्तेके चुने कित्ता, जुझारु ओसो सुडला-सुडला पृष्ठभागीय संस्थांग किन निल्पी कियाना।—अनु.
13. हूडाटू: "पार्टी लोप्पा गलत विचार किन सुधरे कियाना ता बारे ते", नोट 3 ओसो 4।
14. डाकू लोरा व्यवहार इत्तेके अनुशासन, संगठन ओसो स्पष्ट राजनीतिक लक्ष्य ता कमी तल पैदा आयाना लूट-मार ता व्यवहार।
15. इगा अद लॉग मार्च ता बारे ते वेहताद मंता। ताना कारण ते लाल सेना च्यांगशी तेल उत्तरी शेनसी एवनल 25,000 ली (12,500 किलोमीटर) जेक एवनल ताकता। "जापानी-साम्राज्यवादी-विरोधी कार्यनीति ता बारे ते", नोट20।
16. दिसम्बर 1905 ता विद्रोह ता हार पेरेके, रूस लोप्पा क्रांतिकारी ज्वार तीरम-तीरम कम आसी मत्ता मति "सोवियत संघ ता कम्युनिस्ट पार्टी (बोल्सेविक) ता इतिहास, संक्षिप्त कोर्स", अध्याय 3, परिच्छेद 5 ओसो 6।
17. इद उंदी शांती-समझौता मत्ता, सोवियत रूस ओसो जर्मनी नडमा मार्च 1918 लोप्पा आसी मत्ता। मनागडल वेल्ले बेहरा दुश्मन-सेना ता मुकाबला आतास्के क्रांतिकारी ताकत किन अस्थाई रूप ते पेरेके गुचला लागता, अद्रमासी जर्मन साम्राज्यवादी लोरा पूना-पूना सोवियत लोकतंत्र पोरो-तानगा खुद ता सेना हिल्वा मत्ता- हमला कियाना तल रोमी कियाना लेक्का। इद समझौता तल सोवियत लोकतंत्र किन सुदृढ बने कियाना, खुद ता अर्थव्यवस्था किन पुनर्गठित कियाना ओसो खुद ता लाल सेना ता निर्माण कियाना। इद समझौता तल सर्वहारा वर्ग किसान लोरा पोरो खुद ता नेतृत्व निल्पी कियामूडाता। ओसो 1918 तल 1920 एवनल पांडरी रक्षक लोर किन ओसो ब्रिटेन, अमेरिका, फ्रांस, जापान ओसो पोलेंड लेक्काट देशकुना सशस्त्र हस्तक्षेप किन हारे कियाना लेक्का ताकत बेरसी कित्ता।

18. 30 अक्तूबर 1927 ते क्वोमिंगतांग प्रांत ता हाएफंग-लूफंग क्षेत्र ता किसान लोरा चीनी कम्युनिस्ट पार्टी ता नेतृत्व लोप्पा तीसरा विद्रोह कित्ताद मंता। ओरुहाएफंग-लूफंग ओसो ताना आसपास ता इलाका पोरो कब्जा कित्ताद मंता, लाल सेना ता गठन कित्ताद मंता ओसो मजदूर-किसाना लोरा जनवादी राजनीतिक सत्ता निल्पी कित्ताद मंता। पेरके ओरकिन हारे कित्ताद मंता बारांकू इत्तेके ओरु दुश्मन ता ताकत किन कम आल्सिसी आंकलन कियाना गलती कित्तोर।
19. लाल सेना ता चौथी मोर्चा - सेना ओसो दूसरा मोर्चा-सेना 1936 ता इरंगम कालम ते उंदी दूसरा संगे कलियता ओसो शीखांग ता उत्तर-पूर्वी भाग तल उत्तर बगिल हत्ता। चांग क्वो-थाओ अस्के वेन्ने तन्ना पार्टी-विरोधी रुझान ओसो पेरके गुचना सिद्धांत ओसो विघटनवाद पोरो ने अडेमासी मत्तोर। अदे साल अक्तूबर ते दूसरा मोर्चा-सेना ओसो चौथी मोर्चा-सेना कानसू एवनतास्के, ओरु चौथी मोर्चा-सेना ता पहली युनिट किन ताना लोप्पा 20,000 तुकू ज्यादा सैनिक मत्तोर, तानकिन पीली डोड्डा किन पार कीसि पश्चिम दिशा ते छिंगहाए बगिल दायला काजे पश्चिमी कालम ता रूप ते गठित आयाना आदेश हीतोर। दिसम्बर 1936 ते आता लडाईंग लोप्पा मार तित्ता पेरके इद सेक्शन बुनियादी रूप ते हारेमाता ओसा मार्च 1937 ते पूरा हारेमाता।
20. पेरिस कम्यून ता बारे ते एल.कुगेलमान ना पोरोल ते कार्ल मार्क्स ना लेटर।
21. “श्वेइ हू च्वान” (कछार ता वीर) उंदी क्लासिकी चीनी उपन्यास आंदू ताना लोप्पा किसान युद्ध ता बारे ते वेहतद मंता। इदिन श नाए-आन रास्तोर। तीना पिस्वल-काल य्वान वंश ता आखरी ओसो मिंग वंश ता शुरूआत (ईसा ता 14वीं शताब्दी) लोप्पा मत्ता। लिन ह्जुंग ओसो छाए चिन इदे उपन्यास ता वीर आंदुर। हुंग पोरोल ता मानेय छाए चिन ना परिवार ते ड्रिल-मास्टर मंतोर।
22. लू आसो छी चीन ता वसंत, इरंगम कालम (722-481 ई.पू.) ता इरवूर सामन्ती राज्य मत्तांग। छी वर्तमान शानतुंग प्रांत ता मध्यभाग ते मंदाना उंदी बेहरा राज्य मत्ता ओसो लू अद प्रांत ता दक्षिणई बाग ते मंदाना उंदी अपेक्षाकृच सुडला राज्य मत्ता। सामन्त च्वांग लू राज्य पोरो ईसापूर्व 693 तल ईसापूर्व 662 एवनल शासन कित्तोर।
23. च्वोछ्यू मिंग “च्वो च्वान” कना रचना कित्तोर, अद चओ वंश ता क्लासिकी वृत्तलेख आंदू। इगा हीता उद्धरण काजे: “च्वो च्वान” लोप्पा “सामन्त च्वांग ना दसवा साल” हेडिंग।
24. हनान प्रांत ता वर्तमा छंगकाओ काउन्टी ता उत्तर-पश्चिम ते मंदाना प्राचीन नगर छंगकाओ ना फौजी महत्व वेल्ले मत्ता। इदे जागा ते ईसापूर्व 203 ते हाम राजा ल्यू पांग ओसो छू राजा श्यांग य्वी ना नडना लडाईंग शुरू आसी मत्तांग। मुन्ने श्यांग य्वी तीरम-तीरम शिंगयांग ओसो छंगकाओ पोरो कब्जा कित्तोर ओसो ल्यूपांग ता फौज किन लगभग पूराए पूंडतोर। मति ल्यू पांग तन्ना प्रत्याक्रमण काजे बस्के

एवनल श्यांग य्वी ना सेना सश्वेइ डोड्डा वेंडसोरे मंझदार एव्वो अस्के एवनल रोमोरा श्यांग य्वी किन करारी हार ता सामना कियाना लगता ओसो ल्यू पांग छंगकाओ पोरो दोबारा कब्जा कित्तोरा।

25. प्राचीन नगर खुनयांग वर्तमान हनान प्रांत ता येश्येन काउन्टी लोप्पा मत्ता। इगा 23 ईसवी लोप्पा पूर्वी हान वंश ता संस्थापक ल्यू श्यू शिन वंश ता सम्राट वांह मांग किन हारे कित्तोरा। रेंडु सेना ना ताकत लोप्पा वेल्ले असमानता मत्ता। ल्यू श्यू ना सेना केनवल 8,000 तल 9,000 एवनल मत्ता। ओसो वांग मांग ना सेना 4,00,000 तुकू ज्यादा मत्ता। वांग मांग ने सेनापति, वांग श्युन ओसो वांग ई, ना लापरवाही ता फायदा तेहची, दुश्मन किन कम आलिससी हूडाना, ल्यू श्यू सर्फ 3,000 चुने कित्ता सैनिक लोरगडलें वांग मांग ना मुख्य सेना किन तितर-बितर कित्तोरा। इद सफलता ता विस्तार किसोरे ल्यू श्यू तुरंत वांग मांग ना पिस्ता सेना किन वेन्ने तहस-नहस कित्तोरा।
26. क्वानतू हनान प्रांत ता वर्तमान चुंग मओ काउन्टी ता उत्तर-पूर्व लोप्पा मत्ता। 200 ईसवी लोप्पा इगा छाओ छाओ ओसो ख्वान शाओ ना सेना नडमा युद्ध आता। ख्वान शाओ नगा 1,00,000 सेना मत्ता छाओ छाओ नगा वेल्ले कम सेना मत्ता ओसो तानगा रासन ता वेन्ने कमी मत्ता। ख्वान शाओ ना सेना ता सतर्कता ता कमी ता फायद तेहसी, दुश्मन किन कम अल्साना, छाओ छाओ ताना पोरो अचानक हमला कित्तोरा ओसो ताना रासन किन बोडस्तोरा। ख्वान शाओ ना सेना लोप्पा कोलार पोयता ओसो ताना मुख्य सेना किन खत्म कित्तोरा।
27. ऊ राज्य पोरो सुन छवेन ओसो वेइ राज्य पोरो छाओ छाओ ना शासन मत्ता। छपी हुपे प्रांत च्याय्वी काउन्टी ता उत्तर-पूर्व लोप्पा यांगत्सी डोड्डा ता दक्षिण बगिल मत्ता। 208 ईसवी ते छाओ छाओ 5,00,000 तुकू ज्यादा सैनिक लोरा उंदी बेहार सेना पोयसी-तानकिन 8,00,000 सैनिक मंदाना सेना इंदोनोर-सुन छवेन पोरो हमला कित्तोरा। सुन छवेन छाओ छाओ ना विरोध ते ल्यू पेइ संगे कलियसी 30,000 सेना जमा कित्तोरा। ओरू छाओ छाओ ना सेना लोप्पा महामारी फैलेमाता इंजी पुंजी मत्तोरा, मति ओसो जल-युद्ध की आदी नहीं है, सुन छवेन ओसो ल्यू पेइ ना संगठित सेना छाओ छाओ ना बाडा पोरो किस वाटता ओसो ताना सेना किन खत्म कित्तोरा।
28. ईलिंग हुपे प्रांत लोप्पा वर्तमान ईछांग काउन्टी ता पूर्व ते मंता। इगा 222 ईसवी लोप्पा ऊ राज्य ता सेनापति श्यून ने शू राज्य ता शासक ल्य पेइ सेना किन हारे कित्ता। युद्ध ता शुरु ते ल्यू पेइ ना सेना लगातार सफलता दोरकी कित्ता ओसो ऊ राज्य लोप्पा पांच-छः सौ ली मुन्ने ईलिंग एवनल नेंगतोरा। लू श्यून, जो ईलिंग ता रक्षा किसोर मत्तोरा, सात महीना तुकू ज्यादा समय एवनल लडाई बचे किसोरे मत्तोरा आखिर ते ल्यू पेइ ना “ओना सेना दोगता इंजी ओन किन समझेमाता”। अस्के ओर

अनुकूल परिस्थिति ता फायदा तेहची ल्यू पेइ ता सेना ता टेंट पोरो किस वाटतोर ओसो तानकिन पूरा हारे कित्तोर।

29. पूर्वी चिन वंश ता वरोर सेनापति श्ये श्वेन 383 ईसवी लोप्पा आनह्वेइ प्रांत ता फेइश्वेइ डोइडा हेरे छिन राज्य ता शासक फू चैन किन हारे कित्तोर। फू चैन ना सेना 6,00,000 ज्यादा पैदल सेना मत्ता, 2,70,000 घुइसवार सेना ओसो 30,000 तुकू ज्यादा रक्षक कोर मत्ता। ओसो पूर्वी चिन ता जल ओसो थल सेना केवल 80,000 मत्ता। रेंडु विरोधी सेनांग फेइश्वेइ डोइडा ता रेंडु बगिल आमने-सामने नितसी मत्ता अस्के पूर्वी चीन ता सेना डोइडा वेंडसी निर्णायक लड़ाई लड़ेमाया परना इंजी फू चैन ना ज्यादा आत्मविश्वा ओसो अहंकार ता फायदा एतसी श्ये श्वेन ओनकिन तन्ना किन पेरके गुची कियाला वेहतोर। फू चैन तैयार आतोर, मति ओर पेरके गुचना आदेश हीतोर, ओना फौज लोप्पा कोलार पोयता ओसो रोमी कीतेके वेन्ने रोमो। इद मौका ता फायदा तेहची पूर्वी चिन सेना डोइडा वेंडता, हमला कित्ता ओसो छिन ना सेना किन खत्मन कित्ता।
30. 1 अगस्त 1927 ते च्यांगशी प्रांत ता राजधानी नानछांग लोप्पा चीनी कम्युनिस्ट पार्टी इद विद्रोह ता नेतृत्व कित्ता। तीना उद्देश्य च्यांग काई-शेक ओसो वांग चिंग-वेइ ना कित्ता प्रतिक्रांति ता विरोध कियाना ओसो ओसो 1924-27 ता क्रांतिकारी काम किन जारी तासना मत्ता। चओ ऐन-लाइ, चू तेह, हो लुंग ओसो थिंग लेक्काटा कामरेड ना नेतृत्व लोप्पा 30,000 तुकू ज्यादा सेना इद विद्रोह लोप्पा शामिल आता। मूल योजना ता अनुसार विद्रोही सेना नानछांग तल 5 अगस्त ते पेरके गुचता, मति क्वांगतुंग प्रांच लोप्पा छाऊचओ ओसो शानथओ एवनास्के परास्त आता। चू तेइ, छन ई ओसो लिन प्याओ लेक्काटा कामरेड्स नेतृत्व लोप्पा विद्रोही सेना ता उंदी हिस्सा पेरके लड़ेमासोरे चिंगकांगशान मेट्टा ते एवता ओसो अगा मजदूर-किसान लोरा क्रांतिकारी सेना ता पहली फौजी कोर ता पहली डिविजन संगे कलियता। ताना सेनापति कामरेड माओ त्सेतुंग मत्तोर।
31. “चीन लोप्पा लाल राजनीतिक सत्ता बारांकु नितसी मंदा परिंता?”, नोट 8।
32. सुप्रसिद्ध शरद-फसल विद्रोह ता नेतृत्व कामरेड माओ त्सेतुंग कित्तोर। हुनान-च्यांगशी सीमा क्षेत्र ता श्यूश्वेइ फिंगश्यांग, फिंगच्यांग ओसो ल्यूयांग काउंटीना जनता ना सशस्त्र शक्ति सितम्बर 1927 ते कित्तोर। ओर मजदूर-किसान लोरा क्रांतिकारी सेना ता पहली फौजी कोर ता पहली डिविजन ता स्थापना कित्तोर। कामरेड माओ त्सेतुंग तीना नेतृत्व कीसि चिंगकांगशान मेट्टा ने आतोर, ओसो अगा ओरु हुनान-च्यांगशी सीमा ता क्रांतिकारी आधार-क्षेत्र ता स्थापना कित्तोर।
33. ए-बी (एण्टी-बोल्सेविक) ग्रुप लाल इलाका लोप्पा गुप्त क्वोमिंगतांग एजेंट ता प्रतिक्रांतिकारी संगठन मत्ता।

34. इगा च्यांगशी प्रांत ता नडमा ता कानच्यांग डोड्डा ओसो पूर्वी हिस्सा ता फूश्वेइ डोड्डा नडमा ता इलाका ता बारे ते वेहताद मंता।
35. वी.आई. लेनिन, “अलग ते कियाना औसो प्रदेश सम्मिलित कियाना शांति-समझौता किन तुरंत कियाना सवाल ता बारे ते स्थापनांग”, “आजीबोगरीब ओसो बेहुदा”, “उंदी गंभीर सबक ओसो उंदी गहरी जिम्मेदारी” ओसो “युद्ध ओसो शांति ता बारे ते रिपोर्ट”, ओसो “सोवियत संघ ता कम्युनिस्ट पार्टी (बोलसेविक) ता इतिहास, संक्षिप्त कोर्स” अध्याय 7, परिच्छेद 7।
36. इगा तिब्बती लोकरा शीखांग प्रांत लोप्पा मंदाना तिब्बती जाति ता बारे ते ओसो ह्वेइ लोकर इत्तेके कानसू, छिंगहाए, सिनच्यांग लेक्काट प्रांत लोप्पा मंदाना ह्वेइ जाति ता बारे मंता।
37. “अष्टपदी निबंध” 15वी सदी तल 19वी सदी एवनल चीन ता सामंती राजवंश ता शासन-काल लोप्पा आयना राजकीय परीक्षा काजे निर्धारित निबंध ता उंदी विशेष रूप मत्ता। रचना ता दृष्टि ते इद्रम ता निबंधकुना आठ हिस्सा मत्ता: प्रस्तावना, परिवर्धन, प्रारम्भिक व्याख्या, प्रारम्भिक तर्क, प्रारम्भिक पैरा, मध्यवर्ती पैरा, उत्तरवर्ती पैरा ओसो आखरी पैरा। “प्रस्तावना” लोप्पा रेंडु वाक्य ना हेडिंग ता मुख्य अर्थ, “परिवर्धन” ते मूड-नालुंग वाक्य ता प्रस्तावना लोप्पा वेहता मुख्य अर्थ ता बारे ते वेहमूडुंदा। “प्रारम्भिक व्याख्या” लोप्पा पूरा निबंध ता संक्षिप्त व्याख्या कींदुर ओसो इद व्याख्या ता शुरूआत मत्ता। “शुरूआती तर्क” लोप्पा शुरूआती व्याख्या पेरके शुरूआत एवनल पेश कियमूडुंदा, शुरूआती पैरा, मध्यवर्ती पैरा, उत्तरवर्ती पैरा ओसो आखरी पैरा इव नालुंग भाग लोप्पा विषय ता सांगोपांग व्याख्या कियमूडुंदा। इविना लोप्पा मध्यवर्ती पूरा निबंध ता केंद्र मत्ता। पांचवा तल आठवा हिस्सा एवनल हर रेंडु हिस्सा इत्तेके विपरित भाव मंदान रेंडु हिस्सा जरूर मंदनवु। अदिन काजे तीना पोरोल “अष्टपदी निबंध” आता। इगा कामरेज माओ त्सेतुंग इद हिसाब ता निबंध लोप्पा कियाना विषय-प्रतिपादन किन उंदी उपमा लेक्का इस्तेमाल कीसि क्रांति ता विभिन्न मंजिल ता विकास पोरो प्रभाव वाटता। मति कामरेड माओ त्सेतुंग आम रू ते “अष्टपदी निबंध” किन कठमुल्लावाद ता चित्रण कियाना ओसो ताना पोरो व्यंग्य कियाला काजे उपमा रूप ते इस्तेमाल कींतोर।

च्यांग कार्ई-शेक ना स्टेटमेंट ता बारे ते स्टेटमेंट

28 दिसम्बर 1936

शीआन लोप्पा च्यांग कार्ई-शेक जनरल चांग शे-ल्यांग ओसो जनरल यांग हू-छंग ओसो उत्तर-पश्चिम ता जनता ना जापान ता प्रतिरोध कियाना मांग किन मानेमातोर। इद दिशा बगिल पहला कदम इसाब ते गृहयुद्ध लोप्पा मंदाना मना सेना किन शेनशी ओसो कानसू प्रांत तल गुची कियाना आदेश हीतोर। हत्ता उंदी शताब्दी तल ताकना च्यांग कार्ई-शेक ना गलता नीति लोप्पा बदलाव शुरु आता।¹ अद्रम आसी ओरु गृहयुद्ध ता नेतृत्व कियाना ओसो फूट वाटना, शीआन घटना आयानास्के च्यांग कार्ई-शेक किन हौकला काजे बने कित्ता जापानी साम्राज्यवादी ओसो चीनी “दण्ड-अभियान” ग्रुप² ता षडयंत्र किन धक्का देलगता। जापानी साम्राज्यवादी ओसो चीनी “दण्ड-अभियान” ग्रुप ते निराशा इंजे स्पष्ट आता। च्यांग कार्ई-शेक लोप्पा जागृति पैदा आयाना असर दिसोरे मंता, अविन हूडसोरे क्वोमिंगतांग तन्ना दस साल ता गलत नीति किन खत्म कियाला काजे तैयार आतोर।

26 दिसम्बर ते च्यांग कार्ई-शेक लोयांग लोप्पा तथाकथित (so-called) “चांग शे-ल्यांग ओसो यांग हू-छंग किन उपदेश” हेडिंग तल उंदी स्टेटमेंट जारी कित्तोर। तना गोलमोल ओसो उल्टा-पल्टा कारण ते इद स्टेटमेंट निज्जमे चीन ता राजनीतिक दस्तावेज लोप्पा उंदी दिलचस्प उदाहरण मंता। च्यांग कार्ई-शेक ना इद असली इच्छा मत्तेके ओर इद घटना तल गम्भीर सबक एताना, क्वोमिंगतांग लोप्पा पूना जीवा वाटना कोशिश कियाना, ओसो तना लगातार ताकना इद गलत नीति किन – विश्व समस्यांग बारे ते सुलह-समझौता कियाना, ओसो देश लोप्पा गृहयुद्ध ताकि

कियाना ओसो जनता ना उत्पीड़न कियाना – बंद कियाना, इत्तेके क्वोमिंगतांग जनता ना विचार ता खिलाफ नित्तना आयो, तना ईमानदारी तोहाना काजे उचुन बेसता लेख पेश कियाना मत्ता, ताना लोप्पा तना पाड़ना राजनीति पोरो पश्चाचाप कियाना ओसो तना वायना कालम काजे उंदी पूना हरीं खुले कियाना मत्ता। 26 दिसम्बर ता स्टेटमेंट आम चीनी जनता ना मांग किन पूरा किया परवो।

मति, च्यांग काई-शेक ना स्टेटमेंट लोप्पा उंदी बेसता पैराग्राफ वेन्ने मंता, ताना लोप्पा ओरु रास्तार “सब्बे क्रिया पूरा कियाना ओसो दृढ़ता ते कार्यवाही कियाना आयार”। इत्तेके शीआन लोप्पा चांग शे-ल्यांग ओसो यांग हू-छंग ना शर्त पोरो हस्ताक्षर कीवोर, मति राज्य ओसो राष्ट्र काजे फायदा मंदाना, ओसो हस्ताक्षर किवेके वेन्ने मना क्रिया किन तोड़े कीवोर इंदाना, मांग किन मानेमायला काजे तैयार मंतोर। तना सेना किन वापिस केयता पेरेके च्यांग काई-शेक ना वफादार संगे काम कींतोरा किवो इंजी माटू हूड़ना। ओसो अव शर्त किन ओर मंजूर कींतोर, अविन पूरा कींतोरा किवोर। अव शर्तकु दोड़ रास्ता लेक्का मंतांग:

1. क्वोमिंगतांग, राष्ट्रीय सरकार ता पुनर्गठन कियाना, जापान-समर्थक ग्रूप किन बाहर तेंडना ओसो जापान-विरोधी तत्व किन शामिल कियाना।
2. शांघाई ता देशभक्त नेता³ लोर देश ता दूसरा सब्बे राजनीतिक बंदी लोर किन रिहा कियाना ओसो जनता ना आजादी ता अधिकार ता गारंटी कियाना।
3. “कम्युनिस्ट लोरा विनाश कियाना” नीति किन खत्म कियाना ओसो जापान ता प्रतिरोध कियाना काजे लाल सेना संगे एकता आयना:
4. सब्बे राजनीतिक पार्टिंग, ग्रुप, सब्बे व्यवसाय ओसो सब्बे रकम ता सेना जापान ता प्रतिरोध कियाना ओसो देश किन बचे कियाला काजे नीति निर्धारित कियाना लेक्का उंदी राष्ट्रीय पुनरुद्धार सम्मेलन केयना।

5. चीन जापान ता प्रतिरोध कियाना काजे बव देशकुना सहानुभूति मंता, अविना सहयोगपूर्ण सम्बंध स्थापित कियाना ओसो:

6. राष्ट्रीय पुनरुद्धार काजे दूसरा ठोस तरीका, साधन कुना इस्तेमाल कियाना।

इव शर्त किन पूरा कियाला काजे सबसे मुन्ने वफादारी ता जरूरत मंता ओसो उचुन हिम्मत ता जरूरत मंता। माटु च्यांग काई-शोक किन ओना वायना समय ते कियाना काम तल हूडाकोम।

मति च्यांग काई-शोक ना स्टेटमेंट लोप्पा शीआन घटना “प्रतिक्रियावादी लोरा” दबाव ते आता इंजी वेन्ने मत्ता। मति च्यांग काई-शोक इद पोल्लो ता स्पष्टीकरण कीतद हिल्ले “प्रतिक्रियावादी” इतेके बोना संबंध ते मंता इंदानदु पुन्नोम ओसो इद च्यांग काई-शोक ना शब्दकोष ते “प्रतिक्रियावादी” शब्द ता अर्थ बाता मंता इंजी वेन्ने पुन्नोम। मति शीआन घटना इव ताकतकुना प्रभाव ते वासी आता इंदानदु पक्का मंता:

1. जनरल चांग श्वे-लयांग ओसो जनरल यांग हू-छंग ना सेना लोप्पा ओसो उत्तर-पश्चिम ता क्रांतिकारी जनता लोप्पा जापान-विरोधी रोष ता उभार;
2. पूरा देश ता जनता लोप्पा जापान-विरोधी रोष ता उभार;
3. क्वोमिंगतांग लोप्पा वामपंथ ता बेरसना;
4. विभिन्न प्रांत लोप्पा बव ग्रुप कुना कब्जा मंता अव जापान ता प्रतिरोध कियाना ओसो देश किन बचे कियाना मांग;
5. कम्युनिस्ट पार्टी ता जापान-विरोधी राष्ट्रीय संयुक्त मोर्चा कियाना प्रस्तावना: ओसो
6. दुनिया ता शांति मोर्चा ता विकास।

इद बेस ता सच्चाई च्यांग काई-शोक बविन “प्रतिक्रियावादी” इंतोर, अव दूसरा बवे आयोग इव्वे शक्तिंग किन इंतोर, पोल्लो सिर्फ दूसरोर ओरकिन क्रांतिकारी इंतोर, मति च्यांग काई-शोक ओरकिन “प्रतिक्रियावादी” इंतोर। ईमानदारी ते जापान ता प्रतिरोध कींतोर इंजी च्यांग काई-शोक शीआन लोप्पा ऐलान कित्ताद मत्ता अदिन काजे शीआन

तल हत्ता पेरके तुरंत ओर क्रांतिकारी ताकतकुना पोरो आतंकी हमला कीवोर, इंजी आल्समूड़ांता बारांकु इत्तेके च्यांग काई-शेक तना ओसो ओना ग्रुप ता राजनीतिक पिस्वल केवल ओना वफादारी पोरो ने निर्भर हिल्ले, ओना असली राजनीतिक हर्षी ते ओसो च्यांग काई-शेक, ओना ग्रुप मुन्ने उंदी बेहरा ताकत वासी नित्तता कि च्यांग, ओसो ओना ग्रुप काजे अनिष्टकारी ताकात ता रूप ते पोयतद मंता- शीआन घटना आतास्के च्यांग काई-शेक किन हौकना कोशिश “दण्ड-अभियान” ग्रुप कित्ता। अदिन काजे ओर तन्ना राजनीतिक शब्दकोष ते संशोधन कियाना ओसो “प्रतिक्रियावादी” शब्द ता जागा ते “क्रांतिकारी” शब्द तासना इंजी माटु च्यांग काई-शेक किन सलाह हींतोम, बारांकु इत्तेके बद्रम ता चीज अद्रम ता पोरोल तासाना ज्याद बेस आंता।

च्यांग काई-शेककिन शीआन घटना ता नेता जनरल चांग श्वे-ल्यांग ओसो जनरल यांग हू-छंग ना कोशिशकु आयवा कम्युनिस्ट पार्टी ता मध्यस्थता मत्ता कारण ते शीआन घटना तास्के कम्युनिस्ट पार्टी शांतिपूर्ण तरीका ते समस्या तय कियाना रुझान लागू कित्तोर ओसो तीना काजे रक-रकम ता कोशिश वेन्ने कातोर। चांग श्वे-ल्यांग ओसो यांग हू-छंग वेल्ले समय एवनल च्यांग काई-शेक पोरो नजर तासिस मत्तेके गृहयुद्ध ओसो फैलेमासी मनवड़, अस्के घटना ता विकास स्पष्ट रूप ते जापानी साम्राज्यवादी, चीनी “दंड-अभियान” ग्रुप ता हित ते आसी मनवड़। इवे परिस्थितिंग लोप्पा कम्युनिस्ट पार्टी जापानी साम्राज्यवादी ओसो चीनी “दंड-अभियान” (“punitive” group) ग्रुप ता वांग चिंग-वेइ,⁴ हो इंग-छिन⁵, दूसरा सदस्य लोरा प्लान ता दृढ़ता ते पर्दाफाश कित्तोर ओसो इद घटना किन शांतिपूर्ण तरीका ते हल कियाना दृढ़ता ते पैरवी कित्तोर। इद विचार जनरल चांग श्वे-ल्यांग ओसो जनरल यांग हू-छंग ओसो क्वोमिंगतांग ता टी.वी. सुंग⁶ लेक्काटा सदस्य लोरा विचार संगे कलियंदु। पूरा देश ता जनता ना लेंग इद्रमे तेदिंता, बारांकु इत्तेके अद वर्तमान गृहयुद्ध ता तीव्र घृणा कींता।

शीआन ता शर्त मंजूर कियाना पोरो च्यांग काई-शेक किन रिहा कित्तोर। इंजे ओरु “सब्बे मांग पूरा कियमूडायर ओस दृढ़ता ते कार्यवाही कियमूडायर” इंजी कित्ता क्रिया ता पालन कींतोरा, कीवोर इंदानाद मंता ओसो राष्ट्रीय पुनरुद्धार काजे सब्बे शर्तकु ठोस रूप ते पूरा कींतोरा किवोर इंजी मंता। पूरा देश ता जनता च्यांग काई-शेक किन इद दिशा ते बदे रकम ता टाल-मटोल कियाना या पेरेके गुचना अनुमति बिलकुल हीवो। च्यांग जापान ता प्रतिरोध कियाना लोप्पा ढुलमुल आतेके ओसो मांग किन पूरा कियाना लोप्पा लेट आतेके जरूर पूरा देश ता जनता ना क्रांतिकारी ज्वार तानकिन पोंगी कीसि ओंता। पाङना कहावत मत्ता, “बोर तन्ना कित्ता क्रिया किन पूरा किवोर ओर बदे कामताद हिल्लेर” । च्यांग काई-शेक ओसो ओना ग्रुप किन इद पोल्लो पोरो वेल्ले ध्यान हियाना।

च्यांग काई-शेक क्वोमिंगतांग ता दस साल तल ताकसोरे मंता प्रतिक्रियावादी नीति ता गंदगी किन साफ कित्तेके ओसो विदेशी समस्यांग लोप्पा रियायत हियाना, देश लोप्पा गृहयुद्ध ताकि कियाना ओसो जनता ना उत्पीडन कियाना तना बुनियादी गलतिंग किन सही तरीका ते सुधरे कित्तेके, जपाना विरोधी मोर्चा ते तुरंत शामिल आतेके तीना लोप्पा सब्बे राजनीतिक पार्टिंग ना ग्रुप नडमा एकता कीसि मंदाना ओसो राष्ट्रीय पुनरुद्धार काजे सैनिक ओसो राजनीतिक कदम तेहतेके, कम्युनिस्ट पार्टी जरूर ताना समर्थन कींता। क्वोमिंगतांग ता पोरोल मुन्ने 25 अगस्त ता लेटर लोप्पा कम्युनिस्ट पार्टी च्यांग ओसो क्वोमिंगतांग किन इदिना समर्थन कियाना ता बारे वेहची मत्ता।⁷ कम्युनिस्ट पार्टी ता “सब्बे मांग पूरा कियाना ओसो दृढ़ता ते कार्यवाही कियाना” उंदी सच्चाई आंदू। इदिन पूरा देश ता जनता पंद्रह साल मुन्नेतल मानेमासोरे वाता। पूरा देश ता जनता किन जरूर कम्युनिस्ट पार्टी ता पोल्लो पोरो, काम पोरो देश ता बदे दूसरा राजनीतिक पार्टी या ग्रुप ता पोल्लो ओसो काम तुकू ज्यादा विश्वास मंता।

नोट

1. चांग श्वे-ल्यांग ना नेतृत्व ते क्वोमिंगतांग ता उत्तर-पूर्वी सेना ओसो यांग हू-छंग ना नेतृत्व ते क्वोमिंगतांग ता 17वीं राह सेना चीनी लाल सेना ओसो जापान-विरोधी जन-आंदोलन ता प्रभाव ते वासी चीनी कम्युनिस्ट पार्टी कित्ता प्रस्ताव जापान-विरोधी राष्ट्रीय संयुक्त मोर्चा बने कियाना पोल्लो किन मानेमातोर ओसो च्यांग काई-शेक किन जापान ता प्रतिरोध कियाना काजे कम्युनिस्ट पार्टी ता सहयोग कियाना इंजी मांग कित्तोर। च्यांग मना कित्तोर, ओसो इदिनकु वेन्ने मुन्ने हंजी “कम्युनिस्ट लोरा विनाश कियाना” काजे सक्रिय रूप ते फौजी तैयारी ता ओसो शीआन लोप्पा जापान-विरोधी नवयुवक लोरा संहार कित्तोर। इद्रम ता परिस्थिति ते चांग श्वे-ल्यांग ओसो यांग हू-छंग संयुक्त रूप ते कार्यवाही कीसि चांग काई-शेक किन गिरफ्तार कित्तोर। इदे 12 दिसम्बर 1936 ता शीआन घटना आंदू च्यांग काई-शेक किन मजबूर आसी कम्युनिस्ट पार्टी ता सहयोग कियाना ओसो जापान विरोधी प्रतिरोध ता शर्त किन मंजूर किया लगता, अस्के ने ओनकिन नानकिंग वापिस वायला काजे रिहा कित्तोर।
2. चीनी “दंड-अभियान” ग्रुप नानकिंग ता क्वोमिंगतांग सरकार लोप्पा उंदी जापान-समर्थक ग्रुप मत्ता, वांग चिंग-वेइ ओसो हो इंग-छिन ना नेतृत्व ते शीआन घटना आतास्के चांग श्वे-ल्यांग ओसो यांग हू-छंग ना खिलाफ उंदी “दंड-अभियान” कियाना वकालत ओसो च्यांग काई-शेक नगडल सत्ता उंदना कोशिश कीसोर मत्तोर। जापानी हमलावर लोरा काजे हरीं दोरकना ओसो च्यांग काई-शेक ना कैदल राजनीतिक सत्ता पिड्गंना इंजी, इद घटना तल फायदा एतसी इद ग्रुप बेहरा स्तर ते गृहयुद्ध कियाना तैयारी कित्तोर।
3. शांघाई ता जापान-विरोधी देशभक्तिपूर्ण आंदोलन ता सात नेता मत्तोर: शन चुन-रू, चांग नाए-छी, चओ थाओ-फन, ली कुंग-फू, शा छयेन-ली, श ल्यांग ओसो वांग चाओ-शा। ओर किन नवम्बर 1936 ते च्यांग काई-शेक सरकार गिरफ्तार कित्तोर ओसो जुलाई 1937 ते रिहा कित्तोर।
4. वांग चिंग-वेइ क्वोमिंगतांग ता जापान-समर्थक ग्रुप ता सरगना मत्ता। 1931 तल वांग चिंग-वेइ जापानी साम्राज्यवादी लोप्पा आक्रमण ता बारे ते सुलह-समझौता ता रुझान लागू कीसोरे वातोर। दिसम्बर 1938 ते ओर छुंगकिंग विडस्तोर, खुलेआम जापानी हमलावर लोरा मुन्ने आत्मसमर्पण कित्तोर ओसो नानकिंग लोप्पा उंदी कठपुतली सरकार बने कित्तोर।
5. हो हंग-छिन क्वोमिंगतांग युद्ध-सरदार मत्तोर ओसो क्वोमिंगतांग ता जापान-समर्थक ग्रुप ता दूसरा सरगना मत्तोर। शीआन घटना तास्के ओरो गृहयुद्ध कियाना काजे

वेल्ले सक्रियता ते प्लान कित्तोर। लुंगहाए रेलवे तल हंजी शेनशी पोरो हमला कियाना काजे क्वोमिंगतांग सेना किन जमा कित्तोर। च्यांग काई-शेक ना जागा एतना विचार ते ओरू शीआन पोरो बमबारी कीसि च्यांग किन होकना योजना वेन्ने पंडतोर।

6. टी.वी सुंग क्वोमिंगतांग ता उंदी अमेरिका-समर्थक सदस्य मत्तोर। ओर वेन्ने अमेरिका ता विचार ते शीआन घटना किन शांतिपूर्ण तरीका ते हल कियाना पक्षपोषण कित्तोर। अदिन कारण वेल्ले जेक आता अस्के अपना-अपना प्रभुत्व काजे संघर्ष कियाना जापानी साम्राज्यवाद ओसो अमेरिका साम्राज्यवाद नडमा ता अंतरविरोध मत्ता।
7. इद लेटर लोप्पा क्वोमिंगतांग ता प्रतिक्रियावादी शासन ओसो ओना केंद्रीय कार्यकारणी कमेटी ता दूसरा पूर्ण अधिवेशन ता जोरदार ओसो सही खंडन कीतद मत्ता। संगेने तीना लोप्पा जापान-विरोधी राष्ट्रीय संयुक्त मोर्चा बने कियाना ओसो क्वोमिंगतांग संगे वेंडे सहयोग कियाना इंजी चीनी कम्युनिस्ट पार्टी ता नीति ता उल्लेख वेन्ने कित्ताद मत्ता। लेटर ता मुख्य हिस्सा दोड़ रास्ता लेक्का मंता:

मीवा पार्टी ता केंद्रीय कार्यकारणी कमेटी ता दूसरा पूर्ण अधिवेशन “केंद्रीकरण ओसो एकीकरण” ता चर्चा कियानास्के उल्टा-पुल्टा पेश कित्ताद मंता। असल ते दस साल ता गृहयुद्ध ओसो फूट ता कारण केवल साम्राज्यवाद पोरो निर्भर आसी मंदाना नीति ए आंदू इंजी समझेमायना। तानकिन मीवा पार्टी ओसो मीवा सरकार लागू कीसोर मंता ओसो देश किन बरबाद कियाना नीति आंदू: असल इत्तेके 18 सितम्बर 1931 ता घटना पेरकेटल मीवा जापान ता प्रतिरोध कीवा मंदाना नीति ए गृहयुद्ध ओसो फूट ता कारण बनेमाता। इद नारा “विदेशी हमला ता विरोध कियाना मुन्ने आंतरिक शान्ति बने कियाना”, इंदानदु मीवा पार्टी ओसो मीवा सरकार वेल्ले साल एवनल गृहयुद्ध ताकी कित्ता ओसो लाल सेना ता खिलाफ घेराव कियाना गिनती हिल्लाचोन अभियान ताकी कित्ता ओसो पूरा देश लोप्पा जनता ना देशभक्तिपूर्ण, जनवादी आंदोलन किन खत्म कियाला सब्बे रकम ता तरीका अपने कित्तीर। हत्ता उचुन महिनांग लोप्पा वेन्ने, इद पोल्लो किन, जापान साम्राज्यवाद चीन ता सबसे कट्टर दुश्मन मंता इंदानदिन विडसी, उत्तर-पूर्वी ओसो उत्तरी चीन किन दुश्मन ता कैदे हियाना लोप्पा उचुन वेन्ने आल्सविर, मीटु लाल सेना संगे लडेमायाना ओसो मीवा पार्टी लोप्पाटा ग्रूपबंदी झगड़ा ताकी कियाना लोप्पा पूरा ताकत खर्च कीतीर: मीटु जापानी हमलावर लोरा खिलाफ लडेमायना लाल सेना किन रोमी कियाना लोप्पा ओसो तना पृष्ठभाग किन परेशान कियाना लोप्पा पूरा जोर वाटतीर: जापान ता प्रतिरोध कियाना मीटु पूरा देश ता जनता ना मांग किन नजरअंदाज कीतीर ओसो मीटु पूरा देश ता जनता ना अधिकार किन खत्म कित्तीर। देशभक्ति अपराध बनेमाता, ओसो पूरा देश ता निर्दोश लोकर किन जेल ते वाटमूडाता। देश वम्मनोर किन इनाम दोरकित्ता, ओसो गद्दार लोर तन्ना पूना पद ओसो पूना खिताब दोरकी कियाना पोरो

वरोनकु वरोर बधाई हिया मंतोरा इद गलत नीति संगे केंद्रीकरण ओसो एकीकरण ता कोशिश कियाना असल ते “कीके पोयला काजे मरा पोरु तरंगता लेक्का” आंता: इद्रम कीतेके उल्टा आंता। इंजे माटु मी सियानलोर किन गम्भीरता ते सलाह हींतोम कि मीटु इद गलत नीति किन बुनियादी रूप ते बदले किवेके ओसो मीटु जापानी साम्राज्यवाद ता बदला मनाए देशवासी लोरा संगे द्वेष कीसोर मत्तेके, अस्के मीटू मीवा वर्तमान परिस्थिति किन वेन्ने अद्रमे तासना वेन्ने मुश्किल आयरा इद्रम ता केंद्रीकरण, एकीकरण ओसो “आधुनिक राज्य” ता पूरा पोल्लोंग अंगडम आंतांग। पूरा देश ता जनता ना इंजेटा मांग, जापान ता प्रतिरोध कियाना ओसो देश किन बचे कियाना काजे केंद्रीकरण ओसो एकीकरण कियाना मंता। विदेशी लोरा दलाल बनेमायना ओसो जनता ना उत्पीडन कियाना काजे केंद्रीकरण ओसो एकीकरण कियाना हिल्ले। पूरा देश ता जनता इंजे वेल्ले खुशी ते उंदी देश ओसो जनता किन बचे किया परना लेक्काटा सरकार ता मांग किया मंता। अद असल ते उंदी असली जनवादी गणराज्य ता मांग किया मंता। पूरा देश ता जनता उंदी जनवादी गणतंत्र ओसो ताना हित ते काम कियाना लेक्काट सरकार ता मांग किया मंता। इद सरकार ता कार्यक्रम लोप्पा मुख्य पोल्लोंग दोड़ रास्ता लेक्का मंदांना:

मुन्ने, विदेशी आक्रमण ता विरोध कियाना; दूसरा, जनता किन जनवादी अधिकार हियाना: ओसो तीसरा, राष्ट्रीय अर्थव्यवस्था ता विकास कियाना ओसो जनता ना मुश्किल कम कियाना या खत्म कियाना। “आधुनिक राज्य” ता बारे ते इद्रम ता कार्यक्रमे वर्तमान युग लोप्पा औपनिवेशिक ओसो अर्ध-औपनिवेशिक चीन ता असली जरूरत कुना अनुकूल मंता। पूरा देश ता जनता उत्साहपूर्ण इच्छा, दृढ़ संकल्प संगे इद उद्देश्य किन पूरा कियाना काजे संघर्ष कियाना मंता। मति मीवा पार्टी ओसो मीवा सरकार ता नीति पूरा देश जनता ना आशा ता प्रतिकूल मत्ता। इद्रम ता काम कीसि मीटु जनता ना विश्वास जीडा परविरा माटु पूरा देश काजे एकीकृत जनवादी गणराज्य ता स्थापना ता पक्षपोषण कींतोम; माटु लैय्या-लेयोर वोट वाटना अधिकार संगे चुनेमाता संसद केयना ता पक्षपोषण कींतोम इंजी चीनी कम्युनिस्ट पार्टी ओसा चीनी लाल सेना गम्भीरता ते घोषणा कींता। माटु पूरा देश ता जनता ना ओसो जापान-विरोधी सेना ता प्रतिनिधि लोरा जापान-विरोधी राष्ट्रीय पुनरुद्धार कांग्रेस केयाना ता समर्थन कींतोम। माटु पूरा देश लोप्पा एकीकृत राष्ट्रीय प्रति रक्षा सरकार बने कियाना ता समर्थन कींतोम। पूरा चीन काजे एकीकृत जनवादी गणराज्य स्थापित आयार, अस्केने लाल इलाका ता अंग बनेमायर, लाल इलाका ना जनता ता प्रतिनिधि अखिल चीन संसद लोप्पा वांतोर ओसो लाल इलाका लोप्पा चीन ता दूसरा हिस्सा लोप्पा मत्ता लेक्काटा जनवादी व्यवस्था निल्पी कीयमूडायर इंजी माटु ऐलान कींतोम। मावा विचार मीवा पार्टी ता केंद्रीय कार्यकारिणी कमेटी ता दूसरा पूर्ण अधिवेशन, राष्ट्रीय प्रतिरक्षा परिषद बने कियाना फैसला कित्ता, ओसो मीवा पार्टी ओसो मीवा सरकार राष्ट्रीय संसद केया मंता, अद जापान ता प्रतिरोध कियाना ओसो देश किन विनाश तल बचे कियाना काजे केंद्रीकरण ओसो एकीकरण ता काम पूरा कियाना परवो। मीवा पार्टी

ता केंद्रीय कार्यकारिणी कमेटी ता दूसरा पूर्ण अधिवेशन लोप्पा राष्ट्रीय प्रतिरक्षा परिषद ता बारे ते मंजूर कित्ता नियम कुना अनुसार परिषद ता संगठन मीवा पार्टी ओसो मीवा पार्टी ता सरकार उचुन सत्ताधारी अफसर लोरगा एवनल सीमित मंदिता; इद परिषद मीवा पार्टी सरकार किन सलाह हियाना संस्था लेक्काने मंदियरा इद्रम ता परिषद किन बस्केने सफलता दोरका परवो इंदानदु स्पष्ट मंता, ओसो अद जनता ना विश्वास वेन्ने दोरकी कियाना परवो। मीवा पार्टी ता सरकार “चीन गणराज्य ता संविधान ता मसौदा” ओसो “राष्ट्रीय एसेम्बली ता संगठन सम्बंधित नियम ओसो निर्वाचन सम्बंधित नियम” किन स्वीकार कित्ता, ओरकिन हूइतेके मीटु राष्ट्रीय एसेम्बली केयला आल्सा मंतिर, एद वेन्ने सफलतापूर्वक काम किया परवो आयर ओसो जनता ना विश्वास दोरकी किया परवो इंजी समझेमांता। बारांकु इतेके इद्रम ता राष्ट्रीय एसेम्बली मीवा पार्टी ओसो मीवा सरकार ता उचुन पदाधिकारी लोरा कैदे कठपुतली बनेमायनूर, ओरो तोकर बनेमायनूर। इद्रम ता राष्ट्रीय प्रतिरक्षा परिषद, राष्ट्रीय एसेम्बली लोप्पा ओसो मावा पार्टी प्रस्तावित जापान-विरोधी राष्ट्रीय पुनरुद्धार कांग्रेस (इतेके राष्ट्रीय प्रतिरक्षा परिषद) ओसो चीन जनवादी गणराज्य, ताना संसद लोप्पा उचुन वेन्ने समानता हिल्ले। मावा विचार जापान ता प्रतिरोध कियाना ओसो देश किन बचे कियाना काजे राष्ट्रीय प्रतिरक्षा परिषद बनेमाता, ताना लोप्पा सब्बे राजनीतिक पार्टींग, ग्रुप, सब्बे व्यवसाय ओसो सब्बे सेना ता प्रतिनिधि मंदाना। असल ते सत्ताधिकार संगे सम्पन्न उंदी जापान ता प्रतिरोध कियाना ओसो देश किन बचे कियाना सम्बंध ते मुख्य नीतिंग बने किया परना लेक्का मंदाना। इद परिषद तल उंदी एकीकृत राष्ट्रीय प्रतिरक्षा सरकार बने कियाना। राष्ट्रीय एसेम्बली किन उंदी देशव्यापी बालिग मताधिकार संगे चुने कित्ताद मंदाना। तानकिन चीन जनवादी गणराज्य ता सर्वोच्च सत्ताधिकारी संस्था मंदाना। पूरा देश ता जनता राष्ट्रीय प्रतिरक्षा परिषद ओसो अखिल चीन संसद ता स्वागत कींता, ताना समर्थन कींता ओसो ताना लोप्पा शामिल आंता। केवल परिषद ओसो संसद तले देश ओसो जनता ना पुनरुद्धार ता महान काम किन सुदुद्द ओसो गड्ढक आधार दोरकींता। सिर्फ लच्छेदार पोल्लोंग कियाना बिल्कुल बेकार आंता ओसो अविन पूरा देश ता जनता ना समर्थन बस्केने दोरको आंता। मीवा पार्टी ओसो मीवा पार्टी ता सरकार इंजे एवनल वेल्ले सम्मेलन केयता, अविना विफलता इद पोल्लो किन साबित कींतांग। मीवा पार्टी ता केंद्रीय कार्यकारिणी कमेटी ता दूसरा पूर्ण अधिवेशन ता घोषणा ते “खतरा ओसो अडचन कुना सामना कियाए लागियर, मति राष्ट्र मुन्ने वायना सब्बे बाधा किन ओसो मुश्किल कुना कारण ते माटु मना कर्तव्य-पालन कियाना लोप्पा बस्केने कमजोरी वायला हीवोमा” ओसो तीना लोप्पा “देश ता पिस्वल ता रक्षा काजे मावा पार्टी जरूर मना सब्बे बुद्धिमत्ता ओसो क्षमता ता इस्तेमाल कीसि शुरू तल आखरी एवनल कोशिश कियार” इंजी वेन्ने वेहताद मंता। मीवा पार्टी चीन ता ज्यादातर भाग लोप्पा शासक पार्टी ओसो मुन्ने टा सब्बे कामकुना राजनीतिक जिम्मेदारी मीवा पार्टी पोरो अरवा लेवा मन्नो इंदानदु निज्जमे। क्वोमिंगतांग सरकार सिर्फ उंदी पार्टी ता नेतृत्व लोप्पा

मंता, अदिन काजे क्वोमिंगतांग इद जिम्मेदारी तल बुस्का परवो। खासकर 18 सितम्बर ता घटना पेरेके मीवा पार्टी पूरा देश ता जनता ना इच्छाना विरुद्ध ओसो पूरा राष्ट्र हितकुना विरुद्ध गलत नीति लागू किया मंता। अद्रमासी लगभग आधा चीन कैदल हत्ता। तीना जिम्मेदार दूसरोरा पोरो वाटमूडायो। मावा ओसो पूरा देश ता जनता ना विचार, मीवा पार्टी आधा चीन किन कैदल दायाला हीता अदिन काजे मीवा पार्टी पोरो जिम्मेदारी वाटवा लेवा विडसमूडायो। मीवा पार्टी ता जिम्मेदारी हत्ता आधा चीन किन वापिस दोरकी कियाना ओसो अगा चीन ता सरकार बने कियाना मंता। संगेने मीवा पार्टी लोप्पा वेन्ने वेल्ले ईमानदार लोकुर गुलामी ता दुखम बातल मंदिता ओसो जनता ना विचार बाता मंता इंदानदु समझेमाया मंतोरः ओर पूना दिशा ते दाया मंतोर ओसो देश पोरो उत्पीडन कियाना पार्टी ओसो सदस्य लोरा कारण ते वेल्ले नाराज मंतोर। चीनी कम्युनिस्ट पार्टी इद पूना मोड ता बारे ते पूर्ण सहानुभूति तासितोर। अद क्वोमिंगतांग ता देशभक्त ओसो ईमानदार सदस्य लोरा भावना ओसो जागृति ता जीवा कीसि अभिनंदन कींता, ओसो राष्ट्र ता विनाश आयनास्के बलिदान ता परवाह किवा लेवा संघर्ष कियाना अर्थ ओसो सुधार लागू कीसि ओरा साहस ता अभिनंदन कींता। माटु मीवा पार्टी ता केंद्रीय ओसो प्रांतीय हेडकवार्टर लोप्पा, मीवा केंद्रीय ओसो प्रांतीय सरकार लोप्पा, शिक्षा, विज्ञान, कला, पत्रकारिता, उद्योग ता क्षेत्र लोप्पा, धर्म, चिकित्सा ओसो पुलिस क्षेत्र लोप्पा, सब्बे रकम ता जन-संगठन लोप्पा, ओसो खास कर सेना ता व्यापक पांत लोप्पा, क्वोमिंगतांग ता पूना-पाडना सदस्य लोरा लोप्पा ओसो ओरा लोप्पाटा सब्बे स्तरकुना नेता लोप्पा असल ते वेल्ले जागृत ओसो देशभक्त लोकुर मंतोर। ओसो ओरा संख्या बराबर बेरसा मंता। इद वेल्ले बेसता पोल्लो मंता। चीनी कम्युनिस्ट पार्टी क्वोमिंगतांग ता सदस्य लोरा सहयोग कियाना ओसो सुदृढ़ राष्ट्रीय संयुक्त मोर्चा बने कियाना काजे हमेशा तैयार मंतोर। राष्ट्र ता सबसे क्रूर दुश्मन-जापानी साम्राज्यवाद - ता प्रतिरोध किया परना इंजी। इद्रम ता सदस्य जल्दिए क्वोमिंगतांग लोप्पा मुख्य ताकत बनेमाया परितोर ओसो ओर डा. सुन यात-सेन ना सुरता पोरो कलंक लेक्का मंतोर पक्काए दुष्ट ओसो बेसर्म सदस्य लोरा पोरो हावी आयनोर इंजी माटु आशा किया मंतोमा ओसो माटु इद्रमे ओर डा. सुन यात-सेन ना क्रांतिकारी “मूंड जन-सिद्धांत” ता भावना किन पुनर्जीवित कितोर इंजी वेन्ने आशा कींतोमः रूस ता सहयोग, कम्युनिस्ट लोरा सहयोग ओसो किसान-मजदूर लोरा सहायता कींतोर डा. सुन यात-सेन ना मूंड महान नीतिंग ना ओसो उंदी बेरा साबित कियनोर; क्रांतिकारी “मूंड जन-सिद्धांत” ता क्रांतिकारी वसीयत किन लागू कियाला काजे “मना पूरा दिमाग ओसो क्षमता ता इस्तेमाल कीसि शुरू तल आखरी एवनल कोशिश कियाकोम”। ओरू देश ता सब्बे राजनीतिक पार्टी, ग्रुप ओसो सब्बे व्यवसाय कुना देशभक्त नेता, देश भक्त जनता ना संगे कलियसी डा. सुन यात-सेन ना क्रांतिकारी काम किन मुन्ने ओयना जिम्मेदारी किन दृढ़ता ते पूरा कियानूर इंजी माटु आशा कींतोमा जापानी साम्राज्यवाद किन पूंडना ओसो चीन किन विनाश आयाना तल बचे कियाला काजे पूरा

देश लोप्पा जनता ना जनवादी अधिकार दोरकी कियाला काजे, वेल्ले बहुसंख्यक जनता ना मुश्किल किन दूर कियाना उद्देश्य ते चीन ता राष्ट्रीय अर्थव्यवस्था किन विकसित कियाला काजे, ओसो चीन जनवादी गणराज्य ओसो ताना जनवादी संसद, जनवादी सरकार ता स्थापना कियाला काजे, ओरु दृढता ते संघर्ष कियानूर इंजी माटु आशा कीतोमा चीनी कम्युनिस्ट पार्टी क्वोमिंगतांग ता सब्बे सदस्य लोरा मुन्ने ऐलान कीतोम. मीटु असल इत्तेके इद्रम कीतेके माटु दृढता ते मीवा समर्थन कियाकोम, मीवा संगे उंदी सुदृढ क्रांतिकारी संयुक्त मोर्चा बने कियाला काजे तैयार आयकोम, 1924-27 ते चीन ता महान क्रांतिकारी काल ता रेंडु पार्टी ना विदेशी ओसो सामंती उत्पीडन ता खिलाफ उंदी महान संयुक्त मोर्चा बने कीसि मत्ता लेक्का, कारण नेंडु देश ता विनाश तल बचे कियाना ओसो ताना पिस्वल ता रक्षा कियाला काजे इदे सही हरीं मंता।

जापानी-आक्रमण-विरोधी काल लोप्पा चीनी कम्युनिस्ट पार्टी ता कबस्कु

3 मई 1937

इद रिपोर्ट कामरेड माओ त्सेतुंग 1937 ते येनान लोप्पा आता चीनी कम्युनिस्ट पार्टी ता राष्ट्रीय प्रतिनिधि-सम्मेलन ते पेश कीसि मत्तोर।

चीन ता बाहरी ओसो आन्तरिक अंतरविरोध कुना विकास ता वर्तमान मंजिल

1. बारांकू इत्तेके चीन ओसो जापान नडमा ता अंतरविरोध प्रधान (principal) अंतरविरोध बनेमाता ओसो चीन ता आन्तरिक अंतरविरोध किन गौणता (secondary) लेवेके दौड़ ता जागा दोरकता, अदिन काजे अन्तरराष्ट्रीय सम्बंध ओसो चीन ता आन्तरिक वर्ग-सम्बंध लोप्पा वेन्ने बदलाव आता, ओसो इद्रम वर्तमान परिस्थिति लोप्पा विकास ता उंदी पूना मंजिल शुरू आता।

2. वेल्ले लम्बा समय तल चीन रेंडु तीव्र ओसो बुनियादी अंतरविरोध लोप्पा फसेमासी मंता - साम्राज्यवाद ओसो चीन नडमा ता अंतरविरोध ओसो सामंती व्यवस्था ओसो व्यापक जन-समुदाय ता नडमा ता अंतरविरोध मंता। 1927 लोप्पा क्वोमिंगतांग ता प्रतिनिधित्व कियाना पूंजीपति वर्ग क्रांति किन धोका कित्तोर ओसो राष्ट्रीय हितकुना साम्राज्यवाद कैदे वम्मतोर। ताना कारण ते मजदूर-किसान लोरा राजनीतिक सत्ता क्वोमिंगतांग ता राजनीतिक सत्ता ता तीव्र विरोध ते

नित्तना लेक्का, ओसो राष्ट्रीय, जनवादी क्रांति किन पूरा कियाना बोजा चीनी कम्युनिस्ट पार्टी पोरु वासी अरना लेक्का परिस्थिति पटता।

3. 18 सितम्बर 1931 ता घटना पेरके ओसो खासकर 1935 लोप्पा उत्तरी चीन ओसो घटना-क्रम¹ पेरके इव अंतरविरोध लोप्पा दोड़ रास्ता बदलाव आतांगः

क) चीन ओसो सामान्य साम्राज्यवाद नड़मा ता अंतरविरोध ता जागा ते चीन ओसो जापानी साम्राज्यवाद नड़मा ता अंतरविरोध विशेष रूप ते उभरेमाता अनि तीव्र अंतरविरोध मुन्ने वाता। जापानी साम्राज्यवाद चीन पोरु पूरा कब्जा कियाना नीति पोरु अमल किया मंता। बारांकु इत्तेके चीन ओसो उचुन दूसरा साम्राज्यवादी ताकत कुना नड़मा ता अंतरविरोध गौण (सैकेंडरी) अवस्था ते अरता ओसो जापान, इव साम्रज्यवादी ताकत कुना नड़मा ता दरार ओसो ज्यादा बेरसता। अदिन काजे चीनी कम्युनिस्ट पार्टी ओसो चीनी जनता ना मुन्ने चीन ता जापान-विरोधी राष्ट्रीय संयुक्त मोर्चा किन दुनिया ता शांति मोर्चा संगे जोड़े कियाना काम मंता। दूसरा हिसाब ते चीन किन केवल सोवियत संघ संगे, ओरू चीनी जनता ना गड्ढक बेसता दोस्त मतोर, संगे एकता कियानाए आयो, परताचोन जापानी साम्राज्यवाद ता संयुक्त विरोध कियाला काजे चीन किन अद साम्राज्यवादी देशकुना संगे वेन्ने मना सम्बंध स्थापित कियाना। बहु अद समय ते शांति बने कियाला आल्सानोर ओसो पूना आक्रमणकारी युद्ध ता विरोध कियानोर। मावा संयुक्त मोर्चा ता लक्ष्य उंदी बेरा सब्बे साम्रज्यवादी ताकतकुना विरोध कियाना विड़सी, जापान ता प्रतिरोध कियाना मंदाना।

ख) चीन ओसो जापान नड़मा ता अंतरविरोध चीन लोप्पाटा वर्ग-सम्बंध लोप्पा वेन्ने बदलाव तत्ता ओसो पूंजीपति वर्ग, युद्ध-सरदार लोरा मुन्ने वेन्ने पिस्वल ता रक्षा कियाना ता सवाल पुटि कित्ता ओसो ओरा ओसो ओरा पार्टी ना राजनीतिक रुझान लोप्पा वेन्ने तीरम-तीरम बदलाव आया मंता। इद्रम चीन कम्युनिस्ट पार्टी ओसो चीनी जनता ना मुन्ने जापान-विरोधी राष्ट्रीय संयुक्त मोर्चा बने कियाना काम मंता। मना संयुक्त

मोर्चा लोप्पा पूंजीपति वर्ग किन ओसो मातृभूमि ता रक्षा कियाला तैयार मंदाना सब्बे लोकर किन शामिल कियाना। संयुक्त मोर्चा लोप्पा विदेशी दुश्मन ता खिलाफ एकजुट आयाना। इद काम केवल पूरा कियानाए आयो, पूरा किया परमूड वेन्ने आंता।

ग) चीन ओसो जापान नड़मा ता अंतरविरोध पूरा देश ता व्यापक जन-समूदाय (सर्वहारा वर्ग, किसान वर्ग ओसो शहरी निम्न-पूंजीपति वर्ग) ओसो कम्युनिस्ट पार्टी ता परिस्थिति ओसो नीति किन बदले कित्ता। देश किन विनाश तल बचे कियाला काजे वेल्ले जनता लड़ेमायला तेदता। 18 सितम्बर ता घटना पेरके, कम्युनिस्ट पार्टी (क्रांतिकारी आधार-क्षेत्र पोरो हमला कियाना बंद कियाना, जनता ना आजादी ता अधिकार ता गारंटी एतना, ओसो जनता किन हथियारबंद कियाना) मूंड शर्तकु पूरा आतास्के, क्वोंमिंगतांग लोप्पा मंदाना ग्रुप लोप्पाडल, अव जापान ता प्रतिरोध कियाला काजे मावा सहायता कियाला तैयार मंदाना ग्रुप जापान ता प्रतिरोध कियाला काजे समझौता कियाला तैयार मंतोर। इद नीति पूरा राष्ट्र ता जापान-विरोधी संयुक्त मोर्चा बने कियाना नीति ता रूप ते विकसित आता। अदिन काजे मावा पार्टी उंदी पेरके उंदी वेल्ले पहलकदमी कित्ता, अविना लोप्पा 1935 अगस्त घोषणा² कियाना ओसो दिसम्बर प्रस्ताव³ पास कियाना, 1936 ते, मई ते “च्यांग काई-शेक ना विरोध कियाना” नारा किन विड़सना, ⁴ अगस्त लोप्पा क्वोंमिंगतांग पोरोल ते लेटर⁵ लोहना, सितम्बर लोप्पा जनवादी गणराज्य ता बारे ते प्रस्ताव⁶ पास कियाना, दिसम्बर लोप्पा शीआन घटना किन शांतिपूर्ण तरीका ते हल कियाना पोरो जोर वाटना ओसो फरवरी 1937 लोप्पा क्वोंमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन ता पोरोल ते लेटर⁷ लोहाना वेन्ने शामिल मंता।

घ) चीनी ओसो जापान ता नड़मा अंतरविरोध ता कारण चीन ता युद्ध-सरदार लोरा पृथक शासन-व्यवस्था ओसो अविना पारस्परिक गृहयुद्ध लोप्पा वेन्ने बदलाव आता: इव पृथक शासन-व्यवस्था ओसो गृहयुद्ध साम्राज्यवाद ता प्रभाव-क्षेत्र बने कियाना नीति ओसो चीन ता

अर्ध-औपनिवेशिक आर्थिक परिस्थिति ना जन्म आंता। चीन पोरो तना अधिकार जमे कियाना लोप्पा सुविधा आयाना लेक्का, जापानी साम्राज्यवाद इद्रम ता पृथक शासन-व्यवस्था ना ओसो इद्रम ता गृहयुद्ध किन बेरसी कींता। उचुन दूसरा साम्राज्यवादी ताकत मना खुद ता हित लोप्पा नेटा अस्थाई रूप ते चीन ता एकीकरण ओसो आन्तरिक शांति ता समर्थन कींता। चीनी कम्युनिस्ट पार्टी, चीनी जनता गृहयुद्ध ओसो फूट ता विरोध कियाना ओसो शांति ओसो एकीकरण काजे लड़ेमायना कोशिश किया मंता।

ड) चीन ओसो जापान नड़मा ता राष्ट्रीय अंतरविरोध बेरसता कारण ते, देश लोप्पाटा वर्ग ता नड़मा ओसो राजनतिक ग्रुप नड़मा ता अंतरविरोध किन, सापेक्ष राजनीतिक महत्व ता दृष्टिकोण ते गौणता ओसो अधीनता दोरकी कित्ता। मति इद अंतरविरोध इंजे वेन्ने मंतांगः इव बिल्कुल कम या खत्म आताद हिल्ले। जापान किन विड़सी दूसरा साम्राज्यवादी ताकत ओसो चीन नड़मा ता अंतरविरोध कुना परिस्थिति वेन्ने इद्रमें मंता। अदिन काजे चीनी कम्युनिस्ट पार्टी ओसो चीनी जनता ना मुन्ने इद काम मंताः जापान ता प्रतिरोध कियाना काजे उंदी आयाना काम संगे किलयाना लेक्का, इंजे पुनर्व्यस्थित किया परना लेक्काटा आन्तरिक ओसो बाहरी अंतरविरोध किन पूरा पुनर्व्यवस्थित कियाना। अदिन काजे जनता ना रहन-सहन लोप्पा सुधार तत्ताना नीति ओसो जापान ता विरोध कियाना दूसरा देश कुना संगे वड़कना नीति लागू कित्तोर।

4. चीनी क्रांति काजे पूना काल ता पहली मंजिल 9 दिसम्बर 1935 ते शुरू आता ओसो फरवरी 1937 ते खत्म आता। क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन आता। इद मंजिल ता मुख्य घटनांग दोड़ रास्ता लेक्का मत्तांग; देश किन विनाश तल बचे कियाला काजे विद्यार्थी, सांस्कृतिक ओसो पत्रकार दुनिया ते आंदोलन, उत्तर-पश्चिम लोप्पा लाल सेना ता प्रवेश, जापान-विरोधी राष्ट्रीय संयुक्त मोर्चा ता नीति काजे कम्युनिस्ट पार्टी ता प्रचार-काम ओसो संगठन-काम, शांघाई ओसो छिंगताओ लोप्पा जापान-विरोधी हड़ताल,⁸ उचुन समय

एवनल जापान ता बारे ते ब्रिटेन ता नीति ता सख्त मंदाना⁹ क्वांगतुंग-क्वांगशी घटना,¹⁰ स्वेव्वान लोप्पा युद्ध ओसो ताना समर्थन कियाना आंदोलन,¹¹ चीन-जापान वार्ता लोप्पा नानकिंग ता अपेक्षाकृत सख्त रुझान,¹² शीआन घटना, ओसो आखिर ते नानकिंग, क्वोमिंगतांग लोप्पा क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन¹³। इव सब्बे घटनांग बुनियादी अंतरविरोध, इत्तेके चीन ओसो जापान ता पारस्परिक दुश्मनी, ता सरने केंद्रीत मत्ता: इव घटनांग जापान-विरोधी राष्ट्रीय संयुक्त मोर्चा बने कियाना ऐतिहासिक जरूरत ता सरने प्रत्यक्ष रूप ते केंद्रित मत्ता। इद मंजिल ते क्रांति ता बुनियादी काम आन्तरिक शांति काजे संघर्ष कियान ओसो सब्बे आन्तरिक मुठभेड़ किन बंद कियाना मत्ता। अद्रम कीतेके जापान ता संयुक्त प्रतिरोध कियाला काजे एकता बने कियमूडांता। इद मंजिल लोप्पा कम्युनिस्ट पार्टी “गृहयुद्ध बंद कियाला ओसो जापान ता विरुद्ध एकताबद्ध आयाना” आह्वान कीसि मत्ता। इद मुख्य रूप ते लागू आता। अद्रम आसी पहली शर्त पूरा आता तानकिन अमल कियाला काजे जापान-विरोधी राष्ट्रीय संयुक्त मोर्चा बने कियाना जरूरत मत्ता।

5. तना लोप्पा जापान-समर्थक ग्रूप मत्ता कारण ते क्वोमिंगतांग तना केंद्रीय कार्यकारिणी कमेटी ता तीसरा पूर्ण अधिवेशन लोप्पा तना नीति लोप्पा निश्चित ओसो पूर्ण बदलाव कित्तद हिल्ले, ओसो बदे समस्या ता ठोस तरीका ते हल कित्ताद वेन्ने हिल्ले। मति क्वोमिंगतांग किन जनता ना दबाव ओसो तना सदस्य लोरा लोप्पा आता बदलाव ता कारण ते हत्ता दस साल ता तना गलत नीति किन बदले कियाला शुरू किया लागता। दूसरा हिसाब ते, अदिन गृहयुद्ध तानाशाही ओसो प्रतिरोध-हीनता ता नीति तुकू अलग शांति, जनवाद ओसो जापान-प्रतिरोध ता दिशा ते ताका लागता ओसो जापान-विरोधी राष्ट्रीय संयुक्त मोर्चा ता नीति किन स्वीकार कियाना शुरू किया लागता। इद्रम ता शुरुआती बदलाव क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन लोप्पा दिसता। इंजे मावा मांग बातल इत्तेके क्वोमिंगतांग तन्ना नीति लोप्पा पूर्ण बदलाव

कियाना। इद लक्ष्य किन पूरा कियाला काजे माकिन ओसो पूरा देश ता जनता ना जापान-प्रतिरोध, जनवाद ता आंदोलन ता ओसो वेल्ले व्यापक रूप ते विकास कियाना, क्वोमिंगतांग ता आलोचना कियाना, अमल कियाना ओसो ताना पोरो दबाव वाटना लोप्पा मुन्ने दायना, क्वोमिंगतांग ता शांति, जनवाद ओसो जापान-प्रतिरोध ता पक्ष एताना सदस्य लोर मंतोर, ओरा संगे एकता कियाना, ढुलमुलपन ओसो हिचकिच आयना सदस्य लोर किन मुन्ने तत्ताला मदद कियाना ओसो जापान-समर्थक सदस्य लोर किन बाहर कियाना।

6. वर्तमान मंजिल पूना कालम ता दूसरा मंजिल आंदू पहली मंजिल ओसो वर्तमान मंजिल जापान ता खिलाफ देशव्यापी सशस्त्र प्रतिरोध कियाना मंजिलकु मंतांग। पहली मंजिल ते प्रधान काम शांति स्थापित कियाना मत्ता। इद मंजिल ते प्रधान काम जनवाद काजे संघर्ष कियाना मंता। माटु उंदी असल ओसो सुदृढ जापान-विरोधी राष्ट्रीय संयुक्त मोर्चा बंद हिसाब ते आन्तरकि शांति ता कमी ते बने किया परमूडांता इंजी समझेमायाना। अदिन काजे विकास ता वर्तमान मंजिल लोप्पा जनवाद काजे संघर्ष क्रांतिकारी काम ता केंद्रीय कड़ी आंदू माटु जनवाद ता काम ता महत्व किन स्पष्ट रूप ते हूडा परवेके ओसो माटु जनवाद काजे मना संघर्ष किन रोमि कीतेके, माटु उंदी असल ओसो सुदृढ जापान-विरोधी राष्ट्रीय संयुक्त मोर्चा बचे किया परवोम आंतोम।

जनवाद ओसो आजादी काजे संघर्ष

7. जापानी साम्राज्यवाद चीन ता भूमि पोरो लम्बा दीवार ता दक्षिण लोप्पा हमला कियाना काजे तना तैयारी बेरसी किया मंता। हिटलर ओसो मुसोलिनी पश्चिम लोप्पाटा युद्ध काजे वेल्ले तैयारी किया मंतोर ओरा संगे संबंध बने कीसि जापान उंदी निश्चित योजना ता अनुसार चीन किन उंदे हमला लोप्पा गुलाम कियाना परिस्थिति पुटि कियाना कोशिश किया मंता - अद स्थानीय क्षेत्र लोप्पा फौजी, राजनीतिक, आर्थिक ओसो विचारधारात्मक परिस्थिति ओसो अन्तरराष्ट्रीय क्षेत्र लोप्पा राजनीतिक

परिस्थितिंग तैयार किया मंता, ओसो चीन लोप्पा जापान-समर्थक ताकत ता पालन-पोषण किया मंता। जापान ता “चीन-जापान सहयोग” ता बारे ते किता प्रचार ओसो ताना राजनीतिक कदम ते नरम रुख मत्ता कारण ते युद्ध तुकू मुन्ने ताना आक्रमणकारी नीति ता दांवपेंच संबंधी जरूरत मत्ता। चीन इंजे जीवन-रक्षा या विनाश ता नाजुक समय ते एव्वा मंता। चीन किन जापान ता प्रतिरोध कियाना ओसो देश किन विनाश तल बचे कियाला काजे मना तैयारी ना रफतार बेरसी कियाना। माटु तैयारी कियाना ता विरोध कीवोमा मति माटु लम्बा समय एवनल तैयारी कियाना सिद्धांत ता विरोध किंतोम ओसो फौजी अफसर ओसो प्रशासनिक पदाधिकारी लोरा मोज-मस्ती, आलसीपन ओसो आत्मसंतोष ता विरोध कींतोमा बारांकू इदिनगडल देश खतरा ते अरिंता। इद्रम ता पोल्लोंग असल ते दुश्मन ना मदद कींतांग, ओसो इविन तुरंत दूर कियाना।

8. राष्ट्रीय प्रतिरक्षा ता राजनीतिक, फौजी, आर्थिक ओसो शैक्षणिक तैयारिं देश किन बचे कियाना लक्ष्य ते सशस्त्र प्रतिरोध कियाला काजे जरूरी शर्तकु मंतांग। इविना लोप्पाडल बदे रकम ता तैयारी लोप्पा उंदी मिनट वेन्ने ढील हियानायो। राजनीतिक जनवाद ओसो आजादी हासिल कियाना सशस्त्र प्रतिरोध लोप्पा जीड़ना ता गारंटी कियाला काजे केंद्रीय कड़ी मंता। सशस्त्र प्रतिरोध काजे देशव्यापी शांति ओसो एकता ता जरूरत मंदिता, मति जनवाद ओसो आजादी लेवा, दोरकी किता शांति किन सुदृढ़ बने किया परमूडायो ओसो आन्तरिक एकता किन मजबूत किया परमूडायो। सशस्त्र प्रतिरोध काजे जनता किन गोलबंद कियाना जरूरत मंदिता, मति जनवाद ओसो आजादी लेवा तानकिन गोलबंद कियाना मुश्किल आंता। सुदृढ़ शांति ओसो एकता बने किवा लेवा, जनता किन गोलबंद किवा लेवा, मावा सशस्त्र प्रतिरोध ता परिस्थिति अबीसीनिया ते आता लेक्का आसी मत्ता। अबीसीनिया मुख्य रूप ते असफल आता बारांकु इत्तेके अद सामंती राज-व्यवस्था ता कारण ते तन्ना आन्तरिक एकता किन सुदृढ़ बने किया परवो ओसो जनता ना पहल कदमी किन जागृत किया परवो। जनवाद लेवा चीन लोप्पा

वास्तविक ओसो सुदृढ़ जापान-विरोधी राष्ट्रीय संयुक्त मोर्चा बने किया परमूडायो ओसो अद मना काम किन पूरा किया परवो।

9 चीन लोप्पा दोड़ रास्ता लेक्काटा जनवादी बदलाव तुरंत शुरू किया। मुन्ने सब्बे पार्टिंग ना ओसो वर्गकुना सहयोग दोरकी कियाना लेक्का, राजनीति व्यवस्था ता क्षेत्र लोप्पा, क्वोमिंगतांग ता उंदी पार्टी ओसो उंदी वर्ग ता प्रतिक्रियावादी तानाशाही शासन-तंत्र किन उंदी जनवादी शासन-तंत्र लोप्पा बदले कियाना। इद दिशा ते माटु सबसे मुन्ने राष्ट्रीय एसेम्बली ता चुनाव कियाना ओसो गैर-जनवादी तरीका किन बदले कियाना ओसो जनवादी तरीका ते एसेम्बली ता चुनाव कियाना ओसो तना अधिवेशन कियाना लोप्पा अविना स्वतंत्र मंदाना ता गारंटी एताना: तीना पेरेके सही जनवादी संविधान, सही जनवादी संसद केयाना, उंदी सही जनवादी सरकार चुने कियाना ओसो सही जनवादी नीति किन अमल कियाना जरूरत आंता। इव सब्बे ता कारण ते असल आन्तरिक शांति किन सुदृढ़ बने किया परमूडांता, आन्तरिक सशस्त्र प्रतिद्वन्द्विता किन खत्म किया परमूडांता ओसो आन्तरिक एकता किन मजबूत बने किया परमूडांता, पूरा देश विदेशी हमला ता प्रतिरोध कियाला काजे उंदी आयना। मावा इंजेटा बदलाव पूरा आयना मुन्ने ने जापानी साम्राज्यवाजी आक्रमण शुरू कियाना। अदिन काजे बदे वेन्ने कमी जापानी आक्रमण ता मुकाबला कियाना ओसो तानकिन पूरा ध्वस्त कियाला काजे माटु जल्दीए सुधार कियाना ओसो सशस्त्र प्रतिरोध ताकनास्के पूरा सुधार कियाना इंजी तैयार मंदाना। पूरा देश ता जनता ओसो सब्बे पार्टिंग ना देशभक्त लोरकिन राष्ट्रियी एसेम्बली ओसो संविधान बने कियाना सवाल ते बारे ते मुन्नेटा आल्साड़ किन विड़सना। अविन राष्ट्रीय एसेम्बली ओसो संविधान काजे ताकी कियाना ठोस आंदोलन पोरो राष्ट्र प्रतिरक्षा काजे वेल्ले महत्व मंता, मना शक्ति केंद्रित कियाना। ओरकिन सत्ताधारी क्वोमिंगतांग ता तीव्र खंडन कियाना, तानकिन उंदी पार्टी ओसो उंदी वर्ग ता तानाशाही किन खत्म कियाला ओसो जनमत ता अनुसार ताकना इंजी मजबूर ओसो प्रेरित कियाना। इद साल ता वायना बचोनो महिनांग लोप्पा पूरा उंदी व्यापक

जनवादी आंदोलन शुरू किया। अदिना फौरी उद्देश्य राष्ट्रीय एसेम्बली ओसो संविधान ता जनवादीकरण ता काम पूरा किया। मंदिता। दूसरा बदलाव जनता ना भाषण हियाना आजादी, सभा किया। आजादी ओसो संगठन बने किया। आजादी ता बारे ते मंता। इद्रम ता आजादी हिल्वा राजनीतिक व्यवस्था ता जनवादी पुनर्निर्माण किया। प्रतिरोध-युद्ध काजे जनता किन गोलबंद किया। ओसो मातृभूमि ता सफलतापूर्वक रक्षा किया। ओसो हत्ता जमीन किन सफलतापूर्वक दोबारा दोरकी किया। मुश्किल आंता। वायना महिना ते पूरा देश ता जनता ना जनवादी आंदोलन किन कम से कम इद काम ता दोड़ रास्ता कमी किन पूरा किया। कोशिश किया।, तोना लोप्पा राजनीतिक कैदी लोर किन रिहा किया। ओसो राजनीतिक पार्टिंग पोरोटल प्रतिबंध हटे किया। लेक्काट शामिल मंतांग। राजनीतिक व्यवस्था ता जनवादी पुनर्निर्माण किया। ओसो जनता किन आजादी ता अधिकार हियाना- जापाना-विरोधी राष्ट्रीय संयुक्त मोर्चा का कार्यक्रम ता महत्वपूर्ण अंग आंदू। संगेने इद असली ओसो सुदृढ़ जापान-विरोधी राष्ट्रीय संयुक्त मोर्चा बने किया। काजे वेन्ने जरूरी शर्तकू मंतांग।

10. मावा दुश्मन - जापानी साम्राज्यवादी, चीनी गद्दार, जापान-समर्थक तत्व ओसो त्रात्सकीवादी ग्रुप - चीन लोप्पा शांति ओसो एकीकरण काजे, जनवाद ओसो आजादी काजे ओसो जापान ता सशस्त्र प्रतिरोध किया। काजे किया। कोशिश किन विफल किया। इंजी पूरा जोर वाटसी कोशिश किसोर मंतोर। हत्ता कालम ता मना शांति ओसो एकीकरण काजे वेल्ले संघर्ष कीसोरे मत्तोर, अस्के ओरु गृहयुद्ध भड़के किया। ओसो फूट वाटना पूरा कोशिश कित्तोर। इंजे ओसो वायाना समय ते माटु जनवाद ओसो आजादी काजे तीव्र संघर्ष कियकोम, अस्के जरूर ओरु मावा कोशिश किन विफल किया। कोशिश किया। ओरा सामान्य उद्देश्य मातृभूमि ता रक्षा काजे ताकना मावा सशस्त्र प्रतिरोध काम किन विफल किया। ओसो चीन किन गुलाम बने किया। तना आक्रमणकारी योजना किन सफल किया। इंजी मंता। अदिनके इंजे माटु जनवादी ओसो आजादी काजे संघर्ष लोप्पा क्वोमिंगतांग ता कट्टरवादी

ओसो जनता ना पेरके अरता समूह लोप्पा प्रचार, आंदोलन ओसो आलोचना ता कामे शुरू कियाना संगेने, माटू जापानी साम्राज्यवाद ता ओसो चीन पोरो हमला कियाना लोप्पा जापानी साम्राज्यवाद ता पालतू नेयकू - जापान-समर्थक तत्व ओसो त्रात्सकीवादी ग्रुप - ता षड्यंत्र किन पूरा पर्दाफाश कियाना, ओसो विरुद्ध दृढ़ता ते संघर्ष कियाना।

11. शांति, जनवाद ओसो सशस्त्र प्रतिरोध काजे ओसो जापान-विरोधी राष्ट्रीय संयुक्त मोर्चा बने कियाना, चीनी कम्युनिस्ट पार्टी क्वोमिंगतांग ता केंद्रीय कार्यकारिणी ता तीसरा पूर्ण अधिवेशन ता पोरोल ते तना लेटर लोप्पा दोड़ रास्ता नालुंग पोल्लोंग रासिस मत्ता:

1) कम्युनिस्ट पार्टी ता नेतृत्व लोप्पा काम कियाना शेनशी-कानसू-निंगश्य क्रांतिकारी आधार-क्षेत्र ता सरकार किन चीन गणराज्य ता विशेष प्रदेश सरकार ता पूना पोरोल तासना ओसो लाल सेना राष्ट्रीय क्रांतिकारी सेना ता उंदी हिस्सा बनेमायाना। इव क्रमशः नानकिंग ता केंद्रीय सरकार ओसो ताना फौजी परिषद ता निर्देशन मानेमायनुंग:

2) विशेष प्रदेश ता सरकार लोप्पाटा इलाकांग लोप्पा पूरा जनवादी व्यवस्था लागू कियकोम

3) क्वोमिंगतांग ता तख्ता सशस्त्र शक्ति संगे उलटे कियाना नीति किन लागू कियान बंद कियकोम। ओसो

4) जर्मीदार लोरा जमीन जब्त कियाना बंद कियकोम।

इव शर्त जरूरी मंतांग ओसो इविना अनुमाति हियमूडांता। माटू केवल इद्रम ता चीन ता आन्तरिक ओसो बाहरी अंतरविरोध ता सापेक्ष राजनीतिक महत्व लोप्पा आता बदलाव, अनुसार देश ता रेंडु राजनीतिक सत्ता किन आपसी दुश्मन ता परिस्थिति किन बदले किया परितोम ओसो दुश्मन ता संयुक्त प्रतिरोध कियाना काजे एकता किया परितोम। इद उंदी रकम ता रियायत आंदू, उसूल पोरो आधार आसी ओसो उचुन शर्तकुना अनुसार हीताद मंता। अविना उद्देश्य पूरा राष्ट्र काजे जरूरी मंदाना शांति, जनवाद ओसो सशस्त्र प्रतिरोध ता परिस्थिति हासिल कियाना मत्ता। मति इविना वेन्ने सीमा मंता। अवः विशेष प्रदेश ओसो लाल सेना लोप्पा

कम्युनिस्ट पार्टी ता नेतृत्व मंदाना क्वोमिंगतांग संगे संबंध तासनास्के कम्युनिस्ट पार्टी ता स्वतंत्रता किन ओसो आलोचना कियाना आजादी मंदाना। इव सीमा किन पार कियाना अनुमति हियमूडायो। रियायत रेंडु पार्टींग किन हियाना: क्वोमिंगतांग गृहयुद्ध, तानाशाही ता ओसो विदेशी आक्रमण ता प्रतिरोध किवा मंदाना नीति किन विडसना ओसो कम्युनिस्ट पार्टी रेंडु राजनीतिक सत्ता नडमा दुश्मनी तासना नीति किन विडसना। माटु दूसरा पहली चीज ता बदला कीतोम ओसो देश किन विनाश तल बचे कियाना काजे संघर्ष कियाना उद्देश्य ते क्वोमिंगतांग संगे दोबारा सहयोग किंतोमा इदिन कम्युनिस्ट पार्टी ता आत्मसमर्पण वेहाना केवल आहक्यू-वाद¹⁴ द्वेषपूर्वक लांछन वाटना आंदू।

12. कम्युनिस्ट पार्टी “मूंड जन-सिद्धांत” समर्थन कींताया? मावा जवाब: इंगो, समर्थन कींता।¹⁵ “मूंड जन-सिद्धांत” लोप्पा अविना एतिहासिक बदलाव आता। अस्केडल डा. सुन यात-सेन कम्युनिस्ट पार्टी संगे सहयोग कीसि क्रांतिकारी “मूंड जन-सिद्धांत” कुना पओरो दृढता ते अमल कीसि मत्तोर, अदिन काजे इव “मूंड जन-सिद्धांत” कु जनता ना विश्वास दोरकी कीतांग ओसो अव 1924-27 ता सफलता ओसो क्रांतिकारी झंडा बनेमातांग। मति 1927 ते क्वोमिंगतांग (पार्टी-युद्ध आंदोलन¹⁶ ओसो कम्युनिस्ट-विरोधी युद्ध) कम्युनिस्ट पार्टी ता बहिष्कार कित्ता ओसो उंदी उल्टा नीति किन अमल कित्ता। अद्रमासी क्रांति किन हार ता सामना किया लागता ओसो राष्ट्र संकट ते वाता। इंजे राष्ट्रीय संकट वेल्ले गंभीर मंता। क्वोमिंगतांग बदे बदलाव किवा लेवा पाडना तरीका ते शासन ताकी किया परवो। कारण: पूरा देश ता जनता ओसो क्वोमिंगतांग ता देशभक्त पार्टींग नडमा सहयोग निल्पी कियाना मांग किन ओसो उंदी बेरा जोरदार मांग कित्ता। अदिन काजे चीनी क्रांति ता एतिहासिक जरूरत संगे कलियंता ओसो कम्युनिस्ट पार्टी ता हर सदस्य किन साफ-साफ समझेमायना। अद “मूंड जन-सिद्धांत” कुना भावना किन पुनर्जीवित किसोरे रेंडु पार्टींग दोबारा आपसी सहयोग कियाना- इद सहयोग अन्तरराष्ट्रीय क्षेत्र लोप्पा “राष्ट्रवाद ता सिद्धांत” पओरो आधार आसी

मंदाना, अदिना लक्ष्य चीन ता स्वतंत्रता ओसो मुक्ति हासिल कियाना मंता। ओसो स्थानीय क्षेत्र लोप्पा “जनवाद ता सिद्धांत” पोरो, ताना लक्ष्य जनवाद ओसो आजादी हासिल कियान मंता ओसो “जनजीविका ता सिद्धांत” पोरो, अदिना लक्ष्य जनता ना खुशहाली बेरसी कियाना पोरो आधार आसी मंदाना- ओसो इव सिद्धांत किन दृढ़ता ते अमल कियाला काजे जनता ना नेतृत्व कियाना। कम्युनिस्ट लोकुर समाजवाद ओसो कम्युनिज्म ता आदर्श किन बस्केने विड़सोरा ओर पूंजीवादी-जनवादी क्रांति ता मंजिल पार कीसि समाजवाद ओसो कम्युनिज्म ता मंजिल ते एविंतोरा। चीनी कम्युनिस्ट पार्टी ता राजनीतिक ओसो आर्थिक कार्यक्रम समाजवाद ओसो कम्युनिज्म ता स्थापना कियाना मता, अद “मूंड जन-सिद्धांत” तुकू अलग मंता। जनवादी क्रांति ताकना लोप्पा वेन्ने ताना कार्यक्रम देश ता बदे दूसरा पार्टी ता कार्यक्रम तुकू ज्यादा पूरा आंता। मति जनवादी क्रांति काजे कम्युनिस्ट पार्टी ता कार्यक्रम ओसो क्वोमिंगतांग ता पहली राष्ट्रीय कांग्रेस ता घोषित किता “मूंड जन-सिद्धांतकु” ना कार्यक्रम मुख्य रूप ते वरोनकु वरोना विरुद्ध हिल्ले। अदिन काजे माटु केवल “माटु जन-सिद्धांत” किन मानेमायवा मंदानदे आयो, तानकिन दृढ़ता ते अमल कियाला वेन्ने तैयार मंतोम। इदे आयवा माटु क्वोमिंगतांग किन इव मूंड सिद्धांत किन अमल कियाना इंजी मांग कीतोम। ओसो पूरा जनता किन इव सिद्धांत किन अमल कियाना इंजी आह्वान कीतोम। माटु राष्ट्रीय स्वतंत्रता, जनवाद ओसो आजादी काजे कम्युनिस्ट पार्टी, क्वोमिंगतांग ओसो पूरा देश ता जनता किन कलियसी संघर्ष कियाना इंजी आल्लिसंतोम।

13. मना पाड़ना नारा मजदूर-किसान लोरा जनवादी गणराज्य इंदानादु गलत मत्ताया? हिल्ले, अद गलत हिल्ला मत्ता। बारांकु इत्तेके पूंजीपति वर्ग, विशेषकर बेहरा पूंजीपति वर्ग, क्रांति तल गुचता, साम्राज्यवाद ओसो सामंती ताकत ता पक्ष ते हंजी मत्ता ओसो जनता ना दुश्मन बनेमाता, अदिन काजे क्रांति ता बाकी ताकत कुना ते रूप केवल सर्वहारा वर्ग, किसान ओसो शहरी निम्न-पूंजीपति वर्ग प्पिस्ता: सिर्फ क्रांतिकारी पार्टी केवल कम्युनिस्ट पार्टीए प्पिस्ता: ओसो क्रांति ता संगठन

कियाना जिम्मेदारी कम्युनिस्ट पार्टी पोरु वांता, इद जिम्मेदारी एताना लेक्का केवल इदे क्रांतिकारी पार्टी मत्ता। कम्युनिस्ट पार्टीए क्रांति ता इंडा पोरु तेहची क्रांतिकारी परम्परा ता रक्षा कित्ता, मजदूर-किसान लोरा जनवादी गणराज्य ता नारा पेश कित्ता ओसो वेल्ले साल एवनल इद नारा काजे कठिन संघर्ष कित्ता। मजदूर-किसान लोरा जनवादी गणराज्य ता नारा पूंजीवादी-जनवादी क्रांति ता कार्य विरुद्ध हिल्ला मत्ता। ताना लक्ष्य अद क्रांति ता काम किन दृढता पूरा कियाना मत्ता। माटु मना अमली संघर्ष लोप्पा बचोन नीतिंग लागू कीतोम अविना लोप्पाडल बदे वेन्ने नीति इद काम ता प्रतिकूल हिल्ला मत्ता। मावा नीतिंग, तीना लोप्पा जर्मीदार ना जमीन जब्त कियाना ओसो सात घंटा ता श्रम-दिन लागू कियाना वेन्ने शामिल मत्ता, पूंजीवाद ता निजी मालिकी मंदाना व्यवस्था ता वेल्ले मुन्ने हन्नो: अस्के मावा नीति समाजवाद किन अमल कियाना हिल्ला मत्ता। पूना जनवादी गणराज्य लोप्पा शामिल आयना तत्व लोप्पा सर्वहारा वर्ग, किसान, शहरी निम्न-पूंजीपति वर्ग, पूंजीपति वर्ग ओसो देश ता राष्ट्रीय, जनवादी क्रांति ता पक्ष ते मंदाना सब्बे लोकुर शामिल आंतोरा। इद गणराज्य राष्ट्रीय, जनवादी क्रांति काजे इव सब्बे वर्ग कुना एकता आयरा। इद एकता ता विशेषता पूंजीपति वर्ग किन शामिल कियाना मंदियरा बारांकु इत्तेके वर्तमान परिस्थिति ते जापान प्रतिरोध कियाना कार्य लोप्पा दोबारा शामिल आयाना सम्भावना पुटता। सर्वहारा वर्ग ता राजनीतिक पार्टी किन अद सम्भावना किन ठुकरे कीवा लेवा, चीनी क्रांति किन मुन्ने दायला काजे मदद दोरकना लेक्का, तानकिन मना हर्ी ते तत्ताना। देश लोप्पा सशस्त्र मुठभेड़ बंद कियाला काजे कम्युनिस्ट पार्टी किन जर्मीदार लोरा जमीन किन जबरदस्ती पिडंगना नीति किन लागू कियाना बंद कियाला तैयार मंता: अद पूना जनवादी गणराज्य ता निर्माण कियानास्के कानूनी ओसो उपयुक्त तरीका संगे भूमि-समस्या किन हल कियाला वेन्ने तैयार मंदाना। चीन ता भूमि जापानी लोरगा मत्तेकाई- चीनी लोरगा मत्तेकाई सबसे मुन्ने इद तैयार कियाना। बारांकू इत्तेके चीन ता रक्षा कियाना सबसे बेहरा शर्त पोरुने किसान लोप्पा भूमि समस्या हल कियाना मंता,

अदन काजे मावा काजे माटु जमीन किन जबरदस्ती जब्त कियाना तरीका किन बदले कीसि पूना तरीका लागू कियाना जरूरत मंता।

हत्ता कालम ते मजदूर-किसान लोरा जनवादी गणराज्य ता नाश कियाना ओसो इंजे तानकिन विडसना, रेंडासी पोल्लोंग सही मंतांग।

14. दुश्मन ता संयुक्त रूप ते प्रतिरोध कियाना उद्देश्य ते राष्ट्रीय संयुक्त मोर्चा बने कियाला काजे उचुन आंतरिक अन्तरविरध किन सही तरीका ते हल किया लागियर। इगा जापान-विरोधी राष्ट्रीय संयुक्त मोर्चा सुदृढ़ ओसो व्यापक मंदाणा सिद्धांत लागू आंता। जनवादी क्रांति ता इद मंजिल ते देश लोप्पा वर्गकुना नडमा, पार्टिंग नडामा ओसो राजनीतिक ग्रुप नडमा अंतरविरोध ओसो संघर्ष आयना जरूरत मंता। मति जापान ता प्रतिरोध कियाला लोप्पा नुकसान कियाना संघर्ष किन बंद कियाना संभव ओसो जरूरत मंता। (इत्तेके गृहयुद्ध, राजनीतिक पार्टी नडमा प्रतिद्वन्द्विता, स्थानीय पृथकतावाद, उंदी बगिल सामंती राजनीतिक ओसो आर्थिक उत्पीड़न, दूसरा बगिल विद्रोह ता नीति ओसो इद्रम ता वेल्ले आर्थिक मांग लेक्काटव), एकता ओसो प्रतिरोध-युद्ध किन फायदा आयना संघर्ष जारी तासना (इत्तेके आलोचना ता आजादी काजे संघर्ष, राजनीतिक पार्टी ना स्वतंत्रता काजे संघर्ष, जनता ना राजनीतिक, आर्थिक स्थिति किन सुधरे कियाना काजे संघर्ष लेक्काटव)।

15. जापान-विरोधी राष्ट्रीय संयुक्त मोर्चा ओसो एकीकृत जनवादी गणराज्य काजे लडेमायना सामान्य काम लोप्पा लाल सेना ओसो जापान-विरोधी आधार-क्षेत्र ता काम दोड़ रास्ता लेक्का मंता।

1) मनम खुद किन जापानी-आक्रमण-विरोधी युद्ध ता परिस्थिति ता अनुकूल बने कियाला काजे लाल सेना किन तुरंत राष्ट्रीय क्रांतिकारी सेना ता रूप ते पुनर्गठित आयना ओसो मना फौजी, राजनीतिक, सांस्कृतिक शिक्षा ता स्तर बेरसी कीसि जापानी-आक्रमण-विरोधी युद्ध लोप्पा उंदी आदर्श सेन्य-दल बने मायाना,

2) माटु मना आधार-क्षेत्र किन देश ता उंदी अंग किन पोयना, मना जनवादी व्यवस्था किन पूना परिस्थिति ता अनुकूल लागू कियाना, मना

सुरक्षा कोर किन पुनर्गठित कियाना ओसो चीनी गद्दार ओसो तोड़फोड़ कियानोर किन खत्म कियाना, इद्रम कीतेके इद क्षेत्र जापान ता प्रतिरोध कियाना ओसो जनवाद पोरो अमल कियाना आदर्श प्रदेश बनेमांता,

3) इद प्रदेश लोप्पा जरूर आर्थिक निर्माण ता काम कियाना ओसो जनता ना पिस्वल किन सुधरे कियाना, ओसो

4) जरूर सांस्कृतिक निर्माण ता काम कियाना।

नेतृत्व कियाला काजे मावा जिम्मेदारी

16. चीनी पूंजीवादी वर्ग, उचुन विशेष ऐतिहासिक परिस्थिति लोप्पा साम्राज्यवाद ओसो सामन्ती व्यवस्था ता खिलाफ संघर्ष लोप्पा शामिल आया परितोर। मना आर्थिक ओसो राजनीतिक कमजोरी ता कारण ते दूसरा ऐतिहासिक परिस्थितिं लोप्पा दुलमुलपन तोहा परितोर ओसो गद्दार वेन्ने बनेमाया परितोर। इद नियम किन चीन ता इतिहास साबित कीसि तोहता। अदिन काजे इद इतिहास ता फैसला चीन ता साम्राज्यवाद-विरोधी ओसो सामंतवाद-विरोधी पूंजीवादी-जनवादी क्रांति ता काम पूंजीपति वर्ग ता नेतृत्व आयो, सर्वहारा वर्ग ता नेतृत्व संगे ने पूरा कियमूडांता। इदे आयवा, जनवादी क्रांति लोप्पा सर्वहारा वर्ग ता धैर्यशीलता ओसो पूर्णता ता सही विकास कीसि पूंजीपति वर्ग लोप्पा निहित दुलमुलपन ओसो अपूर्णता किन दूर किया परमूडांता। इद्रमे क्रांति किन पूरा कियमूडांता। सर्वहारा वर्ग पूंजीपति वर्ग ता अनुसरण कियाना या पूंजीपति वर्ग सर्वहारा वर्ग ता? चीनी क्रांति लोप्पा नेतृत्व ता जिम्मेदारी समस्या उंदी धुरीं लेक्का मंता ताना पोरो क्रांति ता सफलता या विफलता निर्भर आसी मंता। 1924-27 ता अनुभव माकिन पूंजीपति वर्ग सर्वहारा वर्ग ता राजनीतिक नेतृत्व ता अनुसरण कीतेके क्रांति मुन्ने बद्रम हत्ता ओसो सर्वहारा वर्ग राजनीतिक रूप ते पूंजीपति वर्ग ता तोका बनेमाता¹⁷ (ताना काजे कम्युनिस्ट पार्टी ता जिम्मेदार मत्ता), तो क्रांति बद्रम हारेमाता। इतिहास ता इद घटना-क्रम ता पुनावृत्ति आयनायो। वर्तमान परिस्थिति

लोप्पा सर्वहारा वर्ग ओसो ताना पार्टी ता राजनीतिक नेतृत्व लेवा जापान-विरोधी राष्ट्रीय संयुक्त मोर्चा बने किया परमूडायो, शांति, जनवाद, सशस्त्र प्रतिरोध ता लक्ष्य पूरा किया परमूडायो, मातृभूमि ता रक्षा किया परमूडायो ओसो एकीकृत जनवादी गणराज्य ता स्थापना किया परमूडायो। क्वोमिंगतांग प्रतिनिधित्व कियाना पूंजीपति वर्ग नेंड वेन्ने वेल्ले निष्क्रिय ओसो रूढ़िबद्ध मंता, ओसो इद पोल्लो वेन्ने साबित आंता कि कम्युनिस्ट पार्टी बद जापान-विरोधी राष्ट्रीय संयुक्त मोर्चा ता प्रस्ताव तासिस मत्ता, अदिन मीनेमायना हिम्मत पूंजीपति वर्ग इंजे वेल्ले दिया एवनल कीवो। इद्रम ता परिस्थिति ते सर्वहारा वर्ग ओसो ताना पार्टी किन राजनीतिक नेतृत्व ता जिम्मेदारी ओसो ज्यादा बेरस्ता। जापान ता प्रतिरोध कियाना ओसो देश किन बने कियाना काम लोप्पा फौज ता जनरल स्टाफ लेक्का भूमिका निभे कियाना जिम्मेदारी, कम्युनिस्ट पार्टी दूसरो रा पोरो वाटा परवा लेक्काटा जिम्मेदारी आंदू। ओसो अद जिम्मेदारी किन निभे कियाला हमेशा तैयार मंदिता।

17. सर्वहारा वर्ग तन्ना संगे पार्टी देश ता सब्बे क्रांतिकारी वर्ग कुना राजनीतिक नेतृत्व बद्रम कींता? मुन्ने, इतिहास ता विकास-क्रम ता अनुकूल इद बुनियादी राजनीतिक नारा हींता, ओसो इव नारांग किन अमल कियाला काजे विकास ता हर मंजिल ओसो हर बेहरा घटना ता संबंधित कार्यवाही ता नारा हींता। उदाहरण काजे माटु “जापान-विरोधी राष्ट्रीय संयुक्त मोर्चा” ओसो “एकीकृत जनवादी गणराज्य” लेक्काटा बुनियादी नारांग हीतोम। संगेने पूरा देश लोप्पा जनता ना संयुक्त कार्यवाही ता ठोस लक्ष्य ता रूप ते माटु इद्रम ता नारांग वेन्ने पेश कीतोम: “गृहयुद्ध बंद कियाना”, “जनवाद काजे संघर्ष कियाना”, ओसो “प्रतिरोध-युद्ध किन ताकी कियाना”। इद्रम ता ठोस लक्ष्य हिल्लेके बदे वेन्ने उल्लेखनीय राजनीतिक नेतृत्व बने किया परमूडायो। दूसरा, इव ठोस लक्ष्य कुन पूरा कियाला काजे पूरा देश काम कियाना, सर्वहारा वर्ग किन, विशेषकर ओरा हिरावल दस्ता - कम्युनिस्ट पार्टी किन तन्ना असीम सक्रियता ओसो इमानदारी तोहाना। इव ठोस लक्ष्य किन पूरा कियाना आदर्श बनेमायना।

जापान-विरोधी राष्ट्रीय संयुक्त मोर्चा ओसो जनवादी गणराज्य ता सब्बे काम किन पूरा कियानास्के कम्युनिस्ट पार्टी ता सदस्य लोर सबसे ज्यादा दूरदर्शी बनेमायनाः आत्म-बलिदान काजे सबसे ज्यादा तैयार मंदाना, सबसे ज्यादा दृढ़ बनेमायना, ओसो परिस्थिति किन आंकलन कियाना लोप्पा पूर्वधारणा संगे उचुन वेन्ने काम कियानायो, ओसो बहुसंख्यक आम जनता पोरो विश्वास कियाना ओसो जनताना समर्थन दोरकी कियाना। तीसरा, सर्वहारा वर्ग किन निश्चित राजनीतिक लक्ष्य किन विडसना उसूल पोरो आधार आसी संश्रयकारी लोप्पा संगे पूरा संबंध बने कियाना ओसो इद संश्रय किन विकासित, सुदृढ़ कियाना। चौथा, कम्युनिस्ट पार्टी ता सदस्यता ता विस्तार कियाना ओसो ओरा विचारधारात्मक एकता ओसो कड़ी अनुशासन अमल कियाना। पोरो रास्ता शर्त किन जरूर अमल कियाना। चीनी कम्युनिस्ट पार्टी पूरा देश ता जनता पोरो तना राजनीतिक नेतृत्व निल्पी कींता। इव शर्त किन अमल कीतेके मावा राजनीतिक नेतृत्व ता गारंटी कियाना ता आधार बनेमांता ओसो क्रांति पूरा आंता ओसो मावा दोस्त लोरा दुलमुलपन तल अदिन बदे नुकसान आयो इंजी गारंटी हींता।

18. आन्तरिक शान्ति बनेमातेके ओसो रेंडु पार्टिंग नडमा सहयोग आयतेके माकिन संघर्ष, संगठन ओसो काम ता पाइना तरीका किन बदले किया लागियर। मनम रेंडु दुश्मन राजनीतिक सत्ता मत्तास्के मना लाईन ता अनुसार इस्तेमाल कींदुमा। इद्रम ता बदलाव लोप्पा मुख्य रूप ते फौजी तरीका ता जागा ते शांतिपूर्ण तरीका ओसो गैर-कानूनी तरीका ना जागा ते कानूनी तरीका किन लागू कियमूडांता। इद्रम ता बदलाव कियाना वेल्ले मुश्किल मंता, ओसो मना किन पूना तरीका करिया लागियर। इद्रम कार्यकर्ता लोरकिन दोबारा प्रशिक्षित कियाना प्रधान कड़ी बनेमांता।

19. वेल्ले कामरेड्स लोर जनवादी गणराज्य ता स्वरूप ओसो वायना कालम ता बारे ते सवाल कितोर, इद सवाल ता मावा उत्तर - इदिना वर्ग-स्वरूप ता संबंध इत्तेके इद वेन्ने क्रांतिकारी वर्ग कुना सहयोग मंता ओसो वायना कालम संगे तीना संबंध समाजवाद बगिल दांता। मावा

जनवादी गणराज्य राष्ट्रीय सशस्त्र प्रतिरोध ताकनास्के बने मांता। अद सर्वहारा वर्ग ता नेतृत्व लोप्पा स्थापित आंता। अद पूना अन्तरराष्ट्रीय परिस्थिति लोप्पा (सोवियत संघ लोप्पा समाजवाद ता सफलता पेरके ओसो विश्व-क्रांति ता पूना काल तुकू मुन्ने) स्थापित आंता अदिन काजे सामाजिक ओसो आर्थिक परिस्थिति ता अनुसार अद मना स्वरूप लोप्पा पूंजीवादी-जनवादी राज्य मंदिता, मति अद साधारण पूंजीवादी गणराज्य तुकू अलग मंदिता, बारांकु इत्तेके ठोस राजनीतिक परिस्थिति ता अनुसार अदिन मजदूर वर्ग, किसान वर्ग, निम्न-पूंजीपति वर्ग ओसो पूंजीपति वर्ग ता एकता पोरो आधार आसी मंदांना राज्य लेक्का मंदांना। ताना वायना कालम ता सवाल, अद पूंजीवाद बगिल दाया परिंता, मति संगेने अदिना समाजवाद बगिल दायना सम्भावना वेन्ने मंता। चीनी सर्वहारा वर्ग ता राजनीतिक पार्टी किन इदे दूसरा सम्भावना काजे पूरा कोशिश कियाना।

20. बंद-दरवाजा-वाद (closed-doorism) ओसो दुस्साहसवाद (adventurism) ता विरोध, ओसो तोकावाद (tailism) ता खिलाफ संघर्ष कियाना पार्टी ता काम किन पूरा कियाना काजे उंदी जरूरी शर्त आंदू। जन-आंदोलन लोप्पा मना पार्टी ता काम लोप्पा गंभीर बंद-दरवाजा-वाद, घमंडी संकीर्णतावाद (sectarianism,) ओसो दुस्साहसवाद ता रुझान ताकसोरे मंता। इद उंदी गलत रुझान आंदू। इद पार्टी किन जापान-विरोधी राष्ट्रीय संयुक्त मोर्चा बने कियाना ओसो बहुसंख्यक जन-समुदाय किन मना पक्ष ते कियाला रोमी कींता। हर ठोस काम लोप्पा इद गलता रुझान किन दूर कियाना वेल्ले जरूरी मंता। माटु बदिना मांग कींतोम अद बहुसंख्यक जन-समुदाय पोरो भरोसा कियाना ओसो पूरा परिस्थिति पोरो ध्यान हियाना आंदू। माटु छन तू-श्यू ना तोकावाद किन दोबारा पुटला हीवोम। अद सर्वहारा वर्ग ता पांत लोप्पा पूंजीवादी सुधारवाद ता प्रतिबिम्ब आंदू। पार्टी ता वर्ग-दृष्टिकोण किन कमजोर कीतेके, ताना विशेषता किन मिंजि कीतेके, या पूंजीवादी सुधारवादी लोरा मांग पूरा कियाला काजे मजदूर, किसान लोरा हित किन बलिदान कीतेके क्रांति जरूर हारे मायर। माटु बद पोल्लो ता मांग कींतोम अद सुदृढ़ क्रांतिकारी

नीति अमल कियाना ओसो पूंजीवादी-जनवादी क्रांति ते पूरा सफलता दोरकी कियाला काजे संघर्ष कियाना। पोरो रास्ता गलत रुझान किन दूर कियाना काजे पूरा पार्टी ता मार्क्सवादी-लेनिनवादी सैद्धांतिक स्तर पोरो तेहाना वेल्ले जरूरी मंता। बारंकू इत्तेके मार्क्सवादी-लेनिनवादी चीनी क्रांति ता सफलता बगिल मार्गदर्शन किया कंपास (compass) आंदू

नोट

1. “उत्तरी चीन ता घटना-क्रम” लोप्पा जापानी हमलावर लोर 1935 ते उत्तरी चीन पोरो कित्ता आक्रमण ओसो क्वोमिंगतांग सरकार (इदिना सरगना च्यांग काई-शेक मतोर, उत्तरी चीन ता सत्ता किन दुश्मन किन सौपे कित्तोर ओसो देश किन अपमान) आयला हीता सब्बे घटनांग शामिल मंतांग। मई 1935 ते जापानी हमलावर लोर क्वोमिंगतांग सरकार मुन्ने उत्तरी चीन ता सत्ता सौपे कियाना मांग कित्तोर। जून ते उत्तरी चीन लोप्पा चुनेमाता क्वोमिंगतांग सरकार ता प्रतिनिधि मंदांना इंग-छिन ओस उत्तरी चीन लोप्पा तैनात मत्ता जापानी आक्रमणकारी सेना ता कमांडर योशीजीरो उमेजू नडमा उंदी समझौता आता ताना लोप्पा क्वोमिंगतांग सरकार जापान ता मांग किन मानेमाता। वेहताद “हो-उमेजू समझौता” इदे आंदू। इद समझौता ता अनुसार हपे ओसो छाहाड लोप्पा चीन ता अधिकार सत्ता जापान किन सौपे कित्तोर। अक्तूबर लोप्पा जापानी हमलावर लोरा निर्देशन लोप्पा चीनी गद्दर लोर हपे प्रांत ता श्यांगहो काउन्टी लोप्पा विद्रोह कित्तोर ओसो काउन्टी-केंद्र पोरो अधिकार कब्जा कित्तोर। नवम्बर ते जापानी हमलावर लोरा शाह पोरो चीनी गद्दर लोर “उत्तरी चीन ता पांच प्रांत लोप्पा स्वायत्त-शासन काजे आंदोलन” ताकी कित्तोर, ओसो पूर्वी हपे लोप्पा कठपुतली “कम्युनिस्ट-विरोधी स्वायत्त-शासन” ता स्थापना कित्तोर। क्वोमिंगतांग सरकार सुंग चे-य्वान लेक्काटोर किन चुने कित्तोर। ओर “हपे ओसो छाहाड ता राजनीतिक समस्यांग काजे कमीशन” बने कियाना, इद्रम कीतेके “उत्तरी चीनी लोप्पा विशेष राजनीतिक सत्ता” ता बारे ते जापानी हमलावर लोरा मांग पूरा किया परमूडांता।

2. इगा 1 अगस्त 1935 ते चीनी कम्युनिस्ट पार्टी ता प्रकाशित कित्ता घोषणा ते वाटतोर। ताना मुख्य अंश दोड रास्ता लेक्का मंता:

“इंजे मावा देश ओसो जनता ना मुन्ने विनाश ता संकट वासी नितता, कम्युनिस्ट पार्टी ओसो उंदी बेरा सब्बे देशवाशी लोर किन अपील कींता: अलग-अलग पार्टिंग ना राजनीतिक विचार ओसो हित लोप्पा मुन्ने बद मतभेद मतेकाई ओसो इंजे मतेकाई, अलग-अलग व्यवसाय मंदांना देशवाशी लोरा विचार ओसो हितकुना लोप्पा, ओसो

अलग-अलग सेनांग लोप्पा वरोनकु-वरोनकु विरुद्ध बदे कार्यवाही कीसि मतेकाई ओसो बदे कार्यवाही कीसोरे मतेकाई, सब्बे किन बेस समझेमायाना कि 'लोते तम्मोर इरवुर झगड़ा आंतोर, मति ओरु बेहरा हमला ता कलियसी मुकाबला कींतोर', ओसो सबसे मुन्ने सब्बे तोर किन गृहयुद्ध बंद कियाना, अस्के ने देश ता पूरा ताकत (जन-शक्ति, भौतिक, आर्थिक साधन-खोत ओसो सेना) जापान ता प्रतिरोध कियाला ओसो देश किन बचे कियाना उद्देश्य काजे संघर्ष कियाना काजे.....। कम्युनिस्ट पार्टी ओसो उंदी बेरा गम्भीरतापूर्वक ऐलान कीता: क्वोमिंगतांग सेना लाल सेना पोरो हमला कियाना बंदी कियाना लेवेके बदे वेन्ने सेना जापान ता प्रतिरोध कियाना काम कियान, ओरा ओसो लाल सेना नडुमा पूना-पाडुना झगड़ा मतेकाई ओसो स्थानीय समस्या ना बारे ते अलग-अलग राय मतेकाई लाल सेना केवल तुरंत ओरा विरुद्ध कार्यवाही कियाना बंद कियानाए आयवा देश किन बचे कियाला काजे ओरा हट्टाते हट्टा काल्पिनसी लडेमायला तैयार मंदिता।”

“इद्रम ता राष्ट्रीय प्रतिरक्षा सरकार ता स्थापना ता बारे ते कम्युनिस्ट पार्टी पहल कियाला तैयार मंता। अव सब्बे राजनीतिक पार्टिंग, सब्बे संगठन (मजदूर संघ, किसान संगठन, विद्यार्थी संघ, व्यापारी संघ, शैक्षणिक संघ, पत्रकार संघ, शिक्षक, स्कूल-कर्मचारी संघ, सह-जन्मस्थानीय सभा, च कुंग थांग, राष्ट्रीय सभा, आत्मरक्षा सभा, जापान-विरोधी सभा, देशोद्धार संघ), सब्बे प्रसिद्ध लोकुर, राजनीतिज्ञ, ओसो स्थानीय फौजी, सरकारी संस्थांग संगे, जापान ता प्रतिरोध कियाना ओसो देश किन बचे कियाना काम लोप्पा शामिल आयला आल्साना ओसो कलियसी राष्ट्रीय प्रतिरक्षा सरकार बने कियाना ता बारे ते कम्युनिस्ट पार्टी वडकला तुरंत तैयार मंता। वडकता कारण ते पुटना राष्ट्रीय प्रतिरक्षा सरकार देश किन विनाश तल बचे कियाला ओसो जीवन-रक्षा कियाना गारंटी कियाना काजे उंदी अस्थाई नेतृत्वकारी संस्था बने मायना। जापान ता प्रतिरोध कियाना ओसो देश किन बचे कियाना सब्बे समस्यांग पोरो ठोस रूप ते विचार कियान काजे इद्रम ता राष्ट्रीय प्रतिरक्षा सरकार किन सब्बे देशवासी ओसो कर्मचारी, व्यापारी ओसो बुद्धिजीवी लोरा अलग-अलग क्षेत्र, सब्बे पार्टिंग, संगठन जापान ता प्रतिरोध कियाना ओसो देश किन बचे कियाला आल्सानोर, ओसो विदेश ते मंदानोर सब्बे प्रवासी चीनी, चीन लोप्पा मंदाना सब्बे जाति नोर अव सब्बे प्रतिनिधि लोरकिन जनवादी तरीका ते चुने कींतोर) लोरा एसेम्बली केयाना काजे तैयार मंदाना। कम्युनिस्ट पार्टी प्रतिज्ञा कींता। कि सब्बे देशवासी लोरा प्रतिनिधि लोरा एसेम्बली केयाना समर्थन कियाना लोप्पा ओसो सब्बे फैसलांग किन अमल कियाना पूरा कोशिश कींता।”

“जापान ता प्रतिरोध कियाला तैयार मंदाना सब्बे सेना ना उंदी संयुक्त जापान-विरोधी सेना बने कियाना। ताना हेडक्वार्टर राष्ट्रीय प्रतिरक्षा सरकार ता नेतृत्व ते बने कियाना। इद हेडक्वार्टर किन अलग-अलग सेना ता जापान-विरोधी सेना नेता लोर ओसो सैनिक लोरा चुने कित्ता प्रतिनिधि लोरा संगे बने कियाना ओसो इद सवाल सब्बे समूह

ना प्रतिनिधि लोरा ओसो सब्बे जनता ना राय संगे हल आयना। जापान ता प्रतिरोध कियाना ओसो देश किन बचे कियाना मना कर्तव्य पूरा कियाला काजे लाल सेना इद संयुक्त सेना लोप्पा सबसे मुन्ने शामिल आयना इंजी क्रिया कीता। राष्ट्रीय प्रतिरक्षा सरकार कारगर तरीका ते राष्ट्रीय प्रतिरक्षा ता बेहरा जिम्मेदारी निभे किया परना इंजी, अदिन काजे कम्युनिस्ट पार्टी सब्बे देशवासी लोरा किन अपील कीता: बोनगा पैसा मंता ओर पैसा हियाना, बोनगा बंदूक मंता ओर बंदूक हियाना, बोनगा अनाज मंता ओर अनाज हियाना, बोनगा श्रमशक्ति मंता ओर श्रमशक्ती हियाना ओसो बोनगा विशेष कौशल मंता ओर कौशल हियाना, मावा सब्बे देशवासी गोलबंद आयना ओसो करोड़-करोड़ जनता किन हथियारबंद कियाला काजे सब्बे प्राचीन ओसो पूना अस्त-शस्त्र ना इस्तेमाल किया परना”

3. इगा “वर्तमान राजनीतिक परिस्थिति ओसो पार्टी ता काम ता बारे ते प्रस्ताव” ता बारे ते वेहतद मंता, अविन उत्तरी शेनशी लोप्पा वायाओपाओ पोरोल ता जागा ते 25 दिसम्बर 1935 ते चीनी कम्युनिस्ट पार्टी ता केंद्रीय कमेटी ता राजनीतिक ब्यूरो तना मीटिंग लोप्पा मानेमाता। इद प्रस्ताव लोप्पा अस्केडा अन्तरराष्ट्रीय ओसो घरेलू परिस्थिति ता ओसो चीन ता वर्ग-संबंध लोप्पा आयना बदलाव कुना सही विश्लेषण ओसो पार्टी नीति ता प्रतिपादन किताद मत्ता। प्रस्ताव ता उंदी अंश दोड़ रास्ता लेक्का मंता:

वर्तमान परिस्थिति जापानी साम्राज्यवाद ता चीन किन लूटे कियाला काजे किता कार्यवाही ता पूरा चीन ओसो पूरा दुनिया ता धक्का दलगता इंजी स्पष्ट कीसिता। चीन ता राजनीतिक पिस्वल ते सब्बे वर्ग, समूह, राजनीतिक पार्टिंग ओसो सशस्त्र ताकत कुना आपसी संबंध कुने बदलावकु आतांग ओसो आया मंतांग। राष्ट्रीय क्रांतिकारी मोर्चा ओसो राष्ट्रीय प्रतिक्रांतिकारी मोर्चा किन दोबरा संगठित कियमूडायता मंता। अदिन काजे पार्टी ता कार्यनीति संबंधित लाईन मुन्ने रास्ता लेक्का मंता: पूरा चीन ओसो सब्बे जातिंग ना सब्बे क्रांतिकारी ताकत किन तेहाना, अविन एकताबद्ध ओसो संगठित कियाना, अस्केने मावा मुन्ने मंदांना मुख्य दुश्मन ता-जापानी साम्राज्यवाद ओसो वतनफरोशी लोरा सरगना कियाना च्यांग काई-शेक ना विरोध कियमूडंता। जापानी साम्राज्यवाद, वतनफरोश च्यांग काई-शेक ना विरोधी सब्बे तोर, सब्बे पार्टिंग, सब्बे सेना ओसो सब्बे वर्ग किन उंदी आसी राष्ट्रीय क्रांतिकारी युद्ध ताकी कियाना। अस्केने जापानी साम्राज्यवाद किन चीन तल बाहर पूंडना, चीन लोप्पा ओरा पालतू नैकुना शासन खत्म किया परना, चीनी राष्ट्र ता पूर्ण मुक्ति दोरकी कियाना ओसो चीन ता स्वतंत्रता, प्रादेशिक अखण्डता ता रक्षा कियाना। व्यापक रूप ते जापान-विरोधी राष्ट्रीय संयुक्त मोर्चा (निम्न समूह ओसो उच्च समूह लोप्पा) बने कीसिए जापानी साम्राज्यवाद ओसो ओरा पालतू नैकिन च्यांग काई-शेक किन हारे कियमूडंता। तीना लोप्पा अलग-अलग मानेय, संगठन, सामाजिक वर्ग, समूह, सेना, जापान-विरोधी राष्ट्रीय क्रांति लोप्पा अलग-अलग उद्देश्य संगे प्रेरित आसी ओसो अलग-अलग वर्ग-दृष्टिकोण पोयसी शामिल आंतोरा ताना लोप्पा उचुन मुन

मना वर्तमान परिस्थिति बने कियाला काजे शामिल आंतोरः उचुन मुल आंदोलन पोरो खुद ता नेतृत्व जमे कियाला कोशिश कींतोर, आंदोलन किन तन्ना हंदी तल बाहर दायनायो इंजी। ओसो उचुन मुल चीनी राष्ट्र ता पूर्ण काजे वेन्ने इमानदारी ते काम कियाला आल्संतोर। ओरा उद्देश्य ओसो वर्ग-दृष्टिबिंदु अलग-अलग मंता। अदिन काजे उचुन मुल हर्देने निष्क्रिय आंतोर लेवेके मोर्चा तल बाहर दांतोर। ओसो उचुन मुल दृढता संगे आखरी एवनल वेन्ने लडमांतोर। मति मावा काम केवल सब्बे सम्भावित जापान-विरोधी बुनियादी ताकत किन एकताबद्ध कियानाए आयो, सब्बे सम्भावित जापान-विरोधी संश्रयकारी लोर किन वेन्ने एकताबद्ध कियाना मंता। इदे आयवा देशता पूरा जनता लोप्पा, बोनगा श्रमशक्ति मंता ओरा श्रमशक्ति हियाना, बोनगा धन मंता ओरगडल धन हियाना, बोनगा बंदूक मंता ओरगडल बंदूक हियाना ओसो बोनगा ज्ञान मंता ओरगडल ज्ञान हियाना, ओसो हर चीनी देशभक्त किन जापान-विरोधी मोर्चा ते शामिल कियाना। व्यापक रूप ते राष्ट्रीय संयुक्त मोर्चा ता कार्यनीति ता बारे ते पार्टी ता आम लाईन इद्रमे मंता। इद्रम ता लाईन पोरो हंजी माटु पूरा देश ता जनता ना दुश्मन-जापानी साम्राज्यवाज ओसो वतनफरोश च्यांग काई-शेक ना मुकाबला कियाला काजे देश ता जनता ना ताकत कि उंदी क्रिया परितोम। चीनी मजदूर वर्ग ओसो किसान इंजे वेन्ने चीनी क्रांति ता बुनियादी प्रेरक शक्ति आंदू निम्न-पूंजीपति वर्ग ता व्यापक जन-समूदाय ओसो क्रांतिकारी बुद्धिजीवी राष्ट्रीय क्रांति लोप्पा सबसे विश्वासनीय संश्रयकारी आंदुर। मजदूर, किसान, निम्न-पूंजीपति वर्ग ता सुदृढ संश्रय जापानी साम्राज्यवाद ओसो चीनी गद्दार, वतनफरोशी लोरकिन हारे कियाना बुनियादी ताकत आंदू राष्ट्रीय पूंजीपति वर्ग, युद्ध-सरदार लोरा उंदी हिस्सा भूमि-क्रांति ओसो लाल राजनीतिक सत्ता पोरो बचोन अडचन वाटतेकाई, जापान ओसो चीनी गद्दार, वतनफरोशी लोरा खिलाफ संघर्ष लोप्पा साहनुभूति तोहानास्के या समर्थक लोरा बदे उंदी बगिल दायानास्के लेवेके संघर्ष लोप्पा प्रत्यक्ष रूप ते शामिल आयनास्के ओरा रुझान जापान-विरोधी मोर्चा ता प्रसार काजे फायदा आंता। बारांकु इत्तेके इद हिसाब ते अद समग्र प्रतिक्रांतिकारी ताकत तुल अलग आंता ओसो इद्रम आतेके समग्र क्रांतिकारी ताकत बेरसिंता। इद उद्देश्य किन पूरा कियाला काजे पार्टी किन सब्बे सही तरीका किन लागू कियाना, इव ताकत किन जापान-विरोधी मोर्चा लोप्पा पक्ष ते कियाना इंजी। इदे आयवा जमींदार वर्ग ओसो दलाल-पूंजीपति वर्ग ता शिवर ते वेन्ने पूर्ण एकता आयाना मुश्किल आंता। बारांकु इत्तेके इंजे एवनल चीन पोरो अधिकार कियाना काजे वेल्ले साम्राज्यवादी ताकतकुना नडमा प्रतिद्वन्द्विता मत्ता ओसो इदिनगडल ओरा सेवा कियाना ता बारे ते वतनफरोशी लोरा अलग-अलग ग्रुप पुटतांग, अव आपस ता अंतरविरोध, संघर्ष कुना लोप्पा हिरकसी मंतांग, अदिन काजे हर सम्भव तरीका लागू कीसि इदिना गारंटी एतना कि प्रतिक्रांतिकारी ताकत अस्थाई रूप ते जापान-विरोधी मोर्चा ता सक्रिय रूप ते विरोध क्रिया परवोंग इंजी। जापानी साम्राज्यवाद किन विडुसी दूसरा साम्राज्यवादी ताकत कुना बारे ते वेन्ने इदे कार्यनीति लागू कियाना। चीन जनता ना दुश्मन

संगे लड़ेमायना लक्ष्य ते पूरा चीन ता जनता ना ताकत किन तेहाना, एकताबद्ध कियाना ओसो संगठित कियाला काजे पार्टी किन जापान-विरोधी संयुक्त मोर्चा लोप्पा ढुलमुलपन, सुलह-समझौता, आत्म-समर्पण ओसो धोखा हियाना सब्बे रुझान कुना विरुद्ध दृढता ते ओसो स्थिर रूप ते संघर्ष कियाना। बोर चीनी जनता ना जापान-विरोधी आंदोलन लोप्पा झगड़ा पुटी कांतोर, ओर गद्दार या वतनफरोशी आंदुर ओसो माटु सब्बे तोरकिन ओरा खिलाफ लड़मायाना। जापानी साम्राज्यवादी ओसो चीनी गद्दार, वतनफरोशी लोरा खिलाफ मनम वेहाना ओसो कियाना ता दृढता ओसो सही तरीका ते, कम्युनिस्ट पार्टी जापान-विरोधी मोर्चा ता नेतृत्व तना कैदे पोयाना कोशिश कियाना। कम्युनिस्ट पार्टी ते नेतृत्व तेने जापान-विरोधी आंदोलन लोप्पा पूरा सफलता दोरकिता। प्रतिरोध-युद्ध लोप्पा व्यापक जन-समुदाय ता संबंध ते बुनियादी हित कुना संबंध ते अविना मांग (किसान लोरा जमीन ता मांग ओसो मजदूर, सैनिक, शहरी गरीब ओसो बुद्धिजीवी लोरा पिस्वल सुधरे कियाना मांग) पूरा कियाना। ओरा मांग पूरा आतास्के माटु जन-समुदाय ता ओसो विशाल हिस्सांग किन जापान-विरोधी मोर्चा लोप्पा शामिल आयला काजे गोलबंद किया परितोम, जापान-विरोधी आंदोलन किन जारी तासा परितोम ओसो इद आंदालन किन आखरी एवनल ओया परितोम। केवल इद्रम कीतेके ने माना पार्टी प्रतिरोध-युद्ध ता नेतृत्व तना कैदे पोया परिता।

हूडाटु: “जापानी-साम्राज्यवाद-विरोधी कार्यनीति ता बारे ते” हेडिंग ता लेख:

4. लाल सेना 5 मई 1936 ते उंदी ओपन लेटर लोहता ताना लोप्पा जापान ता विरुद्ध एकता कियाना काजे नानकिंग सरकार गृहयुद्ध बंद कियाना ओसो कम्युनिस्ट लोरा संगे शांति-वार्ता शुरू कियाना इंजी मांग कित्ताद मत्ता।

चिट्टी लोप्पा दोड़ रास्ता लेक्का मत्ता:

नानकिंग ता राष्ट्रीय सरकार ता फौजी परिषद, नौसेना, पैदल सेना ओसो वायु सेना ता सब्बे फौज, सब्बे पार्टिंग, राजनीतिक ग्रुप, संगठन ओसो समाचर पत्र, ओसो विदेशी राष्ट्र ता गुलाम बनेमायला तैयार हिल्वा सब्बे देशवासी लोरा पोरलते -

चीनी लाल सेना ता क्रांतिकारी फौजी कमीशन ता संगठित चीनी जनता ना लाल सेना ता जापान-विरोधी अग्रिम दस्ता पूर्व बगिल अभियान कियानाके कमकाल डोड्डा वेंडतास्केडल अद बेगा-बेगा हत्ता सफलता दोरकी कीतांद मंता ओसो अद राष्ट्र व्यापी समर्थन वेन्ने दोरकी कित्ता। अद ताथुंग-फूचओ रेलवे पोरो कब्जा कित्ता ओसो जापान साम्राज्यवादी लोरा संगे प्रत्यक्ष युद्ध कियाना काजे पूर्व बगिल हपे लोप्पा अभियान कियाना वेल्ले तैयारी कित्ता, इत्तेकेने च्यांग काई-शेक दस तूकु ज्यादा डिवीजन किन शेनशी लोहतोर अनि जापानी हमलावर लोरा संगे लड़ेमायना अग्रिम दस्ता किन हर्देने रोमी कियाला काजे येन शी-शान ना सहायता कितोर। ओर चांग श्वे-ल्यांग ओसो यांग हू-छंग ना सेना ओसो उत्तरी शेनशी ता सेना किन आदेश हीतोर कि ओर मावा जापानी-विरोधी हिस्सा किन परेशान कियाना काजे शेनसी-कानसू लाल इलाका बगिल दायना

इंजी। जापानी हमलावर लोरा संगे प्रत्यक्ष युद्ध कियाना उद्देश्य ते सफल आयला काजे चीनी जनता ना लाल सेना ता जापानी-विरोधी अग्रिम दस्ता किन लाल सेना ता हरी रोमी कियाना च्यांग ना सेना किन खत्म कियाला पूरा जोर वाटिता, मति वेल्ले आल्सता पेरके सेना ता क्रांतिकारी फौजी कमीशन इद्रम आल्सता - वर्तमान राष्ट्रीय संकट ते रेंडु पक्ष ते निर्णयात्मक युद्ध आतेके, बोर जीडतेकाई राष्ट्रीय प्रतिरक्षा काजे चीन ता ताकत कम आयार ओसो जापानी साम्राज्यवाद वेल्ले खुश आंतोरा ओसो च्यांग काई-शेक ओसो येन शी-शान ना सेना लोप्पा वेल्ले देशभक्त सेना नेता ओसो सैनिक मंतोर, ओर गृहयुद्ध बंद कियाला आल्सा मंतोर ओसो जापान ता विरुद्ध एकता कियाला आल्सा मंतोर जापानी हमलावर लोरा संगे लडेमायला दायना लाल सेना ता हरी रोमी कियाना च्यांग ओसो येन ता आदेश मानेमासी असल ते ओरु तम्मा आत्मा ते विरुद्ध काम किया मंतोर अदिन काजे राष्ट्रीय प्रतिरक्षा काजे चीन ता ताकत बचे कियाला काजे ओसो इद्रम कीसि जल्दिण जापानी-आक्रमण-विरोधी युद्ध ताकी कियाना काजे, गृहयुद्ध बंद कियाना ओसो जापान खिलाफ एकता कियाला माटु राष्ट्र मुन्ने बार-बार घोषणा कित्ताद मंता अविन दृढतापूर्वक अमल कियाना काजे, ओसो च्यांग काई-शेक ओसो ओना दोड मत्ता देशभक्त सेना नेता ओसो सैनिक लोरकिन जागृत आयना प्रेरणा हियाला काजे, लाल सेना ता क्रांतिकारी फौजी कमीशन शानशी लोप्पा वेल्ले सफलतांग दोरकतेकाई जनता ना जापान-विरोधी अग्रिम दस्ता किन कमकाल डोडुडा ता पश्चिम बगिल गुचता। मना इद कार्यवाही संगे माटु नानकिंग सरकार, देश ता सब्बे नौसेना, पैदल सेना ओसो वायूसेना ओसो पूरा देश ता जनता मुन्ने मना ईमानदारी ता सबूत हीता। माटु महीना लोप्पा जापान-विरोधी लाल सेना पोरो हमला कियाना सब्बे सशस्त्र दस्ता संगे लडेमायना बंद कियाला काजे ओसो ओरा संगे सुलह कियाला काजे तैयार मंतोर, गृहयुद्ध बंद कियाना ओसो जापान ता प्रतिरोध कियाना इंजी। लाल सेना ता क्रांतिकारी फौजी कमीशन नानकिंग सरकार ता अनुभव गंभीरता ते इद्रम ता सलाह हीता - इद मुश्किल समय ते देश ओसो जनता काजे तात्कालिक विनाश ता संकट मंता, मीटु मीवा गलतिंग किन जरूर सुधरे कियाना ओसो “लोते तम्मोर-तम्मोर लडेमांतोर, मति बाहर ता हमला ने ओरु कलियसी मुकाबला कींतोर”, पूरा देश ते ओसो सबसे मुन्ने शोनशी, कानसू ओसो शानशी लोप्पा, गृहयुद्ध बंद कियाना, अद्रम कीतेके रेंडु पक्ष जापान ता प्रतिरोध कियाना ओसो देश किन विनाश तल बचे कियाना ठोस तरीका पोरो चर्चा कियाला काजे मना प्रतिनिधि लोर किन लोहाना। इद केवल मीवा काजे ने आयो, राष्ट्र ओसो देश काजे वेन्ने वेल्ले बेसता पोल्लो आयरा मति मीटु जिद्द पोइसि बेसता पोल्लोंग मानेमायवेके ओसो गदार, वतनफरोशी मंदाणा इंजी आल्सतेके, आखरी ते मीवा शासन जरूर मुद्रिंता ओसो जरूर पूरा देश ता जनता मीकिन ठुकरे कींता ओसो मीवा तख्ता पटल कींता। पाइना कहावत मंता, “बोना बगिल हजार इंडं किंतेके ओर बाताए बिमारी हिल्वा वेने भगवान टोला ते दायनोर” ओसो उंदी कहावत मंता, “कसाई (हव्वी कोयनोर) कसेर एस्सतेके भगवान बुद्ध लेक्का

बने मांतोर” मीटु इव शब्द कुना पोरो विचार कीमुट ओसो इविन लागू कीमुटा इद्रम आयवा लाल सेना ता क्रांतिकारी फौजी कमीशन विदेशी राष्ट्र ता गुलाम कियाना मंदानोर सब्बे संगठन, सब्बे पार्टींग ओसो पूरा जनता किन आह्वान कीता कि ओरू गृहयुद्ध बंद कियाना, शांति-वार्ता ताकी कियाना ओसो जापान ता खिलाफ एकता कियाना मावा प्रस्ताव ता समर्थन कियाना ओसो गृहयुद्ध बंद कियाना काजे प्रेरित कियाना कमेटींग बने कियाना, अद मना प्रतिनिधि लोरकिन मोर्चा ते लोहची रेंडु पक्ष नडमा ता लड़ाई बंद कियाना ओसो प्रस्ताव पूरा अमल आया मंताया हिल्ले इंजी निगरानी कियाना।

5. हूडाटु: “च्यांग काई-शेक ना वक्तव्य ता बारे ते”, नोट7।

6. दिसम्बर 1935 ते चीनी कम्युनिस्ट पार्टी ता केंद्रीय कमेटी ता राजनीतिक ब्यूरो मीटिंग ते मानेमाता “वर्तमान राजनीतिक परिस्थिति ओसो पार्टी काम बारे ते प्रस्ताव” लोप्पा ओसो कामरेड माओ त्सेतुंग ना “जापानी-साम्राज्यवाद-विरोधी कार्यनीति ता बारे ते “लोक गणराज्य” नारा पेश कित्ताद मत्ता। पेरेके परिस्थिति ता जरूरत अनुसार पार्टी च्यांग काई-शेक किन जापान ता प्रतिरोध कियाला मजबूर कियाना नीति लागू कित्तोरा। च्यांग काई-शेक ग्रुप किन “लोक गणराज्य” ता नारा मंजूर आयो इंजी अंदाजा वाटतद मत्ता, अदिन काजे पार्टी क्वोमिंगतांग ता पोरोल ते मना अगस्त 1936 ता चिट्टी ते अदिन बदले कीसि “जनवादी गणराज्य” नारा ता रूप हीतोर। तीना पेरेके अदे साल सितम्बर ते पार्टी ता केंद्रीय कमेटी “जापान ता प्रतिरोध कियाना ओसो देश किन विनाश तल बचेमायला आंदोलन ता पूना स्थिति ओसो जनवादी गणराज्य ता बारे ते प्रस्ताव” ते “जनवादी गणराज्य” ता नारा किन ठोस रूप ते वेहतांद मंता। शब्द कुना भेद मतेकाई रेंडु नारांग ना सार उंदे मत्ता। पार्टी ता केंद्रीय कमेटी ता सितम्बर 1936 ता प्रस्ताव ते जनवादी गणराज्य ता समस्या ता संबंधित रेंडु अंश दोड़ रास्ता लेक्का मंतांग:

“केंद्रीय कमेटी ता विचार वर्तमान परिस्थिति लोप्पा जनवादी गणराज्य बने कियाना नारा हियाना जरूरत मंता, बारांकु इत्तेके चीन ता प्रादेशिक अखण्डता किन बचे कियाना ओसो चीनी जनता किन राष्ट्रीय विनाश ओसो जन-संहार ता मुश्किल कुनगडल बचेमायला काजे सब्बे जापान-विरोधी ताकत किन एकताबद्ध कियाना सबसे बेसता तरीका मंता ओसो व्यापक जनता ना जनवादी मांग पोरो संयुक्त मोर्चा काजे इदे सबसे सही नारा वेन्ने आंदू। जनवादी गणराज्य उंदी लोकशाही मंता अद चीन भूमि ता उंदी हिस्सा ते स्थापना आता मजदूर-किसान लोरा जनवादी अधिनायकत्व ता तुलना ते भौगोलिक रूप ते ज्यादा विस्तृत मंता। अद उंदी चीन ता मुख्य इलाका लोप्पा स्थापना आता क्वोमिंगतांग पार्टी ता अधिनायकत्व तुकू ज्यादा प्रगतिशील मंता। अदिन काजे जापानी-आक्रमण-विरोधी युद्ध ता विस्तृत विकास ओसो ताना पूरा सफलता ता गारंटी आंता। संगेने जनवादी गणराज्य संगे चीनी जनता ना व्यापक हिस्सा देश ता राजनीतिक पिस्वल लोप्पा शामिल आया परिता, इद्रम ताना राजनीतिक चेतना ओसो संगठित ताकत बेरसो आंता, समाजवाद सफलता काजे संघर्ष लोप्पा वेन्ने चीनी सर्वहारा वर्ग ओसो

अदिना नेता कम्युनिस्ट पार्टी ता बरोकटोक कार्यवाही कियाना काजे जमीन वेन्ने तैयार आयार। अदिन काजे चीनी कम्युनिस्ट पार्टी जनवादी गणराज्य ता आंदोलन ता सक्रियता ते समर्थन कींता इंजी ऐलान कींता। अद देशव्यापी जनवादी गणराज्य स्थापना आंता ओसो बालिग मताधिकार लोरा चुने कित्ता संसद केयमूडांता इंजी वेन्ने ऐलान कींता, अस्के लाल इलाका तुरंत जनवादी गणराज्य ता अभिन्न अंग बनेमायनुंग, लाल इलाका ना जनता संसद काजे तन्ना प्रतिनिधि चुनेमांता ओसो लाल इलाका लोप्पा वेन्ने अद्रमे जनवादी व्यवस्था नित्तिंता।”

“केंद्रीय कमेटी जापान ता प्रतिरोध कियाना ओसो देश किन विनाश तल बचे कियाला काजे राष्ट्रव्यापी जन-आंदोलन ता निरन्तर प्रसार कीसि, सब्बे पार्टिंग, राजनीतिक ग्रुप, व्यवसाय ओसो सेना ता जापानी-विरोधी राष्ट्र संयुक्त मोर्चा ता विस्तार कीसि, जापान-विरोधी राष्ट्रीय संयुक्त मोर्चा लोप्पा चीनी कम्युनिस्ट पार्टी ता राजनीतिक सत्ता ओसो लाल सेना किन मजबूत बने कीसि सब्बे कियाना ओसो वेहाना ता खिलाफ दृढता ते संघर्ष कीसि, मावा प्रभुसत्ता ता मोदोल किन तेहकिंता ओसो देश किन अपमान कींता, या राष्ट्रीय संयुक्त मोर्चा किन कमजोर कींता- इव सब्बे कीसि माटु क्वोमिंगतांग ता नानकिंग सरकार किन जापान ता प्रतिरोध कियाला मजबूर किया परितोर ओसो जनवादी गणराज्य ता स्थापना काजे शर्तकु तैयार किया परितोर। लगातार कठिन संघर्ष किवा लेवा पूरा चीनी जनता किन जागृत किवा लेवा ओसो क्रांतिकारी उभार पुट्टी किवा लेवा जनवादी गणराज्य निल्पी किया परमूडायो। जनवादी गणराज्य काजे संघर्ष ताकनास्के चीनी कम्युनिस्ट पार्टी किन जनवादी गणराज्य मना पार्टी जापान ता प्रतिरोध कियाना ओसो देश किन बचे कियाला निर्धारित दस सूत्र कार्यक्रम किन अमल कियाना शुरू आसी बस्के एवनल जारी मंदियर अस्के एवनल चीन ता पूंजीवादी-जनवादी क्रांति ता बुनियादी काम अन्तिम रूप ते पूरा आया परवोंग।”

7. इद चिट्टी 10 फरवरी 1937 ते लोहतद मत्ता। इद दोड़ रास्ता लेक्का मंता:

क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन ता पोरोल ते मत्ता:

शीआन घटना ता शांतिपूर्ण हल पोरो पूरा देश खुश आता। असल ते इद मना देश ओसो राष्ट्र काजे इंजेटल शांति ओसो एकीकरण, विदेशी आक्रमण ता कलियसी विरोध कियाना नीति अमल कियमूडायर इंदानदु वेल्ले बेसता पोल्लो आंदू। इंजे जापानी हमलावर लोर पागल आया मंतोर ओसो चीनी राष्ट्र ता पिस्वल संकट ते मंता, मना पार्टी इद नीति ता अनुसार मीवा पार्टी ता केंद्रीय कार्यकारिणी कमेटी ता तीसरा पूर्ण अधिवेशन दोड़ रास्ता पोल्लोंग किन राष्ट्रीय नीति ता रूप ते निर्धारित कियाना इंजी हार्दिक आशा कींता।

सब्बे गृहयुद्ध किन बंद कियाना ओसो विदेशी आक्रमण ता कलियसी मंजी मुकाबला कियाना काजे देश ता ताकत किन एकजुट कियाना:

1) भाषण, सभा ओसो संगठन ता आजादी ता गारंटी एताना ओसो सब्बे राजनीतिक कैदी लोरकिन रिहा कियाना,

2) सब्बे पार्टिंग, राजनीतिक गुप, व्यवसाय ओसो सेना ता प्रतिनिधि लोरा सम्मेलन केयना ओसो उंदी आसी देश किन बचे कियाला काजे राष्ट्र किन बचे कियाला उंदी आयाना,

3) जापान ता प्रतिरोध कियाला काजे सब्बे तैयरिंग जल्दिए पूरा कियाना, ओसो

4) जनता ना पिस्वल-स्थिति किन सुधरे कियाना।

मीकिन केंद्रिय कार्यकारिणी कमेटी ता तीसरा पूर्ण अधिवेशन निश्चित रूप ते ओसो दृढ़ता ते पोरो रास्ता पोल्लोंग किन राष्ट्रीय नीति ता रूप ते निर्धारित कींता, इत्तेके विदेश आक्रमण ता विरोध कियाला काजे एकता ता पक्ष ते अपना ईमानदारी ता सबूत मावा पार्टी दोड़ रास्ता लेक्का वचन हींता:

1) राष्ट्रीय सरकार किन पलटे कियाला काजे विद्रोह ता नीति पोरो अमल कियाना पूरा देश लोप्पा बंद कियाना:

2) मजदूर-किसान लोरा जनवादी सरकार ता पोरोल बदले कीसि चीन गणराज्य ता विशेष प्रदेश ता सरकार तासना ओसो लाल सेना राष्ट्रीय क्रांतिकारी सेना ता उंदी हिस्सा मंदियर, ओसो इव रेंडासी क्रमशः नानकिंग ता केंद्रीय सरकार ओसो अदिना फौजी परिषद ता सीधा निर्देशन ते काम कियर,

3) विशेष प्रदेश सरकारा त अनुसार इलाकांग लोप्पा बालिग मताधिकार पोरो आधार आसी पूर्ण जनवादी व्यवस्था लागू कीयमूडयर, ओसो

4) जर्मीदार लोरा जमीन जब्त कियाना नीति पोरो अमल कियाना बंद कियमूडयार ओसो जापान-विरोधी राष्ट्रीय संयुक्त मोर्चा ता प्रोग्राम पोरो दृढ़ता ते अमल कियमूडयार।

8. नवम्बर ओसो दिसम्बर 1936 ते शांघाई ता 26 जापानी ओसो चीनी सूती-कपड़ा मिल ता 45 हजार तुकू ज्यादा मजदूर लोर बेहरा हड़ताल कितोर। दिसम्बर ते छिंगताओ ता जापानी सूती-कपड़ा मील ता सब्बे मजदूर लोर ओरा समर्थन ते हड़ताल कितोर। शांघाई ता मजदूर लोरा हड़ताल कामयाब आता ओसो नवम्बर तल पांच प्रतिशत वेतन बेरसी कीतोर: मील-मालिक लोरकिन मनमाने तरीका ते मजदूर लोर किन तेंडनायो, ओरा पिटाई कियानायो, झगड़ा कियानायो इंजी राजी कितोर। मति छिंगताओ लोप्पा जापानी मैरीन-सैनिक लोर मजदूर लोरा हड़ताल ता दमन कितोर।

9. 1933 लोप्पा जापानी हमलावर लोर शानहाएक्वान पोरो अधिकार कियाना ओसो उत्तरी चीन लोप्पा नेंगता पेरके, विशेषकर 1935 ता “हो-उमेजू समझौता” पेरके उत्तरी ओसो मध्य चीन लोप्पा ब्रिटिश ओसो अमरिका साम्राज्यवाद ता हित किन प्रत्यक्ष रूप ते नुकसान आता। अदिन काजे ओर जापान ता बारे ते अपना रुझान बदले कियाना शुरू कितोर ओसो ओर जापान ता बारे ते च्यांग काई-शेक सरकार ता लागू कियाना नीति पोरो वेन्ने प्रभाव वाटता। 1936 ते शीआन घटना आतास्के, जापानी मांग चीन लोप्पा

ब्रिटिश हित ता विरुद्ध लडेमायनोर किन टुकरे कियाना इंजी ब्रिटिश तोर सुझाव तास्तोर। च्यांग काई-शेक सरकार चीनी जनता पोरो तना शासन तासा परतेके, च्यांग काई-शेक सरकार “कम्युनिस्ट पार्टी तल बदे रकम ता संश्रय” बने कियाना। अस्के जापान ता आक्रमणकारी नीति किन धक्का दलगि कीयमूडांता।

10. जून 1936 ते “जापान ता प्रतिरोध कियाना ओसो देश किन बचे कियाना” बहाना ते क्वांगशी ता ली चुंग-रन ओसो पाए ह्जुंग-शी पोरोल ता युद्ध-सरदार ओसो क्वांगतुंग ता छन ची-थांग लेक्काटा युद्ध-सरदार लोर संयुक्त रूप ते च्यांग काई-शेक ना बारे ते मना विरोध ता ऐलान कित्ता। अगस्त ते च्यांग काई-शेक फूट वाटना ओसो लोभ हियाना दांवपेंच कीसि इद विरोध किन दबे कित्तोर।

11. अगस्त 1936 ते जापानी सेना ओसो चीनी कठपुतली सेना स्वेध्वान पोरो हमला शुरू कित्तोर। नवम्बर ते अद इलाका ता चीनी फौज प्रतिरोध-युद्ध कित्ता ओसो पूरा देश ता जनता ना समर्थन ते आंदोलन शुरू कित्ता।

12. 1935 ता “हो-उमेजु समझौता” परेके चीनी जनता ना जापान-विरोधी आंदोलन ता लहर ता दबाव ता कारण ते ओसो जापान ता बारे ते ब्रिटिश ओसो अमेरिका साम्राज्यवाद तुकू सख्त नीति ता प्रभाव ता कारण ते नानकिंग ता क्वोमिंगतांग सरकार जापान ता बारे ते तन्ना रुख उचुन सख्त कित्तोर। अद जापान संगे सितम्बर तल दिसम्बर 1936 एवनल तन्ना समझौता-वार्ता लोप्पा पुंजी-पुंजी लेट कियाना तरीका लागू कित्तोर अदिन काजे इद समझौता-वार्ता विफल आता।

13. इगा शीआन घटना ता शांतिपूर्वक हल आता परेके, 15 फरवरी 1937 ते क्वोमिंगतांग ता केंद्रीय कार्यकारिणी कमेटी नानकिंग लोप्पा आता अधिवेशन ता बारे वेहताद मंता।

14. महान चीनी लेखक लू शुन ना वेल्ले पोरोल मत्ता उपन्यास “आहक्यू ना निज्म ता पीटो” लोप्पा आहक्यू मुख्य भूमिका ते मंतोर। लू शुन आहक्यू किन तन्ना पिस्वल लोप्पा आता हार ओसो असफलतांग किन नैतिक लेवेके मानसिक सफलता इंजी वेहसि खुद किन समझे कियानोरा प्रतिनिधि वेहतोर।

15. इगा “तीन जन-सिद्धांत” इत्तेके राष्ट्रवाद, जनवाद ओसो जनता ना पिस्वल ता मूंड समस्यांग ना बारे ते सुन यात-सेन ना उसूल ओसो कार्यक्रम आंदू, ओरा विश्व-दृष्टिकोण ओसो ओरा सैद्धांतिक व्यवस्था आयो। चीन ता पूंजीवादी-जनवादी क्रांति ता मंजिल लोप्पा कम्युनिस्ट लोर डा. सुन यात-सेन ना कार्यक्रम ना मूल पोल्लोंग ना समर्थन कियानोर ओसो सहयोग कियानोर। मति ओर पूंजीवादी, निम्न-पूंजीवादी विश्व-दृष्टिकोण ओसो सैद्धांतिक व्यवस्था ता समर्थन कीवोर। इदिना प्रतिनिधित्व डा. सुन यात-सेन तुकू बिल्कुल अलग विश्व-दृष्टिकोण ओसो सैद्धांतिक दृष्टिकोण तासानोर। कामरेड माओ त्सेतुंग ना रचना “पूना लोकशाही ता बारे ते।”

16. 1924 ते डा. सुन यात-सेन ना पुनर्गठित क्वोमिंगतांग अलग-अलग वर्ग किना क्रांतिकारी संश्रय ता रूप एतता ताना लोप्पा चीनी कम्युनिस्ट पार्टी ता उचुन सदस्य व्यक्तिगत रूप ते शामिल आतोर। 1927 ते क्रांति किन गद्दारी किता पेरके क्वोमिंगतांग कम्युनिस्ट पार्टी ता सदस्य ओसो क्वोमिंगतांग ता (सुन यात-सेन ना मूंड महान नीतिंग ना सच्चे समर्थक मत्तोर) वेल्ले वामपंथी लोरा देशव्यापी कत्लेआम कित्तोर। क्वोमिंगतांग इदिन “पार्टी-शुद्धि आंदोलन” ता पोरोल तासता। अस्केडल क्वोमिंगतांग बेहरा जर्मीदार वर्ग, बड़े पूंजीपति वर्ग ता उंदी प्रतिक्रांतिकारी राजनीतिक पार्टी बनेमाता।

17. इगा 1927 तुकू मुन्ने पार्टी ता केंद्रीय कमेटी ता अवसरवादी नेतृत्व ता कारण ते पुटता परिस्थिति ता बारे ते वेहतद मंता।

लाखों संख्या ते जनता किन
जापान-विरोधी राष्ट्रीय संयुक्त मोर्चा बगिल
वायला काजे कोशिश कीमुट
7 मई 1937

इद भाषण कामरेड माओ त्सेतुंग मई 1937 लोप्पा चीनी कम्युनिस्ट पार्टी ता राष्ट्रीय प्रतिनिधि-सम्मेलन लोप्पा आखिरी ते हीतद मत्ता।

कामरेड्स! हत्ता उचुन दिव्या ना चर्चा पेरके, अलग विचार मंदना उचुन मुल किन विडसी सब्बेतोर नावा रिपोर्ट “जापानी-आक्रमण-विरोधी कालम ते चीनी कम्युनिस्ट पार्टी ता काम” किन मंजूर कित्तोर। वीरा मेतभेद वेल्ले महत्वपूर्ण मंतांग, अदिन काजे नन्ना नावा इद आखरी भाषण लोप्पा मुन्ने ओरा चर्चा कियाकन, ओसो ताना पेरके दूसरा समस्यांग किन पोयकान।

शांति ता सवाल

मावा पार्टी लगभग रेंडु साल एवनल देश लोप्पा आंतरिक शांति काजे संघर्ष कित्ता। क्वोमिंगतांग ता केंद्रीय कार्यकारिणी कमेटी ता तीसरा अधिवेशन पेरके माटु शांति दोरकी कितोम इंजी वेहतोम, “शांति काजे संघर्ष कियाना” मंजिल खत्म आता ओसो मावा पूना काम “शांति किन सुदृढ़ बने कियाना” मंता। माटु इद काम “जनवाद काजे संघर्ष कियाना” संगे जुड़ेमासी मंता इंजी वेहतोम, इत्तेके जनवाद काजे संघर्ष कियाना संगे शांति किन सुदृढ़ बने कियाना मंता। मति उचुन मुल मावा विचार निता

परवो इंजी आल्लिसंतोर। ओर बदो नतिजा तेंडित्तोरो अद इद विचार किन उल्टा आंता लेवेके नडमा झूलेमासि मंदिता। बारांकु ओर “जापान पेरके गुचा मंता,¹ नानकिंग ओसो वेन्ने दुलमुलपन तोहा मंतोर इंजी इंतोर: रेंडु राष्ट्र नडमा ता अंतरविरोध कम आया मंता ओसो स्थानीय अंतरविरोध बेरसा मंता, बदे पूना काम मना मुन्ने हिल्ले, ओसो स्थिति पाडना मंजिल ते हत्ता या तानकु वेन्ने ज्यादा बिगडेमाता इंजी इंतोर। नन्ना इद विचार किन गलत समझेमांतना।”

माटु शांति दोरकी कितोम इंजी इंतोम अस्के अद्रम इत्तेके अद सुदृढ आता इंजी आयो। ताना उल्टा माटु अद सुदृढ हिल्ले इंजी वेहतोमा शान्ति बने कियाना ओसो अद सुदृढ हिल्ले। शांति बने कियाना ओसो अदिन सुदृढ बने कियाना, रेंडु अलग-अलग पोल्लोंग मंतांग। इद इतिहास उचुन कालम काजे मना गति उल्टा दिशा ते दायला हीतेके ओसो शांति लोप्पा बाधा आयना सम्भावना मंता, बारांकु इत्तेके जापानी साम्राज्यवादी, चीनी गद्दार ओसो जापान-समर्थक ग्रुप मंदिता। मति शीआन घटना पेरके शांति बनेमाता, ओसो इद स्थिति वेल्ले तत्व ना उपज आंदू (जापान ता बुनियादी हमलावर नीति, सोवियत संघ ओसो संगेने ब्रिटिश, अमेरिका ओसो फ्रांस चीन ता समर्थन, चीनी जनता ना जवाब, शीआन घटना आतास्के चीनी कम्युनिस्ट पार्टी ता शांति नीति ओसो रेंडु राजनीतिक सत्ता नडमा ता दुश्मनी खत्म कियाना नीति, पूंजीपति वर्ग लोप्पा मतभेद पुटना, क्वोमिंगतांग लोप्पा मदभेद पुटना, लेक्कटव), सिर्फ च्यांग काई-शेक शांति किन बनेकिया या बिगड़े किया परवोर इंजी उंदी सच्चाई आंदू शांति किन बिगड़े कियाला काजे तानकिन वेल्ले ताकात कुना संगे लडेमायला लागियर ओसो जापानी साम्राज्यवाद ओसो जापान-समर्थक ग्रुप ता ओसो ज्यादा हरे दायला लागियर। तीना लोप्पा जापानी साम्राज्यवादी ओसो जापान-समर्थक ग्रुप इंजे वेन्ने चीन लोप्पा गृहयुद्ध जारी मंदाना इंजी डावुट हिल्ला कोशिश किया मंतोर। अद्रमे अदिन काजे ने शांति इंजे सुदृढ आताद हिल्ले। इद परिस्थिति ते माटु “गृहयुद्ध बंद कियाना” या “शांति काजे संघर्ष कियाना” पाडना नारा हीवा लेवा, माकिन मुन्ने दायना जरूरत मंता

ओसो “जनवाद काजे संघर्ष कियाना” पूना नारा पेश कियाना जरूरत मंता। केवल इद्रम कीतेके ने माटु आन्तरिक शांति किन सुदृढ बने किया परितोम ओसो प्रतिरोध-युद्ध किन ताकी किया परितोम। आखिर ते माटु “शांति किन सुदृढ बने कियाना”, “जनवाद काजे संघर्ष कियाना” ओसो “प्रतिरोध-युद्ध ताकि कियाना” मूंड घनिष्ट रूप ते उंदीनकु उंदी जुड़ेमासी मंदाना नारांग बारांकु हींतोम? अदिन काजे माटु मना शांति ता गाड़ा ता पहिया तुकू मुन्ने दायला आल्संतोम, अदिन काजे परिस्थितिंग माकिन इद्रम ता अनुमति हींता। बोर पूना मंजिल ओसो पूना काम किन मानेमायोर ओसो क्वोमिंगतांग “बदलेमाया मंता”, ओसो तीना तर्कसंगत निष्कर्ष रूप ते हत्ता डेढ़ साल लोप्पा शांति काजे संघर्ष कियाना सब्बे ताकत किन दोरकी किताद मंता, अव उचुन वेन्ने मुन्ने हनवा लेवा बद्रम मंता अद्रमे पाड़ना जागा ते मंदानुंग इंजी मानेमांतोम।

वीर कामरेड्स इद्रमता गलत मुल्यांकन बारांकु कींतोर? बारांकु इत्तेके वर्तमान परिस्थिति किन आंकलन कियानास्के ओर बुनियादी पोल्लोंग आयवा, वेल्ले आंशिक ओसो अस्थाई घटनांग (सातो कुना कूटनीति (diplomacy), सूचओ मुकदमा², हड़ताल किना दमन, उत्तर-पूर्वी सेना किन पूर्व बगिल³ लोहना जनरल यांग हू-छंग ना विदेश दायना,⁴ लेक्काटव) नगडल शुरू कींतोर ओसो इद ओरा दिमाग ते उंदी लेक्काटा दुःखी आसी उदितोर। माटु क्वोमिंगतांग बदलेमायना शुरू आता मति पूरा बदलेमाताद हिल्ले इंजी इंतोम। क्वोमिंगतांग ता दस साल ता प्रतिक्रियावादी नीति मावा ओसो जनता ना पूना कोशिश कु लेवेके - मुन्ने तुकू ज्यादा ओसो बेहरा कोशिशकुना लेवा-पूरा बदलेमायना इंजी। वेल्लेटोर, “वामपंथी” (Left) इंतोर, ओर क्वोमिंगतांग ता तीव्र निन्दा कींतोर, ओसो शीआन घटना तास्के ओरु च्यांग किन हौकना ओसो “लड़ेमासोरे-लड़ेमासोरे थुंगक्वान दर्रा तल पेसना”⁵ इंदाना पोल्लो किन अनुमोदन कित्तोर। मति शांति बने किता तुरंत पेरके सूचओ मुकदमा लेक्काटा घटनांग आंतांग, अव आश्चर्य संगे पूछेमांतांग “च्यांग काई-शेक इंजे वेन्ने इद्रम बारांकु कींतोर?” ओरकिन कम्युनिस्ट लोर वेने पेन आयो

औसो च्यांग काई-शेक वेने पेन आयो, ओरु अलग-अलग मानेय आंदुर, ओरु तन्ना-तन्ना पार्टी ओसो तन्ना-तन्ना वर्ग ता सदस्य आंदुर इंजी समझेमायना। कम्युनिस्ट पार्टी क्रांति किन तीरम-तीरम मुन्ने ओयला काजे तैयार मंतोर, मति उंदी नरका तचेने देश ता सब्बे गलत चीजकुन खत्म कियाला अद समर्थ हिल्लेरा। च्यांग काई-शेक ओसो क्वोमिंगतांग बदलेमाया मंतोर, मति सब्बे जनता ना ओसो बेहरा कोशिश कु लेवेके ओरा दस साल तल जमा आता गंदगी जल्दी साफ किया परमूडायो। माटु आंदोलन शांति, जनवाद ओसो प्रतिरोध-युद्ध बगिल दाया मंता इंजी इंतोम, मति गृहयुद्ध, तानाशाही ओसो प्रतिरोध-हीनता लेक्काटा पाड़ना खराब चीजकु लेवा कोशिश ते साफ आंता। संघर्ष ओसो कड़ी मेहनत कीसि ओसो उंदी लम्बा समय ता संघर्ष, मेहनत परेके पाड़ना गंदगी किन साफ किया परितोम ओसो क्रांति लोप्पा असफलता किन ओसो ताना गति उलटेमायना सम्भावना किन दूर किया परमूडंता।

“ओर मावा नाश कियाला आल्सा मंतोरा।” इंगो, ओर हमेशा मावा नाश कियाना कोशिश कींतोरा। नन्ना इद मूल्यांकन सही मंता इंजी मानेमांतान, ओसो बोर इदिना पोरो ध्यान हीवोर, ओर डोलता लेक्का हुंजसी मंतोर इंजी समझेमायना। मति ओरा नाश कियाना तरीका ते बदे बदलाव आता या हिल्ले। इंदानदु समझेमायो। युद्ध ओसो नर-संहार ता नीति ता बदला ते सुधार ओसो धोखेबाजी ता नीति, कठोर नीति ता बदला ते नरम नीति, ओसो फौजी नीति ता बदला ते राजनीतिक नीति - इद्रमता सुधार आता। इद्रम ता बदलाव बारांकु आता? जापानी साम्राज्यवाद ता सामना आतास्के पूंजीपति वर्ग ओसो क्वोमिंगतांग अस्थाई रूप ते सर्वहारा वर्ग लोप्पा तन्ना संश्रयकारी परहकवा लेवा मंदा परवोर- अद्रमे पूंजीपति वर्ग लोप्पा माटु मना संश्रयकारी परहकना। बदे सवाल पोरो विचार कियानास्के मनम उंदी प्रस्थान - बिंदु (point of departure) मानेमायना। अन्तरराष्ट्रीय क्षेत्र लोप्पा इदे कारण फ्रांस सरकार सोवियत संघ ता दुश्मन बनेमायना जागा ते सहयोगी बनेमाता।⁶ मावा स्थानीय कार्य वेन्ने फौजी ता जागा ते राजनीति बनेमाता। मावा काजे षडयंत्र ओसो

चालबाजी जरूरत हिल्ले। मावा उद्देश्य पूंजीपति वर्ग ओसो क्वोमिंगतांग ता सब्बे तत्व संगे एकता कियाना, अव जापान ता प्रतिरोध कियाना काम ता समर्थन कींतोर, संयुक्त कोशिश संगे जापानी साम्राज्यवाद किन हारे कियाना मंता।

जनवाद ता सवाल

“जनवाद पोरो जोर हियाना गलत आंदू, माटु केवल जापान ता प्रतिरोध कियाना पोरो ने जोर हियाना। जापान ता खिलाफ प्रत्यक्ष कार्यवाही लेवा बदे जनवादी आंदोलन आया परवो। ज्यादातर जनता केवल जापान ता प्रतिरोध कियाला आल्सा मंता, अद जनवाद काजे आल्सोरे हिल्ले: 9 दिसम्बर आंदोलन लेक्काटा उंदी आंदोलन ओसो आतेके काम आंता।”

मुन्ने नन्ना उचुन सवाल कियाना हत्ता मंजिल ते (1935 ता 9 दिसम्बर आंदोलन तल फरवरी 1937 ता क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन एवनल) ज्यादातर जनता केवल जापान ता प्रतिरोध कियाला आल्सोरे मत्तोर, आन्तरिक शांति काजे आल्सोरा? हत्ता दिव्याने आन्तरिक शांति पोरो जोर वाटना गलत मत्ता? जापान ता खिलाफ प्रत्यक्ष कार्यवाही लेवा शांति आंदोलन आया परवो (शीआन घटना ओसो क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन स्वेव्वान लोप्पा प्रतिरोध-युद्ध खत्म आतास्केने बेस आता: इंजे वेन्ने मावा मुन्ने स्वेव्वान लोप्पा प्रतिरोध-युद्ध या 9 दिसम्बर आंदोलन लेक्काटा बाता आताद हिल्ले)? जापान ता प्रतिरोध कियाला काजे आन्तरिक शांति ता जरूरत मंता इंजी सब्बेतोर पुत्तोर, आन्तरिक शांति लेवा जापान ता प्रतिरोध कियानायो ओसो आन्तरिक शांति जापान ता प्रतिरोध कियाना उंदी शर्त मंता। मुन्नेटा मंजिल लोप्पा जापान ता प्रतिरोध कियाना सब्बे प्रत्यक्ष ओसो अप्रत्यक्ष कार्यवाहिंग (9 दिसम्बर आंदोलन तल पोयसी क्वोमिंगतांग ता केंद्रीय कार्यकारिणी कमेटी ता तीसरा पूर्ण अधिवेशन एवनल), आन्तरिक शांति काजे कियाना

संघर्ष ता आसपास वेलियंता। मुन्नेटा मंजिल ता आन्तरिक शांति केंद्रीय कड़ी मत्ता ओसो जापान-विरोधी आंदोलन ता सबसे मूलभूत वस्तु मत्ता।

अद्रमे नेटा पूना मंजिल ते जापान ता प्रतिरोध कियाना काम काजे जनवाद वेन्ने सबसे मूलभूत वस्तु आंदु, ओसो जनवाद काजे काम कियाना इत्तेके जापान ता प्रतिरोध कियाना काम आंदू। जापान प्रतिरोध ओसो आन्तरिक शांति, जनवाद ओसो आन्तरिक शांति वरोनकु- वरोना जरूरी शर्त आंदु अद्रमे जापान ता प्रतिरोध ओसो जनवाद उंदीनकु- उंदीनकु जरूरी शर्त आंदू। जनवाद जापान ता प्रतिरोध कियाना गारंटी मंता ओसो जापान ता प्रतिरोध कीतेके जनवादी आंदोलन ता विकास काजे अनुकूल परिस्थिति पुटिता।

पूना मंजिल लोप्पा जापान खिलाफ वेल्ले प्रत्यक्ष ओसो अप्रत्यक्ष संघर्ष जरूर आयनुंग इंजी माटु आशा कीतोमा। इविनगडल प्रतिरोध-युद्ध किन तेज आयला ओसो जनवादी आंदोलन किन वेल्ले सहायता आयरा। मति इतिहास ता मनाकिन सौपे कित्ता क्रांतिकारी काम ता केंद्रीय ओसो मूलभूत वस्तु जनवाद दोरकी कियाना आंदू। इत्तेके जनवाद पोरो जोर हीसोरे मंदाना गलत आंता? नावा हिसाब ते इद गलत हिल्ले।

“जापान पेरेके गुच्चा मंता, ब्रिटेन ओसो जापान बराबरी (संतुलन) बगिल दाया मंता ओसो नानकिंग ओसो ज्यादा दुलमुल आया मंता।” इद उंदी बेकार ता टेंशन आंदु, अद ऐतिहासिक विकास ता नियम किन पुनवा कारण ते पुटता। मना देश लोप्पा क्रांति ता कारण ते जापान असल ते पेरेके गुचतेके चीनी क्रांति किन सहायता आंता। इद उंदी पोल्लो माटु आशा कियाना लेक्का मंदिता ओसो इद आक्रमणकारी विश्व-मोर्चा ता ध्वंस ता शुरुआत आयारा। माटु बारांकु परेशान आयना? मति असल इत्तेके अद्रम आयो। सातो ना कुटनीतिक चाल उंदी युद्ध ता तैयारी आंदू ओसो उंदी बेहरा युद्ध मावा मुन्ने मंता। ब्रिटेन ता दुलमुल नीति जरूर गलत साबित आयरा। ब्रिटेन ओसो जापान ता विचार ते टकराव आंदू। नानकिंग लम्बा समय एवनल दुलमुल आसी मत्तेके पूरा देश ता जनता ना दुश्मन बनेमांता, ओसो खुद ताना हित काजे अनुमति हीवो। पेरेके गुचना बदे अस्थाई घटना

इतिहास ता आम नियम किन बदले किया परवो। अदिन काजे पूना मंजिल ता अस्तित्व किन ओसो जनवाद दोरकी कियाना काम प्रस्तुत कियाना जरूरत किन मानेमायमूडांता। इदे आयवा, जनवाद ता नारा हर परिस्थिति लोप्पा सही मंता बारांकु इत्तेके हर मानेय चीनी जनता लोप्पा जनवाद वेल्ले कम मंता, ज्यादा हिल्ले इंजी पुतोर। असल ते परिस्थिति वेन्ने स्पष्ट रूप ते पूना मंजिल बगिल इशारा कियाना ओसो जनवाद दोरकी कियाना काम किन प्रस्तुत कियाना इत्तेके प्रतिरोध-युद्ध ता दिशा लोप्पा उंदी डाका ओसो मुन्ने दायाना इंजी मंता। घटना-क्रम मुन्ने हत्ता: मनाकिन तान पेरेके पिडंगना कोशिश कियानायो।

“राष्ट्रीय एसेम्बली पोरो अचोन जोर बारांकु हींतोम?” बारांकु इत्तेके अदिना प्रभाव मना पूरा पिस्वल पोरो अरिंता, अदिन काजे अद प्रतिक्रियावादी तानाशाही तल जनवाद एवनल एव्वला काजे उंदी सेतु आंदु, अद बारांकु इत्तेके इद राष्ट्रीय प्रतिरक्षा संगे जुड़ेमासी मंता ओसो अद उंदी कानूनी संस्था आंदू पूर्वी हपे ओसो उत्तरी छाहाड़ पोरो ओसो अधिकार कियाला, चुंगीचोरी ता विरोध कियाना, “आर्थिक सहयोग” ता विरोध कियाना लेक्काटा प्रस्ताव वेल्ले मुल तास्तोर, ओर सब्बे बिल्कुल सही मंतोर: मति ओर जनवाद काजे लड़ेमायाना या राष्ट्रीय एसेम्बली कियाना काम संगे बिल्कुल टकरे मायोर। रेंडासी वरोनकु वरोना कमी पूरा कींता, मति केंद्रीय वस्तु राष्ट्रीय एसेम्बली ओसो जनता ना आजादी आंदू।

जापान ता खिलाफ रोज ता संघर्ष किन ओसो पिस्वल काजे जनता ना संघर्ष किन जनवादी आंदोलन संगे सम्बद्ध कियाना इद बिल्कुल सही ओसो साबित आत्ताद मंता। मति वर्तमान मंजिल लोप्पा केंद्रीय ओसो मूलभूत वस्तु जनवाद ओसो आजादीए आंदू।

क्रांति ता वायना कालम ता सवाल

उचुन मुल सवाल कितोर ओसो नावा उत्तर संक्षिप्त आया परिंता।

उंदी लेख रासनास्के ताना आखिरी पहरा ताना पहला पहरा रास्तेकने रासमूड़ांता। जनवादी क्रांति ता दृढ़ता संगे नेतृत्व कियाना समाजवाद ता सफलता काजे उंदी पहली शर्त आंदू। माटु समाजवाद काजे लड़ेमाया मंतोम ओसो अदिन काजे माटु क्रांतिकारी “मूंड जन-सिद्धांत” किन मानेमायनोरगड़ल अलग मंतोम। मावा वर्तमान कोशिश वायना महान उद्देश्य ता सफलता काजे ने आंदू, माटु इद उद्देश्य किन मना कौंडा तल जेक कींतोम, अस्के माटु कम्युनिस्ट मन्नोम आंतोम। मति माटु मना वर्तमान कोशिश ते कमजोरी वायला हीतेके वेन्ने माटु कम्युनिस्ट मन्नोम आंतोम।

माटु क्रांति ता संक्रमण (transition) ता सिद्धांत⁸ किन मानेमायनोरम आंदुर ओसो माटु जनवादी क्रांति ता समाजवाद बगिल संक्रमण कियाना पक्ष एतितोम। जनवादी क्रांति जनवादी गणराज्य ता नारा ता अनुसार मना विकास ता बचोनो मंजिल किन पार कींता। पूंजीपति वर्ग ता प्रधानता ता परिस्थिति किन सर्वहारा वर्ग ता प्रधानता ता परिस्थिति ते बदलेमायना संघर्ष ता उंदी लम्बा प्रोसेस मंता, नेतृत्व दोरकी कियाना संघर्ष ता प्रोसेस कम्युनिस्ट पार्टी सर्वहारा वर्ग ता चेतना ओसो संगठन ता स्तर, किसान ओसो शहरी निम्न-पूंजीपति वर्ग ता चेतना ओसो संगठन ता स्तर बचोन पोरो तेहिंता इंदाना संघर्ष लोप्पा सफलता दोरकी कियाना शर्त पोरो निर्भर मंता।

सर्वहारा वर्ग ता सुदृढ़ संश्रयकारी (ally) किसान लोर मंदितोर। ताना पेरके शहरी निम्न-पूंजीपति वर्ग वांता। नेतृत्व हासिल कियाना पूंजीपति वर्ग मना संगे पोटी आंतोर।

पूंजीपति वर्ग ता दुलमुलपन (vacillation) ओसो ताना क्रांतिकारी भावना ता कमि पोरो काबू कियाला काजे मना किन जन-समुदाय ता ताकत ओसो मना सही नीति पोरो निर्भर मंदाना। लेवके पूंजीपति वर्ग सर्वहारा वर्ग तुक पोरो दांता।

माटु नेतुर पोहवा संक्रमण जरूर आल्संतोम, अदिन काजे मनम पूरा कोशिश वेन्ने कियाना। मति इदू जन-समुदाय ता शक्ति पोरो ने निर्भर आंता।

माटु क्रांति ता संक्रमण ता सिद्धांत किन माने मानतोम, इत्तेके “स्थाई क्रांति” ता त्रात्सकीवादी सिद्धांत^१ किन आयो। माटु जनवादी गणराज्य ता सब्बे जरूरी मंजिल किन वेंडसी समाजवाद ता स्थापना कियाना समर्थन कीतोमा। माटु तोकावाद ता विरोध कीतोम, संगेने दुस्साहसवाद (adventurism) ओसो पटापट (impetuosity) ता वेन्ने विरोध कीतोमा।

पूजीपति वर्ग क्रांति लोप्पा केवल अस्थाई रूप ते ने शामिल आंता इंदाना पोरो आधार आसी तानकि ठुकरे कियाना ओसो पूजीपति वर्ग ता जापान-विरोधी हिस्सा संगे संश्रय किन (उंदी अर्ध-औपनिवेशिक देश ते) आत्मसमर्पणवाद इंदाना त्रात्सकीवादी रुझान मंता, ताना संगे माटु सहमत मन्नोमा। नेंडु समाजवाद एवनल एव्वना काजे अद पुलिया (संश्रय) किन पार कियाना जरूरी मंता।

कार्यकर्ता लोरा सवाल

उंदी महान क्रांति ता मार्गदर्शम कियाला काजे उंदी महान पार्टी ओसो वेल्ले बेसता कार्यकर्ता लोर मंदाना। 45 करोड़ जनता मंदना चीन लोप्पा नेतृत्व उंदी सुडला ग्रुप कैदे ने मत्तेके, पार्टी ता नेता ओसो कार्यकर्ता लोर संकुचित दिमाग तोरे मत्तेके ओसो अदूरदर्शी ओसो असमर्थ मत्तेके, अस्के इतिहास लोप्पा अभूतपूर्व मंदाना उंदी महान क्रांति किन पूरा कियाना असम्भव आयर। चीनी कम्युनिस्ट पार्टी वेल्ले दियानल उंदी राजनीतिक पार्टी मंता। ओसो प्रतिक्रियावादी कालम ते नुकसान आतेकाई नेंडु वेन्ने उंदी बेहरा राजनीतिक पार्टी मंता। ताना लोप्पा वेल्ले बेसता नेता ओसो कार्यकर्ता लोर मंतोर, मति ताना संख्या इंजे वेन्ने वेल्ले कम मंता। मावा पार्टी-संगठन किन पूरा देश लोप्पा फैले कियाना, ओसो मना किन जागरूक आसी हजारों कार्यकर्ता ओसो सैकड़ों बेसता नेता लोर किन

प्रशिक्षित कियाना। कार्यकर्ता लोर ओसो नेतालोरा लोप्पा मार्क्सवाद-लेनिनवाद ता समझदारी मंदाना, राजनीतिक दूरदर्शिता मंदाना, काम कियाना योग्यता मंदाना, आत्म-त्याग ता भावना मंदाना, ओसो ओरकिन हर कठिनाई लोप्पा डटेमासी मंदाना, राष्ट्र, वर्ग ओसो पार्टी ता सेना तन-मन ते ओसो इमानदारी ते कियाना लेक्का मंदाना। वीर कार्यकर्ता, नेतालोरा भरोसा तेने पार्टी तन्ना सदस्य ओसो आम जनता संगे संबंध बने कीता, ओसो आम जनता पोरो तन्ना सुदृढ़ नेतृत्व ता भरोसा तेने पार्टी तन्ना दुश्मन किन हारे किया परित्ता। इद्रम ता कार्यकर्ता ओसो नेतालोरा स्वार्थ, व्यक्तिगत पराक्रमवाद (individualistic heroism), व्यक्तिगत प्रसिद्ध ता इच्छा, आलसीपन, निष्क्रियता ओसो गौरवपूर्ण संकीर्णतावाद (sectarian arrogance) तल जेक मंदाना ओसो ओर किन निःस्वार्थ राष्ट्रीय वीर ओसो वर्ग-वीर बनेमायनाः मावा पार्टी सदस्य, कार्यकर्ता लोर ओसो नेतालोरगडल इद्रम ता गुण ओसो इद्रम ता कार्यशैली ता मांग कियमूडांता। इद्र मानसिक विरासत आंदु इदे मना हजारों पार्टी-सदस्य, हजारों कार्यकर्ता ओसो हजारों बेसता नेता लोर तम्मा जीवा हीतोर। जरूर माटु इद्रम ता गुण ओसो कार्यशैली किन लागू कियाना अस्केने माटु ओसो बेस मना पुनःसंस्कार कीयमूडांता ओसो मना किन क्रांतिकारी स्तर किन पोरो तेहा परितोमा। मति इद्रम कीतेने हालो, मावा कर्तव्य पूरा पार्टी ओसो पूरा देश लोप्पा वेल्ले पूना कार्यकर्ता, नेता लोरकिन परहकना। मावा क्रांति कार्यकर्ता लोरा पोरो ने निर्भर मंता- स्तालिन वेहता लेक्का “सब्बे कार्यकर्ता लोरा पोरो निर्भर मंदिता”¹⁰

पार्टी लोप्पा जनवाद ता सवाल

इद्र उद्देश्य किन दोरकी कियाला काजे पार्टी लोप्पा जनवाद मंदना जरूरी मंता। मना पार्टी किन शक्तिशाली बने कीतेके, माटु सब्बे पार्टी-सदस्य लोरा पहलकदमी किन प्रोत्साहन कियाला काजे पार्टी ता जनवादी केंद्रीयता पोरो अमल कियाना। प्रतिक्रियावाद ओसो गृहयुद्ध लोप्पा केंद्रीयता ज्यादा दिस्ता। पूना कालम ता केंद्रीयता किन जनवाद संगे घनिष्ठ

रूप ते जोड़े कियाना। जनवाद किन अमल कियाना पूरा पार्टी ता पहलकदमी ता विकास कियाना। पूरा पार्टी ता पहलकदमी ता विकास कितेके वेल्ले पूना कार्यकर्ता लोर पेसितोर, संकीर्णतावाद ता अवशेष दूर आयनुंग, ओसो पूरा पार्टी लोप्पा इद्रम ता सुदृढ़ एकता बनेमांता।

सम्मेलन ता एकता ओसो पूरा पार्टी ता एकता

इद सम्मेलन लोप्पा राजनीतिक समस्यांग पोरो बदो भिन्न मत प्रकट कीसि मत्ता, स्पष्टीकरण पेरके ताना बारे ते एकमत बने मत्ताद मंता, पार्टी ता केंद्रीय कमेटी लाईन ओसो उचुन कामरेड्स ना नेतृत्व ते मानेमाता पेरके गुचना लाईन नडमा मंदांना पाडना मतभेद वेन्ने हल आता।¹¹ मना पार्टी लोप्पा इंजे वेल्ले सुदृढ़ एकता बनेमाता। इद्रमता एकता वर्तमान राष्ट्रीय, जनवादी क्रांति काजे सबे तल ज्यादा महत्वपूर्ण आधार आंदू, बारांकु इत्तेके केवल कम्युनिस्ट पार्टी ता एकता संगे ने पूरा वर्ग ओसो पूरा राष्ट्र ता एकता संगेने दुश्मन किन हारे किया परमूडांता ओसो राष्ट्रीय, जनवादी क्रांति पूरा किया परमूडांता।

लाखों-लाख जनता किन जापान-विरोधी

राष्ट्रीय संयुक्त मोर्चा लोप्पा जीड़ना कोशिश कियाना

मावा सही राजनीतिक नीति ओसो सुदृढ़ एकता ता उद्देश्य आंदू, लाखों-लाक जनता किन जापान-विरोधी राष्ट्रीय संयुक्त मोर्चा लोप्पा जीड़ना। सर्वहारा वर्ग, किसान वर्ग ओसो शहरी निम्न-पूंजीपति वर्ग ता व्यापक जन-समुदाय किन मना प्रचार-काम, आंदोलन-काम ओसो संगठन-काम ता जरूरत आंदू। ओसो पूंजीपति वर्ग ता जापान-विरोधी हिस्सा संगेने गोती आयला काजे माकिन ओसो कोशिश कियाना। पार्टी ता नीति किन जन-समुदाय ता नीति बने कियाला काजे माटु वेल्ले समय एवनल लगातार, पक्का लक्ष्य संगे, वेल्ले मेहनत संगे, बचोन मुशिकल वातेकाई वेरियवा लेवा हिम्मता संगे कोशिश कियाना। इद्रम ता कोशिश केवा लेवा

माटु बदे वेन्ने काम सफल किया परवोम। जापान-विरोधी राष्ट्रीय संयुक्त मोर्चा बने कियाना ओसो तानकिन सुदृढ़ बने कियाना, ताना काम पूरा कियाना ओसो चीन लोप्पा जनवादी गणराज्य ता स्थापना कियाना - इव सब्बे काम जनता किन मना पक्ष ते कियाना कोशिश तल उचुन वेन्ने जेक कियमूडायो। इद्रम ता कोशिश ते माटु कोटि-कोटि जनता किन मना नेतृत्व लोप्पा तत्ताला सफल आतेके मना क्रांतिकारी काम जल्दी पूरा आया परिंता। मना कोशिश तल माटु जरूर जापानी साम्राज्यवाद किन हारे किया परिंतोम ओसो पूर्ण राष्ट्रीय, सामाजिक मुक्ति दोरकी किया परिंतोम।

नोट

1. शीआन घटना पेरके जापानी साम्राज्यवाद अस्थाई रूप ते ओसो पोरो रास्ता समझौता ता रुझान लागू कित्ता। बारांकु इत्तेके क्वोमिंगतांग अधिकारी लोरकिन आन्तरिक शांति, अदिना पुनस्थापना किसोरे मत्तोर, ओसो जापान-विरोधी राष्ट्रीय संयुक्त मोर्चा बने कियाना ताकसोरे मत्ता, अदिन भंग कियाला काजे तैयार कियाना इंजी। दिसम्बर 1936 लोप्पा ओसो मार्च 1937 लोप्पा जापानी साम्राज्यवाद भीतरी मंगोलिया ता बोगस स्वायत्त सरकार किन रेंडु बेरा - अद खुला लेटर लोहची नानकिंग ता क्वोमिंगतांग सरकार ता समर्थन कियाना इंजी निर्देश हीतोरा। जापान ता विदेश मंत्री साताल च्यांग काई-शेक किन लालच हियाना शुरू कित्तोर ओसो वेल्ले चालाकी ते जापान चीन तल तन्ना सम्बंध जरूर सुधरे कींता ओसो चीन ता राजनीतिक एकीकरण ओसो आर्थिक पुनरुद्धार लोप्पा चीन ता सहायता कींता इंजी। तीना अतिरिक्त जापान ता वरोर करोड़पति केंजी कोदामा ना नेतृत्व ते उंदी “आर्थिक अध्ययन दल” चीन ते वाता ताना लक्ष्य “उंदी आधुनिक राज्य ता गठन पूरा कियाना” लोप्पा चीन ता सहायता कियाना मत्ता। मति इव सब्बे आक्रमण ता षडयंत्र मत्तांग “सातो ना कुटनीति” ओसो जापानी साम्राज्यवाद ता भ्रमजाल ते अरता लोकरा हिसाब ते “जापान ता पेरके गुचना” इत्तेके आक्रमण ता इवे षडयंत्र कुना बारे वेहानोरा।

2. नवम्बर 1936 लोप्पा क्वोमिंगतांग सरकार शांघाई लोप्पा जापान ता प्रतिरोध कियाला ओसो देश किन बचे कियाना आंदोलन ते नेता शन च्युन-रू ओसो दूसरा छः लोकर किन गिरफ्तार कित्तोर। अप्रैल 1937 ते सुचओ ता क्वोमिंगतांग हाईकोर्ट लोप्पा ओरा पोरो मुकदमा ताकता। क्वोमिंगतांग अधिकारी लोर ओरा पोरो “गणराज्य किन

खतरा ते वाटना” झूठा आरोप वाटतोर: सब्बे देशभक्तीपूर्ण आंदोलन ता खिलाफ ओर हमेशा इद पाडना प्रतिक्रियावाद ता पाटा पारितोर।

3. शीआन घटना ता मुन्ने उत्तर-पूर्वी सेना शेनशी ओसो कानसू ता सीमा पोरो डेरा वाटसी मत्तोर ओसो ताना उत्तरी शेनशी लोप्पा मंदाना लाल सेना संगे सीधा सम्पर्क मत्ता। अदिन काजे ताना पोरो लाल सेना ता गहरा प्रभाव अरता। बारांकु इत्तेके ताना कैदे शीआन घटना आसी मत्ता। लाल सेना तल ता सम्पर्क देहला ओसो ताना लोप्पा फूट वाटला काजे क्वोमिंगतांग प्रतिक्रियावाद मार्च 1937 लोप्पा पूर्व बगिल हनान ओसो आनह्वेइ दायाना कडा आदेश हीतोर।

4. जनरल यांग हू-छंग चीन ता उत्तर-पश्चिम ते मंदाना वरोर फौजी नेता मत्तोर, ओर चांग शे-ल्यांग ना संगे कलियसी शीआन घटना ता सूत्रपात कितोर। अदिन काजे शीआन घटना ता इरवुर सूत्रधार लोरा पोरोल कलियसी साधारण बोलचाल ते “चांग-यांग” आतोर। च्यांग कार्ड-शेक किन रिहा कितोर, अस्के चांग ओरकिन नानकिंग एवसी कितोर, मति चांग किन तुरंत नजरबंद कितोर। अप्रैल 1937 ते यांग किन वेन्ने क्वोमिंगतांग प्रतिक्रियावादिर अपदस्थ कितोर ओसो ओरकिन मजबूर आसी विदेश दाय्या लागता। प्रतिरोध-युद्ध शुरू आतास्के, ताना सेनांग अर्पित कियाला काजे यांग चीन वापिस वातोर। मति च्यांग कार्ड-शेक ओरकिन पिस्ता पिस्वल काजे जेल ते वाटतोर। सितम्बर 1949 लोप्पा जन-मुक्ती सेना छुंगकिंग एवसोर मत्ता अस्के त्यांग अगा ओरकिन उंदी नजरबंदी कैम्म ते हौक्तोर।

5. थुंगक्वान दर्रा शेनशी, हनान ओसो शानशी ता सीमा पोरो सामरिक महत्व ता हरी मंता। शीआन घटना तास्के क्वोमिंगतांग सेना मुख्य रूप ते ताना पूर्व ते डेरा वाटसी मत्ता। पार्टी लोप्पा “वामपंथी” इंदानोर (चांग क्वा-थाओ वरोर मत्तोर) लाल सेना किन “लडेमासोरे-लडमासोरे थुंगक्वान दर्रा तल पेसिस दायना इंजी आग्रह कितोर।” इत्तेके क्वोमिंगतांग सेना पोरो आक्रमण कियाना। इद प्रस्ताव पार्टी ता केंद्रीय कमेटी इद नीति ता विरुद्ध मत्ता कि शांतिपूर्ण तरीका ते हल कियाना इंजी।

6. रूस ता अक्तूबर क्रांति पेरके वेल्ले दिव्या एवनल फ्रांसीसी साम्राज्यवाद सोवियत संघ ता बारे ते दुश्मनी तासना नीति पोरो अडिग मत्तोर। अक्तूबर क्रांति ता उचुन समय पेरके 1918 तल 1920 एवनल सोवियत संघ ता विरुद्ध चौदह राज्य ता सशस्त्र हस्तक्षेप ते फ्रांस सरकार सक्रिय शामिल आतोर। हस्तक्षेप ता असफल आता पेरके वेन्ने अद सोवियत संघ कि अलगाव ते तासना प्रतिक्रियावादी नीति पोरो तार्कीता। मई 1935 ते फ्रांस फ्रांसीसी जनता लोप्पा सोवियत संघ ता शांति नीति ता प्रभाव बेरसना ओसो फासिस्ट जर्मनी ता धमकी ना कारण सोवियत संघ संगे आपसी सहायता ता समझौता कित्ता। मति फ्रांस ता प्रतिक्रियावादी सरकार इद समझौता पोरो ईमानदारी संगे कित्ताद हिल्ले।

7. अगा जापानी साम्राज्यवाद पेश किता “चीन-जापान आर्थिक सहयोग” ता धोखा हियाना नारांग ना बारे वेहताद मंता। इद नारा ता उद्देश्य चीन ता आर्थिक क्षेत्र लोप्पा लूट-खसोट ओसो हमला कियाना।—अनु.

8. मार्क्स ओसो एंगेल्स, “कम्युनिस्ट पार्टी ता घोषणा पत्र”, भाग 4: वी.आई. लेनिन, “जनवादी क्रांति लोप्पा सामाजिक-जनवादी पार्टी ता रेंडु कार्यनीतिग”, भाग 12 ओसो 13; “सोवियत संघ ता कम्युनिस्ट पार्टी (बोलशेविक इतिहास, संक्षिप्त कोर्स,” भाग 3, परिच्छेद 3।

8. जे.वी. स्तालिन, “लेनिनवाद ता समस्यांग ना बारे ते”, भाग 3।

9. जे.वी. स्तालिन, “लाल सेना अकादमि ना स्नातक लोरा मुन्ने क्रेमलिन महल लोप्पा भाषण”, मई 1935 इद भाषण लोप्पा ओरु “..दुनिया ता सबसे मूल्यवान पूंजीवाद ते सबसे मूल्यवान ओसो निर्णायक मानेय ओसो कार्यकर्ता लोर मंतोरा। मना वर्तमान परिस्थिति लोप्पा ‘सब्बे कार्यकर्ता लोरा तय किंतोर’ इंजी समझेमायाना।”

10. इगा अद मतभेद ता बारे ते वेहताद मंता, 1935-36 लोप्पा पार्टी ता केंद्रीय कमेटी लाईन ओसो चांग क्वो-थाओ ना पेरके गुचना लाईन ता बारे ते, नोट22)। इगा कामरेड माओ त्सेतुंग “पाड़ना मतभेद...हल आता इंजी इतोर”, इद तथ्य बगिल लाल सेना ता चौथी मोर्चा-सेना केंद्रीय लाल सेना ता दस्ता संगे कलियाता। चांग क्वो-थाओ ना खुलेआम पार्टी ता बारे ते गद्दारी कियाना ओसो खत्म आसी उंदी प्रतिक्रांतिकारी बनेमायना सवाल ओना व्यक्तिगत गद्दारी ता काम मत्ता ओसो पार्टी ता लाईन सम्बंधी मतभेद संगे तीना बदे संबंध हिल्ले।

व्यवहार ता बारे ते

ज्ञान ओसो व्यवहार,

पुंदाणा ओसो कियाना ता आपसी संबंध बारे

जुलाई 1937

मावा पार्टी लोप्पा उचुन मुल कठमुल्लावादी (dogmatists) मत्तोर, ओर उंदी लम्बा समय एवनल चीनी क्रांति ता अनुभव किन मानेमायो, ओसो इदे आयो ओर "मार्क्सवाद कठमुल्लावादी-सूत्र आयो, अद काम तुन हरि तोहनोर आंदू वेन्ने मानेमायो।" ओरु मार्क्सवादी लेखकुनगडल इचुन लाईनकु लेवेके पोल्लोकुन तना घटना तुक अलग कीसि अविन रटे कीदूर ओसो ओरा संगे लोकुरा पोरो रोब-दाब कीदूर। उचुन कामरेड्स अनुभववादी (empiricists) मत्तोर, ओर वेल्ले दिव्या एवनल तना आंशिक अनुभव तल टूडेमासी मत्ता कारण ते क्रांतिकारी व्यवहार काजे क्रांतिकारी सिद्धांत कुना महत्व किन समझेमायोर ओसो क्रांति ता सम्पूर्ण परिस्थिति किन वेन्ने हूडा परवोर। इद्र तोर कोण्डा पिहची (अन्धा) काम कीतोर, मति ओर वेल्ले मेहनत ते काम कीतोर। इव रेंडु रकम ता कामरेड्स, खासकर कठमुल्लावाद ता गलत विचार कुना कारण ते 1931-34 लोप्पा चीनी क्रांति किन वेल्ले नुकसान आया लागता। खासकर कठमुल्लावाद मार्क्सवाद ता गेतले मुचिसि वेल्ले कामरेड्स किन गुमराह कित्तोर। "व्यवहार ता बारे ते" पोरोल ता लेख कामरेड माओ त्सेतुंग पार्टी लोप्पा मार्क्सवादी ज्ञान-सिद्धांत ता दृष्टिकोण ता अनुसार कठमुल्लावाद ओसो अनुभववाद, खासकर कठमुल्लावाद लेक्काटा मनोगतवादी (subjectivist) गलतिंग ना पर्दाफाश कियाला काजे रास्सि मत्तोर। तीना पोरोल "व्यवहार ते बारे ते" अदिन काजेने तास्तद मत्ता, बारांकु इत्तेके तीना लोप्पा कठमुल्लावादी रकम ता मनोगतवाद, व्यवहार किन कम महत्व हींता, इदिना पर्दाफाश कियाना पोरो जोर वाटतद मंता। इद लेख ता विचार कामरेड माओ त्सेतुंग येनान लोप्पा जापान-विरोधी सैनिक, राजनीतिक कालेज लोप्पा भाषण ता रूप ते पेश कित्तोर।

मार्क्स तुकू मुन्नेटा भौतिकवाद (materialism), ज्ञान ता समस्या ता आकलन (examined) मानैयना सामाजिक प्रकृति तल अलग कीसि, ऐतिहासिक विकास तल अलग कीसि कीदूर, अदिनके ज्ञान, सामाजिक

व्यवहार (social practice) पोरो, इत्तेके उत्पादन (production) ओसो वर्ग-संघर्ष (class struggle) पोरो आधार आसि मंदिता इंदना समझेमायोरा।

पहली पोल्लो, मार्क्सवादीर लोकर उत्पादन ता कार्यवाही किन सबसे मोदलता (fundamental) व्यवहारिक कार्यवाही इंजि मानेमांतोर, इदे उंदी कार्रवाई दूसरा सब्बे कार्यवाहिंग किन तय कींता। मानेय ना ज्ञान (knowledge) मुख्य रूप ते ताना भौतिक उत्पादन ता कार्यवाही पोरो निर्भर मंदिता, अद कदम-ब-कदम प्राकृतिक घटना-क्रम, प्रकृति नड्मा संबंध ता जानकारी हासिल कींता, ओसो तन्ना उत्पादन कार्यवाही संगे कदम-ब-कदम मानेय ओसो मानेय ना नड्मा मंदना सम्बंध ता जानकारी वेन्ने अलग-अलग हासिल कीसोर दांता। इद्रम ता बदे वेन्ने ज्ञान उत्पादन कार्यवाही तल अलग मंजी हासिल कियमूडायो। उंदी वर्गहीन समाज लोप्पा हर मानेय समाज ता उंदी सदस्य लेक्का मंजी समाज ता दूसरा सदस्य लोरा संगे कलियसी मेहनत किंता, ओरा संगे उंदी निश्चित उत्पादन-सम्बंध बने कियाना ओसो मानेय ना भौतिक जरूरत किन पूरा कियाला काजे उत्पादक कार्यवाही कियमूंडांता। अलग-अलग रकम ता वर्ग-समाज लोप्पा, समाज ता सब्बे वर्ग ता सदस्य वेन्ने, भिन्न रूप ते उंदी निश्चित रकम ता उत्पादन-सम्बंध बने कींतोर ओसो मना भौतिक जरूरत किन पूरा कियाला काजे उत्पादन कार्यवाही कींतोर। इदे मूल खोत लोप्पा नगडल मानेय ना ज्ञान विकसित आंता।

मानेयना सामाजिक व्यवहार केवल ताना उत्पादन कार्यवाही एवनले सीमित आसी मन्नो, वेल्ले दूसरा रूप वेन्ने पोइंता - वर्ग-संघर्ष, राजनीतिक पिस्वल, वैज्ञानिक ओसो कलात्मक गतिविधि, संक्षेप ते मानेय उंदी सामाजिक जीवा रूप ते समाज ता व्यावहारिक पिस्वल ता सब्बे क्षेत्र लोप्पा शामिल आंतोर। इद्रम ता मानेय सिर्फ भौतिक पिस्वल संगे ने आयो तन्ना राजनीतिक ओसो सांस्कृतिक पिस्वल संगे वेन्ने (राजनीतिक पिस्वल ओसो सांस्कृतिक पिस्वल, भौतिक पिस्वल संगे घनिष्ठ रूप ते संबंध मंता) मानेय ओसो मानेय ना नड्मा ता अलग-अलग रकम ता संबंध

ता जानकारी अलग-अलग मात्रा ते हासिल कीसोर मंदितोर। सामाजिक व्यवहार ता दूसरा रूप कुनगडल, खासतौर ते अलग-अलग रकम ता वर्ग-संघर्ष, मानव-ज्ञान ता विकास पोरो गहरा प्रभाव वाटिता। वर्ग-समाज लोप्पा हर मानेय बदे वर्ग ता सदस्य रूप ते ने पिसिंतोर, ओसो हर रकम ता विचार, बाताए अपवाद हिल्ला बदने-बदने वर्ग ता विचारधारा तल प्रभावित मंदिता।

मार्क्सवादी बातल मानेमांतोर इत्तेके मानव-समाज लोप्पा उत्पादक कार्यवाही तीरम-तीरम दोड़ स्तर तल पोरो स्तर बगिल दांता, ओसो मानव-ज्ञान वेन्ने प्रकृति संबंधित मत्तेकाई, समाज संबंधित मत्तेकाई तीरम-तीरम दोड़ स्तर तल पोरो स्तर बगिल दांता, इत्तेके उथलेपन (shallower) तुक गहरीपन (deeper) बगिल ओसो उंदी-बगिलतुक (one-sided) वेल्ले-बगिल (many-sided) एवनल विकसित आंता। इतिहास लोप्पा वेल्ले समय एवनल समाज ता इतिहास ता बारे ते मानेयना ज्ञान उंदे मत्ता, बारांकु इत्तेके उंदी बगिल शोषक वर्ग ता पूर्वाग्रह (bias) समाज ता इतिहास किन हमेशा विकृत किसोर मत्तोर, ओसो दूसरा बगिल सुडला स्तर ता उत्पादन मानव-दृष्टिकोण किन सीमित कींदूर। उत्पादन ता बेहरा ताकतकू (बेहरा कारखानाकु) संगे आधुनिक सर्वहारा वर्ग पुट्टास्के मानेय सामाजिक इतिहास ता विकास ता हर बगिल ता, ऐतिहासिक समझदारी हासिल किया परतोर ओसो समाज संबंधित ज्ञान किन विज्ञान ता रूप, इत्तेके मार्क्सवादी विज्ञान ता रूप हिया परतोर।

मार्क्सवादी लोरा विचार इत्तेके मानेय ना सामाजिक व्यवहार ए बाहरी दुनिया ता बारे ते मानव-ज्ञान ता सच्चाई ता परीक्षा मंता इंजी। असल ते मानव-ज्ञान किन सिर्फ अस्केने साबित कियमूडांता बस्के अदु सामाजिक व्यवहार (भौतिक उत्पादन, वर्ग-संघर्ष या वैज्ञानिक प्रयोग) ता प्रोसेस लोप्पा मानेय किन आल्सता (anticipated) नतीजा दोरकि कीसिंता। मानेय तन्ना काम ते सफल आयला आल्संतोर इत्तेके ओरू आल्सता नतीजा दोरकी कियाला आल्संतोर इत्तेके, ओर तन्ना विचार किन वस्तुगत बाहरी दुनिया ता नियम कुना हिसाब ते तासना, ओरा विचार

इव नियम कुना अनुसार बनेमायवेके ओरु, व्यवहार लोप्पा असफल आयनोर। ओर असफल आतेके तन्ना असफलता तल सबक एतितोर, तन्ना विचार किन सुधरे कीसि ओर वाह्य दुनिया ता नियम कुना अनुसार बने कींतोर ओसो इद्रम तन्ना असफलता किन सफलता ते बदले किया परितोर “असफलता इत्तेके सफलता ना याया” ओसो “इर्कसि मुट्टसिए बुद्धि बेरसिंता” इत्तेके इदे आंदू द्वन्द्व्वात्मक भौतिकवाद (dialectical-materialism) ज्ञान-सिद्धान्त (theory of knowledge) व्यवहार किन पहली जागा हींता। अद वेहिंता कि मानव-ज्ञान किन व्यवहार तल बिल्कुल अलग कीमुड़ आयो। व्यवहार किन महत्व हिवा मंदना लेवेके ज्ञान तुन व्यवहार तुक अलग कीसि हूड़ना सब्बे गलत सिद्धान्त की अद ठुकरे कींता। लेनिन वेहता लेक्का “व्यवहार, ज्ञान (सैद्धान्तिक) तुकू ज्यादा बेस मंता, बारांकु इत्तेके ताना लोप्पा सिर्फ सार्वभौमिकता (universality) ता गुण आयवा प्रत्यक्ष वास्तविकता ता गुण वेन्ने मंदिंता।”¹ मार्क्सवादी दर्शन - द्वन्द्व्वात्मक भौतिकवाद - ता रेंडु प्रमुख विशेषतांग आंदुंगा। मुन्नेटा विशेषता इदिना वर्ग-स्वरूप, इद खुल्लेआन ऐलान कींता कि द्वन्द्व्वात्मक भौतिकवाद सर्वहारा वर्ग ता सेवा कींता। दूसरा विशेषता इदिना व्यावहारिकता (practicality), इत्तेके इद सिद्धान्त व्यवहार पोरो निर्भर आसी मंदिंता, अद ताना जागा ते व्यवहार ताए सेवा कींता। बदे ज्ञान या सिद्धान्त ता सच्चाई ता निर्णय मना मनोगत भावनांग कीवोंग आंतांग, सामाजिक व्यवहार ता वस्तुगत नतीजा कींतांग। केवल सामाजिक व्यवहारे सच्चाई ता परीक्षा आया परित्ता। द्वन्द्व्वात्मक भौतिकवादी ज्ञान-सिद्धान्त लोप्पा व्यवहार ता दृष्टिकोण प्रमुख ओसो बुनियादी दृष्टिकोण आंदू²

मति आखरी ते व्यवहार तल मानव-ज्ञान बद्रम पुट्टिंता ओसो ताना बदला ते व्यवहार ता सेवा बद्रम कींता? ज्ञान ता विकास प्रक्रिया पोरो कोंडा वाटतेके इद स्पष्ट आंता।

व्यवहार ता प्रोसेस लोप्पा, मानेय मुन्ने अलग-अलग वस्तुंग किन हूडिंतोर, ताना अलग-अलग पहलू ओसो अविना हेरे-हेरे टा संबंध किन

हूडितोर। उदाहरण काजे बाहर तल उचुन मुल हूडाला काजे येनान वांतोर। मुन्ने उंदी-रेंडु दियाना लोप्पा ओर इगाटा भौगोलिक परिस्थिति, सडक ओसो लोहकिन हूडितोर, ओर लोकुरा संगे कलियंतोर, लोकुरा संगे तिंदाला उदितोर, नरकाटा- प्रोग्राम ओसो भूमकाल सभांग लोप्पा शामिल आंतोर, ओर रक-रकम ता पोल्लोंग केंजितोर ओसो रक-रकम ता दस्तावेज पडेमांतोर, इद सब्बे घटनांग आंदू। इव सब्बे वस्तुना रूपकु आंदू, वस्तुकूना अलग-अलग पहलू ओसो अविना बाहरी संबंध आंदुंगा। इदिन ज्ञान ता इन्द्रियग्राह्य मंजिल (perceptule stage of cognition) इंतोर, इत्तेके इन्द्रिय-संवेदन (sense perceptions) ओसो चिन्ह (impression) ता मंजिल आंदु। दूसरा शब्द ते येनान ता विभिन्न वस्तुंग हूडला वाता दल सदस्य लोरा इन्द्रिय किन प्रभावित कींतांग, अविना संवेदना किन पुट्टि कींतांग ओसो अविना दिमाग ते वेल्ले चिन्ह विडिसिंता, ओसो संगे ने इव चिन्ह ना नडमा ता बाहरी संबंध किन उंदी पोरो-पोरोटा समझदारी बने कींता, इद ज्ञान दोरकि कियाना पहली मंजिल आंदू। इद मंजिल लोप्पा मानेय इंजे वेन्ने गंभीर धारणांग (concepts) बने किया परवोर, ओसो तर्क इसाबते (logicale) निष्कर्ष वेन्ने तेंडा परवोर।

सामाजिक व्यवहार ता प्रक्रिया लगतार जाऱि मंदिता, अद्रम अव वस्तु बार-बार मुन्ने वासोर मंदिता अद्रम व्यवहार ता प्रक्रिया लोप्पा मानेयना इन्द्रिय-संवेदन ओसो चिन्ह किन पुट्टि कींताः ताना परेके मानेय ना दिमाग ते ज्ञान दोरकि कियाना प्रक्रिया लोप्पा अचानक बेहरा बदलाव (छलांग) आंता, ताना कारण ते धारणांग बनेमांतांग। अव धारणांग वस्तु ना रूप, अविना अलग-अलग पहलू लेवेके अविना बाहरी संबंध आयो अव वस्तु ना सारत्व (essence), अविना समग्रता (totality) ओसो अविना लोप्पटा संबंध किन ग्रहण कींतांग। धारणांग ओसो इन्द्रिय-संवेदन संख्या ता दृष्टि ते ने आयो गुण ता दृष्टि ते वेन्ने भिन्न मंता। इदिन कु मुन्ने हंजि निर्णय ओसो तर्क ता पद्धति किन इस्तेमाल कीसि माटु तर्कसंगत निष्कर्ष तेंडा परितोमा। “मूंड राज्य ना कहानी” ता लाईन “खुद ता दिमाग पोरो जोर वाटतेके, मीकिन जरूर बदे तरीका समझेमायर”, ओसो रोज ता

पोल्लोंग लोप्पा “उचुन आल्सला हीमुट” इत्तेके मानेय निर्णय कियाला ओसो तर्क कियाला काजे अपना दिमाग ता धारणांग किन इस्तेमाल कींतोरा। इद ज्ञान दोरकि कियाना दूसरा मंजिल आंदू। मावा परिस्थिति किन हूडाला काजे बाहर तल वायना दल ता सदस्य विभिन्न रकम ता चीजकु जमा किंतोर “इदे आयवा ताना पोरो आल्सना वेन्ने कींतोरा।” अस्केडल वेरु निर्णय किया परितोर कि “जापान-विरोधी राष्ट्रीय संयुक्त मोर्चा बने कियाना नीति कम्युनिस्ट पार्टी ता नीति ईमानदारी ओसो सच्चाई मत्ता।” इद निर्णय किता पेरके, ओर राष्ट्रीय पुनरुद्धार काजे जीवा कीसि एकता कियाला आल्संतोर, अस्के उंदी कदम ओसो मुन्ने हंजी निष्कर्ष तेंडितोर “जापान-विरोधी राष्ट्रीय संयुक्त मोर्चा सफल आया परितोरा”। बदे वस्तु ता ज्ञान हासिल कियाना पूरा प्रक्रिया लोप्पा धारणा, निर्णय ओसो तर्क ता मंजिल आंदू। ज्ञान ता असली काम इन्द्रिय-संवेदन तल विचार एवनल एवना, वस्तुगत चीजकुना लोप्पाडा अंतरविरोध, ओरा नियम ओसो उंदी प्रक्रिया ओसो दूसारी प्रक्रिया ता आन्तरिक संबंध किन कदम-ब-कदम समझेमायना, इत्तेके तर्कसंगत ज्ञान एवनल एवना, दूसरा पोल्लो ते वेहना इत्तेके इद तर्कसंगत ज्ञान इन्द्रियग्राह्य ज्ञान तल अलग बारांकु मंता इत्तेके इन्द्रियग्राह्य ज्ञान वस्तु ना अलग-अलग पहलू रूप ओसो अविना बाहरी संबंध लोप्पाने मंता, ओसो तर्कसंगत ज्ञान उंदी बेहरा छलांग वाटसी वस्तु ना समग्रता, अविना सारत्व ओसो आन्तरिक संबंध एवनल एविंता, ओसो नालुंग बगिल ता दुनिया ता विकास किन समग्र रूप ते, सब्बे पहलू ना आन्तरिक संबंध संगे ग्रहण कियाला क्षमता मंदिता।

व्यवाहर पोरो आधार आसी मंदना ओसो उथलेपन तल गहरेपन बगिल दायना, विकास ता प्रक्रिया ता द्वन्द्वात्मक भौतिकवाद ज्ञान सिद्धांत, मार्क्सवाद पुट्टना तुकू मुन्ने बोरे वेहत्तद हिल्ले। मार्क्सवादी भौतिकवाद पहली बेरा इद समस्या ता सही समाधान पेश कितोर। ओर ज्ञान दोरकि कियाना काम ज्यादा गंभीर आसोर दांता इंजी सामाजिक उत्पादन-कबड ओसो वर्ग-संघर्ष ता जटिल प्रक्रिया, नियमित रूप ते बार-बार आयना व्यवहार ताकानास्के इन्द्रियग्राह्य ज्ञान तल तर्कसंगत ज्ञान बगिल विकसित

आंता इंजी भौतिकवाद ओसो द्वन्द्वात्मक तरीका ते तोहतोर। लेनिन वेहत्ता लेक्का “पदार्थ ता अमूर्तीकरण (abstraction), प्रकृति ता नियम ता अमूर्तीकरण, आर्थिक मूल्यता अमूर्तीकरण लेक्कटव, संक्षेप ते सब्बे वैज्ञानिक अमूर्तीकरण (सही ओसो गंभीर मंदाना, बेहूदा मंदानायो), वेल्ले गहराई, सच्चाई ओसो पूर्णता ते प्रकृति किन प्रतिबिम्बित कीसोरे मंदिता”³ मार्क्सवाद-लेनिनवाद विचार इसाब ते ज्ञान दोरकि कियाना प्रक्रिया ता रेंडु मंजिल ता अलग-अलग विशेषतांग मंतांग: दोड़ता मंजिल लोप्पा ज्ञान इन्द्रियग्राह्य रूप ते दिसिंता। पोरोटा मंजिल लोप्पा ओर तर्कसंगत मंदिता - मति इव रेंडासी मंजिलकु ज्ञान दोरकि कियाना उंदी सम्पूर्ण प्रक्रिया ताए मंजिल आंदू इन्द्रियग्राह्य ज्ञान ओसो बुद्धिसंगत (rational) ज्ञान नड़मा गुणात्मक अन्तर मंदिता, मति वरोनकु-वरोना अलग मन्नोंग आंतांग: व्यवहार पोरो आधार आसी अविना नड़मा एकता बने मांता। बद वस्तु ना इन्द्रिय-संवेदन माकिन दिसिंता अविना समझदारी तुरंत हासिल आयो, ओसो बद वस्तु ता समझदारी हासिल आंता इंजी मावा व्यवहार इद साबित कींता, ओसो अविना इन्द्रिय-संवेदन अस्केने गहरा आंता इंजी समझे मायना। इन्द्रिय-संवेदन केवल रूप ताए समस्या किन हल कींता: सारतत्व ता समस्या किन केवल सिद्धांते हल किया परिंता। इव रेंडू समस्याकुन व्यवहार तल अलग किया परमुड़ आयो। बोराई बदे माने बदे चीज किन पुंदाला आल्सिंतोर इत्तेके ओना मुन्ने अद चीज ता सम्पर्क ते वायवा लेवा बदे हरीं मन्नों, इत्तेके ताना वातवरण ते दायना। सामंती समाज लोप्पा पूंजीवादी समाज ता नियम किन मुन्नेटल पुंदाना असम्भव मत्ता, बारांकु इत्तेके पूंजीवाद ता अस्के जन्म आताद हिल्वा मत्ता ओसो ताना संबंधित व्यवहार ता वेन्ने कमी मत्ता। मार्क्सवाद केवल पूंजीवादी समाज लोप्पा पुट्टना मत्ता, अद स्वच्छंदतावादी (laissez-faire) पूंजीवादी युग लोप्पा मार्क्स मुन्नेटले साम्राज्यवादी युग ता विशेष नियम किन ठोस रूप ते पुंदा परवोर, बारांकु इत्तेके साम्राज्यवाद-पूंजीवाद आखरी मंजिल इंजे एवनल पुट्टवा मत्ता ओसो ताना सम्बधित व्यवहार ता वेन्ने कमी मत्ता। इद काम केवल लेनिन ओसो स्तालिने किया परत्तोर।

मार्क्स, एंगेल्स, लेनिन ओसो स्तालिन तन्ना सिद्धांत किन बारांकु पुष्टि किया परतोर, इंदाना ता कारण ओरा दिमाग किन विडसी मुख्य रूप ते ओर तन्ना समय ता वर्ग-संघर्ष ओसो वैज्ञानिक प्रयोग ता अमल ते व्यक्तिगत रूप ते शामिल आसी मतोर: इद शर्त हिल्वा बचोन प्रतिभाशाली मानेय मत्तेकाई ओनकिन सफलता दोरको आता। वेसुड़ इत्तेके “विद्वान लोकर लोते उद्दि दुनिया ता सब्बे पोल्लोंग पुंजि मंदितोर”, इंदाना तकनिकी दृष्टि ते अविकसित मुन्नेटा काल ते सिर्फ उंदी अंगड़म ता पोल्लो मत्ता। मति तकनिकी दृष्टि ते विकसित वर्तमान युग लोप्पा इद कहावत लागू आया परिंता, मति दुनिया ता हर जागा निज्जमता व्यक्तिगत ज्ञान केवल व्यवहार ते मंदाना मानेये हासिल किया परिंतोर। ओर तन्ना व्यवहार तल “ज्ञान” दोरकी कींतोर अस्के ओसो ओरा ज्ञान लेखन ओसो तकनीकी संगे “विद्वान” एवनल एविंता, सिर्फ अस्केने विद्वान अप्रत्यक्ष रूप ते “दुनिया ता सब्बे पोल्लोंग पुंतोर”। मीट बदे चीज किन प्रत्यक्ष रूप ते पुंदाला आल्सिंतोर इत्तेके मीटु वास्तविकता किन बदले कियाना, अद चीज किन अद जागा किन बदले कियाना व्यवहारिक संघर्ष लोप्पा व्यक्तिगत रूप ते शामिल आसी अद चीज या अद्रम ता चीजकुना रूप ते सम्पर्क बने कियाना परिंतोर: वास्तविकता किन बदले कियाना व्यवहारिक संघर्ष लोप्पा व्यक्तिगत रूप ते शामिल आसी मीटु अद चीज ता अद्रम ता चीज कुना सारत्व ता बारे ते पुंदा परिंतोर ओसो अविन समझेमाया परिंतोर। असल ते हर मानेय ज्ञान ता इदे हरीं ते ताकिंतोर, मति उचुन मुल पुंजी-पुंजी इद तथ्य किन तोड़-मरोड़ कींतोर ओसो ताना विपरित तर्क पेश कींतोर। सार लोप्पा सबसे पोंगड़ी “ज्ञानी” बोर आंदुर, इत्तेके ओरू हीके-हाकेडल केंजीसि उचुन ज्ञान दोरकी कींतोर ओसो खुद किन “दुनिया ता सबसे बेहरा ज्ञानी” घोषित कींतोर: इद्रम तल बातल समझे मायना इत्तेके ओर इंजे एवनल सही तरीका ते तनकिन पुत्तादे हिल्ले। ज्ञान उंदी वैज्ञानिक वस्तु आंदु ओसो इद समस्या लोप्पा उचुन वेन्ने बैमानी लेवेके घमण्डी ता अनुमति हियमूड़ायो। इदिना बिल्कुल उल्ट इमानदारी ओसो विनम्रता पक्काए जरूरी मंदिता। मीटू ज्ञान हासिल कियाला

आल्सिंतीर इत्तेके मीकिन असल ते बदले कियाना व्यवहार लोप्पा शामिल आया लागियर। मीटू नाशपती ता स्वाद पुंदाला आल्सिंतीर अस्के मीकिन अद नाशपति किन तिंजी ताना वास्तविक रूप किन बदले किया लागियर। मीटू परमाणु ता अवस्था किन बदले कियाना आल्सिंतिर इत्तेके मीटू परमाणु ता रचना-नियम ओसो गुण-धर्म किन समझेमायला आल्सिंतिर, अस्के मीकिन परमाणु ता अवस्था बदले कियाला काजे भौतिक ओसो रासायनिक प्रयोग किया लागियर। मीटू क्रांति ता सिद्धांत ओसो तरीका पुंदाला आल्सिंतिर अस्के मीकिन क्रांति लोप्पा शामिल आया लागियर। सब्बे रकम ता सही ज्ञान प्रत्यक्ष अनुभव संगेने पुटिता। मति मानेय किन हर पोल्लो ता प्रत्यक्ष अनुभव मन्नो आंता: असल ते मावा ज्यादातर ज्ञान अप्रत्यक्ष अनुभव तल दोरकिंता, प्राचीन काल तल ओसो विदेश तल दोरकना ज्ञान लेक्का। मना दादिर ओसो विदेशी लोरकिन इद्रम ज्ञान प्रत्यक्ष अनुभव तल दोरकता। ओरा प्रत्यक्ष अनुभव तास्के लेनिन वेहता “वैज्ञानिक अमूर्तीकरण” ता शर्त पूरा आतास्के ओसो वस्तुगत यथार्थ ता वैज्ञानिक तरीका ते प्रतिबिम्बित कितास्के ने इद ज्ञान पोरो विश्वास कियाना लेक्का आंता लेवेके आयो। अदिन काजे माने ना ज्ञान केवल रेंडु भाग मंदिता- प्रत्यक्ष अनुभव संगे दोरकना ज्ञान ओसो अप्रत्यक्ष अनुभव संगे दोरकना ज्ञान। संगेने बद नावा काजे अप्रत्यक्ष अनुभव मंता। अद दूसरोरा काजे प्रत्यक्ष अनुभव आंदु। ज्ञान किन माटु ताना समग्रता ते पोयतेके हर रकम ता ज्ञान प्रत्यक्ष अनुभव ते देगवा लेवा जुडेमासी मंता। बदे वेन्ने ज्ञान वस्तुगत बाहरी दुनिया लोप्पा मानेय ना इन्द्रिय संगे आयाना संवेदन संगे जुडेमासि मंदिता। बोराई इद्रम ता इन्द्रिय-संवेदन किन मानेमायोर, प्रत्यक्ष अनुभव किन मानेमायोर ओसो वास्तविकता किन बदले कियाना व्यवहार लोप्पा व्यक्तिगत रूप ते शामिल आयना पोल्लो किन मानेमायोर, अस्के ओर भौतिकवादी मन्नोर आंतोर। अदिन काजे “ज्ञानी” लोकुरा पोरो कव्वना आंता। चीन लोप्पा उंदी पाइना वेसुइ मंता “डुव्वल ता पांजा लोप्पा नेंगवा लेवा डुव्वल पिल्ला बद्रम दोरकी किया परिंतोम?” इद कहावत मानेयना व्यवहार काजे

सही मंता ओसो इद ज्ञान-सिद्धांत काजे वेन्ने सही साबित आंता। व्यवहार तल अलग ज्ञान ता अस्तित्व हिल्ले।

वास्तविकता किन बदले कियाना व्यवहार पोरो आधार आसी पुटना ज्ञान ता द्वन्द्वतात्मक भौतिकवादी क्रिया किन - ज्ञान दोरकि कियाना लगातार गंभीर आसोरे मंदना क्रिया किन - स्पष्ट कियाला काजे उचुन दूसरा ठोस उदाहरण दोड़ रास्ता लेक्का मंतांग।

पूँजीवादी समाज ता बारे ते सर्वहारा वर्ग जा ज्ञान। मना व्यवहारा ता मुन्नेटा कालम ते-मशीन ध्वस्त कियाना ओसो स्वतःस्फूर्त संघर्ष ता कालम ते - सर्वहारा वर्ग केवल इन्द्रियग्राह्य ज्ञान ता मंजिल तेने मत्ता। अदिनके इंजे वेरु पूँजीवाद ता रक-रकमता रूप ओसो केवल उचुन पहलू कुना, अविना बहारी संबंधकुना बारे तेने पूँजि मत्तो। अद समय ते सर्वहारा वर्ग केवल “तन्ना स्वाभाविक रूप ते मंदाना वर्ग” मत्ता। मति इद वर्ग तन्ना व्यवहार ता दूसरा कालम ते इत्तेके – जागरूक, संगठित रूप ते ताकना आर्थिक संघर्ष ओसो राजनीतिक संघर्ष ता कालम ते – एवता -, अस्के अद तन्ना व्यवहार ते दीर्घकालीन संघर्ष ता तन्ना अनुभव संगे ओसो मार्क्सवादी सिद्धांत कु, अविना जन्म मार्क्स ओसो एंगेल्स वैज्ञानिक पद्धति ते इव अनुभव कुना सार ग्रहण कित्ताद मत्ता, शिक्षा संगे पूँजीवादी समाज ता सारतत्व किन समझेमातो, विभिन्न सामाजिक वर्ग ता शोषण-संबंध ओसो तन्ना ऐतिहासिक कर्तव्य किन समझेमातो, ओसो इद्रम ओरु “तन्ना उद्देश्य दोरकि कियाला काजे कोशिश कियाना वर्ग” बनेमाता।

इद पोल्लो साम्राज्यवाद ता बारे ते चीनी जनता ना ज्ञान पोरो वेन्ने लागू आंता। पहली मंजिल लोप्पा पोरो-पोरोटा इन्द्रियग्राह्य ज्ञान मत्ता, थाईफिंग स्वर्गिक-राज्य आंदोलन, ई हो थ्वान आंदोलन लेक्कटविना अन्धाधुन्ध विदेश-विरोध संघर्ष कुनगडल पेसिंता। केवल दूसरा मंजिल लोप्पा ने चीनी जनता बुद्धिसंगत ज्ञान ता मंजिल लोप्पा एवता, साम्राज्यवाद ता लोप्पाटा ओसो बाहरी अंतरविरोध किन हूड़ा परता ओसो इद असलियत किन चीन ता दलाल पूँजीपति वर्ग ओसो सामंती वर्ग ता सहयोग ते साम्राज्यवाद चीन ता व्यापक जन-समुदाय ता शोषण, उत्पीड़न

कींता इंजी हूडा परता। इद्रम ता ज्ञान ता शुरुआत 4 मई 1919 आंदोलन ता आसपासे आता।

ताना पेरते माटु उचुन युद्ध पोरो विचार कियाकाल। युद्ध ता नेतृत्व कियानोरा लोप्पा युद्ध ता अनुभव ता कमी मत्तेके, ओरु शुरुआती मंजिल लोप्पा उंदी विशेष युद्ध ता (उदाहरण काजे हत्ता दस सालकुना मना भूमि-क्रांति युद्ध) नेतृत्व कियाना गंभीर नियम समझेमाया परवोर। शुरुआती मंजिल लोप्पा ओरकिन केवल लड़ाई वेल्ले अनुभवकु मंदितांग ओसो ओर वेल्ले बेरा हारेमांतोर। मति इद्रम ता अनुभव कुनगडल (जीडता लड़ाईंग ओसो खासकर हारेमाता लड़ाईंग ना अनुभवकुनगडल) ओर पूरा युद्ध लोप्पाडा सूत्र किन समझेमांतोर, इत्तेके अद विशेष युद्ध ता नियम किन समझेमांतोर, रणनीति ओसो कार्यनीति किन समझेमांतोर ओसो अदिन काजे विश्वास संगे युद्ध ता नेतृत्व कींतोर। इद्रम ता समय ते बोराई अनुभव हिल्ला मानेय किन नेता बने कीतेके ओर वेन्ने युद्ध नियम किन बस्के एवनल युद्ध लोप्पा हार ता सामाना कियाना (अनुभव दोरकी कीवोर) अस्के एवनल अव नियम किन समझेमाया परवोर।

बोराई कामरेड्स किन बदे काम हियमूडांता अस्के अदिन स्वीकार कियाना ओना लोप्पा हिम्मत मन्नो आंता, अस्के हमेशा ओर इंतोर, “नन्ना इद काम किया परितान इंजी नाकिन विश्वास हिल्ले”। ओरु तन्ना पोरो भरोसा बारांकु कीवोर? बारांकु इत्तेके ओनकिन इद्रमता काम ता अन्तर्वस्तु ओसो परिस्थिति ता व्यवस्थित समझ हिल्ले, ओसो इद्रमता काम तल ओना सम्पर्क पक्काए कम मत्ता, या बिल्कुल हिल्ले, ओसो ताना नियम ओना समझ तल बाहर मंता। काम ता स्वरूप ओस परिस्थिति ता विस्तृत विश्लेषण कित्ता पेरके ओनकिन खुद पोरो विश्वास आंता, ओसो ओरु अद काम किन कियाला काजे तैयार आंतोर। उचुन समय एवनल काम कित्ता पेरके ओनकिन अद काम ता अनुभव आतेके, इदे आयवा अव चीज किन खुले दिमाग ते हूडाला तैयार मत्तेके ओसो समस्या पोरो मनोगत, एकांगी ओसो सतही तरीका ते विचार किवेके, ओर इदिना बारे ते खुद परिणाम दोरकी किया परितोर कि काम बद्रम कियाना ओसो

ओना हिम्मत वेन्ने वेल्ले बेरसिंता। बोर कामरेड्स समस्याना बारे ते मनोगत, एकांगी ओसो सतही रुख लागू कींतोर, बेगाने हत्ता पेरके अगाटा परिस्थिति पोरो विचार किवा लेवा, वस्तु किन समग्र रूप ते (अविन पूरा इतिहास ओसो अविना पूरा वर्तमान स्थिति ता दृष्टि ते) परख किवा लेवा ओसो वस्तु ना सारतत्व (अविना स्वरूप ओसो ताना वस्तु ओसो दूसरा वस्तु नडमा ता आन्तरिक संबंध) एवनल एववा लेवा वेल्ले आत्मसंतोष संगे आज्ञा ओसो निर्देश जारी कींतोर। इद्रतोर कोदोर हिसी पक्का मुड्दितोर।

इद्रम ज्ञान दोरकि कियाना प्रक्रिया ते पहला डाका इत्तेके बाहरी दुनिया ता वस्तु संगे सम्पर्क, इद डाका इन्द्रिय-संवेदन ता मंजिल ता डाका आंदू। दूसरा डाका इन्द्रिय-संवेदन संगे दोरकी कित्ता सामग्री किन पुनर्व्यवस्थित कीसि ओसो अविना पुनर्रचना कीसि ताना समन्वय कियाना, इद डाका धारणा, निर्णय ओसो तर्क ता मंजिल ता डाका आंदू। इन्द्रिय-संवेदन ता सामग्री वेल्ले समृद्ध मंता (आंशिक या अपूर्ण मन्नो आंता) ओसो वास्तविकता ता अनुकूल मंदिता (भ्रामक मन्नो आंता), सिर्फ अस्केने माटु इद्रम ता सामग्री पोरो आधार आसी सही धारणांग बने किया परितोम ओसो सही तर्क पेश किया परितोम।

इगा रेंडु महत्वपूर्ण पोल्लोंग पोरो जोर वाटना जरूरी मंता। पहली, इदिना बारे ते मुन्ने वेहताद मंता मति अदिन दोबारा वेहान जरूरत मंता, बुद्धिसंगत ज्ञान इन्द्रियग्राह्य ज्ञान पोरो निर्भर मंता। बोराई बुद्धिसंगत ज्ञान किन इन्द्रियग्राह्य ज्ञान संगे प्राप्त कियाना जरूरत हिल्ले इंजि वेहिंतोर, ओरु भाववादी आंदुर। दर्शन ता इतिहास लोप्पा उंदी “बुद्धिवादी” विचार-शाखा मंता, अद केवल बुद्धि ता महत्व किन स्वीकार कींता ओसो अनुभव ता महत्व किन मानेमायो ओसो केवल बुद्धि किन विश्वासनीय ओसो इन्द्रियग्राह्य अनुभव किन अविश्वासनीय मानेमांता, इद विचार-शाखा ता गलती अव चीज किन उल्टा कीसि हूडाना मंता। बुद्धिसंगत ज्ञान ता स्रोत इन्द्रिय-संवेदन मंदिता अदिन काजे अद विश्वासनीय मंदिता। लेवके अद एरु हिल्ला सुवा लेवेके मड्डा हिल्ला मर्रा लेक्काटा मनोगत रूप तल खुद पैदा आयना अविश्वासनीय वस्तु बनेमांता। ज्ञान दोरकि

कियाना प्रक्रिया लोप्पा क्रम ता सम्बंध इन्द्रियग्राह्य अनुभव मुन्ने वांता। ज्ञान दोरकि कियाना प्रक्रिया लोप्पा सामाजिक व्यवहारे मानव-ज्ञान किन पुटी किया परिंता ओसो वस्तुगत बाह्य दुनिय तल इन्द्रियग्राह्य अनुभव हासिल कियाना हर्दे मानेय किन ताकी किया परिंता। बोराई तन्ना कोंडा पिहतेके, केव्वी बंद कीतेके ओसो वस्तुगत बाहरी दुनिया तल बिल्कुल अलग आतेके, बदे ज्ञान दोरको आंता। ज्ञान अनुभव तल शुरू आंता- इदे ज्ञान-सिद्धांत ता भौतिकवाद आंदू।

दूसरा पोल्लो ज्ञान ता गहराई किन बेरसी कियाना जरूरत मंदिता, ज्ञान किन इन्द्रियग्राह्य मंजिल तल ओसो मुन्ने ओसी ताना बुद्धिसंगत मंजिल एवनल एवसी कियाना जरूरत मंदिता - इंदे ज्ञान-सिद्धांत ता द्वन्द्वावाद आंदू।¹ ज्ञान दोड़ ता मंजिल पोरो इत्तेके इन्द्रियग्राह्य मंजिल पोरो वासी रोमा परिंता ओसो इन्द्रियग्राह्य ज्ञाने विश्वासनीय मंता, बुद्धिसंगत ज्ञान आयो, इद्रम आल्सना इतिहास ते “अनुभवाद” ता गलती किन दोहरे कियाना लेक्का आंता। इद सिद्धांत ता गलती बातल इत्तेके वेर हुड़ा परवो कि - इन्द्रिय-संवेदन ता सामग्री वस्तुगत बाहरी दुनिया ता उचुन वास्तविकता किन प्रतिबिम्बित कींता (नन्ना इगा आदर्शवादी अनुभवाद ता बारे वेहचोर हिल्लेन बद अनुभव किन आत्मनिरीक्षण एवनल सीमित कींतोर), मति अद एकांगी ओसो सतही मंदिता, वस्तु ता अपूर्ण रूप किन प्रतिबिम्बित कींता ओसो ताना सारत्व किन प्रतिबिम्बित कीवो। बदे वस्तु ता पूर्ण रूप किन प्रतिबिम्बित कियाला काजे, चिन्तन संगे इन्द्रिय-संवेदन ता समृद्ध सामग्री किन पुनर्निर्माण कियाना जरूरत मंदिता, स्थूल किन विड़सी सूक्ष्म किन ग्रहण कियाना, झूठ किन दूर कीसि सच्चाई किन तासाना, उंदी पोल्लो तल दूसरा पोल्लो एवनल ओसो बाहरी रूप किन पार कीसि अन्तर्वस्तु एवनल एवना, इदिना संगे धारणांग ओसो सिद्धांत कुना अवस्था बने कियाला - इन्द्रियग्राह्य ज्ञान तल बुद्धिसंगत ज्ञान एवनल एवना जरूरत मंदिता। बद ज्ञान इद्रम पुनर्निर्मित आंता अद ज्यादा खोखला या अविश्वासनीय आयो आंता, ताना विपरित, ज्ञान दोरकि कियाना प्रक्रिया लोप्पा व्यवहार पोरो आधार आसी वैज्ञानिक तरीका ते बातल

आई पुनर्निर्मित आंता, अद लेनिन ना हिसाब ते वस्तुगत चीज किन ज्यादा गहराई ते, सच्चाई ओसो पूर्णता ते प्रतिबिम्बित कींता। कट्टर “व्यवहारिक लोकर” इव पोल्लोंग किन समझेमाया परवोर, ओर अनुभव ता इज्जत कींतोर ओसो सिद्धांत किन नजरअंदाज कींतोर ओसो अदिन काजे पूरा वस्तुगत प्रक्रिया किन व्यापक रूप ते हूडा परवोर, ओरा लोप्पा स्पष्ट दिशा ओसो दूरदृष्टि ता कमी मंता, ओसो बस्के-बस्के सफलता तल ओसो सच्चाई ता झलक तले खुश आंतोर। इद्रम तोरा पोरो क्रांति ता नेतृत्व कियाना जिम्मेदारी मत्तेके ओर क्रांति कोहडा ते ओसी अरहितोर।

बुद्धिसंगत ज्ञान इन्द्रियग्राह्य ज्ञान पोरो निर्भर आंता ओसो इन्द्रियग्राह्य ज्ञान ता बुद्धिसंगत ज्ञान ता रूप ते विकसित आयना पिससी मंदिता - इदे द्वन्द्वात्मक भौतिकवादी ज्ञान-सिद्धांत आंदू। दर्शन-शास्त्र लोप्पा “बुद्धिवाद” ओसो “अनुभवाद” ज्ञान ता ऐतिहासिक लेवेके द्वन्द्वात्मक प्रकृति किन समझेमायो। इविना लोप्पाटल हर मानेय ना लोप्पा सच्चाई ता उंदी पहलू मंदिता इत्तेके (इगा नन्ना भौतिकवादी बुद्धिवाद ओसो अनुभवाद ता माटा वेहा मंतान आदर्शवादी बुद्धिवाद ओसो अनुभवाद ता आयो), मति ज्ञान-सिद्धांत ता पूरा सिलसिला लोप्पा रेंडासी विचार-शाखा गलत मंतांग। इन्द्रियग्राह्य ज्ञान तल बुद्धिसंगत बगिल दायना ज्ञान दोरकि कियाना द्वन्द्वात्मक भौतिकवादी क्रिया ज्ञान दोरकि कियाना उंदी सुडला प्रक्रिया (बदे उंगी वस्तु या काम किन पुंदाना लेक्का) संगे-संगे ज्ञान दोरकि कियाना उंदी बेहरा प्रक्रिया (बदे पूरा समाज या बदे क्रांति किन पुंदान लेक्का) ता बारे ते वेन्ने सही साबित आंता।

मति ज्ञान दोरकि कियाना क्रिया इग्ने मारो। ज्ञान दोरकि कियाना द्वन्द्वात्मक भौतिकवादी क्रिया केवल बुद्धिसंगत ज्ञान पोरोने रोमतेके समस्या ता केवल आधा अंश पूरा किया परमूडांता। ओसो मार्क्सवादी दर्शन इसाब ते हूडतेके इदु केवल आधा अंश पूरा कीमुड आता, बदो अचोन ज्यादा महत्वपूर्ण वेन्ने हिल्ले। मार्क्सवादी दर्शन ता अनुसार सबसे ज्यादा महत्वपूर्ण समस्या, मनम वस्तुगत दुनिया ता नियम किन समझेमायना ओसो अद्रमे दुनिया ता बारे ते वेहा परना इंजी आयो, इव

नियम कुना ज्ञान किन दुनिया किन बदले कियाना काजे गतिशील रूप ते लागू कियाना इंजी मंता। मार्क्सवादी दृष्टिकोण ता अनुसार सिद्धांत महत्वपूर्ण मंदिता, ओसो ताना महत्व किन लेनिन इद वाक्य लोप्पा पूरा वेहतोर, “क्रांतिकारी सिद्धांत लेवा बदे क्रांतिकारी आंदोलन आया परवो।”⁵ मार्क्सवाद अदिन काजे ने सिद्धांत पोरो जोर वाटिता बारांकु इत्तेके इद काम ता मार्गदर्शन किया परंता। मावगा सही सिद्धांत मत्तेकाई माटु केवल ताना उचारण कीसोरे मत्तेके, अद सिद्धांत बचोन बेस मत्तेकाई ताना बदे कीमत हिल्ले आया। ज्ञान व्यवहार संगे शुरू आंता, ओसो व्यवहार संगे दोरकी कियाना सैद्धांतिक ज्ञान किन दोबारा व्यवहार ते दाया लागिंता। ज्ञान ता गतिशील गुण केवल इन्द्रियग्राह्य ज्ञान संगे बुद्धि संगत ज्ञान एवनल गतिशील छलांग वाटना वेन्ने दिसिंता। बद ज्ञान दुनिया ता नियम किन आत्मसात कींता अदिन दुनिया किन बदले कियाना व्यवहार लोप्पा, क्रांतिकारी वर्ग संघर्ष ओसो क्रांतिकारी राष्ट्रीय संघर्ष ता व्यवहार लोप्पा ओसो वैज्ञानिक प्रयोग ता व्यवहार लोप्पा वेंडे उंदी बेरा लागू कियाना। इद सिद्धांत किन आंकलन कियाना ओसो अदिन विकसित कियाना प्रक्रिया मंदिता, इद ज्ञान दोरकि कियाना पूरा प्रक्रिया ता जारी रूप आंदू। सिद्धांत वस्तुगत यथार्थ ता अनुरूप मंता या हिल्ले, इंदाना समस्या इन्द्रियग्राह्य ज्ञान संगे बुद्धिसंगत ज्ञान एवनल एव्वना पोरो वेहता क्रिया लोप्पा पूरा हल आया परवो। अदिन पूरा हल कियाना तरीका केवल बुद्धिसंगत ज्ञान किन सामाजिक व्यवहार बगिल ओयाना मंता, सिद्धांत किन व्यवहार लोप्पा लागू कियाना ओसो अदिन प्रत्याशित फायदा दोरकिंता या दोरको इंजी हूडाना। प्राकृतिक विज्ञान ता वेल्ले सिद्धांत कुन सही मानेमांतोम, अदेनेकेने आयो कि अद प्रकृति-वैज्ञानिक लोर सिद्धांत किन तेंडतोर, अदु ताना पेरके वैज्ञानिक व्यवहार लोप्पा वेन्ने अदिना सच्चाई साबित आत्ता। अद्रमे मार्क्सवाद-लेनिनवाद किन वेन्ने सत्य समझेमांतोर, केवल मार्क्स, एंगेल्स, लेनिन ओसो स्तालिन वैज्ञानिक पद्धति ते ताना प्रतिपादन कीसि मत्तोर अस्के अदिन समझेमांतोर इंजी आयो, अदिन ताना पेरके वेन्ने क्रांतिकारी वर्ग-संघर्ष ओसो क्रांतिकारी राष्ट्रीय संघर्ष ता व्यवहार लोप्पा

ता सच्चाई ता पड़ताल कीसि मत्तद मत्ता। द्वन्द्व्वात्मक भौतिकवाद उंदी सर्वव्यापी सत्य आंदू, बारांकु इत्तेके व्यवहार लोप्पा तानगडल बचेमासी मुशिकल मंता। मानव-ज्ञान ता इतिहास माकिन वेहाना वेल्ले सिद्धांत ता सच्चाई अपूर्ण मंदिंता ओसो इद अपूर्णता व्यवहार ता कसौटी संगे पूरा कियमूड़ांता। वेल्ले गलत सिद्धांत मंदिंतांग ओसो व्यवहार ता कसौटी संगे ने अविन सुधरे कियमूड़ांता। बारांकु इत्तेके व्यवहारे सत्य ता कसौटी आंदू ओसो “पिस्वल ता दृष्टिकोण किन, व्यवहार ता दृष्टिकोण किन, ज्ञान-सिद्धांत लोप्पा पहली ओसो बुनियादी चीज तासाना।”⁶ स्तालिन “सिद्धांत क्रांतिकारी व्यवहार संगे सम्बद्ध हिल्वेके अद निरुद्देश्य आंता - अद्रमे क्रांतिकारी सिद्धांत संगे हरीं ते वेड़च कीवेके व्यवहार आहे भटके मासोर मंदिंता।”⁷

माटु इद मुद्दा पोरो एवतेके ज्ञान दोरकि कियाना क्रिया पूरा आया परिंता या?

मावा उत्तर: आंता ओसो आयो वेन्ने। सामाजिक मानेय विकास ता बदे मंजिल पोरो मंदाना बदे वस्तुगत प्रक्रिया किन बदले कियाना व्यवहार लोप्पा लगेमांतोर (बदे प्राकृतिक प्रक्रिया किन बदले कियाना व्यवहार ओसो सामाजिक प्रक्रिया ता मत्तेकाई), अस्के ओर चिन्तन लोप्पा वस्तुगत वस्तुगत प्रक्रिया ता प्रतिबिम्ब संगे ओसो तन्ना मनोगत कार्यवाही ता संचालन संग तन्ना ज्ञान किन इन्द्रियग्राह्य तल बुद्धिसंगत मंजिल एवनल बेरसी किया परिंतोर। ओसो इद्रमता विचार, सिद्धांत, योजनांग ओसो कार्यक्रम कुना निर्माण किया परिंतोर, ठोस रूप ते अद वस्तुगत प्रक्रिया ता नियम कुना अनुसार मंदाना। तीना पेरके इव विचार, सिद्धांत, योजना ओसो कार्यक्रम किन अदे वस्तुगत प्रक्रिया ते अमल कींतोर। ओर तन्ना मुन्ने आल्सता उद्देश्य किन हासिल कीतेके, ओर अदे प्रक्रिया ता व्यवहार लोप्पा अव पूर्वनिर्मित विचार, सिद्धांत, योजनांग ओसो कार्यक्रम किन वास्तविक रूप हियाना या ठोस रूप ते वास्तविकता ता रूप हीतेके इद ठोस प्रक्रिया ता संबंध लोप्पा ज्ञान दोरकि कियाना क्रिया पूरा आता इंजी मानेमायना। उदाहरण काजे प्रकृति किन बदले कियाना प्रक्रिया

लोप्पा बदे इंजीनियरू-योजना किन अमली रूप हियाना, बदे वैज्ञानिक परिकल्पना ता सच्चाई किन साबित कियाना, बदे औजार बने कियाना ओसो बदे फसल ता कटाई कियाना। ओसो समाज किन बदले कियाना प्रक्रिया लोप्पा, बदे हड़ताल ता जीत आयना, बदे युद्ध लोप्पा सफलता दोरकी कियाना ओसो बदे शिक्षा संबंधित योजना किन पूरा कियाना - इव सब्बे किन मुन्ने आल्सता उद्देश्य किन साबित आयाना इंजी मानेमायमूड़ांता। मति साधारण रूप ते प्रकृति किन बदले कियाना व्यवहार लोप्पा ओसो समाज लोप्पा आई, लोकुरा मूल विचार, सिद्धांत, योजनांग ओसो कार्यक्रम बदे बदलाव लेवा लागू आंता इंजी इद्रम पक्काए कम मंदिंता। बारांकु इत्तेके बोरु वास्तविकता किन बदले कियाला आल्सा मंतोर। ओरा वेल्लेय सीमांग मंदिंतांग। ओरा सीमांग वैज्ञानिक ओसो तकनीकी परिस्थिति ने निश्चित आयोंग, अव वस्तुगत प्रक्रिया ता खुद उचुन विकास आता ओसो अद बचोन खुद किन प्रकट किता (वस्तुगत प्रक्रिया ता विभिन्न पहलू ओसो ता सारतत्व इंजे पूर्ण रूप ते प्रकट आताद हिल्ले) इंदाना पोरो निश्चित मंता। इद्रम ता परिस्थिति ते, व्यवहार तास्के अप्रत्याशित परिस्थिति ता जानकारी पोरो विचार, सिद्धांत, योजनांग ओसो कार्यक्रम हमेशा आंशिक रूप ते ओसो बस्के-बस्के पूरा बदलेमंता। दूसरा हिसाब ते मूल विचार, सिद्धांत, योजनांग ओसो कार्यक्रम अंशतः लेवेके पूर्णतः वास्तविकता संगे कलियो ओसो अंशतः या पूर्णतः गलत आंता। हमेशा गलत ज्ञान किन सही कियाना मुन्ने गलत ज्ञान किन बदले कीसि तानकिन वस्तुगत प्रक्रिया ता नियम कुना अनुकूल बने कियाना मुन्ने, ओसो मनेगत चीज कुना वस्तुगत चीजकुना लोप्पा बदलेमायाना मुन्ने इत्तेके व्यवहार लोप्पा प्रत्याशित (मुन्ने आल्सता लेक्का अनु.) फायदा दोरकी कियाना मुन्ने, बार-बार असफलता ना सामना किया लागिंता। मति इद मुद्दा पोरो एवता पेरके बद्रम आतेकाई, बदे वस्तुगत प्रक्रिय ता बारे ते, बोर विकास ता मंजिल पोरो मंतोर, मानेय ना ज्ञान दोरकि कियाना क्रिया पूरा आता इंजी समझेमांता।

प्रक्रिया ता विकास इत्तेके मानेय ना ज्ञान दोरकि कियाना प्रक्रिया बुस्कने पूरा आयो। बदे वेन्ने प्रक्रिया, प्राकृतिक दुनिया या सामाजिक दुनिया लोप्पा मत्तेकाई, तना अन्दरूनी अंतरविरोध ओसो संघर्ष ता कारण तेने बेरसिंता ओसो विकसित आंता, ताना अनुसार मानेय ना ज्ञान दोरकि कियाना प्रक्रिया किन वेन्ने बेरसना ओसो विकसित आयना जरूरत मंता। सामाजिक आंदोलन ते संबंध मंदना बेसता क्रांतिकारी नेता लोर, ओरा विचार, सिद्धांत, योजनांग ओसो कार्यक्रम गलत साबित आयना शुरू आतेके अस्के माटु वेहता लेक्का सुधरे कियाना इंदनाना पोल्लो किन पुंजी मंदाना ओसो इदे आयो बदे वस्तुगत प्रक्रिया विकास ता उंदी मंजिल लोप्पा एवसी मत्ता, बदलाव आसी मत्तादिना अनुसार खुद ओसो दूसरा क्रांतिकारी लोरा मनोगत ज्ञान किन मुन्ने ओयना ओसो बदलाव कियाना इंजी इद पोल्लो किन वेन्ने पुंजी मंदाना। दूसरा हिसाब ते ओरकिन ओर पेश कियाना पूना क्रांतिकारी काम ओसो पूना अमली कार्यक्रम पूना परिस्थिति ता बदलाव कुना अनुकूल मंदाना इंजी गारंटी एताना मंता। क्रांतिकारी कालम लोप्पा परिस्थिति वेल्ले जल्दी बदलेमांता, बदलेमायना परिस्थिति लोप्पा क्रांतिकारीलोरा ज्ञान वेन्ने जल्दी-जल्दी बदलेमायवेके ओर क्रांति किन आखरी जीत एवनल ओया परवोर आंतोरा।

मति हमेशा बातल आंता इत्तेके विचार वास्तविक परिस्थिति किन पेरके अरिंता। बारांकु इत्तेके मानव-ज्ञान वेल्ले सामाजिक परिस्थिति ना सीमा लोप्पा दोहचि मंदिंता। क्रांतिकारी कैडर लोरा लोप्पा वस्तुगत परिस्थिति ता अनुसार विचार बदले मायवा मुन्ने दायाना ओसो इतिहास लोप्पा दक्षिणपंथी अवसरवाद ता रूप ते दिस्सना कट्टरवादीलोरा विरोध कींतोमा ओरू अंतरविरोध ता संघर्ष मुन्नेने वस्तुगत प्रक्रिया किन मुन्ने ओताद मंता इंजी हूडोर आंतोर, असल ते ओरा ज्ञान पाइना मंजिल पोरो ने रोमसी मंता। सब्बे कट्टरवादी लोरा विचार कुना सही विशेषता इत्तेके ओरा विचार सामाजिक व्यवहार तुकू अलग मंदिंता, ओसो ओर समाज ता विकास ता गाड़ा किन सही ताकि किया परोवर, वेर गाड़ा पोरो ओंग आसि ताकसोरे मंदिंतोर ओसो गाड़ा पक्काए वित्तसोरे मंदिंता इंजी

वेहेंतोर, ओर इदे आयवा तानकिन पेरके गुच्चि कियाना लेवके उल्टी दिशा लोप्पा ओयना कोशिश वेन्ने कींतोर।

माटु “वामपंथी” लोरा लप्फाजी ता वेन्ने विरोध कींतोमा ओरा विचार वस्तुगत प्रक्रिया ता विकास ता उंदी निश्चित मंजिल तुकू मुन्ने मंदितांगः ओरा लोप्पाडल उचुन मुल तम्मा विचार न किने सही समझेमांतोर, ओसो उचुन मुल इद्रम ता आदर्श किन जबरदस्ती तुरंत अमल कियाला आल्संतोर बंदो सिर्फ वायना समय तेने अमल किया परमूडंता। ओर बहुसंख्यक लोकुर सामयिक व्यवहार तल तात्कालिक वास्तविकता तल खुद किन अलग कींतोर ओसो तन्ना कार्यवाही लोप्पा तन्ना किन दुस्साहसवादी बने कींतोर।

आदर्शवादी ओसो यांत्रिक (mechanical) भौतिकवाद, अवसरवाद (opportunism) ओसो दुस्साहसवाद, सब्बे ना विशेषता बातल मंता इतेके अविनगा मनोगत (subjective) ओसो वस्तुगत (objective) नडमा कोहडा मंदिता, ज्ञान ओसो व्यवहार लोप्पा अलगाव मंदिता। मार्क्सवादी-लेनिनवादी ज्ञान-सिद्धांत ता विशेषता वैज्ञानिक सामाजिक व्यवहार, इव गलत विचारधारा ना दृढता ते विरोध किवा लेवा मंदा परवो। मार्क्सवादी विश्व ता विकास ता निरपेक्ष (absolute) ओसो आम प्रक्रिया लोप्पा हर ठोस प्रक्रिया ता विकास सापेक्ष (relative) मंदिता, ओसो अदिन काजे निरपेक्ष सत्य ता विकास ता हर विशेष मंजिल पोरो ठोस प्रक्रिया ता मानव-ज्ञान सापेक्ष रूप ते सत्य मंदिता।⁸ वस्तुगत प्रक्रिया ता विकास अंतरविरोध ओसो संघर्ष कुना संगे निंदसी मंदिता, अद्रमे मानेय ना ज्ञान ता क्रिया ता विकास वेन्ने अंतरविरोध ओसो संघर्ष कुना संगे निंदसी मंता। वस्तुगत दुनिया ता पूरा द्वन्द्व-आत्मक क्रिया देर-सबेर मानव ज्ञान लोप्पा प्रतिबिम्बित आंता। सामाजिक व्यवहार लोप्पा पुटना, विकास ओसो मायना ता प्रक्रिया लगातार जारी मंदिता, ओसो इद्रमे मानव-ज्ञान लोप्पा वेन्ने पुट्टना, विकास ओसो मायना ता प्रक्रिया लगातार जारी मंदिता। निश्चित विचार, सिद्धांत, योजना ओसो कार्यक्रम पोरो आधार आसी वस्तुगत यथार्थ ता जागा ते उद्देश्य संगे मानेय ना व्यवहार

लगातर मुन्ने दांता, अद्रमे वस्तुगत यथार्थ ता बारे ते मानेय ना ज्ञान वेन्ने लगातार गंभीर आसोर दांता। वस्तुगत यथार्थ ता दुनिय लोप्पा बदलाव ता क्रिया बस्केने खत्म आयो ओसो मानेय ना व्यवहार संगे सत्य ता ज्ञान प्राप्त किया प्रक्रिया बस्केने खत्मा आयो। मार्क्सवादी-लेनिनवाद सत्य ता सम्पूर्ण ज्ञान बस्केने जमा कित्तादे हिल्ले, व्यवहार संगे लगातार सत्य ता ज्ञान ता हरी तोहचोरे मंतोर। मनोगत ओसो वस्तुगत, सिद्धांत ओसो व्यवहार, पुंदाला ओसो काम कियाना नडमा ठोस ऐतिहासिक एकता बने कियाना, ओसो ठोस इतिहास तल जेक दायना सब्बे गलत विचारधारांग ना विरुद्ध मंदितोर, ओर “वामपंथी” मत्तेकाई “दक्षिणपंथी” मत्तेकाई, इद मावा निष्कर्ष इंजी मंता।”

सामाजिक विकास ता वर्तमान मंजिल लोप्पा इतिहास सर्वहारा वर्ग ओसो ओरा पार्टी किन दुनिया किन सही तरीका ते समझेमायना ओसो बदले कियाना जिम्मेदारी सौंपे कीतद मंता। इद प्रक्रिया, दुनिया किन बदले कियाना व्यवहार-क्रम, अदिन निर्णय वैज्ञानिक ज्ञान ता अनुरूप आताद मंता, दुनिया ते ओसो चीन लोप्पा उंदी ऐतिहासिक समय ते एवता, उंदी महत्वपूर्ण समय लोप्पा मानव-इतिहास लोप्पा मुन्ने बस्केने हूडताद हिल्ले। दूसरा हिसाब ते इद उंदी दुनिया ओसो चीन तल तिप्पल किन पूरा दूर कियाना ओसो उंदी बेसता दुनिया ता निर्माण कियाना कोशिश किया मंतोर। दुनिया किन बदले कियाला काजे सर्वहारा वर्ग ओसो क्रांतिकारी जनता ना संघर्ष लोप्पा दोड़ रास्ता काम शामिल मंतांगः वस्तुगत दुनिया लोप्पा बदलाव तत्ताना ओसो संगेने तन्ना मनोगत दुनिया लोप्पा वेन्ने बदलाव तत्ताना- तम्मा ज्ञानार्जन ताकत लोप्पा ओसो मनोगत ओसो वस्तुगत दुनिया ता आपसी संबंध लोपो बदलाव तत्ताना। इद्रम ता बदलाव भूमि ता उंदी हिस्सा, सोवियत संघ लोप्पा तत्तद मंता। अगटा लोकुर बदलाव ता इद प्रक्रिया किन तेज किया मंतोर। चीन ओसो बाकी दुनिया ता जनता बदलाव ता इद प्रक्रिया किन वेंडसोरे मंता लेवेके वेंडयानोरा ओसो बद वस्तुगत दुनिया लोप्पा बदलाव तत्ताना मंता, अगा बदलाव ता विरोधी वेन्ने मंतोर, ओरकिन स्वेच्छा संगे ओसो जागरूक आसी मना

लोप्पा बदलाव तत्ताना मंजिल तल वेंडा लागियर। समग्र मानव-जाति स्वेच्छा संगे ओसो जागरूक आसी मना लोप्पा बदलाव तत्ताना ओसो दुनिया लोप्पा बदलाव तत्तिता, अस्के दुनिया लोप्पा कम्युनिज्म समाज बने मायर।

व्यवहार संगे ने सत्य ता खोज कियाना ओसो व्यवहार संगे सत्य किन जांच कियाना ओसो विकसित कियाना। इन्द्रियग्राह्य ज्ञान संगे शुरू कियाना ओसो अदिन सक्रिय रूप ते बुद्धिसंगत ज्ञान लोप्पा विकसित कियाना: ताना पेरके बुद्धिसंगत ज्ञान संगे शुरू कीसि सक्रीय रूप ते क्रांतिकारी व्यवहार ता मार्गदर्शन कियाना, अस्के मनोगत ओसो वस्तुगत दुनिया लोप्पा बदलाव तत्ता परना इंजी। व्यवहार, ज्ञान, ओसो व्यवहार, ओसो ज्ञान। इद क्रम ता वेल्ले कालम एवनल रिपिट आसोर मंदिता ओस हर रिपिट संगे व्यवहार ओसो ज्ञान ता अन्तर्वस्तु ओसो ज्यादा पोरो स्तर ते एविंता। इद द्वन्द्वात्मक भौतिकवाद ता पूरा ज्ञान-सिद्धांत, द्वन्द्वात्मक भौतिकवाद ता पुंदाना ओसो काम कियाना ता एकता ता सिद्धांत आंदु।

नोट

1. वी.आई.लेनिन, “हेगेल ना रचना ‘तर्क-विज्ञान’ ता रूपरेखा”।
2. कार्ल मार्क्स, “फायरबाख सम्बंधी स्थापनांग”, वी.आई.लेनिन, “भौतिकवाद ओसो अनुभवसिद्ध आलोचना”, अध्याय 2, परिच्छेद 6।
3. वी.आई.लेनिन, “हेगेल ना रचना ‘तर्क-विज्ञान’ ता रूपरेखा”।
4. “समझदारी दोरकी कियाला काजे अनुभव पोरो आधार आसी समझदारी दोरकी कियाना, अध्ययन कियाना शुरू कियाना जरूरत मंता, अनुभवसिद्ध तल पोरो तेदसी सार्वभौमिकता ता स्तर ते एव्वना।” (वी.आई.लेनिन, “हेगेल ना रचना ‘तर्क-विज्ञान’ ता रूप रेखा”)
5. वी.आई.लेनिन, “क्या करें?”, अध्याय 1, परिच्छेद 4।
6. वी.आई.लेनिन, “भौतिकवाद ओसो अनुभवसिद्ध आलोचना”, अध्याय 2, परिच्छेद 6।
7. जे.वी. स्तालिन, “लेनिनवाद का आधारभूत सिद्धांत”, भाग 3।
8. वी.आई.लेनिन, “भौतिकवाद ओसो अनुभवसिद्ध आलोचना”, अध्याय 2, परिच्छेद 5।

अंतरविरोध ता बारे ते

अगस्त 1937

इद दार्शनिक लेख कामरेड माओ त्सेतुंग “व्यवहार ता बारे ते” लेख परेके, ओसो अद लेख ता समान इद लेख ता उद्देश्य वेन्ने पार्टी लोप्पा मत्ता गंभीर कठमुल्लावादी विचार किन दूर कियाना मत्ता। सबसे मुन्ने येनान लोप्पा जापान-विरोधी सैनिक, राजनीतिक कालेज लोप्पा भाषण ता रूप ते इद पेश किताद मत्ता। चुनेकिता रचनांग लोप्पा शामिल कियानास्के लेखक तीना लोप्पा उचुन जोड़े कितोर ओसो उचुन घटे कितोर, उचुन संशोधन कितोर।

वस्तु लोप्पा अंतरविरोध ता नियम, इत्तेके विपरित तत्वकुना एकता ता नियम, भौतिकवाद द्वन्द्ववाद ता सब तल बुनियादी नियम मंता। लेनिन वेहतोर: “वास्तविक अर्थ लोप्पा, पदार्थ ता मूलवस्तु लोप्पा मंदना अंतरविरोध ता अध्ययने द्वन्द्ववाद आंदू”¹ लेनिन खुद इद नियम किन द्वन्द्ववाद ता केंद्र-भाग इंजी वेन्ने इत्तोर² अदिन काजे इद नियम ता अध्ययन कियानास्के माटु वेल्ले विषयकुना, दर्शन ता वेल्ले समस्यांग पोरो चर्चा कियाना जरूरत मंदिता। माटु इव सब्बे समस्यांग किन स्पष्ट रूप ते समझेमाया परतेके, भौतिकवादी द्वन्द्ववाद ता बारे ते माटु उंदी बुनियादी समझ दोरकि किया परिंतोम। समस्यांग दोड़ रास्ता लेक्का मंतांग: रेंडु विश्व-दृष्टिकोण; अंतरविरोध ता सार्वभौमिकता; अंतरविरोध ता विशिष्टता; प्रधान अंतरविरोध ओसो अंतरविरोध ता प्रधान पहलू; अंतरविरोध ता पहलू ना एकरूपता ओसो अविना संघर्ष; ओसो अंतरविरोध लोप्पा शत्रुता किन जागा।

इंजेटा परिस्थिति लोप्पा सोवियत संघ ता दार्शनिक क्षेत्र लोप्पा देबोरिनपंथी आदर्शवाद ता आलोचना आता, ओरु मन्नोरा लोप्पा वेल्ले जिज्ञासा पुटी कित्तोर। देबोरिन ता आदर्शवाद चीनी कम्युनिस्ट पार्टी पोरो वेल्ले गलत प्रभाव वाटता ओसो मना पार्टी लोप्पा कठमुल्लावादी विचार लोरा इद विचार-पद्धति संगे संबंध हिल्ले इंजी वेहा परवोम। अदिन काजे मना वर्तमान दार्शनिक अध्ययन ता मुख्य उद्देश्य कठमुल्लावादी विचार किन दूर कियाना मंता।

1. रेंडू विश्व दृष्टिकोण

मानव-ज्ञान ता इतिहास लोप्पा दुनिया ता विकास ता नियमकुना बारे ते हमेशा रेंडू सिद्धांतकु मंतांग, आध्यात्मवादी धारणा ओसो द्वन्द्ववादी धारणा, रेंडू वरोन-वरोर कु विरोधी विश्व-दृष्टिकोण बनेमांतांग। लेनिन इद्रम वेहतोर:

विकास (क्रमिक विकास) ता रेंडू मूल (रेंडू सम्भव? या इतिहास लोप्पा दिस्तादु रेंडू?) सिद्धांत मंतांग: घटेमायना या बढेमायना लेवेके, पुनरावृत्ति ता रूप ते विकास किन हूड़ाना, ओसो विपरित तत्व ना एकता ता रूप ते विकास किन हूड़ाना (बदे इकाई ता उंदीनकू उंदी ता बहिष्कार कियाना विपरित तत्व लोप्पा विभाजन ओसो अविना आपसी सम्बंध)।³

लेनिन इगा वेन्ने रेंडू अलग विश्व-दृष्टिकोणकुना बारे ते वेहतोर।

चीन लोप्पा आध्यात्मवाद (metaphysics) ता उंदी दूसरा पोरोल “श्वेन-श्वे”। चीन लोप्पा या योरोप लोप्पा आत्तेकाई, इतिहास ता उंदी वेल्ले समय एवनल, इद विचारधारा आदर्शवादी (idealist) विश्व-दृष्टिकोण ताए उंदी अंग मत्ता ओसो मानव-चिन्तन लोप्पा उंदी प्रभुत्वशाली जागा ते मंता। योरोप लोप्पा, पूंजीपति वर्ग ता शेषकाल ता भौतिकवादी वेन्ने आध्यात्मिके मत्ता। वेल्ले योरोपीय देशकुना लोप्पा सामाजिक अर्थव्यवस्था वेल्ले विकसित पूंजीवाद ता मंजिल पोरो एवतास्के, उत्पादक ताकत, वर्ग-संघर्ष ओसो विज्ञान इतिहास लोप्पा उंदी अभूतपूर्व स्तर एवनल विकसित आतास्के ओसो औद्योगिक सर्वहारा वर्ग

ऐतिहासिक विकास लोप्पा सबसे महान प्रेरक ताकत बनेमातास्के मार्क्सवाद ता भौतिकवादी द्वन्द्ववाद ता विश्व-दृष्टिकोणपुट्टता। अस्के भौतिकवादी द्वन्द्ववाद ता विरोध कियाला काजे, पूंजीपति वर्ग नडमा उंदी खुले रूप ते प्रतिपादित, वेल्ले खुल्ला प्रतिक्रियावादी आदर्शवाद किन विडसी घटिया विकासवाद (vulgar evolutionism) वेन्ने पुट्टता।

आध्यात्मवादी विश्व-दृष्टिकोण या घटिया विकासवाद ता विश्व-दृष्टिकोण वस्तुकुन उंदी अलग-थलग मंदाना, स्थिर ओसो एकांगी दृष्टिकोण ते हूडिंता। इद दृष्टिकोण विश्व ता सब्बे वस्तु, अविना रूप ओसो रकम (किस्म) ता हमेशा काजे वरोनकु वरोनगडल अलग ओसो अपरिवर्तननीय मानेमांता। बदे बदलाव आंता, इत्तेके केवल परिमाण लोप्पा घटेमांता या बढेमांता, ओसो जागा बदले मांता। इदे आयवा इद्रम ता घटेमायना या बढेमायना ओसो स्थानान्तरण आंदू। इदिना कारण वस्तु ना लोप्पा आयो अविना बाहर मंदिता, इत्तेके बाहरी ताकत अविन प्रेरित कींतांग। आध्यात्मवादी लोरा राय बातल इत्तेके विश्व लोप्पा विभिन्न रकम ता सब्बे वस्तु ओसो अविना विशिष्टता लोप्पा, अविना अस्तित्व लोप्पा वायानास्के बदे बदलाव आयो। पेरके बदे बदलाव आतेकाई केवल परिमाण लोप्पा बेरसना घटेमायनाए आंदू। अव बदे वस्तु हमेशा केवल खुद अदे वस्तु ता रूप ते बार-बार प्रजनित आया परिंता ओसो बदे अलग वस्तु लोप्पा बदलेमाया परवो। अविना दृष्टि लोप्पा पूंजीवादी शोषण, पूंजीवादी होड, पूंजीवादी समाज ता व्यक्तिवादी विचारधारा, लेक्काट सब्बे पोल्लोंग प्राचीन काल ता दास समाज लोप्पा, आदिम समाज लोप्पा वेन्ने हूडमूडांता, ओसो बिना बदलाव ता हमेशा अद्रमे मंदितांग। सामाजिक विकास ता कारण किन समाज ता बाहर ता परिस्थिति लोप्पा भूगोल ओसो जलवायु लोप्पा परहकितोर। ओर वेल्ले सरल तरीका ते वस्तु ना विकास ता कारण किन वस्तु ता बाहर परहकितोर ओसो भौतिकवाद द्वन्द्ववाद प्रतिपादित सिद्धांत किन ठुकरे कींतोर कि वस्तु लोप्पा विद्यमान अंतरविरोध अविना विकास ता कारण आंदू। बारांकु इत्तेके, ओर न वस्तु ना गुणात्मक विविधता ता बारे ते वेहा परिंतोर न उंदी

गुण ता दूसरा गुण लोप्पा बदलाव ता घटना। योरोप लोप्पा चिन्तन ता इद प्रणाली यांत्रिक भौतिकवाद ता रूप ते सत्रहवी ओसो अठारहवी शताब्दी लोप्पा ओसो घटिया विकासवाद ता रूप ते उन्नीसवी शताब्दी ता अन्त ओसो बीसवी शताब्दी ता शुरू ते मत्ता। चीन लोप्पा, आध्यात्मवादी चिन्तनधारा ता उदाहरण रास्ता लेक्का मंता: “दुनिया बदलेमायो, अद्रमे ताओ वेन्ने बदलेमायो”⁴¹। इद चिन्तनधारा वेल्ले समय एवनल पतन आसोरे मंदाना सामंती शासक वर्ग ता सहारा दोरकी कीसोर मत्ता। हत्ता सौ साल लोप्पा योरोप तल चीन लोप्पा तत्ताना यांत्रिक भौतिकवाद ओसो घटिया विकासवाद किन चीनी पूंजीवादी वर्ग ता समर्थन मंता।

आध्यात्मवादी विश्व-दृष्टिकोण ता विपरित भौतिकवादी द्वन्द्ववाद ता विश्व-दृष्टिकोण बदे वस्तु ता विकास किन समझेमायला काजे ताना अध्ययन लोप्पाडल दूसरा वस्तु संगे अद वस्तु ता संबंध ते कियाना इंजी वेहिंता। दूसरा हिसाब ते वस्तु ता विकास ता संबंध संगे कियाना: वस्तु ना विकास किन आन्तरिक ओसो आवश्यक आत्मगति ता रूप ते हूडाना, ओसो हर गतिमान वस्तु किन ओसो आसपास ता वस्तु किन आपस ता संबंध ते उंदी दूसरा किन प्रभावित कीसोरे वस्तु ता रूप ते हूडाना। बदे वस्तु ता विकास ता मूल कारण ताना बाहर आयो ताना लोप्पा मंदिता: ताना लोप्पा अन्दरूमी अंतरविरोध लोप्पा आधारित मंता। इद अन्दरूनी अंतरविरोध हर वस्तु ते मौजूद मंदिता। इद अन्दरूनी अंतरविरोध हर वस्तु ते मंदिता ओसो अदिन काजे हर वस्तु गतिमान ओसो विकासशील मंदिता। बदे वस्तु लोप्पा मंदाना अंतरविरोध ताना विकास ता मूल कारणा मंदिता, मति ताना ओसो दूसरा वस्तु नडमा ता अन्तर-संबंध ओसो अन्तर-प्रभाव तना विकास ता गौण कारण मंदिता। इद्रम भौतिकवादी द्वन्द्ववाद, आध्यात्मवादी यांत्रिक भौतिकवाद ओसो घटिया विकासवाद ता प्रतिपादन कित्ता बाहरी कारण या बाहरी प्रेरणा ता सिद्धांत ता जोरदार विरोध कींता। केवल बाहरी कारण कुनगडल वस्तु ने केवल यांत्रिक गतिए पुटिंता, इत्तेके ताना स्तर ओसो ताना मात्रा तेने बदलाव आया परिंता। मति ओर वस्तु ना हजारो रकम ता गुणात्मक भेद बारांकु मंता ओसो बारांकु

उंदी वस्तु दूसरा वस्तु ते बारांकु बदलेमांता इंजी खुलासा किया परवोर असल ते बदे बाहरी ताकत संगे प्रेरित वस्तु ना यांत्रिक गति वेन्ने अविना आन्तरिक अंतरविरोध ता कारण ते पैदा आंता। वनस्पति ओसो जन्तु ना वृद्धि ओसो अविना परिमाणात्मक विकास वेन्ने मुख्य रूप ते अविना आन्तरिक अंतरविरोध ता कारण ते आंता। अदिन काजे सामाजिक विकास मुख्य रूप ते बाहरी कारण ते आयो आन्तरिक कारण ते आंता। वेल्ले देश ता भौगोलिक ओसो वायुमंडलीय परिस्थितिं ग लगभग उंदी बराबर मत्तेकाई अविना विकास वेल्ले अलग ओसो असमान रूप ते आंता। इदे आयवा बदे देश ता भौगोलिक ओसो वायुमंडलीय परिस्थिति ना लोप्पा बदे बदलाव आवेकाई ओरा लेपा जबरदस्त सामाजिक बदलाव आया परिंता। साम्राज्यवादी रूस समाजवादी सोवियत संघ लोप्पा बदलेमाता ओसो सामंती जापान, बद हरी बंद कीसि दुनिया तल अलग-थलत मत्ता, साम्राज्यवादी जापान लोप्पा बदलेमाता, मति इव रेंडासी देश लोप्पा भौगोलिक ओसो वायुमंडल परिस्थिति ना लोप्पा बदे बदलाव आताद हिल्ले। लम्बा समय तल सामंती व्यवस्था कैदे मत्ता चीन, हत्ता सौ साल लोप्पा वेल्ले बेहरा बदलाव आता ओसो इंजे उंदी पूना मुक्त ओसो स्वतंत्र चीन ता दिशा लोप्पा बदलाव आया मंता: मति चीन ता भौगोलिक ओसो वायुमंडलीय परिस्थिति लोप्पा बदे बदलाव आताद हिल्ले। पूरा भूमि ओसो ताना हर हिस्सा ता भौगोलिक ओसो वायुमंडलीय परिस्थिति लोप्पा बदलाव जरूर आंता, मति समाज लोप्पा आयना बदलाव ता तुलना ते ओर वेल्लेय कम मंता: भौगोलिक ओसो वायुमंडलीय परिस्थिति लोप्पा आयना बदलाव अगा दसियो हजारों साल ते दिसिंता, अगा समाज लोप्पा आयना बदलाव केवल हजारों, सैकड़ों, दसियों साल लोप्पा ओसो क्रांति ता काल लोप्पा उचुन साल या महीना लोप्पा दिसिंता। भौतिकवाद द्वन्द्ववाद ता दृष्टिकोण ता अनुसार प्रकृति लोप्पा बदलाव ता मुख्य कारण प्रकृति लोप्पा मंदांना लोप्पाटा अंतरविरोध ता विकास आंता। समाज लोप्पा बदलाव ता मुख्य कारण आंता समाज लोप्पा मंदांना आन्तरिक अंतरविरोध इत्तेके उत्पादक ताकत ओसो उत्पादन-संबंधा

नड़मा ता अंतरविरोध, वर्ग नड़मा ता अंतरविरोध ओसो पूना ओसो पाड़ना ता नड़मा ता अंतरविरोध ता विकास आयाना, इव अंतरविरोध ना विकास समाज किन मुन्ने ओंता, ओसो पाड़ना समाज ता जागा ते पूना समाज ता स्थापना कियाना प्रक्रिया किन गति हींता। भौतिकवादी द्वन्द्ववाद बाहरी कारण कुना भूमिका मानेमायो या? हिल्ले, बिल्कुल मानेमायो। भौतिकवादी द्वन्द्ववाद ता विचार बाहरी कारण बदलाव काजे केवल परिस्थिति मंदिता, बस्के एवनल आन्तरिक कारण बदलाव ता आधार मंदिता ओसो बाहरी कारण आन्तरिक कारण कुना संगे ने क्रियाशील आंता। अनुकूल तापमान लोप्पा अंडा (मेंज) पीसे लोप्पा बदलेमांता, मति उंदी बंडा किन पीसे ते बदले कियाना लेक्का बदे तापमान मन्नो आंता बारांकु इत्तेके अंडा (मेंज) ओसो बंडा ता आधार अलग-अलग मंता। विभिन्न देश ता जनता नड़मा लगातार प्रभाव वाटसोर मंता। पूंजीवाद समाज लोप्पा, विशेषकर साम्राज्यवाद ओसो सर्वहारा क्रांति समाज लोप्पा विभिन्न देश नड़मा राजनीतिक, आर्थिक ओसो सांस्कृतिक क्षेत्र लोप्पा पारस्परिक प्रभाव ओसो अन्तर क्रिया वेल्ले बेहरा मंदिता। अक्तुबर समाजवादी क्रांति केवल रूस ता इतिहास लोप्पा, विश्व ता इतिहास लोप्पा वेन्ने उंदी पूना समाज ता सूत्रपात कित्ता। अद विश्व ता सब्बे देश ता आन्तरिक बदलाव पोरो प्रभाव वाटता, अद्रमे चीन ता आन्तरिक बदलाव किन ओसो गहराई ते प्रभावित कित्ता। मति इद बदलाव देश ता ओसो चीन ता विकास ता आन्तरिक नियम तल पैदा आसी मत्ता। युद्ध लोप्पा उंदी सेना सफल आंता ओसो दूसरा हारेमांता: सफल ओसो विफल रेंडासी आन्तरिक कारण कुना संगे निश्चित मंदिता। उंदी सेना सफल आयना इत्तेके अद सेना शक्तिशाली मंता या ताना नेतृत्व सही मंदिता: दूसरा सेना कमजोर मंता ओसो ताना नेतृत्व सही हिल्ला कारण ते हारेमांता। बाहरी कारण आन्तरिक कारण कुना संगेने क्रियाशील मंदिता। 1927 लोप्पा चीन ता बड़े पूंजीपति वर्ग खुद चीनी सर्वहारा वर्ग लोप्पा (चीनी कम्युनिस्ट पार्टी लोप्पा) मंदाना अवसरवाद ता फायदा तेहची सर्वहारा वर्ग किन हारे कित्ता। माटु इद अवसरवाद किन खत्मक कीतेके चीनी क्रांति ओसो वेन्ने मुन्ने

हत्ता। पेरेके मना पार्टी तल दुस्साहसवाद ता उदय आता कारण ते, चीनी क्रांति किन दोबारा दुश्मन ता बेहरा हमला ना शिकार आया लागता। माट्टु इद दुस्साहसवाद किन खत्म कीतोम अस्के मावा काम दोबारा उंदी बेरा मुन्ने हत्ता। इद्रम क्रांति किन सफल ता मंजिल एवनल एव्वला काजे स्पष्ट आंता, बदे राजनीतिक पार्टी ता खुद मना राजनीतिक लाईन ता सही आतेके ओसो मना संगठन ता मजबूती पोरो निर्भर आयाना।

द्वन्द्ववादी विश्व-दृष्टिकोण ता उदय चीन ओसो योरोप रेंडासी जागा ने प्राचीन काल लोप्पाने आसी मत्ता। मति प्राचीन द्वन्द्ववाद ता स्वरूप वेल्ले स्वयंस्फूर्त ओसो सरल मत्ता: अस्के सामाजिक ओसो ऐतिहासिक परिस्थिति लोप्पा अद उंदी सैद्धांतिक व्यवस्था ता रूप एता परवो अदिन काजे दुनिया ता बारे ते पूरा वेहा परवो ओसो पेरेके ताना जागा ते आध्यात्मवाद एतता। जर्मन दार्शनिक हेगेल ना जीवनकाल अठारहवी शताब्दी ता आखरी साल तल उन्नसवी शताब्दी ता शुरूआती साल एवनल मत्ता, द्वन्द्ववाद आदर्शवादी द्वन्द्ववाद मत्ता। सर्वहारा आंदोलन ता महान कार्यकर्ता मार्क्स ओसो एंगेल्स मानव-ज्ञान ता इतिहास ता सकारात्मक ता संश्लेषण कितास्के, विशेषकर हेगेल ना द्वन्द्ववाद ता युक्तिसंगत तत्व ता बारे ते आलाचोनात्मक दृष्टिकोण लागू कीसि अविन ग्रहण कितोरो ओसो द्वन्द्वात्मक भौतिकवाद, ऐतिहासिक भौतिकवाद ता महान सिद्धांत ता रचना कितोर, अस्केने मानव-ज्ञान ता इतिहास लोप्पा उंदी अभूतपूर्व महान क्रांति आंता। लेनिन ओसो स्तालिन इद महान सिद्धांत किन ओसो वेल्ले विकसित कितोर। इद सिद्धांत चीन लोप्पा एवता, अस्के चीनी विचार दुनिया जबरदस्त बदलाव तत्ता।

इद द्वन्द्वात्मक विश्व-दृष्टिकोण मनाकिन मुख्य रूप ते विभिन्न वस्तु लोप्पा मंदाना अंतरविरोध ता गति ता निरिक्षण ओसो विश्लेषण कुशलता ते कियाना ओसो इद्रमता विश्लेषण पोरो आधार आसी अंतरविरोध किन हल कियाना तरीका किन परहकना इंजी करिहंता। अदिन काजे मनम वस्तु लोप्पा अन्तरवोध ता नियम किन ठोस रूप ते समझेमायना मना काजे ज्याद महत्व ता पोल्लो मंदिता।

2. अंतरविरोध ता सार्वभौमिकता

अपना विषय किन आसान बने कियाना काजे, नन्ना इंगा मुन्ने अंतरविरोध ता सार्वभौमिकता (universality) ता चर्चा कियानाकन, ओसो ताना पेरके अंतरविरोध ता विशिष्टता (particularity) पोरो विचार कियानाकन। बारांकु इत्तेके अंतरविरोध ता सार्वभौमिकता ता बारे ते संक्षिप्त ते वेहा परमूडांता, बारांकु इत्तेके मार्क्सवाद ता महान निर्माता ओसो ताना किन मुन्ने ओयानोर-मार्क्स, एंगेल्स, लेनिन, स्तालिन- भौतिकवादी द्वन्द्ववाद ता विश्व-दृष्टिकोण ता खोज कित्तास्केडल ओसो मानव-इतिहास ओसो प्राकृतिक इतिहास ता विश्लेषण ता वेल्ले पहलू पोरो समाज ओसो प्रकृति लोप्पा आयाना बदलाव कुना वेल्ले पहलू पोरो भौतिकवादी द्वन्द्ववाद किन वेल्ले सफलता संगे लागू कित्तोर (सोवियत संघ लेक्का), अस्केडल वेल्ले मुल अंतरविरोध ता सार्वभौमिकता किन मानेमातोर: मति अंतरविरोध ता विशिष्टता ता बारे ते वेल्ले मुल ता विचार, विशेषकर कठमुल्लावादी लोरा विचार इंजे वेन्ने साफ आतद हिल्ले। ओरू अंतरविरोध ता विशिष्टता लोप्पा अंतरविरोध ता सार्वभौमिकता मंता इंजी समझेमाया परवोर आंतोर। ओरू मना मुन्ने मंदाना ठोस वस्तु लोप्पा मंदाना अंतरविरोध ता विशिष्टता ता अध्ययन क्रांतिकारी व्यवहार किन मुन्ने ओयना लोप्पा मार्गदर्शन कियाला काजे बचोन महत्वपूर्ण मंता इंजी वेन्ने समझेमायोरा। अदिन काजे अंतरविरोध ता विशिष्टता ता अध्ययन पोरो जोर वाटना ओसो ताना बारे ते वेल्ले विस्तार ते वेहाना वेल्ले जरूरी मंता। अदिन काजे वस्तु लोप्पा मंदाना अंतरविरोध ता नियम ता विश्लेषण कियानास्के मुन्ने हमेशा अंतरविरोध ता सार्वभौमिकता ता विश्लेषण कियाना, पेरके अंतरविरोध ता विशिष्टता ता विश्लेषण पोरो जोर वाटना आखरी ते अंतरविरोध ता सार्वभौमिकता पोरो वायना।

अंतरविरोध ता सार्वभौमिकता या निरपेक्षता (absoluteness) ता रेंडु अर्थ मंतांगा। उंदी अंतरविरोध सब्बे वस्तुना विकास ता गति लोप्पा मंदिता ओसो दूसरा हर वस्तु ता विकास ता गति लोप्पा अंतरविरोध ता गति शुरु तल आखरी एवनल मंदिता।

एंगेल्स वेहची मत्तोर: “गति खुद उंदी अंतरविरोध आंदू” इंजी।⁵ लेनिन विपरित तत्व कुना एकता ता नियम ता परिभाषा रास्ता लेक्का कीसि मत्तोर “प्रकृति (ताना लोप्पा मष्टिष्क ओसो समाज वेन्ने शामिल मंता) ता सब्बे घटनांग ओसो प्रक्रिया लोप्पा अंतरविरोधपूर्ण, उंदीनकु उंदी ता बहिष्कृत कियाना, विपरीत प्रवृत्ति किन मानेमायना (खोज कियाना)” मंता।⁶ इद विचार सही मंताया? इंगो, इद विचार सही मंता। सब्बे वस्तु लोप्पा मंदाना अंतरविरोधपूर्ण पहलू ता अन्तर-निर्भरता ओसो अविना नडमा ता संघर्ष अव वस्तु ना पिस्वल किन निर्धारित कीतांग ओसो अविना विकास किन मुन्ने ओतांग। अंतरविरोध हिल्ला बदे वस्तु हिल्ले: अंतरविरोध लेवा दुनिया मन्नो आयरा।

अंतरविरोध गति ता साधारण रूप (उदाहरण काजे यांत्रिक गति) ता आधार आंदू ओसो गति ता संश्लिष्ट (complex) रूप ना आधार ओसो वेन्ने ज्यादा मंता।

एंगेल्स अंतरविरोध ता सार्वभौमिकता बारे ते दोड़ रास्ता लेक्का वेहतोर:

इद साधारण यांत्रिक स्थानान्तरण लोप्पा अंतरविरोध मंता, अस्के पदार्थ ता गति उच्च स्तर काजे विशेषकर प्राणी-पिस्वल ओसो विकास काजे ज्यादा सही मंता। जीवा सबसे पहले बातल इत्तेके उंदी सजीव वस्तु हमेशा खुद अदे वस्तु मत्तेकाई बदे दूसराए वस्तु मंदिता। अदिन काजे जीवा वेन्ने उंदी अंतरविरोध आंदू, अद खुद वस्तु ओसो प्रक्रिया लोप्पा मंदिता, ओसो लगातार खुद पुटसोर मंता ओसो हल आसोर मंदिता। अद्रमे इद अंतरविरोध खत्म आंता, अद्रमे जीवा वेन्ने खत्म आंता। अद्रमे माटु विचार ता क्षेत्र लोप्पा माटु अंतरविरोध तल बचेमाया परवोम, ओसो उदाहरण काजे इद मानव जाति ता ज्ञान हासिल कियाना स्वभाविक रूप ते हंद हिल्ला क्षमता ओसो मानेय ना बाहरी परिस्थिति संगे सीमित आसी मंदिता। ओसो ताना बौद्धिक क्षमता वेन्ने सीमित आसी मंदिता, ताना वास्तविक प्राप्त नडमा ता अंतरविरोध ता समाधान- कम से कम

व्यावहारिक रूप ते मावा काजे उंदी पेरके दूसरा पीढ़ी ता असीमित आवर्तन ता रूप ते, अन्तहीन प्रगति ता रूप ते मंदिता।

.... उच्च गणित-शास्त्र ता उंदी बुनियादी नियम... अन्तरविरोधे आंदू.. मति निम्न गणित-शास्त्र लोप्पा वेन्ने अंतरविरोध ता भरमार आंदू⁷ लेनिन अंतरविरोध ता सार्वभौमिकता ता उदाहरण दोड़ रास्ता लेक्का मत्ता:

गणित-शास्त्र लोपा: ओसो: अवकलन (Differential) ओसो समाकलन (integral.)।

भौतिक विज्ञान लोपा: धनात्मक विद्युत ओसो ऋणात्मक विद्युता

रसायन विज्ञान लोपा: परमाणु संघटन ओसो विघटन।

सामाजिक विज्ञान लोपा: वर्ग-संघर्ष।

युद्ध लोप्पा हमला ओसो बचाव, मुन्ने दायना पेरके गुचना, जीड़ना ओसो हारेमायना सब्बे अंतरविरोधपूर्ण घटनांग आंदुंगा। उंदी लेवा दूसरा ता अस्तित्व मंदा परवो। इव रेंडासी पहलुंग आपस ते संघर्ष वेन्ने कींतांग ओसो उंदी दूसरा पोरो निर्भर आसी वेन्ने मंतांग, इदे युद्ध किन सम्पूर्ण बने किंतांग, युद्ध ता विकास किन मुन्ने ओंतांग ओसो युद्ध समस्यांग किन हल कींतांग।

मानव धारणांग लोप्पा मंदाना सब्बे भेद (तेड़ा) किन वस्तुगत अंतरविरोध प्रतिबिम्ब ता रूप ते हूड़ाना। वस्तुगत अंतरविरोध मनोगत चिंतन लोप्पा प्रतिबिम्बित आंता, इदे प्रक्रिया धारणांग ना अंतरविरोध ना गति ता रचना किसोर मंता, ओसो अंतरविरोध ता गति चिन्तन ता विकास किन मुन्ने ओंता ओसो मानव चिन्तन लोप्पा वायना समस्यांग किन लगातार हल किसोर दांता।

पार्टी लोप्पा वायना अलग-अलग विचार नड़मा विरोध ओसो संघर्ष लगातार ताकिंता। इद पार्टी लोप्पा समाज ता अलग-अलग वर्ग नड़मा ता अंतरविरोध किन प्रतिबिम्बित कींता। पार्टी लोप्पा अंतरविरोध हिल्वेके ओसो अविन हल कियाला काजे विचारधारात्मक संघर्ष कीवेके पार्टी ता पिस्वल खत्म आंता।

इद्रम गति ता रूप साधारण आई या संश्लिष्ट आई, वस्तुगत घटना आई या विचारगत अंतरविरोध सार्वभौमिक रूप ते ओसो प्रक्रिया लोप्पा ओसो सब्बे प्रक्रिया लोप्पा मंदिता। मति अंतरविरोध ता प्रक्रिया शुरूआती समय ते वेन्ने मंदिता? हर वस्तु ता विकास ता प्रक्रिया लोप्पा शुरू तल आखरी एवनल अंतरविरोध ता गति बनेमांता?

सोवियत दार्शनिक लोरा देबोरिन-पंथ ता आलोचना ते रास्ता लेख तल समझेमांता कि देबोरिन-पंथ ता दृष्टिकोण अंतरविरोध बदे प्रक्रिया ता एकदम शुरूआत ते पुटो आंता, ताना विकास ता उंदी निश्चित समय ते दिसिंता। अद निश्चित समय ते एवना मुन्ने प्रक्रिया ता विकास आन्तरिक कारण ते आयो बाहरी कारण ते आंता। इद्रम देबोरिन बाहरी कारण ओसो यांत्रिकता ता आध्यात्मवादी सिद्धांत पोरो वांतोरा। ठोस समस्या ना विश्लेषण लोप्पा इद दृष्टिकोण ते लागू कीसि, देबोरिनपंथी सोवियत संघ लोप्पा वर्तमान परिस्थिति लोप्पा मजदूर ओसो आम किसान लोरा नड़मा केवल भेद मंदिता, अंतरविरोध मन्ने ओसो इद्रम ओरु बुखारिन ता विचार ते पूर्ण सहमत आंतोरा। फ्रांसीसी क्रांति ता विश्लेषण कियानास्के ओरु क्रांति तुकू मुन्ने थर्ड एस्टट लोप्पा, ताना लोप्पा मजदूर, किसान ओसो पूंजीपति वर्ग शामिल मत्तोर, केवल भेद मंदिता, अंतरविरोध मन्ने। देबोरिनपंथी लोरा विचार मार्क्सवाद-विरोधी विचार आंदू। ओरु आल्सिंतोर दुनिया लोप्पा मंदाना हर भेद लोप्पा मुन्ने उंदी अंतरविरोध मंता, ओसो भेद खुद अंतरविरोध मंता। मजदूर ओसो पूंजीपति लोरा नड़मा इव रेंडु वर्ग ता अस्तित्व ते वायनास्के अंतरविरोध मंदिता, आरम लोप्पा इद अंतरविरोध उग्र रूप धारण कीवा मत्ता। सोविय संघ ता वर्तमान सामाजिक परिस्थिति लोप्पा वेन्ने मजदूर ओसो किसान नड़मा बेद मंदिता ओसो इद भेद अंतरविरोध आंदू, इद अंतरविरोध मजदूर ओसो पूंजीपति नड़मा मंदाना अंतरविरोध तल अलग मंता ओसो इद उग्र रूप धारण कीसि दुश्मनी या वर्ग-संघर्ष ता रूप ते बदलाव आयो: समाजवाद ता निर्माण आयनास्के मजदूर ओसो किसान लोरु सुदृढ़ एकता बने कित्ता ओसो ओर समाजवाद तल कम्युनिज्म ता दिशा लोप्पा मुन्ने दायना प्रक्रिया लोप्पा

इद अंतरविरोध किन कदम-कदम हर कीसोर मंता। सवाल अलग-अलग रकम ता अंतरविरोध ता मंता। अंतरविरोध सार्वभौमिक ओसो निरपेक्ष मंदिता, सब्बे वस्तु ना विकास प्रक्रिया लोरा मंदाना मंता ओसो सब्बे प्रक्रिया लोप्पा शुरू तल आखरी एवनल मंदिता।

बदे पूना प्रक्रिया ता उदय आयना इत्तेके बातल? इत्तेके बदे पूना एकता ओसो ताना संघटन विपरित तत्व बदे पाड़ना एकता ओसो ताना संघटक विपरित तत्व ता जागा एतिता, पाड़ना प्रक्रिया ता जागा ते उंदी पूना प्रक्रिया ता उदय आंता। पाड़ना प्रक्रिया खत्म आंता ओसो पूना प्रक्रिया शुरू आंता। इद पूना प्रक्रिया लोप्पा पूना अंतरविरोध मंदितांग, ओसो ताना अंतरविरोध ता विकास ता इतिहास शुरू आंता।

लेनिन वेहता लेक्का, मार्क्स तन्ना पुस्तक “पूजी” लोप्पा अंतरविरोध ता गति ता आदर्श विश्लेषण कित्ता अद वस्तु ता विकास ता प्रक्रिया लोप्पा शुरू तल आखरी एवनल मंदिता। उंदी तरीका सब्बे वस्तु ना विकास ता प्रक्रिया ता अध्ययन लोप्पा लागू कियाना। लेनिन खुद इद तरीका किन सही तरीका ते लागू कीसि मत्तोर ओसो सब्बे रचनांग लोप्पा इदे लागू कीसि मत्तोर।

“पूजी” पोरोलता रचना लोप्पा मार्क्स मुन्ने पूजीवादी (व्यापारी माल वाले) समाज ता सबसे सरल, सबसे साधारण ओसो बुनियादी, सबसे ज्यादा प्रचलित ओसो रोज ता सम्बन्ध इत्तेके माल विनमय ता विश्लेषण कित्तोर। इद वेल्ले साधारण घटना (पूजीवादी समाज ता इद “कोशिका”) लोप्पा इद विश्लेषण आधुनिक समाज ता सब्बे अंतरविरोध ता (इत्तेके सब्बे अंतरविरोध ता विज्जा किन) तोहिंता। पेरकेट विषय माटु इव अंतरविरोध ओसो इद समाज ता अलग-अलग अंश ता [समष्टि] आंदू, शुरू तल आखरी एवनल ता विकास (वृद्धि ओसो गति रेंडु) किन तोहिंता।

लेनिन मुन्ने वेहतोर: “द्वन्द्ववाद ता बारे ते (अध्ययन) वेन्ने सामान्य रूप ते इदे तरीका मंदाना।”⁹

चीनी कम्युनिस्ट लोर किन इद तरीका करियाना पाहिजे: केवल अस्केने ओर चीनी क्रांति ता इतिहास ओसो ताना वर्तमान परिस्थिति ता

सही विश्लेषण किया परितोर ओसो ओरा भविष्य ता बारे ते अंदाजा वाटा परितोर।

अंतरविरोध ता विशिष्टता

अंतरविरोध सब्बे वस्तु ता विकास ता प्रक्रिया लोप्पा मंता: इद हर वस्तु ता विकास ता प्रक्रिया लोप्पा शुरू तल आखरी एनवल मंदिता। इगा अंतरविरोध ता विशिष्टता ओसो सापेक्षता ता चर्चा कियानोम।

इद समस्या किन बचोनो पहलू ने हूड़ा लागियर।

सबसे मुन्ने पदार्थ ता गति ता हर रूप ते मंदांना अंतरविरोध ता तना विशिष्टता मंदिता। पदार्थ ता बारे ते मानव ज्ञान पदार्थ ता गति ता रूप ता ज्ञान आंदू, बारांकि इत्तेके दुनिया लोप्पा गतिमान पदार्थ आयवा बदे पदार्थ हिल्ले ओसो गति निश्चित रूप ते बदेआई रूप धारण कींता। पदार्थ ता गति ता हर रूप पोरो विचार कियानास्के माटु अव तत्वकुन ध्यान ते तासना, बदो ताना लोप्पा ओसो गति ता दूसरा रूप लोप्पा समान रूप ते मंदिता। मति विशेष रूप ते महत्वपूर्ण ओसो वस्तु ना बारे ते माना ज्ञान ता आधार किन बने कियाना पोल्लो बातल इत्तेके माटु पदार्थ ता गति ता विशिष्टता किन ध्यान ते तासना, इत्तेके गति ता उंदी रूप ओसो दूसरा रूप नडमा ता गुणात्मक भेद किन ध्यान ते तासना। इद पोल्लो किन ध्यान ते तासिस माटु वस्तु लोप्पा भेद किया परितोम। गति ता बदे वेन्ने रूप लोप्पा ताना विशिष्ट अंतरविरोध मंदिता। इद विशिष्ट अंतरविरोध बदे वस्तु ता विशिष्ट मूलवस्तु किन निर्धारित कींता, दीना कारण तेने अद वस्तु दूसरा सब्बे वस्तु तल अलग मंदिता। इदे दुनिया ता वेल्ले रकम ता वस्तु ना उंदी दूसरा तल अलग मंदांना लोप्पाटा कारण ता आधार आंदू प्रकृति लोप्पा गति ता वेल्ले रूप मंदिता, यात्रिक गति, ध्वनि, प्रकाश, ताप, विद्युत, विघटन, संघटन लेक्काटवा इव सब्बे रूप वरोन-वरोन पोरो निर्भर मंदिता। मति मूलवस्तु ता दृष्टि ते उंदी दूसरा तल अलग मंदिता। गति ता हर रूप ते मंदांना विशिष्ट मूलवस्तु तन्ना विशिष्ट अंतरविरोध संगे निर्धारित आंता। इद पोल्लो केवल

प्रकृति पोरने आयो, सामाजिक ओसो विचारगत घटनांग पोरो वेन्ने लागू आंता। समाज ता हर रूप ओसो चिन्तन ता हर रूप ता तन्ना विशिष्ट अंतरविरोध मंदिता ओसो ताना विशिष्ट मूलवस्तु मंदिता।

विज्ञान ता अलग-अलग शाखाना वर्गीकरण अध्ययन ता वस्तु लोप्पा मंदाना विशिष्ट अंतरविरोध पोरो आधार आसी मंदिता। इद्रम उंदी खास रकम ता अंतरविरोध ता खास घटना-क्रम ता क्षेत्र लोप्पा मंदिता, अद अध्ययन कियाना विज्ञान ता बदे विशेष शाखा ता विषय-वस्तु बनेमांता। उदाहरण काजे, गणित लोप्पा धनात्मक ओसो ऋणात्मक अंक, यंत्र-विज्ञान लोप्पा क्रिया ओसो प्रतिक्रिया, भौतिक विज्ञान लोप्पा धनात्मक विद्युत ओसो ऋणात्मक विद्युत, रसायन विज्ञान लोप्पा विघटन ओसो संघटन, सामाजिक विज्ञान लोप्पा उत्पादन शक्ति ओसो उत्पादन-सम्बध, वर्ग ओसो वर्ग नड़मा ता आपसी संघर्ष, सेना-विज्ञान लोप्पा हमला ओसो बचाव, दर्शन-शास्त्र लोप्पा आदर्शवाद ओसो भौतिकवाद, आध्यात्मवादी दृष्टिकोण ओसो द्वन्द्ववादी दृष्टिकोण, लेक्कव इव सब्बे ना विज्ञान ता अलग-अलग शाखा ना रूप ते अध्ययन बारांकु कियमूडांता इत्तेके हर शाखा लोप्पा उंदी विशिष्ट अंतरविरोध मंदिता ओसो हर शाखा लोप्पा उंदी विशेष मूलवस्तु मंदिता। तीना लोप्पा बदे शक हिल्ले कि अंतरविरोध ता सार्वभौमिकता किन समझेमायवा लेवा माटु वस्तु ता गति, वस्तु ता विकास ता सार्वभौमिक कारण या सार्वभौमिक आधार ता बद्रमाई खोज किया परवोम, अद्रमे अंतरविरोध ता विशिष्टता ता अध्ययन किवा लेवा माटु बदे विशिष्ट मूलवस्तु ता बारे ते खोज किया परवेके अद वस्तु किन अन्य वस्तुनगडल अलग कीसियना, वस्तु ना गति, वस्तु ता विकास ता विशिष्ट कारण या विशिष्ट आधार ता खोज वेन्ने किया परवोम, उंदी वस्तु ओसो दूसरा वस्तु नड़मा ता अन्तर ता पहचान किया परवोम, ओसो विज्ञान ता विभिन्न शाखा नड़मा भेद कियाना परवोम।

मानव ज्ञान ता गति क्रम हमेशा अलग-अलग ओसो विशिष्ट वस्तु ना ज्ञान तल आम वस्तु ना ज्ञान ता दिशा ते कदम-ब-कदम विकसित आंता। मानेय वस्तु ना सामान्य रूप ते मंदाना मूलवस्तु किन ओसो अलग-

अलग वस्तु लोप्पाटल हर विशिष्ट मूलवस्तु किन पुत्तेके ने सामान्यीकरण बगिल दाया परितोर। मानेय इद सामान्य मूलवस्तु पूंजी, इद ज्ञान किन उंदी मार्गदर्शक रूप ते प्रयोग कीसोरे विभिन्न ठोस वस्तु ना अध्ययन कियाना बगिल दांता, बदो इंजे एवनल अध्ययन आत्तद हिल्ले या गहन रूप ते आताद हिल्ले, मुन्ने दांता ओसो ताना लोप्पा हर विशिष्ट मूलवस्तु ता खोज कींतोर, केवल इद्रमे सामान्य मूलवस्तु ता बारेते तन्ना ज्ञान ता पूर्ति किया परितोर, अदिन समृद्ध ओसो विकसित किया परितोर, ओसो इद्रम ज्ञान किन खत्म आयवा लेवा बचे किया परितोर। ज्ञान दोरकि कियाना इव रेंडु प्रक्रिया आंदू - उंदी विशिष्ट तल सामान्य बगिल दायना, ओसो दूसरा सामान्य तल विशिष्ट बगिल दायना। इद्रम मानव ज्ञान हमेशा, बार-बार चक्का लेक्का तिरियसोर दांता, ओसो हर घुमाव संगे (अद वैज्ञानिक रीति संगे पूरा कलितेके) मानेयना ज्ञान उंदी कदम मुन्ने दांता ओसो इद्रम वेल्ले गहन आसोर दांता। मना कठमुल्लावादी लोकरु गलती कींतोर अगा उंदी बगिल ओरु अंतरविरोध ता सार्वभौमिकता ओसो विभिन्न वस्तु ता सामान्य मूलवस्तु किन पर्याप्त रूप ते पुंदाना मुन्ने मनाकिन अंतरविरोध ता विशिष्टता ता अध्ययन किया लागियर: दूसरा बगिल ओरु वस्तुना सामान्य मूलवस्तु किन पुत्ता पेरेके मनम इंजे एवनल गहन अध्ययन हिल्ला या इंजे पूना-पूना पुटसी मंदाना ठोस वस्तु ना अध्ययन बगिल दायाना इंजी समझेमाया परवोर। मना कठमुल्लावादी लोकरु कामचोर (लंडा) मंदितोर। ओरु ठोस रूप वस्तुना वेल्ले मेहनत संगे अध्ययन कियाला इनकार कींतोर, ओसो सामान्य सत्य किन पोरो तल अर्ता लेक्का हंडितोर, तानकिन विशुद्ध अमूर्त फार्मूलांग लोप्पा बदले किंतोर, अद लोकरु किन समझेमायो आंतांगा। इद्रम आसि ओरू सत्य एवनल दायना सामान्य क्रम किन उलटे किनतोर बद संगे मानव सत्य एवनल दांतोरो, ओसो तानकिन इनकार वेन्ने किंतोर। ओरु मानव ना ज्ञानप्राप्त ता रेंडु प्रक्रिया - विशिष्ट तल सामान्य ओसो सामान्य तल विशिष्ट बगिल अग्रसर आयना प्रक्रिया-अंतरविरोध किन समझे माया परोवो आतोर। ओरु मार्क्सवाद ता ज्ञान-सिद्धांत किन बिल्कुल समझेमाया परवोर।

पदार्थ ता गति ता रूप ता हर बेहरा “प्रणाली लोप्पा मंदाना विशिष्ट अंतरविरोध ओसो अव अन्तरविरोध तल निर्धारित मूलवस्तु ता अध्ययन कियाना जरूरी मंदिता, पदार्थ ता गति हर रूप ता विकास ता लम्बा समय लोप्पा अद हर प्रक्रिया ता विशिष्ट अंतरविरोध ओसो मूलवस्तु ता वेन्ने अध्ययन कियाना जरूरी मंता।” गति हर रूप लोप्पा विकास ता वास्तविक मंदाना हर प्रक्रिया (काल्पनिक आयवा), गुणात्मक रूप ते अलग मंदिता। अपना अध्ययन लोप्पा माटु इदे पोल्लो पोरो जोर हियाना ओसो इदिनागडले शुरू कियाना।

गुणात्मक रूप ते अलग मंदना अंतरविरोध किन केवल गुणात्मक रूप ते अलग मंदना तरिकांग संगेने हल कियमूडांता। उदाहरण काजे सर्वहारा वर्ग ओसो पूंजीपति वर्ग नडमा ता अंतरविरोध किन समाजवादी क्रांति ता तरीका ते हल कियमूडांता; विशाल जन-समुदाय ओसो सामंती व्यवस्था नडमा ता अंतरविरोध किन जनवादी क्रांति ता तरीका ते हल कियाना; उपनिवेश ओसो साम्राज्यवाद नडमा अंतरविरोध किन राष्ट्रीय क्रांतिकारी युद्ध ता तरीका ते हल कियाना; समाजवादी समाज लोप्पा मजदूर वर्ग ओसो किसान वर्ग नडमा ता अंतरविरोध किन कृषि ता सामूहीकरण ओसो मशीनीकरण ता तरीका ते हल कियाना। कम्युनिस्ट पार्टी लोप्पा टा अंतरविरोध किन आलोचना ओसो आत्मालोचना ता तरीका ते हल कियमूडांता; समाज ओसो प्रकृति नडमा ता अंतरविरोध किन उत्पादन शक्तिना विकास कियाना तरीका ते हल कियाना आंता। प्रक्रिया बदलेमांता, पाडना प्रक्रिया ओसो पाडना अंतरविरोध खत्म आंता। पूना प्रक्रिया ओसो पूना अंतरविरोध पुटिता, ओसो अविना अनुसार अंतरविरोध किन हल कियाना तरीका वेन्ने अलग-अलग मंता। रूस लोप्पा फरवरी क्रांति ओसो अक्तूबर क्रांति हल कित्ता अंतरविरोध उंदी दूसरा तल मूल रूप ते अलग मत्ता ओसो अविन हल कियाना तरीका वेन्ने मूल रूप ते अलग मत्ता। अलग-अलग अंतरविरोध किन हल कियाला काजे अलग-अलग तरीका किन इस्तेमाल कियाना उसूल किन मार्क्सवादी-लेनिनवादीर सख्ती ते पालन कियाना। कठमुल्लावादी इद

उसूल ता पालन कीवोर; ओरू विभिन्न क्रांति ना परिस्थिति वेन्ने अलग मंता इंजी समझेमायोर आंतोर, अदिन काजे ओरू अलग-अलग अंतरविरोध किन हल कियाला काजे अलग-अलग तरीका किन इस्तेमाल कियाना इंजी समझेमायोर; तीना विपरित ओरू हमेशा उंदी फार्मूला किन लागू कियानोर अदिन ओरू अपरिवर्तनीय समझेमायनोर ओसो अदिन बिना आल्सवा लेवा हर जाग लागू कींतोर, अद्रमासी क्रांति किन नुकसान कींतोर या मुन्ने बढ काम किन बेस कियमूडंता अद गड़बड़ घोटाला ते अरिंता।

बदे वस्तु ता विकास ता प्रक्रिया लोप्पा अंतरविरोध ता विशिष्टता किन समग्रता, अविना अन्तर-सम्बन्ध ता वेड़च ते तोहाला काजे इत्तेके अद वस्तु ता विकास ता प्रक्रिया ता मूलवस्तु किन तोहाला काजे माटु अद प्रक्रिया ता हर अन्तविरोध ता रेंडु पहलू ता विशिष्टता किन तोहा लागियर; लेवके प्रक्रिया ता मूलवस्तु किन तोहाना मुश्किल आंता। मनम मना अध्ययन लोप्पा वेल्ले ध्यान हियाना जरूरत मंता।

बदे वेन्ने बेहरा वस्तु ता विकास ता प्रक्रिया लोप्पा वेल्ले अंतरविरोध मंदिंता। उदाहरण काजे चीन ता पूंजीवादी-जनवादी क्रांति ता प्रक्रिया लोप्पा टा परिस्थिति वेल्ले जटिल मंता, चीनी समाज ता सब्बे उत्पीड़ित वर्ग ओसो साम्राज्यवाद ता बाकी ता अंतरविरोध मंता, विशाल जन-समुदाय ओसो सामंती व्यवस्था नड़मा अंतरविरोध मंता, सर्वहारा वर्ग ओसो पूंजीपति वर्ग नड़मा अंतरविरोध मंता, उंदी बगिल किसान ओसो शहरी निम्न-पूंजीपति वर्ग ओसो दूसरा बगिल पूंजीपति वर्ग नड़मा अंतरविरोध मंता, विभिन्न प्रतिक्रियावादी शासक ग्रुप नड़मा अंतरविरोध मंता। इव सब्बे अंतरविरोध ता तन्ना-तन्ना विशिष्टतांग मंतांग ओसो अदिन काजे अविन उंदी तराजू ते कोल्समुजड़ आयो। हर अंतरविरोध ता रेंडु पहलू ना वेन्ने तन्ना-तन्ना विशिष्टता मंदिंता ओसो अदिन काजे अविन वेन्ने उंदी लेक्का समझेमायना आयो। चीनी क्रांति काजे काम कियानोर किन केवल अंतरविरोध ता विशिष्टता किन अविना समग्रता, इत्तेके अविना अन्तर-सम्बन्ध ता वेड़च ते समझेमायाना, माटु अंतरविरोध ता

समग्रता किन केवल हर अंतरविरोध ता रेंडु पहलू ता अध्ययन कितास्केने समझेमाया परिंतोमा बदे अंतरविरोध ता रेंडु पहलू ता अध्ययन कियाना, बदे अंतरविरोध ता हर पहलू किन समझेमायना इत्तेके हर पहलू ता विशिष्ट परिस्थिति बातल मंता, हर पहलू बद ठोस रूप ते तन्ना विपरित पहलू संगे अन्तर-निर्भरता ओसो अंतरविरोध ता सम्बंध तासिंता, ओसो अन्तर-निर्भरता, अंतरविरोध ता सम्बंध तासना लोप्पा ओसो अन्तर-निर्भरता ता खंडित आयाना हर पहलू तन्ना विपरित पहलू ता खिलाफ बद ठोस तरीका ते संघर्ष ताकि कींता। इव समस्या ना अध्ययन कियाना वेल्ले महत्वपूर्ण मंता। लेनिन ठोस परिस्थिति ना ठोस रूप ते विश्लेषण कियानाए मार्क्सवाद ता सबसे मूलभूत वस्तु आंदू इंजी वेहतोर,¹⁰ अस्के ओर इदे विचार किन वेहचोरे मत्तोर। मना कठमुल्लावादी लोकुर लेनिन ना शिक्षा कुना विरुद्ध ताकिंतोर; ओरु बस्केने वस्तु ता ठोस विश्लेषण कियाना लोप्पा तन्ना दिमाग इस्तेमाल कीसि काम कीवोर, तन्ना लेख ओसो भाषण लोप्पा ओरु हमेशा घिसीपिटी शैली ता इस्तेमाल कींतोर, ताना लोप्पा विषय-वस्तु ता बिलकुल कमी मंदिंता, ओसो इद्रम ओरु मना पार्टी लोप्पा उंदी वेल्ले गलत कार्यशैली किन पुटी कींतोर।

बदे समस्या ता अध्ययन कियानास्के मनोगतवाद, एकांगीपन ओसो उथलेपन तल बचेमायना। मनोगतवाद इत्तेके समस्या किन वस्तुगत तरीका ते हूडवा मंदना, इत्तेके अविन हूडानास्के भौतिकवादी दृष्टिकोण ता इस्तेमाल किवा मंदाना। इद समस्या पओरो नन्ना “व्यवहार ता बारे ते” इंदाना लेख लोप्पा विचार किताना। एकांगीपन इत्तेके समस्या किन सर्वांगीण रूप ते हूडवा मंदाना। उदाहरण काजे केवल चीन किन समझेमायना, जनता किन विडिचियाना, केवल कम्युनिस्ट पार्टी किन समझेमायना, मति क्वोमिंगतांग किन आयो; केवल सर्वहारा वर्ग किन समझेमायना, मति पूंजीपति वर्ग आयो; केवल किसान लोर किन समझेमायना, मति जर्मीदार किन आयो; केवल अनुकूल परिस्थिति किन समझेमायना, मति प्रतिकूल परिस्थिति किन आयो; केवल हत्ता कालम किन समझेमायना, मति वायना कालम किन आयो; केवल अलग-अलग अंश किन समझेमायना, मति

सम्पूर्ण किन आयो; केवल कमी किन समझेमायना, मति उपलब्धि किन आयो; केवल अभियोक्ता किन समझेमायना, मति अभियुक्त किन आयो; केवल भूमिगत क्रांतिकारी काम किन समझेमायना, मति खुला क्रांतिकारी काम किन आयो; लेक्कटवा उंदी शब्द लोप्पा तीना अर्थ बदे अंतरविरोध ता रेंडु पहलू ना विशिष्टता किन समझेमायवा मंदाना। इदिन किन समस्या ना एकांगी तरीका ते हूङ्गना इंतोर। लेवेके सम्पूर्ण वस्तु किन हूङ्गवा लेवा केवल बदे उंदी अंग किन हूङ्गना, जंगल किन हूङ्गवा लेवा केवल मर्ना किन हूङ्गना। अदिन काजे अंतरविरोध किन हला कियाना तरीका ता खोज कियाना असम्भव आंता। क्रांति ता काम किन पूरा कियाना, जिम्मेदारी किन सही तरीका ते निभे कियाना, ओसो पार्टी लोप्पा विचारधारात्मक संघर्ष सही तरीका ते ताकाना असम्भव आंता। युद्ध-विज्ञान ता चर्चा कियानास्के सुन ऊ चि वेहची मत्तोर - “दुश्मन किन चिनेमायना ओसो खुद किन चिनेमायना, अस्केने मीटु हार ता खतरा ता सामना कियवा लेवा सैकडों लड़ाइंग लड़ेमाया परितिरा”¹¹ ओरु युद्ध कियाना रेंडु पक्ष ना चर्चा किसोर मत्तोर। थांग वंश ता वेइ चंग¹² वेन्ने एकांगीपन ता गलती किन समझेमायनोर। ओरु वेहतोर “रेंडु पक्ष ना पोल्लोंग केंजतेके मीवा समझदारी बेरसिंता, मति केवल उंदे पक्ष ता पोल्लो पोरो विश्वास कितेके मीवा दिमाग खराब आंता।” मति मना कामरेड्स हमेशा समस्यांग किन एकांगी तरीका ते हूङ्गितोर ओसो अदिन काजे ओरु हमेशा धोका तितोर। “श्वेइ हू च्वान” पोरोल ता उपन्यास लोप्पा सुंग च्यांग मूंडु बेरांग चू नार पोरो हमला कींतोर¹³ ओसो रेंडु बेरा हारेमांतोर, बारांकु इत्तेके ओनकिन स्थानीय परिस्थिति ता जानकारी मन्नो आंता, ओसो ओरु गलत तरीका लागू कितोर। पेरके ओरु तन्ना तरीका किन बदले कितोर; मुन्ने ओरु परिस्थिति ता जांच कितोर, ओसो लेसी कियाना हरीं ना खोज कितोर, ताना पेरके ओरु ली, हू ओसो चू नाहकुना गठजोड़ किन छिन्न-भिन्न कितोर ओसो उंदी विदेशी कहानी लोप्पाटा ट्रोजन हार्स लेक्कटा चाल संगे तन्ना सैनिक लोर किन भेष बदले कीसि गुप्त रूप ते दुश्मन ना शिविर लोप्पा नेंगि कितोर। ताना पेरके तीसरी मूठभेड़ लोप्पा ओरु सफलता

दोरकी किंतोर। “श्वेइ हू च्वान” लोप्पा भौतिकवाद द्वन्द्ववाद ता वेल्ले उदाहरण मंतांग, ताना लोप्पा चू नार पोरो मूंड बेरा हमला कियाना घटना किन उंदी बेसता उदाहरण मानेमायमूडांता। लेनिन वेहतोर:

.....बदे पदार्थ किन सही तरीका ते पुंदाला काजे माटु सब्बे पहलू, सब्बे संबंध ओसो सब्बे “माध्यम” किन लागू कियाना आंता, ताना अध्ययन कियाना आंता। मति इद्रम पूर्ण रूप ते बस्केने किया परवोम, मति सर्वांगीणता माकिन गलतिंग ओसो गैर लचीलापन तल बचे कींता।¹⁴

माटु लेनिन ना शब्द किन सुरता तासना। उथलेपन ता मतलब इत्तेके अन्तरविरोध किन समग्रता ता विशिष्टता पोरो विचार किवा मंदना ओसो हर अंतरविरोध ता रेंडू पहलू ना विशिष्टता पोरो विचार किवा मंदना इत्तेके बदे वस्तु ता वेल्ले गहराई ते छानबीन कियाना ओसो ताना अंतरविरोध ता विशिष्टता ता वेल्ले बारीकी ते अध्ययन कियाना जरूरत किन इनकार कींतोर, ओसो अविना पोरो केवल जेक तल उंदी कोंडा हूडिसी केवल अविना रूपरेखा पोरो कोंडा वाटसी हर कियाना (बदे सवाल ता उत्तर हियाना, बदे विवाद किन निपटे कियाना, बदे काम किन पूरा कियाना, ओसो बदे फौजी कार्यवाही ता निर्देशन कियाना) कोशिश कियाना शुरू कींतोर। इद्रम काम कियाना तरीका मना किन जरूर झंझट ते वाटिता। चीनी कठमुल्लावादी ओसो अनुभववादी कामरेड्स लोर इद्रम ता गलतिंग किंतोर, बारांकु इत्तेके ओरु वस्तु ना मनोगत, एकांगी ओसो उथले तरीका ते हूडाना। एकांगीपन ओसो उथलापन रेंडु मनोगतवादे आंदू। मति सब्बे वस्तुगत पदार्थ असल ते उंदी दूसरा संगे सम्बंध ओसो लोप्पाटा नियम संगे नियंत्रत मंदिता, उचुन मुल वस्तू किन सही रूप ते प्रतिबिम्बित कियाना जागा ते केवल एकांगी या उथलेपन ते हूडिंतोर ओसो अविना लोप्पाटा संबंध किन समझेमायो आंतोर ओसो अविना लोप्पाटा नियम किन वेन्ने समझे मायो आंतोर, इद्रम ओरा तरीका मनोगतवादी आंता।

माटू बदे वस्तु ता विकास ता सम्पूर्ण प्रक्रिया ताकनास्के ताना अंतरविरोध ता गति, अविना लोप्पाटा संबंध ओसो अविना हर पहलू ता

विशिष्टता पोरो ध्यान हियाना, संगे-संगे विकास ता प्रक्रिया लोप्पा हर मंजिल ता वेन्ने विशिष्टता मंदिता, इदना पोरो वेन्ने ध्यान हिया लागिंता।

बदे वस्तु ता विकास ता प्रक्रिया लोप्पा मंदाना मूल अंतरविरोध ओसो मूल अंतरविरोध निर्धारित आयना प्रक्रिया ता मूलवस्तु अस्के एवनल खत्म आयो आंता, बस्के एवनल अद प्रक्रिया पूरा आयो आंता; मति बदे वस्तु ता विकास ता लम्बी प्रक्रिया लोप्पा हर मंजिल ता परिस्थिति हमेशा दूसरा मंजिल तुकू अलग मंदिता। इद्रम बारांकु मंता इत्तेके, बदे वस्तु ता विकास ता प्रक्रिया लोप्पा मंदाना मूल अंतरविरोध ता स्वरूप ओसो अद प्रक्रिया ता मूलवस्तु बदलेमायो आंता, मति अद्रम आतेकाई विकास ता लम्बा प्रक्रिया ता विभिन्न मंजिल लोप्पा मूल अंतरविरोध लगातार उग्र रूप धारण कीसोर दांता। इदे आयवा मूल अन्तरविरोध संगे निर्धारित या प्रभावित आयना बचोनो सुडला-बेहरा अंतरविरोध लोप्पाडल उचुन अंतरविरोध उग्र रूप धारण कींता, उचुन अस्थाई ओसो आंशिक रूप ते हल आंता, ओसो उचुन पूना अंतरविरोध मुन्ने वांता; अदिन काजे इद प्रक्रिया अलग-अलग मंजिल किन वेंडसोरे प्रकट आंता। लोकुर बदे वस्तु ता विकास ता प्रक्रिया लोप्पा ताना विभिन्न मंजिल कुना बगिल ध्यान हीवोर आंतोर अस्के ओरु अद अंतरविरोध किन सही तरीका ते हल किया परवोर आंतोर।

उदाहरण काजे खुली पोटी (free competition) ता युग ता पूंजीवाद विकसित आसी साम्राज्यवाद ता रूप धारण कींता अस्के मूल अंतरविरोध मंदाना रेंडु वर्ग, इत्तेके सर्वहारा वर्ग ओसो पूंजीपति वर्ग ता वर्ग-स्वरूप लोप्पा, या इद्रम ता समाज ता पूंजीवादी मूलवस्तु लोप्पा बदे बदलाव आयो; मति इव रेंडु वर्ग नडमा ता अंतरविरोध उग्र रूप धारण कींता, इजारेदार पूंजीवाद ओसो गैर-इजारेदार पूंजीवाद नडमा ता अंतरविरोध ओसो वेल्ले उग्र आंता, ओसो पूंजीवादी देश ता नडमा अंतरविरोध इत्तेके अविना असमान विकास ता कारण ते पुटता अंतरविरोध, खासकर उग्र रूप ते प्रकट आंता, ओसो इद्रम पूंजीवाद ता विशेष मंजिल, साम्राज्यवाद ता मंजिल ता उदय आंता। लेनिनवाद

साम्राज्यवाद ओसो सर्वहारा क्रांति ता युग ता मार्क्सवाद बारांकु मंता इत्तेके लेनिन ओसो स्तालिन अव अंतरविरोध किन सही तरीका ते वेहतोर ओसो अविन हल कियाला काजे सर्वहारा क्रांति ता सही सिद्धांत ओसो कार्यनीति पंडतोर।

चीन ता पूंजीवादी-जनवादी क्रांति, अदिना शुरूआत 1911 ता क्रांति संगे आसी मत्ता, ताना प्रक्रिया किन हूडाटू. ताना वेन्ने वेल्ले मंजिल मंदितांग। खासकर पूंजीपति वर्ग ता नेतृत्व-काल लोप्पा क्रांति ता मंजिल ओसो सर्वहारा नेतृत्व-काल लोप्पा क्रांति ता मंजिल क्रांति ता रेंडु वेल्ले अलग ऐतिहासिक मंजिल ता प्रतिनिधित्व कींता। दूसरा शब्द ते, सर्वहारा नेतृत्व क्रांति ता रूप किन मूल रूप ते बदले कित्ता, वर्ग-संबंध ता उंदी पूना सहयोग बने कित्ता, किसान क्रांति लोप्पा जबरदस्त उभार पैदा कित्ता, साम्राज्यवाद ओसो सामंतवाद ता विरुद्ध क्रांति ता शुरूआत कित्ता, जनवादी क्रांति तल समाजवादी क्रांति लोप्पा संक्रमण कियाना सम्भावना किन पुट्टी कित्ता, लेक्काटवा इव सब्बे अद कालम ते सम्भव हिल्ला मत्ता, क्रांति ता नेतृत्व पूंजीपति वर्ग कैदे मत्ता। सम्पूर्ण प्रक्रिया ता मूल अंतरविरोध ता स्वरूप लोप्पा बदे बदलाव आताद हिल्ले, इत्तेके प्रक्रिया ता साम्राज्यवाद-विरोधी, सामंतवाद-विरोधी, जनवादी-क्रांतिकारी स्वरूप ते (ताना विपरित तत्व अर्ध-औपनिवेशिक, अर्ध-सामंती स्वरूप आंदू) बदे बदलाव आयो, मति बीस साल तुकू ज्यादा समय इद प्रक्रिया ता वेल्ले मंजिल किन वेंडता, इद काल ते बचोनो बेहरा घटनांग घटेमाता - 1911 ता क्रांति ता असफलता ओसो उत्तरी युद्ध-सरदार ता शासन ता स्थापना, प्रथम राष्ट्रीय संयुक्त मोर्चा ता स्थापना ओसो 1924-27 ता क्रांति, संयुक्त मोर्चा ता विघटन ओसो पूंजीपति वर्ग ता प्रतिक्रान्तिकारी शिविर लोप्पा पलायन, पूना युद्ध-सरदार नडमा ता लड़ाइंग, भूमि-क्रांति युद्ध, द्वितीय राष्ट्रीय संयुक्त मोर्चा ता स्थापना ओसो जापान-आक्रमण-विरोधी युद्ध। इव मंजिल कुना विशेषतांग मुन्ने रास्ता लेक्का मंतांग: उचन अंतरविरोध ता वेल्ले उग्र रूप धारण कियाना (उदाहरण काजे भूमि-क्रांति युद्ध ओसो चार उत्तर-पूर्वी प्रान्त पोरो जापानी अतिक्रमण), उचुन अंतरविरोध ता

आंशिक या अस्थाई रूप ते हल आयना (उदाहरण काजे उत्तरी युद्ध-सरदरा लोरा खात्मा ओसो मनम जमींदार लोरा जमीन जब्त कियाना), ओसो उचुन दूसरा अंतरविरोध ता प्रकट आयना (उदाहरण काजे पूना युद्ध-सरदार लोरा नडमा संघर्ष, मना कैदल दक्षिण ता क्रांतिकारी आधार-क्षेत्र हत्तास्के जमीन पोरो दोबार कब्जा कियाना)।

बदे वस्तु ता विकास ता प्रक्रिया लोप्पा हर मंजिल पोरो अंतरविरोध ता विशिष्टता ना अध्ययन कियानास्के मनम केवल अविन इव अन्तविरोधकुना लोप्पाटा संबंध ओसो इविना समग्रता लोप्पा हूडानाए आयवा हर मंजिल लोप्पा मंदाना हर अंतरविरोध ता रेंडु पहलू किन वेन्ने हूडाना।

उदाहरण काजे क्वोमिंगतांग ओसो कम्युनिस्ट पार्टी किन हूडाटु। ताना उंदी पहलू क्वोमिंगतांग किन हूडाटु। प्रथम संयुक्त मोर्चा ता काल ते क्वोमिंगतांग रूस संगे एकता, कम्युनिस्ट पार्टी संगे सहयोग ओसो मजदूर-किसान लोरा सहायता, सुन यात-सेन ना मूंडु महान नीतिंग पोरो अमल कित्तोर, अदिन काजे अद क्रांतिकारी ओसो शक्तिशाली रूप ते कित्ताद मत्ता, अद जानकारी क्रांति काजे विभिन्न वर्ग ता एकता बनेमाता। मति 1927 तल क्वोमिंगतांग तन्ना विपरित तत्व लोप्पा बदलेमासी जमींदार वर्ग ओसो बड़े पूंजीपति वर्ग ता प्रतिक्रियावादी ग्रुप बनेमाता। दिसम्बर 1936 लोप्पा शीआन घटना पेरके ताना लोप्पा गृहयुद्ध किन बंद कियाना ओसो जापानी साम्रज्यवाद ता संयुक्त रूप ते विरोध कियाला काजे कम्युनिस्ट पार्टी संगे सहयोग कियाना दिशा ते बदलेमायना शुरू आंता। अदिन काजे मूंडु मंजिलकुना लोप्पा क्वोमिंगतांग ता विशिष्टतांग। इदिना लोप्पा बदे डावुट हिल्ले, इव विशिष्टतांग विभिन्न कारण ते पुटतांग। इंजे माटु दूसरा पहलू, चीनी कम्युनिस्ट पार्टी किन हूडाकाल। प्रथम संयुक्त मोर्चा ता कालम लोप्पा चीनी कम्युनिस्ट पार्टी पुटना अवस्था लोप्पा मत्ता: 1924-27 ता क्रांति ता हिम्मत संगे नेतृत्व कित्तोर, मति क्रांति ता स्वरूप, ताना काम ओसो तरीका ता बारे ते ताना समझदारी ता बारे ते, मना परिपक्वता ता परिचय हीता ओसो छन तू-श्यूवाद, इद क्रांति ता उत्तरार्ध

लोप्पा प्रकट आसी मत्ता, तन्ना असर वाटना ओसो इद क्रांति किन असफल कियाना लोप्पा सफल आता। 1927 तल कम्युनिस्ट पार्टी भूमि-क्रांति युद्ध ता साहस संगे नेतृत्व कित्ता ओसो क्रांतिकारी फौज ओसो क्रांतिकारी आधार-क्षेत्र ना स्थापना कित्ता; मति अद दुस्साहसवाद ता गलतिंग वेन्ने कित्ता, ताना लोप्पा फौज ओसो आधार-क्षेत्र रेंडासी किन वेल्ल नुकसान आता। 1935 तल पार्टी तन्ना गलतिंग किन सुधरे कित्ता ओसो जापान-विरोधी पूना संयुक्त मोर्चा ता नेतृत्व किया मंता; इद महान संघर्ष इंजे विकसित आया मंता। वर्तमान मंजिल लोप्पा कम्युनिस्ट पार्टी उंदी रेंडु क्रांति ना परीक्षा किन पार कित्ता पार्टी आंदू ओसो अद समृद्ध अनुभव दोरकी कित्ता। अदिन काजे इव मूंड मंजिल लोप्पा चीनी कम्युनिस्ट पार्टी ता विशिष्टतांग मंता। इव विशिष्टतांग वेन्ने विभिन्न कारण कुनगडल पुटतांग। इव रेंडासी रकम ता विशिष्टता ना अध्यायन कियवा लेवा माटु विकास ता विभिन्न मंजिल लोप्पा रेंडु पार्टी ना विशिष्ट संबंध किन- इत्तेके संयुक्त मोर्चा ता स्थापना, संयुक्त मोर्चा ता विघटन, ओसो उंदी दूसरा संयुक्त मोर्चा ता स्थापना किन समझेमाया परवोम। इदे आयवा रेंडु पार्टी ना विशिष्टता ता अध्यायन कियाला काजे सबसे ज्यादा बुनियादी पोल्लो मना किन रेंडु पार्टी ना वर्ग-आधार ता ओसो ताना कारण ते अव रेंडिना लोप्पा हर पार्टी ओसो दूसरा ताकत कुना नडमा विभिन्न काल ते पुटना अंतरविरोध कुना अध्ययन कियाना मंता। उदाहरण काजे कम्युनिस्ट पार्टी संगे मुन्ने सहयोग कियानास्के क्वोमिंगतांग ता उंदी बगिल विदेशी साम्राज्यवाद संगे अंतरविरोध मत्ता, अदिन काजे अद साम्राज्यवाद-विरोधी मत्ता) दूसरा बगिल तन्ना देश लोप्पा विशाल जन-समुदाय संगे अंतरविरोध मत्ता, मति मेहनतकश जनता किन वेल्ले सुविधांग हियाना अंगडम ता पोल्लोंग कित्ता, मति असल ते अद वेल्ले सुविधांग हीता या बिल्कुले हीवो। अस्के क्वोमिंगतांग अंतरविरोध कम्युनिस्ट-विरोधी युद्ध ताकसोरे मत्ता, अद विशाल जनता जन-समुदाय ता विरुद्ध साम्राज्यवाद ओसो सामंतवाद संगे गठजोड़ कित्ता अनि क्रांति लोप्पा विशाल जन-समुदाय हासिल कित्ता सुविधांग किन खत्म कित्ता

ओसो विशाल जन-समुदाय संगे तन्ना अंतरविरोध किन उग्र बने कित्ता। जापानी-आक्रमण-विरोधी युद्ध ता वर्तमान काल लोप्पा जापानी साम्राज्यवाद संगे अंतरविरोध मंदाना क्वोमिंगतांग पार्टी उंदी बगिल कम्युनिस्ट पार्टी सहयोग कियाला आल्सा मंता, मति दूसरा बगिल कम्युनिस्ट पार्टी ओसो चीनी जनता ना विरुद्ध तन्ना संघर्ष ते ओसो ओरा दमन लोप्पा उचुन वेन्ने वायला हिवो। कम्युनिस्ट पार्टी हमेशा, हर समय ते साम्राज्यवाद ओसो सामंतवाद ता विरुद्ध विशाल जन-समुदाय ता साथ हीता, मति जापानी-आक्रमण-विरोधी युद्ध ता वर्तमान काल ते क्वोमिंगतांग पार्टी जापान ता प्रतिरोध कियाना तन्ना हक ते मंता इंजी तोहचिता अदिन काजे कम्युनिस्ट पार्टी ताना बगिल ओसो स्थानीय सामंती ताकत कुना बगिल उंदी नरम नीति लागू कित्ता। इव परिस्थितिंग रेंडु पार्टी ना नड्मा बस्के एकता, बस्के ने संघर्ष किन पुटी कीतांग ओसो एकता आयनास्के वेन्ने परिस्थिति वेल्ले जटिल मत्तांग, अविना लोप्पा एकता ओसो संघर्ष संगे-संगे ताकोसोर मत्तांग। माटु अंतरविरोध ता रेंडु पहलू ना विशिष्टता ना अध्ययन कीवोम आंतोम अस्के केवल रेंडु पार्टी लोप्पाटल उंदी पक्ष ओसो दूसरा ताकत कुना नड्मा ता संबंध किन समझेमाया परवोम ओसो रेंडु पार्टी ना नड्मा ता संबंध किन वेन्ने समझेमायना लोप्पा मुशिकल आयार।

इद हिसाब ते बदे वेन्ने अंतरविरोध-पदार्थ ता नीति ता हर रूप लोप्पा मंदाना अंतरविरोध, गति ता हर रूप ता विकास ता हर प्रक्रिया लोप्पा मंदाना अंतरविरोध, विकास ता हर प्रक्रिया लोप्पा मंदाना हर अंतरविरोध ता रेंडु पहलू विकास ता हर प्रक्रिया ता हर मंजिल लोप्पा मंदाना अंतरविरोध ओसो विकास ता हर मंजिल लोप्पा मंदाना हर अंतरविरोध ता रेंडु पहलू ना विशिष्टता ता अध्ययन कियानास्के - इत्तेके सब्बे अंतरविरोध कुना विशिष्टता ना अध्ययन कियानास्के मना किन मनोगतवादी स्वेच्छाचारिता तल पूरा मुक्त मंदा लागिंता ओसो अविना ठोस विश्लेषण कियाना। ठोस विश्लेषण किवा लेवा बदे वेन्ने अंतरविरोध ता विशिष्टता ता बारे ते बदे जानाकरी हासिल कियमूडायो। मना किन

लेनिन ना पोल्लोंग किन हमेशा सुरता तासना: ठोस वस्तु ना ठोस विश्लेषण।

सबसे मुन्ने मार्क्स ओसो एंगेल्स मना किन ठोस विश्लेषण ता बेस ता उदाहरण तोहतोर।

मार्क्स ओसो एंगेल्स वस्तु लोप्पा मंदाना अंतरविरोध ता नियम किन सामाजिक-ऐतिहासिक प्रक्रिया ता अध्ययन पोरो लागू कित्तोर अस्के ओरु उत्पादन शक्ति ओसो उत्पादन-सम्बंध ता नड़मा ता अंतरविरोध ता खोज कित्तोर, ओरु शोषक वर्ग ओसो शोषित वर्ग नड़मा ता अंतरविरोध किन परहकतोर, ओसो इव अंतरविरोध कुनागडल पुटना आर्थिक आधार ओसो ऊपरी ढांचा (राजनीति, विचारधारा) नड़मा ता अंतरविरोध किन परहकतोर, ओसो ओरु इव अंतरविरोध अलग-अलग वर्ग-समाज लोप्पा बद्रम अनिवार्य रूप ते अलग-अलग सामाजिक क्रांति किन पुटी कींतांग इंजी परहकतोर।

मार्क्स इद नियम किन पूंजीवादी समाज ता आर्थिक रचना-विधान ता अध्ययन पोरो लागू कित्तास्के ओरु इद समाज ता मूल अंतरविरोध उत्पादन ता सामाजिक स्वरूप ओसो मिलकियत ता निजी स्वरूप नड़मा ता अंतरविरोध किन हूडतोर। इद अंतरविरोध ता अभिव्यक्ति अलग-अलग कारोबार लोप्पा उत्पादन ता संगठित स्वरूप ओसो पूरा समाज लोप्पाटा उत्पादन ता असंगठित स्वरूप नड़मा ता अंतरविरोध लोप्पा मंता। वर्ग-सम्बंध ता दृष्टि ते तीना अभिव्यक्ति पूंजीपति वर्ग ओसो सर्वहारा वर्ग नड़मा ता अंतरविरोध लोप्पा मंदिता।

वस्तु ता दायरा वेल्ले विस्तृत मंदिता ओसो ताना विकास ता बदे हंदी मन्नो आंता, अदिन काजे उंदी विशेष स्थिति लोप्पा सार्वभौमिकता लेक्का मंदिता, अदे पोल्लो दूसरा विशेष स्थिति लोप्पा विशिष्टता लेक्का बदलेमांता। तीना विपरित उंदी विशेष स्थिति लोप्पा बदे पोल्लो विशिष्टता लेक्का मंदिता अदे दूसरा विशेष स्थिति लोप्पा सार्वभौमिकता लेक्का बनेमांता। पूंजीवादी व्यवस्था लोप्पा उत्पादन ता सामाजिक स्वरूप ओसो उत्पादन ता साधन पोरो निजी मिलकियत नड़मा बदे अंतरविरोध मंता,

अद पूंजीवाद अस्तित्व ते मंदाना सब्बे देश कुना लोप्पा समान रूप ते मंदिता ओसो विकास आसोरे मंदिता। पूंजीवाद काजे अंतरविरोध ता सार्वभौमिकता तीना लोप्पाने मंदिता। मति पूंजीवाद ता इद अंतरविरोध वर्ग-समाज ता आम विकास ता उंदी विशेष ऐतिहासिक मंजिल ता चीज आंदू, पूरा वर्ग-समाज लोप्पा उत्पादन शक्ति ओसो उत्पादन-सम्बंध ता नड़मा ता अंतरविरोध, अंतरविरोध ता विशिष्टता आंदू मति पूंजीवादी समाज लोप्पा इव सब्बे अंतरविरोध कुना विश्लेषण कीसि अविना विशिष्टता किन स्पष्ट किसोरे, कामरेड मार्क्स वेल्ले गहराई ते ओसो वेन्ने विशिष्ट रूप ते ओसो पूर्णता संगे वर्ग-समाज लोप्पा मंदाना उत्पादन शक्ति ओसो उत्पादन-संबंध नड़मा ता अंतरविरोध ना सार्वभौमिकता तुन तोहतोर।

विशिष्ट ता संबंध सामान्य संगे मंदिता ओसो अंतरविरोध ता विशिष्टता संगे-संगे सार्वभौमिकता वेन्ने हर वस्तु लोप्पा मंदिता, ओसो सार्वभौमिकता विशिष्टता लोप्पा मंदिता, अदिन काजे बदे वस्तु ता अध्ययन कियानास्के मना किन अद वस्तु लोप्पा टा विशिष्टता ओसो सार्वभौमिकता ता ओसो ताना लोप्पाटा संबंध ता खोज कियाना कोशिश कियाना। अद वस्तु ता ओसो ताना बाहर ते बचोनो वस्तु ना लोप्पाटा संबंध किन खोज कियाना वेन्ने कोशिश कियाना। स्तालिन तन्ना रचना “लेनिनवाद के आधारभूत सिद्धांत” लोप्पा लेनिनवाद ता ऐतिहासिक विकास ता बारे ते वेहानास्के, ओरु लेनिनवाद ता जन्म आयना अन्तरराष्ट्रीय परिस्थिति ता विश्लेषण कितोर, संगेने ओरु पूंजीवाद ता विभिन्न अंतरविरोध ता वेन्ने विश्लेषण कितोर। अव साम्राज्यवाद ता परिस्थिति लोप्पा खत्म आसोरे मत्तांग, ओसो इव अंतरविरोध कु बद्रम सर्वहारा क्रांति ता सवाल किन उंदी फौरी कार्यवाही ता सवाल बने किता इंजी स्पष्ट कितोर, ओसो पूंजीवादी पोरो सीधा हमला कियाला काजे अनुकूल परिस्थिति पुटि किता इंजी वेहतोर। इदे आयवा ओरु तन्ना विश्लेषण संगे बद्रम रूस लेनिनवाद की पोषे कीत्ता, जारशाही रूस साम्राज्यवाद ता सब्बे अंतरविरोध कुना केंद्र-बिंदु बनेमाता, ओसो रूस

सर्वहारा वर्ग ओसो अन्तरराष्ट्रीय क्रांतिकारी सर्वहारा वर्ग ता हिरावल दस्ता बनेमाता इंजी वेन्ने स्पष्ट कित्तोर। अद्रमे स्तालिन साम्राज्यवाद लोप्पा मंदाना अंतरविरोध ता सार्वभौमिकता ता विश्लेषण कियानास्के, लेनिनवाद साम्राज्यवाद ओसो सर्वहारा क्रांति ता युग ता मार्क्सवाद आंदू इंजी ओसो तीना संगे-संगे ने ओरु साम्राज्यवाद ता आम अंतरविरोध लोप्पा जारशाही रूसी साम्राज्यवाद ता विशिष्टता ता विश्लेषण कीसोरे रूस सर्वहारा क्रांति ता सिद्धांत ओसो कार्यनीति ता जन्मभूमि बद्रम बनेमाता ओसो बद्रम इद्रम ता विशिष्टता लोप्पा अंतरविरोध ता सार्वभौमिकता मंदिता इंजी तोहतोर। स्तालिन ना विश्लेषण अंतरविरोध ता विशिष्टता ओसो सार्वभौमिकता ओसो अविना लोप्पाटा संबंध किन समझेमायाना लोप्पा मना काजे उंदी आदर्श बनेमातांग।

वस्तुगत घटना ना अध्ययन लोप्पा द्वन्द्ववाद किन लागू कियाना सवाल पोरो मार्क्स ओसो एंगेल्स, अद्रमे लेनिन ओसो स्तालिन वेन्ने लोकर किन हमेशा ओरु बदे रकम ता मनोगतवादी स्वेच्छाचारिता किन काम ते तव्वा लेवा, वास्तविक वस्तुगत गति ता ठोस परिस्थिति नडमा इव घटनांग लोप्पा मांदना ठोस अंतरविरोध किन हर अंतरविरोध ता हर एक पहलू ता ठोस भूमिका किन ओसो अंतरविरोध ता ठोस अन्तर-संबंध किन परहकना इंजी करिहितोर। मना कठमुल्लावादी लोकर तन्ना अध्ययन लोप्पा इद रुझान किन लागू केवो आंतोर ओसो अदिन काजे ओरा बदे पोल्लो बस्केने सही आयो आंता। मना किन ओरा असफलता संगे सबक एतना ओसो पोरोटा रुझान लागू कियाना करियाना, अद अध्ययन ता केवल उंदे सही तरीका मंता।

अंतरविरोध ता सार्वभौमिकता ओसो अंतरविरोध ता विशिष्टता नडमा ता संबंध अंतरविरोध ता सामान्य स्वरूप ओसो व्यक्तिगत स्वरूप नडमा ता संबंध मंता। अंतरविरोध ता सामान्य स्वरूप इतेके अंतरविरोध सब्बे प्रक्रिया लोप्पा मंदाना ओसो सब्बे प्रक्रिया ने शुरू तल आखरी एवनल मंदिता, गति, वस्तु, प्रक्रियांग, विचार-इव सब्बे अंतरविरोध आंदू अंतरविरोध तल इनकार कियाना हर पोल्लो तल इनकार कियाना आंता।

इद उंदी सार्वभौमिक सत्य आंदू, सब्बे काल ओसो सब्बे देशकु मानेमांतांग, अदिना बदे अपवाद हिल्ले। अदिन काजे अंतरविरोध ता सामान्य स्वरूप मंदिता, ताना लोप्पा निरपेक्ष मंदिता। मति इद सामान्य स्वरूप हर व्यक्तिगत स्वरूप लोप्पा दोरकी कियमूडांता, बिना व्यक्तिगत स्वरूप ता सामान्य स्वरूप ता अस्तित्व सम्भव हिल्ले। सब्बे व्यक्तिगत स्वरूप किन हटे कीतेके सामान्य स्वरूप बद्रम पिसिंता? व्यक्तिगत स्वरूप ता रचना बारांकु आंता इत्तेके हर अंतरविरोध विशिष्ट मंदिता। सब्बे व्यक्तिगत स्वरूप ता अस्तित्व परिस्थितिबद्ध ओसो अस्थाई मंदिता, अदिन काजे अव सापेक्ष मंदितांग।

सामान्य स्वरूप ओसो व्यक्तिगत स्वरूप, निरपेक्ष ओसो सापेक्षता ता बारे ते इद सच्चाई वस्तु लोप्पा मंदाना अंतरविरोध ता समस्याता सार आंदू, इद समझेमायवेके द्वन्द्ववाद किन बिडिसमुड आंता।

4.प्रधान अंतरविरोध ओसो

अंतरविरोध ता प्रधाना पहलू

अंतरविरोध ता विशिष्टता ता समस्या लोप्पा ओसो रेंडु पोल्लो मंतांग अविना उंदी-उंदी कीसि विशेष रूप ते विश्लेषण कियाना। अवु: प्रधान अंतरविरोध ओसो अंतरविरोध ता प्रधान पहलू।

बदे वस्तु ता विकास ता जटिल प्रक्रिया लोप्पा वेल्ले अन्तविरोध मंदिता: इविना लोप्पा अनिवार्य रूप ते उंदी प्रधान अंतरविरोध मंदिता, इदे ताना अस्तित्व ओसो विकास, दूसरा अंतरविरोध कुना अस्तित्व ओसो विकास किन निर्धारित या प्रभावित कींता।

उदाहरण काजे पूंजीवादी समाज लोप्पा रेंडु अंतरविरोधी ताकत, सर्वहारा वर्ग ओसो पूंजीपति वर्ग नडमा ता अंतरविरोध प्रधान अंतरविरोध मंदिता। दूसरा अंतरविरोध, पिस्ता सामंती वर्ग ओसो पूंजीपति वर्ग नडमा ता अंतरविरोध, निम्न-पूंजीपति वर्ग किसान ओसो पूंजीपति वर्ग ता किसान लोरा नडमा ता अंतरविरोध, सर्वहारा वर्ग ओसो निम्न-पूंजीपति

वर्ग ओसो इजारेदार पूंजीपति वर्ग नडमा ता अंतरविरोध, पूंजीवादी जनवाद ओसो पूंजीवादी फासीवाद नडमा ता अंतरविरोध, खुद पूंजीवादी देशकुना नडमा ता अंतरविरोध, साम्राज्यवाद ओसो उपनिवेश नडमा ता अंतरविरोध लेक्काटव इदे प्रधान अंतरविरोध तल निर्धारित या प्रभावित आंता।

चीन लेक्काटा अर्ध-औपनिवेशिक देश लोप्पा प्रधान अंतरविरोध ओसो अप्रधान अंतरविरोध ता नडमा ता संबंध उंदी जटिल परिस्थिति पुटी कींता।

साम्राज्यवाद इद्रम ता देश कुना खिलाफ हमलावर युद्ध शुरू कींता, अस्के अद देश ता विभिन्न वर्ग, उचुन गद्दार लोरकिन विडसी, साम्राज्यवाद ता विरुद्ध राष्ट्रीय युद्ध ताकी कियाला काजे अस्थाई रूप ते एकताबद्ध आंतोर। अस्के साम्राज्यवाद ओसो अद देश नडमा ता अंतरविरोध प्रधान अंतरविरोध बनेमांता, मति देश लोप्पाटा विभिन्न वर्ग नडमा ता सब्बे अंतरविरोध (अविना लोप्पा प्रधान अंतरविरोध-सामंती व्यवस्था ओसो विशाल जन-समुदाय नडमा ता अंतरविरोध वेन्ने शामिल मता) ता स्थिति अस्थाई रूप ते गौण ओसो अधीन आंता। 1840 ता अफीम युद्ध लोप्पा, 1894 ता चीन-जापान युद्ध लोप्पा ओसो 1900 ता ई हो थ्वान युद्ध ते चीन लोप्पा इद्रमे आसी मत्ता। ओसो वर्तमान चीन-जापान युद्ध लोप्पा वेन्ने अद्रमे आया मंता।

मति उंदी अलग समय ते अन्तरवरोध ता स्थिति लोप्पा बदलेमांता। अस्के साम्राज्यवाद तन्ना उत्पीड़न किन जारी तासला काजे युद्ध किन आयवा, अपेक्षाकृत नरम तरीका-राजनीतिक, आर्थिक ओसो सांस्कृतिक तरीका ना इस्तेमाल किंतोर, अस्के अर्ध-औपनिवेशिक देश ता शासक वर्ग साम्राज्यवाद मुन्ने तल्ला वरिहितोर: अव रेंडासी विशाल जन-समुदाय ता संयुक्त रूप ते उत्पीड़न कियाना काजे गठजोड़ कींता। अद स्थिति लोप्पा साम्राज्यवाद ओसो सामंती वर्ग ता गठजोड़ ता विरोध कियाला काजे विशाल जन-समुदाय हमेशा गृहयुद्ध ता हरी पोयंता, ओसो साम्राज्यवाद हमेशा अर्ध-औपनिवेशिक देश लोप्पा प्रत्यक्ष कार्यवाही

कियवा लेवा जनता ना उत्पीड़न कियाला काजे प्रतिक्रियावादिर किन परोक्ष रूप ते सहायता कीता: ओसो इद्र लोप्पाटा अंतरविरोध विशेष रूप ते तीव्र आंता। 1911 ता क्रांतिकारी युद्ध लोप्पा, 1924-27 ता क्रांतिकारी युद्ध लोप्पा, ओसो 1927 तल ताकना दस साल ता भूमि-क्रांति युद्ध लोप्पा चीन लोप्पा इद्रमें आता। अर्ध-औपनिवेशिक देशकुना लोप्पा विभिन्न प्रतिक्रियावादी शासक ग्रूप नडमा ता गृहयुद्ध वेन्ने, चीन लोप्पा युद्ध-सरदार लोरा आपसी युद्ध इदे श्रेणी लोप्पा वांता।

बदे क्रांतिकारी गृहयुद्ध साम्राज्यवाद ओसो ताना पालतू नैकू-स्थानीय प्रतिक्रियावाद ता अस्तित्व बुनियादी रूप ते खतरा ते अरता अस्के साम्राज्यवाद तन्ना हुकूमत किन बचे कियाना कोशिश ते हमेशा पोरो वेहता तरीका नल अलग तरीकांग लागू कीता अस्के एवनल विकसित आंता। अद क्रांतिकारी मोर्चा लोप्पा लोप्पाटल फूट वाटना कोशिश कीता लेवेके स्थानीय प्रतिक्रियावाद किन प्रत्यक्ष रूप ते मदद कियाला काजे फौज लोहंतोरा। इद्रम आयनास्के विदेशी साम्राज्यवादी ओसो स्थानीय प्रतिक्रियावादी खुलेआम उंदी कोंटा ते नित्तिंतोरा ओसो विशाल जन-समुदाय दूसरा कोंटाते: इद्रम इद्र प्रधान अंतरविरोध बनेमांता, अद दूसरा अंतरविरोध ता विकास किन निर्धारित या प्रभावित कीता। अक्तूबर क्रांति पेरके रक-रकमता पूंजीवादी देश रूसी प्रतिक्रियावादीर किन मदद कितोर, अद फौजी हस्तक्षेप ता उंदी उदाहरण आंदू। 1927 लोप्पा च्यांग काई-शेक ना गदारी ते क्रांतिकारी मोर्चा लोप्पा फूट वाटना उंदी उदाहरण मंदिता।

बाताल आतेकाई इद्र पोल्लो पोरो उचुन वेन्ने शक हिल्ले कि प्रक्रिया ता विकास ता हर मंजिल लोप्पा केवल उंदे अंतरविरोध प्रधान अंतरविरोध आंता। अद प्रमुख भूमिका निभे कीता।

इद्रम बदे प्रक्रिया लोप्पा बचोनो अंतरविरोध मंदितांग, अविना लोप्पा जरूर उंदी प्रधान अंतरविरोध मंदिता, अद प्रमुख ओसो निर्णयात्मक भूमिक निभे कीता, बाकी सब्बे अंतरविरोध गौण ओसो अधीनस्थ मंदितांग। अदिन काजे बदे जटिल प्रक्रिया ता अध्ययन

कियानास्के ताना लोप्पा रेंडु या तानकु ज्यादा अंतरविरोध मंदाना, मना किन ताना प्रधान अन्तरविध ता खोज कियाना कोशिश कियाना। उंदी बेरा माटू ताना प्रधान अंतरविरोध किन पोयाना अस्के सब्बे समस्यांग किन आसानी ते हल किया परमूडांता। पूंजीवादी समाज ता अध्ययन लोप्पा मार्क्स इदे तरीका मना किन करिहतोर। लेनिन ओसो स्तालिन साम्राज्यवाद ओसो पूंजीवाद ता आम संकटन अध्ययन कित्तोर ओसो ओरु सोवियत अर्थ व्यवस्था ता अध्ययन कित्तोर अस्के ओरु वेन्ने मना किन इदे करिहतोर। हजोरों बुद्धिजीवी ओसो व्यावहारिक कार्यकर्तालोरा इद तरीका किन समझेमायोर, अदिन काजे ओरु घना कोहरा लोप्पा लेसिंतोर। समस्यांग किन चिनेमाया परवोर, अदिन काजे स्वाभाविक रूप ते अंतरविरोध किन हल कियाना तरीका तेंडा परवोर आंतोर।

पोरो वेहता लेक्का, मना किन बदे प्रक्रिया ता सब्बे अंतरविरोध किन उंदी लेक्का मानेमायनायो। प्रधान ओसो गौण अंतरविरोध नडमा भेद कियाना, ओसो प्रधान अंतरविरोध किन पोयना पोरो विशेष ध्यान हियाना जरूरत मंता। मति बदे अंतरविरोध लोप्पा अद प्रधान ओसो गौण मत्तेकाई, माटु अंतरविरोध ता रेंडु आपस ता विरोधी पहलू किन उंदी समान समझेमाया परितोमा? मानेमायो, माटु इद्रम बिल्कुल किवोम। बदे वेन्ने अंतरविरोध लोप्पा आपसी विरोधी पहलू ना विकास असमान आंता। बस्के-बस्के अव संतुलित मंतांग इंजी जरूर दिसिंता, मति केवल उंदी अस्थाई ओसो सापेक्ष स्थिति मत्ता: मूल स्थिति असमानता ता स्थितिए आंदू। रेंडु आपसी विरोधी पहलू लोप्पा उंदी जरूर प्रधान मंदिता ओसो दूसरा गौण मंदिता। प्रधान पहलू, बदे अंतरविरोध लोप्पा प्रमुख भूमिका निभे कींता। बदे वस्तु ता स्वरूप ता निर्णय मुख्य रूप ते तन्ना प्रभुत्व निल्पी कीसि मत्ता अंतरविरोध ता प्रधान पहलू कींता।

मति इद स्थिति स्थिर आयो आंता: अंतरविरोध ता प्रधान ओसो प्रधान पहलू उंदी दूसरा लोप्पा बदेमांता ओसो ताना अनुसार वस्तु ता स्वरूप वेन्ने बदलेमांता। अंतरविरोध ता विकास ता बदे उंदी प्रक्रिया लोप्पा ओसो बदे उंदी मंजिल लोप्पा प्रधान पहलू “क” मंदिता ओसो

अप्रधान पहलू “ख” ता भूमिका आपस ते बदलेमांता- इद बदलाव बदे वस्तु ता विकास लोप्पा उंदी दूसरा संगे संघर्ष कियाना रेंडु पहलू ना ताकत बचोन बेरसिंता ओसो बचोन घटेमांता इंदाना पोरो निर्धारित आंता।

माटु हमेशा “पूना संगे पाड़ना ता जागा एतना” पोरो चर्चा कीतोमा। पूना संगे पाड़ना ता जागा पोयना दुनिया ता सार्वभौमिकता ओसो हमेशा काजे उल्लंघन किया परवा लेक्काटा नियम आंदू। बदे वस्तु तन्ना स्वरूप ओसो तन्ना परिस्थिति ता अनुसार वेल्ले रकम ता छलांग संगे उंदी दूसरा वस्तु ते बदलेमांता, पूना संगे पाड़ना ता जागा पोयना प्रक्रिया इदे आंदू। हर वस्तु लोप्पा तन्ना पूना पहलू ओसो पाड़ना पहलू नड़मा अंतरविरोध मंदिता, ओसो इद अंतरविरोध वेल्ले संघर्ष किन पुटि कींता। इव संघर्ष कुना कारण ते पूना पहलू सुडला तेल बेहरा बनेमांता ओसो मुन्ने हंजी तन्ना प्रभुत्व निल्पी कींता, पाड़ना पहलू बेहरा तल सुडला आंता। ओसो कदम-ब-कदम विनाश बगिल दांता। पाड़ना पहलू पूना पहलू ता प्रभुत्व निल्पी कींता पाड़ना वस्तु गुणात्मक रूप ते उंदी पूना वस्तु लोप्पा बदलेमांता। इद्रम बदे ता स्वरूप मुख्य रूप ते अंतरविरोध ता प्रधान पहलू संगेने निर्धारित आंता, अद पहलू तन्ना प्रभुत्व निल्पी कीसि मंदिता। अंतरविरोध ता प्रधान पहलू लोप्पा तन्ना प्रभुत्व बने कींता, बदलाव आंता अस्के अदिनाए अनुकूल वस्तु ता स्वरूप वेन्ने बदलेमांता।

पूजीवादी समाज लेपा पूजीवाद पाड़ना सामंती युग लोप्पाटा तन्ना स्थिति किन प्रभुत्व ता स्थिति ते बदले कित्ता। ओसो ताना अनुसार समाज ता स्वरूप वेन्ने सामंती तल पूजीवाद बनेमाता। पूना पूजीवाद युग लोप्पा सामंती शक्ति, अद मुन्ने प्रभुत्व ता स्थिति लोप्पा मत्ता, इंजे अधीनस्थ बनेमाता, ओसो कदम-कदम विनाश बगिल दाया मंता। उदाहरण काजे ब्रिटेन ओसो फ्रांस लोप्पा इद्रमे आता। उत्पादन शक्ति ना विकास संगे-संगे पूजीपति वर्ग, प्रगतिशील भूमिका निभे कियाना पूना वर्ग ता स्थिति तल प्रतिक्रियावादी भूमिका निभे कियाना पाड़ना वर्ग लोप्पा बदलेमाता ओसो आखरी ते सर्वहारा वर्ग ताना तख्तापलट कीसिता, अस्के अद वर्ग ता उत्पादन साधनकुना पोरोटल ओसो सत्ता तल ताना अधिकार दांता अस्के

अद वेन्ने तीरम-तीरम विनाश बगिल दांता। सर्वहारा वर्ग, पूंजीपति वर्ग तुकू संख्या लोप्पा बचोनो गुना ज्यादा मत्ता ओसो ताना विकास पूंजीपति वर्ग संगे-संगे, मति पूंजीपति वर्ग ता शासन लोप्पा मंदिता, उंदी पूना ताकत मंता: पूंजीपति वर्ग ता अधीन मंदाना मना शुरूआती स्थिति ओसो इतिहास लोप्पा उंदी प्रमुख भूमिका निभे कींता, ओसो आखरी ते राजनीतिक सत्ता ऊंदसी शासक वर्ग बनेमांता। ताना कारण ते समाज ता स्वरूप बदलेमांता ओसो पाड़ना पूंजीवादी समाज पूना समाजवादी समाज लोप्पा बदलेमांता। इदे हरीं किन सोवियत संघ लागू ओसो बाकी सब्बे देश किन अनिवार्य रूप ते लागू कियाना मंता।

उदाहरण काजे चीन किन हूडाकाल। बद अंतरविरोध लोप्पा चीन उंदी अर्ध-उपनिवेशि बनेमाता, अदिना लोप्पा साम्राज्यवाद ता प्रधान जागा मंदिता, अद चीनी जनता ना उत्पीड़न कींता, ओसो चीन उंदी स्वतंत्र देश तल बदलेमासी उंदी अर्ध-उपनिवेशिक बनेमांता। मति इद स्थिति जरूर बदलेमायर, रेंडु पक्ष ना नड़मा संघर्ष लोप्पा चीनी जनता ना ताकत सर्वहारा वर्ग ता नेतृत्व लोप्पा मुन्ने दायर, चीन उंदी अर्ध-उपनिवेशिक तल उंदी स्वतंत्र देश लोप्पा जरूर बदले मायर, साम्राज्यवाद ता तख्ता उलट कीसि ओसो पाड़ना चीन पूना चीन लोप्पा बदलेमायर।

पाड़ना चीन ता पूना चीन ता बदलाव लोप्पा चीन ता पाड़ना सामंती शक्ति ओसो पूना जन-शक्ति नड़मा ता संबंध लोप्पा वायना बदलाव वेने मंता। पाड़ना सामंती जर्मीदार वर्ग ता तख्तापलट कित्ता ओसो अद शासक स्थिति तल शासित बनेमांता: ओसो इद वर्ग वेन्ने कदम-कदम विनाश बगिल दांता। सर्वहारा वर्ग ता नेतृत्व लोप्पा जनता शोसित कुना अवस्था ते शासक लोरा अवस्था ते एविंता। अस्के चीनी समाज ता स्वरूप लोप्पा वेन्ने बदलाव आंता ओसो पाड़ना, अर्ध-औपनिवेशिक ओसो अर्ध-सामंती समाज उंदी पूना जनवादी समाज लोप्पा बदलेमाता।

इद्रम ता उंदीना उंदी लोप्पा बदले मायना उदाहरण मना मुन्नेटा अनुभव लोप्पा वेन्ने दोरकिंता। लगभग तीन सौ साल एवनल चीन पोरो शासन कियाना छिंग वंश, 1911 ता क्रांति लोप्पा तेहकसी वाटतद मंता

ओसो सुन यात-सेन ना नेतृत्व लोप्पा क्रांतिकारी युंग मंग ह्वेइ उचून समय काजे सफलता दोरकी कित्तोर। 1924-27 ता क्रांतिकारी युद्ध लोप्पा कम्युनिस्ट-क्वोमिंगतांग एकता ता क्रांतिकारी ताकत दक्षिण लोप्पा कमजोर तल शक्तिशाली बनेमासोर हत्ता ओसो उत्तरी अभियान लोप्पा सफल आता, उत्तरी युद्ध-सरदार लोप्पा मजबूत कब्जा मत्ता ताना तख्ता उलट कित्तोर। कम्युनिस्ट पार्टी ता नेतृत्व लोप्पा ताकना जन-शक्ति 1927 लोप्पा क्वोमिंगतांग ता प्रतिक्रियावादी ताकत ता प्रभाव ता कारण ते वेल्ले कमजोर आता, मति तन्ना पांत तल अवसरवाद किन खत्म कित्तास्के ओसो उंदी बेरा कदम-कदम विकास आयना शुरू आता। कम्युनिस्ट पार्टी ता नेतृत्व लोप्पा क्रांतिकारी आधार-क्षेत्र ता किसान लोर शासित मत्तोर, इंजे शासक बनेमातोर, मति जर्मीदार लोरा तीना उल्टा दिशा ते रूपान्तर आता। दुनिया लोप्पा इद्रमे पूना हमेशा पाड़ना जागा ता स्थापना आंता ओसो पाड़ना ता जागा पोयंता, पाड़ना खत्म आसी पूना पुटिंता या पाड़ना लोप्पाटल पूना पुटिंता।

क्रांतिकारी संघर्ष ताकनास्के बस्के-बस्के कठिन परिस्थिति अनुकूल परिस्थिति ता मुकाबला ते ज्यादा भारी आंता ओसो अदिन काजे अव अंतरविरोध ता प्रधान पहलू बनेमांता ओसो अनुकूल परिस्थितिंग अंतरविरोध ता गौण पहलू बनेमांता। मति क्रांतिकारी लोकुर तन्ना कोशिश ते मुश्किल पोरो तीरम-तीरम काबू किया परिंतांग ओसो उंदी पूना अनुकूल स्थिति पुटि किया परिंता: इद्रम ता कठिन स्थिति ता जागा ते अनुकूल स्थिति पुटिंता। 1927 ते चीन लोप्पा क्रांति असफलता पेरके ओसो चीनी लाल सेना ता दीर्घकालीन अभियान ताकानास्के इद्रमे आता। वर्तमान चीन-जापान युद्ध लोप्पा उंदी कठिन परिस्थिति ते वाता: मति माटु इद्र स्थिति किन बदले किया परिंतोम ओसो चीन ओसो जापान रेंडिना नड़मा ता स्थिति लोप्पा आमूल बदलाव तत्ता परिंतोम। ताना विपरित क्रांतिकारी लोकुर गलतिंग कितेके अनुकूल स्थितिंग वेन्ने कठिन स्थितिंग लोप्पा बदलेमाया परिंतांग। 1924-27 ता क्रांति ता सफलता असफलता ते

बदलेमाता। 1927 पेरके दक्षिणी प्रांत लोप्पा क्रांतिकारी आधार-क्षेत्र ना विकास आता, अव सब्बे 1934 ते हारेमातांग।

माटु अध्ययन कींतोम अस्के अज्ञान ता अवस्था ते ज्ञान ता अवस्था ते वायना अंतरविरोध वेन्ने इद्रमे आंता। मार्क्सवाद ता अध्ययन कियानास्के एकदम शुरू ते मार्क्सवाद ता बारे ते मना पुना मंदना या अदिना बारे ते मना कम ज्ञान मार्क्सवाद संबंधित ज्ञान संगे अंतरविरोध ता स्थिति ते वांता। मति जीवा कीसि अध्ययन कियाना कारण ते पुनावा दिन ज्ञान ते, कम ज्ञान किन सही ज्ञान लोप्पा ओसो मार्क्सवाद किन कोंडा पिहची लागू कियाना स्थिति किन निपूणता संगे लागू कियाना स्थिति ते बदलेमांता।

इचुन खास अंतरविरोध इद्रम मन्नोंग आंतांग इंजी उचुन मुल इंतोरा उदाहरण काजे उत्पादन शक्ति ओसो उत्पादन संबंध नडमा ता अंतरविरोध लोप्पा उत्पादक शक्ति प्रधान पहलू आंदू: सिद्धांत ओसो व्यवहार नडमा ता अंतरविरोध लोप्पा व्यवहार प्रधान पहलू आंदू: आर्थिक आधार ओसो पोरो ढांचा नडमा ता अंतरविरोध लोप्पा आर्थिक आधार प्रधान पहलू आंदू: ओसो ताना स्थिति लोप्पा बदे बदलाव आयो आंता। इद धारणा उंदी यांत्रिक भौतिकवादी धारणा आंदू, द्वन्द्वात्मक भौतिकवादी आयो। इद उत्पादक शक्ति, व्यवहार ओसो आर्थिक आधार ते प्रधान ओसो निर्णायक भूमिका निभे कींतोर: बोर इद पोल्लो तल इनकार कींतोर ओरु भौतिकवादी मन्नोर आंतोर। मति विशेष परिस्थिति लोप्पा उत्पादन-संबंध ओसो पोरोटा ढांचा लेक्काट पहलू वेन्ने प्रधान ओसो निर्णयात्मक भूमिका निभे कींता इंजी इद पोल्लो किन वेन्ने मानेमाया लागियर। उत्पादन-संबंध किन बदले किवा लेवा उत्पादन शक्ति ना विकास आया परवो, अस्के उत्पादन-संबंध लोप्पा बदलावए प्रधान ओसो निर्णयात्मक भूमिका निभे कींता। लेनिन वेहता लेक्का “क्रांतिकारी सिद्धांत हिल्ला बदे क्रांतिकारी आंदोलन आया परवो”¹⁵ इद्रम ता स्थिति लोप्पा क्रांतिकारी सिद्धांत ता रचना ओसो तानकिन बने कियाना प्रधान ओसो निर्णयात्मक भूमिका निभे कींता। बदे काम किन (बदे काम आतेकाई) पूरा कियाना मतेकाई, बद्रम कियाना इंदाना पोरो इंजे एवनल बदे दिशा-निर्देश, योजना या नीति

निर्धारित आयवेके, इद्रम ता स्थिति लोप्पा दिशा-निर्देश, योजना या नीति किन निर्धारित कियानाए प्रधान ओसो निर्णायक बनेमांता। पोरोटा ढांचा (राजनीति, संस्कृति लेक्काटा) आर्थिक आधार ता विकास किन अवरुद्ध कींता, अस्के राजनीतिक ओसो सांस्कृतिक सुधार प्रधान ओसो निर्णयात्मक तत्व बनेमांता। माटु इद्रम इंतोम अस्के मनम भौतिकवाद तल जेक आया मंतोम इंजी इंतोमा? इन्नोमा बारांकु इत्तेके इतिहास ता आम विकास आयानास्के भौतिक स्थितिए मानसिक स्थिति ता निर्णय कींता ओसो सामाजिक अस्तित्व सामाजिक चेतना ता निर्णय कींता इंजी माटू मानेमांतोम ओसो मानसिक स्थिति ता भौतिक स्थिति पोरो, सामाजिक चेतना ता सामाजिक अस्तित्व पोरो ओसो पोरोटा ढांचा ता आर्थिक आधार पोरो वेन्ने प्रतिक्रिया मंदिता इंजी वेने मनम जरूर मानेमायना। इद मान्यता भौतिकवाद ता खिलाफ हिल्ले, तीना उलट इद यांत्रिक भौतिकवाद तल बचे कींता ओसो द्वन्द्वात्मक भौतिकवाद पोरो दृढ़ता ते नित्तसी मंदिता।

अंतरविरोध किन विशिष्टता ता अध्ययन कियानास्के माटु इव रेंडु स्थिति ना बदे प्रक्रिया लोप्पा मंदना प्रधान अंतरविरोध ओसो अप्रधान अन्तरविरोध ता ओसो अंतरविरोध ता प्रधान पहलू ओसो अप्रधान पहलू ता अध्ययन कीवोम आंतोम इत्तेके माटु अंतरविरोध ता रेंडु स्थिति ना भिन्नता ता अध्ययन कीवोम आंतोम अस्के माटु अमूर्त अध्ययन लोप्पा फसे मांतोम ओसो अंतरविरोध किन ठोस रूप ते समझेमाया परवोम आंतोम, इद्रम आतेके अदिन हल कियाला काजे सही तरीका ता खोज किया परवोम आंतोम। अंतरविरोध ता रेंडु स्थितिंग ना भिन्नता या अविना विशिष्टता, अंतरविरोध लोप्पा ताकत ता असमानताए मंदिता। दुनिया लोप्पा निरपेक्ष समानता संगे बदे वस्तु ता विकास आयो आंता, ओसो माटू समान विकास ता सिद्धांत या संतुलित विकास ता सिद्धांत ता विरोध कियाना। संगेने इंद ठोस अंतरविरोधपूर्ण स्थिति ओसो अंतरविरोध ता विकास ता प्रक्रिया लोप्पा ताना प्रधान ओसो अप्रधान पहलू लोप्पा आयना बदलावे पूना तल पाड़ना ता जागा पोयना ताकत किन तोहिंतांगा।

अंतरविरोध लोप्पा असमानता ता विभिन्न अवस्थांग ना प्रधान अंतरविरोध ओसो अप्रधान अंतरविरोध ता, अंतरविरोध ता प्रधान पहलू ओसो अप्रधान पहलू ता अध्ययने महत्वपूर्ण तरीका आंदू, तीना संगेने बदे क्रांतिकारी राजनीतिक पार्टी राजनीति ओसो फौजी क्षेत्र लोप्पा तन्ना रणनीति ओसो कार्यनीति नीतिंग किन सही तरिका ते निर्धारित कीता। सब्बे कम्युनिस्ट लोर इद पोल्लो पोरो ध्यान हियाना।

5. अंतरविरोध ता पहलू कुना एकरूपता ओसो अविना संघर्ष

अंतरविरोध ता सार्वभौमिकता ओसो विशिष्टता ता समस्या किन समझेमाता पेरेके माटू मुन्ने हंजी अन्तरविरोध ता पहलू ना एकरूपता ओसो अविना संघर्ष ता समस्या ता अध्ययन कियाना।

एकरूपता, एकता, संयोग, अन्तर-व्याप्ति, अन्तर-प्रवेश, अन्तर-निर्भरता (या अस्तित्व काजे अन्तर-निर्भरता), अन्तर-सम्बध या आपसी सहयोग - इव सब्बे अलग-अलग शब्द कुना उंदे अर्थ मंता ओसो इव रेंडु पोल्लोना सूचना कीतांग, पहला बदे वस्तु ता विकास प्रक्रिया लोप्पा हर अंतरविरोध ता रेंडु पहलूकुना लोप्पाटल हर पहलू ता अस्तित्व काजे दूसरा पहलू ता अस्तित्व जरूरी मंदिता। ओसो रेंडु पहलू ना उंदे इकाई लोप्पा सह-अस्तित्व मंदिता, दूसरा, इव रेंडु परस्पर विरोधी पहलू बदे विशेष परिस्थिति लोप्पा उंदी दूसरा ते बदलेमांतांग। एकरूपता इत्तेके इदे आंदू।

कामरेड लेनिन वेहतेर:

विपरित तत्व एकरूप बद्रम आया परिंता ओसो एकरूप बद्रम बनेमांता इंजी द्वन्द्ववादी सिद्धांत वेहिंता (अव बद्रम बदलेमासी एकरूप बनेमांतांग)- बद परिस्थिति लोप्पा अव उंदी दूसरा लोप्पा बदलेमासी एकरूप बनेमांतांग - बारांकू इदिन माने ना मेदुर तानकिन डोलता ओसो

जड़ वस्तु ना रूप ते आयवा सजीव, परिस्थितिबद्ध, परिवर्तनशील, उंदी दूसरा ते बदलेमायाना वस्तु ना रूप ते हूडाना इंजी वेहिंता।¹⁶

लेनिन वेहत्तादिना बातल अर्थ मंता?

हर प्रक्रिया लोप्पा उंदीना उंदी विरोध कियाना पहलू उंदी दूसरा किन बहिष्कार कींतांग, आपस ते संघर्ष कींतांग ओसो उंदी दूसरा ता विरोधी मंदिंतांग। इद्रम ता आपसी विरोधी पहलू हिल्ला बदे अपवाद ता सब्बे वस्तु ना प्रक्रिया लोप्पा ओसो पूरा मानव-चिन्तन लोप्पा मंदिंतांग। बदे साधारण प्रक्रिया लोप्पा विपरित तत्व ना केवल उंदे जोड़ी मंदिंता, बदे संश्लिष्ट प्रक्रिया लोप्पा अविना उंदी तुकू ज्यादा जोडिंग मंदिंतांग। इदे आयवा विपरित तत्व ना विभिन्न जोडिंग आपसी ते अंतरविरोधपूर्ण बनेमांतांग। इद्रम वस्तुगत दुनिया लोप्पा सब्बे वस्तु ओसो पूरा मानव-चिन्तन ता रचना आंता ओसो अविन गति प्राप्त आंता।

इद सही ओसो तीना लोप्पा एकरूपता ओसो एकता ता वेल्ले कमी मंता इत्तास्के माटु एकरूपता ओसो एकता ता पोल्लो बद्रम किया परिंतोम?

बारांकु इत्तेके बदे वेन्ने आपसी विरोधी पहलू अलगाव ता स्थिति ते मन्नो आंता। बिना दूसरा ताना विरोधी मंदाना पहलू ता हर पहलू तन्ना अस्तित्व ता परिस्थिति पोहिंता। उचुन आल्साटु, वस्तु या मानव-मस्तिष्क ता धारणा ता बदे वेन्ने आपसी विरोधी पहलू स्वतंत्र अस्तित्व तासा परिंता या? पिस्वल हिल्ला डोलना हिल्ले, डोलवा लेवा पिस्वल वेन्ने हिल्ले। बिना “पोरो” बदे “दोड़” हिल्ले। बिना “दोड़” बदे “पोरो” वेन्ने हिल्ले। बिना दुर्भाग्य ता सौभाग्य हिल्ले, बिना सौभाग्य ता दुर्भाग्य वेन्ने हिल्ले। बिना सुविधा ते कठिन हिल्ले, बिना कठिन ता सुविधा वेन्ने हिल्ले। बिना जमींदार ते मुजारा किसान (tenant-peasents) हिल्ले, बिना मुजारा किसान ते जमींदार वेन्ने हिल्ले। बिना पूंजीवादी वर्ग ता सर्वहारा वर्ग हिल्ले, बिना सर्वहारा वर्ग ता पूंजीपति वर्ग वने हिल्ले। साम्राज्यवाद ता राष्ट्र ता उत्पीड़न लेवा उपनिवेश ओसो अर्ध-उपनिवेश हिल्ले, बिना उपनिवेश ओसो अर्ध-उपनिवेश ता राष्ट्र ता साम्राज्यवादी उत्पीड़न वेन्ने

हिल्ले। सब्बे विपरित तत्व इद्रमे मंतांगः विशेष परिस्थिति लोप्पा, ओरु उंदी बगिल, वरोन-वरोना विरोधी मंदितांग ओसो दूसरा बगिल अन्तर-संबंध, अन्तर-प्रविष्ट, अन्तर-व्याप्त ओसो अन्तर-निर्भर आंता। अविना इद स्वरूप किन एकरूपता इंतोर। विशेष परिस्थिति लोप्पा सब्बे आपसी विरोधी पहलू ता स्वरूप अलग आसि मंदिता, अदिन काजे अविन अंतरविरोध इंतोर। मति अविना स्वरूप एकरूपता वेन्ने पोयता, अदिन काजे ओरु अन्तर-संबंध आंता। द्वन्द्ववाद “विपरित तत्व एकरूप बद्रम आंता” इंजी अध्यायन कींता अस्के अव जरूर पोरो रास्ता लेक्का आंता इंजी लेनिन वेहतोर। अव आखिरी ते एकरूपता बद्रम आया परिंता? बारांकु इत्तेके इविना लोप्पाटल हर पहलू दूसरा पहलू ता अस्तित्व काजे उंदी शर्त आंदू। एकरूपता ता पहली अर्थ इदे आंदू।

मति केवल आपसी विरोधी पहलू लोप्पाटल हर पहलू दूसरा पहलू ता अस्तित्व काजे उंदी शर्त आंदू इंजी आयो, अविना लोप्पा एकरूपता मंता ओसो अव उंदे इकाई लोप्पा सह-अस्तित्व ता स्थिति लोप्पा मंदिता या? हिल्ले, इदे आयो, तन्ना अस्तित्व काजे आपसी विरोधी पहलू ता अन्तर-निर्भरता एवनल आयो, तीना वेल्ले महत्वपूर्ण पोल्लो आपसी विरोधी पहलू दूसरा पहलू ते बदलेमायना आंदू। इत्तेके विशेष परिस्थिति लोप्पा बदे वस्तु लोप्पा मंदांना आपसी विरोधी पहलू तन्ना विपरित पहलू ते बदलेमांता, तन्ना विपरित पहलू ता स्थिति लोप्पा एविंता। अंतरविरोध ता एकरूपता ता इद दूसरा अर्थ आंदू।

आखिरी ते एकरूपता वेन्ने बारांकू आंता? क्रांति बदे कालाम ते उंदी शासित वर्ग मंदांना सर्वहारा वर्ग इंजे शासक वर्ग बनेमाता, पूंजीपति वर्ग, मुन्ने शासक वर्ग मत्ता, इंजे शासित वर्ग बनेमाता ओसो अद स्थिति लोप्पा एविंता मुन्ने ताना विरोधी मत्ता। सोवियत संघ लोप्पा इद्रम आसी मत्ता बाकी सब्बे दुनिया लोप्पा वेन्ने इद्रमे आंता। विशेष परिस्थिति लोप्पा विपरित तत्व नडुमा अन्तर-संबंध ओसो एकरूपता आयवेके इद्रम ता बदलाव बद्रम आया परिंता?

क्वोमिंगतांग, चीन ता आधुनिक इतिहास ता उंदी निश्चित मंजिल लोप्पा उचुन सकारात्मक भूमिका निभे कींता। अद तन्ना स्वाभाविक वर्ग-चरित्र ओसो साम्राज्यवाद ता लोभ ता कारण ते (इद परिस्थितिए मत्ता) 1927 तल उंदी प्रतिक्रांतिकारी पार्टी बनेमाता, मति चीन ओसो जापान नड्मा ता अंतरविरोध ता तेज आयना ओसो कम्युनिस्ट पार्टी ता संयुक्त मोर्चा ता नीति ता कारण (इद परिस्थिति मत्ता) अदे जापानी आक्रमण ता प्रतिरोध स्वीकार कियाला काजे मजबूर आया लागता। आपसी विरोधी वस्तु उंदी दूसरा लोप्पा बदलेमांता, ओसो उंदी रकम ता एकरूपता मौजूद मंदिता।

माट बंदो भूमि-क्रांति किन पूरा कीतोम, अद उंदी प्रक्रिया बनेमाता ओसो उंदी बेरा बनेमायार, ताना लोप्पा जमीन ता मालिक मंदाना जमींदार वर्ग ता जमीन दांता, ओसो किसान लोर बंदो जमीन ते वंचित मंदितोर ओरु उचुन जमीन ता मालिक बनेमांतोर। उंदी विशेष परिस्थिति लोप्पा साधन-सम्पन्नता ओसो साधनहीनता, नफा ओसो नुकसान, अन्तर-संबंध मंदिता: रेंडु पक्ष लोप्पा एकरूपता मंदिता। समाजवाद ता परिस्थिति लोप्पा किसान लोरा नीजि मिलकियत व्यवस्था समाजवादी कृषि ता सार्वजनिक मिलकियत लोप्पा बदलेमांता, सोवियत संघ लोप्पा इद्रमे आता ओसो बाकी सब्बे दुनिया लोप्पा वेन्ने इद्रमे आंता। निजी सम्पत्ति ओसो सार्वजनिक सम्पत्ति नड्मा ता गुमिया ता रेंडु किनारा किन काल्पना उंदी सेतु मंदिता, अदिन दर्शन-शास्त्र लोप्पा एकरूपता या उंदी दूसरा लोप्पा रूपांतर ओसो अन्तर-व्याप्ति इंतोर।

सर्वहारा अधिनायकत्व किन मजबूत बने कियाना असल ते इद्रम ता अधिनायकत्व किन खत्म कियाना ओसो सब्बे राज्य-व्यवस्था ना खात्मा कियाना उच्चतर मंजिल बगिल दायाना काजे परिस्थिति तैयार कियाना काजे मंदिता। कम्युनिस्ट पार्टी ता स्थापना कियाना ओसो ताना विकास कियाना असल ते कम्युनिस्ट पार्टी ओसो दूसरा सब्बे राजनीतिक पार्टिंग किन खत्म कियाला काजे परिस्थिति तैयार कियाना मंता। कम्युनिस्ट पार्टी ता नेतृत्व लोप्पा क्रांतिकारी सेना बने कियाना ओसो क्रांतिकारी युद्ध

ताकि कियाना असल ते युद्ध किन हमेशा काजे खत्म कियाना परिस्थिति तैयार कियाना मंता। इव सब्बे विपरित तत्व संगेने उंदी दूसरा ना सहयोगी वेन्ने मंदिता।

सब्बेतोर पुत्ता लेक्का युद्ध ओसो शांति तन्ना किन उंदी दूसरा लोप्पा बदले कींता। युद्ध शांति लोप्पा बदलेमांता, उदाहरण काजे पहली विश्व युद्ध काल पेरके शांति लोप्पा बदलेमाता, चीन ता गृहयुद्ध वेन्ने इंजे बंद आता ओसो ताना जागा ते आन्तरिक शांति बनेमाता। शांति युद्ध लोप्पा रूपान्तरित आंता, उदाहरण काजे 1927 ता क्वोमिंगतांग-कम्युनिस्ट सहयोग युद्ध लोप्पा बदलेमाता, ओसो नेटा शांतिपूर्ण विश्व-परिस्थिति वेन्ने दूसरी विश्व युद्ध ते बदलेमाया परिंता। इद्रम बारांकु आंता? बारांकु इतेके वर्ग-समाज लोप्पा युद्ध ओसो शांति लेक्काटा आपसी विरोधी वस्तु उंदी विशेष परिस्थिति लोप्पा एकरूप मंदिता।

सब्बे आपसी विरोधी वस्तु अन्तर-संबंध मंदिता, ओसो अव केवल उंदी विशेष परिस्थिति लोप्पा उंदे इकाई ते सह-अस्तित्व ता स्थिति लोप्पा मंदिता, उंदी दूसरा विशेष परिस्थिति लोप्पा उंदू दूसरा ते बदले वेन्ने मांता।- विपरित तत्व ता एकरूपता ता पूरा अर्थ इदे आंदू लेनिन वेन्ने इदे वेहतोर, ओरु रासिस मत्तोर, “बद्रम एकरूपता बनेमांता, बद्रम बदलेमासी एकरूपता बनेमांता)- बद परिस्थिति लोप्पा उंदी दूसरा लोप्पा बदलेमासोरे एकरूप बनेमांता।”

बारांकु इतेके “माने ना मेहुर् किन इव विपरित तत्व किन डोलता ओसो जड़ वस्तुना रूप ते, सजीव, परिस्थितिबद्ध, परिवर्तनशील, उंदी दूसरा लोप्पा बदलेमायना वस्तु ता रूप लोप्पा हूडाना”? वस्तुगत पदार्थ असल ते इद्रमे मंदिता। सही वस्तुगत पदार्थ लोप्पा आपसी विरोधी पहलू ना एकता या एकरूपता बस्केने वेन्ने डोलता ओसो जड़ चीज मन्नो आंता, अद सजीव, परिस्थितिबद्ध, परिवर्तनशील, अस्थाई ओसो सापेक्ष चीज मंदिता: सब्बे आपसी विरोधी पहलू, उंदी विशेष परिस्थिति लोप्पा, विपरित पहलू ने बदलेमांता। इदे मानव-मस्तिष्क लोप्पा प्रतिबिम्ब मंदिता, अद मार्क्सवाद ता भौतिकवादी द्वन्द्ववाद ता विश्व-दृष्टिकोण बनेमांता।

केवल प्रतिक्रियावाद शासक वर्ग अद वर्तमान ता मन्नी या मुन्नेटा कालम ता, ओसो अविना विचार चाकरी कियाना आध्यात्मवादी, विपरित तत्व किन सजीव, परिस्थितिबद्ध, परिवर्तनशील ओसो उंदी दूसरा लोप्पा बदलेमायना वस्तु ता रूप ते आयवा, डोलता ओसो जड़ मानेमांतोर, ओसो आम जनता किन धोखा हियाला काजे इद गलत दृष्टिकोण ता प्रचार कींता, ओसो इद्रम तन्ना शासन किन निल्पी कियाना कोशिश कींता। कम्युनिस्ट लोरा कर्तव्य, प्रतिक्रियावादी ओसो आध्यात्मवाद ता गलत विचार ता भण्डाफोड़ कियाना, वस्तु लोप्पा मंदाना द्वन्द्वतात्मकता ता प्रचार कियाना, ओसो इद्रम वस्तु ता रूपान्तर ता रफतार बेरसि कियाना ओसो क्रांति ता उद्देश्य किन प्राप्त कियाना।

माटु उंदी विशेष परिस्थिति लोप्पा विपरित तत्व ता एकरूपता ता पोल्लोंग कींतोम, अस्के माटु असल ते ओसो ठोस विपरित तत्व ता ओसो विपरित तत्व ता उंदी दूसरा लोप्पा वास्तविक ओसो ठोस रूप ते बदलाव आयना पोल्लोंग कींतोम। पाड़ना पीटो लोप्पा गिनती हिल्ला बदलाव हूडाला दोरकिंतांगः उदाहरण काजे “शान हाए चिंग” लोप्पा ख्वा फू सूर्य ता पेरके अरना,¹⁷ “ह्वाए नान चि” लोप्पा ई ना नौ पोड़दु किन हौकना,¹⁸ “शी यओ ची” लोप्पा वानरराज ता बहत्तर बेरा रूप बदलेमायना,¹⁹ “ल्याओ चाए ना विचित्र कहानिंग”²⁰ लोप्पा भूत ओसो डुव्वल ता मानेयना रूप एतना वेल्ले कहानिंग मंतांग। मति इव कहानिंग लोप्पा वेहता विपरित तत्व ना आपसी रूपान्तर ठोस अंतरविरोध ता प्रतिबिम्बित कियाना ठोस रूपान्तर आयो। इद रूपान्तर उंदी रकम ता अंगडम ता, काल्पनिक, मनोगत रूप संगो आल्ससोरे इद्रम ता रूपान्तर हिल्ले, अद मानव-मस्तिष्क लोप्पा वास्तविक विपरित तत्व ता उंदी दूसरा लोप्पा अनगिनत जटिल रूपान्तर ता कारण ते आंता। मार्क्स वेहत लेक्काः “सब्बे पाड़ना पीटो ना कल्पना लोप्पा ओसो कल्पना ता सहारा ते प्रकृति ता ताकत ते काबू वाटसी, अविना पोरो तन्ना प्रभुत्व स्थापित कींता, ओसो अविन साकार कींताः अदिन काजे मानेय प्रकृति ता शक्ति पोरो काबू कींतास्के पाड़ना पीटो ना काम मारिंता।”²¹ इद्रम पाड़ना पीटो ता (पेकोरा

पीटो ना वेन्ने) वेल्ले रूपान्तर लोकरा मनोरंजन बारांकु कीता इत्तेके अविना लोप्पा प्रकृति ता शक्ति पोरो मानेय ना जीत ता कल्पनापूर्ण चित्र मंदिता। ओसो बेसता पाड़ना पीटो लोप्पा मार्क्स वेहता लेक्का मंता, “बेस गिर्दा कियाना” मंदिता: मति पाड़ना पीटो उंदी विशेष परिस्थिति लोप्पा मंदाना ठोस अंतरविरोध पोरो आधार आसी मन्नो अदिन काजे ओरु सच्चाई किन वैज्ञानिक तरीका ते तोहो आंता । इत्तेके पाड़ना पीटो या पेकोरा पीटो लोप्पा अंतरविरोध ता पहलू लोप्पा केवल काल्पनिक एकरूपता मंदिता, वास्तविक बदलाव लोप्पा मंदाना एकरूपता किन वैज्ञानिक तरीका ते प्रतिबिम्बित कीता, अदे मार्क्सवादी द्वन्द्ववाद आंदू।

अंडा किन चूजा लोप्पा रूपान्तरित कियमूडंता, मति बंडा किन आयो? बारांकु इत्तेके केवल युद्ध ओसो शांति लोप्पा एकरूपता मंता, ओसो युद्ध ओसो बंडा लोप्पा हिल्ले? बारांकु इत्तेके मानेय केवल मानेय किने पुटि किया परिंतोर, दूसरा बदे चीज कि आयो? ताना केवल उंदे कारण मंता विपरित तत्व ना एकरूपता केवल उंदी जरूरी विशेष परिस्थिति लोप्पाने मंदिता। बिना जरूरी विशेष परिस्थिति ता बदे वेन्ने रकम ता एकरूपता हिल्ले आंता।

अदिन काजे रूस लोप्पा 1917 ता पूंजीवादी-जनवादी फरवरी क्रांति अदे साल ता सर्वहारा समाजवादी अक्तूबर क्रांति संगे प्रत्यक्ष रूप ते जुड़ेमासी मत्ता, मति फ्रांस लोप्पा पूंजीवादी क्रांति प्रत्यक्ष रूप ते बदे समाजवादी क्रांति संगे जुड़ेमासि हिल्ला मत्ता, ओसो 1871 ता पेरिस कम्यून आखरी ते असफल आता? दूसरा बगिल मंगोलिया ओसो मध्य एशिया लोप्पा खानाबदोश पिस्वल-प्रणाली प्रत्यक्ष रूप ते समाजवाद संगे जुड़ेमाता? तीना कारण चीनी क्रांति पश्चिमी देश ता पाड़ना ऐतिहासिक हरदे ताकवा लेवा, पूंजीपति वर्ग ता अधिनायकत्व काल तल वेंडवा लेवा, प्रत्यक्ष रूप ते समाजवाद संगे जुड़ेमाया परिंता ओसो पूंजीवाद मनाकिन वायना कालम ते बचे किया परिंता? तीना केवल कारण केवल समय-समय ता ठोस परिस्थितिंग आंदुंगा। उचुन जरूरी विशेष परिस्थितिंग मंदितांग, अस्के वस्तुना विकास ता प्रक्रिया लोप्पा उचुन निश्चित विपरित

तत्त्व पैदा आंतांगः इदे आयवा विपरित तत्व (रेंडु या तानकु ज्यादा) उंदी दूसरा पोरो निर्भर आसी मंदितांग ओसो उंदी दूसरा लोप्पा बदलेमांताः लेवेके इविना लोप्पाटल उंदी वेन्ने सम्भव हिल्ले आंता।

इदे एकरूप ता समस्या आंदू इत्तेके संघर्ष बातल आंदू? ओसो एकरूपता ओसो संघर्ष ता नडमा ता संबंध बाता मंता?

लेनिन वेहतोरः विपरित तत्व ना एकता (संयोग, एकरूपता, समान कार्यवाही) परिस्थितिबद्ध, क्षणिक, अस्थाई ओसो सापेक्ष मंदिता। उंदी दूसरा किन बहिष्कृत कियाना विपरित तत्व ता संघर्ष, विकास ओसो गति ता समान, निरपेक्ष मंदिता²²

इद पोल्लो ता अर्थ बातल मंता?

सब्बे प्रक्रिया ना शुरूआत ओसो अन्त मंदिताः सब्बे प्रक्रिया तन्ना विपरित तत्व लोप्पा बदले मांता। सब्बे प्रक्रिया ना स्थिरता सापेक्ष मंदिता, मति उंदी प्रक्रिया ता दूसरा प्रक्रिया लोप्पा बदले मायना लोप्पा दिसना बदलाव निरपेक्ष मंदिता।

सब्बे वस्तु ना गति ता रेंडु अवस्था मंदिताः सापेक्ष स्थिरता ता अवस्था ओसो प्रत्यक्ष बदलाव ता अवस्था। इव रेंडासी अवस्थांग बदे वस्तु लोप्पा मंदाना रेंडु आपसी विरोधी तत्व लोप्पा संघर्ष तल पुटिता। बदे वस्तु ता गति पहली अवस्था ते मंदिता अस्के ताना लोप्पा परिमाणात्मक बदलाव आंता, अदिन काजे पोरो स्थिरता ता अवस्था तले मंदिता। वस्तु ता गति दूसरा अवस्था लोप्पा मंदिता, अस्के अद समय एवनल पहली अवस्था ता परिमाणात्मक बदलाव उंदी चरमबिंदुं पोरो एवसी मंदिता, ओसो अद उंदी इकाई ता वस्तु ता विघटन कींता, ओसो ताना लोप्पा गुणात्मक बदलाव आंता, ताना कारण ते ताना लोप्पा प्रत्यक्ष बदलाव प्रकट आंता। इद्रम एकता, एकजुटता, साम्मिलन, सामंजस्य, साम्य, ठहराव, गतिरोध, स्थिरता, स्थायित्व, सन्तुलन, संघनता, आकर्षण लेक्काटव मनम रोज ता पिस्वल ते हूडाना, सब्बे परिमाणात्मक बदलाव ता अवस्था ते वेंडता वस्तु ता रूप आंदू। दूसरा बगिल उंदी विघटन, इत्तेके इद एकजुटता, साम्मिलन, सामंजस्य, साम्य, ठहराव, गतिरोध, स्थिरता,

स्थायित्व, संतुलन, सघनता, आकर्षण ता विनाश, ओसो ताना विपरित अवस्था लोप्पा बदलाव, इव सब्बे गुणात्मक बदलाव तल वेंडला वस्तु ना उंदी प्रक्रिया ता दूसरा प्रक्रिया लोप्पा रूपान्तर ता रूप आंदू। गति ता पहली अवस्था संगे दूसरा अवस्था लोप्पा वस्तु ना लगातार रूपान्तर आंता: विपरित तत्व ता संघर्ष रेंडासी अवस्था ने ताकसोर मंता, मति अंतरविरोध ता हल दूसरा अवस्था लोप्पाने आंता। अदिन काजे माटु विपरित तत्व ना एकता परिस्थितिबद्ध, अस्थाई ओसो सापेक्ष मंता, उंदी दूसरा किन बहिस्कृत कियाना विपरित तत्व ना संघर्ष निरपेक्ष मंता इंजी इंतोमा।

माटु पोरो वेहता लेक्का रेंडु विपरित वस्तु उंदे इकाई लोप्पा सह-अस्तित्व ता स्थिति ते मंदा परिंतांग ओसो उंदी दूसरा लोप्पा रूपान्तरित वेन्ने मंदिता, बारंकु इत्तेके अविना लोप्पा एकरूपता मंदिता, अस्के माटु परिस्थितिबद्धता बारे ते वेहचोरे मंदिंतोमा। इत्तेके उंदी विशेष परिस्थिति लोप्पा रेंडु अंतरविरोधपूर्ण वस्तु एकताबद्ध मंदिता ओसो उंदी दूसरा लोप्पा रूपान्तरित वेन्ने आंता। मति इद्रम ता परिस्थिति हिल्वेके उंदी अंतरविरोध ता रूप धारण किया परवो, उंदी इकाई लोप्पा सह-अस्तित्व ता स्थिति मन्नो ओसो उंदी दूसरा लोप्पा रूपान्तरित आया परवो। बारंकु इत्तेके अंतरविरोध ता एकरूपता केवल उंदी विशेष परिस्थिति लोप्पाने पुटिता, अदिन काजे माटु एकरूपता किन परिस्थितिबद्ध ओसो सापेक्ष इंतोमा। इगा माटु वेल्ले पोल्लोंग वेहाला आलिसंतोम, इत्तेके विपरित तत्व नडमा बदे संघर्ष प्रक्रिया ता शुरू तल आखरी एवनल ताकिंता ओसो उंदी प्रक्रिया ता दूसरा लोप्पा बदलेमायना कारण मंदिता, ओसो इद संघर्ष हर जागा मंदिता, ओसो अदिन काजे संघर्ष परिस्थिति तल अलग ओसो निरपेक्ष मंदिता।

परिस्थितिबद्ध, सापेक्ष एकरूपता ओसो परिस्थिति तल अलग, निरपेक्ष संघर्ष ता सम्मिलन सब्बे वस्तु लोप्पा अंतरविरोध ता गति किन पुटि कींता।

माटु चीनी लोकुर हमेशा इंतोमः “वस्तु उंदी दूसरा ता विपरित मत्ता जागा ते उंदी दूसरा ता कमी किन वेन्ने पूरा कीसोर मंदिता।”²³ इत्तेके, विपरित वस्तु लोप्पा एकरूपता मंदिता। इद उंदी द्वन्द्वात्मक पोल्लो आंदू, ओसो आध्यात्मवाद ता विपरित मंता। “उंदी दूसरा ता विपरित मंदाना” इत्तेके रेंडु आपसी विरोधी पहलू ना उंदी दूसरा किन बहिष्कृत कियाना या उंदी दूसरा संगे संघर्ष कियाना आंदू। “उंदी दूसरा ता कमी पूरा कियाना इत्तेके” उंदी विशेष परिस्थिति लोप्पा रेंडु आपसी विरोधी पहलू ना एकताबद्ध आयना ओसो एकरूपता दोरकी कियाना आंदू। मति संघर्ष एकरूपता लोप्पा मंदिता, ओसो बिना संघर्ष ते बदे एकरूपता सम्भव हिल्ले आंता।

एकरूपता लोप्पा संघर्ष मंदिता, विशिष्टता लोप्पा सार्वभौमिकता मंदिता, व्यक्तिगत स्वरूप लोप्पा सामान्य स्वरूप मंदिता। लेनिन ना हिसाब ते “सापेक्ष लोप्पा निरपेक्ष मंदिता।”²⁴

6. अंतरविरोध लोप्पा दुश्मनी ता जागा

दुश्मनी बातल आंदू? - इद सवाल विपरित तत्व नडमा ता संघर्ष ता सवाल लोप्पा शामिल मंता। मावा उत्तरः दुश्मनी विपरित तत्व कुना नडमा ता संघर्ष ता उंदी रूप आंदू, मति ताना केवल उंदे रूप आयो।

मानव-इतिहास लोप्पा वर्ग नडमा ता शत्रुता विपरित तत्व नडमा संघर्ष ता उंदी विशिष्ट अभिव्यक्ति ता रूप ते मंदिता। उचुन शोषक वर्ग ओसो शोषित वर्ग नडमा ता अंतरविरोध पोरो ध्यान हीमूटा। इद्रम ता आपसी विरोधी वर्ग वेल्ले समय एनवल उंदी समाज लोप्पा, दस समाज लोप्पा, सामंती या पूंजीपति समाज, सह-अस्तित्व ता स्थिति ते मंदितांग, ओसो आपस ते संघर्ष किसोर मंदितांगः मति बस्के एनवल रेंडु वर्ग नडमा अंतरविरोध विकसित आंसी उंदी मंजिल ते एविंता अस्के अद अंतरविरोध उंदी खुला दुश्मनी ता रूप एतो आंता ओसो क्रांति लोप्पा विकसित आयो आंता। वर्ग-समाज लोप्पा शांति ता युद्ध लोप्पा रूपान्तर वेन्ने इद्रमे आंता।

विस्फोट आयना मुन्ने बम उंदी इकाई मंदिता ताना लोप्पा विपरित तत्व उंदी विशेष परिस्थिति लोप्पा सह-अस्तित्व ता स्थिति ते मंदितांग। विस्फोट, उंदी पूना परिस्थिति, प्रज्वलन पुटिता अस्के ने आंता। इद्रमताए स्थिति पाड़ना अंतरविरोध किन हल कियाना ओसो पूना वस्तु किन पुटी कियाना काजे आखरी ते खुला विरोध ता रूप धारण कियाना सब्बे प्राकृतिक घटनांग लोप्पा पुटितांग।

इव पोल्लोंग किन समझेमायना वेल्ले महत्वपूर्ण मंदिता। तीना लोप्पाटल मना किन वर्ग-समाज लोप्पा क्रांति ओसो क्रांतिकारी युद्ध आयना जरूरी मंता, ओसो अव हिल्वेके समाजिक विकास ता क्षेत्र ते छलांग वाटना मुशिकल मंता, प्रतिक्रियावादी शासक वर्ग किन तेहकसी वाटना असम्भव आंता अदिन काजे जनता राजनीतिक सत्ता पोरो अधिकार कियाना असम्भव आंता। कम्युनिस्ट लोरकिन प्रतिक्रियावादी लोरा सब्बे झूठा प्रचार कुना पर्दाफाश कियाना पहिजे। इत्तेके ओरा सामाजिक क्रांति कियाना जरूरत हिल्ले ओसो असम्भव मंता इंदानवु। ओरकिन समाजिक क्रांति ता मार्क्सवादी-लेनिनवादी सिद्धांत किन मजबूती पोयना, ओसो लोकर किन सामाजिक क्रांति केवल जरूरते आयो पूर्णतः व्यावहारिक वेन्ने मंता ओसो इद मानव जाति पूरा इतिहास ओसो सोवियत संघ ता सफलता वैज्ञानिक सच्चाई संगे वेहिंता इंजी समझे कियाना मंदिता।

माटु विपरित तत्व नडुमा ताकना रक-रकमता संघर्ष कुना परिस्थिति किन ठोस रूप ते अध्ययन कियाना ओसो पोरे वेहता तरीका किन हर वस्तु पोरो सही तरीका ते लागू कियाना। अन्तरबोध ओसो संघर्ष सार्वभौमिकता ओसो निरपेक्ष मंदिता मति अंतरविरोध किन हल कियाना तरीका इत्तेके संघर्ष ता रूप अंतरविरोध ता अलग-अलग स्वरूप कुना अनुसार अलग-अलग मंदिता। उचुन अंतरविरोध लोप्पा खुला दुश्मनी मंदिता ओसो उचुन लोप्पा मन्नो आंता। वस्तु ता ठोस विकास ता अनुसार, उचुन अंतरविरोध लोप्पा दुश्मनी बिल्कुल मन्नो आंता, अव विकसित आसी दुश्मनी

बनेमातांग, दूसरा अन्तरविरोध शुरू तले दुश्मनी मंदिता, ओसो विकसित आसी दोस्त बनेमातांग।

पोरो वेहता लेक्का समाज लोप्पा वर्ग मंदनास्के एवनल कम्युनिस्ट पार्टी लोप्पा सही विचार ओसो गलत विचार नड़मा अंतरविरोध, पार्टी लोप्पा वर्ग-अंतरविरोध किने प्रतिबिम्बित कींता। शुरू ते उचुन समस्यांग लोप्पा, इद्रम ता अंतरविरोध तल्काल दुश्मनी बने माया परोवो मति वर्ग-संघर्ष ता विकास संगे-संगे विकसित आसी दुश्मनी बनेमाया परिंता। सोवियत संघ ता कम्युनिस्ट पार्टीता इतिहास वेहिंता कि लेनिन ओसो स्तालिन ना सही विचार ओसो त्रात्सकी, बुखारीन ओसो उचुन मुल ता विचार नड़मा अंतरविरोध शुरू ते दुश्मनी रूप ते हिल्ला मत्ता, मति पेरके विकसित आसी दुश्मनी आता। चीनी कम्युनिस्ट पार्टी ता इतिहास लोप्पा वेन्ने इद्रमता उदाहरण मंतांग। पार्टी लोप्पा मना वेल्ले कामरेड्स ना सही विचार ओसो छन तू-श्यू, चांग क्वो-थाओ ओसो उचुन मुल ता गलत विचार नड़मा अंतरविरोध वेन्ने मुन्ने दुश्मनी रूप ते हिल्ला मत्ता मति पेरके अव विकसित आसी दुश्मनी रूप एततांग। इंजे मना पार्टी लोप्पा सही विचार ओसो गलत विचार नड़मा अंतरविरोध ता रूप दुश्मनी हिल्ले ओसो गलती कित्ता कामरेड्स तन्ना गलती किन सुधरे कीतेके अद विकसित आसी दुश्मनी रूप एतो आयार। अदिन काजे पार्टी किन उंदी बगिल गलत विचार ना विरुद्ध गम्भीर संघर्ष ताकी कियाना, ओस दूसरा बगिल गलती कित्ता कामरेड्स किन गलती तल सुधरेमायना मौका हियाना। इद्रम ता परिस्तित लोप्पा सीमा तल बाहर संघर्ष ताकि कियाना सही हिल्ले। मति गलती कियानोर तन्ना गलती मानेमायला तैयार हिल्लेके ओसो गम्भीर गलतिंग कीतेके इद अंतरविरोध विकसित आसी दुश्मनी अंतरविरोध बनेमाया परिंता।

आर्थिक दृष्टि ते पूंजीवादी समाज लोप्पा पूंजीपति वर्ग ता शासन लोप्पा शहर ता देहात पोरो निर्मम लूट-खसोट मंदिता ओसो विदेशी साम्राज्यवाद ओसो चीन लोप्पा बड़े दलाल-पूंजीपति वर्ग ता शासन लोप्पा शहर देहात ता वेल्ले लूट-खसोट कियाना, चीन ता क्वोमिंगतांग

शासित इलाकांग लोप्पा शहर ओसो देहात नड्मा ता अंतरविरोध वेल्ले दुश्मनी अंतरविरोध बनेमाता। मति बदे समाजवादी देश लोप्पा ओसो मना क्रांतिकारी आधार-क्षेत्र लोप्पा, इद दुश्मनी अंतरविरोध उंदी दुश्मनी हिल्वा अन्तरविरोध ते बदलेमासी मंदिता: ओसो कम्युनिस्ट समाज बनेमातेके खत्म आंता।

लेनिन वेहतोर: “दुश्मनी ओसो अंतरविरोध उंदे ओसो समान वस्तु बस्केने मन्नो आंता। समाजवाद लोप्पा पहली खत्म आंता, मति दूसरा ता अस्तित्व बनेमासी मंदिता।”²⁵ इत्तेके दुश्मनी विपरित तत्व नड्मा ता संघर्ष ता केवल उंदी रूप आंदू, ताना उंदे रूप आयो: दुश्मनी ता तरीका किन माटु हर जागा बिना आल्सवा लेवा लागू किया परवोमा।

7. निष्कर्ष

इंजे माटु निष्कर्ष ता रूप ते पोल्लोंग कियाकाल। वस्तु लोप्पा अंतरविरोध ता नियम, इत्तेके विपरित तत्व ता एकता ता नियम, प्रकृति ओसो समाज ता मूल नियम आंदू, अदिन काजे चिन्तन ता वेन्ने मूल नियम आंदू। अद आध्यात्मवादी विश्व-दृष्टिकोण ता विपरित मंता। अद मानव-ज्ञान ता इतिहास लोप्पा उंदी महान क्रांति ता प्रतिनिधित्व कींता। द्वन्द्वात्मक भौतिकवाद ता दृष्टिकोण ता अनुसार, अंतरविरोध वस्तुगत पदार्थ ता ओसो मनोगत चिन्तन ता सब्बे प्रक्रियांग लोप्पा मंदिता ओसो सब्बे प्रक्रियांग लोप्पा शुरू तल आखरी एवनल मंदिता: इदे अंतरविरोध ता सार्वभौमिकता ओसो निरपेक्षता आंदू। हर अंतरविरोध ओसो ताना हर पहलू ता तन्ना-तन्ना विशिष्टतांग मंदितांग। इदे अंतरविरोध ता विशिष्टता ओसो सापेक्षता आंदू। उंदी विशेष परिस्थिति लोप्पा विपरित तत्व लोप्पा एकरूपता मंदिता अदिन काजे अव उंदी इकाई लोप्पा सह-अस्तित्व ता स्थिति ते मंदा परिंतांग ओसो उंदी दूसरा लोप्पा बदलेमाया परिंतांग; इद वेन्ने अंतरविरोध ता विशिष्टता ओसो सापेक्षता मंता। मति विपरित तत्व नड्मा संघर्ष लगातार ताकिंता; इद संघर्ष अस्के वेन्ने ताकसोर मंदिता

विपरित तत्व सह-अस्तित्व ता स्थिति लोप्पा मंदिता, अस्के ओरु उंदी दूसरा लोप्पा रूपान्तरित आंता, ओसो खासकर अविना उंदी दूसरा लोप्पा रूपान्तर आयना, अद समय ते इद संघर्ष ओसो ज्याद स्पष्ट रूप ते व्यक्त आंता; इद वेन्ने अंतरविरोध ता सार्वभौमकता ओसो निरपेक्षताए मंता। अंतरविरोध ता विशिष्टता ओसो सापेक्षता ता अध्ययन कियानास्के मना किन प्रधान अंतरविरोध ओसो अप्रधान अंतरविरोध ता फर्क किन ओसो अंतरविरोध ता प्रधान पहलू ओसो अप्रधान ता फर्क किन ध्यान ते तासना; अन्तविरोध ता सार्वभौमिकता ओसो अंतरविरोध लोप्पा मंदाना विपरित तत्व ता संघर्ष ता अध्ययन कियानास्के मना किन संघर्ष ता विभिन्न रूप कुना भेद किन ध्यान तासना। लेवेके माटु गलतिंग कीतोमा अध्ययन कीसि माटु पोरो वेहता जरूरी पोल्लोंग किन सही तरीका ते समझेमायना, अस्के माटु अव कठमुल्लावादी विचार किन चकनाचूर किया परिंतोम, अद मार्क्सवाद-लेनिनवाद ता बुनियादी उसूल कुना विरुद्ध मंता ओसो मना क्रांतिकारी कान काजे नुकसानदायक मंदिता; ओसो संगेने व्यावहारिक अनुभव हासिल मंदाना कामरेड्स मना अनुभव किन उसूल कुना रूप ते सुधरे किया परिंतोमा ओसो अनुभववादी गलतिंग किन दोबारा कियमूडायो आंता। अन्तरविध ता नियमकुना अध्ययन ते माटु इव उचुन साधारण निष्कर्ष कुना पोरो एवतद मंता।

नोट

1. वी.आई.लेनिन, “दार्शनिक नोटबुक” “हेगेल ना रचना ‘दर्शन-शास्त्र ता इतिहास’ ता पहला ग्रन्थ लोप्पा ‘एलियावादी विचार-शाखा’ ता बारे ते।”
2. वी.आई. लेनिन “द्वन्द्ववाद ता सवाल ता बारे ते” पोरोल ता लेख लोप्पा वेहतोर: “उंदी इकाई ता रेंडु विभाजन ओसो ताना आपसी विरोधी अंश कुना ज्ञान द्वन्द्ववाद ता सार तत्व आंदू।” “हेगेल ना रचना ‘तर्क-विज्ञान’ ता रूपरेखा” पोरोल ता रचना लोप्पा ओरु रास्तोर: “सापेक्ष लोप्पा, द्वन्द्ववाद किन विपरित तत्व ना एकरूपता ता सिद्धांत इत्तोर। इद्रम इत्तेके ताना रिजल्ट पकड़ ते वांता, मति स्पष्टीकरण कियाना ओसो अदिना पूरा कियाना जरूरत मंदिता।”
3. वी.आई. लेनिन, “द्वन्द्ववाद ता सवाल ता बारे ते”।

4. हान वंश लोप्पा कनफ्यूशियसवाद ता वरोर वेल्ले बेहरा व्याखाकर तुंग चुंग-शू (179-104 ई.पू.) सम्राट हान ऊ ती किन इत्तोर: “ताओ व्योम तल पुटता: व्योम बदलेमायो, अद्रमे ताओ वेन्ने बदलेमायो”। “ताओ” प्राचीन चीन लोप्पा दर्शन-शास्त्र ता विद्वान लोर इस्तेमाल कित्ता परिभाषित शब्द आंदू इत्तेके “सिद्धांत” या “नियम”।
5. वी.आई. लेनिन, “द्वन्द्ववाद ता सवाल ता बारे ते”।
6. फ्रेडरिक एंगेल्स, “द्वन्द्ववाद। परिमाण ओसो गुण”-“ड-यूहरिंग मत खण्डन”, पहली भाग ता 12 वा अध्याय।
7. वी.आई.लेनिन, “द्वन्द्ववाद ता सवाल ता बारे ते”।
8. वी.आई. लेनिन, “कम्युनिज्म” (12 जून 1920। ओसो (चीन ता क्रांतिकारी युद्ध ता रणनीतिक समस्यांग”, नोट 10।
9. “सुन चि” पोरोल ता पुस्तक ता तीसरा अध्याय, “आक्रमण ता रणनीति”।
10. वेइ चंग (580-643 ई.) थांग ता वरोर बेहरा राजनीतिज्ञ ओसो इतिहासकार मत्तोर। इद लेख लोप्पा वेहतोर “चि च थुंग च्येन” पोरोल ता किताब 192 खंड ते उद्धृत कित्ताद मंता।
11. “श्वेइ हू च्वान” (कछार ते वीर) पोरोल ता उंदी चीनी उपन्यास मंता ताना लोप्पा उत्तरी सुंग वंश ता आखरी काल ता उंदी किसान युद्ध ता बारे ते वेहतोर। ल्यांगशानपो लोप्पा किसान विद्रो ता नेता ओसो उपन्यास ता नेता सुंग च्यांग तन्ना अड्डा बने कीसि मत्तोर ओसो चू नाटेना ल्यांगशानपो हेरे मत्ता। इद नाटेना मुखिया चू छाओ-फंग वरोर निरंकुश जर्मीदार मत्तोर।
12. वी.आई.लेनिन, “ट्रेड यूनियन, वर्तमान, परिस्थिति ओसो त्रात्सकी, बुखारिन ना गलतिंग पोरो ओसो उंदी बेरा विचार”।
13. वी.आई.लेनिन, “बाता कियाना?”, अध्ययन 1, परिच्छेद 4।
14. वी.आई.लेनिन, “हेगेल ना रचना ‘तर्क-विज्ञान’ ता रूपरेखा”।
15. “शान हाए चिंग” (मेट्टांग ओसो सागर कुना पुस्तक) युद्ध ताकना राज्य (403-221 ई.पू.) कालम ते रास्ताद मत्ता। ख्वा फू “शान हाए चिंग” लोप्पा वेहता वरोर ऋषि ना पोरोल मत्ता “शान हाए चिंग” ना “हाए वाए पेइ चिंग” खंड लोप्पा रास्तोर: “ख्वा फू पोडुदु ना पेरक एरसी मत्तोर। पोडुद अरतास्के पक्काए एर उंडा वेस्ता ओसो पीली डोड्डा, वेइश्वेइ डोड्डा ते एर उंजोर मत्तोर। पीली डोड्डा, वेइश्वेइ डोड्डा ता एर उंडाला काजे हालो, अस्के अद ‘महासरोवर’ लोप्पा एर उंडाला काजे उत्तर बगिल हत्ता। मति ‘महासरोवर’ हेरे एवना मुन्ने हरदेने डोलतोर। ओरु तन्ना लाठि (बड़गा) वाटसितोर, अद्रमासी ‘तंग’ पोरोल ता उंदी जंगल बनेमाता।”

16. ई प्राचीन चीन ता पाड़ना पीटो लोप्पा वरोर प्रसिद्ध वीर मत्तोर। “पोड़दु किन हौकना” ओना विल-काड़ी विद्या ता बारे ते उंदी मशहूर कहानी मंता। “ह्वाए नान चि” पोरोल ता किताब लोप्पा, सम्पादक हान वंश ता ल्यू आन (ईसापूर्व दूसरा शताब्दी ता उंदी अभिजात वर्गीय मानेय) मत्तोर, ओरु रास्तोर: “सम्राट याओ ना शासन-काल ते मोय्योल पोरो दस पोड़दु पेसिंता। अविना कारण ते फसल ओसो मर्रा-पोदला किन वेल्ले नुकसान आता ओसो जनता किन गाटो दोरकिता। इदे आयवा, रक-रकम ता जावनवर वेन्ने जनता किन नुकसान कितांग। अदिन काजे सम्राट याओ ई किन आदेश हीतोर.. ओसो ई मोय्योल तल पोड़दु किन होकतोर ओसो जमीन पोरो रक-रकम ता जानवर किन हौकतोर।..... अद्रमासी जनता किन वेल्ले आराम दोरकता सो जनता खुश आता।” पूर्वी हान वंश ना वांग यी (ईसा ता दूसरा शताब्दी ता वरोर लेखक) छवी य्वान रास्ता “मोय्योल किन पूछेमायना” पोरोल ता कविता काजे रास्ता टिप्पणी लोप्पा वेहतोर: “ह्वाए नान चि’ ना अनुसार सम्राट याओ ना शासन काल लोप्पा मोय्योल पोरो दस पोड़दु उंदी बेरा पेसिंता। अविना कारण ते फसल ओसो मर्रा-पोदला किन वेल्ले नुकसान आंता। सम्राट याओ ई किन आदेश हीतोर कि ओरु अविन हौकना इंजी। ई दस पोड़दुकुनगडल दस नौ पोड़दु किन हौकतोर... केवल उंदी किन विडस्तोर।”
17. “शी यओ ची” (पच्छिम ता तीर्थयात्रा) सोलावी शताब्दी लोप्पा रास्तद मत्ता उंदी पौराणिक उपन्यास मंता, अदिना नायक सुन ऊ-खंग पोरोल ता वानरराज मत्ता। ताना लोप्पा बहत्तर रूप, पिट्टे, मर्रा-पोदला ओसो बंडा लेक्काटव, एतना शक्ति मंता।
18. कार्ल मार्क्स, “राजनीतिक अर्थशास्त्र ता समालोचना ता भूमिका”।
19. वी.आई.लेनिन, “द्वन्द्ववाद ता सवाल ता बारे ते”।
20. इद वाक्य ता प्रयोग पहली बेरा ईसा ता पहली शताब्द ता प्रसिद्ध इतिहासकार पानकू रास्ता, “हान वंश ना मुन्नेटा इतिहास” लोप्पा आता। ताना पेरेके इद चीन ता उंदी लोकप्रिय बनामाता।
21. वी.आई. लेनिन, “द्वन्द्ववाद ता सवाल ता बारे ते”।
22. वी.आई.लेनिन, “द्वन्द्ववाद ता सवाल ता बारे ते”।
23. वी.आई.लेनिन, “एन.आई.बुखारिन ना रचना ‘संक्रमणकालीन अर्थशास्त्र’ पोरो टिप्पणी”।



**SELECTED WORKS OF
MAO Tse Tung
VOL. I**

GONDI

Translation by
JANI

2020

Jangom
press

